


5c.24.1



ARA 1768

M. T. CICERONIS
OPERA OMNIA
TOM. VIII.

M. TVLLII
CICERONIS
OPERA

EX RECENSIONE

CHRIST. GODOFR. SCHÜTZII

ADDITIS COMMENTARIIS



TOMVS OCTAVVS



AVGVSTAE TAVRINORVM

EX TYPIS IOSEPHI POMBA

ANNO MDCCCLXVII.



M. TVLLII CICERONIS
ORATIONES
TOM. V.

M. ANTONIVM

PHILIPPICA OCTAVA

I.

Confusius hesterno die est acta res, C. Pansa, quam postulabat institutum consulatus tui. Parum mihi visus es eos, quibus cedere non soles, sustinere. Nam quum senatus ea virtus fuisset, quae solet; et quum re viderent omnes esse bellum, quidamque id verbum removendum arbitrarentur: tua voluntas in discessione fuit ad lenitatem propensior. Victa est igitur propter verbi asperitatem, te auctore, nostra sententia. Vicit L. Caesaris, amplissimi viri, qui verbi atrocitate dempta, oratione fuit, quam sententia, lenior. Quamquam is quidem, antequam sententiam diceret, propinquitatem excusavit. Idem fecerat, me consule, in sororis viro, quod hoc tempore in sororis filio, ut et luctu sororis moveretur, et saluti reipublicae provi-

Confusius) Minus considerate, quam decuit a consule, praesertim eo, quem te ad eam diem praeheras. **MAN.**

Est acta res) *Acta res est* coni. Lambin.

In discessione) Discessit in eam partem Pansa, cui tumultum potius, quam bellum, vocari placebat: eumque senatus pars maior sequuta est. **MAN.**

Propter verbi asperitatem) Olim edebatur *victa igitur est propter as-*

peritatem. Sed verbi addendum esse vidit Fœrnus.

Amplissimi viri) Sic MSS. meliores et edd. vetl. altera lectio postea vulgata *L. Caesar amplissimus vir* et ipse lumen in MSS. est ut Guelf.

Propinquitatem) Nam Antonii mater ei soror erat. **MAN.**

In sororis viro) Lentulo, qui, Cicerone consule, cum aliis confuratis in carcere, senatus iussu strangulatus est. **Id. Philipp. II, 6.**

deret. Atque ipse tamen Caesar praecepit vobis quodammodo, Patres conscripti, ne sibi assentiremini, quum ita dixit, aliam sententiam se dicturum fuisse, eamque se ac republica dignam, nisi propinquitate impediretur. Ergo ille avunculus. Num etiam vos avunculi, qui illi estis assensi?

II. At in quo fuit controversia? Belli nomen ponendum in sententia quidam non putabant: tumultum appellare malebant, ignari non modo rerum, sed etiam verborum. Potest enim esse bellum sine tumultu: tumultus esse sine bello non potest. Quid est enim tumultus, nisi perturbatio tanta, ut maior timor oria-
tur? Vnde etiam nomen ductum est tumultus. Itaque maiores nostri, tumultum Italicum, quod erat domesticum; tumultum Gallicum, quod erat Italiae finitimus, praeterea nullum nominabant. Gravius autem tumultum esse, quam bellum, hinc intelligi licet, quod bello vacationes valent, tumultu non valent. Ita fit, quemadmodum dixi, ut bellum sine tumultu possit, tumultus sine bello esse non possit. Etenim quum inter bellum et pacem medium nihil sit, necesse est, tumultum, si belli non sit, pacis esse. Quo quid absurdius dici aut existimari potest? Sed nimis multa de verbo: rem potius videamus, Patres conscripti, quam quidem intelligo verbo fieri interdum deteriorem solere. Nolumus hoc bellum videri. Quam igitur municipiis et coloniis ad excludendum Antonium auctoritatem da-

Et maior timor oriatur) Quintilianus VII, 3, 25, sic: *quid enim est aliud tumultus nisi perturbatio tanta ut maior timor oriatur. Vnde etiam nomen ductum est tumultus.* Sed Ianus Douso probante I. Gerh. Vossio reponendum putabat ut *maior timor oriatur.* Sane haec etymologia

probabilior est, quam *tumultum a timore dictum.*

Praeterea nullum) Olim *nullum tumultum.* Sed Faërens alique auctoritate cod. Vatic. omiserunt *tumultum.*

Nolumus) Graev. e cod. Vat. *nolumus.*

mus? quam, ut milites fiant sine vi, sine mulcta, studio et voluntate? quam, ut pecunias in rempublicam polliceantur? Si enim belli nomen tollitur, municipiorum studia tolluntur; consensus populi romani, qui iam descendit in causam, si nos languescimus, debilitetur necesse est. Sed quid plura? D. Brutus oppugnatur: non est bellum? Mutina obsidetur: ne hoc quidem bellum est? Gallia vastatur: quae potest pax esse certior? Illud vero quis potest bellum esse dicere? Consulem, fortissimum virum, cum exercitu misimus, qui quum esset infirmus ex gravi diuturnoque morbo, nullam sibi putavit excusationem esse oportere, quum ad reipublicae praesidium vocaretur. C. quidem Caesar non expectavit nostra decreta, praesertim quum esset illud aetatis: bellum contra Antonium sua sponte suscepit. Decernendi enim tempus nondum erat: belli autem gerendi tempus si praetermisisset, videbat, república oppressa, nihil posse decerni. Ergo illi nunc, et eorum exercitus in pace versantur. Non est hostis is, cuius praesidium Claterna deiecit Hirtius; non est hostis, qui consuli armatus obsistit, designatum consulem oppugnat, nec illa hostilia verba, nec bellica, quae paulo ante ex collegae literis Pansa recitavit: *Deieci praesidium; Claterna potitus sum; fugati equites; proelium commissum; occisi aliquot*. Quae pax potest esse maior? Delectus tota Italia decreti, sublati vacationibus; saga cras sumentur; consul se cum praesidio descensurum dixit.

III. Vtrum hoc bellum non est: an etiam tantum

Potest bellum esse dicere) Olim minus bene legebatur *bellum non esse dicere*. Rectius abest negatio MSS. compluribus. Est enim ironice dictum, quod viderunt Ferrarius et qui eum sequuti sunt.

Illud aetatis) Hoc pro vulg. *illius aetatis* e cod. Vat. receperunt Graev. Eru. post Fabric. et Murclum.

Nondum erat) Sic recentiores e cod. Vat. Vulg. olim *nondum venerat*.

bellum, quantum nunquam fuit? Ceteris enim bellis, maximeque civilibus, contentionem reipublicae causa faciebat. Sulla cum Sulpicio de iure legum, quas per vim latas Sulla dicebat; Cinna cum Octavio de novorum civium suffragiis; rursus cum Mario et Carbone Sulla, ne dominarentur indigni, et ut clarissimorum hominum crudelissimam puniretur necem. Horum omnium bellorum causae ex reipublicae contentione natae sunt. De proximo bello civili non libet dicere; ignoro causam; detestor exitum. Hoc bellum quantum civile geritur (atque omnia in nostram aetatem inciderunt): primum non modo non in dissensione et discordia civium, sed in maxima consensione, incredibileque concordia. Omnes idem volunt, idem defendunt, idem sentiunt. Quum omnes dico, eos excipio, quos nemo civitate dignos putat. Quae est igitur in medio belli causa posita? Nos deorum immortalium templa, nos muros, nos domicilia, sedesque populi romani, penates, aras, focos, sepulcra maiorum; nos leges, iudicia, libertatem, coniuges, liberos, patriam defendimus: contra M. Antonius id molitur, id pugnat, ut haec omnia perturbet, evertat, praedam reipublicae causam belli putet, fortunas partim dissipet, partim disperiat parricidis.

In hac tam dispari ratione belli, miserrimum illud est, quod ille latronibus suis pollicetur, primum domos; urbem enim se divisurum confirmat: deinde omnibus portis, quo velint, deducturum. Omnes Caphones, omnes Saxae, ceteraeque pestes, quae sequuntur Antonium, aedes sibi optimas, hortos, Tusculana, Albana definiunt. Atque etiam homines agre-

Puniretur) MSS. Gu. L. *puniret*.
edd. vett. inde ab Aldo *ulasceret*.
Edd. pr. Rom. Ven. Vic. Br. Med.

medicaretur quod sine dubio vitiosum
erat; *puniri* pro *punire* est etiam in
Miloniana cap. 13. Eas.

stes, si homines illi, ac non pecudes potius, inani spe ad aquas usque et Puteolos provehuntur. Ergo habet Antonius, quod suis polliceatur. Quid nos? num quid tale habemus? Dii meliora. Id enim ipsum agimus, ne quis posthac eiusmodi quidquam possit polliceri. Invitus dico, sed dicendum est. Hasta Caesaris, Patres conscripti, multis improbis et spem affert, et audaciam. Viderunt enim, ex mendicis fieri repente divites: itaque hastam semper videre cupiunt ii, qui nostris bonis imminet; quibus omnia pollicetur Antonius. Quid nos? nostris exercitibus quid pollicemur? Multo meliora atque maiora. Scelerum enim promissio, et iis, qui expectant, perniciosa est, et iis, qui promittunt. Nos nostris militibus libertatem, iura, leges, iudicia, imperium orbis terrae, dignitatem, pacem, otium pollicemur. Antonii igitur promissa, cruenta, tetra, scelerata, diis hominibusque invisae, nec diuturna, nec salutaria: nostra contra, honesta, integra, gloriosa, plena laetitiae, plena pietatis.

IV. Hic mihi etiam Q. Fufius, vir fortis ac strenuus, amicus meus, pacis commoda commemorat. Quasi vero, si laudanda pax esset, ego id aeque commode facere non possem. Semel enim pacem defendi? non semper otio studui? quod quum omnibus bonis utile est, tum praecipue mihi. Quem enim cursum industria mea tenere potuisset, sine forensibus causis, sine legibus, sine iudiciis? quae esse non possunt, civili pace sublata. Sed quaeso, Calene, tu servitutem

Aquas) Baianas.

Ad aquas usque et Puteolos) Sic Faëra. e MS. Olim ad aquas usque Puteolanas.

Hastam semper videre cupiunt) Ex-

dem sententia lib. de Offic. Nec vero unquam bellorum civilium semen, et causa deerit, dum homines perditâ hastam illam cruentam et meminerint, et sperabunt. Lib. II, cap. 8. MAN.

Sed quaeso, Calene) Vulgo ad-

pacem vocas? Maiores quidem nostri non modo, ut liberi essent, sed etiam, ut imperarent, arma capiebant: tu arma abiicienda censes, ut serviamus. Quae causa iustior est belli gerendi, quam servitutis depulsio? In qua etiamsi non sit molestus dominus, tamen est miserrimum, posse, si velit. Immo aliae causae iustae, haec necessaria est. Nisi forte ad te hoc non putas pertinere, quod te socium fore speras dominationis Antonii. In quo bis laberis: primum, quod tuas rationes communibus anteponis; deinde, quod quidquam stabile in regno, aut iucundum putas. Non, si tibi antea profuit, semper proderit. Quinetiam, memini, de illo, homine, queri solebas: quid te facturum de bellua putas? Atqui ais, eum te esse, qui semper pacem optaris, semper omnes cives salvos volueris. Honestas oratio; sed ita, si bonos et utiles reipublicae cives: sin eos, qui natura cives sunt, voluntate hostes, salvos velis, quid tandem interest inter te et illos? Pater quidem tuus, quo utebar sene adolescens, homo severus et prudens, primas omnium civium P. Nasicae, qui Ti. Gracchum interfecit, dare solebat. Eius enim virtute, consilio, magnitudine animi, liberatam rempublicam arbitrabatur. Quid? nos a patribus num aliter accepimus? Ergo is tibi civis, si temporibus illis fuisses, non probaretur, quia non omnes salvos esse voluisset. *Quod L. Opimius consul verba fecit de re publica, de ea re ita censuerunt: VTI OPIMIUS CONSVL REMPVBLICAM DEFENDERET. Senatus haec verbis, Opimius armis. Nunc igitur eum, si*

ditur quid? quod post quaeso in-
commodum esse vidit Ernestius.

Tu arma) Sic Ern. e cod. Leid.
Vulgo *at tu.*

In quo bis laberis) Sic cod. Val.

Leid. recepit Ern. pro vulg. *falleris.*

Atqui ais, cum te esse) Ita Fabr.
e cod. Valic. quod Ern. recepit. Vulgo
atqui is es. Muretus malebat: *Atqui*
vis cum te esse.

tum esses, temerarium civem, aut crudelem putares? aut Q. Metellum, cuius quatuor filii consulares? P. Lentulum, principem senatus, complures alios summos viros, qui cum L. Opimio consule armati Gracchum in Aventinum persecuti sunt? quo in proelio Lentulus grave vulnus accepit; interfectus est Gracchus, et M. Fulvius consularis, eiusque duo adolescentuli filii. Illi igitur viri vituperandi. Non enim cives omnes salvos esse voluerunt.

V. Ad propiora veniamus. C. Mario, L. Valerio, consulibus, senatus rempublicam defendendam dedit: L. Saturninus tribunus plebis, Glaucia praetor, est interfectus. Omnes illo die Scauri, Metelli, Claudii, Catuli, Scaevolae, Crassi, arma sumpserunt. Num aut consules illos, aut clarissimos viros vituperandos putas? Ego Catilinam perire volui. Num tu, qui omnes salvos vis, Catilinam salvum esse voluisti? Hoc interest, Calene, inter meam sententiam, et tuam: ego nolo quemquam civem committere, ut morte multandus sit; tu, etiamsi commiserit, conservandum putas. In corpore si quid eiusmodi est, quod reliquo corpori noceat, uri secarique patimur; ut membrorum aliquod potius, quam totum corpus intereat: sic in reipublicae corpore, ut totum salvum sit, quidquid est pestiferum, amputetur. Dura vox! Multo illa durior: Salvi sint improbi, scelerati, impii; deleantur innocentes, honesti, boni, tota respublica. Vno in homine, Q. Fufi, fateor te vidisse plus, quam me. Ego P. Clodium arbitrabar perniciosum civem,

Principem senatus) Sic editum e cod. Vatic. Vulgo *principem senatorem*.

Membrorum aliquod) Olim vulgabat *aliquid membrorum* Fuérno

e1 Moreto placebat *membrum aliquod*.

Te vidisse plus, quam me) MSS. nonnulli *te plus quam me vidisse*.

Te vidisse plus, quam me) Perspicua ironia. Defensum a Caleno Glo-

sceleratum, libidinosum, impium, audacem, facinorosum: tu contra sanctum, temperantem, innocentem, modestum, retinendum civem et optandum. In hoc uno te plurimum vidisse, multum me errasse concedo.

VI. Nam quod me tecum iracunde agere dixisti solere: non est ita. Vehementer me agere fateor, iracunde nego. Omnino irasci amicis non temere soleo; ne si merentur quidem. Itaque sine verborum contumelia a te dissentire possum; sine animi summo dolore non possum. Parva est enim mihi tecum, aut parva de re dissensio? Ego huic vel illi videlicet faveo, tu illi? Immo vero ego D. Bruto faveo, tu M. Antonio; ego conservari coloniam populi romani cupio, tu expugnari studes. An hoc negare potes, qui omnes moras interponis, quibus infirmetur Brutus, melior fiat Antonius? Quousque enim dices, pacem velle te? Res geritur; conductae vineae sunt; pugnatur acerrime; qui intercurrerent, misimus, tres principes civitatis. Hos contempsit, reiecit, repudiavit Antonius. Tu tamen permanes constantissimus defensor Antonii. Et quidem, quo melior senator videatur, negat se illi amicum esse debere; quum suo magno esset beneficio, venisse eum contra se. Vide, quanta caritas sit patriae. Quum homini sit iratus,

dium, quum de incesto accusatus est, narrat Pedianus pro Milone. MAN.

Nam quod? Recte quod addiderunt Graev. Ern. & cod. Vatic.

Ego huic vel illi videlicet faveo Sic codd. MSS. teste Ferrario; melius quam vulg.: *ego huic videlicet faveo*. Nempe significat, non nunc id agi ac Cicero huic vel illi ignota homini faveat, Antonius illi.

Misimus tres) Diximus legatos ad

Antonium & senatu misit L. Pisonem, L. Philippum, Ser. Sulpicium. MAN.

Quum suo magno esset beneficio) Quum a se magnum Antonius beneficium accepisset. Notandum loquendi genus, quod perquam rarum est. Vetus eo Cicero est in ep. ad Carium 3o, lib. VII *Fam.* alibi nusquam, quod quidem observaverim. In.

tamen reipublicae causa defendit Antonium. Ego te, quum in Massilienses tam sis acerbus, Fufi, non animo aequo audio. Quousque enim Massiliam oppugnabis? Ne triumphus quidem finem fecit belli? per quem lata est urbs ea, sine qua nunquam ex Transalpinis gentibus maiores nostri triumpharunt. Quo quidem tempore populus romanus ingemuit. Quamquam enim proprios dolores suarum rerum omnes habebant, tamen huius civitatis fidelissimae miseriae, nemo erat civis, qui a se alienas arbitraretur. Caesar ipse, qui illis fuerat iratissimus, tamen, propter singularem eius civitatis gravitatem et fidem, quotidie aliquid iracundiae remittebat: te nulla sua calamitate civitas satiare tam fidelis potest? Rursus me iam irasci fortasse dices. Ego autem sine iracundia dico, ut omnia, nec tamen sine dolore: Neminem illi civitati inimicum esse arbitror, qui amicus sit huic civitati. Exco- gitare, quae tua ratio sit, Calene, non possum. Antea detertere te, ne popularis esses, non poteramus: nunc exorare, ut sis popularis, non possumus. Salis multa cum Fufio, ac sine odio omnia, nihil sine dolore. Credo autem, qui generi querelam moderate fetat, aequo animo laturum amici.

VII. Venio nunc ad reliquos consulares, quorum est nemo (iure hoc meo dico), qui non mecum habeat aliquam coniunctionem gratiae; alii maximam,

Massiliam oppugnabis) Oppugnabat eorum commoda: nam in senatu actum esse ut iis redderentur adempta a Caesare, facile est intelligere ex iis Antonii verbis, quae recitantur Phil. XIII, 15. Massilienses proficiscenti in Hispanias Caesari, civitatis suae portas clausuerant. Max.

Per quem lata) Lata e Vat. recte repositum a Mureto, Graev. Eru.

Frustra ineptam scripturam sublata defendit Gruter. In Caesaris triumpho Gallico urbis Massiliae simulacrum latum est.

Generi) Intelligendus *Pansa*, qui filium Fufii Caleni in matrimonio habebat, et quae ob causam, eum praecipuo loco, pietatis causa, sententiam rogaret. Vid. Or. X, cap. 1. Eru.

alii mediocrem; nemo nullam. Quam hesternus dies nobis, consularibus dico, turpis illuxit! Iterum legatos? Quid? ille faceret inducias? Ante consulem, oculosque legatorum, tormentis Mutinam verberavit; opus ostendebat, munitionemque legatis; ne punctum quidem temporis, quum legati adessent, oppugnatio respiravit. Ad hunc legatos? cur? an ut eorum reditu vehementius pertimescatis? Equidem quum antea legatos decerni non censuissem, hoc me tamen consolabar, quod quum illi ab Antonio contempti et reiecti revertissent, dixissentque senatui, non modo illum e Gallia discessisse, uti censuissemus, sed ne a Mutina quidem recessisse, potestatem sibi D. Bruti conveniendi non fuisse: putabam fore, ut omnes inflammati odio, excitati dolore, armis, equis, viris D. Bruto subveniremus. Nos etiam languidiores facti sumus, postquam Antonii non solum audaciam et scelus, sed etiam insolentiam superbiamque perspeximus. Utinam L. Caesar valeret, Servius Sulpicius viveret! multo melius haec causa ageretur a tribus, quam nunc agitur ab uno. Dolenter hoc dicam potius, quam contumeliose. Deserti, deserti, inquam, sumus, Patres conscripti, a principibus. Sed, ut saepe iam dixi, omnes in tanto periculo, qui recte et fortiter sentient, erunt consulares. Animum nobis afferre legati debuerunt; timorem attulerunt: quamquam

Oculosque) Ita legendum esse recte censuit F. Vrsinus; atque sic habet cod. Franci. In cod. Vatie, erat *ante hos*, unde Ant. Augustinus coniecit scribendum esse *ante os*. Graevius retinuit lectionem *ante consulis oculosque leg.* Esürno placebat *ante os oculosque legatorum*.

Discessisse) Vulgo non *discessisse*. Sed alterum illud non quia sequitur

ne quidem recte auctoritate cod. Vat. deleverunt Græv. Ern.

Non fuisse) Ernestini corrigendum putabat fecisse.

Quamquam mihi quidem nullum) Olim addebatur *unquam timorem*, quæ verba abesse melioribus MSS. testati sunt Ferrar. Muret. Ac sine dubio sunt a glossatore, cui Ernestius fortasse totum illud *quamquam*

mihi quidem nullum; quamvis de illo, ad quem missi sunt, bene existiment; a quo etiam mandata acceperunt.

VIII. Proh, dii immortales! ubi est ille mos virtutisque maiorum? C. Popillius, apud maiores nostros, quum ad Antiochum regem legatus missus esset, et verbis senatus denuntiasset, ut ab Alexandria discederet, quam obsidebat: quum tempus ille differret, virgula stantem circumscripsit; dixitque, se renuntiaturum senatui, nisi prius sibi respondisset, quid facturum esset, quam ex illa circumscriptione excederet. Praeclare: senatus enim faciem secum attulerat, auctoritatem populi romani: cui qui non paret, non ab eo mandata accipienda sunt, sed ipse est totus repudiandus. An ego ab eo mandata acciperem, qui senatus mandata contemneret? aut ei cum senatu quidquam commune iudicarem, qui imperatorem populi romani, senatu prohibente, obsideret? At quae mandata? qua arrogantia? quo stupore? quo spiritu? Cur autem ea legatis nostris dabat, quum ad nos Cotypylam mitteret, ornamentum atque arcem amicorum suorum, hominem aedilicium? si vero tum fuit aedilis, quum eum iussu Antonii in convivio servi publici loris ceciderunt.

IX. At quam modesta mandata! Ferrei sumus, Patres conscripti, qui quidquam huic negemus. *Vtramque provinciam*, inquit, *remitto; exercitum depono; privatus esse non recuso*. Haec sunt enim verba. Redire ad se videtur. *Omnia obliviscor, in gratiam redeo*. Sed

— nullum tribuendum esse suspicabatur.

Se renuntiaturum) Vulgo olim se non ante renuntiaturum. Sed illud non ante Faërn. aliique deleverunt. Abest etiam MSS. Leid.

Populi romani) Sic Faërn. Græv. id. Ern. MS. Leid. Vulgo. olim *reipublicae*.

Non ab eo mandata accipienda sunt) ut ab Antonio Piso et Philippus acceperunt. Lamb.

quid adiungit? *si legionibus meis sex, si equitibus, si cohorti praetoriae praedam agrumque dederitis.* His etiam praemia postulat, quibus ut ignoscatur, si postulet, impudentissimus iudicetur. Addit praeterea, quos ipse cum Dolabella dederit agros, teneant ü, quibus dati sint. Hic est Campanus ager, et Leontinus, quae duo maiores nostri annonae perfugia ducebant. Cavet mimis, aleatoribus, lenonibus; Caphoni etiam, et Saxae cavet; quos centuriones pugnaces et laceratos inter mimorum et mimarum greges collocavit. Postulat praeterea, *ut chirographorum et commentariorum sua collegaeque sui decreta mancant.* Quid laborat, ut habeat, quod quisque mercatus est, si, quod accepit, habet qui vendidit? *Et ne tangantur rationes ad Opis:* id est, ne septies millies recuperetur. *Ne fraudi sit septemviris, quod egissent.* Nucula hoc, credo, admonuit. Verebatur fortasse, ne amitteret tantas clientelas. Caveri etiam vult iis, qui secum sunt, *quidquid contra leges commiserint.* Mustelae et Tironi prospicit: de se nihil laborat. Quid enim commisit unquam? num aut pecuniam publicam attigit, aut hominem occidit, aut secum habuit armatos? Sed quid est, quod de iis laboret? Postulat enim, *ne sua iudiciaria lex abrogetur.* Quo impetrato, quid est quod metuat? an ne suorum aliquis a Cyda, Lysiade, Curio condemnnetur? Neque tamen nos urget mandatis pluribus; remittit aliquantum, et relaxat.

Praedam) Ern. coni. *praemia.*

Quos ipse) Faëru. Graev. ut quos.

Chirographorum) Caesaris, in quibus fugebat Antonius esse multa, quae non erant. MAN.

Habet qui vendidit) Vulgo legebatur: *si quid accepit, habeat, qui vendidit.* Sed auctore Faëruo, Graev.

Ern. ediderunt *si, quod accepit, habet qui vendidit* scil. sensu: *si qui vendidit* i. e. Antonius habet, quod accepit i. e. pecuniam.

Ne amitteret tantas clientelas) quantas sibi agrorum divisione perpererat. MAN.

Galliam, inquit, togatam remitto, comatam postulo. Otiosus videlicet esse mavult. *Cum sex legionibus, inquit, iisque suppletis ex D. Bruti exercitu, non modo ex delectu suo: tamdiuque ut obtineat, quamdiu M. Brutus, C. Cassius, consules, prove coss. provincias obtinebunt.* Huius comitiis C. frater (eius est enim iam annus) iam repulsam tulit. *Ipse autem ut quinquennium, inquit, obtineam.* At istud vetat lex Caesaris, et tu acta Caesaris defendis?

X. Haec tu mandata, L. Piso, et tu, L. Philippe, principes civitatis, non dico animo ferre, verum auribus accipere potuistis? Sed, ut suspicor, terror erat quidam; nec vos ut legati apud illum fuistis, nec ut consulares; nec vos vestram, nec reipublicae dignitatem tenere potuistis. Et tamen, nescio quo pacto, sapientia quadam, credo, quod ego non possem, non nimis irati revertistis. Vobis M. Antonius nihil tribuit, clarissimis viris, legatis populi romani. Nos, quid non legato Antonii Cotylae concessimus? Cui portas huius urbis patere ius non erat, huic hoc templum patuit; huic aditus in senatum fuit; hic hesterno die sententias nostras in codicillos, et omnia verba referebat; huic se etiam summis honoribus usi contra di-

(1) Assentior Lambino totam hoc huius comitiis—repulsam tulit aliunde intrusum statuenti. In cod. Vatic. ita legebatur huius comitiis C. frater, eius est enim iam annus ut repulsam tulit; pro quo Antonius Augustinus opinabatur legendum: « Lucius comitiis consul fiat »; iure, est enim iam annus ut repulsam tulit, ut priora quatuor verba Antonii sint; quae vero sequuntur Ciceronis per ironiam Antonio assentientis. Vrsinus malebat: Binis comitiis L. frater (est enim idem annus) iam repulsam tulit. Sed

his omnibus nihil efficitur, ut nobis persuadeamus haec verba hic suo loco posita esse. Male enim iulerrumpuit seriem orationis. Verba ipse autem ut quinquennium obtineam, cohaerent cum antecedentibus de Gallia comata cum sex legionibus tamdiu obtinendo, quam diu Brutus et Cassius provincias suas obtineant.

Non dico animo ferre) Ant. Augustinus emendabat non dico annos ferre. Muretus vero: non dico aequo animo ferre.

gnitatem suam venditabant. O dii immortales! quam magnum est, personam in republica tueri principis! quae non animis solum debet, sed etiam oculis servire civium. Domum recipere legatum hostium, in cubiculum admittere, etiam seducere, hominis est, nihil de dignitate, nimium de periculo cogitantis. Quod autem est periculum? Nam si maxime in discrimen venit, aut libertas parata est victori, aut mors exposita victo: quorum alterum optabile est, alterum effugere nemo potest. Turpis autem fuga mortis, omni est morte peior. Nam illud quidem non adducor ut credam, esse quosdam, qui invideant alicuius constantiae, qui labori, qui, eius perpetuam in republica adiuvanda voluntatem et a senatu et a populo romano probari, moleste ferant. Omnes id quidem facere debebamus; eaque erat non modo apud maiores nostros, sed etiam nuper summa laus consularium, vigilare, adesse animo, semper aliquid pro republica aut cogitare, aut facere, aut dicere. Ego Q. Scaevolam augurem memoria teneo, bello Marsico, quum esset summa senectute, et perditam valitudine, quotidie, simul atque luceret, facere omnibus conveniendi sui potestatem; neque eum quisquam illo bello vidit in lecto; senexque et debilis, primus veniebat in curiam. Huius industriam maxime quidem

Venditabant) Quum alii legatos iterum mittendos censerent, alii belli nomen repudiarent, ut Antonio, rem gratam facerent. Ffian.

Etiam seducere) Cum alloqui. Vt *Fam.* I, 9, et *Orat.* I, 56.

Si maxime in discrimen venit) Sic Ffian. emendavit vulgatam lectionem nam si maximum in discrimen venietur. Et venit quidem de dñl e cod. Vatic. maxime vero suo

indicio usus.

Exposita) *Proposita* cod. Vatic. quod praelulerant Ffian. Murel. Gr.

Qui labori) Sic Ffian. Ern. e cod. Vatic. Vulgo alim laboribus.

Aut cogitare aut facere) Sic in cod. Vatic. quum vulgo legeretur *aut facere aut dicere*. Hac autem lectione recepta necesse erat cogitare vulgo post vigilare positum delere; quod viderunt Ffianus et Graevius.

vellem, ut imitarentur ii, quos oportebat; secundo autem loco, ne alterius labori inviderent.

XI. Etenim, Patres conscripti, quum in spem libertatis sexennio post simus ingressi, diutiusque servitutem perpassi, quam captivi frugi et diligentes solent: quas vigilias, quas sollicitudines, quos labores, liberandi populi romani causa, recusare debemus? Equidem, Patres conscripti, quamquam hoc honore usi, togati esse solent, quum est in sagis civitas, statui tamen, a vobis, ceterisque civibus, in tantâ atrocitate temporis, tantaque perturbatione reipublicae non differre vestitu. Non enim ita gerimus nos hoc bello consulares, ut aequo animo populus romanus visurus sit nostri honoris insignia: quum partim e nobis ita timidi sint, ut omnem populi romani beneficiorum memoriam abiecerint; partim ita a republica aversi, ut huic se hosti favere prae se ferant: legatos nostros ab Antonio despectos esse et irrisos facile patiantur; legatum Antonii sublevatum velint. Hunc enim reditu ad Antonium prohiberi negabant oportere, et in eodem excipiendi sententiam meam corrigebant. Quibus geram morem. Redeat ad imperatorem suum Varius, sed ea lege, ne unquam Romam revertatur. Ceteris autem, si errorem suum deposuerint, et cum republica in gratiam redierint, veniam et impunitatem dandam puto.

Quas ob res ita censeo: Eorum, qui cum M. Antonio sunt, qui ab armis discesserint, et aut ad A. Pansam, aut ad C. Hirtium, consules, aut ad Decimum

Sexennio post) Scil. quam eam Caesar oppresserat.

Captivi frugi) Fœrn. e cod. Vat. captivi servi frugi.

Reipublicae) Sic e cod. Vat. Fœrn.

Græv. Ern. pro vulg. populi romani.

Hunc enim reditu) Recte sic Fœrn. correxit e cod. Vulic. vulg. huic enim reditum eumque secuti sunt Græv. Ern.



Brutum, imperatorem, consulem designatum, aut ad C. Caesarem pro praetore, ante Idus Martias primas adierint, iis fraudi ne sit, quod cum M. Antonio fuerunt. Si quis eorum, qui cum M. Antonio sunt, fecerit, quod honore praemiove dignum esse videatur; uti C. Pansa, A. Hirtius, consules, alter ambove, si eis videbitur, de eius honore praemiove, primo quoque die ad senatum referant. Si quis post hoc senatusconsultum ad Antonium profectus fuerit, praeter L. Varium, senatum existimaturum eum contra rempublicam fecisse.

Idus Martias primas) *Primas* recte interpr. Ferrar. *proximas*; exemplisque compluribus hunc eius verbi

usum confirmavit. Et *primas* olim in nonnullis omissum agnoscunt codd. Vatic. Pal. 2. Colon. Franc. alii.

IN

M. ANTONIVM

PHILIPPICA NONA

I.

Vellem, dii immortales fecissent, Patres conscripti, ut vivo potius Ser. Sulpicio gratias ageremus, quam honores mortuo quaereremus. Nec vero dubito, quin, si ille vir legationem renunciare potuisset, reditus eius et nobis gratus fuerit, et reipublicae salutaris futurus: non quo L. Philippo et L. Pisoni aut studium aut cura defuerit in tanto officio tantoque munere; sed quum Ser. Sulpicius aetate illos anteiret, sapientia omnes, subito ereptus e causa, totam legationem orbam et debilitatam reliquit. Quod si cuiquam iustus honos habitus est in morte legato, in nullo iustior, quam in Ser. Sulpicio, reperietur. Ceteri, qui in legatione mortem obierunt, ad incertum vitae periculum, sine ullo mortis metu profecti sunt: Ser. Sulpicius cum aliqua perveniendi ad M. Antonium spe profectus est, nulla revertendi. Qui quum ita affectus esset, ut, si ad gravem valitudinem labor viae accessisset, sibi ipse dissideret, non recusavit, quo minus vel extremo spiritu, si quam opem reipublicae ferre posset, experiretur. Itaque non illum vis hie-mis, non nives, non longitudo itineris, non asperitas

(Sapientia omnes) Sic Manut. Faern. Lambin. e cod. Vatic. Olim erat *omni*, quod Graev. reliquit, vel *omnibus*.

viarum, non morbus ingravescens retardavit: quumque iam ad congressum colloquiumque eius pervenisset, ad quem erat missus, in ipsa cura et meditatione obeundi sui muneris excessit e vita.

II. Vt igitur alia, sic hoc, C. Pansa, praeclare, quod nos ad honorandum Ser. Sulpicium cohortatus es, et ipse multa copiose de illius laude dixisti. Quibus a te dictis, nihil praeter sententiam dicerem, nisi P. Servilio respondendum putarem, qui hunc honorem statuae nemini tribuendum censuit, nisi qui ferro esset in legatione interfectus. Ego autem, Patres conscripti, sic interpretor sensitse maiores nostros, ut causam mortis censuerint, non genus esse quaerendum. Etenim cui legatio ipsa morti fuisset, eius monumentum exstare voluerunt, ut in bellis periculis obirent homines legationis munus audacius. Non igitur exempla maiorum quaerenda, sed consilium est eorum, a quo ipsa exempla nata sunt, explicandum. Lar Tolumnius, rex Veientium, quatuor legatos populi romani Fidenis interemit: quorum statuae in rostris steterunt usque ad nostram memoriam. Iustus honos. Iis enim maiores nostri, qui ob rempublicam mortem obierant, pro brevi vita diuturnam memoriam reddiderunt. Cn. Octavii, clari et magni viri, qui primus in eam familiam, quae postea viris fortissimis floruit, attulit consulatum, statuam videmus in rostris. Nemo tum novitati invidabat; nemo virtutem non ho-

Ad honorandum) Ita plerique codd. MSS. quod recte Ferrat. Fuern. Gronov. Ern. praetulerunt alteri lectioni *ordinandum*.

Ipsa morti fuisset) Sic optimi codd. Olim edebatur *ipsa mortis causa fuisset*.

Lar Tolumnius) Sic Vatic. Leid. et alii, unde iam Faernus et alii edidere

pro vulg. *Lartex*. Alii MSS. habent *Lars*, ut Guelf. quomodo et in Livio editum est in optimis edd. Gronov. et Drakenb. nec consentiunt viri docti, utrum omnino sit rectius. *Lartex* quidem vitiosum est. Significat autem hoc praenomen *dominum*, principem, fuitque commune omnibus regibus. EAM.

norabat. At ea fuit legatio Octavii, in qua periculi suspicio non subesset. Nam, quum esset missus a senatu ad animos regum perspiciendos liberorumque populorum, maximeque, ut nepotem Antiochi regis, eius, qui cum maioribus nostris bellum gesserat, classes habere, elephantos alere prohiberet: Laodiceae in gymnasio a quodam Leptine est interfectus. Reddita est ei tum a maioribus statua pro vita, quae multos per annos progeniem eius honestaret; nunc ad tantae familiae memoriam sola restat. Atqui et huic, et Tullo Cluvio, et L. Roscio, et Sp. Antio, et C. Fulcinio, qui a Veientium rege caesi sunt, non sanguis, qui profusus est in morte, sed ipsa mors ob rempublicam obita, honori fuit.

III. Itaque, Patres conscripti, si Ser. Sulpicio casus mortem attulisset, dolerem quidem tanto reipublicae vulnere; mortem vero eius non monumentis, sed luctu publico honorandam putarem. Nunc autem quis dubitat, quin ei vitam abstulerit ipsa legatio? Secum enim ille mortem extulit: quam, si nobiscum remansisset, sua cura, optimi filii, fidelissimae coniugis diligentia, vitare potuisset. At ille, quum videret, si vestrae auctoritati non paruisset, dissimilem se futurum sui; si paruisset, munus sibi illud pro republica susceptum, vitae finem allaturum: maluit in maximo reipublicae discrimine mori, quam minus, quam potuisset, videri reipublicae profuisse. Multis illi in urbibus, qua iter faciebat, reficiendi se et curandi potestas fuit. Aderat et hospitem invitatio liberalis pro dignitate summi viri, et eorum hortatio, qui una erant missi, ad requiescendum et vitae suae

Sola restat) Recte sic Ern. vulg. restaret.

Tullo Cluvio) Sic editum e cod. Vatic. Vulgo olim *Tullo Cluvio*. Pigbios malebat *L. Iulio*.

consulendum. At ille properans, festinans, mandata vestra conficere cupiens, in hac constantia, morbo adversante, perseveravit. Cuius quum adventu maxime perturbatus esset Antonius, quod ea, quae sibi iussu vestro denuntiarentur, auctoritate erant et sententia Ser. Sulpicii constituta: declaravit, quam odisset senatum, quum auctorem senatus extinctum laete atque insolenter tulit. Non igitur magis Octavium Leptines, nec Veientium rex, eos, quos modo nominavi, quam Ser. Sulpicium occidit Antonius. Is enim profecto mortem attulit, qui causa mortis fuit. Quocirca ad posteritatis etiam memoriam pertinere arbitror, exstare, quod fuerit de hoc bello iudicium senatus. Erit enim statua ipsa testis, bellum tam grave fuisse, ut legati interitus honoris memoriam consequutus sit.

IV. Quod si excusationem Ser. Sulpicii, Patres conscripti, legationis obeundae recordari volueritis, nulla dubitatio relinquetur, quin honore mortui, quam vivo iniuriam fecimus, sarciamus. Vos enim, Patres conscripti (grave dictu est, sed dicendum tamen), vos, inquam, Ser. Sulpicium vita privastis: quem quum videretis re magis morbum, quam oratione excusantem, non vos quidem crudeles fuistis, quid enim minus in hunc ordinem convenit? sed, quum speraretis nihil esse, quod non illius auctoritate et sapientia effici posset, vehementius excusationi obstitistis; atque eum, qui semper vestrum consensum gravissimum iudicavisset, de sententia deiecistis.

Mandata vestra) Recte e MSS. Faërnus hic *vestra* et paulo post *iussu vestro* legendum censuit pro vulg. *nostra* et *iussu nostro*.

Re magis morbum) Optime sic e

cod. Vatic. edidit Faërnus, probantibus Graevio et Ern. Vulgatum olim *se magis morbo*—*excusantem* non est latinum. *Re vero* Manul. bene interpret. *ipsa macie atque imbecillitate*.

Vt vero Pansae consulis accessit cohortatio gravior, quam aures Ser. Sulpicii ferre didicissent, tum vero denique filium, meque seduxit. Atque ita loquutus est, ut auctoritatem vestram vitae suae se diceret anteferre. Cuius nos virtutem admirati, non ausi sumus eius adversari voluntati. Movebatur singulari pietate filius; non multum eius perturbationi meus dolor concedebat: sed uterque nostrum cedere cogebatur magnitudini animi, orationisque gravitati; quum quidem ille, maxima laude et gratulatione omnium vestrum, pollicitus est, se, quod velletis, esse facturum, neque eius sententiae periculum vitaturum, cuius ipse auctor fuisset: quem exsequi mandata vestra properantem, mane postridie prosequuti sumus. Qui quidem discedens, mecum ita loquutus est, ut eius oratio omen fati videretur.

V. Reddite igitur, Patres conscripti, ei vitam, cui ademistis. Vita enim mortuorum in memoria vivorum est posita. Perficite ut is, quem vos ad mortem misistis, immortalitatem habeat a vobis. Cui si statuam in rostris decreto vestro statueritis, nulla eius legationem posteritatis inobscurabit oblivio. Nam reliqua Ser. Sulpicii vita multis erit praeclarisque monumentis ad omnem memoriam commendata. Semper illius gravitatem, constantiam, fidem, praestantem in republica tuenda curam atque prudentiam, omnium mortalium fama celebrabit. Nec vero silebitur admirabilis quaedam et incredibilis, ac paene divina eius in legibus interpretandis, aequitate explicanda, scientia. Omnes, ex omni aetate, qui hac in civitate intelligentiam iuris habuerunt, si unum in locum conferantur, cum Ser. Sulpicio non sint comparandi. Neque

Quem vos ad mortem) Vulgo inse-
rebatur inscit, quod Ernestio glossam

sapere videbatur.

Inobscurabit) cod. Vatic. obscurabit.

enim ille magis iuris consultus, quam iustitiae fuit. Itaque quae proficiscebantur a legibus et a iure civili, semper ad facilitatem aequitatemque referebat; neque instituere litium actiones malebat, quam controversias tollere. Ergo hoc statuae monumento non eget: habet *illa* maiora. Haec enim statua mortis honestae testis erit; illa, memoria vitae gloriosae: ut hoc magis monumentum grati senatus, quam clari viri futurum sit. Multum etiam valuisse ad patris honorem pietas filii videbitur: qui quamquam afflictus luctu non adest, tamen sic animati esse debetis, ut si ille adesset. Est autem ita affectus, ut nemo unquam unici filii mortem magis doluerit, quam ille moeret patris. Equidem etiam ad famam Ser. Sulpicii filii arbitror pertinere, ut videatur honorem debitum patri praestitisse. Quamquam nullum monumentum clarius Ser. Sulpicius relinquere potuit, quam effigiem morum suorum, virtutis, constantiae, pietatis, ingenii, filium: cuius luctus aut hoc honore vestro, aut nullo solatio levare potest.

VI. Mihi autem recordanti Ser. Sulpicii multos in nostra familiaritate sermones, gratior illi videtur, si quis est sensus in morte, aenea statua futura, et ea pedestris, quam inaurata equestris: qualis est L. Sullae prima statua. Mirifice enim Ser. Sulpicius maiorum continentiam diligebat, huius seculi insolentiam vituperabat. Vt igitur si ipsum consulam, quid velit, sic pedestrem ex aere statuam, tanquam ex eius auctoritate et voluntate, decerno: quae quidem

Neque instituere) Sic e cod. Vatic. Faërn. Mur. Lamb. Manut. Ern. At Gruterus cum prioribus *constituere*.

Illa maiora) Bene sic correxit Ern. Vulg. *alia maiora*.

Pertinere) Ita e cod. Vatic. ediderunt Faërn. Mutet. Lambin. Graev. Ern. Vulgo *attinere*, quod Gruterus servavit.

Mirifice) Sic recte additum e cod. Vatic. Multi olim *magnifice*.

magnum civium dolorem et desiderium honore monummenti minuet et leniet. Atque hanc meam sententiam, Patres conscripti, P. Servilii sententia probari necesse est: qui sepulcrum publice decernendum Ser. Sulpicio censuit, statuam non censuit. Nam si mors legati sine caede atque ferro nullum honorem desiderat: cur decernit honorem sepulturae, qui maximus haberi potest mortuo? Sin id tribuit Ser. Sulpicio, quod non est datum Cn. Octavio; cur, quod illi datum est, huic dandum esse non censet? Maiores quidem nostri statuas multis decreverunt, sepulcra paucis. Sed statuæ intereunt tempestate, vi, vetustate; sepulcrorum autem sanctitas in ipso solo est, quod nulla vi moveri, neque deleri potest. Atque, ut cetera extinguuntur, sic sepulcra fiunt sanctiora vetustate. Augeatur igitur isto etiam honore is vir, cui nullus honor tribui non debitus potest; grati simus in eius morte decoranda, cui nullam iam aliam gratiam referre possumus. Notetur etiam M. Antonii, nefarium bellum gerentis, scelerata audacia. His enim honoribus habitis Ser. Sulpicio, repudiatae reiectaeque legationis ab Antonio manebit testificatio sempiterna.

VII. Quas ob res ita censeo: Quum Ser. Sulpicius, Q. F., LEMONIA, Rufus, difficillimo reipublicae tempore, gravi periculosoque morbo affectus, auctoritatem senatus, salutemque reipublicae vitae suae praeposuerit, contraque vim gravitatemque morbi contenderit, ut ad castra Antonii, quo senatus eum miserat, perveniret; isque, quum iam prope castra venisset, vi morbi oppressus, vitam amiserit in maximo reipublicae munere; eiusque mors consentanea vitae fue-

Lemonia) Pro, ex Lemonia tribu,

rit, sanctissime honestissimeque actae, in qua saepe magno usui reipublicae Ser. Sulpicius, et privatus, et in magistratibus, fuerit: * Senatui placere, Ser. Sulpicio statuam pedestrem aeneam in rostris ex huius ordinis sententia statui, circumque eam statuam locum gladiatoribus liberos posterosque eius quoquo versus pedes quinque habere, quod is ob rempublicam mortem obierit, eamque causam in basi inscribi; utique C. Pansa, A. Hirtius, consules, alter ambove, si eis videatur, quaestoribus urbanis imperent, ut eam basim statuamque faciendam et in rostris statuendam locent; quantique locaverint, tantam pecuniam redemptori attribuendam solvendamque curent. Quumque antea senatus auctoritatem suam in virorum fortium funeribus ornamentisque ostenderit, placere, eum quam amplissime supremo die suo efferri. Et, quum Ser. Sulpicius, Q. F., Lemonia, Rufus, ita de republica meritis sit, ut his ornamentis decorari debeat: Senatum censere, atque e republica existimare, aediles curule edictum, quod de funeribus habeant, Ser. Sulpicii, Q. F., Lemonia, Rufi, funeri remittere; utique locum sepulcro in campo Esquilino C. Pansa consul, seu quo alio in loco videatur, pedes triginta quoquo versus adsignet, quo Ser. Sulpicius inferatur. Quod sepulcrum, ipsius, liberorum, posterorumque eius sit, uti quod optimo iure sepulcrum publice datum est.

Et in magistratibus, fuerit) Verba hic vulgo inserta quum talis vir ob rempublicam in legatione mortem obierit, quae nihil habent nisi inlicitum

eorum quae dicta erant repetitionem, delevi.

Locum gladiatoribus) Vulg. additur ludusque quod recte suspectum habuit Ernestius.

IN

M. ANTONIVM

PHILIPPICA DECIMA

I.

Maximas tibi, Pansa, gratias, omnes et habere et agere debemus, qui, quum hodierno die senatum te habiturum non arbitraremur, ut M. Bruti, praestantissimi civis, literas accepisti, ne minimam quidem moram interposuisti, quin quam primum maximo gaudio et gratulatione frueremur. Quum factum tuum gratum omni-
bus debet esse, tum vero oratio, qua, recitatis literis, usus es. Declarasti enim, verum esse id, quod ego semper sensi, neminem alterius, qui suae confideret, virtuti invidere. Itaque mihi, qui plurimis officiis sum cum Bruto, et maxima familiaritate coniunctus, minus multa de illo dicenda sunt. Quas enim mihi ipse partes sumpseram, eas praecepit oratio tua. Sed mihi, Patres conscripti, necessitatem attulit paulo plura dicendi, sententia eius, qui rogatus est ante me: a quo ita saepe dissentio, ut iam verear, ne, id quod minime fieri debet, minuere amicitiam nostram videatur perpetua dissensio.

Quod ego semper sensi) Semper in codd. MSS. fere omissum abesse tamen salva sententia non posse viderunt Graev. Ern.

Quas enim mihi ipse partes sumpse-

ram) MSS. Fertur et Gruteri quas enim sententias mihi ipse sumpserum; quod illis sua causa placuit.

Eas praecepit) Hoc recte Graev. Ern. e cod. Vatic. receperunt pro vulg. praeoccupavit.

II. Quae est enim ista tua ratio, Calene? quae mens? qui nunquam post Kalendas Ian. idem senseris, quod is, qui te sententiam primum rogat? Cur nunquam tam frequens senatus fuit, ut unus aliquis tuam sententiam sequutus sit? cur semper tui dissimiles defendis? cur, quum te et vita et fortuna tua ad otium et ad dignitatem invitet, ea probas, ea decernis, ea sentis, quae sunt inimica et otio communi et dignitati tuae? Nam, ut superiora omittam, hoc certe, quod mihi maximam admirationem movet, non tacebo. Quod est tibi cum Brutis bellum? cur eos, quos omnes paene venerari debemus, solus oppugnas? Alterum circumsederi non moleste fers, alterum tua sententia spolias iis copiis, quas ipse suo labore et periculo ad reipublicae, non ad suum praesidium, per se, nullo adiuvante, confecit? Quis est iste tuus sensus, quae cogitatio? Brutos tu non probes, Antonios probes? quos omnes carissimos habent, tu oderis? quos acerbissime omnes oderunt, tu constantissime diligas? Amplissimae tibi

Primum rogat?) Sic cod. Vatic. Guelf. Male lectionem *primum* attulerunt Vrsinus et Graevius. Pansa enim consul *inocerasi* suam Calenum honoris causa *primum* solebat sententiam rogare, si consules designati non adessent.

Tuam sententiam sequutus sit?) Haec lectionem frustra sollicitavit Ernestius. Sensus est: *quamvis frequentissimus senatus fuerit, tamen ne unus quidem sententiam tuam sequutus est.* Simile illud Terentium: *Nunquam tam mane egredior — quin etc.* Heaut. I, 1, 15. Nimirum si infrequens senatus est, fieri facile potest, ut alicuius sententia neminem habeat assentientem. Idem tamen in magna senatorum frequentia vix accidere potest, nisi quis sententiam dixerit

prorsus odiosam et ab omnium sensu abhorrentem. Ceterum Graevius e MS. suo dedit *quum nunquam tam frequens senatus fuerit, quum unus aliquis tuam sententiam sequutus sit.* Fœderius: *unquam tam frequens senatus fuerit quo unus aliquis sententiam tuam sequutus sit.* Ernestius locum ita putabat constitutendum: *quum nunquam, quum tam frequens senatus fuerit, unus aliquis tuam sententiam sequutus sit.*

Quod nisi maximam admirationem movet) Quod me maxima admiratione movet codd. Ferrar. Harl. Pal. 2, Guelf.

Brutos tu non probes) Sic Ern. correxit sine libris. Vulgo: *quis — quas cogitatio; Brutus ut non probes.*

fortunae sunt, summus honoris gradus, filius, ut et audio et spero, natus ad laudem: cui quum reipublicae causa faveo, tum etiam tua. Quaero igitur eum Brutine similem malis, an Antonii? Ac permitto, ut de tribus Antoniis eligas, quem velis. Dii meliora, inquires. Cur igitur non eis faves, quos laudas, quorum similem filium tuum esse vis? Simul enim reipublicae consules, et propones illi exempla ad imitandum. Hoc vero, Q. Fufi, cupio, sine offensione nostrae amicitiae, sic tecum, ut a te dissentiens senator, queri. Ita enim dixisti, et quidem de scripto (nam te inopia verbi lapsum putarem, nisi tuam in dicendo facultatem nossem): literas Bruti recte et ordine scriptas videri. Quid est aliud, librarium Bruti laudare, non Brutum? Vsum in republica, Calene, magnum iam habere et debes et potes. Quando ita decerni vidisti? aut quo senatusconsulto huius generis (sunt enim innumerabilia) bene scriptas literas decretum a senatu? Quod verbum tibi non excidit, ut saepe fit, fortuitu: scriptum, meditaturn, cogitatum attulisti. Hanc tibi consuetudinem plerisque in rebus bonis obtrectandi si quis detraxerit: quid tibi, quod sibi quisque velit, non relinquetur? Quamobrem collige te, placaque animum istum aliquando et mitiga; audi viros bonos, quibus uteris multum; loquere cum sapientissimo homine, genero tuo, saepius, quam ipse tecum: tum denique amplissimi honoris nomen

Quid est aliud? In edd. pr. nonnullis erat *quid est aliud quam l. Br.* Particulam quam quae recte abest cod. Vatic. deleverunt Ferrar. Lambiu. etc.

Aut quo senatusconsulto? Hoc a recentioribus receptum e cod. Vatic. Olim edebatur: aut quod senatusconsultum huius generis? quod quidem facile se iueretur, si postea sic lege-

retur: « Bene scriptas literas! » Quod verbum etc.

Quod sibi quisque velit, non relinquetur? Recte hoc e cod. Vatic. inde a Faëro substitutum pro qui tibi velit obtrectare non relinquetur.

Quibus uteris multum? Manut. et Lamb. quibus uteris multis.

Amplissimi honoris nomen) i. e.

Cic. Op. Tom. VIII

C

obtinebis. An vero hoc pro nihilo putas (in quo equidem pro amicitia tuam vicem dolere soleo) efferri hoc foras, et ad populi romani aures pervenire, ei qui primus sententiam dixerit, neminem assensum? quod etiam hodie futurum arbitror.

III. Legiones abducis a Bruto. Quas? nempe eas, quas ille ab Antonii scelere avertit, et ad rempublicam sua auctoritate traduxit. Rursus igitur vis nudatum illum atque solum a republica relegatum videri. Vos autem, Patres conscripti, si M. Brutum deserueritis et prodideritis, quem tandem civem unquam ornabitis? cui favebitis? Nisi forte eos, qui diadema imposuerint, conservandos; eos, qui regni nomen sustulerint, deserendos putatis. Ac de hac quidem divina atque immortalī laude M. Bruti silebo: quae gratissima memoria omnium civium inclusa, nondum publica auctoritate testata est. Tantamne patientiam, dii boni! tantam moderationem, tantam in iniuria tranquillitatem et modestiam? Qui quum praetor urbanus esset, urbe caruit, ius non dixit, quum omne ius populi romani recuperasset; quumque concursu quotidiano bonorum omnium, qui admirabilis ad eum fieri solebat, praesidioque Italiae cunctae septus posset esse, absens iudicio bonorum defensus esse maluit, quam praesens manu: qui ne Apollinares quidem ludos, pro sua populi romani dignitate apparatus, prae-

viri consularis, consulatus gesti A. V. 707. ENN.

A Bruto) Quia sine S. C. ens comparasset. MAX.

Ab Antonii) A C. Antonii Faſt. c. coniectura.

Regni nomen) Sic cod. Vatic. et Nonius Marcellus in sustulit. Recte. Vulgo olim regis.

Publica auctoritate testata est) Vi-

deri posset hic aliquid intercidisse. Sed si integrum habemus hunc locum, transit paulo abruptior sic cogitatione erit explendus, ut tantamne patientiam proxime referatur ad id, quod Bruti laudibus adhuc publica auctoritas defonnet.

Apollinares quidem ludos) Qui ad curiam praetoris urbani pertinebant. Philipp. 11, cap. 13. MAX.

sens fecit, ne quam viam patefaceret sceleratissimorum hominum audaciae. Quamquam, qui unquam alii ludi laetiores fuerunt? In singulis versibus populus romanus maximo clamore et plausu Bruti memoriam prosequabatur; corpus aberat liberatoris, libertatis memoria aderat; in qua Bruti imago cerni videbatur. At hunc his ipsis ludorum diebus videbam in insula clarissimi adolescentis, Luculli, propinqui sui, nihil nisi de pace et concordia civium cogitantem. Eundem vidi postea Veliae, cedentem Italia, ne qua oriretur belli civilis causa propter se. O spectaculum illud non modo hominibus, sed undis ipsis et litoribus luctuosum! Cedere e patria servatorem eius, manere in patria perditores! Cassii classis paucis post diebus consequebatur: ut me puderet, Patres conscripti, in eam urbem redire, ex qua illi abirent. Sed, quo consilio redierim, initio audistis, post estis experti. Expectatum igitur tempus a Bruto est. Nam quoad vos omnia pati vidit, usus est ipse incredibili patientia. Posteaquam vos ad libertatem sensit erectos, praesidia vestrae libertati paravit.

IV. At cui pesti, quantaque restitit! Si enim C. Antonius, quod animo intenderat, perficere potuisset (potuisset autem, nisi eius sceleri virtus M. Bruti obstitisset), Macedoniam, Illyricum, Graeciam perdidissemus; esset, vel receptaculum pulso Antonio, vel agger oppugnandae Italiae, Graecia; quae quidem

5

Quamquam — In singulis versibus)
Vulgo edebatur *quamquam* qui unquam aut ludi aut dies laetiores fuerunt, quam quum in singulis versibus etc. Fœrnus malebat *fuerunt* *quum* tum? In singulis etc. Graevius probabat lectionem sui codicis qui unquam alii ludi. Ceterum aptius esset

ed sententiam qui unquam alii ludi editori clariores fuerunt.

Perditores!) Ita cod. Vatic. alii-que plures, melius, quam ut in aliis *proditores*. In edit. Mediol. est *perditorem* sc. Antonium.

Abirent) Ernestius coni. *abissent*.

nunc M. Bruti imperio, auctoritate, copiis non instructa solum, sed etiam ornata, tendit dexteram Italiae, suumque ei praesidium pollicetur. Quod qui ab illo abducit exercitum, et respectum pulcherrimum et praesidium firmissimum adimit reipublicae. Equidem cupio, haec quamprimum Antonium audire, ut intelligat, non D. Brutum, quem vallo circumsedet, sed se ipsum obsideri. Tria tenet oppida toto in orbe terrarum; habet inimicissimam Galliam; eos etiam, quibus confidebat, alienissimos, Transpadanos; Italia omnis infesta est; exterarum nationes a prima ora Graeciae usque ad Aegyptum, optimorum et fortissimorum civium imperiis et praesidiis tenentur. Erat ei spes una in C. Antonio: qui duorum fratrum aetatibus mediis interiectus, vitiis cum utroque certabat; qui, tanquam extruderetur a senatu in Macedoniam, et non contra prohiberetur proficisci, ita cucurrit.

V. Quae tempestas, dii immortales! quae flamma, quae vastitas, quae pestis Graeciae fuisset, nisi incredibilis ac divina virtus furentis hominis conatum atque audaciam compressisset? Quae celeritas illa Bruti? quae cura? quae virtus? Etsi ne C. quidem Antonii celeritas contemnenda est, quem nisi in via caducae hereditates retardassent, volasse eum, non iter fecisse

Quod) Faſſus pro quod legendum opinabatur quare. Sed nihil opus.

Tria tenet oppida) Tenebat Bononiam, Regium Lepidi, Parmam. Id cognoscitur ex ep. ad Cassium, Fam. XII, 5. MAX.

A prima ora Graeciae) In cod. Valic. teste Mureto a primo ore Graeciae quod ille vulgato praeferebat.

Ac divina virtus) Sic codd. Ferrarii, Pal. 2. At edd. nonnullae olim virtus Caesaris; male Lambinus edi-

dit virtus M. Bruti Caepionis. Sed optimum est virtus hic absque nomine poni, quum Bruti nomen statim sequatur in verbis quae celeritas illa Bruti?

Caducae hereditates) Quas occupavit, tanquam ad eum pertinerent. Caducae autem hereditates dicebantur, quum heres non exstaret. Quod quum accideret, ad fiscum devolvebantur. MAX.

diceres. Alios ad negotium publicum ire quum cupimus, vix solemus extrudere: hunc retinentes extrusimus. At quid ci cum Apollonia? quid cum Dyrrhachio? quid cum Illyrico? quid cum P. Vatinii imperatoris exercitu? Succedebat, ut ipse dicebat, Hortensio. Certi fines Macedoniae, certa conditio, certus, si modo erat ullus, exercitus: cum Illyrico vero, et cum Vatinii legionibus, quid erat Antonio? At ne Bruto quidem. Id enim fortasse quispiam improbus dixerit. Omnes legiones, omnes copiae, quae ubique sunt, populi romani sunt. Neque hae legiones, quae M. Antonium reliquerunt, Antonii potius, quam rei publicae fuisse dicentur. Omne enim exercitus et imperii ius amittit is, qui eo imperio et exercitu rempublicam oppugnat.

VI. Quod si ipsa respublica iudicaret, aut si omne ius decretis eius statueretur, Antonione, an Bruto legiones populi romani adiudicaret? Alter advolarat subito ad direptionem pestemque sociorum, ut, quacumque iret, omnia vastaret, diriperet, auferret; exercitu populi romani contra ipsum populum romanum uteretur. Alter eam sibi legem statuerat, ut, quocumque venisset, lux venisse quaedam, et spes salutis videretur. Denique alter ad evertendam rempublicam praesidia quaerebat, alter ad conservandam. Nec vero nos hoc magis videbamus, quam ipsi mili-

Alios ad negotium) Sensus est: alii, quos volumus cito ire in provinciam, quas possunt moras interponunt: ille ita festinavit, quasi vi, aut precibus coactus. FRAN.

Hunc retinentes extrusimus) Dicit extrusimus, quia vis illa, qua utebantur in retinendo, valuit apud ipsum ad exeundum. Lectio haec est

e Vatic. Alii scr. et edd. *exclusimus*, quod nihili est. ERN.

Apollonia?) Et Apollonia, et Dyrrhachium erant in Macedonia, quam regebat Q. Hortensius; Illyricum autem Vatinius praecerat. MAX.

Certus, si modo erat ullus, exercitus) Sic e Vatic. editum a Fuérno etc. Vulgo olim *certus etiam erat illius exercitus*.

tes; a quibus tanta in iudicando prudentia non erat postulanda. Cum VII cohortibus isse Apolloniam scribit Antonium, qui iam aut captus est (quod dii dent!) aut certe homo verecundus in Macedoniam non accedit, ne contra senatusconsultum fecisse videatur. Delectus habitus in Macedonia est summo Q. Hortensii studio et industria: cuius animum egregium, dignumque et ipso et maioribus eius, ex Bruti literis perspicere potuistis. Legio, quam L. Piso ducebat, legatus Antonii, Ciceroni se filio meo tradidit. Equitatus, qui in Syriam ducebatur bipertito, alter eum, a quo ducebatur, reliquit in Thessalia, seseque ad Brutum contulit; alterum in Macedonia Cn. Domitius adolescens summa virtute et constantia ab legato Syriaco abduxit. P. autem Vatinius, qui et antea iure laudatus a nobis, et hoc tempore merito laudandus est, aperuit Dyrrhachii portas Bruto, et exercitum tradidit. Tenet igitur populus romanus Macedoniam, tenet Illyricum, tuetur Graeciam; nostrae sunt legiones, nostra levis armatura, noster equitatus, maximeque noster est Brutus, semperque noster, quum sua excellentissima virtute reipublicae natus, tum fato quodam paterni maternique generis et nominis. Ab hoc igitur quisquam bellum timet, qui, antequam nos id coacti suscepimus, in pace iacere, quam in bello vigere maluit? quamquam ille quidem

Isse Apolloniam) In cod. Vatic. esse Apolloniae.

Se filio meo tradidit) Quem Brutus Athenis secum abduxit, eoque legato usus est. Plutarchus in Bruto. MAX.

Alter eum) Quaestorem e cod. Vat. additum Ernestina glossatori tribuit; certe si admittatur deleri vult eum.

Tuetur) Hic quoque tenet MS. Hyn-decop.

Paterni, maternique generis et nominis) Paterni, a L. Bruto, qui reges eiecit: materni, a Servilio Ahala, qui regnum appetentem Sp. Melium sua manu interfecit. MAX.

In pace iacere) Quum Autii, Laevii, Veliae moraretur. ID.

nunquam iacuit, nec hoc cadere verbum in tantam virtutis praestantiam potest. Erat enim in desiderio civitatis, in ore, in sermone omnium. Tantum autem aberat a bello, ut, quum cupiditate libertatis Italia arderet, defuerit civium studiis potius, quam eos in armorum discrimen adduceret. Itaque illi ipsi, si qui sunt, qui tarditatem Bruti reprehendant, tamen iidem moderationem patientiamque mirantur.

VII. Sed iam video, quid loquantur. Neque enim id occulte faciunt. Timere se dicunt, quomodo ferant veterani, exercitum Brutum habere. Quasi vero quidquam intersit inter A. Hirtii, C. Pansae, D. Bruti, C. Caesaris, et hunc exercitum M. Bruti. Nam si quatuor exercitus ii, de quibus dixi, propterea laudantur, quod pro populi romani libertate arma ceperunt: quid est, cur hic M. Bruti exercitus non in eadem causa ponatur? At enim veteranis suspectum est nomen M. Bruti. Magisne quam Decimi? Equidem non arbitror. Etsi est enim Brutorum commune factum, et laudis societas aequa: D. tamen Bruto iratiores sunt hi, qui id factum dolebant, quo minus ab eo rem illam dicebant fieri debuisse. Quid ergo nunc agunt tot exercitus, nisi ut obsidione D. Brutus liberetur? Qui autem hos exercitus ducunt? Hi, credo, qui C. Caesaris res actas everti, qui causam veteranorum prodi volunt.

Ponatur?) Sic cod. Vat. Volgo *reponatur*.

Rem illam dicebant fieri debuisse) Intra Decimum consilia de Caesaris nece eo minus dicebant debuisse, quia Caesar in eum summa beneficia contulisset, quem etiam acripit in secundis heredibus. Suctonius. MAX.

Hi eredo) Minime il quidam, qui acta Caesaris everti velint: quae M. Antonius, quantum in ipso fuit, suis legibus evertit. Id.

Causam veteranorum prodi) Spem fallere veteranorum, qui confirmationem agrorum, quos eis Caesar patet assignaverat, a senatu exspectabant. Id.

VIII. Si ipse viveret C. Caesar, acrius, credo, acta sua defenderet, quam vir fortissimus defendit Hirtius; aut amior causae quisquam potest inveniri, quam filius? At horum alter, nondum ex longinquitate gravissimi morbi recreatus, quidquid habuit virium, id in eorum libertatem defendendam contulit, quorum votis iudicavit se a morte revocatum: alter virtutis robore firmior, quam aetatis, cum istis ipsis veteranis ad D. Brutum liberandum est profectus. Igitur illi certissimi, iidemque acerrimi Caesaris actorum patroni, pro D. Bruti salute bellum gerunt: quos veterani sequuntur. De libertate enim populi romani, non de suis commodis, armis decernendum vident. Quid est igitur, cur iis, qui D. Brutum omnibus opibus conservatum vclint, M. Bruti sit suspectus exercitus? An vero, si quid esset, quod a M. Bruto timendum videretur, Pansa id non videret? aut, si videret, non laboraret? Quis aut sapientior ad coniecturam rerum futurarum, aut ad propulsandum metum diligentior? Atqui huius animum erga M. Brutum, studiumque vidistis. Praecepit oratione sua, quid decernere nos de Bruto, quid sentire oporteret; tantumque abfuit, ut periculosum reipublicae M. Bruti putaret exercitum, ut in eo firmissimum reipublicae praesidium et gravissimum poneret. Scilicet hoc Pansa aut non videt (hebeti enim ingenio est) aut negligit. Quae enim Caesar egit, ea rata esse non curat: de quibus confirmandis et sancendis legem comitiis centuriatis ex auctoritate nostra laturus est.

Alter) Caesar Octavianus.

Sapientior) Lambino placebat acutior, Graevio sollertior.

Laturus est) Ex S. C. quod factum fuerat in aede Telluris biduo post Caesaris mortem, de illius actis confirmandis. FERR.

IX. Desinant igitur, aut ii, qui non timent, simulare, se timere, se prospicere reipublicae; aut ii, qui omnia verentur, nimium esse timidi; ne illorum simulatio, horum obsit ignavia. Quae (malum!) est ista ratio, semper optimis causis veteranorum nomen opponere? quorum etiamsi amplecterer virtutem, ut facio: tamen, si essent arrogantes, non possem ferre fastidium. An nos conantes servitutis vincula rumpere, impedit, si quis veteranos id nolle dixerit? Non sunt enim, credo, innumerabiles, qui pro communi libertate arma capiant. Nemo est praeter veteranos milites, qui ad servitutem propulsandam ingenuo dolore excitetur. Potest igitur stare respublica, freta veteranis, sine magno subsidio iuventutis? Quos quidem vos libertatis adiutores complecti debetis, servitutis auctores sequi non debetis. Postremo (erumpat enim aliquando vera et me digna vox) si veteranorum nutu mentes huins ordinis gubernabuntur, omniaque ad eorum voluntatem nostra dicta, facta referentur: optanda mors est, quae civibus romanis semper fuit servitute potior. Omnis est misera servitus; sed fuerit quaedam necessaria: ecquodnam principium putatis libertatis capessendae? An, quum illum necessarium et fatalem paene casum non tulerimus, hunc feremus voluntarium? Tota Italia desiderio libertatis exarsit; servire diutius non potest civitas; serius populo romano hunc vestitum atque arma dedimus, quam ab eo flagitati sumus.

X. Magna nos quidem spe, et prope explorata, libertatis causam suscepimus. Sed, ut concedam incertos exitus esse belli, Martemque communem: tamen

Referentur) Sic Ern. e MSS. Gruteri et Guelf. Vulgo *gubernantur* — *referuntur*.

pro libertate vitae periculo decertandum est. Non enim in spiritu vita est, sed ea nulla est omnino servienti. Omnes nationes servitutem ferre possunt; nostra civitas non potest: nec ullam aliam ob causam, nisi quod illae laborem doloremque fugiunt, quibus ut careant, omnia perpeti possunt: nos ita a maioribus instituti atque imbuti sumus, ut omnia consilia atque facta ad virtutem et ad dignitatem referamus. Ita praeclara est recuperatio libertatis, ut ne mors quidem sit in repetenda libertate fugienda. Quod si immortalitas consequeretur praesentis periculi fugam, tamen eo magis ea fugienda videretur, quo diuturnior servitus esset. Quum vero dies et noctes omnia nos undique fata circumstent, non est viri, minimeque Romani, dubitare, eum spiritum, quem naturae debeat, patriae reddere. Concurritur undique ad commune incendium restinguendum. Veterani primi Caesaris auctoritatem sequenti, conatum Antonii repulerunt; post eiusdem furorem Martia legio fregit; quarta afflixit. Sic a suis legionibus condemnatus, irrupit in Galliam, quam sibi armis animisque infestam inimicamque cognovit. Hunc A. Hirtii, C. Caesaris exercitus insequuti sunt; post Pansae delectus urbem, totamque Italiam erexit. Unus omnium est hostis. Quamquam habet secum L. fratrem, carissimum populo romano civem: cuius desiderium civitas ferre diutius non potest. Quid illa tetrius bellua? quid immanius? qui ob eam causam natus videtur, ne omnium mortalium turpissimus esset M. Antonius. Est una Trebellius, qui iam cum tabulis novis redit in gra-

Decertandum) *Decernendum* edd.
pr. et Muret.

Ad virtutem et ad dignitatem) Cod.

Valic. *ad dignitatem et ad virtutem.*

Quem naturae debeat) Sic Faëra.
Graev. Ern. e cod. Valic. Vulgo *quem*

naturae quis debeat.

tiam; T. Plancus, ceteri pares; qui id pugnant, id agunt, ut contra rempublicam restituti esse videantur. Sollicitant homines imperitos Saxae et Caphones, ipsi rustici atque agrestes, qui hanc rempublicam nec viderunt unquam, nec videre constitutam volunt; qui non Caesaris, sed Antonii acta defendunt; quos avertit agri Campani infinita possessio; cuius eos non pudere miror, quum videant, se mimos et mimas habere vicinos.

XI. Ad has pestes opprimendas, quid est cur moleste feramus, quod M. Bruti accessit exercitus? Immoderati, credo, hominis et turbulenti: vide, ne nimium paene patientis. Etsi in illius viri consiliis atque factis nihil nec nimium, nec parum fuit unquam. Omnis voluntas M. Bruti, Patres conscripti, omnis cogitatio, tota mens, auctoritatem senatus, libertatem populi romani intuetur: haec habet proposita, haec tueri vult. Tentavit, quid patientia proficere posset. Nihil quum proficeret, vi contra vim experiendum putavit. Cui quidem, Patres conscripti, vos idem tribuere hoc tempore debetis, quod a. d. XIII kalend. Ian. D. Bruto et C. Caesari, me auctore, tribuistis: quorum privatum de republica consilium et factum auctoritate vestra est comprobatum atque laudatum. Quod idem in M. Bruto facere debetis, a quo insperatum et repentinum reipublicae praesidium legionum, equitatus, auxiliorum magnae et firmae copiae comparatae sunt; adiungendusque est Q. Hortensius, qui, quum Macedoniam obtineret, adiutorem se Bruto ad comparandum exercitum, fidelissimum et constantis-

Miror) Fäörn. et Graev. e cod. Valic. demiror.

Fide, ne) Fäörn. corrigil videte ne, quod necesse haud fuisse bene movit Ern.

Proficere) MSS. nonnulli minus bene perficere.

Obtineret) Ita Fäörn. Graev. Ern. e MSS. Recta. Antea vulgabatur obtineat.

simum prae-buit. Nam de M. Apuleio separatim censeo referendum: cui testis est per literas Brutus, eum principem fuisse ad conatum exercitus comparandi. Quae quum ita sint, quod C. Pansa, consul, verba fecit de literis, quae a Q. Caepione Bruto, proconsule, allatae, et huic ordini recitatae sunt, de ea re ita censeo: Quum Q. Caepionis Bruti, proconsulis, opera, consilio, industria, virtute, difficillimo reipublicae tempore provincia Macedonia, Illyricum, cuncta Graecia, legiones, exercitus, equitatus, in consulum, senatus populi-que romani potestate sint; id Q. Caepionem Brutum, proconsulem, bene, et e republica, et sua maiorum-que suorum dignitate, consuetudine-que reipublicae bene gerendae fecisse, eamque rem senatui populo-que romano gratam esse et fore: utique Q. Caepio Brutus, proconsul, provinciam Macedoniam, Illyricum, totamque Graeciam tueatur, defendat, custodiat, incolumemque conservet; eique exercitui, quem ipse constituit, comparavit, praesit; pecunia-que ad rem militarem, si qua opus sit, quae publica sit, et exigi possit, utatur, exigat; pecunias-que, a quibus videatur, ad rem militarem nutuasumat, frumentum imperet, operamque det, ut cum suis copiis quam proxime Italiam sit. Quumque ex literis Q. Caepionis Bruti, proconsulis, intellectum sit, Q. Hortensii, proconsulis, opera et virtute vehementer rempublicam adiutam, omniaque eius consilia cum consiliis Q. Caepionis Bruti, proconsulis, coniuncta fuisse, eamque rem magno usui reipublicae fuisse: Q. Hortensium proconsulem recte, et ordine, exque republica fecisse; senatui-que placere, Q. Hortensium, proconsulem, cum quaestoribus, prove quaestoribus, et legatis suis provinciam Macedoniam obtinere, quoad ei ex senatusconsulto successum sit.

M. ANTONIVM

PHILIPPICA VNDECIMA

I.

Magno in dolore sum, Patres conscripti, vel moerore potius, quem ex crudeli et miserabili morte C. Trebonii, optimi civis, moderatissimique hominis, accepimus, inest tamen aliquid, quod reipublicae profuturum putem. Perspeximus enim, quanta in iis, qui contra patriam scelerata arma ceperunt, inesset immanitas. Nam duo haec capita nata sunt post homines natos terribilissima et spurcissima, Dolabella et Antonius: quorum alter effecit, quod optabat; de altero patefactum est, quid cogitaret. L. Cinna crudelis; C. Marius in iracundia perseverans; L. Sulla vehemens; neque ullius horum in ulciscendo acerbitas

Magno in dolore) Licet aliquando praeceperit, deliberativa oratione principia esse debere saepe nulla, tamen hac in causa coorsit exordium praetendendum, ad animos auditorum inflammandos odio in Antonium et Dolabellam, exaggerato scelere alterius, cum deplorativae mortis C. Trebonii. DVC.

Quorum alter effecit, quod optabat) Dolabella Asiam occupavit, quod maxime optabat efficere. *De altero patefactum est, quid cogitaret.* Patefactum

sunt Antonii consilia iovadeodae contra seutatus voluntatem atque auctoritatem Galliae. Id.

Acerbitas progressa ultra mortem est) In contentione faciorum satia est oratori, si id quod exaggerat, in aliquo parte gravius esse demonstrat. Nam ea pars sola ostenditur. Strages in civilibus bellis editae, ut numero, et aliis pluribus adiunctis haec superant sane; hac tamen parte superantur, quod ultra mortem progressae non sunt. Truculentior multo Dolabella. Quod exponitur, cap. 2. Id.

progressa ultra mortem est. Quae tamen poena in cives nimis crudelis putabatur. Ecce tibi geminum in scelere par, inuisitatum, inauditum, ferum, barbarum. Itaque quorum summum quondam inter ipsos odium bellumque meministis, eosdem postea singulari inter se consensu et amore devinxit impurissimae naturae et turpissimae vitae similitudo. Ergo id, quod fecit Dolabella, in quo potuit, multis idem minatur Antonius. Sed ille quum procul abesset a consulibus exercitibusque nostris, neque dum, senatum cum populo romano conspirasse, sensisset, fretus Antonii copiis, ea scelera suscepit, quae Romae iam suscepta arbitrabatur a socio furoris sui. Quid ergo hunc aliud moliri, quid optare censetis, aut quam omnino causam esse belli? Omnes, qui libere de republica sensimus, qui dignas nobis sententias diximus, qui populum romanum liberum esse volumus, statuit ille quidem non inimicos, sed hostes; maiora tamen in nos, quam in hostem, supplicia meditatur: mortem naturae poenam putat esse; iracundiae, tormenta¹ atque cruciatum. Qualis igitur hostis habendus est is, a quo victore si cruciatus absit, mors in beneficii parte numeretur?

II. Quamobrem, Patres conscripti, quamquam hortatore non egetis (ipsi enim vestra sponte exarsistis ad libertatis recuperandae cupiditatem), tamen eo maiore animo studioque libertatem defendite, quo maiora proposita victis supplicia servitutis videtis. In Galliam invasit Antonius, in Asiam Dolabella; in

Inuisitatum) Recte sic Ern. Graev. Vulgo *inuisitatum*.

Conspirasse) Ern. malebat *conspirare*.

Non inimicos, sed hostes) Distinguit hic inimicum ab hoste; in hoc

enim est aliquid longe gravius. Inter cives potest esse inimicitia, hostile odium esse non potest. Dvc.

(1) Schützina, obsequutus Faëruo, Minut. Lamb., expunxit *poenam*. Vulgata magis perspicua. Trv.

alienam uterque provinciam. Alteri se Brutus obiecit, impetuque furentis, atque omnia divexare et diripere cupientis, vitae suae periculo colligavit, progressu arcuit, a reditu refrenavit: obsideri se passus ex utraque parte constrinxit Antonium. Alter in Asiam irrupit. Cur? si ut in Syriam, patebat via certa, neque longa. Quid opus fuit cum legione? praemisso Marso nescio quo Octavio, scelerato latrone atque egente, qui popularetur agros, vexaret urbes, non ad spem constituendae rei familiaris, quam tenere eum posse negant qui norunt (mihi enim hic senator ignotus est), sed ad praesentem pastum mendicitatis suae. Consequutus est Dolabella, nulla suspitione belli: quis enim id putaret? Sequutae collocutiones familiarissimae cum Trebonio; complexusque, summae benivolentiae indices, exstiterunt in amore simulato; dextrae, quae fidei testes esse solebant, perfidia sunt et scelere violatae; nocturnus introitus Smyrnam, quasi in hostium urbem, quae est fidelissimorum antiquissimorumque sociorum; oppressus Trebonius: si ut ab eo, qui aperte hostis esset, incautus; si ut ab eo, qui civis etiam tum speciem haberet, miser. Ex quo nimirum documentum nos capere fortuna voluit, quid esset victis extimescendum. Consularem hominem, consulari imperio provinciam Asiam obtinentem, Samiario exsuli tradidit: interficere captum

Cur? si ut in Syriam, patebat) Ita Faërn. e vestigiis cod. Vatic. quod receperunt Lamb. Graev. Vulgo *alter in Asiam irrupit cursim cui in Syriam patebat* etc. Graevius malebat *alter in Asiam irrupit. Cursus in Syriam patebat* etc.

Ad praesentem pastum mendicitatis suae) Ut haberet homo inops ac famelicus quo latrantem stomachum le-

niret. Hoc est, quod vulgo aiunt, ut haberet panem. Dvc.

Complexusque s. b. indices) Ita Faërnus edendam putavit. Vulgo *complexusque summae benivolentiae falsi indices*.

Dextrae — et scelere violatae) Faërnus malebat *dextraeque fidei testes sunt perfidia et scelere violatae*.

statim noluit, ne nimis, credo, in victoria liberalis videretur. Quum verborum contumeliis optimum virum incesto ore lacerasset, tum verberibus ac tormentis quaestionem habuit pecuniae publicae, idque per biduum. Post cervicibus fractis caput abscidit, idque fixum gestari iussit in pilo; reliquum corpus tractum atque laniatum abiecit in mare. Cum hoc bellandum hoste est; a cuius teterrima crudelitate omnis barbaria superata est. Quid loquar de caede civium romanorum? de direptione fanorum? quis est, qui pro rerum atrocitate deplorare tantas calamitates queat? Et nunc tota Asia vagatur, volitat ut rex, nos alio bello distineri putat. Quasi vero non unum idemque bellum sit contra hoc iugum impiorum nefarium.

III. Imaginem M. Antonii crudelitatis in Dolabella cernitis; ex hoc illa efficta est; ab hoc illa Dolabellae scelerum praecepta sunt tradita. Num leniorem, quam in Asia Dolabella fuit, in Italia, si liceat, fore putatis Antonium? Mihi quidem et ille pervenisse videtur, quoad progredi potuerit feri hominis amentia, neque Antonius ullius supplicii adhibendi, si potestatem habeat, ullam partem esse relicturus. Pone igitur ante oculos, Patres conscripti, miseram illam quidem et flebilem speciem, sed ad incitandos animos vestros necessariam: nocturnum impetum in urbem Asiae clarissimam, irruptionem armatorum in Trebonii domum, quum miser ille prius latronum gladios videret, quam, quae res esset, audisset; fu-

Caput abscidit) Ita Faërn. et Græv. e cod. Vatic. Vulgo a cervicibus caput abscidit.

Idque fixum) Idem e cod. Vatic. deleverunt *affixum*.

Ex hoc illa efficta) Sic MS. cod.

Vatic. idque recte ediderunt Faërn. Man. Lamb. Græv. Ern. Olim efficta, quod male Græterus retinuit.

Esse relicturus) *Esse* quod pendet a *videtur*, recte e cod. Vatic. receperunt Nuret. Græv. Ern. Valgo est.

rentis introitum Dolabellae, vocem impuram, atque os illud infame, vincula, verbera, equuleum, carnificem tortoremque Samiarium. Quae tulisse illum fortiter et patienter ferunt. Magna laus, meoque iudicio omnium maxima. Est enim sapientis, quidquid homini accidere possit, id, praemeditari, ferendum modice esse. * Maioris omnino est consilii, providere, ne quid tale accadat; sed animi non minoris, fortiter ferre, si evenerit.

IV. Ac Dolabella quidem tam fuit immemor humanitatis, quamquam eius nunquam particeps fuit, ut suam insatiabilem crudelitatem exercuerit non solum in vivo, sed etiam in mortuo; atque in eius corpore lacerando atque vexando, quum animum satiare non posset, oculos paverit suos. O multo miserior Dolabella, quam ille, quem tu miserrimum esse voluisti! Dolores Trebonius pertulit magnos; multi, ex morbi gravitate maiores; quos tamen non miseros, sed laboriosos dicere solemus. Longus fuit dolor bidui: at compluribus annorum saepe multorum. Nec vero graviora sunt carnificum tormenta, quam interdum cruciamenta morborum. Alia sunt, alia, inquam, o perditissimi homines et amentissimi, multo miseriora. Nam, quo maior vis est animi, quam corporis, hoc sunt graviora ea, quae concipiuntur animo, quam illa, quae corpore. Miserior igitur, qui suscipit in se scelus, quam is, qui alterius facinus subire cogitur. Cruciatu est a Dolabella Trebonius; et quidem a Carthaginiensibus Regulus. In qua re quum crude-

* *Ferendum modice esse*) Vulgo addebatur *si evenerit*, quod optimo iure Ero. uncis inclusit. Est enim e sequentibus temere huc tractum.

Particeps fuit) Bene sic Ern. e MS. Vulgo *fuerit*.

Et quidem) Ern. e cod. Haydee. addidit et. Sed eo nihil opus.

In qua re) Factus maluit quare.

lissimi Poeni indicati sint in hoste, quid in cive Dolabella indicandus? An vero hoc conferendum est? aut dubitandum, uter miserior? isne, cuius mortem senatus populusque romanus ulcisci cupit; an is, qui cunctis senatus sententiis hostis est iudicatus? Nam ceteris quidem vitae partibus, quis est, qui possit sine Trebonii maxima contumelia conferre vitam Trebonii cum Dolabellae? Alterius consilium, ingenium, humanitatem, innocentiam, magnitudinem animi in patria liberanda, quis ignorat? Alteri a puero pro deliciis crudelitas fuit; deinde ea libidinum turpitudine, ut in hoc sit semper laetatus, quod ea faceret, quae sibi obici ne ab inimico quidem possent verecundo. Et hic, dii immortales! aliquando fuit meus. Occulta enim erant vitia non inquirenti. Neque nunc fortasse alienus ab eo essem, nisi ille vobis, uisi moenibus patriae, nisi huic urbi, nisi diis penatibus, nisi aris et focis omnium nostrum, nisi denique naturae et humanitati inventus esset inimicus. A quo admoniti, diligentius et vigilantius caveamus Antonium.

V. Etenim Dolabella non ita multos secum habuit notos et insignes latrones. At videtis, quos et quam multos habeat Antonius. Primum L. fratrem. Quam

Dolabella indicandus?) In MSS. quid in cive Dolabella indicandum est. Sed Ferrarius vidit legendum esse indicandus. Muret. Graev. ediderunt quid in cive de Dolabella indicandum?

Ulcisci cupit) Sic e vestigiis cod. Vatic. ediderunt Faern. Muret. Graev. Olim ulciscetur vel ulciscitur quod recepit Ern.

Semper laetatus) *Semper ipse laetatus* codd. Ferrar. id. Graev. melius ubest ipse edd. pr.

Et hic, Dii immortales! aliquando

fuit meus) Dolabella Tullium in matrimonio habuerat Ciceronis filium, et cum ipso arctissimum fuerat familiaritate coniunctus. Ob hanc coniunctionem atrocior est Cicero in Antonii accusatione, quam Dolabellae; etsi constat mitiorem altero fuisse Antonium. Hic quidem exarsit, sed Ciceronionis declamationibus et satyris inflammatus. Dvc.

Aliquando fuit meus) In edd. antiquioribus addebatur *amicus*; quod glossatori debetur.

facem, dii immortales! quod facinus! quod scelus! quem gurgitem! quam voraginem! Quid eum non sorbere animo, quid non haurire cogitatione, cuius sanguinem non bibere censetis? in cuius possessiones atque fortunas non impudentissimos oculos spe et mente defigere? Quid Censorinum? qui se verbo praetorem esse urbanum cupere dicebat, re certe noluit. Quid Bestiam? qui se consulatum in Bruti locum petere profitetur. Atque hoc quidem detestabile omen avertat Iupiter! Quam absurdum autem, qui praetor fieri non potuerit, eum petere consulatum? nisi forte damnationem pro praetura putat. Alter Caesar, Vopiscus ille, homo summo ingenio, summa potentia, qui ex aedilitate consulatum petit, solvatur legibus: quamquam leges eum non tenent, propter eximiam, credo, dignitatem. At hic, me defendente, quinquies absolutus est. Sexta palma urbana etiam in gladiatore difficilis. Sed haec iudicum culpa, non mea est. Ego defendi fide optima: illi debuerunt clarissimum et praestantissimum senatorem in civitate retinere. Qui tamen nunc nihil aliud agere videtur, nisi ut intelligamus, illos, quorum res iudicatas irritas fecimus, bene et e republica iu-

Re certe noluit) Qui enim praetor urbanus esse potest, quom ab urbe discesserit? MAN. Haec irrisio est non sine gratia ac lepore; Censorinus repulsus inlerat. Porro est operae pretium animadvertere, qua arte Cicero in hac enumeratione auditorum satietati occurrat, ut aspergat iocos. DVC.

Damnationem) De ambitu ex petitione praeturae, defendente Cicero. Vide ep. 3, lib. XI ad Q. Frat.

Vopiscus ille) Vopiscus a Iulio Caesare civitatem adeptus eius nomen assumpsit.

In gladiatore difficilis) Significat enim, quom sextum accusaretur, damnatum esse.

In civitate retinere) Ironice dictum. Nempe damnatus in exilium abiit; postea a Caesare restitutus ne-dilitatem gessit.

Bene et e republica iudicavisse) C. Caesar dictator quom alios multos, legibus in exilium pulsos, restituit, tum ipsum Vopiscum, adeoque res iudicatas illorum iudicum irritas fecerant, a quibus illi fuerant damnati. Quid deinde? Interfecto Caesare, sa-

dicavisse. Neque hoc in hoc uno est. Sunt alii in eisdem castris honeste condemnati, turpiter restituti. Quod horum consilium, qui omnibus bonis hostes sunt, nisi crudelissimum, putatis fore? Accedit Saxa, nescio quis, quem nobis Caesar ex ultima Celtiberia tribunum plebis dedit, castrorum antea metator, nunc, ut sperat, urbis: a qua quum sit alienissimus, suo capiti, salvis nobis, ominetur. Cum hoc veteranus Capho: quo neminem veterani peius oderunt. His, quasi praeter dotem, quam in civilibus malis acceperant, agrum Campanum est largitus Antonius, ut haberent reliquorum nutriculas praediorum: quibus utinam contenti essent! ferremus, etsi tolerabile non erat; sed quidvis patiendum fuit, ut hoc teterrimum bellum non haberemus.

VI. Quid? illa castrorum M. Antonii lumina, nonne ante oculos proponitis? Primum duos collegas Antonii et Dolabellae, Nuculam et Lentonem, Italiae divisores lege ea, quam senatus per vim latam iudicavit: quorum alter commentatus est mimos, alter egit tragoediam. Quid dicam de Apulo Domitio? cuius

etiam est senatusconsultum, ut leges, decreta, omnia denique acta Caesaris rata essent: hie senatus etiam, praeter alia quamplurima, illud probaverat, ut res autes iudicatae, irritae forent, quom iudicavit eos omnes, ad quos beneficium Caesaris pertinerat, iure fuisse restitutos. Vopiscus tamen ita vivebat, seque adeo accleratum praestabat, ut quilibet intelligere posset, bene, et e republica iudices illos iudicavisse, qui civem perditissimum ex urbe eiecissent. FERR.

Castrorum antea metator, nunc, ut sperat, urbis) Qui sibi videtur ex castrorum metature factus esse metator

ac divisor urbis: qui sperat, se Antonii castra in ipsa urbe Roma locuturum, eamque militibus pro voluntate distributorum. DRE.

A qua quum sit alienissimus) Quum ad ipsum, utpote extraneum, nihil pertineant nec bona urbis nostrae, nec mala, desinat nobis ominari, atque haec eius omnia in eius caput convertantur. IN.

Ominentur) I. e. perniciēs, quam sperat se urbi nostrae illaturum, ut in ipsum recidat optamus. *Ominetur* scil. referitur ad antecedens *sperat*.

Collegas Antonii) Sic ERN. e codd. Ferrar. Guelf. Vulgo *Antoniorum*.

bona modo proscripta vidimus: tanta procuratorum est negligentia. At hic nuper sororis filio infudit venenum, non dedit. Sed non possunt non prodige vivere, qui nostra bona sperant, quum effundunt sua. Vidimus etiam P. Decii auctionem, clarissimi viri: qui maiorum suorum exempla persequens, pro alieno se aere devovit. Emptor tamen in ea auctione inventus est nemo: Hominem ridiculum, qui se exire aere alieno putet posse, quum vendat aliena. Nam quid ego de Trebellio dicam? quem ultae videntur furiae creditorum: vindicem enim tabularum novarum novam tabulam vidimus. Quid de L. Planco? quem praestantissimus civis, Aquila, Pollentia expulit, et quidem crure fracto: quod utinam ante illi accidisset, ne huc redire potuisset! Lumen et decus illius exercitus paene praeterii, C. Annium Cimbrum, Lysidici filium, Lysidicum ipsum, * quoniam omnia iura dissolvit: nisi forte iure Germanum Cimber occidit.

Tanta procuratorum est negligentia) Acerba irrisione dictum, quasi per procuratores stetisset, quo minus Domitii bona venderentur.

Sed non possunt non prodige vivere) Sarcasmus et irrisio. Perinde quasi in illa veneni infusione sit prodiga quaedam liberalitas. DVC.

Vidimus etiam P. Decii auctionem) Vulgo erat videte. Graevius edidit *vidi*; in MS. Ga. *vide*. Ernestio placebat *vidimus*, aut *vidistis*. Prius praetuli. Sic paulo ante: *proscripta vidimus*.

Pro alieno se aere devovit) Hoc facere dixit, in carmen intuens, quo Decii usi erant in devotione sui, in quo hoc erat in extremo: « Sicut verbis nuncupavi, ita pro republica Quiritium, exercitu, legionibus, auxiliis populi Romani Quiritium, legiones,

auxiliaque hostium mecum Diis Manibus, Tellurique devoveo. » FARR. Vide Livium VIII, 9.

Creditorum) Optime sic Ernestius correxit vulgatum *debitorum*. Nempe Cicero dicit, Trebellium, qui in fraudem creditorum novas tabulas defendisset, ultas esse creditorum furias; quod ipsius bona per tabulas auctionarias vendita essent.

Vindicem) Proscripta Trebellii bona vidimus, ea tabula oleisci videtur tabulas novas, quibus adversatus erat. Tabulam enim posuit, qui tabulas novas oppugnaverat. MAX.

* *Lysidicum ipsum)* Vulgo addebatur graeco verbo; scil. e glossa.

Dissolvit) Ita ut ipse merito appellari posset *λυσιδίκης*.

Germanum Cimber occidit) Correctio ridicula, et locus mordax. Hic

Quum hanc, et huius generis copiam tantam habeat Antonius, quod scelus omittet? quum Dolabella tantis se obstrinxerit parricidiis, nequaquam pari latronum manu et copia! Quapropter, ut invitae saepe dissensi a Q. Fufio, ita sum eius sententiae libenter assensus. Ex quo iudicare debetis, me non cum homine solere, sed cum causa dissidere. Itaque non assentior solum, sed etiam gratias ago Q. Fufio. Dixit enim severam, gravem, republica dignam sententiam: iudicavit hostem Dolabellam; bona eius censuit publice possidenda. Quo quum addi nihil posset (quid enim atrocius potuit, quid severius decernere?), dixit tamen, si quis eorum, qui post se rogati essent, graviores sententiam dixisset, in eam se iturum. Quam severitatem quis potest non laudare?

VII. Nunc quoniam hostis est iudicatus Dolabella, bello est persequendus. Neque enim quiescet: habet legionem, habet fugitivos, habet sceleratam impiorum manum; est ipse confidens, impotens, gladiatorio generi mortis addictus. Quamobrem, quoniam cum Dolabella bellum gerendum est, imperator est deligendus. Duae dictae sunt sententiae; quarum neutram probo: alteram, quia semper, nisi quum est necesse, periculosam arbitror; alteram quia alienam his temporibus existimo. Nam, extraordinarium imperium populare

C. Aunius Cimber fratrem occiderat. Latina vox *Germanus*, et fratrem significat, et hominem e Germania. Ibidem *Cimber*, quod erat iulius C. Aonii cognomen, hominem designat oriundum e Cimbrica Chersoneso, aut, ut aliqui maluit, Chersoneso. Ex illa ambiguitate locum Cicero captauit. Dicit.

Decernere?) In Vatic. erat *de genere*, unde Muretus coni. legendum *de genere*. Iam etiam gener Dolabellae fuit Fufius, nihil tamen opus erat hic

eius affinitatis mentionem facere. Si tamen libri MSS. addicerent, intelligendum esset post *de genere* ex antecedentibus *centrere*, vel utrumque coniungendum: *de genere decernere*.

Quiescet) Faëra. e cod. Vat. *quiescit*.

Quoniam cum Dolabella) Vulgo inculcatum glossema: *hesterno die hoste decreto*, Ernestio auctore deleti.

Nam, extraordinarium) Olliv. addidit *semper*, recte eiecit a Faëro. EAM.

atque ventosum est, minimae nostrae gravitatis, minime huius ordinis. Bello Antiochi magno et gravi, quum L. Scipioni, Publii filio, obvenisset Asia, parumque in eo putaretur esse animi, parum roboris, senatusque ad collegam eius, C. Laelium, illius Sapientis patrem, negotium deferret: surrexit P. Africanus, frater maior L. Scipionis, et illam ignominiam a familia deprecatus est; dixitque, et in fratre suo summam virtutem esse, summumque consilium, neque se cir' legatum, id aetatis, iisque rebus gestis, defuturum. Quod quum ab eo esset dictum, nihil est de Scipionis provincia commutatum: nec plus extraordinarium imperium ad id bellum quaesitum, quam duobus antea maximis Punicis bellis, quae a consulibus, aut a dictatoribus gesta et confecta sunt; aut quam Pyrrhi, quam Philippi, quam post Achaico bello, quam Punico tertio: ad quod populus romanus ita sibi ipse delegit idoneum ducem, P. Scipionem, ut eum tamen bellum gerere consulem vellet. Cum Aristonico bellum gerendum fuit, L. Valerio, P. Licinio consulibus.

Populare atque ventosum est) Popularis est levitatis, quae qualibet aura moveatur, et novis rebus gaudet, imperium decernere extraordinarium. Contra senatoriae gravitatis est, aulicis stare iustitiae ac legibus, ut per ordinarios magistratus ea fiant, ad quae facienda sunt creati. Rei enim publicae omnis est exitiosa novitas.

Dvc.

Bello Antiochi) Faern. e vestigiis cod. Vat. *Antiochino*.

Illius Sapientis) Illius Ernestius substituendum esse vidit, pro huius, quod intelligi non posset nisi de praesente et vivo.

Bellum gerere consulem vellet) Maluit populus romanus eum solvere le-

gibus, et consulem creare extra ordinem, quum privato curam belli committere. Dvc.

Cum Aristonico bellum gerendum fuit) Quum Pergami rex Attalus, Eumeneis filius, testamento populum Romanum reliquisset herodem barbarum unum; Aristonicus, Eumeneis, ex Ephesia quadam muliercula, filius, Asiam, ut paternum regnum, opibus multorum et favore adiutus iuvasit. Is eum bello persequendus esset, orta est inter consules de provinciis contentio. Erant tum consules P. Licinius Crassus, et L. Valerius Flaccus: ille pontifex maximus, hic flamen Martialis. Quum uterque Asiam habere vellet; Crassus, ut collegam ab

Rogatus est populus, quem id bellum gerere placeret: Crassus consul, et pontifex maximus, Flacco collegae, flamini Martiali, multam dixit, si a sacris discessisset. Quam multam populus remisit: pontifici tamen flaminem parere iussit. Sed ne tum quidem populus ad privatum detulit bellum: quamquam erat Africanus, qui anno ante de Numantinis triumphaverat; qui quum longe omnes belli gloria et virtute superaret, duas tantum tribus tulit. Ita populus romanus consuli potius Crasso, quam privato Africano bellum gerendum dedit. De Cn. Pompeii imperiis, summi viri, atque omnium principis, tribuni plebis turbulenti tulerunt. Nam Sertorianum bellum a senatu privato datum est, quia consules recusabant: quum L. Philippus pro consulibus eum se mittere dixit, non pro consule.

VIII. Quae igitur haec comitia? aut quam ambi-

eius provinciae ac belli administratione arceret, pro ea, qua pollebat, ut pontifex, in flamines auctoritate, multam Flacco dicit, si ab orbe, et a sacris discessisset. Neque suis certaminum fuit, donec ad populum ferri placuit, quem id bellum gerere iuberet. De Crasso dubitabatur, ne pontificem maximum abire ex Italia contra religiones foret: dictae erant sententiae, ut potius pro consule aliquis mitteretur: aderat Africanus, qui posset mitti. Populus remisit multam flamini, eum tamen dicto audientem pontifici esse iussit: privatum ei bello praefici non placuit: duarum tantummodo trium punctis tulit Africanus: consuli P. Licinio Crasso provincia decreta est. Dicitur.

Ne tum quidem populus) Ita Graev. Ern. e cod. Vatic. Vulgo *populus Romanus*.

Tribuni plebis turbulenti tulerunt) Gabinus et Manilius. Quam aliter de iisdem hic idem loquitur in susceptione legis Manilianae! At tum dicebat ad populum; et eloquentiae est servare tempori, quam sit praedictae civilis quasi administratio. Dicitur.

Quae igitur haec comitia?) Extraordinaria imperis populus in comitiis decernebat. Propterea quum L. Caesar sonderet, ut senatus imperium mandaret extraordinarium, ait Cicero, ipsam comitiis in curiam introducere: consequens ostendit incommoda; in primis animorum offensiones, quae saltem in comitiis nullae suae verendae; quoniam populus tabellis suffragia committit; quo fit, ut ii, qui repulsam ferunt, scire nequeant, a quibusnam sit praeteriti et neglecti. At in senatu, voce dicuntur sententiae. Idcirco ait:

tionem constantissimus et gravissimus civis, L. Caesar in senatum introduxit? Clarissimo viro atque innocentissimo decrevit imperium, privato tamen. In quo maximum nobis onus imposuit. Assenserunt: ambitionem induxerunt in curiam. Negaro: videbor suffragio meo, tanquam comitiis, honorem homini amicissimo dene-gasse. Quod si comitia placet in senatu habere, petamus, ambiamus: tabella modo detur nobis, sicut populo data est. Cur committis, Caesar, ut aut praestantissimus vir, si tibi non sit assensum, repulsam tulisse videatur; aut unusquisque nostrum praeteritus, si, quum pari dignitate simus, eodem honore digni non putemur? At enim (nam id exaudio) C. Caesari adolescentulo imperium extraordinarium mea sententia dedi. Ille enim mihi praesidium extraordinarium dederat. Quum dico mihi, senatui dico, populoque romano. A quo respublica praesidium, ne cogitatum quidem, tantum haberet, ut sine eo salva esse non posset, huic extraordinarium imperium non darem? Aut exercitus adimendus, aut imperium dandum fuit. Quae est enim ratio, aut qui potest fieri, ut sine imperio teneatur exercitus? Non igitur, quod ereptum non est, id existimandum est datum. Eripuissetis C. Caesari, Patres conscripti, imperium, nisi dedissetis. Milites veterani, qui illius auctoritatem, imperium, nomen sequuti, pro republica arma ceperant, volebant sibi ab illo imperari:

Esto, agamus ut in campo et comitiis, ambiamus, preensemus, suffragemur, imitemur popularem levitatem, dummodo detur nobis, ut populo, tabella, quae et eam libertatem, ut, quod velimus, faciamus. DVC.

At enim) Prolepsis. Occupat quod opponi poterat, et ostendit, quid inter L. Caesaris pro Servilio senten-

tiam, et suam pro Caesare Octaviano intersit. ID.

Exaudio) Nampe dicabant quidem submisso, sed ut Cicero audiret; hoc est exaudio. EAX.

C. Caesari) Octaviano.

Mea sententia dedi) Vt adolescens vix annorum viginti exercitum regeret pro consulari potestate. DVC.

legio Martia, et quarta, ita se contulerant ad auctoritatem senatus, populiue romani dignitatem, ut eum deposcerent imperatorem et ducem. Caesari bellum necessitas, fasces senatus dedit. Otioso vero, nihil agenti privato, obsecro te, L. Caesar (cum peritissimo homine mihi res est) quando imperium senatus dedit?

IX. Sed de hoc quidem hactenus, ne refragari homini amicissimo, ac de me optime merito, videar. Etsi quis potest refragari non modo non petenti, verum etiam recusanti? Illa vero, Patres conscripti, aliena consulum dignitate, aliena temporum gravitate sententia est, ut consules, Dolabellae persequendi causa, Asiam et Syriam sortiantur. Dicam, cur inutile reipublicae: sed prius, quam turpe consulibus sit, videte. Quum consul designatus obsideatur, in eoque liberando salus sit posita reipublicae; quumque a populo romano pestiferi cives, parricidaeque desciverint; quumque id bellum geramus, quo bello de dignitate, de libertate, de vita decernamus; et, si in potestatem quis Antonii venerit, proposita sint tormenta atque cruciatus; quumque harum rerum omnium decertatio consulibus optimis et fortissimis commissa et commendata sit: Asiae et Syriae mentio fiet, ut aut suspicioni crimen, aut invidiae materiam dedisse videamur? At vero ita decernunt, *ut liberato Bruto*: id enim restabat, ut relicto, deserto, prodito. Ego vero mentionem omnino provinciarum factam dico

Contulerant) Sic Etn. e cod. Vatic. Vulgo *contulerat*.

Otioso vero) P. Servilius otiosum dicit esse, et nihil agentem, hoc est, vere privatum: quia neque habebat exercitum, neque erat armatus, ut Caesar, in Antonium. FRAN.

At vero ita decernunt) Proleptis, cum irrisione. At decernunt, non ituros adversus Dolabellam, nisi quum liberatus obsidione Brutus fuerit. Benigne quidem, quod nolant hunc relinquere, deserti, prodi. Dyc.

alienissimo tempore. Quamvis enim intentus animus tuus sit, C. Pansa, sicut est, ad virum fortissimum et omnium clarissimum liberandum: tamen rerum natura cogit te necessario referre animum aliquando ad Dolabellam persequendum, et partem aliquam in Asiam et Syriam derivare curae et cogitationis tuae. Si autem fieri posset, vel plures te animos habere vellein, quos omnes ad Mutinam intenderes. Quod quoniam fieri non potest, istoc animo, quem habes praestantissimum atque optimum, nihil te volumus, nisi de Bruto cogitare. Facis tu id quidem, et eo maxime incumbis: duas tamen res, magnas praesertim, non modo agere uno tempore, sed ne cogitando quidem explicare quisquam potest. Incitare et inflammare tuum istud praestantissimum studium, non ad aliam ulla ex parte curam transferre debemus. Adde istuc sermones hominum, adde suspiciones, adde invidiam. Imitare me, quem tu semper laudasti: qui instructam ornatamque a senatu provinciam deposui, ut incendium patriae, omissa omni cogitatione, restingerem. Nemo erit, praeter unum me, quicum profecto, si quid interesse tua putasses, pro summa familiaritate nostra communicasses, qui credat, te invito, provinciam tibi esse decretam. Hanc, quaeso, pro tua singulari sapientia, reprime famam; atque effice, ne id quod non curas, cupere videare. Quod quidem eo vehementius tibi laborandum est, quia in eandem cadere suspicionem collega, vir clarissimus, non potest. Nihil horum scit, nihil suspicatur. Bellum gerit; in acie stat; de sanguine et de spiritu decertat; ante provinciam sibi decretam audiet, quam potuerit tempus ei rei datum suspicari. Vereor, ne exercitus

Sicut est, ad virum) Ab hoc verbo usque ad tertiam fere partem orat. XII, deficit cod. Vatic.

quoque nostri, qui non delectus necessitate, sed voluntariis studiis se ad rempublicam contulerunt, tardentur animis, si quidquam aliud a nobis, nisi de instanti bello cogitatum putabunt.

X. Quod si provinciae consulibus expetendae videntur, sicut saepe multis clarissimis viris expetitae sunt: reddite prius nobis Brutum, lumen et decus civitatis; qui ita conservandus est, ut id signum, quod de caelo delapsum, Vestae custodiis continetur, quo salvo, salvi sumus futuri. Tunc vel in caelum vos, si fieri poterit, humeris nostris tollemus; provincias certe dignissimas vobis deligemus. Nunc quod agitur, agamus. Agitur autem, liberine vivamus, an mortem obeamus: quae certe servituti anteponenda est. Quid, si etiam affert tarditatem ista sententia ad Dolabellam persequendum? Quando enim veniet consul? an id expectamus, quo ne vestigium quidem Asiae civitatum atque urbium relinquatur? At mittent aliquem de suo numero. Valde mihi probari potest, qui paulo ante clarissimo viro privato imperium extra ordinem non dedi. At hominem dignum mittent. Num P. Servilio digniorem? At eum quidem civitas non habet. Quod ergo ipse nemini putat dandum, ne a senatu quidem; id ego unius iudicio delatum comprobem? Expedito nobis homine et parato, Patres conscripti, opus est, et eo, qui imperium legitimum habeat; qui praeterea auctoritatem, nomen, exercitum, perspectum animum in republica liberanda.

Te necessario) Haec Ernestius nuncius inclusit.

Vt id signum) Ernestius vel id delendum, vel illud reponendum censuit.

Vestae custodiis continetur) Polla-

dium, quod inter septem imperii romani pignora recenset Servius, in *Aeneid.* VII, 188, et in Vestae penetralibus custodiebatur. Drc.

Quod ergo ipse) Servilius: qui munus illud recusaverat, dixeratque

XI. Quis igitur is est? aut M. Brutus, aut C. Cassius, aut uterque. Decernerem plane, sicut multa, consulem, alterum, ambove, ni Brutum colligassemus in Graecia, et eius auxilium ad Italiam vergere, quam ad Asiam maluissemus: non ut ex ea acie respectum haberemus, sed ut ipsa acies subsidium haberet etiam transmarinum. Praeterea, Patres conscripti, M. Brutum retinet etiam nunc C. Antonius, qui tenet Apolloniam, magnam urbem et gravem; tenet, opinor, Byllidem; tenet Amantiam; instat Epiro; urget Illyricum; habet aliquot cohortes, habet equitatum. Hinc, si Brutus erit traductus ad aliud bellum, Graeciam certe amiserimus. Est autem etiam de Brundisio atque illa ora Italiae providendum. Quamquam miror tamdiu morari Antonium. Solet enim accipere ipse manicas, nec diutius obsidionis metum sustinere: Quod si confecerit Brutus, et intellexerit, plus se reipublicae profuturum, si Dolabellam persequatur, quam

nemini dandum, ne a senatu quidem. Supra: *Quis potest refragari, non modo non potenti, verum etiam recusanti?* MAN.

Sicut multa, consulem) Schütz. *edidit riant multi.* T.

Brutum colligassemus in Graecia) Hoc dixit, propter senatusconsultum, qua senatus ei provinciam Macedoniam, Illyricum, cunctamque Graeciam decreverat, mandaveratque, ut eam suis cupiis proxime Italiam esset. FERR.

Non ut ex ea acie — sed ut ipsa acies) Haec corrupta esse omnes fatentur. Equidem coniunctio legendum: non modo ut ex ea (scil. Italia) ad id (auxilium) respectum haberemus, sed ut ipsa Italia subsidium haberet etiam transmari-

num. Sic optime hic locus consentit cum Philipp. X, 5, ubi de Bruti exercitu sic dixerat; *qui ab illo adiunxit exercitum et respectum putcherimum et praesidium firmissimum adiunxit reipublicae.*

Solet enim accipere ipse manicas) Quas capiebant, credo, iter facturi, quibus brachia muniebant auda contra iniurias caeli, ut pileis capita. Id igitur Cicero innuit: solet non diu murari in illis locis, ad quae appropinquare audiat sibi adversantes copias: sed celeriter adornare fugam, tanquam homo nullis et effeminatus. Horum enim erant manicae, quas viris apud Romanos vitio vertebantur. GRÆV.

Quod si confecerit) Lambino placebat *conficeret bellum.*

si in Graecia maneat: aget ipse per sese, ut adhuc quoque fecit; neque in tot incendiis, quibus confestim succurrendum est, exspectabit senatum. Nam et Brutus et Cassius multis iam in rebus ipse sibi senatus fuit. Necesse est enim, in tanta conversione et perturbatione rerum, temporibus potius parere, quam moribus. Nec enim nunc primum aut Brutus aut Cassius salutem libertatemque patriae, legem sanctissimam, et morem optimum iudicavit. Itaque si ad nos nihil referretur de Dolabella persequendo, tamen ego pro decreto putarem, quum essent tales virtute, auctoritate, nobilitate viri: quorum alterius iam notus nobis est exercitus, alterius auditus.

XII. Non igitur Brutus exspectavit decreta nostra, quum studia nosset. Neque enim est in provinciam suam Gretam profectus; in Macedoniam alienam advolavit; omnia sua putavit, quae vos vestra esse velletis; legiones conscripsit novas, excepit veteres; equitatum ad se abduxit Dolabellae, atque eum nondum tanto parricidio oblitum, hostem sua sententia iudicavit. Nam ni ita esset, quo iure equitatum a consule abduceret? Quid? C. Cassius, pari magnitudine animi et consilii praeditus, nonne eo ex Italia consilio profectus est, ut prohiberet Syria Dolabellam? Qua lege? quo iure? Eo, quod Iupiter ipse sanxit, ut omnia, quae reipublicae salutaria essent, legitima et

Nam et Brutus et Cassius) Multa susceperant et confecerant privato consilio, nullaue publica auctoritate Brutus et Cassius. Quamobrem nunc eorum acta conatur hac sententia defendere. Quod quum aliqua perturbatio est orta reipublicae, et extraordinarius tumultus concitatus, inusitata sunt etiam adhibenda reme-

dia, et praesentissimae neque semper necesse est imperium exspectare magistratum, si, quod agendum est, videtur e reipublica futurum. Dec.

Auctoritate, nobilitate) Vulgo additur *summi*, quod, quum antea tales, inepte abundat.

Tanto parricidio) Tanto abest MS. Huydec. probante Ernestio.

iusta haberentur. Est enim lex nihil aliud, nisi recta et a numine deorum tracta ratio, imperans honesta, prohibens contraria. Huic igitur legi paruit Cassius, quum est in Syriam profectus, alienam provinciam, si homines legibus scriptis uterentur; his vero oppressis, suam, lege naturae. Sed ut ea vestra quoque auctoritate firmetur, censeo: Quum P. Dolabella, quique eius crudelissimi et teterrimi facinoris ministri, socii, adiutores fuerunt, hostes populi romani a senatu iudicati sint; quumque senatus P. Dolabellam bello persequendum censuerit, ut is, qui omnia deorum hominumque iura novo, inaudito, inexprabili scelere polluerit, nefarioque patriae se parricidio obstrinxerit, poenas diis hominibusque meritas debitasque persolvat: Senatui placere, C. Cassium, proconsulem, provinciam Syriam obtinere, uti qui eam optimo iure provinciam obtinuerit; eumque a Q. Marcio Crispo, proconsule, L. Statio Murco, proconsule, A. Allieno legato, exercitus accipere, hosque ei tradere: cumque his copiis, et si quas praeterea paraverit, bello P. Dolabellam terra marique persequi: eius belli gerendi causa, quibus ei videatur, naves, nautas, pecuniam, cetera, quae ad id bellum gerendum pertineant, ut imperandi in Syria, Asia, Bithynia, Ponto, ius potestatemque habeat; utque, quamcumque in provinciam eius belli gerendi causa advenerit, ibi maius imperium C. Cassii, proconsulis, sit, quam eius erit, qui eam provinciam tum obtinebit, quum C. Cassius, proconsul, in eam provinciam venerit; Regem Deiotarum patrem, et regem Deiotarum filium, si, ut multis bellis saepenumero imperium populi romani

Vt ea vestra) Ita Fessat. Gaev.
 Ern. Olim ut ex vestra.

Hosque ei tradere) Ita scribendum
 censuit Ern. pro vulg. eosque; durius
 enim est eum — eosque ei.

iuerint, item C. Cassium proconsulem copiis suis, opibusque iuissent, senatui populoque romano gratum esse facturos: itemque si ceteri reges, tetrarchae, dynastaeque fecissent, senatum populumque romanum eorum officii non immemorem futurum: utique C. Pansa, A. Hirtius, consules, alter ambove, si eis videbitur, republica recuperata, de provinciis consularibus, praetoriis, ad hunc ordinem primo quoque tempore referant. Interea provinciae ab iis, a quibus obtinentur, obtineantur, quoad cuique ex senatusconsulto successum sit.

XIII. Hoc senatusconsulto ardentem inflammabitis, et armatum armabitis Cassium. Nec enim animum eius potestis ignorare, nec copias. Animus is est, quem videtis; copiae, quas audistis, fortis et constantis viri, qui, ne vivo quidem Trebonio, Dolabellae latrocinium in Syriam penetrare sivisset. Allienus, familiaris et necessarius meus, post interitum Trebonii profectus, ne dici quidem se legatum Dolabellae volet. Est Q. Caecilius Bassi, privati illius quidem, sed fortis et praeclari viri, robustus et victor exercitus. Deiotari regis, et patris et filii, et magnus et nostro more instructus exercitus: summa in filio spes, summa ingenii indoles, *summa virtus. Quid de patre dicam? cuius benivolentia in populum romanum est ipsius aequalis aetati; qui non solum socius imperatorum nostrorum fuit in bellis, verum etiam dux copiarum suarum. Quae de illo viro Sulla, quae Murena, quae Servilius, quae Lucullus, quam ornate, quam honorifice, quam graviter saepe in senatu praedicaverunt? Quid de Cn. Pompeio loquar? qui unum Deiotarum in toto orbe terrarum ex animo amicum, vereque

Summa virtus) Ita plerique MSS. plurimis editoribus probatum. Valgo nonnulli *summique*.

benivolum, unum fidelem populo romano iudicavit. Fuimus imperatores, ego et M. Bibulus, in propinquis finitimisque provinciis. Ab eodem rege adiuti sumus et equitatu et pedestribus copiis. Sequuntur est hoc acerbissimum et calamitosissimum civile bellum. In quo, quid faciendum Deiotaro, quid omnino rectius fuerit, dicere non est necesse: praesertim quum contra, ac Deiotarus sensit, victoria belli iudicaret. Quo in bello si fuit error, communis ei fuit cum senatu; sin recta sententia, ne victa quidem causa vituperanda est.

XIV. Ad has copias accedent alii reges, etiam delectus accedent. Neque vero classes deerunt: tanti Tyrri Cassium faciunt, tanti eius in Syria nomen atque Phoenice est. Paratum habet imperatorem, C. Cassium, Patres conscripti, respublica contra Dolabellam, nec paratum solum, sed peritum atque fortem. Magnas ille res gessit ante Bibuli, summi viri, adventum, quum Pacori nobilissimos duces maximasque copias fudit, Syriamque immani Parthorum impetu liberavit. Maximam eius, et singularem laudem praetermitto. Cuius enim praedicatio nondum omnibus grata est, hanc memoriae potius, quam vocis testimonio conservemus. Animadverti, Patres conscripti, dici iam a quibusdam, exornari etiam nimium a me Brutum, nimium Cassium ornari: Cassio vero sententia mea dominatum

Tanti Tyrri — tanti eius in Syria nomen) Quoniam erant mari propinquare regiones, in quibus gerendum Cassius bellum habebat, opus ei erat navalibus copiis, quas dicit Cicero non defuturas; suppeditatis, propter insignem viri famam atque estimationem, Tyriis, Syris, Phoenicibus: qui omnes rei nauticae peritia, et navium multitudine commendati.

Hieronymus Fectarius reponendum ceoschnt, tantum eius . . . nomen, ut esset illi simile, quantum nomen eius fuerit in Oral. pro Deiot. cap. 4. Dvc.

Pacori) Parthos duce Pacore regis Orodis filio Euphratem transisse, fesosque a Cassio, caesosque fuisse etiam ex Epist. ad Atticum apparet. FERR.

Cic. Op. Tom. VIII

E

et principatum dari. Quos ego orno? nempe eos, qui ipsi sunt ornamenta reipublicae. Quid? D. Brutum nonne omnibus sententiis semper ornavi? Num igitur reprehenditis? An Antonios potius ornarem, non modo suarum familiarum, sed romani nominis probra atque dedecora? An Censorinum ornem, in bello hostem, in pace sectorem? An cetera ex eodem latrocinio naufragia colligam? Ego vero istos, otii, concordiae, legum, iudiciorum, libertatis inimicos, tantum abest ut ornem, ut effici non possit, quin eos tam oderim, quam rempublicam diligo. Vide, inquit, ne veteranos offendas. Hoc enim vel maxime exaudio. Ego vero veteranos tueri debeo; sed hos, quibus sanitas est, certe timere non debeo. Eos veteranos, qui pro republica arma ceperunt, sequutique sunt C. Caesarem, auctoritate beneficiorum paternorum, hodieque rempublicam defendunt cum magno periculo, non tueri solum, sed etiam commodis augere debeo. Qui autem quiescunt, ut sexta et octava legio, in magna gloria et laude ponendos puto. Comites vero Antonii, qui postquam beneficia Caesaris comederunt, consulem designatum obsident, huic urbi ferro ignique minitantur, Saxae se et Caphoni tradiderunt, ad facinus praedamque natis, num quis est, qui tuendos putet? Ergo aut boni sunt, quos etiam ornare; aut quieti, quos conservare debemus; aut impii, quorum contra furorem, et bellum et iusta arma suscepimus.

XV. Quorum igitur veteranorum animos ne offendamus, veremur? Eorumne, qui D. Brutum obsidione

Reprehenditis) Ernestio placebat
reprehendistis.

Ego vero) Recte sic Pálrn. e MS.
pro vulg. *Ego autem.*

Sed hos, quibus) Muretus edidit:

sed eos quidem quibus sanitas est.

Ferro ignique) Ferrar. et Lambin.
ferrum ignemque.

Suscipimus) MSS. Franc. et Graev.
cepimus. Colon. suscepimus.

cupiunt liberare? quibus quum Bruti salus cara sit, qui possunt Cassii nomen odisse? An eorum, qui utrisque armis vacant? Non vereor, ne acerbis civis quisquam istorum sit, qui otio delectantur. Tertio vero generi non militum veteranorum, sed importunissimorum hostium, cupio quam acerbissimum dolorem inurere. Quamquam, Patres conscripti, quousque dicemus sententias veteranorum arbitratu? Quod eorum tantum fastidium est, quae tanta arrogantia, ut ad arbitrium illorum imperatores etiam deligamus? Ego autem (dicendum est enim, Patres conscripti, quod sentio), non tam veteranos intnendos nobis arbitror, quam quid tirones milites, flos Italiae, quid novae legiones, ad liberandam patriam paratissimae, quid cuncta Italia de vestra gravitate sentiat. Nihil enim semper floret; aetas succedit aetati; diu legiones Caesaris viguerunt; nunc vigent Pansae, vigent Hirtii, vigent Caesaris filii, vigent Planci; vincunt numero, vincunt aetatibus; nimirum etiam auctoritate vincunt. Id enim bellum gerunt, quod ab omnibus gentibus comprobatur. Itaque his praemia promissa sunt; illis persoluta. Fruantur his illi, persolvantur his, quae spopondimus. Id enim deos immortales spero acquisitum iudicare.

Quae quum ita sint, eam, quam dixi, sententiam, vobis, Patres conscripti, censeo comprobendam.

Ad arbitrium illorum) Ern. malebat ipsorum.

M. ANTONIVM

PHILIPPICA DVODECIMA

I.

Etsi minime decere videtur, Patres conscripti, falli, decipi, errare eum, cui vos maximis saepe de rebus assentiamini: consolor me tamen, quoniam vobiscum pariter, et una cum sapientissimo consule erravi. Nam quum duo consulares spem honestae pacis nobis attulissent, quod erant familiares M. Antonii, quod domestici, nosse aliquod eius vulnus, quod nobis ignotum esset, videbantur. Apud alterum uxor, liberi; alter, quotidie literas mittere, accipere, aperto favere Antonio. Hi subito hortari ad pacem, quod iamdiu non fecissent, non sine causa videbantur. Accessit consul hortator. At qui consul? si prudentiam quaerimus, qui minime falli posset; si virtutem, qui nullam pacem probaret, nisi Antonio cedente atque victo; si magnitudinem animi, qui praeferret mortem servituti. Vos autem, Patres conscripti, non tam immemores vestrorum gravissimorum decretorum videbamini, quam spe allata deditionis, quam amici pacem appellerent, de imponendis non de accipiendis legibus

Duo consulares) Q. Fufius Calenus et Pison.

Apud alterum) Calenum.

Quam spe allata — de imponendis
Ed. Grot. *quam spe allata* (deditionem quam amici, pacem appellerent alieni) de imponendis.

cogitare. Auxerat autem meam quidem spem, credo item vestram, quod domum Antonii afflictam moestitia audiebam, lamentari uxorem; hic etiam fautores Antonii, quorum in vultu habitant oculi mei, tristiores videbam. Quod si non ita est, cur a Pisone et a Caleno potissimum, cur hoc tempore, cur tam improvise, cur tam repente pacis est facta mentio? Negat se scire Piso, negat audisse quidquam; negat Calenus, rem ullam novam allatam esse. Atque id nunc negant, posteaquam nos pacificatoria legatione implicatos putant.

II. Quid ergo opus est novo consilio, si in re nihil omnino novi est? Decepti, decepti, inquam, sumus, Patres conscripti: Antonii est acta causa ab amicis eius, non publica. Quod videbam equidem, sed quasi per caliginem: praestrinxerat aciem animi D. Bruti salus. Quod si in bello dari vicarii solerent, libenter me, ut D. Brutus emitteretur, pro illo includi paterer. Atqui hac voce Q. Fufii capti sumus: *ne si a Mutina quidem recesserit, audiemus Antonium? ne si in senatus quidem potestatem futurum se dixerit?* Dura videbatur. Itaque fracti sumus; cessimus. Recedit igitur a Mutina? *nescio*. Paret senatui? *credo*, inquit Calenus: *sed ita, ut teneat dignitatem*. Valde hercule vobis laborandum est, Patres conscripti, ut vestram dignitatem amittatis, quae maxima est; Antonii, quae neque est ulla, neque esse potest, reti-

Lamentari uxorem) Ernestius hic aliquid excidisse suspicabatur. Infra certe etiam liberi commemorantur. Deinde idem cum Graevio dedit hic pro vulg. *hinc*, ut hic significet in senatu.

Negat se scire Piso) Sic edd. pr. et Graev. At Ern. e MS. Long. Guelf.

aliis negat Piso scire se.

Praestrinxerat) Grut. alique recentiores *restrinxerat*. Ferrarii cod. unus *praestrinxerat* quod receperunt Graev. Ern. MSS. et edd. vet. *perstrinxerat*.

Audiemus) Sic Ern. e codd. H. Guelf. edd. pr. Vulgo *audiamus*.

neatis; ut eam per vos recuperet, quam per se perdidit. Si iacens vobiscum aliquid ageret, audirem fortasse; quamquam sed hoc malo dicere, audirem. Stanti resistendum est, aut concedenda una cum dignitate libertas. At non est integrum. Constituta legatio est. Quid autem integrum non est sapienti, quod restitui potest? Cuiusvis hominis est errare: nullius, nisi insipientis, in errore perseverare. Posteriores enim cogitationes (ut aiunt) sapientiores solent esse. Discussa est illa caligo, quam paulo ante dixi: diluxit, patet, videmus omnia, neque per nos solum, sed admonemur a nostris. Attendistis paulo ante, praestantissimi viri quae esset oratio. Moestam, inquit, domum offendi, coniugem, liberos. Admirabantur boni viri, accusabant amici, quod spe pacis legationem suscepissem. Nec mirum, P. Servili! Tuis enim verissimis gravissimisque sententiis omni est non dico dignitate, sed etiam spe salutis spoliatus Antonius. Ad eum ire te legatum, quis non miraretur? De me experior: cuius idem consilium, quod tunc, sentio, quam reprehendatur. Nos reprehendimur soli? Quid? vir fortissimus Pansa sine causa tam accurate paulo ante loquutus est tamdiu? Quid egit, nisi uti falsam prodicionis a se suspicionem depelleret? Vnde autem est ista suspicio? Ex pacis patrocinio repentino, quod subito suscepit, eodem captus errore, quo nos.

Quod si est erratum, Patres conscripti, spe falsa atque fallaci, redeamus in viam. Optimus est portus poenitenti, mutatio consilii.

III. Quid enim, per deos immortales! potest reipu-

(Quis non miraretur) Ernestius malebat miretur. Recte si iam pro certo haberet Servilium legationem obire.

Nunc autem idem dicit ac: si tu ad eum ires legatus, quis non miraretur?

blicae prodesse nostra legatio? Prodesse dico? quid, si etiam obfutura est? Obfutura? quid, si iam nocuit? An vos acerrimam illam et fortissimam populi romani libertatis recuperandae cupiditatem, non imminutam ac debilitatam putatis legatione pacis audita? Quid municipia censetis? quid colonias? quid cunctam Italiam? futuram eodem studio, quo contra commune incendium exarserat? An non putamus fore, ut eos poeniteat professos esse, et prae se tulisse odium in Antonium, qui pecunias polliciti sunt, qui arma, qui se totos et animis et corporibus in salutem reipublicae contulerunt? Quemadmodum vestrum hoc consilium Capua probabit, quae temporibus his Roma altera est? Illa impios cives indicavit, eiecit, exclusit. Illi, illi, inquam, urbi fortissime conanti, e manibus est ereptus Antonius. Quid? legionum nostrarum nervos nonne his consiliis incidimus. Quis est enim, qui ad bellum inflammato animo sit futurus, spe pacis oblata? Ipsa illa Martia, caelestis et divina legio, hoc nuntio languescet et mollietur, atque illud pulcherrimum Martium nomen amittet; excident gladii; fluent arma de manibus. Senatum enim sequuta, non arbitrabitur se graviore odio in Antonium esse debere, quam senatum. Pudet huius legionis, pudet quartae, quae pari virtute nostram auctoritatem probans, non ut consulem et imperatorem suum, sed ut hostem et oppugnatorem patriae, reliquit Antonium; pudet optimi exercitus, qui coniunctus est ex duobus; qui

Quid, si iam nocuit) In MSS. aliquot Ferrario teste, *quid si iam nocuit atque obfuit*; unde ille coniecit legendum *quid si iam obfuit*.

Est ereptus Antonius) Philipp. II: *Quemadmodum illinc abieris, vel potius paene non abieris, scimus.* MAY.

Vide Philipp. II, 39.

Martium) Manutio videbatur interpolatum.

Ex duobus) Exercitum Hirtii significat, cum Caesaris exercitu coniunctum. MAY.

iam lustratus; qui profectus ad Mutinam est; qui si pacis, id est, timoris nostri, nomen audiverit, ut non referat pedem, insistet certe. Quid enim, revocante et receptui canente senatu, properet dimicare?

IV. Quid autem hoc iniustius, quam nos, inscientibus iis, qui bellum gerunt, de pace decernere? nec solum inscientibus, sed etiam invitis? An vos A. Hirtium, praeclarissimum consulem, C. Caesarem, deorum beneficio natum ad haec tempora, quorum epistolas, spem victoriae declarantes, in manu teneo, pacem velle censetis? Vincere illi expetunt: pacisque dulcissimum et pulcherrimum nomen non pactione, sed victoria concupierunt. Quid? Galliam quo tandem animo hanc rem audituram putatis? illa enim huius belli propulsandi, administrandi, sustinendi principatum tenet. Gallia D. Bruti nutum ipsum, ne dicam imperium, sequuta, armis, viris, pecunia, belli principia firmavit: eadem crudelitati M. Antonii suum totum corpus obiecit; exhauritur, vastatur, uritur. Omnes aequo animo belli patitur iniurias, dummodo repellat periculum servitutis. Et, ut omittam reliquas partes Galliae (nam sunt omnes pares), Patavini alios excluserunt, alios eiecerunt, missos ab Antonio: pecunia, militibus, et, quod maxime deerat, armis, nostros duces adjuverunt. Fecerunt idem reliqui, qui quondam in eadem causa erant, et propter multorum annorum iniurias alienati a senatu putabantur. Quos minime mirum est, communicata cum his republica, fideles esse, qui, etiam expertes eius, fidem suam semper praestiterunt. His igitur omnibus victoriam sperantibus pacis nomen afferemus, id est, desperationem victoriae?

Quid enim) Ita Gruterus e MSS.
autem quis enim.

Cum his republica) Int. civitatis
romanae iure accepto per Caesarem.

V. Quid, si ne potest quidem ulla esse pax? quae enim est conditio pacis, in qua ei, cum quo pacem facias, nihil concedi potest? Multis rebus a nobis ad pacem invitatus Antonius bellum tamen maluit. Missi legati, repugnante me; sed tamen missi. Delata mandata; non paruit. Denuntiaturum est, ne Brutum obsideret, a Mutina discederet; oppugnavit etiam vehementius. Et ad eum legatos de pace mittemus, qui pacis nuntios repudiavit? Verecundio remne coram putamus in postulando fore, quam fuerit tum, quum misit mandata ad senatum? Atqui tum ea petebat, quae videbantur improba omnino, sed tamen aliquo modo posse concedi; nondum erat vestris tam gravissimis, tamque multis iudiciis ignominiosisque concisus: nunc ea petit, quae dare nullo modo possumus, nisi prius volumus nos bello victos confiteri. Senatusconsulta falsa delata ab eo iudicavimus. Num ea vera possumus iudicare? Leges statuimus per vim et contra auspicia latas, iisque nec populum nec plebem teneri. Num eas restitui posse censetis? Septies millies avertisse Antonium pecuniae publicae iudicavistis. Num fraude poterit carere peculatus? Immunitates ab eo civitatibus, sacerdotia, regna venierunt. Num figentur rursus eae tabulae, quas vos decretis vestris refixistis.

VI. Quod si ea, quae decrevimus, obruere volumus, num etiam memoriam rerum delere possumus? Quando enim obliviscetur ulla posteritas, cuius sce-

Ignominiosisque concisus) Cod. Lang. *concisus*.

Possumus iudicare) Abhinc, post lacunam supra notatam, redit cod. Vat.

Obrueret volumus) *Volumus*, omissum in MS. Vatic. Ergo Graevius

Ern. alii id deleverunt: quia quid posset fieri quaereretur, non quod vellent facere. Sed illud obruere decreta utique erat voluntatis. Eructius malebat legere *obruere possumus* et in fine tantum *delere*.

lere in hac vestitus foeditate fuerimus? Vt centurionum legionis Martiae Brundisii profusus sanguis eluatur; num elui praedicatio crudelitatis poterit? Vt media praeteream, quae vetustas tollet operum circa Mutinam tetra monumenta, sceleris indicia, latrociniique vestigia? Huic igitur importuno atque impuro parricidae, quid habemus, per deos immortales! quod remittamus? An Galliam ultimam, et exercitum? Quid est aliud, non pacem facere, sed differre bellum? nec solum propagare bellum, sed concedere etiam victoriam? An ille non vicerit, quacumque conditione in hanc urbem cum suis venerit? Armis nunc omnia tenemus; auctoritate valemus plurimum; absunt tot perditii cives, nefarium sequuti ducem. Tamen eorum ora, sermonesque, qui in urbe ex eo numero relictii sunt, ferre non possumus. Quid censeatis, quum tot uno tempore irruerint? nos arma posuerimus, illi non posuerint? nonne nos nostris consiliis victos in perpetuum fore? Ponite ante oculos M. Antonium consularem; sperantem consulatum Lucium adiungite; supplete ceteros, neque nostri ordinis solum, honores et imperia meditantes; nolite ne tirones quidem, Numisios, et Mustellas, Saxasve contemnere. Cum his facta pax, non erit pax, sed pactio servitutis.

VII. L. Pisonis amplissimi viri, praeclara vox, a te

Non pacem facere) Vulgo *quam non pacem facere*. Recte *quam* delevit Ern. auctoritate cod. Vatic.

Propagare bellum) Sic plurimi codd. MSS. Nonnulli alii *prorogare*.

Armis nunc omnia tenemus) Eruestius post Graev. reposuit: *quum suis armis venerit. Nunc omnia tenemus*. Vulgatum tamen verum. Idque Faër-

nus firmavit auctoritate cod. Vatic. Nam *armis omnia tenemus* opponitur sequenti membro: *auctoritate valemus*. Praeterea si Antonius cum suis venerit, per se intelligitur eum cum armis venturum.

Illi non posuerint) *Posuerint* (pro qua nonnulli codd. habent *deposuerint*) servandum duxi, ab Ern. deletum.

non solum in hoc ordine, Pansa, sed etiam in concione iure laudata est. Excessurum se ex Italia, dixit, deos penates et sedes patrias relicturum, si (quod dii omen averterint!) rempublicam oppressisset Antonius. Quaero igitur a te, Piso, nonne oppressam rempublicam putes, si tot, tam impii, tam audaces, tam facinorosi recepti sint? Quos nondum tantis partidiis contaminatos vix ferebamus, hos nunc omni scelere coopertos, tolerabiles censes civitati fore? Aut isto tuo, mihi crede, consilio erit utendum, ut cedamus, abeamus, vitam inopem et vagam persequamur, aut cervices latronibus dandae; atque in patria cadendum. Vbi sunt, C. Pansa, illae cohortationes pulcherrimae tuae, quibus a te excitatus senatus, inflammatus populus romanus, non solum audit, sed etiam didicit, nihil esse homini romano foedius servitute? Idcircone saga sumpsimus, arma cepimus, iuventutem omnem ex tota Italia excussimus, ut, exercitu florentissimo et maximo, legati ad pacem mitterentur? Si postulandam, quid timemus? si accipiendam, cur non rogamur? In hac ego legatione sim, aut ad id consilium admiscear, in quo, ne si dissensero quidem a ceteris, sciturus populus romanus sit? Ita fiet, ut, si quid remissum aut concessum sit, meo semper periculo peccet Antonius, quum ei peccandi potestas a me concessa videatur.

VIII. Quod si habenda cum Antonii latrocinio pacis ratio fuit, mea tamen persona ad istam pacem conciliandam minime fuit deligenda. Ego nunquam le-

Excussimus) Sic Nonius Marcellus et MS. Vatic. Valgo *excivimus*.

Aut ad id consilium) In eorum numero sim, qui agant cum Antonio

de pace? Nam si quid indulgenter concessum fuerit Antonio, dissentiente me, populus tamen existimabit, me quoque assensum dedisse. FERR.

gatos mittendos censui; ego ante legatorum reditum ausus sum dicere: Pacem ipsam si asferrent, quoniam sub nomine pacis bellum lateret, repudiandam; ego princeps sagorum; ego semper illum hostem appellavi, quum alii adversarium; semper hoc bellum, quum alii tumultum. Nec haec in senatu solum; eadem ad populum semper egi; nec solum in ipsum, sed in eius socios facinorum et ministros, et praesentes, et eos, qui una sunt, in totam denique M. Antonii domum sum semper invectus. Itaque, ut alacres et laeti, spe pacis oblata, inter se impii cives, quasi vicissent, gratulabantur: sic me iniquum eiurabant, de me querebantur. Dissidebant etiam Servilio. Meminerant, eius sententiis confixum Antonium; L. Caesarem, fortem quidem illum et constantem senatorem, avunculum tamen; Calenum, procuratorem; Pisonem, familiarem. Te ipsum, Pansa, vehementissimum et fortissimum consulem, factum iam putant leniorem: non quo ita sit, aut esse possit; sed mentio a te facta pacis, suspicionem multis attulit immutatae voluntatis. Inter has personas me interiectum amici Antonii moleste ferunt: quibus gerendus mos est, quoniam semel liberales esse coepimus. Proficiscantur legati optimis ominibus; sed ii proficiscantur, in quibus non offendatur Antonius. Quod si de Antonio non laboratis, mihi certe, Patres conscripti, consulere debetis. Parcite oculis saltem meis, et aliquam veniam insto dolori date. Quo enim ad spectu videre potero (mitto hostem patriae, ex quo

Bellum lateret) Gruter. e MSS. addidit *reipublicae*.

Sic me iniquum) *Inimicum* MS. Gueif. Sed verum est et proprium in hac formula *iniquum*.

Eiurabant) *Eiurare*, est incedendo recusare aliquem, ut ubi iniquum et suspectum. FERR.

Liberales esse coepimus) *Mittendis iterum legatis*. Id.

mihi odium in illum commune vobiscum est), sed quomodo adspiciam mihi uni crudelissimum hostem, ut declarant eius de me acerbissimae conciones? Adeone me ferreum putatis, ut eum eo congredi, aut illum adspicere possim? qui nuper, quum in concione donaret eos, qui ei de parricidis audacissimi videbantur, mea bona donare se dixit Petissio Vrbinati, qui ex naufragio luculenti patrimonii ad haec Antoniana saxa proiectus est. An L. Antonium adspicere potero? cuius ego crudelitatem effugere non potuissem, nisi me moenibus et portis et studio municipii mei defendissem. Atque idem hic mirmillo Asiaticus, latro Italiae, collega Lentonis et Nuculae, quum Aquilae primipili nummos aureos daret, de meis bonis se dare dixit. Si enim de suis dixisset, ne aquilam quidem ipsam credituram putavit. Non ferent, non ferent, inquam, oculi Saxam, Caphonem, non duos praetores, non tribunum plebis, non duo designatos tribunos, non Bestiam, non Trebellium, non Plancum. Non possum animo aequo videre tot, tam importunos, tam sceleratos hostes; nec id fit fastidio meo, sed caritate reipublicae.

IX. Sed vincam animum, mihiq̄ue imperabo; dolorem iustissimum, si non potero frangere, occultabo. Quid? vitae censetisne, Patres conscripti, habendam mihi aliquam esse rationem? quae mihi quidem minime cara est, praesertim quum Dolabella fecerit, ut optanda mors esset, modo sine cruciatu atque tormentis; vobis tamen, et populo romano vilis esse

Aquilae primipili) Ludit in ambigua voce *Aquilae*, quae centurionis nomen erat, et totius legionis. Gn.

Non ferent) Alterum non ferent

En. addidit e MSS. Haydeo.

Quum Dolabella fecerit) Dolabella, interfecto crudeliter Trebonio, effecit ut optabilis mors esset sine cruciatibus. Fina.

spiritus meus non debet. Is enim sum, nisi me forte fallo, qui vigiliis, curis, sententiis, periculis etiam, quae plurima adii propter acerbissimum omnium in me odium impiorum, perfecерim, ut non obstarem reipublicae: ne quid arrogantius videar dicere.

Quod quum ita sit, nihilne mihi de periculo meo cogitandum putatis? Hic quum essem in urbe ac domi, tamen multa saepe tentata sunt, ubi me non solum amicorum fidelitas, sed etiam universae civitatis oculi custodiunt. Quid censetis, quum iter ingressus ero, longum praesertim? nullasne insidias pertimescendas? Tres viae sunt ad Mutinam, quo festinat animus, ut quam primum illud pignus libertatis populi romani, D. Brutum, adspicere possim: cuius in complexu libenter extremum vitae spiritum ediderim, quum omnes actiones horum mensum, omnes sententiae meae pervenerint ad eum, qui mihi fuit propositus, exitum. Tres ergo, ut dixi, viae: a supero mari, Flaminia; ab infero, Aurelia; media, Cassia. Nunc, quaeso, attendite, num aberret coniectura suspicio periculi mei. Etruriam discriminat Cassia. Scimusne igitur, Pansa, quibus in locis nunc sit Lentonis Caesennii septemviralis auctoritas? Nobiscum nec animo certe est, nec corpore. Si autem aut domi est, aut non longe a domo, certe in Etruria est, id est, in via. Quis igitur mihi praestat, Lento-

Ut non obstarem) Sic recte Lambin. Ern. Vulgo *obstarent*.

Horum mensum) Sic e MSS. Martel. Graev. Vulgo *mensura*.

Num aberret coniectura) Vulgo a *coniectura*. Male. Ernestius conieciat *num aberret a coniectura vestra suspicio p. m.* Sed verum est *aberraret coniectura*. Sic de Natura Deor. I, 36, quum dixisset, vituperatos esse eos

qui *suspicati* sint esse naturam divinam addit: *Qui etiam si aberrant coniectura*.

Septemviralis auctoritas) Unus septemvirum, qui ab Antonio dividendis agris praefecti fuerant. CAIL. SEC.

Nec corpore) Abhinc iterum deficit Cod. Vatic. usque ad finem huius orationis.

nem uno capite esse contentum? Dic mihi praeterea, Pansa, Ventidius ubi sit, cui fui semper amicus, antequam ille reipublicae bonisque omnibus tam aperte est factus inimicus. Possum Cassiam vitare, tenere Flaminiam. Quid, si Anconam, ut dicitur, Ventidius venerit? poterone Ariminum tuto accedere? Restat Aurelia. Hic quidem etiam praesidia habebo; possessiones enim sunt P. Clodii. Tota familia occurret, hospitio invitabit, propter familiaritatem notissimam.

X. Hisce ego me viis committam, qui Terminalibus nuper in suburbium, ut eodem die reverterer, ire non sum ausus? Domesticis me parietibus vix tueor sine amicorum custodiis. Itaque in urbe maneo; si licebit, manebo. Haec mea sedes est, haec vigilia, haec custodia, hoc praesidium stativum. Teneant alii castra, regant res bellicas; oderint hostem; nos, ut dicimus, semperque fecimus, urbem et res urbanas vobiscum pariter tuebimur. Neque vero recuso munus hoc: quamquam populum romanum video pro me recusare. Nemo me minus timidus, nemo cautior. Res declarat. Vigessimus annus est, quum omnes scelerati me unum petunt. Itaque ipsi, ne dicam mihi, reipublicae poenas dederunt: me salvum adhuc respublica conservavit sibi. Timide hoc dicam: scio enim quidvis homini accidere posse; verumtamen semel circumseptus lectis valentissimorum hominum viribus

Pro capite esse contentum) sola morte esse contentum: non autem me cum cruciata interficere velle, ut Dolabella Trebonium. FRAG.

Habebo) Ironice scilicet.

Terminalibus) Die, qui Termino deo dicatus erat, et nimirum Calendas Martii, de quo Ovid. li. Fest. CAEL. SEC.

Regant res bellicas) Ita correxi vulg. teneant alii castra, regna, res bellicas.

Oderint) Faërus e coniectura, fuderint, idque Lambino placuit. Wartenburg coni. viderint.

Semel circumseptus) Clodiana temporibus. Ita correxit Faërus, probantibus Manutio et Ernestio. Vulgo circumsessus.

cecidī sciens, ut honestissime possem exsurgere. Possumne igitur satis videri cautus, satis providus, si me huic itineri tam infesto, tamque periculoso commiserō? Gloriam in morte debent illi, qui in republica versantur, non culpae reprehensionem, et stultitiae vituperationem relinquere. Quis bonus non luget mortem Trebonii? quis non dolet interitum talis et civis et viri? At sunt, qui dicant (dure illi quidem, sed tamen dicunt); minus dolendum, quod ab homine impuro nefarioque non caverit. Etenim qui multorum custodem se profiteatur, eum sapientes sui primum capitis aiunt custodem esse oportere. Quum septus sis legibus, et iudiciorum metu, non sunt omnia timenda, neque ad omnes insidias praesidia quaerenda. Quis enim audeat luci, quis in militari via, quis bene comitatum, quis illustrem aggredi? Haec neque hoc tempore, neque in me valent. Non modo enim poenam non extimescet, qui mihi vim attulerit, sed etiam gloriam sperabit a latronum gregibus, et praemia.

XI. Haec ego in urbe praevideo; facilis est circumspectus, unde exeam, quo progrediar, quid ad dextram, quid ad sinistram sit. Num idem in Apennini tramitibus facere potero? in quibus, etiamsi non erunt insidiae, quae facillime esse poterunt, animus tamen erit sollicitus, ut nihil possit de officiis legationis attendere. Sed effugi insidias; perrupi Apenninum. Nempe in Antonii congressum colloquiumque veniendum est. Quinam locus capietur? Si extra castra, ceteri viderint; ego mortem actutum futuram puto. Novi hominis furorem, novi effrenatam violentiam. Cuius acerbitas morum, immanitasque naturae, ne vino quidem permista temperari solet: hic ira dementiaeque inflammatus, adhibito fratre Lucio, teterrima

bellua, nunquam profecto a me sacrilegas manus atque impias abstinebit. Memini colloquia et cum acerrimis hostibus, et cum gravissime dissentientibus civibus. Cn. Pompeius, Sexti filius, consul, me praesente, quum essem tiro in eius exercitu, cum P. Vettio Scatone, duce Marsorum, inter bina castra colloquutus est. Quo quidem memini Sex. Pompeium, fratrem consulis, ad colloquium ipsum Roma venire, doctum virum atque sapientem. Quem quum Scato salutasset, Quem te appellem? inquit. At ille: Voluntate hospitem, necessitate hostem. Erat in illo colloquio aequitas; nullus timor, nulla suberat suspicio; mediocre etiam odium. Non enim, ut eriperent nobis socii civitatem, sed ut in eam reciperentur, petebant. Sulla cum Scipione inter Cales et Teanum, quum alter nobilitatis florem, alter belli socios adhibuisset, de auctoritate senatus, de suffragiis populi, et de iure civitatis, leges inter se, conditionesque contulerunt. Non tenuit omnino colloquium illud fidem: a vi tamen periculoque absuit. Possumusne igitur in Antonii latrocinio aequae esse tuti? Non possumus; aut, si ceteri possunt, me posse diffido.

XII. Quod si non extra castra congregiemur, quae ad colloquium castra sumuntur? In nostra ille nunquam veniet: multo minus nos in illius. Reliquum est,

Gravissime) Aliquot MSS. ut Langii *acerbissime*.

Scatone) Appian. et Vellei. Pat. *Catonem* appellant.

De suffragiis) populi, quibus non admisceri libertinos, sed in quatuor tantum urbanis tribubus, ut antea, suffragium ferre, Sulla volebat: Mariani contra, suffragii lationem eis esse in omnibus xxv tribubus. MAN.

Conditionesque, contulerunt) Sic

Ferrar. Lombia. Ern. Vulgo olim *legis inter se conditione, contulerunt*.

Gruter. et Graev. *leges inter se, conditiones, contulerunt*.

Non tenuit omnino colloquium illud fidem) Quia Scipionis exercitus, a Sulla corruptus, duceem suum reliquit: quem tamen Sulla, quum posset interficere, dimisit incolumem. Epitome, lib. LXXXV; Plutarchus in Sulla.

Cic. Op. Tom. VIII

F

ut et accipiantur et remittantur postulata per literas. Ergo erimus in castris. Mea ad omnia postulata una sententia: quam quum hic, vobis audientibus, dixerō, isse et redisse me putatote; legationem confecerō. Omnia ad senatum mea sententia reiiciam, quaecumque postulabit Antonius. Neque enim licet aliter, neque permissum est nobis ab hoc ordine, ut bellis confectis, decem legatis permitti solet more maiorum: neque ulla omnino a senatu mandata accepimus. Quae quum agam in consilio, nonnullis, ut arbitror, repugnantibus, nonne metuendum est, ne imperita militum multitudo per me pacem distineri putet? Facite, hoc meum consilium legiones novas non improbare. Nam Martiam, et quartam, nihil cogitetis, praeter dignitatem et decus, comprobaturas esse: certo scio. Quid? veteranos non veremur? nam timeri se, ne ipsi quidem volunt. Sed quonam modo accipient severitatem meam? Multa enim falsa de me audierunt; multa ad eos improbi detulerunt. Quorum commoda, ut vos optimi testes estis, semper ego sententia, auctoritate, oratione firmavi: sed credunt improbis, credunt turbulentis, credunt suis. Sunt autem fortes illi quidem, sed propter memoriam rerum, quas gesserunt pro populi romani libertate, et salute reipublicae, nimis feroces, et ad suam vim omnia nostra consilia revocantes. Horum ego cogitationem non vereor; impetum pertimesco. Haec quoque pericula tanta si effugero, satisne tutum reditum putatis fore? Quum

Postulabit) MS. Hyydec. *postulavit*, unde Eru. cuni. *postularit*.

Decem legatis) Qui mittebantur, ut victis gentibus leges darent, eaque regio, quae redacta armis esset in populi romani potestatem, proviuciae formam acciperet. Nobis, iu-

quit, non idem, quod illis permissum est: sed nostra sententia nihil constituere, ad senatum reiicere omnia debemus. MAX.

Cogitationem) Sic MS. Ferras. et Guelf. Hyydec. Vulgo olim *cogitationes*.

enim et vestra auctoritate et meo me more defendero, et meam fidem reipublicae constantiamque praestitero: tum erunt mihi non hi solum, qui me oderunt, sed illi etiam, qui invident, extimescendi. Custodiat igitur mea vita reipublicae, eaque, quoad vel dignitas vel natura patietur, patriae reservetur: mors autem necessitatem habeat fati, aut, si ante oppetenda est, oppetatur cum gloria. Haec quum ita sint, etsi hanc legationem respublica, ut levissime dicam, non desiderat; tamen, si tuto licebit ire, proficiscar. Omnino, Patres conscripti, totum huiusce rei consilium non periculo meo, sed utilitate reipublicae metiar. De qua mihi, quoniam liberum est spatium, multum etiam atque etiam considerandum puto, idque potissimum faciendum, quod maxime interesse reipublicae iudicavero.

Et levissime dicam) Possem dicere: Reicit, odit, utpote quae damnum potius, quam finclum afferet: sed hoc laudum dico: Non desiderat, quasi minime necessarium. MAN.

Multum etiam) MS. Vrsin. *dumque mihi liberum est, multo etiam.*—

M. A N T O N I V M

PHILIPPICA TERTIADECIMA

I.

A principio huius belli, Patres conscripti, quod cum impiis civibus, consceleratisque hominibus, suscepimus, timui, ne conditio insidiosa pacis, libertatis recuperandae studia restingueret. Dulce enim etiam nomen est pacis; res vero ipsa quum iucunda, tum salutaris. Nam nec privatos focos, nec publicas leges, nec libertatis iura cara habere potest, quem discordiae, quem caedes civium, quem bellum civile delectat; eumque ex numero hominum eiiciendum, ex finibus humanae naturae exterminandum puto. Itaque sive Sulla, sive Marius, sive uterque, sive Octavius, sive Cinna, sive iterum Sulla, sive alter Marius, et Carbo, sive quis alius civile bellum optavit, cum detestabilem civem reipublicae natum iudico. Nam quid ego de proximo dicam, cuius acta defendimus, quum ipsum iure caesum fateamur? Nihil igitur hoc cive, nihil hoc homine tetrius: si aut civis,

Consceleratisque hominibus) Olim edebatur *sceleratisque*. Muret. Graev. e MSS. *consceleratisque*. Sed Ernestinus vidit addendum esse *hominibus*.

Nec libertatis iura cara habere potest) Graev. e cod. Vatic. edidit: *neo publicas leges videtur nec libertatis iura cara habere*. Vulgatum ut multo

gravius praetulit Ern. cui tamen potest videbatur numerosius post *publicas leges* collocari.

De proximo) scil. Caesare.

Quum ipsum) *Quum auctorem ipsum* Muret. Graev. e cod. Vatic.

Hoc cive) Antonio.

aut homo habendus est, qui civile bellum concupiscit. Sed hoc primum videndum est, Patres conscripti, cum omnibusne pax esse possit, an sit aliquod bellum inexpiabile: in quo pactio pacis lex sit servitutis. Pacem cum Scipione Sulla sive faciebat, sive simulabat, non erat desperandum, si convenisset, fore aliquem tolerabilem statum civitatis. Cinna si concordiam cum Octavio confirmare voluisset, hominum in republica sanitas remanere potuisset. Proximo bello si aliquid de summa gravitate Pompeius, multum de cupiditate Caesar remisisset: et pacem stabilem, et aliquam rempublicam nobis habere licuisset.

II. Hoc vero quid est? cum Antoniis pax potest esse? cum Censorino, Ventidio, Trebellio, Bestia, Nucula, Munatio, Lentone, Saxa? Exempli causa paucos nominavi: genus infinitum, immanitatemque ipsi cernitis reliquorum. Addite illa naufragia Caesaris amicorum, Barbas Cassios, Barbatos, Polliones; addite Antonii collusores et sodales, Eutrapelum, Melam, Caelium, Pontium, Crassicium, Tironem, Mustelam, Petissium: comitatum relinquo, duces nomino. Accedunt Alaudae, ceterique veterani, seminarium iudicum tertiae decuriae, qui, suis rebus exhaustis, beneficiis Caesaris devoratis, fortunas nostras concupiverunt. O fidam dexteram Antonii, qua ille plurimos cives trucidavit! o ratum religiosumque foedus, quod cum Antoniis fecerimus! Hoc si Marcus violare conabitur, Lucii eum sanctitas a scelere revocabit. Illis locus si in hac urbe fuerit, urbi ipsi

Bellum inexpiabile) Expiabile MS. Guelf. Edd. vet.

Si convenisset) Ita MSS. complures, in his Guelf. Male Lamb. Gothofr. Gruter. convenissent.

Hominum in republica) Suspectum

est hominum. Faernus malebat omnino. Sed hoc minus satisfacit.

Accedunt Alaudae) Vulgo hac accedant. Sed huc quum de rebus non de personis dicatur, auctore Ernestio delevi.

locus non erit. Ora vobis eorum ponite, Patres conscripti, ante oculos, * incessum, adspectum, vultum, spiritum; latera tegentes alios, sequentes alios, alios praegredientes amicos. Quam vim anhelitus, quas contumelias fore censetis, minasque verborum? Nisi forte eos pax ista leniet, maximeque, quum in hunc ordinem venerint, salutabunt benigne, comiter appellabunt unumquemque nostrum.

III. Non recordamini, per deos immortales! quas in eos sententias dixeritis? Acta Antonii rescidistis; leges refixistis; per vim et contra auspicia latus decrevistis; totius Italiae delectus excitastis; collegam et socium scelerum omnium, hostem iudicavistis. Cum hoc quae pax potest esse? Si esset externus hostis, tamen id ipsum vix, talibus factis, posset aliquo modo. Maria, montes, regionum magnitudines interessent: odissetis eum, quem non videretis. Ibi in oculis haerebunt, et, quum licebit, in faucibus: quibus enim septis tam immanes belluas continebimus? At incertus exitus belli est. Est omnino fortium virorum, quales vos esse debetis, virtutem praestare; tantum enim possunt; fortunae culpam non extimescere. Sed

* *Ora vobis eorum ponite* — ante oculos) Vulgo additur et maxime Antoniorum. Recte autem Ernestius movit hic de solis Antonii agi, et ea quae ad eos solos pertinere; ideoque verba et maxime Antoniorum e glossatoris adnotatione fluxisse.

Quam vim anhelitus) Codd. nonnulli teste Ferrario, quem vini anhelitum. Id receperunt Fäber. Manut. Lamb. Graev. Vulgatum recte defendit Ern.

Totius Italiae delectus) Delectus vitiosam esse scusit Ernestius. Aut legendum est totius Italiae inventu-

tem delectu excitastis; aut totius Italiae delectum instituitis.

Collegam) Dolabellam, post interfectum Trebonium.

Tamen id ipsum vix) Pax fieri aliquo modo posset, tamen, si talia praemississent facta, qualia et ab Antonio contra senatum, et a senato contra Antonium, id ipsum fieri vix posset. Avon.

Tantum enim possunt) Ita cod. Vatic. et MS. Graev. Receperunt Lamb. Graev. Olim virtute praestare tantum ut possent.

quoniam ab hoc ordine non fortitudo solum, verum etiam sapientia postulatur (quamquam vix videntur haec posse seiungi, seiungamus tamen): fortitudo dimicare iubet, iustum odium incendit, ad confligendum impellit, vocat ad periculum. Quid sapientia? cautiore utitur consiliis, in posterum providet, est omni ratione protectior. Quid igitur censet? parandum est enim: atque id optimum iudicandum, quod sit sapientissime constitutum. Si hoc praecipit, ne quid vita existimem antiquius, ne decernam capitis periculo, fugiam omne discrimen: quaeram ex ea, etiamne, si erit, quum id fecero, serviendum. Si annuerit: nae ego sapientiam istam, quamvis sit erudita, non audiam. Sin responderit: Tu vero ita vitam corpusque servato, ita fortunas, ita rem familiarem, ut posteriora libertate ducas, itaque his uti velis, si libera republica possis; nec pro his libertatem, sed pro libertate haec proicias, tanquam pignora iniuriae: tum sapientiae vocem audire videar, eique, uti deo, paream. Itaque si, receptis illis, possumus esse liberi, vincamus odium, pacemque patiamur: sin ius, incolumibus his, nullum esse potest, laetemur decertandi oblatam esse fortunam. Aut enim, victis his, fruemur victrice republica, aut oppressi (quod omen avertat Iupiter!), si non spiritu, at virtutis laude vivemus.

Odium incendit) Codd. duo Guelfelmiani intendit.

Ratione protectior) Ern. malebat tectior.

Si libera republica possis) Sic Faëro. Mur. Graev. Ern. e cod. Vatic. Olim male si liberare rempublicam possis.

Tanquam pignora iniuriae) Tanquam ea, quae si malis retinere, quam

libertatem, iniuste facias. Proice igitur; quibus proiecta, nullam iam pati iniuriam possumus. FERR.

Sin ius, incolumibus his, nullum esse potest) Edd. pr. Sin liber vivis his incolumibusque nullus esse potest. Cod. Vatic. ex eoque Faëro. Murel. Graev. sin otium his incolumibus nullum esse potest. Recte autem le-

IV. At enim nos M. Lepidus, imperator iterum, pontifex maximus, optime proximo civili bello de republica meritus, ad pacem adhortatur. Nullius apud me, Patres conscripti, auctoritas maior est, quam M. Lepidi, vel propter ipsius virtutem, vel propter familiae dignitatem. Accedunt eodem multa privata, magna eius in me merita, ac mea quaedam in illum officia. Maximum vero eius beneficium numero, quod hoc animo in rempublicam est: quae mihi vita mea semper fuit carior. Nam quum Magnum Pompeium, clarissimum adolescentem, praestantissimi viri filium, auctoritate adduxit ad pacem, remque publicam sine armis maximo civilis belli periculo liberavit: tum me eius beneficio plus quam pro virili parte obligatum puto. Itaque ei et honores decrevi, quos potui amplissimos, in quibus vos mihi estis assensi; nec unquam de illo et sperare optime et loqui destitui. Magnis et multis pignoribus M. Lepidum respublica illigatum tenet; summa nobilitas est hominis, summi honores, amplissimum sacerdotium, plurima urbis ornamenta, ipsius, fratris, maiorumque monumenta; probatissima uxor, optatissimi liberi, res familiaris quum ampla, tum casta a cruore civili; nemo ab eo civis violatus, multis eius beneficio et misericordia liberati. Talis igitur vir et civis opinione labi potest, voluntate a republica dissidere nullo pacto potest. Pacem vult M. Lepidus. Praeclare; si talem potest efficere, qualem nuper effecit; qua pace Cn. Pompeii filium respublica adspiciet, suoque sinu complexuque recipiet; neque solum illum, sed cum

ctionem multorum MSS. *sin ius defendit* Ern. quum postulat vis oppositionis.

Quos potui) *Quam potui* edd. vetl.

Sed Faërn. *Græc. it. Ern. e cod. Guelf. et Hayd. quos potui.*

Cn. Pompeii filium) *Sex. Pompeium.*

illo se ipsam sibi restitutam putabit. Haec causa fuit, cur decerneretis statuam in rostris cum inscriptione praeclara: cur absenti triumphum. Quamquam enim magnas res bellicas gesserat, et triumpho dignas, non erat tamen ei tribuendum, quod nec L. Aemilio, nec Aemiliano Scipioni, nec superiori Africano, nec Mario, nec Pompeio, qui maiora bella gesserunt: sed, quod silentio civile bellum confecerat, ut primum licuit, honores in eum maximos contulistis.

V. Existimasne igitur, M. Lepide, qualem Pompeium respublica habitura sit civem, tales futuros in republica Antonios? In altero pudor, gravitas, moderatio, integritas: in illis (et quum hos compello, praetereo animo ex grege latrocinii neminem), libidines, scelera, ad omne facinus immanis audacia. Deinde obsecro vos, Patres conscripti, quis hoc vestrum non videt, quod Fortuna ipsa, quae dicitur caeca, vidit? Salvis enim actis Caesaris, quae concordiae causa defendimus, Pompeio sua domus patebit; camque non minoris, quam emit Antonius, redimet: redimet, inquam, Cn. Pompeii domum filius. O rem acerbam! Sed haec satis diu multumque desfleta sunt. Decrevestis tantam pecuniam Pompeio, quantam ex bonis patriis in praedae dissipatione inimicus victor redegisset. Sed hanc mihi dispensationem, pro paterna

Ut primum licuit) Sic Ern. Graev. Faïrn. cum *primum*. Alii *primum ut*.

Praetereo animo) Hoc restituit Ern. ex edd. vet. et codd. MSS. Vulgo *ominino*.

Sua domus patebit) In hoc loco haesit Ernestius putavitque legendum: *Pompeio sua domus non patebit*. Sed hac correctione facile caremus. Sensus est: Quod salvis actis Caesaris fieri non posset, quae de-

fendimus, id nunc fortuna ipsa adiuvante fiet: *Pompeio sua domus patebit*, sed ita ut eam redimat pecunia publica. Sic utique id fiet salvis Caesaris actis, quibus Pompeii bona proscripta erant. Ernestii coniecturae prorsus repugnat locus, cap. 5 extr. « *Mihi quidem — ut actis Caesaris firmis ac ratis — recuperare* ».

Dispensationem) Tantum pecuniae decretum fuerat a senatu Pompeio,

necessitudine et coniunctione, deponco. Redimet hortos, aedes, urbana quaedam, quae possidet Antonius. Nam argentum, vestem, supellectilem, vinum amittet aequo animo, quae ille belluo dissipavit. Albanum, Firmanum a Dolabella recuperabit; etiam ab Antonio Tusculanum. Hicque, qui nunc Mutinam oppugnant, D. Brutum obsident, de Falerno Anseres depellentur. Sunt alii plures fortasse; sed mea memoria dilabuntur. Ego etiam eos dico, qui hostium numero non sunt, Pompeianas possessiones, quanti emerint, filio reddituros. Satis inconsiderati fuit, ne dicam audacis, rem ullam ex illis attingere. Retinere vero quis poterit, clarissimo domino restituto? An is non reddet, qui domini patrimonium circumplexus, quasi thesaurum draco, Pompeii servus, libertus Caesaris, agri Lucaei possessiones occupavit? Atque illud septies millies, quod adolescenti, Patres conscripti, spopondistis, ita describetur, ut videatur a vobis Cn. Pompeii filius in patrimonio suo collocatus. Haec senatus. Reliqua populus romanus in ea familia, quam vidit amplissimam, persequetur: in primis paternum auguratus locum,

quantum redegit Caesar ex venditione eorum honorum; sibi Cicero petebat hoc munus solvendae Pompeio pecuniae. FERR.

De Falerno Anseres) Alludit ad cognomen hominis, qui illud praedium acceperat, Antonii Anseris poetulae, qui cum Antonio erat in castris ad Mutinam. ERM. — *De Falerno Anseres*) Fundo Cn. Pompeii quem Antonius poetulae cuidam, qui Anser vocabatur, eratque cum ipso Antonio in castris, dono dedit. SERV. MAX. Anseribus non facile quidquam edacius invenitur, inquit S. Augustinus lib. contra epist. Manich. cap. 35. An

haec fortasse ratio est cur Antonianos, qui Pompeii in agro Falerno villas possessionesque obtinebant, *Anseres* nomet Cicero? ANON.

An is non reddet) Opinantur hic notari Demetrium, Pompeii servum, qui hero trucidato, muneribus placavit Caesarem, et inter eius libertos numerari obtinuit. Eius de insolentia quaedam refert Plutarchus in Pompeio. ANON.

Spopondistis) Non, spopondistis illud septies millies adolescenti: sed, quod vos esse facturos adolescenti spopondistis. Refertur enim ad illud, ita describe. MAX.

in quem ego eum, ut, quod a patre accepi, filio red-
dam, mea nominatione cooptabo. Vtrum igitur au-
gurem Iovis optimi maximi, cuius interpretes inter-
nuntiique constituti sumus, utrum populus romanus
libentius sanciet, Pompeium an Antonium? Mihi qui-
dem numine deorum immortalium videtur hoc for-
tuna voluisse, ut, actis Caesaris firmis ac ratis, Cu.
Pompeii filius posset et dignitatem et fortunas patrias
recuperare.

VI. Ac ne illud quidem silentio, Patres conscripti,
praetereundum puto, quod clarissimi viri legati, L.
Paullus, Q. Thermus, C. Fannius, quorum habetis
cognitam voluntatem in rempublicam, eamque per-
petuam atque constantem, nuntiant, se Pompeii con-
veniendi causa devertisse Massiliam, eumque cogno-
visse paratissimo animo, ut cum suis copiis iret ad
Mutinam, ni vereretur veteranorum animos offendere.
Est vero eius patris filius, qui sapienter faciebat non
minus multa, quam fortiter. Itaque intelligitis et
animum ei praesto fuisse, nec consilium defuisse. At-
que etiam hoc M. Lepido providendum est, ne quid
arrogantius, quam eius mores ferunt, facere videat-
ur. Si enim nos exercitu terret, non meminit, illum
exercitum, senatus populiue romani atque univer-
sae reipublicae esse, non suum. At uti potest pro suo.
Quid tum? omniane viris bonis, quae facere possunt,
facienda sunt? etiamne, si turpia, si perniciose erunt?
si facere omnino non licebit? Quid autem turpius aut
foedius, aut quid minus deceat, quam contra sena-
tum, contra cives, contra patriam exercitum ducere?

Praetereundum puto) Sic plerique
codd. MSS. In nonnullis edd. *prae-*
termittendum.

Aut foedius) Ern. malebat *ac foe-*
dus.

Aut quid) Sic Ern. ex edd. pr. et
MS. Gailf. Vulgo *quod.*

quid vero magis vituperandum, quam id facere, quod non liceat? Licet autem nemini contra patriam ducere exercitum: si quidem licere dicimus, quod legibus, quod more maiorum institutisque conceditur. Neque enim, quod quisque potest, id ei licet; nec, si non obstat, propterea etiam permittitur. Tibi enim exercitum, Lepide, tanquam maioribus tuis, patria pro se dedit. Hoc tu arcebis hostem, fines imperii propagabis; senatui populoque romano parebis, si quam ad aliam rem te forte traduxerit.

VII. Haec si cogitas, es, M. Lepide, pontifex maximus, M. Lepidi, pontificis maximi, pronepos. Sin hominibus tantum licere iudicas, quantum possunt, vide, ne alienis exemplis, iisque recentibus, uti, quam et antiquis et domesticis malle videre. Quod si auctoritatem interponis sine armis, magis equidem laudo; sed vide, ne hoc ipsum non sit necesse. Quamquam enim est tanta in te auctoritas, quanta debet in homine nobilissimo, tamen senatus se ipse non contemnit; nec vero fuit unquam gravior, constantior, fortior. Incensi omnes rapimur ad libertatem recuperandam; non potest ullius auctoritate tantus senatus populiue romani ardor extinguere; odimus; irati pugnamus; extorqueri de manibus arma non possunt; receptui signum, aut revocationem a bello audire non possumus; speramus optima; pati vel difficillima malumus, quam servire. Caesar confecit invictum exercitum; duo fortissimi consules adsunt cum copiis; L. Planci, consulis designati, varia et magna auxilia non desunt; de D. Bruti salute certatur. Vnus furiosus gladiator cum teterrimorum latronum manu, contra patriam, contra deos penates, contra aras et focos,

Extingui) Vrsinus malebat restingui.

contra quatuor consules gerit bellum. Huic cedamus? huius conditiones audiamus? cum hoc pacem fieri posse credamus?

VIII. At periculum est, ne ab hoc opprimamur. Non metuo, ne is, qui suis amplissimis fortunis, nisi nobis salvis, frui non potest, prodat salutem suam. Bonos cives primum natura efficit, adiuvat deinde fortuna. Omnibus enim bonis expedit, salvam esse rem publicam. Sed in iis, qui fortunati sunt, magis id apparet. Quis fortunatior Lepido, ut ante dixi? quis eodem sanior? Vidit eius moestitiam atque lacrymas populus romanus Lupercalibus; vidit, quam abiectus, quam confectus esset, quum Caesari diadema imponens Antonius, servum se illius, quam collegam esse malebat. Qui si reliquis flagitiis et sceleribus se abstinere potuisset, tamen unum ob hoc factum, dignum illum omni poena putarem. Nam, si ipse servire poterat, nobis dominum cur imponebat? et, si eius pueritia pertulerat libidines eorum, qui erant in eum tyranni, etiamne in nostros liberos dominum et tyrannum comparabat? Itaque illo interfecto, qualem eum in nos esse voluit, talis ipse in ceteros exstitit. Qua enim in barbaria quisquam tam teter, tam crudelis tyrannus, quam in hac urbe armis barbarorum stipatus Antonius? Caesare dominante veniebamur in senatum, si non libere, attamen tuto. Hoc archipirata (quid enim dicam tyranno?) haec subsellia ab Ityreis occupabantur. Prorupit subito Brundisium, ut

Quatuor consules) Nempe duos Iulius et Hirsum et Pansa, duos designatos D. Brutum et Plancum, Eas.

Nisi nobis salvis) Ferrar. e cod. Lang. *bonis*, cod. Guelph. vobis.

In ceteros exstitit) Ernestius ceteros intelligebat eos, qui essent extra

urbem. Sed quam alacrum exemplum tyrannidis Antonii affert in senatu declaratum, ipse in ceteros idem est ac ipse in alios; nam Caesare vivo eum Antonius tam sibi quam aliis tyrannum imposuerat.

inde, agmine quadrato, ad urbem accederet; lautissimum oppidum, nunc municipium, honestissimorum quondam colonorum, Snessam, fortissimorum militum sanguine implevit; Brundisii, in sinu, non modo avarissimae, sed etiam crudelissimae uxoris, delectos Martiae legionis centuriones trucidavit. Inde se quo furore, quo ardore, ad urbem, id est, ad caedem optimi cuiusque, rapiebat!

IX. Quo tempore dii immortales ipsi praesidium improvisum nec opinantibus nobis obtulerunt. Caesaris enim incredibilis ac divina virtus latronis impetus crudeles ac furibundos retardavit: quem tum ille demens laedere se putabat edictis, ignorans, quaecumque falso diceret in sanctissimum adolescentem, ea vere recidere in memoriam pueritiae suae. Ingressus urbem est, quo comitatu, vel potius agmine! quum dextra, sinistra, gemente populo romano, minaretur dominis, notaret domos, divisurum se urbem palam suis polliceretur. Rediit ad milites; ibi pestifera illa Tiburi concio. Inde ad urbem cursus; senatus in Capitolium; parata de circumscribendo adolescente sententia consularis: quum repente (nam Martiam legionem Albae consedisce sciebat) affertur ei de quarta nuntiis. Quo percussus, abiicit consilium referendi ad senatum de Caesare. Egressus est non viis, sed tramitibus, paludatus; eoque die ipso innumerabilia senatusconsulta fecit; quae quidem omnia citius delata, quam scripta sunt. Ex eo non iter, sed cursus et fuga in Galliam. Caesarem sequi arbitrabatur cum legione Martia, cum quarta, cum veteranis; quorum ille nomen prae metu ferre non poterat; eique in Galliam penetranti, D. se

Caesaris) scil. Octaviani.

Delata, quam) Olim erat *lata*, quod Gruterus retinuit. Sed cod.

Lang. et Guelph. *delata* quod receperunt Ferrar. Graev. Ern. — Forte etiam legendum; *lata*. ANAR.

Brutus obiecit; qui se totius belli fluctibus circumiri, quam illum aut regredi, aut progredi maluit, Mutinamque illi exsultanti, tanquam frenos furoris iniiecit. Quamquam operibus munitionibusque sepsisset, nec eum florentissimae coloniae dignitas, neque consulis designati maiestas a parricidio deterreret: tum, me (testor et vos, et populum romanum, et omnes deos, qui huic urbi praesident) invito et repugnante, legati missi tres consulares ad latronem M. Antonium, gladiatorum ducem. Quis tam barbarus unquam? tam immanis? tam ferus? Non audit; non respondit: neque eos solum praesentes, sed multo magis nos, a quibus illi erant missi, sprexit, et pro nihilo putavit. Postea, quod scelus, quod facinus parricida non edidit? circumdedit colonos vestros, exercitum populi romani, imperatorem, consulem designatum; agros divexat civium optimorum; hostis teterrimus omnibus bonis cruces ac tormenta minitatur. Cum hoc, M. Lepide, pax esse quae potest? cuius ne supplicio quidem ullo satiari videtur posse populus romanus.

X. Quod si quis adhuc dubitare potuit, quin nulla societas huic ordini populoque romano cum illa importunissima bellua possit esse: desinet profecto dubitare, his cognitis literis, quas mihi missas ab Hirtio consule modo accepi. Eas dum recito, dumque de singulis sententiis breviter disputo, velim, Patres conscripti, ut adhuc fecistis, me attente audiat. *Antonius Hirtio et Caesari*. Neque se imperatorem dicit, neque Hirtium consulem, nec pro praetore Caesarem. Satis hoc quidem scite. Deponere alienum nomen ipse maluit, quam illis suum reddere. *Cognita morte C.*

Desinet profecto) Recte sic Ernestius, qui praecessit potuit. Vulgo *desinat*.

Se imperatorem dicit) Vulgo abest *dicit*, quod auctore Ernestio inserui.

Trebonii, non plus gavisus sum, quam dolui. Videte, quid se gavisum, quid doluisse dicat: facilius de pace deliberabitis. Dedisse poenas sceleratum cineri atque ossibus clarissimi viri, et apparuisse numen deorum intra finem anni vertentis, aut iam soluto supplicio paricidii, aut impendente, laetandum est. O Spartace! quem enim te potius appellem? cuius propter nefaria scelera tolerabilis fuisse videtur Catilina: laetandum esse, ausus es scribere, Trebonium dedisse poenas? sceleratum Trebonium? quo scelere, nisi quod te Idibus Martiis a debita tibi peste seduxit? Age, hoc laetaris: videamus, quid moleste feras. Hostem iudicatum hoc tempore Dolabellam, eo quod sicarium occiderit, et videri cariorem populo romano filium scurrae, quam C. Caesarem, patriae parentem, ingemiscendum est. Quid ingemiscis hostem Dolabellam iudicatum? Quid? te non intelligis delectu tota Italia habito, consulibus missis, Caesare ornato, sagis denique sumptis, hostem iudicatum? Quid est autem, scelerate, quod gemas, hostem Dolabellam iudicatum a senatu, quem tu ordinem omnino esse nullum putas? sed eam tibi causam belli gerendi proponis, ut senatum funditus deleas, reliqui boni et locupletes omnes summum ordinem subsequantur. At scurrae filium appellat. Quasi vero ignotus nobis fuerit splendidus eques romanus, Trebonii pater. Is autem humilitatem despiciere audet cuiusquam, qui ex Fadia sustulerit liberos?

Aut iam soluto — impendente)
Glossatoris notam esse suspicatus est Ernestius. Si genuina sunt Antonius dicere voluit, Caesaris caedem partim in Trebonio positam esse, partim in aliquis interfectoribus punitum iri.

Seduxit) Ep. ad Trebonium, lib. X: Quod vero a te, viro optimo, seductus est, tuoque beneficio adhuc vivit haec pestis: interdum, quod mihi vix fas est, tibi subirascor. MAN.
Qui ex Fadia) Optimam hanc

XI. *Acerbissimum vero est, te, A. Hirti, ornatum esse beneficiis Caesaris, et talem ab eo relictum, qualem ipse miraris.* Equidem negare non possum, a Caesare Hirtium ornatum; sed illa ornamenta, in virtute et industria posita, lucent. Tu vero, qui te ab eodem Caesare ornatum negare non potes, quid esses, si tibi ille non tam multa tribuisset? ecquo te tua virtus provexisset? ecquo genus? in lustris, popinis, alea, vino, tempus aetatis omne consumpsisses, ut faciebas, quum in gremiis nimarum, mentum mentemque deponeres. *Et te, o puer...* Puerum appellat, quem non modo virum, sed etiam fortissimum virum sensit et sentiet. Est istuc quidem nomen aetatis, sed ab eo minime usurpandum, qui suam amentiam puero huic praebebat ad gloriam. *qui omnia eius nomini debes....* Debet vero, solvitque praeclare. Si enim ille patriae parens est, ut tu appellas (ego, quid sentiam, videro): cur non hic parens verior, a quo certe vitam habemus, e tuis facinorosissimis manibus ereptam?... *id agere, ut iure damnatus sit Dolabella?* Turpem vero actionem, qua defenditur amplissimi auctoritas ordinis contra crudelissimi gladiatoris amentiam! *et ut venefica haec liberetur obsidione?* Veneficam audes appellare eum virum, qui tuis veneficiis remedia invenit? quem ita obsides, novae Hannibal, aut si quis acutior imperator fuit, ut te ipse obsideas, neque te istinc, si cupias, possis explicare. Recesseris: undique omnes insequentur. Manseris: haerebis. Nimirum recte veneficam appellas, a quo tibi praesentem

Ferrarii emendationem receperunt omnes. In MSS. erat *ex eodem*, vel *ex ea die*.

Ecquo genus) Vrsinus malebat *ingenium*. Recte opinor: sicut ante dicebantur ornamenta in virtute et in-

dustria posita.

Si quis acutior) Ironia. Vocal autem Annibalem, quia ille etiam inter montium angustias a Fabio Dictatore circumcensus, vix inde se explicaverat. FARR.

pestem vides comparatam. *Vt quam potentissimus sit Cassius atque Brutus?* Putes Censorinum dicere, aut Ventidium, aut etiam ipsos Antonios. Cur autem nolint potentes esse, non modo optimos et nobilissimos viros, sed tecum etiam in reipublicae defensione coniunctos? *Nimirum eodem modo haec adspicitis, ut priora; quae tandem? castra Pompeii senatum appellatis.*

XII. An vero tua castra potius senatum appellaremus? in quibus tu videlicet consularis, cuius totus consulatus est ex omni monumentorum memoria revulsus; duo praetores sine causa diffisi, se aliquid habituros; nos enim Caesaris beneficia defendimus; praetorii, Philadelphus Annius, et innocens Gallius; aedilicii, corycus laterum et vocis meae Bestia, et fidei patronus, fraudator creditorum Trebellius, et homo diruptus dirutusque, Q. Caelius, columenque amicorum Antonii, Cotyla Varius; quos Antonius deliciarum causa loris in convivio caedi iubebat a servis publicis; septemvirales, Lento, Nucula; tum deliciae atque amores populi romani L. Antonius; tribuni primum duo designati, Tullus Hostilius, qui suo iure in porta nomen inscripsit; qui quum prodere imperatorem suum non posset, reliquit. Alter est designatus,

Vt priora) Eodem modo sentitis potentes fieri Brutum et Cassium, quo Dolubellam hostem iudicari: senatu passi estis. *Id.*

Corycus laterum—Bestia) In *Coricus* vel latet nomen *Vopiscus*; cur enim hunc inter aedilicios istos omittat, supra XI, 5 nominatum? vel legendum *Corycus*, ut *Corycus laterum et vocis meae* sit i. q. *in quo defendendo olim latera et vocem satius exercui*. Num cum quinquies se defensum esse supra memoravit. Tum autem legerem: *Corycus laterum et*

vois meae Vopiscus, et Bestia. *Corycus* (κορυμνος) erat saccus suspensus, farina sive arena repletus, in quo impellendo et movendo exercebatur athletae. Pro *Coricus* nonnulli habent *C. Oricus*.

In porta nomen inscripsit) Quae Hostilia dicebatur. Inre igitur quodam suo in porta nomen suum inscripsit. *MAX.*

Imperatorem suum) Caesarem adolescentem, aut D. Brutum potius, quam Hirtium. *Id.*

Viseius nescio qui, fortis (ut aiunt) latro; quem tamen temperantem fuisse ferunt Pisauri balneatorem.

XIII. Sequuntur alii, tribunicii, T. Plancus in primis: qui si senatum dilexisset, nunquam curiam incendisset. Quo scelere damnatus, in eam urbem rediit armis, e qua excesserat legibus; sed hoc ei commune cum plurimis dissimillimis. Illud tamen verum, quod in hoc Planco proverbii loco dici solet: perire eum non posse, nisi ei crura fracta essent. Fracta sunt, et vivit. Hoc tamen, ut alia multa, Aquilae fertur acceptum. Est etiam ibi Decius, ab illis, ut opinor, Muribus Decii. Itaque Caesaris munere, Deciorum quidem, multo intervallo, per hunc praeclarum virum memoria renovata est. Saxam vero Decidium praeterire qui possum, hominem deductum ex ultimis gentibus, ut eum tribunum plebis videremus, quem civem nunquam videramus? Est quidem alter Saserna: sed omnes tamen tantam habent similitudinem inter se, ut in eorum praenominibus errem. Nec vero Exitius, Philadelphi frater, quaestor, praetermittendus est, ne, si de clarissimo adolescente siluero, invidisse videar Antonio. Est etiam Asinius quidam senator voluntarius, lectus ipse a se. Apertam curiam vidit post Caesaris mortem; mutavit calceos; pater conscriptus

Temperantem fuisse ferunt Pisauri balneatorem) locus est, in voce temperantem. Quam enim dicere videntur ἀσέπεια, ad balnearum munus respicit, quorum est aquam temperare. Horatius: Quo Chium pretio carum mercoeris, quis aquam temperet ignibus. Mva.

T. Plancus) Tribunus pl. fuit Plancus, quo anno Clodius a Milone occisus est: auctorque fuit, ut Clodii corpus in curia plebs cremaret: quo

incendio curia quoque ipsa conflavit. Eo crimine lege Pompeia de vi damnatum Caesar restituit. Phil. x, xl. Man.

Dissimillimis) Pigh. Annual. pag. 418 conl. sibi simillimis.

Illud tamen verum) Ernestius malebat proprium.

Aquilae fertur acceptum) Qui eum fracto crure Polleutia expulit. Philipp. XI, 6. Manut.

repente factus est. Non novi Sex. Albedium; sed tamen neminem tam maledicum offendi, qui illam negaret dignum Antonii senatu. Arbitror me aliquos praeteriisse; de iis tamen, qui occurrebant, tacere non potui.

XIV. Hoc igitur fretus senatu, Pompeianum senatum despicit; in quo decem fuimus consulares: qui si omnes viverent, bellum omnino hoc non fuisset; auctoritati cessisset audacia. Sed quantum praesidii fuerit in ceteris, hinc intelligi potest, quod ego unus relictus e multis, contudi et fregi, adiuvantibus vobis, exsultantis praedonis audaciam. Quod si fortuna nobis modo non eripuisset Ser. Sulpicium, eiusque collegam ante, M. Marcellum: quos cives? quos viros? si duos consules, amicissimos patriae, simul ex Italia eiectos; si L. Afranium, summum ducem; si P. Lentulum, civem quum in ceteris rebus, tum in salute mea singularem; si Bibulum, cuius est in rempublicam merito semper laudata constantia; si L. Domitium, praestantissimum civem; si Appium Claudium, pari nobilitate et voluntate praeditum; si P. Scipionem, clarissimum virum, maiorumque suorum simillimum, respublica tenere potuisset: certe, his consularibus, non esset Pompeianus despiciendus senatus. Vtrum igitur aequius, utrum melius reipublicae fuit, Cn. Pompeium; an sectorem Cn. Pompeii vivere Antonium? Qui vero praetorii? quorum princeps M. Cato, idemque omnium gentium virtute princeps. Quid reliquos clarissimos viros commemorem? Nostis omnes. Magis vereor, ne longum me in enumerando, quam ne ingratum in praetereundo putetis. Qui aedilicii?

Consules) G. Marcellum, L. Lentulum, Pompeii comites, urbem primum, deinde Italiam relinquentis. MAX. — *Qui vero praetorii*) Quid vero Vrsin. e MS.

qui tribunicii? qui quaestorii? Quid multa? talis senatorum et dignitas et multitudo fuit, ut magna excusatione opus iis sit, qui illa in castra non venerunt.

XV. Nunc reliqua attendite. *Victum Ciceronem ducem habuistis.* Eo libentius *ducem* audio, quod certe ille dicit invitus: nam de victo nihil laboro. Fatum enim meum est, sine republica nec vinci posse, nec vincere. *Macedoniam munitis exercitibus.* Et quidem fratri tuo, qui a vobis nihil degenerat, extorsimus. *Africam commisistis Varo bis capto.* Hic cum C. fratre putat se litigare. *In Syriam Cassium misistis.* Non igitur sentis, huic causae orbem terrae patere; te, extra munitiones tuas, vestigium ubi imprimas, non habere? *Cascaeum tribunatum gerere passi estis?* Quid? ergo ut Marullum, ut Caesetium, a republica removeremus eum, per quem, ut neque idem hoc posthac, neque multa huiusmodi accidere possent, consequuti sumus? *Vectigalia Iuliana Lupercis ademistis.* Lupercorum mentionem facere audet? neque illius diei memoriam perhorrescit, quo ausus est, obrutus vino, unguentis oblitus, nudus, gementem populum romanum ad

Varo bis capto) Quintilium Varum bis cepit Caesar: primum Corfinii cum L. Domitio, deinde in Africa, cui provinciae praefuerat. Vide Orat. pro Ligario. FERR.

Orbem terrae potere) Sic Vesivius legit in cod. vel. Et praetulit Lumbinus vulgato parere.

Cascaeum) Servilium Cascaem, unum e Caesaris percussoribus. MAN.

Quid? ergo — removeremus) Ita melius interpunxi. Vulgo *quid ergo?* ut *Marullum, ut Caesetium a republica removeremus*, eum, etc. Sensus est: *Quid? ergo nos, ut Caesar olim Marullum et Caesetium ob detractam statuam Caesaris fasciam*

tribunatu movit, nos Cascaeum a republica removeremus.

Ut Marullum, ut Caesetium) Tribunos pl. quos Caesar a rep. removerat, quia quum statuam suam coronam lauream fuscis caedida praeligatum nescioquise turba imposuisset, fasciam detraxi, hominemque docui in vincula iussissent. Sueton. Plot. Appian. Dio. MAN.

Ut neque idem hoc) Ne accidere posset id, quod acciderat Marullo, et Caesetio. ID.

Ademistis) Lupercis vectigal Caesar dederat, eo mortuo senatus ademil. ID.

servitutem cohortari? *Veteranorum colonias, deductas lege et senatusconsulto, sustulistis.* Nos sustulimus, an contra lege comitiis centuriatis lata sanximus? Vide ne tu veteranos tamen eos, qui erant perdit, perdidderis, in eumque locum deduxeris, ex quo ipsi iam sentiunt se nunquam exituros. *Massiliensibus iure belli adempta reddituros vos, pollicemini.* Nihil disputo de iure belli. Magis facilis disputatio est, quam necessaria. Illud tamen advertite, Patres conscripti, quam sit huic reipublicae natus hostis Antonius, qui tantopere eam civitatem oderit, quam scit huic reipublicae semper fuisse amicissimam.

XVI. *Neminem Pompeianum, qui vivat, tenere lege Hirtia dignitates?* Quisquam iam legis Hirtiae mentionem facit? cuius non minus arbitror latorem ipsum, quam eos, de quibus lata est, poenitere? Omnino, mea quidem sententia, legem illam appellare fas non est; et, ut sit lex, non debemus illam Hirtii legem putare. *Apuleiana pecunia Brutum subornastis.* Quid, si omnibus suis copiis excellentem virum respublica armasset? quem tandem bonum poeniteret? nec enim sine pecunia exercitum alere, nec sine exercitu fratrem tuum capere potuisset. *Securi percussos Pactum et Menedemum, civitate donatos, et hospites Caesaris, laudastis.*

Lege et senatusconsulto) In multis MSS. copula abest.

Lege comitiis centuriatis lata) Sic Ferrar. Vulgo olim an contra legem comitiis centuriatis latam.

Illud tamen advertite) Ferrar. c. MSS. animadvertite.

Neminem) In cod. Vrsini an nescitis neminem; quod Ferratio quoque placebat.

Lege Hirtia) Hanc legem tulerat Hirtius tribunus pl. seu praetor, ne

Pompeiani magistratus pterere possent. Sic etiam Sulla tulerat de proscriptorum filiis: quam tamen legem ne Caesar quidem ipse servavit. Ferrar.

Dignitates) Ernestius malebat dignitatem.

Quisquam iam legis) Vulgo olim qui quasi iam legis. Ferrar. qui quaeso.

Non debemus illam Hirtii legem putare) Sed Caesaris, cuius eam iussu tulerit Hirtius praetor. Ferrar.

Non laudavimus, quod ne audivimus quidem. Valde enim nobis in tanta perturbatione reipublicae de duobus nequissimis Graeculis cogitandum fuit. *Theopompum, nudum, expulsum a Trebonio, confugere Alexandriam neglexistis.* Magnum crimen senatus. De Theopompo, summo homine, negleximus: qui ubi terrarum sit, quid agat, vivat denique, an mortuus sit, quis aut scit, aut curat? *Ser. Galbam eodem pugione succinctum in castris videtis.* Nihil tibi de Galba respondeo, fortissimo et constantissimo cive: coram aderit: praesens tibi et ipse, et ille, quem insimulas, pugio respondebit. *Milites aut meos, aut veteranos contraxistis, tanquam ad exitium eorum, qui Caesarem occiderant. Et eosdem nec opinantes ad quaestoris sui, aut imperatoris, aut commilitonum suorum pericula impulsistis.* Scilicet verba dedimus, decepimus: ignorabat legio Martia, quarta; nec sciebant veterani, quid ageretur. Non illi senatus auctoritatem, non libertatem populi romani sequebantur; Caesaris mortem ulcisci volebant, quam omnes fatalem fuisse arbitrabantur; te videlicet salvum, beatum, florentem esse cupiebant. O miser tum re, tum hoc ipso, quod non sentis, quam miser sis!

XVII. Sed maximum crimen audite. *Denique quid non aut probavistis, aut fecistis? quid faciat, si reviviscat* Quis? credo enim, asseret aliquod scelerati hominis exemplum! *Cn. Pompeius ipse?* O nos turpes, si quidem Cn. Pompeium imitati sumus! *aut filius eius,*

Non laudavimus) Ita recte correxit Ern. Vulgo *laudamus*.

Ser. Galbam) Vnum ex illis qui Caesarem occiderunt, Sulpitiae gentis, prorum, teste Suetonio, Galbae imperatoris. Eius exstat lib. X ad Ciceronem epistola de praelio ad Muti-

nam commissio. FERR.

Quaestoris sui) Quaestor Caesaris, Antonius fuerat in Gallia, Phil. II. 10. — *Aut imperatoris*) Dux eorum civili bello fuerat Antonius: cui Pharsalica etiam pugna sinistrum cornu Caesar praebuit. 10.

si domi possit esse? Poterit, mihi crede. Nam paucis diebus et in domum et in hortos paternos immigrabit. *Postremo negatis pacem posse fieri, nisi aut emisero Brutum, aut frumento iuvero.* Alii istuc negent! ego vero, ne si ista quidem feceris, unquam tecum pacem huic civitati futuram puto. *Quid? hoc placetne veteranis istis? quibus adhuc omnia integra sunt.* Nihil vidi tam integrum, quam ut oppugnare imperatorem incipiant, quem tanto studio consensuque offenderint . . . *quoniam vos assentationibus et venenatis muneribus venistis.* Depravati ac corrupti sunt quibus persuasum est, foedissimum hostem iustissimo bello persequi? *At militibus inclusis opem fertis. Nihil moror eos salvos esse, et ire quo iubetis: si tamen patiuntur perire eum, qui meruit.* Quam benigne! denique usi liberalitate Antonii milites imperatorem reliquerunt, et se ad hostem metu perterriti contulerunt: per quos si stetisset, non Dolabella prius imperatori suo, quam Antonius etiam collegae parentasset. *Concordiae factam esse mentionem scribitis in senatu, et legatos esse*

Imitati sumus!) Beo sic Ero. Vulgo imitatori.

Si domi possit esse?) Esu addeodum erat; vulgo unisum. Vidit Ero.

Alii istuc negent!) Ita Ernestio auctore rescipsi. Vulgo *Alii istuc negant.*

Quibus adhuc omnia integra sunt) Nondum eoim contra me in aciem descenderunt: licet iis, ultram velint, partem adhuc sequi. Refellit hoc Cicero, et ostendit, iis qui Antonium tanto studio consensuque reliquerint, integra iam omnia non esse: nnum quidem illud vere integrum iis esse, ut ipsum Antonium oppugnare incipiant, quem iam traosenuotes ad Caesarem offenderint. Sic enim lego:

non, ut alii, *defenderint*. Quod ad Brutum referri non potest, quem veterani armis defendere nondum coeperant. Nondum enim Mutinam pervenerant. FERR.

Offenderint) Recte sic plurimi codd. MS. Olim edebatur *defenderint*.

Muneribus) Honoribus, qui exilio vobis erunt. Id.

Ac corrupti sunt) Sic Ern. Edd. pr. aut *corrupti*. Grut. Graev. an *corrupti*.

Imperatorum) D. Brutum. *Reliquerunt*. Itavio. FERR.

Non Dolabella prius imperatori suo) Non prius Dolabella imperatori suo Caesari Trebonii nece parentasset, quam Antonius eidem Caesari, collegae suo, D. Bruto interfecto. Id.

consulares quinque. Difficile est credere, eos, qui me praecipitem egerint, aequissimas condiciones ferentem, et tamen ex his aliquid remittere cogitantem, putare, aliquid moderate aut humane esse facturos. Vix etiam verisimile est, qui iudicaverint hostem Dolabellam ob rectissimum facinus, eosdem nobis parcere posse, idem sentientibus. Parumne videtur omnium facinorum sibi cum Dolabella societatem initam confiteri? nonne cernitis, ex uno fonte omnia scelera manare? Ipse denique fatetur, hoc quidem satis acute, non posse eos, qui hostem Dolabellam iudicaverint ob rectissimum facinus (ita enim videtur Antonio), sibi parcere, idem sentienti.

XVIII. Quid huic facias, qui haec literis memoriaeque mandarit, ita sibi convenisse cum Dolabella, ut ille Trebonium, et, si posset, etiam Brutum, Cassium, discruciatos necaret, eademque inhiheret supplicia nobis? Conservandus civis cum tam pio iustoque foedere. Is etiam queritur condiciones suas repudiatas, aequas quidem et verecundas; ut haberet Galliam ultimam, aptissimam ad bellum renovandum instruendumque provinciam; ut Alaudae in tertia decuria iudicarent, id est, ut perfugium scelerum esset cum turpissimis reipublicae sordibus; ut acta sua rata essent, cuius nullum remanet consulatus vestigium. Cavebat etiam L. Antonio, qui fuerat aequissimus agri privati et publici decempedator, Nucula et Lentone collega. *Quamobrem vos potius animadvertite, utrum sit elegantius, et partibus utilius, Trebonii mortem persequi, an Caesaris; et utrum sit aequius, concurrere nos, quo facilius reviviscat Pompeianorum causa, toties iugulata, an consentire, ne ludibrio simus inimicis. Si*

Inhiheret) Sic edd. pr. et multi MSS. alii olim adhiheret.

esset iugulata, nunquam exsurgeret: quod tibi tuisque contingat! *Vtrum*, inquit, *elegantius*. Atqui hoc bello de elegantia quaeritur! *et partibus utilius*. Partes, furiose, dicuntur in foro, in curia. Bellum contra patriam nefarium suscepisti; oppugnas Mutinam; circumsedes consulem designatum; bellum contra te duo consules gerunt, cumque his pro praetore Caesar; cuncta contra te Italia armata est. Istas tu partes potius quam a populo romano defectionem vocas? *Potius Trebonii mortem, an Caesaris persequamur?* Trebonii satis persequuti sumus, hoste iudicato Dolabella; Caesaris mors facillime defenditur oblivione et silentio. Sed videte, quid moliatur. Quum mortem Caesaris ulciscendam putat, mortem proponit non iis solum, qui illam rem gesserunt, sed iis etiam, si qui non moleste tulerunt.

XIX. *Quibus utri nostrum ceciderint, lucro futurum est. Quod spectaculum adhuc ipsa fortuna vitavit, ne videret unius corporis duas acies, lanista Cicerone, dimicantes: qui usque eo felix est, ut iisdem ornamentis deceiverit vos, quibus deceptum Caesarem gloriatus est.* Pergit in me maledicta, quasi vero ei pulcherrime priora processerint: quem ego inustum verissimis maledictorum notis tradam hominum memoriae sempiternae. Ego *lanista*? et quidem non insipiens. Deteriores enim iugulari cupio, meliores vincere. *Vtri ceciderint*, scribit lucro nobis futurum. O praeclarum lucrum! quo, te victore (quod dii omen avertant!), beata mors eorum futura sit, qui e vita excesserint sine tormentis. A me *deceptos* ait *eisdem ornamentis* Hirtium et Caesarem. Quod, quaeso, adhuc a me est tri-

Exsurgeret) Cod. Lang. *resurget*.

Lanista Cicerone) Quasi cives inter se committeret, ut lanista gla-

diatores, eorum magister. FRAN.

Et quidem) Ita Ferrarius bene. Vulgo erat *Equidem*.

butum Hirtio ornamentum? nam Caesari plura et maiora debentur. Deceptum autem patrem a me Caesarem dicere andes? Tu, tu, inquam, illum occidisti Lupercalibus: cuius, homo ingratissime, flaminium cur reliquisti? Sed iam videte magni et clari viri admirabilem gravitatem atque constantiam. *Mihi quidem constat, nec meam contumeliam, nec meorum ferre; nec deserere partes, quas Pompeius odivit, nec veteranos sedibus suis moveri pati, nec singulos ad cruciatum trahi, nec fallere fidem, quam dedi Dolabellae.* Omitto alia: *fidem Dolabellae*, sanctissimi viri, deserere homo pius non potest. Quam fidem? an optimi cuiusque caedis, urbis et Italiae partitionis, suis dandarum diripiendarumque provinciarum? Nam quid erat aliud, quod inter Antonium et Dolabellam, impurissimos parricidas, foedere ac fide sanciretur? *Nec Lepidi societatem violare, piissimi hominis.* Tibi cum Lepido societas, aut cum ullo, non dicam bono civi, sicut ille est, sed homine sano? Id agis, ut Lepidum aut impium aut insanum existimari velis. Nihil agis (quamquam affirmare de altero difficile est), de Lepido praesertim, quem ego metuam nunquam; bene sperabo, dum licebit. Revocare te a furore Lepidus vult, non adiutor esse dementiae. Tu porro ne pios

Flaminium cur reliquisti?) Legimus Phil. 2. flaminem Caesaris, quem aenatus ei tanquam deo decrevit, M. Antonium fuisse. Legimus et Phil. XI, quam L. Valerius Flaccus consul, idemque flamen Martialis, ad bellum iturus esset, P. Crassum, eius collegam, qui pontifex max. erat, multam dixisse, si a sacris discessisset, flaminemque pontifici, iussu populi, paruisse. Cur tum igitur, inquit Cicero, flaminio Caesaris relicto, ad bellum profectus es? FERR.

Sedibus suis) Agris a Caesare assignatis. Hoc ad conciliandos sibi veteranorum omnium animos, quoniam vero de iis tantum laboraret, qui cum ipso erant. ID.

De altero) Ita MSS. Ferrar. et Gracvii. Olim edebatur *de aliquo*.

Metuam nunquam) Nunquam fore credam socium furoris tui. Aut nobiscum erit, aut quiescet. Vel: Metuam nunquam, quia non in est, qui nocere posse videntur. FERR.

quidem, sed piissimos quaeris; et, quod verbum omnino nullum in lingua Latina est, id, propter tuam divinam pietatem, novum inducis. *Nec Plancum prodere, participem consiliorum.* Plancum participem? cuius memorabilis ac divina virtus lucem affert reipublicae (nisi forte cum subsidio tibi venire arbitraris cum fortissimis legionibus, maximo equitatu peditatuque Gallorum), quique, nisi ante eius adventum reipublicae poenas dederis, huius belli feret principatum. Quamquam enim prima praesidia utiliora reipublicae sunt, tamen extrema sunt gratiora.

XX. Sed iam se colligit, et ad extremum incipit philosophari. *Si me rectis sensibus euntem dii immortales, ut spero, adiuverint, vivam libenter. Sin autem aliud me fatum manet, praecipio gaudia suppliciorum vestrorum. Namque, si victi Pompeiani tam insolentes sunt; victores quales futuri sint, vos potius experiemini.* Praecipias licet gaudia: non enim tibi cum Pompeianis, sed cum universa republica bellum est. Omnes te dii, homines, summi, medii, infimi; cives, peregrini; viri, mulieres; liberi, servi oderunt. Sensimus hoc nuper falso nuntio: vero propediem sentiemus. Quae si tecum ipse recolis, aequiore animo et maiore consolatione moriere. *Denique summa iudicii mei spectat huc, ut meorum iniurias ferre possim, si aut oblivisci velint ipsi fecisse, aut ulcisci parati sint una nobiscum Caesaris mortem.* Hac Antonii sententia cognita, dubiturosne A. Hirtium, C. Pansam, consules, putatis, quin ad Antonium transeant? Brutum obsideant? Mutinam expugnare cupiant? Quid de Pansa et Hirtio loquor? Caesar, singulari pietate adolescens, poterit

Plancum) L. Plancum, consulem designatum, qui Galliam ulteriorem regebat. Plin. 5. 10.

Et Hirtio loquor?) Ita iam Faëm-legendum censuit, ut erat in exemplari Aut. Augustini pro vulg. loquer-

se tenere, quin D: Bruti sanguine poenas patrias persequatur? Itaque fecerunt, uti, his literis lectis, ad munitiones propius accederent. Quo maior adolescens Caesar, maioreque deorum immortalium beneficio reipublicae natus est, qui nulla specie paterni nominis, nec pietate, abductus unquam est. Intelligit, maximam pietatem conservatione patriae contineri. Quod si partium certamen esset, quarum omnino nomen extinctum est, Antoniusne potius et Ventidius partes Caesaris defenderent, quam primum Caesar, adolescens summa pietate et memoria parentis sui? deinde Pansa et Hirtius, qui quasi cornua dua tenuerunt Caesaris, tum, quum illae vere partes vocabantur? Hae vero quae sunt partes, quum alteris senatus auctoritas, populi romani libertas, reipublicae salus proposita sit; alteris caedes bonorum, urbis, Italiaeque partitio? Veniamus aliquando ad clausulam. *Legatos venire non credo* — Bene me novit. *bellum quo veniat*: proposito praesertim exemplo Dolabellae. Sanctiore erunt, credo, iure legati, quam duo consules, contra quos arma fert; quam Caesar, cuius patris flamen est; quam consul designatus, quem oppugnat; quam Mutina, quam obsidet; quam patria, cui ignem ferrumque minitatur. *Quum venerint, quae postulent, cognoscam*. Quin tu abis in malam pestem, malumque cruciatum? Ad te quisquam veniat, nisi Ventidii similis? Oriens incendium qui restinguerent, summos

Poterit se tenere) Sic codd. Ferrar. quod sequenti sunt Fuern. Muret. Man. Lambin. Graev. Ern. Olim poteritne.

Quasi cornua duo) Dextram et sinistram partem aciei duxerunt in Caesaris exercitu, dum res illi fuit cum Pompeio. Significat praecipuum illorum partes fuisse in copiis et opicitiis

Caesaris. An.

Sanctiore) Recte sic Graev. e cod. Colon. Antea edebatur *sanctiores*.

Ferrumque) Hoc Graevius invenit in cod. MS. idque iam ediderant Fuern. Mur. Man. Lamb. Vulgo olim *igni ferroque*.

viros misimus; repudiasti: nunc in tantam flammam, tamque inveteratam mittamus, quum locum tibi reliquum non modo ad pacem, sed ne ad deditionem quidem feceris?

XXI. Hanc ego epistolam, Patres conscripti, non quo illum dignum putarem, recitavi, sed ut confessionibus ipsius omnia patefacta eius parricidia videretis. Cum hoc pacem M. Lepidus, vir ornatissimus omnibus et virtutis et fortunae bonis, si haec videret denique, aut vellet, aut fieri posse arbitraretur? *Prius undis flamma*, ut ait poëta, nescio quis, prius denique omnia, quam aut cum Antoniis respublica, aut cum republica Antonii redeant in gratiam. Monstra quaedam sunt ista, et portenta et prodigia reipublicae. Moveri sedibus suis huic urbi melius est, atque alias, si fieri possit, terras demigrare, unde Antoniorum nec facta, nec nomen audiat, quam illos, Caesaris virtute eiectos, Bruti retentos, inter haec moenia videre. Optatissimum est vincere; secundum est, nolum casum pro dignitate et libertate patriae non ferendum putare. Quod reliquum est, non est tertium, sed postremum omnium, maximam turpitudinem suscipere vitae cupiditate. Quae quum ita sint, de mandatis literisque M. Lepidi, viri clarissimi, Servilio assentior: et hoc amplius censeo, Magnum Pompeium, Cnaei filium, pro patris maiorumque suorum animo studioque in rempublicam, suaeque pristina virtute, industria, voluntate, fecisse, quod suam, eorumque,

Prius undis flamma) Hoc ipso pro-
verbo usus est postea Augustus,
quum significare vellet se nunquam
filium in urbem revocaturum. Quod
his verbis narrat Dio libro XV: τοῦ
δὲ δήμου ἀγῶνις ἐγκατέλειπε τῷ Αυγού-
στῳ, ὥς καταχάσθην τὴν Συγατίαν αὐ-

τοῦ, δάσπον, ἔφη, πῶς ὕδατι μολύν-
σθαι, ἢ ἰσχύον καταχθίσασθαι. Μπ.

Vnde Antoniorum nec facta) Al-
ludit ad illud ex vetere tragedia:
— Vbi Nec Pelopidarum nomen, nec
factu audiam, το.

quos secum haberet, operam senatui populoque romano pollicitus esset, eamque rem senatui populoque romano gratam acceptamque esse, eique honori dignitatique eam rem fore. Hoc vel coniungi cum hoc senatusconsulto licet, vel seiungi potest, separatimque perscribi, ut proprio senatusconsulto Pompeius collaudatus esse videatur.

M. A N T O N I V M

PHILIPPICA QVARTADECIMA

I.

Si, ut ex literis, quae recitatae sunt, Patres conscripti, sceleratissimorum hostium exercitum caesum fusumque cognovi, sic id, quod et omnes maxime optamus, et ex ea victoria, quae parta est, consequutum arbitramur, D. Brutum egressum iam Mutina esse cognovissem: propter cuius periculum ad saga issemus, propter eiusdem salutem redeundum ad pristinum vestitum sine ulla dubitatione cense-rem. Ante vero, quam ea res, quam avidissime civitas exspectat, allata sit, laetitiae usus satis est maximae praeclarissimaeque pugnae: reditum ad vestitum confectae victoriae reservate. Confectio autem huius belli est D. Bruti salus. Quae autem est ista sententia, ut in hodiernum diem vestitus mutetur, deinde cras sagati prodeamus? Nos vero quum semel ad eum, quem cupimus optamusque, vestitum redierimus, id agamus, ut eum in perpetuum retineamus. Nam hoc quidem quum turpe est, tum ne diis quidem immortalibus gratum, ab eorum aris, ad quas togati adierimus, ad saga sumenda discedere. Atque animadverto, Patres conscripti, quosdam huic favere sententiae: quorum ea mens, idque consilium est, ut, quum videant gloriosissimum illum D. Bruto

fnrtum diem, quo die propter eius salutem redierimus ad vestitum, hunc tantum ei fructum eripere cupiant, ne memoriae posteritatiqne prodatur, propter unius civis periculum populum romanum ad saga ivisse, propter eiusdem salutem redisse ad togas. Tollite hanc, nullam tam pravae sententiae causam reperietis.

II. Vos vero, Patres conscripti, conservate auctoritatem vestram, manete in sententia, tenele vestra memoria, quod saepe ostendistis, huius totius belli in unius viri fortissimi et maximi vita positum esse discrimen. Ad D. Brutum liberandum legati missi, principes civitatis, qui illi hosti ac parricidae denuntiarent, ut a Mutina discederet; eiusdem D. Bruti conservandi gratia consul sortitu ad bellum profectus A. Hirtius; cuius imbecillitatem valitudinis, animi virtus, et spes victoriae confirmavit; Caesar, quum, exercitu per se comparato, a primis pestibus rempublicam liberasset, ne quid postea sceleris oriretur, profectus est ad eundem Brutum liberandum, vicitque dolorem aliquem domesticum patriae caritate. Quid C. Pansa egit aliud delectibus habendis, pecuniis comparandis, senatusconsultis faciendis gravissimis in Antonium, nobis cohortandis, populo romano ad causam libertatis vocando, nisi ut D. Brutus liberaretur? a quo populus romanus frequens ita salutem D. Bruti una voce depoposcit, ut eam non solum commodis suis, sed etiam necessitati victus antefereat.

Ad vestitum) *Gnev. a MS. uno ad togam.*

Hunc tantum) *Tantum addidit Ern. a MS. Haydec. et eisd. jr.*

Tenele vestra memoria) *Tenete, tenet MS. Haydecop. quod Ernestius sibi non displicere dicit.*

Dolorem aliquem domesticum) *Scil. ex patris sede captum. Ernestio aliquem languere videbatur nec a Cicero scriptum.*

Victus antefereat) *Nempe clausis tabernis, indicto tumulto et ab labore*

Quod sperare nos quidem debemus, Patres conscripti, aut inibi esse, aut iam esse confectum: sed si fructum rei convenit et eventui reservari, ne indeorum immortalium beneficium festinatione praepuissse, aut vim fortunae stultitia contempsisse videmur.

III. Sed quoniam significatio vestra satis declarat quid hac de re sentiat; ad literas veniam, qui sunt a consulibus et a propraetore missae, si pat ante, quae ad ipsas literas pertineant, dixerō. Imb sanguine gladii, Patres conscripti, legionum exercituumque nostrorum, vel madefacti potius duobus consulum, tertio Caesaris proelio. Si hostium ille sanguis, summa militum pietas: nefarium scelus si civium. Quousque igitur is, qui omnes hostes solum superavit, nomine hostis carebit? nisi mucronem etiam nostrorum militum tremere vultis, et dubitatu utrum in cive, an in hoste figantur. Supplicationem decernitis: hostem non appellatis. Gratae vero nostris diis immortalibus gratulationes erunt; gratiae vicinae, quum interfecta sit civium multitudo. *De improbis*, inquit, *et audacibus*. Nam sic eos appellat clarissimus vir: quae sunt urbanarum maledicta litium non iniustae belli internecini notae. Testamenta, credo, subiiciunt, aut eiiciunt vicinos, aut adolescentulos circumscribunt; his enim vitiis affectos et turbos, malos et audaces appellare consuetudo sol-

abstinendo, quo victus quaereretur. Ean.

Pel madefacti potius) Minus est madefacti, quam imbuti. Correctione usus est, ut legionum gladios nondum satiales esse ostenderet hostium sanguine. MAN.

Clarissimus vir) qui supplicatio-

nem decreverat, P. Servilius. E.

Non iniustae belli internecini non Sic Ferrar. Al Cuiacius Obs. I malebat: non iniustae belli notae, internecina testamenta credo, subiiciunt — Est autem testamentum internum, propter quod dominus noster est, ut docet Festus. LAM.

Bellum inexpiabile infert quatuor consulibus unus omnium latronum teterrimus; gerit idem bellum cum senatu populoque romano; omnibus (quamquam ruit ipse suis cladibus) pestem, vastitatem, cruciatum, tormenta denuntiat; Dolabellae ferum et immane facinus, quod nulla barbaria posset agnoscere, id suo consilio factum esse testatur; quaeque esset factururus in hac urbe, nisi eum hic ipse Iupiter ab hoc templo atque his moenibus repulisset, declaravit in Parmensium calamitate, quos, optimos viros, honestissimosque homines, maxime cum auctoritate huius ordinis populiue romani dignitate coniunctos, crudelissimis exemplis interemit propudium illud et portentum, L. Antonius, insigne odium omnium hominum, vel, si etiam dii oderint quos oportet, omnium deorum.

IV. Refugit animus, Patres conscripti, eaque dicere reformidat, quae L. Antonius in Parmensium liberis et coniugibus effecerit. Quas enim turpitudines Antonii libenter subierunt, easdem per vim laetantur aliis se intulisse. Sed vis calamitosa est, quam illis intulerunt: libido flagitiosa, qua Antoniorum oblita est vita. Est igitur quisquam, qui hostes appellare non audeat, quorum scelere crudelitatem Carthaginiensium victam esse fateatur? Qua enim in urbe tam immanis Hannibal capta, quam in Parma surrepta Antonius? Nisi forte huius coloniae, et ceterarum, in quas eodem est animo, non est hostis pu-

Quatuor consulibus) Pansa et Hirtio consulatum gerentibus, Bruto et Placoo consulibus designatis. MAN.

Hic ipse Iupiter) Sic auctore Ferrario edidit Ern. pro vulgato *hinc ipse Iupiter*. Nempe ante oculos erat simulacrum io aede Iovis Capitolini.

Crudelissimis exemplis interemit) His tormentis excruciatos, quae exemplo esse possent. ID.

Eaque dicere) Ernestius coni. *atque*. Idem *pauca pro effecerit*, malebat *ficerit*.

Non est hostis) Vulgo additur *An-*

tandus. Si vero coloniarum et municipiorum sine ulla dubitatione hostis est: quid tandem huius censes urbis, quam ille ad explendas egestates latrocinii sui concupivit? quam iam peritus metator et callidus decempeda sua Saxa diviserat? Recordamini, per deos immortales! Patres conscripti, quid hoc biduo timuerimus a domesticis hostibus, rumoribus improbissimis dissipatis. Quis liberos, quis coniugem adspicere poterat sine fletu? quis domum? quis tecta? quis larem familiarem? Iam aut foedissimam mortem omnes, aut miserabilem fugam cogitabant. Haec a quibus timebantur, eos hostes appellare dubitamus? Gravius si quis attulerit nomen, libenter assentiar: hoc vulgari contentus vix sum; leviore non utar.

V. Itaque quum supplicationes iustissimas ex iis literis, quae recitatae sunt, decernere debeamus, Serviliusque decreverit; augebo omnino numerum dierum, praesertim quum non uni, sed communiter tribus ducibus sint decernendae. Sed hoc primum faciam, ut imperatores appellem eos, quorum virtute, consilio, felicitate, maximis periculis servitutis atque interitus liberati sumus. Etenim cui viginti his annis supplicatio decreta est, ut non imperator appellaretur, aut minimis rebus gestis, aut plerumque nullis? Quamobrem aut supplicatio ab eo, qui ante dixit, decernenda non fuit; aut usitatus honos pervulgatusque tribuendus iis, quibus etiam novi et singulares debentur. An si quis Hispanorum, aut Gallorum, aut Thracum mille, aut duo millia occidisset, non

tonius, rectius omissum in cod. Huy-
dec. et edd. pr.

ad explendas) Ita recte correxerunt
e cod. Pal. 4, Manut. Lambin. Graev.
Vulgo *expiandas*.

Latrocinii sui) Graevius malebat
latrocinii suis.

Communiter) e MS. Graevius post
Faernum et Muretum addidit.

An si quis) Ita Muret. Lambin.
Vulgo *At si quis*.

eum hac consuetudine, quae increbruit, imperatorem appellaret senatus? tot legionibus caesis, tanta multitudine interfecta, hostium dico; ita inquam, hostium, quamvis hoc isti hostes domestici nolint, clarissimis ducibus supplicationum honorem tribuamus, imperatorum nomen adimemus? Quanto enim honore, laetitia, gratulatione in hoc templum ingredi debent illi ipsi huius urbis liberatores, quum hesterno die, propter eorum res gestas me ovanem, et prope triumphantem, populus romanus in Capitolium domo tulerit, domum inde reduxerit? Is enim demum est, mea quidem sententia, iustus triumphus ac verus, quum bene de republica meritis testimonium a consensu civitatis datur. Nam sive in communi gaudio populi romani uni gratulabantur, magnum iudicium; sive gratias agebant, eo maius; sive utrumque, nihil magnificentius excogitari potest.

VI. Tu igitur ipse de te? dixerit quispiam. Et quidem invitus: sed iniuriae dolor fecit me, praeter consuetudinem, gloriosum. Nonne satis est, ab hominibus virtutis ignaris gratiam bene merentibus non referri? etiam in eos, qui omnes suas curas in reipublicae salute defigunt, crimen invidiae quaeretur? Scitis enim per hos dies celeberrimum fuisse sermonem, me pridie Vinalia, qui dies hodie est, cum fascibus descensurum. In aliquem credo hoc gladiatorem, aut latronem, aut Catilinam esse consultum, non in eum,

Sive gratias) Vulgo *sive uni gratias*. Illud *uni recte* deleudum censuit Ferr. Et abest aliquot MSS. Itaque omiserunt Graev. Ern.

In reipublicae salute defigunt) Vulgo legebatur *in peius crimen*. Sed verba *in peius* ex aliquot MSS. a Grutero inserta recte repudiarunt Graev. Ern.

Me pridie Vinalia) Vulgo mendose

per Idus Quintiles. Pantagathus corripbat *per Idus Apriles*. Optime autem e Ferrarii coniectura Muretus, Lambius et Olivetus, *pridie Vinalia*. — Nemo interpretum haec melius explicavit, quam Fabricius in Ciceronis Historia. OLIV.

Consultum) *Confictum* malebant Maret, Lamb.

qui, ne quid tale in republica fieri posset, effecerit. An ut ego, qui Catilinam haec molientem sustulerim, everterim, afflixi, ipse exsistere repente Catilina? Quibus ansipiciis istos fascēs augur acciperem? quatenus haberem? cui traderem? Quemquamne fuisse tam sceleratum, qui hoc fingeret? tam furiosum, qui crederet? Vnde igitur ista suspicio, vel potius unde iste sermo? Quum, ut scitis, hoc triduo, vel quadriduo, tristis a Catilina fama manaret: inflati laetitia atque insolentia impii cives, unum se in locum, ad illam curiam, viribus potius suis, quam reipublicae infelicem, congregabant. Ibi quum consilium inirent de caede nostra, partirenturque inter se, qui Capitolium, qui rostra, qui urbis portas occuparent, ad me concursum futurum civitatis putabant. Quod et cum invidia mea fieret, et cum vitae etiam periculo, famam istam fascium dissipaverunt: fascēs ipsi ad me delaturi fuerunt. Quod quum esset quasi mea voluntate factum, tum in me impetus conductorum hominum, quasi in tyrannum, parabatur: ex quo caedes esset vestrum omnium consequuta. Quae res patescit, Patres conscripti; sed suo tempore totius huius sceleris fons aperietur. Itaque P. Apuleius, tribunus plebis, meorum omnium consiliorum periculorumque iam inde a consulatu meo testis, conscius, adiutor, dolorem ferre non potuit doloris mei: concionem habuit maximam, populo rotando unum atque idem sentiente. In qua concione quum me, pro summa nostra coniunctione et familiaritate, liberare su-

Ad idem curiam) Pompeium, in qua Caesar interfectus est.

Fons aperietur) Fontem huius sceleris virum conciliantem, virtuti et gloriae Cicerois invidentem, ea,

quam sequuntur, ostendunt: eoque non in quemquam magis, quam in Q. Fabium Catilinam, Antonii praetorem, defensoremque perpetuum, suspicio cadit. Max.

spicione fascium vellet, una voce cuncta concio declaravit, nihil esse a me unquam de republica, nisi optime cogitatum. Post hanc habitam concionem, duabus tribusve horis, optatissimi nuntii et literae venerunt: ut idem dies non modo me iniquissima invidia liberarit, sed etiam celeberrima populi romani gratulatione auxerit.

VII. Haec interposui, Patres conscripti, non tam ut pro me dicerem (male enim mecum ageretur, si parum vobis essem sine defensione purgatus), quam ut quosdam nimis ieiuno animo et angusto monerem, id quod semper ipse fecissem, uti excellentium civium virtutem imitatione dignam, non invidia putarent. Magnus est in republica campus, ut sapienter dicere Crassus solebat: multis apertus cursus ad laudem. Utinam quidem illi principes viverent, qui me post meum consulatum, quum iis ipse cederem, principem non inviti videbant! Hoc vero tempore in tanta inopia constantium et fortium consularium, quo me dolore affici creditis, quum alios male sentire, alios nihil omnino curare videam, alios parum constanter in suscepta causa permanere, sententiamque suam non semper utilitate reipublicae, sed tua spe, tum timore moderari? Quod si quis de contentione principatus laborat, quae nulla esse debet, stultissime facit, si vitiis cum virtute contendit. Ut enim cursu cursus, sic in viris fortibus virtus virtute superatur. Tu, si ego de republica optime sentiam, ut me vincas, ipse pessime senties? aut, si ad me bonorum concursum fieri videbis, ad te improbos invitabis? Nolim, primum reipublicae causa, deinde etiam dignitatis tuae.

Ut pro me dicerem) Eld. pr. et
codd. Pall. dixerim.

Nolim) Sic Etn. c MS. Haydec.
Vulgo nollem.

Sed, si principatus ageretur, quem nunquam expectivi, quid tandem mihi esset optatius? Ego enim malis sententiis vinci non possum, bonis forsitan possum, et libenter. Haec populum romanum videre, animadvertere, iudicare, quidam moleste ferunt. Poteratne fieri, ut non perinde homines de quoque, ut quisque mereretur, iudicarent? Vt enim de universo senatu populus romanus verissime iudicat, nullis reipublicae temporibus hunc ordinem firmiorem atque fortiozem fuisse: sic de unoquoque nostrum, et maxime, qui hoc loco sententias dicimus, sciscitantur omnes, avent audire, quid quisque senserit. Ita de unoquoque, ut quemque meritum arbitrantur, existimant. Memoria tenent, me ante diem XIII Kalendas Ianuarias principem revocandae libertatis fuisse; me ex Kalendis Ianuariis ad hanc horam invigilasse reipublicae; meam domum, measque aures dies et noctes omnium praeceptis monitisque patuisse; meis literis, meis nuntiis, meis cohortationibus omnes, qui ubique essent, ad patriae praesidium excitatos; meis sententiis a Kalendis Ianuariis nunquam legatos ad Antonium; semper illum hostem, semper hoc bellum: ut ego, qui omni tempore verae pacis auctor fuissem, huic essem nomini pestiferae pacis inimicus. Idem Ventidium, quum alii tribunum plebis voluissent, non ego semper hostem? Has in sententias meas si consules designati discessionem facere voluissent, omnibus istis latronibus auctoritate ipsa senatus iampridem de manibus arma cecidissent.

VIII. Sed, quod tum non licuit; Patres conscripti, id hoc tempore non solum licet, verum etiam necesse est, eos, qui re sunt hostes, verbis notari, sententiis

*Meis cohortationibus) Nonnulli meisque. — Si consules designati) Suspici-
batur Manutius, verbum designati additum esse ab interprete imperito. Tri-*

nostris hostes iudicari. Antea quum hostem aut quum bellum nominassem, semel et saepius sententiam meam de numero sententiarum sustulerunt; quod in hac causa iam fieri non potest. Ex literis enim C. Pansae, A. Hirtii consulum, C. Caesaris propraetoris, de honore diis immortalibus habendo sententias diximus. Supplicationem modo qui decrevit, idem imprudens hostes iudicavit. Nunquam enim in civili bello supplicatio decreta est. Decretam dico? ne victoris quidem literis postulata est. Civile bellum consul Sulla gessit: legionibus in urbem adductis, quos voluit; expulit; quos potuit, occidit; supplicationis mentio nulla. Grave bellum Octavianum insequentum est: supplicatio Cinnae nulla victoris. Cinnae victoriam imperator ultus est Sulla: nulla supplicatio decreta a senatu. Ad te ipsum, P. Servili, num misit ulla collega literas de illa calamitosa pugna Pharsaliae? num te de supplicatione voluit referre? profecto noluit. At misit postea de Alexandria, de Pharnace. Pharsalicae vero pugnae ne triumphum quidem egit. Eos enim cives pugna illa sustulerat, quibus non modo vivis, sed etiam victoribus, et incolumis et florens civitas esse posset. Quod idem contigerat superioribus bellis civilibus. Nam mihi consuli supplicatio, nullis armis sumptis, non ob caedem hostium, sed ob conservationem civium, novo et inaudito genere, decreta est. Quamobrem aut supplicatio ob rempublicam pulcherrime gestam postulantibus vestris imperatoribus publice deneganda est, quod praeter

De numero sententiarum sustulerunt) Int. Consules non repetenda sententia eius, et super ea discessionis faciendae potestate data, in quo illa repetitio s. pronuntiatio necessaria erat. Locus classicus de ea re est apud

Caes. de B. C. I. II. Ean.

Quibus non modo vivis, sed etiam victoribus) Sic Ern. e MSS. Vulgo quibus non modo victoribus sed etiam vivis.

Postulantibus vestris imperatoribus

Gabinium contigit nemini; aut, supplicatione decernenda, hostes eos, de quibus decernitis, iudicetis necesse est.

IX. Quod ergo ille re, Id ego etiam verbo, quum imperatores eos appello; hoc ipso nomine et eos, qui iam devicti sunt, et eos, qui supersunt, hostes iudico, quum victores appello imperatores. Quomodo enim potius Pansam appellem? etsi habet honoris amplissimi nomen. Quomodo Hirtium? est ille quidem consul: sed alterum nomen beneficii est populi romani, alterum virtutis atque victoriae. Quid? Caesarem, deorum beneficio reipublicae procreatum, dubitemne appellare imperatorem? qui primus Antonii immanem et foedam crudelitatem, non solum a iugulis nostris, sed etiam a membris et visceribus avertit. Vnius autem diei quot et quanta virtutes, dii immortales, fuerunt! Princeps enim omnium Pansa proelii faciendi et cum Antonio confligendi fuit: dignus imperator legione Martia, digna legio imperatore. Cuius si acerrimum impetum cohibere Pansa potuisset, uno proelio confecta res esset. Sed quum libertatis avida legio effrenatius in aciem hostium irrupisset, ipseque in primis Pansa pugnaret, duobus periculosis vulneribus acceptis, sublatu e proelio, reipublicae vitam reservavit. Ego vero hunc non solum imperatorem, sed etiam clarissimum imperatorem iudico: qui, quum aut morte aut victoria se satisfacturum reipublicae

publiae) *Publicae* constituit Ern. e MSS. compluribus et edd. vet. P. Maenius deleverat.

Quum victores appello imperatores) Haec Ferrarius pro glossamento habebat. Ernestius unciis inclavit. Mihi tamen genuina videntur. Nam nec repetitio inanis est; nec iis omissis

verba quomodo enim potius *P. appellem* satis cohaerent cum antecedentibus.

Impetum cohibere Pansa) *Pansae* nomen hic ab aliquot edd. abest ideoque id auctore Ferrario Graevius omisit. Equidem cum Ernestio servandum puto.

spopondisset, alterum fecit, alterius dii immortales omen avertant!

X. Quid dicam de Hirtio? qui, re audita, e castris duas legiones eduxit incredibili studio atque virtute, quartam illam, quae, relicto Antonio, se olim cum Martia legione coniunxit, et septimam, quae constituta ex veteranis, docuit illo proelio, militibus iis, qui Caesaris beneficia servassent, senatus populi que romani carum nomen esse. His viginti cohortibus, nullo equitatu, Hirtius ipse aquilam quartae legionis quum inferret, qua nullius pulcriorem speciem imperatoris accepimus, cum tribus Antonii legionibus equitatuque conflixit, hostesque nefarios, huic Iovi maximo, ceterisque deorum immortalium templis, urbis tectis, libertati populi romani, nostrae vitae sanguinique imminentes, prostravit, fudit, occidit; ut cum admodum paucis, nocte tectus, metu perterritus, princeps latronum duxque fugerit. O solem ipsum beatissimum, qui, antequam se abderet, stratis cadaveribus parricidarum, cum paucis fugientem vidit Antonium! An vero quisquam dubitabit appellare Caesarem imperatorem? Aetas eius certe ab hac sententia neminem deterrebit, quandoquidem virtute superavit aetatem. Ac mihi semper eo maiora beneficia C. Caesaris visa sunt, quo minus erant ab aetate illa postulanda: cui quum imperium dabamus, eodem tempore etiam spem nominis eius deferebamus; quod, quum est sequutus auctoritatem nostri decreti, rebus gestis suis comprobavit. Illic ergo adolescens maximi

Qui Caesaris beneficia servassent) Nam qui ea comederant, rerum novorum studio tenebantur. Phil. xi et xii. Mai.

Qua nullius pulcriorem) Hoc ait,

imperatoris speciem nullam pulcriorem esse, quam inferentis aquilam. An.

Spem nominis eius) Imperator ut appellaretur, quum haberet imperium. Ferr.

animi, ut verissime scribit Hirtius, castra multarum legionum paucis cohortibus tutatus est, secundumque proelium fecit. Ita trium imperatorum populi romani virtute, consilio, felicitate, uno die locis pluribus respublica est conservata. Decerno igitur eorum trium nomine quinquaginta dierum supplicationes: causas, ut honorificentissimis verbis consequi potero, complectar ipsa sententia.

XI. Est autem fidei pietatisque nostrae, declarare fortissimis militibus, quam memores simus, quamque grati. Quamobrem promissa nostra, atque ea, quae legionibus, bello confecto, tributuros nos spopondimus, hodierno senatusconsulto renovanda censeo. Aequum est enim, militum, talium praesertim, honorem coniungi. Atque utinam, Patres conscripti, civibus omnibus solvere nobis praemia liceret! quamquam nos ea, quae promissimus, studiose cumulatam reddemus. Sed id quidem restat, ut spero, victoribus, quibus senatus fides praestatur: quam quidem quum difficillimo reipublicae tempore sequuti sint, eos nunquam oportebit consilii sui poenitere. Sed facile est bene agere cum iis, a quibus etiā tacentibus flagitari videmur. Illud admirabilius et maius, maximeque proprium senatus sapientis est, grata eorum

Causas — complectar ipsa sententia) Sic Murel. et Graevius enim in MSS. legebatur *causis*. Vulgo *quas*, inepte; referendum enim esset ad supplicationes, quas sententia complecti oratio dixerit.

Honorem coniungi) Int. cum imperatorum honore; nisi quidem id ex-cidit. Nam alibi sic Cicero dicit. In-terea acciperim coniungi pro adiungi. Eam. Tota sententia aequum est — coniungi nihil habet, quod non ele-

gantius paulo ante verbis est autem — grati dictam sit.

Studiose cumulata) Lambinus studiose cumulatamque.

Quibus senatus fides praestatur) Vnde solutione non dubitent. Praestatur autem et superiore S. C. quo promissimus, et hoc hodierno, quo promissus renovatur. MAN.

Flagitari videmur) MS. Huidet. videbatur, nude Ern. coniecit legendum vel flagitari videbimur, vel flagitabimur.

virtutem memoria prosequi, qui pro patria vitam profuderunt. Quorum de honore utinam mihi plura in mentem venirent! Duo certe non praeteribo, quae maxime occurrunt: quorum alterum pertinet ad virorum fortissimorum gloriam sempiternam; alterum ad leniendum moerorem et luctum proximorum.

XII. Placet igitur mihi, Patres conscripti, legionis Martiae militibus, et eis, qui una pugnautes occiderunt, monumentum fieri quam amplissimum. Magna atque incredibilia sunt in rempublicam huius merita legionis. Haec se prima latrocinio abrupit Antonii; haec tenuit Albam; haec se ad Caesarem contulit; hanc imitata quarta legio parem virtutis gloriam consequuta est. Quarta victrix desiderat neminem; ex Martia nonnulli in ipsa victoria conciderunt. O fortunata mors, quae naturae debita, pro patria est potissimum reddita! Vos vero patriae natos iudico; quorum etiam nomen a Marte est: ut idem deus urbem hanc gentibus, vos huic urbi genuisse videatur. In fuga foeda mors est; in victoria gloriosa. Etenim Mars ipse ex acie fortissimum quemque pignerari solet. Illi igitur impii, quos cecidistis, etiam ad inferos poenas parricidii luent: vos vero, qui extremum spiritum in victoria effudistis, piorum estis sedem et locum consequuti. Brevis a natura nobis vita data est; at memoria bene redditae vitae sempiterna. Quae si non esset longior, quam haec vita; quis esset tam amens, qui maximis laboribus et periculis ad summam laudem gloriamque contenderet? Actum igitur praeclare vobiscum, fortissimi, dum vixistis, nunc vero etiam

Alterum) Monumentum amplissimum. MAX.

Alterum) Vt quae ipsis promissae fuerant, ea parentibus, liberis, con-

iugibus eorum tribuantur. IN.

Pignerari) Sibi quasi suos assumere. Nam in acie fortissimi quique moriuntur. IN.

sanctissimi milites, quod vestra virtus nec oblivione eorum, qui nunc sunt, nec reticentia posterorum insepulta esse poterit, quum vobis immortale monumentum suis paene manibus senatus populusque romanus extruxerit. Multi saepe exercitus Punicis, Gallicis, Italicis bellis, clari et magni fuerunt: nec tamen ullis tale genus honoris tributum est. Atque utinam maiora possemus, quandoquidem a vobis maxima accepimus! Vos ab urbe furem Antonium avertistis; vos redire molientem repulistis. Erit igitur exstructa moles opere magnifico, incisaeque literae, divinae virtutis testes sempiternae: nunquam de vobis, eorum, qui aut videbunt vestrum monumentum, aut audient, gratissimus sermo conticescet. Ita pro mortali conditione vitae immortalitatem estis consequuti.

XIII. Sed quoniam, Patres conscripti, gloriae munus optimis et fortissimis civibus monumenti honore persolvitur, consolemur eorum proximos, quibus optima est haec quidem consolatio: parentibus, quod tanta reipublicae praesidia genuerunt; liberis, quod habebunt domestica exempla virtutis; coniugibus, quod his viris carebunt, quos laudare, quam lugere praestabit; fratribus, quod in se, ut corporum, sic virtutum similitudinem esse confident. Atque utinam his omnibus abstergere fletum sententiis nostris consultisque possemus, vel aliqua talis his adhiberi publice posset oratio, qua deponerent moerorem atque lu-

Nec reticentia posterorum insepulta) H. e. non carebit monumenti s. sepulcri honore quod viderunt Ferrar. et Ern. Frustra insepulta pro sepulta dictum putabat Gruterus.

Erit igitur exstructa moles) Multa sunt in huius orationis extremo, quae conformata videri possunt ad exem-

plum eius, quae Pericles eos qui pro patria occubuerunt, laudat apud Thucydidem lib. II. Mv.

Adhiberi publice posset oratio) Burmanni coniecturam quae consolatio legendum putabat necessariam non esse recte iudicavit Ern.

ctum, gauderentque potius, quum multa et varia impenderent hominibus genera mortis, id genus, quod esset pulcherrimum, suis obtigisse, eosque nec inhumatos esse, nec desertos (quod tamen ipsum pro patria non miserandum putatur); nec dispersis bustis humili sepultura crematos, sed contextos publicis operibus atque muneribus, eaque exstrukione, quae sit, ad memoriam aeternitatis, ara virtutis. Quamobrem maximum quidem solatium erit propinquorum, eodem monumento declarari et virtutem suorum, et pietatem, et senatus fidem, et crudelissimi memoriam belli: in quo, nisi tanta militum virtus exstisset, parricidio M. Antonii nomen populi romani occidisset. Atque etiam censeo, Patres conscripti, quae praemia militibus promisimus nos, republica recuperata, tributuros ea vivis victoribusque cumulate, quum tempus venerit, persolvenda; qui autem ex iis, quibus illa promissa sunt, pro patria occiderunt, eorum parentibus, liberis, coniugibus, fratribus, eadem tribuenda censeo. Sed, ut aliquando sententia complectar, ita censeo.

XIV. Quum C. Pansa, consul, imperator, initium cum hostibus confligendi fecerit, quo proelio legio Martia admirabili incredibilique virtute libertatem populi romani defenderit, quod idem legiones tironum fecerint; ipseque C. Pansa, consul, imperator, quum inter media hostium tela versaretur, vulnera acceperit; quumque A. Hirtius, consul, imperator, proelio au-

Ara virtutis) Cui inscribatur elogium, eorum virtutem immortalitati consecrans. Solebant enim in locis, ubi victoria erat parva, locuri urae, quibus inscribebantur res in illo loco gestae, et illorum laus, quorum virtute gestae erant, ut multis dudum

docuerunt viri docti. GRAEV.

Legiones tironum) Quatuor, ut scripsit Galba, quas ex delectu Italiae consul Pansa comparaverat. MAN.

Proelio audito, re cognita) Sic MSS. antiquissimi. Vulgo *proelio audito et cognita*.

dito, re cognita, fortissimo praestantissimoque animo exercitum castris eduxerit, impetumque in M. Antonium, exercitumque hostium fecerit, eiusque copias occisione occiderit, suo exercitu ita incolumi, ut ne unum quidem militem desideraverit; quumque C. Caesar, imperator, consilio diligentiaque sua castra feliciter defenderit, copiasque hostium, quae ad castra accesserant, profligarit, occiderit: ob eas res senatum existimare et iudicare, eorum trium imperatorum virtute, imperio, consilio, gravitate, constantia, magnitudine animi, felicitate, populum romanum foedissima crudelissimaque servitute liberatum; quumque rempublicam, urbem, templa deorum immortalium, bona fortunasque omnium, liberosque conservarint dimicatione, et periculo vitae suae, uti ob eas res bene, fortiter feliciterque gestas, C. Pansa, A. Hirtius, consules, imperatores, alter ambove, aut si aberunt, M. Cornutus, praetor urbanus, supplicationes per dies quinquaginta ad omnia pulvinaria constituat. Quumque virtus legionum digna clarissimis imperatoribus exstiterit, senatum, quae sit antea pollicitus legionibus exercitibusque nostris, ea summo studio, republica recuperata, persoluturum; quumque legio Martia princeps cum hostibus conflixerit, atque ita cum maiore numero hostium contenderit, ut plurimos caederent, caperent nonnullos; quumque sine ulla retractatione pro patria vitam profuderint; quumque simili virtute reliquarum legionum milites pro salute et libertate populi romani mortem oppetiverint: senatui placere, ut C. Pansa, A. Hirtius, consules, imperatores, alter ambove, si eis videatur, iis, qui sanguinem pro vita, libertate, fortunisque populi romani, pro urbe, templisque deorum immortalium profudissent, monumentum quam amplissimum lo-

candum, faciundum curent, quaestores urbis ad eam rem pecuniam dare, attribuere, solvere iubeant, ut exstet ad memoriam posteritatis sempiternam, ad scelus crudelissimorum hostium, militumque divinam virtutem: utque, quae praemia senatus militibus ante constituit, ea solvantur eorum, qui hoc bello pro patria occiderunt, parentibus, liberis, coniugibus, fratribus; iisque tribuantur, quae militibus ipsis tribui oporteret, si vivi vicissent, qui morte vicerunt.

Fratribus iisque) Sic rescripsi pro vulg. *eaque fratribus*, ut iam Ferrario visum.

Si vivi vicissent) Ita rescripsi Ernestio auctore pro vulg. *si illi vicissent*.

ORATIONES


CICERONI VVLGO SVPPOSITAE

nempe :

POST REDITVM IN SENATV. — AD QVIRITES POST REDITVM.

— PRO DOMO SVA. — DE HARVSPICVM RESPONDIS. —

PRO M. MARCELLO



TYPOGRAPHI PRAEFATIVNCVLA

Quum SCHÜTZIUS *V. Cl.* omnium Ciceronis operum editionem, ad tyronum potius, quam Doctorum Virorum usum suscepisset, brevitati consulens, omnia, quae Marklandus, Gesnerus et Wolfius, Viri celeberrimi, de his orationibus scripserant, praetermisit. Sed quae fuerit Viri *Cl.* de eorum scriptis sententia, apertissime demonstrant eius Prolegomena (1), praecipue ad orationem post redit. in Senatu (pag. 158-159), ubi non obscurum desiderium significatur, ut horum Virorum animadversiones sedulo a studiosis versentur ac perpendantur. Interim ne omni prorsus utilitate studiosi adolescentes carerent, paucis quidem ille verbis loca maxime suspecta in summariis Orationum exposuit, ac passim sub textu Marklandi Wolfique sententias vel breviter retulit, vel calculo suo confirmavit. At breviter admodum ista, et pauca.

Quare, quum perspectum habeam, Viros doctos nondum de hac controversia inter se consentire, haud inutile fore arbitror, Eruditorum Virorum oculis denuo subiicere potiores in has orationes animadversiones a *Cl.* supra

(1) Haec Schützsius, praemissa huius controversiae historia, sex capitibus digesserat. Ego vero, ne bis eadem repeterentur, historicam narrationem omisi, fere quippe supervacaneam, addita nunc Wolfii praefatione. Quinque autem capita priora, vel potius Summaria Orationum disiunxi, ac suum cuique Orationi praefixi; sextum vero, quod duos Epistolarum ad Brutum libros spectat, suo loco praemittam.

laudatis *Viris* conscriptas, quae Berolini anno 1801 iunctim editae prodierunt: ut videlicet istis adminiculis suum cuique iudicium proferendi integra sit facultas.

Sed ante omnia praeibit ipsiusmet *Wolfii* praefatio, quae, praeter alia commoda ex ea percipienda, totius controversiae historiam, consiliumque editionis non inconcinne declarabit. Vnum adhuc moneam, nempe eundem *Virum* Clarissimum anno sequenti in *Marcellianam* animadversiones publici iuris fecisse; quibus careo. In hac itaque oratione *Schützi*um ducem unice sequar. Ad quatuor priores, selectas adnotationes vel integras vel contractas, prout rerum momenta poscebant, textui subieci. Si quae vero levioris momenti *Marklandus* vel *Wolfius* notaverat, ea praetermisi, textus verba characteribus *aldinis* hic illic ad hoc innuendum notasse contentus. Vale.

FRID. AVG. WOLFF

PRAEFATIO

BEROLINENSI EDITIONI PRAEMISSA

Haec editio a nobis eo potissimum consilio suscepta est, ut quatuor Orationes nunc meo volumine iunctas, quae vulgo Ciceronis auctoritate venditantur, rationibus in utramque partem exponendis demonstremus, Cicerone indignissimas esse, et declamatorio studio exercendi vel ostentandi ingenii conscriptas. Eam rem superiore saeculo primus idemque unus vidit in Britannis sagacissimus vir et utriusque antiquitatis in paucis peritus: verum quum dubitationibus illius a litteratore magni nominis in Germania satisfactum videretur, in huius sententiam deinceps ita concesserunt eruditi, ut, quidquid a Britanno dictum est et animadversum, iam paene pro indicto habendum, totaque quaestio de integro ad disceptationem vocanda sit. Sed nonnullorum lectorum gratia paulo altius ordiamur, et omnis huius controversiae memoriam paucis repetamus.

Nam postquam Con. Middletonus, Cantabrigiensis, ediderat celebrem commentariam suam de vita Ciceronis; qui liber, ceteroquin ad legendum Ciceronem omnemque illorum temporum historiam cognoscendam utilissimus, facilem reprehendendi et corrigendi copiam praebebat, quum tria haberet eximissimilibus iuncta peccata, primum quod heros ille saepius intentiore ipsius quam veritatis studio ornatus et expictus esset, tum quod

idem magis ut civis in regenda republica versatus, quam ut homo doctrina excellens optimeque de literis merens esset spectatus, denique quod non raro historicae res minore diligentia et critica cura tractatae essent: post paulo, sed eodem anno 1741, exortus est in eadem civitate Iac. Tunstallus, qui Epistola, ad Middletonum ipsum latine scripta, postremam reprehensionis partem arriperet, pluraque ab eo perperam relata, testibus Epistolis ad Atticum et ad Q. Fratrem convinceret, atque ad extremum nonnullas dubitationes expromeret de auctoritate Epistolarum, nomine *Ciceronis ad Brutum* et *Bruti ad Ciceronem* inscriptarum, quarum fidem aequae ac reliquarum illi in rebus tradendis sequutus erat. Illico libro rescripsit a. 1743 Middletonus, edita earundem in controversiam vocatarum Epistolarum interpretatione Anglica, in primis dissertatione praemissa, qua eas nominalis auctoribus vindicare studiosae contendit, faventibus tum plerisque, etiam iis, qui modo ad partes adversarii inclinarent. Ac statim anno post hic liber universus fere in Gallicam istarum Epistolarum translationem insertus est a *Prevosto*: id quod monendum putamus, ne quis forte, cui haec translatio ad manum sit, rariorem Middletonianam nimis desideret. Sed hoc anno 1744 Middletonus, qui a Tunstallo omnia tela exhausta, suoque ingenio retusa existimabat, subito oppresserunt novae *Observationes* Tunstalli, singulare et satis magnum volumen, Anglice scriptum, in quo plures et evidenciores fraudes Epistolarum accurate arguuntur singulis locis, partim declamatorium stilum, partim pudendos errores in historia testantibus. Iam certamini intervenit alius Cantabrigiensis, Ier. Marklandus, magna vir auctoritate, quippe qui aliquot editis monumentis interioris doctrinae, pluribusque parandis et expoliendis, tum maxime Rich. Bentleii gloriam proximus, quamquam aliquo intervallo, acculabatur. Is igitur libro *Animadversionum*, item Anglice scripto a. 1745, non solum acutissimi Tunstalli sententiam assensu suo comprobavit, novisque additis argumentis docuit, eas epistolas non clarissimis viris, quibus vulgari opinione adscribuntur, sed exercitationibus scholae rhetoricae esse tribuendas; verum etiam in parte posteriore primus quasdam dubitationes subiunxit de his

quatuor Orationibus, tanto exngitatas acumine, tamque eleganti et exquisita doctrina explicatas, ut alteram quaestionem simul commovisse et magna ex parte profligasse, alteram plane ad exitum suum perduxisse videatur. Huic Marklandi libro, quem, ebi festinanter scriptum, in nptimis huius generis speciminibus numerandum censemus, haec in fronte inscripta est: *Remarks on the Epistles of Cicero to Brutus and of Brutus to Cicero; in a Letter to a Friend. With a Dissertation upon four Orationes ascribed to M. Tullius Cicero etc. To which are added some Extracts out of the Notes of learned Men upon those Orationes, and Observations on them. By Ier. Markland, Fellow of St. Peter's College, Cambridge. London, in 8.*

Non constat, quid animi aut consilii fuerit Middleton haec omnia perlegenti et consideranti: illud videmus et vehementer miramur, eum aden sive constantem sive pertinacem fuisse, ut in *Vita Ciceronis* ne verbum quidem mutandum aut revocandum putarit. Nimirum videbatur sibi fortasse satis tuto acquiescere in secundis rumoribus populi sui: in quon existunt iam, qui quum suspicionibus criticis etiam Orationes, elegantiori cuique a puern lectas, labefactari audiunt, omnem pudorem perisse clament,

Indignumque patent parere minoribus, et, quae

Imberbi didicere, senes perdenda fateri:

alii disputationem et universam rationem Marklandi in risum et iocum vertere conati sunt; in qua re plerumque, quo quis studiorum imperitior est, eo magis excellit, eoque plures in nubili turba plausores nanciscitur. Haec in classe censendus est libellus ambiguo titulo: *A Dissertation, in which the Defence of P. Sulla ascribed to M. T. Cicero is clearly proved to be spurious, after the manner of Mr. Markland, with some introductory Remarks on other Writings of the Ancients never before suspected. London, in 8.* sine nota temporis, sed 1745 vel 1746. Qui ad hanc chartam accessit recens a Marklando, eum fallere non potest ironia et cavillatio, qua rem peragere voluit auctor, *Rossius*, Episcopus, ut quidam perhibent; neque is p. 13, 53, 63, scite dissimulat, quid sibi velit. Etenim sperabat, credo, si similes

leges criticas ad alia scripta traduceret, ita ut eorum auctoritatem convelleret notandis vocabulis quibusdam et constructionibus formulisque loquendi, prava imitatione audaciae audaciam Marklandi conspectiorem reddi, et hac obliqua refutatione maiorem viro praeclaro consilari posse invidiam. Igitur dam levissimis de causis Orationes Ciceronis, quae sunt *pro P. Sulla, pro Milone, pro Coelio, pro Murena, pro Flacco, duas ex Catilinariis, duos libros Tusculanarum, secundum de finibus B. et M., Epistolas Coelii Rufi* et aliquot alia antiquorum scripta, tum etiam recentiorum, duas conciones *Tillotsoni, unam Atterburii*, satis ridicule in suspicionem *vestitæ* vocabat, hoc unum serio agebat, ut intelligeretur, quantam in licentiam evasura esset illa argumentandi ratio. Atque band dubie, quod voluit, assequutus est scriptor apud indoctam multitudinem, quae quoniam vera a falsis discernere nescit, facillime tali rerum assimilatione in fraudem illicitur; viri docti autem, qui opusculum ipsum non legerant, hunc prope novum Harduinnam existisse dolebant: mihi quidem eadem huius ludi videbatur utilitas esse, quam mercatores capere solent ex genninis et factitiis mercibus comparandis. Nam in hoc genere ad vim iudicii acuendam nimio plus valent exempla inter se collata, quam subtilissimae praeceptiones regularum. Quare vellem huc animum operamque contulisset alius scriptor ignotus, qui hunc libellum refellere adortus est. *A dissertation, in which the Observations of a late Pamphlet to the Writings of the Ancients, after the manner of Mr. Markland, are clearly answered; those Passages in Tully corrected, on which some of the objections are founded. With Amendments of a few Pieces of criticism in Mr. Markland's Epistola critica. London, 1746. 8.* Quamquam enim istius consilium recte odoratus hic scriptor affert nonnulla egregie apta ad eam castigandum, simulque aliquoties, sed minus feliciter, proprium ingenium experitur in emendandis locis veterum; nihil tamen de ipsa causa et critica ratione, ab isto irrita, neque de harum Orationum auctoritate disputat, excepta una probabili animadversione ad Orat. pro Domo c. 40, quam nos ibi repetivimus: ceterum Marklandi maximus admirator, hunc virum

divae Criticae unicas delicias vocat, et eximium eius acumen doctrinaeque copiam, etiam ubi ab eo dissentit, summis laudibus offert.

Itaque usque adhuc, Middletoni maxime culpa, quaestiones illae, patrio Anglorum sermone disceptatae, venerant in iudicium illud mille capitum, sed unius nationis; apud externas nationes paucis eruditorum scripta Tunstalli et Marklaudi innotuerunt. Quae res in universum nobis graviter conquerenda et ad incrementa studiorum parum utilis videri solet. Nihil enim profecto potest esse perversius, quam ad controversias de reconditis partibus literarum, omnibus communium gentibus, invitari popularium vulgus vernaculis linguis: ex quo consequitur, ut causae, quas tractamus, ab exiguo numero eorum, qui praecipue iudices expeti debeant, iudicari possint, ab indoctis autem et saepe hominum personas, non rerum momenta, ponderantibus tanto maiore vel levitate vel cupiditate iudicentur. Omnino pauci sunt omni tempore, qui talem causam, qualis haec nostra est, cognoscere operae pretium ducant; pauciores, qui id facere possint; sed qui iidem et velint et possint, longe paucissimi. Atque haud scio an illa aetate nullus eorum, quos novimus, doctorum in Britannia plane idoneus fuerit, cuius sententiae res committi posset, praeter unum Bentleium. Eo sane praeside, Phalaridae disputationis auctore, etsi is sedem doctrinae suae in aliis potius scriptoribus quam in Cicerone fixerat, eo tamen sive praeside, sive honorario arbitro, decertare inter se debebant nobiles disceptatores. Ille vero vix ingressum haec stadia adspexit Tunstallum; novas Animadversiones Marklaudi, morte praeventus, non vidit; neque inventus est, quem in illius locum surrogaret civitas literatorum.

Quodsi cui percontari libeat, quid, qui postea principes habiti sunt in his artibus et in rerum Romanarum scientia, de scriptis illis atque omni controversia iudicarint, is sciat, plures palam periclitari noluisse iudiciis suis; nonnullos tamen, eosque Latini sermonis doctissimos, de Epistolis penitus accessisse Tunstalli sententiae, sed Marklandianam de suppositis Orationibus et eodem et ceteros omnes uno ore repudiavisse. Omitto Bros-

sim, Fergusonum, alios, in historiis illorum temporum cum laude versatos, ut eos tantum appellem, a quorum professione proprie expectatur Aristarchea censura scriptorum. Ac Ruhenius quidem, quem, quid in libris Latinorum antiquum, probum et elegans esset, subtiliter calluisse, ipsum eius purum et limatum genus scribendi declarat; is igitur, ne quod ex ore desideratissimi viri coram excepti alieno tempore referam, ad Velleium Paterculum p. 109 et 326 iniecta rei mentione, altero loco non significat, sed aperte profitetur, se *facile*, i. e. sine dubitatione, assentiri Britannis, qui Ciceronis ad Brutum Bruttique ad Ciceronem Epistolas a falsario fictas esse docuerint: idem autem de his Orationibus, neque ad Aquilam Romanum p. 149 et 160, neque ad Iulium Rufinianum p. 200 et 203, a quibus Oratio *de Domo* laudatur, quicquam adiecit de iudicio suo; ipse contra et ad Velleium p. 64, 102, 227, eandem Orationem *de Domo*, et ad Rutilium p. 90 eam, quae est *de Haruspicum responsis*, tanquam Ciceronianas laudare non dubitavit. Nec aliter, sed magis praecise, de utrisque scriptis pronuntiavit Wytttenbachius, tum in Bibl. crit. Vol. II, P. 3, p. 78, tum in Vita maximi praeceptoris p. 219 et 290. Eiusdemque sententiae iam antea se patronum prae buerat senectute et meritis spectabilis vir, Saxius, qui in I Parte Onomastici literarii p. 160, postquam Tunstallum de Epistolis illis praelusisse narravit, *Acrius etiam*, inquit, *quod nollem, tibias inflavit Marklandus* — et mox: *Vel sic tamen bonum factum, Marklandi subinde argumentationes et suspensiones a viro magno, Io. Matthia Gesnero, enervatas fuisse.*

De hoc viro, harum quatuor Orationum acerrimo defensore, iam dudum nobis separatim dicendum fuit. Nam quisquis sibi ius dicendae sententiae non arrogabat, illum potissimum habebat locupletem auctorem, utpote linguae Latinae scientissimum, eiusque per Lexica largissimum dispensatorem. Etenim tractavit rem Gesnerus duabus praelectionibus aa. 1753 et 1754 habitis, insertisque Tomo III Commentariorum Soc. Reg. Göttingensis, quas *Ciceronem restitutum* inscripsit; quibus omnia Marklandi argumenta singillatim excutere et annotationibus suis refutare

aggressus est, nulla usquequaque causa reperta, cur a communi literatorum opinione recedendum censeret. Vnde accidisse opinor, ut Ernestius in Cicerone suo nullam mentionem iuiecerit huius controversiae, et ne ad Epistolas quidem istas quidquam scripserit ex eo genere animadversionum, cuius ibi saepe occasio ac necessitas erat. Quin etiam in repetita editione Bibliothecae Fabricianae T. I p. 161 de Criticorum illorum libris et Gesneri, amicissimi sui, praelectionibus falso prodidit, et, velut de vili rixa, paucissimis verbis; (1) id quod memorabile videtur in Ciceronis editore eo, qui postrema Praefatione perfectum Criticam Ciceronianum informare de industria instituit. (2) Quam ob causam minime mirum est, si iam totum illud certamen vix aliquot viris historiae literariae cupidioribus cognitum, a plerisque ne memoria quidem, nedum renovatione, dignum haberi videmus. Itaque non modo legantur edunturque istae Orationes una cum reliquis monumentis eloquentiae Ciceronianae, sed etiam duasve earum propter insignem scilicet elegantiam in numerum *selectarum*, quas vocant, receperunt Editores, scholasticae inventuti a prima aetate praelegendas; ita ut nullus forsitan mensis abeat, quin aliquod auditorium per cultissimas terras Europae vocibus magistrorum resonet, pulchras earum sententias et verba interpretantium.

Tot et tantis auctoritatibus quis non moveatur verecundus homo? quis non deterreatur, quo minus desertae relictaeque causae patrocinium suscipiat? (3) Immo fortius ad publicam opinionem reiicimur testimoniis veterum scriptorum, tum eorum, quos Marklandus nominavit, Pediani, Quintiliani, Arnobii, for-

(1) Nempe ad orationes post reditum prorsus nihil adnotavit; ad orationem *pro domo*, satis pro imperio et parum accurate, sic pronuntiat: *Spuriam iudicat Tunstallus, cuius dubitationes sustulit I. M. Gesnerus*; et ad orationem de Haruspicum responsis: *« Hanc quoque, inquit, spuriam putat Tunstallus, cui respondit idem; perinde quasi Gesnerus Tunstallo, non Marklando respondisset. Quod tamen erratum eius transcripserunt nihil monitis lectoribus editorum Bipontini. Schurz. in Proleg.*

(2) Tom. I, pag. jj-xviii huius editionis. Tyr. T.

(3) Notabile est, Marklandum anno 1776 obiisse, Gesnero autem, cuius libellus eum latere vix potuit, nihil respondisse. Quamquam ex ea re coniecti volum, ipsum ab hoc deductum esse de sententia sua. Wolf.

tasse Ammiani Marcellini, tum aliorum paulo minore auctoritate, Mamertini Iunioris, Oratoris panegyrici, Servii, Grammatici Virgiliani, Prisciani, tum Rhetorum, quos supra attali Aquilae et Rufiniani, fortasse etiam Dionis Cassii, Lactantii, et Charisii, ac si qui forte alii animadversionem nostram fugerunt. Vide ad Orat. in senatu §. 1, 11; ad Quir. §. 2, 24; pro Domo §. 37, 41, 45 (unde verba *Vobismet ipsis Pontifices* laudantur ap. Prise. XII p. 947), et ad §. 101 seq. 134 de Har. resp. in summar. et ad §. 18, 23, 24. Verum qui in quaque re nihil praeter rem spectare didicit, neque extrinsecus suspensas habere iudicandi rationes, quamvis prima specie minime verisimile putet, tam multis, tamque partim praestantibus viris imposuisse scholasticum hominem imitamento artis Ciceronianae, non tamen illud ex eo genere esse arbitrabitur, quod plane sit τὸν ἀδυνάτου.

Sed mihi ab hoc loco alienum videtur, quasi praedicti causa in memoriam revocare similes fraudes, quibus interdum prudentissimi homines se circumveniri humanitus passi sunt: quippe nullo saeculo defuerunt, qui scripta interpolarent, falsis inscriptionibus ornarent, propria et sua aliorum, praesertim clarorum, hominum personis affingerent: accidisse hoc ipsi Ciceroni, testantur manifestum, quae hodieque in manibus sunt, duae Declamationes, a Marklando commemoratae, et, quae nunc rarius leguntur, aliae duae de Pace (amnestia) et in Valerium; existarentque plura huiusmodi specimina, si ea ad nos pervenissent, quae de Ciceronianis argumentis aetate M. Senecae a rhetoribus declamari, plaudentibus auditoriis, solebant: (1) neque

(1) *Lepidum locum M. Senecae adscribam, a Marklando praetermissum, Excerptorum Controv. III Praef. p. 393 edit. Bipont. « Pueri fere aut iuvenes scholas frequentant. Hi non tantum disertissimis viris, quos paulo ante retuli, sed etiam Ciceroni Cestium suum praeferrent, nisi lapides timerent. Quo tamen uno modo possunt, praeferunt: huius enim declamationes ediscunt; illius orationes non legunt nisi eas, quibus Cestius rescripsit. Memini me intrare scholas, quum recitaturus esset in Milonem Cestius; ex consuetudine sua miratus dicebat: Si*

nostris temporibus desunt, qui supposititios libros, etiam dudum explosos, pro genuinis agnoscere non dubitent; ut nuper Blacklockus quidam Britannos docuit *Consolationem* istam, a Sigonio conscriptam, ad Ciceronis auctoritatem referre — sed quid attinet haec persequi, et exempla fraudum humanosque errores recensere, quum ita nihil non in suspicionem et dubitationem devocari oporteat, eademque rationculae haud magis valeant ad has quatuor Orationes, quam ad Milonianam, ad Philippicas, ad omnes reliquas suo auctori abiudicandas? Necease est igitur nobis talem disquisitionem sic aggredi, ut ipso genere scribendi et singulis locis vestigia suspicionum demonstramus, accurateque subducamus rationes, unde appareat, etiamsi nihil nunquam simile usuenisse constaret, librum tanquam subditivum, quocumque demum consilio scriptum, ex integro scriptoris corpore eximendum esse. Qua de re posthac nonnulla dicam; nunc, quid in edendis his Orationibus et in Commentario instruendo agere voluerim, indicabo.

Textum exhibui, ex optimis exemplaribus, qua scriptis, qua impressis, novo studio recognitum, in quo religiose hanc mihi legem posui, ut, si in diversas partes traherent codicum testimonia, eas fere lectiones deligerem, quae elegantiores et magis Ciceronianae essent, ne ullum calumniae locum relinquerem. Ita aliquot locis Latinitas harum Orationum plus nitoris accepit, quam priores Editores dederant, etiam Graevius, cuius recensionem maxime sum sequutus: contra, ubi in variis erroribus et declamatoriis nugis consentiebant libri omnes, vel certe meliores, eodem animo reieci, quod Ciceronis causa, non li-

Thrax essem, Fufius essem; si pantomimus essem, Bathyllus essem; si equus, Melissio. Non continui bilem, exclamavi: Et si cloaca esses, maxima esses. Risus omnium ingens: scholastici intueri me, quis essem, qui tam erassas cervices haberem. Cestius Ciceroni responsurus, mihi quid responderet, non invenit, sed negavit se exequiturum, nisi exirem de domo. Ego negavi, me de balneo exiturum, nisi lotus essem » etc. De eodem Cestio, Milonis umbratico defensore, loquitur etiam Quintilianus X, 5, 20. W.

brorum consensu, praetulerant superiores; qua ratione non raro etiam verba emendavi, minus emendatis inferendis, uti monitum est in Orat. ad Quir. p. 124. Ceterum nihil mutavi de vulgata scriptura, ubi antiqua et vera manus peccatis et correctionibus librorum prorsus obscurata erat, neque ex integerrimis Lambini, Graevii, aliorum, et nuper collatis codd. exemplorum Oxoniensis et Neapolitani lucem dispicere licebat.

In Commentario pleraque omnia relata sunt ad eam nram rem, cujus causa susceptus est, videlicet ut explicetur, quid in scribendo sit rectum, quid Latinum, quid Ciceronianum, quid non; ne temere lectores attentionem animorum distrabere cogantur. Quocirca nemo hic quaerat interpretationem, quae verba ad communem intelligentiam illustret: satis habemus editionum, tali annotatione instructarum, ex quibus intelligendi praesidia petat, qui eis indigebit; et in obscurioribus locis nonnunquam aliquid allatum esse ex P. Manutii, Hotomani, Graevii, Ferratii, Ernestii, Goratoni copiiis, horum virorum nomina memorata ostendunt: multo minus expectetur alienarum rerum ex adversariis petita explicatio; non quod hanc commentandi rationem contemniam, quae tantam lucem his studiis nostris affudit; sed nunc ea erant expromenda, quae adhuc nobis tradere noluerunt, qui toti erant in adversariis condendis. Ante omnia vero operam dedimus, ut lecturis universae in manus traderentur Marklandi et Gesneri contrariae disputationes et animadversiones, sua quaeque locis, partim in vestibulo, partim sub textu, repositae. Quapropter Gesneri praelectiones minutatim concidendae fuerunt, et quod vir doctissimus Societati suae continuo tenore recitaverat, nonnullis verbis omissis aut mutatis, ad commoditatem interruptae lectionis aptandum; omitenda etiam argumenta Marklandi, nimio brevitatis studio excerpta: de reliquo literam demere mihi religio fuit, praeter aliquot manifestos errores, qui nihil ad rem facerent, viroque occupato ac seni excidisse viderentur. Aliquanto plus operae sumendum fuit in Marklandi animadversionibus. Nam ut eas maiorem numerum iudicum allicerent, partem libri supra laudati ex Anglica in Latinam linguam converti, tum in quibus-

dam annotationibus seriem mutavi, dispersasque ad suos locos revocavi, in omnibus tamen fidem interpretis sedulo praestiti; ubi licebat, verbum e verbo exprimens; alias sententiam reddens ad Latinam consuetudinem, sed ita, ut nihil elegantiae et ceterae gratiae vernaculi sermonis decederet. Quem ad modum, iam diu mihi in optatis fuit, ut et prior pars Marklandiani libri cum Tunstalli Observationibus et reliquis istarum Epistularum censuris Latine verteretur: ac, si recte auguror, vir quidam doctus et industrius, ex meis ulim familiaribus, brevi tempore hoc oneris sibi in gratiam studiosorum imponet. Sed isti causae simplici interpretatione abunde satisfactum videbitur, quoniam coniuncta Britannorum diligentia, quam utilissimus contentionis ardor exacuebat, omnem fere materiam occupavit, et perpauca de nonnullis Epistolis reliquit nobis rectius constituenda: contra in hac causa Orationum tantum otii nobis paratum non esse, docturum virorum, de quibus autem retulimus, iudicia demonstrant. Haec causa usque adhuc erat ampliata, nun iudicata: exstat unus libellus accusationis; auditus est unus disertior patronus, tres produximus accusati Scripturis laudatores; reliquum est, ut velut integra re disceptemus, ut percoremus, ut eatur in consilium. Quod ut tandem fiat ab aequis et peritis iudicibus, quando nemo ab ingenio vel doctrina instructor agere vult, id ego nunc agam, et in unum corpusculum redactis accusatoris et defensoris libris, adiectisque novis annotationibus una hac opera quaestionem pertractabo. Non iniucundum dicetis negatium; omnia quiete et tranquille acta, sine ullis conviciis, et probris in contrariae causae patronos, qualia ulim apud politissimos populos andiebantur in iudiciis; unus subinde castigatur, ubi quid commeruit, vetus Scriptor, qui id non sentiet, ac, si sentiret, haberet profecto, quo vel acerbiora maledicta obruere posset, admiraturum suorum per tot saecula consunantes laudes et praeconia. Ergo hic nusquam fere sermo est de Marklandi aut Gesnero; de rebus est, de criminibus est, de causa est: id quod Gesnerus quoque, liberaliter eruditus, et intellexit et ubique tenuit, semel directe professus, non cum quoquam homine sibi negatium esse,

nec adversus virum doctum, sed adversus rationes eius suscipi disputationem.

Atque hoc genus liberalitatis et humanitatis in his literis novimus unum, idque constanter sequemur, non illud, quod ignavi homines, novae cuiusdam humanitatis magistri, prae se ferunt, et quo identidem inculcando accusationes levitatis suae exarmare, eosque in invidiam adducere cupiunt, qui ipsorum et vulgi sententias adspernari, qui iudicia sua graviter et libere defendere, qui scire aliquid, non solum opinari, audent. Nihil enim est istis humanius, qui nulla certa cognitione freti, de omnibus rebus in omnes partes sic varie disserunt, ut saepe, quid ipsi sentiant, difficile sit intelligere. In primis autem invidiosa solet esse eorum conditio, qui ea scripta, quae semper ab eruditis probata erant, atque adeo saeculorum praescriptione in prima classe locum occuparant, creditis auctoribus indigna et loco summovenda iudicant. Nempe ita perit multis voluptas, quam a primis annis ex talibus libris perceperant, quos cum reliquis antiquitatis monumentis confusos admirabantur; perit simul existimatio quaedam sollertiae et acuminis, si forte aliquid eiusmodi laudaverant vel publice interpretati erant. Ac sane satis inhumannum est, coram amatore arguere amicae vitia, quae caecum fallunt, vel etiam delectant, *veluti Balbinum polypus Hagnae*, aut coram iis, quibus familiariter utimur, reprehendere eorum cognatos et amicos. Probamus hoc nos quoque, et hanc facilitatem morum saepe utilissimam in usu hominum esse reperimus. At aliam putabamus lenitatem, qua stultissimum quemque ad libidinem suam vivere et vanissimis gaudiis frui aequo animo patimur; aliam suo nomine dignam humanitatem, quae nulla potest esse nisi coniuncta cum veritate et iustitia; quas virtutes, vehementer erraret, qui in studiis literarum minoris quam in reliqua vita momenti esse statueret. Habent tamen isti, quos inauditae sententiae offendunt, et nulli vis argumentorum permovet, iucundum solatium in mira varietate dissentientium hominum, quorum sic comparata est vita et natura, ut saepe tu aliter atque ego, ego aliter ac tu; ut in multis rebus etiam cupidissimus veri nil nisi verisimile ac

probabile sequi possit; ut nullus denique liber sit improbus, ineptus, insulsus, qui non patronum et amatorem suum invenit. In his communibus locis se iacent illi; modo per eos liceat nobis afferre, quae pro veris habemus, quae oculis nostris cernere videmur, quae argumentis optima fide explicandis confirmamus: ipsis vicissim hanc veniam largimur, ut ex nominibus, ex titulis, homines et scriptores et libros aestiment, in eoque iudicio superiorum aetatum oculis abutantur; postremo ut ociosius abiciant Commentarios, quibus, quid intersit inter Ciceronem et siminum Ciceronis paulo subtilius inquiritur, caveantque diligenter, ne forte numero et pondere rationum oppressi in contrariam sententiam pertrahantur.

Etenim ratione, id quod saepius dicendum est, non incerto et crepero sensu cuiusdam verisimilitudinis institui debet disputatio de his rebus, quae, quoad a nobis fieri potest, ab opinionis arbitrio seiungendae certaeque scientiae comprehendendae sunt. Nimirum curis nostris iudigna foret ars critica, si nos doceret suspiciones et coniecturas capere, de quibus non modo imperiti cum peritis, quod sane non est postulandum, sed ne periti quidem inter se et ab omni falsa religione vacui consentirent, tamque vanae et frivolae artis non fines essent regundi, sed ipsa potius tota funditus sepienda. Ex ista tamen perversa de criticis studiis persuasione vulgaria plerorumque iudicia pendent, etiam nonnullorum ex iis, qui Criticos se dici haberi que volunt. Aliis praeterea illud suspecta reddit haec studia, quod monuerunt excellentes quidam viri, divinandi vim et sagacitatem, quibus maxime illa constant, ne pertinacissimo quidem labore neque ulla vitae longinquitate parari, sed unius naturae munere obtingi iis, quibus obtingant, remque adeo totam in iis esse, quae doceri et disci nequeant. Quasi non eadem esset ratio multarum aliarum artium, ut poëticae, ut eloquentiae, ut politicae, ut quodammodo omnium artium reginae, virtutis: siquidem aliud est, percepisse leges et praecepta earum; aliud, sic natura factum imbutumque esse, ut praeceptionis subtilitatem praecurrat et superet divinus impetus ingenii. Sed ne haec secus, ac volumus, accipiantur, apparentque, quam sobrio nu-

mine haec divinatio regatur; age, paucis explicemus praecipuas rationes, quas in occultis fraudum vestigiis odorandis sequuti sumus. Ita simul fiet, ut lectores in quoque loco, quem in suspicionem adducimus videbunt, continuo intelligant, ad quod rerum caput nostrae, id est Marklaudi et meae, animadversiones revocandae sint.

Primum quidem facili omnes concedent, in libro, qui alicui ex illo praestantissimorum linguae Latinae auctorum ordine tribuatur, nihil inesse debere, neque in simplicibus verbis, neque in iunctura eorum, quod ab optima loquendi consuetudine et classica auctoritate abhorreat. De *ratione grammatica* loquimur, quae Ciceroniano aevo sive plerisque partibus suis conformata et certis regulis adstricta erat, ut eam nemo, vel scribens, vel ad populumicens, impune negligere posset. Igitur, quod nemo non faciebat, qui illa aetate aliquid viris legendum componeret, ut sermone uteretur puro et emendato, id apparet vel in primis expectandum esse a scriptore summae auctoritatis; apud quem adeo librariorum incuriam vel stuporem iure accusamus, si quid in oratione eius barbarum, aut soloecum, aut peregrinum, aut ἀξυρρον offendimus, aut denique aliquid nulla re contrarium iis, quae hoc in genere legitima esse docet Cicero Partitt. or. c. 6. Quae recta Latine loquendi consuetudo etsi magis temporum illorum quam hominum laus fuit, quum, ut ille ait, non tam praeclarum erat scire Latine quam turpe nescire: tamen vehementer a vero aberraret, qui putaret satis Latinum esse, quidquid certa fide apud ullum scriptorem illius optimi saeculi legeretur. Non enim saeculum facit perfectos scriptores, sed praestantia digna saeculo; nec quisquam eloquentiae gloriam adeptus est ex eo, quod nasci ei contigit eloquentium virorum aetate: sicut Amasiniis, opimior, et Rabiriis nunquam laudi fuit, quod aequales erant Caesari et Ciceroni. Nam facultas bene eleganterque scribeudi nobis non insita et innata est, sed institutione atque exercitatione comparatur. Itaque pueri Romani scholas grammaticas et rhetoricas frequentabant, ut addiscerent usum bene scribentium: magistros autem, quibus illi operam dabant, iam extremis Augusti temporibus cito cadentis

eloquentiae vitis et ineptiis se inquinasse, multis argumentis et testimoniis intelligimus. Quid ergo mirandum est, si scholasticus Declamator, sive peregrinus in Urbe, sive provincialis, fortasse in aliquo Galliae vel Hispaniae angulo docens, longe affuit a nitore sermonis aequalium, ac similitudinem Ciceronis, quam laboriosa arte quaesierat, in naturam suavi vertere non potuit?

Alteram rem, qua dictionis bonitas censetur, breviter attingere satia erit, *logicam veritatem sententiarum*, sine qua ex verbis rectissime positis inanis et futilis strepitus nascitur. Sed latius patet haec virtus, nec singulas tantum partes sed omnem perpetuitatem orationis complectitur. Nam ipse ordo et series, qua, quae animo concepimus, explicamus, quatenus ad recte intelligendum pertinet, dialecticae seu logicae artis est, quam constat finitimam esse grammaticae et rhetoricae. Quamobrem qui Ciceronem, non modo loquendi sed et intelligendi maximam artificem, artificiosa imitatione exprimere conatur, cum necesse est autem omnia posse perspicere, quid in quaque re sit, et quale quidque sit, ac ratione et via disputare; quod qui non accurate didicit, ne potest quidem dicendi materiam recte instruere, argumentationes apte concludere, atque ita omnia persequi, ut nusquam hiet aut discrepet sententia, nihilque ponatur ullo in loco, quod non prius dictis consequens, et iis, quae deinceps dicuntur, consentaneum sit. Hac autem parte, animadversiones nostrae docebunt, quam pueriliter saepe peccarit hic Cicero noster, ut non magistrum eloquentiae sed infantem hominem audire tibi videre, nihil curantem nisi verborum ad oratorium quendam modum compositorum copiam ac tinnitum.

Nam in hoc studio dictionis ad scholasticas regulas fingendae et componendae omnem operam conterit hic Orator; sed raro assequitur *elegantiam* et ceteras *virtutes rhetoricas*, quod tertium requiritur in descriptione Ciceroni adiudicanda. Huius enim eloquentissimi viri maxime proprium erat, copiose, magnifice, ornate politique dicere, electis verbis perspicuis, gravibus, ad numerum iucundis, ad sensum perfectis et cuique rei accommoda-

tin; neque ea, quae forte extemporali impetu fuderat, sine novae emendationis cura in vulgus edere sustinuit. Qui ergo Ciceronis esse poterit oratio, in qua sententiarum ieiunitas prope singulis paginis certet cum ineptiis verborum; in qua loquutiones modo otiosae et nihil significantes, modo perplexae et parum lucidae, modo affectatae et frigidae, modo tales reperiantur, ut scriptorem more tironum id, quod sentiret, expedite eloqui nescisse apparent? Atque haec sunt vitia illa, quae in his orationibus ubique, haerentia sagacissime notavit Britannus: quae addita ad languorem, per omnes partes fasum, efficiunt, ut, etiamsi nullum vocabulum, nulla singularia loquutio offenderet, tamen universum dicendi genus Ciceroe indignum iudicandum esset. Sed perpauci sunt, qui, quid sit languidum, molestum, argutum, frigidum, subsulsuum, arcessitum, diffuens, tortuosum, aut in omni habitu orationis vitiosum, satis acriter iudicent, praesertim in lingua, quam non a matre didicerunt; qui denique inanem et puerilem loquentiam a virili eloquentia callide distinguant: vocabula et formulas loquendi plerique spectant unice, haud cogitantes, illa vel palcherrima undique collecta misere iacere, nisi animus magni artificis vim et artem et spiritum oratorium afflaverit. Nempe haec deficiunt in orationibus istis *de Pace*, et, *Antequam iret in exilium*, non eloquentiae species adumbrata verbis Ciceronianis: in quibus qui lente acquiescit, is poterit cum *Othone Verdmullero*, antiquo Interprete posterioris libelli, multisque aliis superiorum saeculorum, admirari in eo elegantius verborum et figurarum et numerorum ad eum usque modum, vix ut risum contineant lectores intelligentes. Sed, quum prioris Declamationis auctoritas mature explosa esset, ad posterioris fraudem detegendam expectandos fuit Lambinus, qui primus eam ex Ciceronis exemplaribus sustulit, ut *inelegantem, inconcinnam, insulsam atque ineptam, potius ludimagistro alicui semidocto, semirutico et imposito, quam summo oratori Romano tribuendam*; atque hanc ab illo praescriptam censuram dein-

ceps maximo consensu sunt sequenti omnes, qui in his rebus aliquid intelligere audebant. (1)

Iam pergendum nobis est ad quartum genus argumentorum, quod etiam indoctissimis assensum eripit, animadversionem errorum et peccatorum in historia, qualia imputari viro, in ipso rerum actu dicenti scribentique, nullo pacto possunt. Huc referendum est, si quid vel in factis rebusque gestis, recentis praesertim memoriae, vel in temporum rationibus scriptum est

(1) Apponamus hic opportunam consiliis nostris annotationem Lambini ex edit. sec. Orat. Cic. Vol. II extremo. Hanc Orationem (ad populum et Equites Rom. antequam iret in exilium) ego in priore Ciceronis editione sustuleram. Quo facto, quum bibliopolae, quorum sumptibus Cicero noster editus fuerat, a sciolis quibusdam certiores facti, eam orationem desiderari, de se actum esse quererentur, quasi, quod ea esset praetermissa, idcirco homines ad Ciceronem coëmendum essent futuri tardiores, et mecum hoc nomine odiose expostularent; quumque eis constanter respondissem, eam orationem non esse Ciceronis, eoque me vetuisse eam excudi: tandem ab illis multis precibus oratus, hanc eis veniam dedi, ut in calce secundi voluminis, quod orationes omnes continet, locaretur. Ita illis animum reddidit, qui se perisse clamabant. Nunc item, et vero multo magis, quia hanc editione non solum doctis et politis hominibus gratum facere, verum etiam indoctis et ineptis morem gerere studui, hanc orationem ab aliquo Ciceronis simiolo et imitatore stultissimo, qui sibi bellus ac disertus videbatur, conscriptam, suo quidem loco non, sed tamen hoc secundo volumine, excudi permisi, ne cui aut stolido aut malevolo vel minimam de me querendi causam aut occasionem relinquerem; sed ea lege, ut dissimilibus literis imprimeretur: hoc consilio, ut etiam cordati ac docti sibi a me satisfactum et consultum esse intelligerent, quibus multo placere malo quam excordibus atque indoctis. » Exinde sordere etiam vulgo coepit ista Declamatiuncula: quae fortuna nunc, si vere coniicio, nostras quoque orationes manet; apud eruditos quidem cito, apud imperitos certe post aliquot aetates, si forte rationes nostras adiuverit dissimilitudo literarum, a futuris typothetis in integris editionibus Ciceronis utiliter adhibenda.

contra certam historiae fidem; si quid alio modo est relatam, quam fecit ille, cuius nomen scripturae praefixum videmus; si in iisdem eventibus narrandis apud eundem scriptorem inconstantia et varietas notatur, quae non conveniat ei, qui ita interfuit ipse; denique si quid in historiis praeter rem et verisimilitudinem ornatum verbisque exaggeratum est. Atqui nihil est horum omnium, quod non idoneis exemplis coargui debeat in his quatuor Orationibus: neque ego cuiquam auctor fuerim, ut eas res accipiat pro veris et exploratis, quae ibi legantur sine adiumento gravioris auctoritatis; id quod de Oratione *pro Domo* in pluribus quaestionibus antiquitatis adhuc fecerunt Iureconsulti, in posterum fortasse cautiore futuri. Quamquam mihi quidem vix dubium est, quin hic Rhetor aliquot deperditas Orationes Ciceronis ante oculos habuerit, indeque et res et sententias quasdam mutatus sit, quae ipso non indignae Cicerone videantur. Immo interdum mihi probabile videbatur, locos eos, quos Peditanus, Aquila et Rufinianus ex postremis duabus harum Orationum attulerunt, consideranti et cum textu nostro conferenti, Rhetorem saepe nihil aliud quam totos locos exempli sui variasse, interpolasse et scholasticae incendi reddidisse. Quae de re breviter, sed dubitanter, monui in *Orat. de Har. resp.* c. 12. Eaue coniectura si non displicebit viris eruditis, admodum minuetur numerus antiquorum testium, quorum consensus nos deterrere a nova sententia poterat; siquidem, quae a Peditano, Quintiliano et aliis laudantur, Orationes *de Domo* et *de Har. resp.* non sunt fortasse omnino eadem, quas hodie habemus in manibus.

Sequitur quinto loco res, quae multo facilius sentiri potest, quam ad exactas regulas artis redigi; *civilis prudentia quaedam*, qualis et solet et debet esse hominis, qui in usu rerum civilium et consuetudine prudentissimorum virorum consensuisse ipso nomine suo proficitur. Talem enim scriptorem decet didicisse, quid amicis ac bene de se meritis debeatur, qua moderatione de alienis et inimicis loquendum sit, qua arte in omni re agenda servandum sit locis ac temporibus. Itaque si quis illa omnia ignorat, si de summorum virorum, tum maxime in

republ. eminentiam, personis tacenda dicenda esset; tantae *permissus* et *adscriptus* suspicio in scholasticum declamatorem cadere potest, in Ciceronem vero non potest: nisi forte quis existimat, miserum Consularem in exilio repente insanire incepisse. Nam sicut in congressibus aliter loquuntur et agunt homines de schola, aliter aulici; sic de iisdem rebus aliter Consularis, aliter umbraticus magister verba faciet; ac posterior, quantumvis doctus et sapiens ceterarum rerum, non potest non rueri in eo genere, quod nimis alienum est ab ipsius vita et studiis et moribus.

Superest sexta ratio argumentationis, ducta ex eo, quod *character cuique scriptori proprius* dicitur, id est genus exprimendorum mentis sensorum, varietate notatum temperaturae ingeniorum et formae operum; quod oritur ex compositione sententiarum, ex delectus loquutionum posituque partium omnium, quibus universa oratio conflatur. Simile quiddam videmus in ceteris quoque artibus, quae maiore animorum libertate tractantur, in musica, in pictura, in sculptura, in quibus nullus nunquam fuit excellens artifex, qui non haberet quandam characteris seu stili proprietatem. Ac, ne quis putet, illud esse nihil, quod ipse videre et percipere nequeat; in scriptoribus quidem saepe res adeo non obscura est, ut et auribus hebetioribus ultro se ingerat. Comparet enim aliquis inter se vel unius aevi terminis inclusos duos tres scriptores, ex Graecis v. c. Platonem, Xenophontem, Isocratem, ex Latinis Tacitum, Suetonium, Plinium Caecilianum; et facile intelliget, quam diversum tum inter se, tum a superioribus sint universo genere et sentiendi et scribendi. Nam, ut de uno, quem postremum appellavi, Plinio loquar, verissime iudicavit Ruhnkenius in Praef. T. IV Opp. Muretinorum, apud hunc, etsi perstudiosum lectorem Ciceronis, nullam vel in Epistolis vel in Panegyrico periodum reperiri, quam ille pro sua agnoscere velle videretur. Verum si imitator assidua lectione et meditatione sese ita ad exempli sui normam composuit, versatilique ingenio assequutus est, ut illius non vocabula solum, non quandam orationisfigurationem, non compositionem numerorum arripuerit, sed scripto-

rem, qualem eam in propriis operibus cognovimus, omnibus virtutibus ac vitis reddat: tum naturali quodam calliditate et insigni acumine opus est, ut illud *nescio quid*, in quo tamen duorum vel trium hominum opera discrepant, investigetur, et suis indicibus arguatur. Atque id minus non est nisi eorum, qui multo accuratoque usu se in familiaritatem scriptorum insinuarunt atque immerserunt, ut eos nihil fallat, quod ulla parte ad perfectam ipsorum similitudinem desit. Neque adeo de tali censura cuiusvis literatoris indicium valere poterit, sed locum hic habebit veteris sapientis dictum, ΕΙΣ ΕΜΟΙ ΜΥΠΙΟΙ, paucisque res diiudicanda quasi publico decreto permittatur oportet a ceteris, quamvis prudentissimis, lectoribus.

At vehementer dubito, an causa nostra tam impedita et difficilis sit ad indicandum, si modo iudices fuerint ab omni cupiditate remoti: quippe in his Orationibus ubique apparent vestigia alienae manus, tum in compilatione Ciceronianorum locorum, multum diversa illa quidem a fortuita repetitione priorum dictorum, tum in conformatione *νήσεων σχολαστικῶν*, etiam ubi nihil manifesto falsum subest, tum in plurimis aliis rebus, quae non Ciceronem, sed imitorem eius, veluti aliquem Aoninum Palearium ex celebri secta Ciceronianorum, a nobis audiri significant: tanto maiore forsitan peritia huius artis musicae excellere oportebit eum, qui aliquando cognoscere volet, non in extremis Orationibus Ciceronis etiam alia quaedam lateat, non in *Senatu dicta*, uti creditur, sed in *otio scholae composita*. Sed quoniam nemo ante nos talem coniecturam attulit: universe rem indicasse satis habemus, integramque relinquimus iis, qui in his studiis omnia sibi declarari et expediri moleste ferunt; praesertim quum magnopere vereamur, ut hoc sordis auribus cantaturi simus, quoniam in illa Oratione pleraque argumenta *νήσεις* ex una dissimilitudine characteris ducenda erunt. Relinquimus itidem aliud quid, sed longe facilius, cui-cumque libeat, demonstrandum, a nobis saepe significatum nulla ratione adiecta, haud pluribus quam anni auctori istas quatuor Orationes tribuendas esse. Nimirum hoc non minus certum vi-

debitur eas aliquoties uno tenore perlegenti, quam omnes adhuc Ciceroni per errorem esse adscriptas.

Haec hactenus paulo fusius ac liberius disserui, ut testimonia supra laudata refutem, aditumque faciam ad legenda ea, quae mox ab eruditissimis viris in contrarias partes acrius disputantur. Horum autem Praefationibus nihil, neque ad confirmandum, neque ad refellendum, addere volui: non quia nihil erat, quod moveri posset, et fortasse etiam oporteret, sed quia huiusmodi quaestiones potius singulis locis examinandis, quam universae disserendo, ad liquidum perducere possunt. Ita non temere cuiquam dubiae videbantur leges criticae, quas modo posuimus haec disquisitioni adhibendas; nunc unum hoc acquirendum erit, verisue an falsis criminibus nitatur accusatio nostra.

Actum est, opinor; illicet.

Scrib. d. 16 Maii 1801.

DE ORATIONE

POST REDITVM IN SENATV

(SCHWZII Prolegomenen Cap. I.)

Ciceronem altero die post reditum (h. e. Non. Sep. A. V. C. 696) ab exilio senatui gratias egisse, et eodem biduo concionem ad populum habuisse liquido constat praeter Dionis Cassii testimonium (1) ex epist. 1 lib. IV ad Att. Vbi postquam iter per Italiam descripsit, *Ad urbem*, inquit, *ita veni, ut nemo ullius ordinis homo nomenclatori notus fuerit, qui mihi obviam non venerit, praeter eos inimicos, quibus id ipsum non liceret, aut dissimulare, aut negare. Quum venissem ad portam Capenam, gradus templorum ab infima plebe completi erant; a qua plausu maximo quum esset mihi gratulatio significata, similis et frequentia et plausus me usque ad Capitolium celebravit, in foroque et in ipso Capitolio miranda multitudo fuit. Postridie in senatu, qui fuit dies Non. septembr. senatui gratias egimus. Eo biduo quum esset annonae summa caritas, et homines ad theatrum primo, deinde ad senatum cucurrissent, impulsu Clodii, mea opera frumenti inopiam esse clamarent, quum per eos dies senatus de annona haberetur, et ad eius procuracionem sermone non solum plebis, verum etiam bonorum, Pompeius vocaretur, idque ipse cuperet, multitudoque a me nominatim, ut id decernerem, postularet: feci, et accurate sententiam dixi, quum*

(1) Lib. XXXIX, c. 19: κατέλθῃ τι οὖν ὁ Κικέρων, καὶ χάριν τῇ τε Βουλῇ, καὶ τῷ δήμῳ παρασχόντων αὐτῷ τῶν ὑπᾶτων καὶ κατὰ τὸ συνίδμεν καὶ κατὰ τὴν ἐκκλησίαν ἔγνω.

abessent consulares, quod tuto se negarent posse sententiam dicere, praeter Messallam et Afranium. Factum est Scitum in meam sententiam, ut cum Pompeio ageretur, ut eam rem susceperet, lexque ferretur; quo in concione recitato; quum populus, more hoc insulso et novo, plausum meo nomine recitando dedisset: habui conciooem; omnes magistratus praesentes, praeter unum praetorem et duos tribunos plebis, dederunt. Iam quaeritur utrum ea, quae exstat oratio, post reditum in senatu, ab ipso Cicerone habita, aut certe scripta fuerit.

Itaque primum hoc teneodum est, a nemine veterum scriptorum hanc orationem laudari. Quintilianus, qui toties ex aliis Ciceronis orationibus locos excitat, eam prorsus igoorat. Mamertinus quidem iunior gratias. act. ad Iulianum c. 31, ubi ait, *nunc si tibi, Imperator, parum ampla nec respondente meritis tuis oratione usus videbor, quaeso obtestorque te, ne meae naturae potius, quam magnitudini beneficiorum tuorum putes esse tribuendum*, his verbis expressisse putatur locum illum orat. post red. in senato: *Si P. C. pro vestris immortalibus in me fratremque meum liberosque nostros meritis parum vobis cumulate gratias egero, quaeso obtestorque, ne meae naturae potius, quam magnitudini vestrorum beneficiorum id tribuendum putetis*. Verum hoc levissimum est; certe nihil aliud ex hac imitatione efficitur, quam hoc, lectam fortasse a Mamertino hanc, quae Cicerois omine ferebatur, orationem. Multo minus Buemannio credendum, Lactantium illo loco Institutt. V, 9, 17, *qui sanctissimam quoque corporis sui partem contra fas omnes polluant et profanent*, ad locum orat. post reditum in senatu respexisse c. 5, *qui ne a sanctissima quidem parte corporis potuisset hominum impuram intemperantiam propulsare*; quasi non posset de infamia oris loquuturus id eadem fere verba iocidere, oisi ex alterius cuiusdam oratione repeteret.

Neque vero constat Ciceronis orationem, quo Senatoi gratias egit, etsi de scripto dictam (Orat. pro Plancio c. 30), umquam editam fuisse. Cicero eam, quum Plancium defeudebat l. l. hisce verbis recitari iubet: *Nihil me novi, nihil temporis causa dicere, nonne etiam illa testis est oratio, quae est a me prima ha-*

bita in senatu. In qua quum perpaucis nominatim egissem gratias, quod omnes enumerari nullo modo possent, scelus autem esset quemquam praeteriri statuissemque eos solum nominare, qui causae nostrae duces et quasi signiferi fuissent, in his Plancio gratias egi. Recitetur oratio, quae propter rei magnitudinem dicta de scripto est, in qua ego homo astutus ei me dedebam, cui nihil magnopere deberem, et huius tanti officii servitutem adstringebam testimonio sempiterno.

Sed concedamus ab ipso Cicerone editam fuisse, quam habuerit in Senatu orationem, eam certe, quae exstat, non esse ab eo profectam argumentis a Marklando et Wolfio expositis plane mihi persuasi. Ipsum illud quod Cicero l. l. commemorat se Plancio gratias egisse, vix cadit in istam orationem, quae hodie ab eo in Senatu habita fertur. Nam postquam aliis gratias egit auctor, c. 8-12, obiter tantum Plaucii mentionem facit; ubi ridicule eum quaestorem doloris sui vocat.

Maximum vero momentum, quo impellimur ut orationem, quae exstat, supposititiā esse credamus, in eo est, quod occurrunt quaedam, quae veritati historicae ipsiusque Ciceronis testimonio repugnant. In quibus statim c. 2 occurrit illud, quod Wolfius monuit, auctorem duo tempora diversa miscuisse, et quod tertio mense post Ciceronis discessum in Senatu actum esset referente L. Ninnio, cum Clodiauorum seditionibus ac tumultu VIII Kal. Feb. sequentis anni confudisse. Vt alia eius generis praeteream, quod, c. 14, dicitur: *mecum leges, mecum quaestiones, mecum iura magistratuum, mecum senatus auctoritatis, mecum libertas, mecum etiam frugum ubertas, mecum deorum et hominum sanctitates omnes et religiones afuerunt*, in eo, ut cetera uou urgeamus inuepta, hoc profecto a vero Cicerone pronuntiari non potuit, quod de frugum ubertate quae secum afuerit, secum redierit, dicitur; quum Cicero ipse Attico, loco supra laudato, scribat summam annuae caritatem suae culpaē tributam a multis fuisse.

Denique totum scribendi genus, quantum a Ciceroniāuo discrepet, abunde demonstratum est a Marklando et Wolfio; quo-

rum de ea re animadversiones diligenter, a studiosis praesertim, versari et expendi volumus.

Ceterum Declamator in hac orationcula primo gratias agit Patribus conscriptis a. universo senatui, c. 1; deinde consilibus Lentulo et Metello, tribunis plebis et Pompeio, c. 2-4; tum degreditur ad consules superioris anni Gabinium et Pisonem vituperandos, omnibusque conviciis proscindendos, in quo magna est suspicio eam orationes pro Sextio et in Pisonem imitari voluisse; c. 4-7. Postea octo tribunos, septemque praetores eius anni, qui in eius salute restituenda elaboraverant, nominatim laudat, praecipue autem Lentulo, Pompeio, Miloni, Sextio gratias agit; c. 7-12. Deinde causas exponit, cur Clodii furoribus potius cesserit, quam vi armisque se defenderit, ubi obiter Plancii in se merita commemorat; c. 13, 14. Postremo pollicetur se in republica defendenda, non modo nihil imminuturam de libertate sua pristina, sed eam etiam adancturum esse; c. 15.

ORATIO

POST

REDITVM IN SENATV

I.

Si, Patres conscripti, pro vestris immortalibus in me fratremque meum liberosque nostros meritis parum vobis cumulate gratias egero; quaeso obtestorque, ne meae naturae potius, quam magnitudini vestrorum beneficiorum, idtribuendum putetis. Quae enim tanta potest existere ubertas ingenii, quae tanta dicendi copia, quod tam divinum atque incredibile

Cumulate gratias egero) *Cumulate gratias agere* locutio est, quam alibi frustra quaeras apud Ciceronem, quamvis saepe et plurimis loquendi modis *gratias agentem*. Dicit ille quidem *cumulate referre gratiam*: sed aliud est *referre*, aliud *agere*. Nam etsi in oratione quoque et in verbis *cumulus* intelligi potest: tamen antiqua consuetudo illud non magis videtur tolisse, quam *cumulate laudare aliquem* aut *reprehendere* et similia. Hoc quale sit, demonstrare potest notum Ciceronis iudicium Ep. ad Fam. XVI, 17 de formula *fideliter intervere valetudini*, quam ita probaverunt quidam recentiorum, ut eam etiam contra illum defendere ex

doctrina morum auderent. Atque huic generi existimatorum, sicut alia nostra permulta, sic et hoc, quod statim addidero, minus probabatur. Nam si quid calleo scosom Romani Oratoris, non videtur is in ipso principio ita de fratre et communibus liberis mentionem facturum fuisse, talisque pietas convenire potius Declamatori, qui si aliquot post saeculis vixisset, forsitan ne boae coniugis quidem nblitus esset; quae et ipsa peti poterat ex Orat. pro Sext. c. 22. WOLZ.

Credibile) *Incredibilis eloquentia* bene dicitur, non item *incredibile genus orationis*.

genus orationis, quo quisquam possit vestra in nos universa promerita, non dicam complecti orando, sed percensere numerando? qui mihi fratrem optatissimum, me fratri amantissimo, liberis nostris parentes, nobis liberos; qui dignitatem, qui ordinem, qui fortunas, qui amplissimam rempublicam, qui patriam, qua nihil potest esse iucundius, qui denique nosmet ipsos nobis reddidistis. Quod si parentes carissimos habere debemus, quod ab iis nobis vita, patrimonium, libertas, civitas tradita est; si deos immortales, quorum beneficio et haec tenuimus, et ceteris rebus aucti sumus; si populum romanum, cuius honoribus in amplissimo consilio et in altissimo

Univerſa promerita) Substantivum hoc nusquam legitur in libris Ciceronis nisi h. l. et ad Quir. c. 4, ubique *meritum*, locis innumeris: quae res magni semper momenti habenda est, nec putandum, classicos scriptores in talibus semel iterumque a constantia sui usus recedere. Wotr.

Orando, sed) *Orando* est pro oratione, melior tamen et nitidior est oppositio in Orat. ad Quir. cap. 3 « non modo augere aut ornare oratione, sed enumerata aut consequi ». — *Percensere numerando*) Absurda haec est hyperbole.

Populum romanum, cuius honoribus) Quasi oratorio modo dicta haec accipienda putat Hotomanus, dubitans, quid sit quod, quum senatores non a populo crearentur, sed a censoribus legerentur, *populi beneficio in senatu se collocatum* dicat. Quae dubitatio videtur ex vana iniecta esse. Nam locum aliquis in dicendi in senatu quisque de more accepit functione magistratum, quaesturae, aedilitatis, praeturae, consulatus i. e. honorum, quos populi

beneficium dabat. Quamobrem vera dicere potuit senator, *populi honoribus se in senatu collocatum*, quandoquidem a populo creabantur magistratus, non a censore. Eam quidem creationem constat a censoribus comprobata vel firmata esse nominibus in tabulas seu catalogum inferendis suoque tempora recitandis, id quod dicebatur *legere senatum*; sed ipsa potestas in senatum veniendi sententiaeque dicendas precedebat hanc censoriam lectionem, neque adeo censoribus licuit quemquam praeterire ac reticere, nisi quid in aliquo notandum et reprehendendum haberent. Ergo hae partes censorum magis valuisse videntur dicis causa quam necessitatis: ac fuerunt haud dubie multi, qui senatoris dignitate et inre optimo fruerentur diu et per omnem vitam, quorum nomina ex tabulis censoriis nusquam recitata essent. MARCEL. Eandem sententiam iam antea sequutus erat et accurate firmaverat M. ANT. FERRARIUS ad locum Cic. Verrin. Act. 1, c. 15; caeterum verissima est, si de temporibus

gradu dignitatis atque in hac omnium terrarum arce collocati sumus; si hunc ipsum ordinem, a quo saepe magnificentissimis decretis sumus honestati: immensum quiddam et infinitum est, quod vobis debemus, qui vestro singulari studio atque consensu, parentum beneficia, deorum immortalium munera, populi romani honores, vestra de me multa iudicia, nobis omnia uno tempore reddidistis: ut, quum multa vobis, magna populo romano, innumerabilia parentibus, omnia diis immortalibus debeamus, haec antea singula per illos habuerimus, nunc universa per vos recuperaverimus.

3. II. Itaque, Patres conscripti, quod ne optandum quidem est homini, immortalitatem quandam per eos adepti videmur. Quod enim tempus erit unquam, quo vestrorum in nos beneficiorum memoria ac fama moriatur, qui illo ipso tempore, quum vi, ferro,

quaeras a Sullae dominatu. Postea vero haec tota res et causa contraria argumentis multo explicatius disceptata est a Vertoto (T. III, extremo libri inscr. *Revolutions de la républ. Rom.*) a Middletono a Chapmanno a Beaufanto, ab Herveo denique, qui ipsum Middletonum in hanc disputationem vocaverat epistolis quibusdam, quas cum Middletoni responsis a. 1778 edidit Th. Knowles Londini. WOLF.

Et, quum multa — recuperaverimus) Non satia erat, nullam in hac clausula inesse novam sententiam, oratoriamque tantum periodi iam satis longae amplificationem quaeri; ipsa gradatio verbis facta est vehementer ineptis. Quo enim alio nomine digna erat ista multa, magna, innumerabilia? quae ultima quoniam quatuor, omnino res erant, paulo

ante commode numerari potuerunt. Verum eo figura deluxit auctorem, qui quum multa sibi, magna scholia Rhetorum, innumerabilia Ciceronis scriptis deberet, beatus videbatur sibi, quod haec universa in declamationem suam importare poterat. Etiam illa copia ante, vide, ne nimis et male digesta sit in verbis, *amplissimo consilio, altissimo gradu dignitatis, omnium terrarum arce*. Displicent certe haec nobis, sive omnia ad unum senatum petinent, sive singula propius acciperis, ut primum referatur ad senatoriam dignitatem, alterum ad consularem, tertium ad ipsam urbem seu rempublicam, vel denique curiam, quod placet nonnullis quibus locum Orat. pro Milone §. 90. WOLF.

Quum vi, ferro — teneremini) Immo loquebatur libere senatus

metu, minis obsessi teneremini, non multo post discessum meum, universi me revocavistis, referente L. Ninnio, fortissimo atque optimo viro? quem habuit ille pestifer annus et maxime fidelem, et minime timidum, si dimicare placuisset, defensorem salutis meae. Posteaquam vobis potestas decernendi non est permissa per eum tribunum plebis, qui, quum per se rempublicam lacerare non posset, sub alieno scelere delevit; nunquam de me siluistis, nunquam meam salutem non ab his consulibus, qui vendiderant, flagitavistis. Itaque vestro studio atque auctoritate perfectum est, ut ille ipse annus, quem ego mihi, quam patriae, malucram esse fatalem, hos

aliam tertio mense post discessum Ciceronis, quomodo referente L. Ninnio, frequens senatus de illius reditu decerneret, quum huic sentus decreto nemo praeter unum Tribunum pl. intercederet etc. Attuli auctoritatem Ciceronis ipsius Orat. pro Sen. §. 68. Itaque hic nit, iste negat; utri creditis, Quirites? Non perfecto huic Rhelori, qui ut beneficium augeret, vel ut rotundiorum faceret sententiam, hasce minas atque terrores infudit. Nempe facile fuit miscere diversa tempora, et senatum illum Kal. Iul. prioris anni habitum confundere cum turbulenta concione d. 8 Kal. Febr. anni posterioris, qui dies, quo Clodiani reditum Ciceronis obiectu cadaverum intercludere querebant, copiose describitur in eadem Sextina cap. 35 seqq. Cogitavi interdum quomodo elui ex hoc loco tam tarpis aemula posset; sed nullum occurrit remedium nisi nomen miserrimum, ut inserta copula legeretur *et non multo* etc. Miserrimum id dico, quia apparet, toto hoc capite de priore anno narrari. Accedit, quod iste aue-

pissime satis habet nobis verba dare, ubi res et facta expectabamus. Sic et Ninnio adduntur verba, fortissimo atque optimo viro, quibus periodus fiat paulo amplior: tametsi hoc non absurde, siquidem fidem virtutemque illius praedicaverat Cicero l. l. W.

Posteaquam) Graev. postea vero quam ex unico MS.

Per eum tribunum plebis) Aelium Ligurem, qui intercessit. MAN. — W. HINS, tum re ipsa, tum acerbitate contumeliae, de Clodio potius intelligendum esse censet, ut alienum scelus sit consulum; Gabinii et Pisonis in quos Cicero aene primariam culpam confert calamitatis suae. TYP.

Ab his consulibus) Pisonis et Gabinio. — Qui vendiderant) Clodio, pactione provinciarum, quae sceleris merces. MAN.

Fatalem) Fatalis, Servio ad Virg. Aen. II, 165, decente vocabulum *tau plosus* i. e. in bona et in mala re usitatum, proprie notat, quidquid certo factorum decreto constitutum est; bonum id sit an malum, ex adiunctis intelligi oportet. Sic Cic. Catil. III, 4 dicit;

tribunos haberet, qui et promulgarent de salute mea,

« *fatalem* hunc esse annum *ad interitum* huius urbis atque imperii ». Et IV, 1 : « Si P. Lentulus suum nomen. — *fatale* *ad perniciem* reipubl. fors putavit; cur ego non læter, meum consulatum *ad salutem* reipubl. prope *fatalem* exstilis? » Contra ponitur *voluntarius* h. e. *quidquid est optionis et potestatis nostrae*. Philipp. VI, 7 : « Fuit aliquis *fatalis* casus, ut ita dicam, quem talimus, quoquo modo ferendus fuit; nunc, si quis erit, erit *voluntarius* ». Et X, 9 : « An, quum illum *necessarium* et *fatalem* paucis eorum non tulerimus, hunc feremus *voluntarium*? » Conf. etiam Orat. pro Lig. §. 17. Præter hanc nativam viam *incipitem*, tritisimo usu in *malam* partem ponitur verbum, uti b. l., verum ita ut nunquam simpliciter sit *perniciosus* seu *exitiosus*, sed admista fati cuiusdam, perniciem, exitium, necem afferentis, significatione. Vt de Hannibale Liv. XXXIX, 51 : « Flaminii adventum (ad Prusiam) velut *fatalem* sibi horruerat ». Conf. Muretum ad Cic. Cat. III, 1 (Opp. T. II, pag. 608). Ita vero neutra potestate vox illa nostro loco usurpari potuit; et adversantur inter se *malueram* et *fatalem*, quoniam nulla voluntas vel optio est in re a diis perque fatorum necessitatem adducta. Hæc si vere a nobis notata sunt, ævioratæ ista a Cicerone, vel quisquis linguam latinam Romæ didicerat, copulari non potuerunt. MARKL. Erudita disputatio de significatione vocis, qua ostenditur, etiam quomodo *fatum* pro exitio, et pro exitioso *fatalis* ponatur, tamen illam necessitatis inevitabilis notionem esse coniunctam. Itaque sic potius debuisse argumentari Hotomanum ait

vir doctissimus: Absurda est illa dictio; ergo proficisci a Cicerone non potuit. Primo potuit aliquid absurdum Marklando vel mihi videri, et tamen esse Tullii; deinde hoc non debet absurdum videri, ut aliquis electionem in *fato*, etiam proprie dicto et necessario, habet. *Fatale* fuit, ut Achilles vel longævus sine gloria esset, vel in summa gloria moreretur iuvenis; ille hoc maluit. *Fatale* fuit Tib. Græcho, ut, prout anguem vel suum vel Corneliam suæ emitteret, ita vel ipse viveret, vel Cornelia: maluit ille superstitem esse Corneliam (Cic. de Divin. I, 18). Sic *fatalis* fuit illa annus ætenuis, ut vel eivis optimus fugeret, vel periret res publica. Cicero, verus etiam, plaudens populo rom. dicere poterat, se sibi *fatalem* esse maluisse quam patriæ. GERV. Acutum habes responsionem: adderem simul veram, si modo alibi tam reconditos sensus hic minime verborum parcas magister sciretetur, aut tantum aliunde esset duplex *fatum*, Ciceroni, quemadmodum olim Achilli et Græcho, divinitus propositum. Nam si talia ad libidinem *figere* liceret, ut facit Gesnerus, vereor, ne sæpius aliquis vel mortuum vel alia *incommode*, quibus remedia adhibere prudens negligit, latine posset *mallo* sibi esse *fatalia*! id est efficere, ut *fatalia* exsuet naturam suam, sicutque *voluntaria*. Quo tamen modo veniunt ex probatis scriptoribus loquutum esse reperimus, a quibus hæc adeo ponuntur diversa, ut et *voluntarias* morti opponatur *fatalis* h. e. naturalis. Neque vero ipse vir doctissimus non male et ridicula dicta hæc putaverit: *Febrim hanc mihi meisque voluisse* e

et ad vos saepenumero referrent. Nam consules modesti, legumque metuentes, impediabantur lege, non ea, quae de me, sed quae de ipsis lata erat, quum meus inimicus promulgavit, ut, si revixissent ii, qui haec paene delerunt, tum ego redirem: quo facto utrumque confessus est, et se illorum vitam desiderare, et magno in periculo rempublicam futuram, si aut hostes atque interfectores reipublicae revixissent, aut ego non revertissem. Itaque illo ipso tamen anno, quum ego cessissem; princeps autem civitatis; non legum praesidio, sed parietum, vitam suam tueretur; respublica sine consulibus esset, neque solum parentibus perpetuis, verum etiam tutoribus annuis

fatalem, quapropter medicum adhibui; vel si dux exercitus dixerit, nolle se quoddam praesidium aut proelium sibi fatale esse; etsi haud male dicimus futurum quaerere in proelio. Possent plura in hanc sententiam disputari, ex ipsius etiam Cicerois philosophia de Fato c. 13, sed sufficient haec, ut intelligatur, melius sibi cauturam fuisse hunc Scriptorem, si sapra scribere maluisset quem habuit ille fatalis annus, hoc autem loco maluerum esse pestiferum. Wut.

Consules modesti) Εἰρωνικῶς. Hoc enim legis nomine cupiditatem suam tegebant. Hor.

Impediabantur lege) Quam Clodius tolerat, ne quis ad senatum de revocando Ciceroe referret, neve sententiam diceret, ut paulo infra. Id. — *Non ea, quae de me*) Nam illa lex nihil me facere vetabat, sed consules ipsos, et eos qui ius ad senatum referendi habebant. Id.

Magno in periculo) Festive cum sarcasmo legis sententiam immutat:

quasi Clodius significasset, si Catilinae revixissent, illico revocandum Ciceroem, ut illorum conatibus iterum obsisteret. Hor.

Interfectores reipublicae) *Interficere rempublicam seu intersector reipubl.* videtur mihi translatio esse nihilo mollior, quam illa vituperata a Cic. de Orat. III, 41: *Africani morte castrata erat respublica, et, M. Catone mortuo, senatus reliquus erat pygmaeus*. Tutum scilicet sententiam, quum salebras eius superaveris, et subtiliter excogitatum reperias, et expressam tenebrosam, atque omnino talem, qualem in scripto illius aetatis, praesertim tanti nominis, nunquam me reperisse meminerim. Wolz.

Ego non revertissem) Totus hic locus male a rhetore tornatus.

Princeps) Ca. Pompeius.

Parentibus perpetuis, verum etiam tutoribus annuis) Male iudicatur antithato, *perpetuis et annuis*, perinde copulatis, quasi *tutores* aliquid minus essent *parentibus*. Vtrumque tamen ad solos Coss. referri poterit (na cui

esset orbatâ; sententias dicere prohiberemini; caput meae proscriptiônis recitaretur: nunquam dubitastis meam salutem cum communi salute coniungere.

- 5 III. Postea vero quam singulari et praestantissima virtute P. Lentuli consulis, ex superioris anni caligine et tenebris lucem in republica Kal. Ian. dispicere coepistis; quum Q. Metelli, nobilissimi hominis atque optimi viri summa dignitas, quum praetorum, tribunorum plebis paene omnium virtus et fides, rei publicae subvenisset; quum virtute, gloria, rebus gestis Cn. Pompeius, omnium gentium, omnium saeculorum, omnis memoriae facile princeps, tuto se in senatum venire arbitraretur: tantus vester consensus de salute mea fuit, ut corpus abesset meum, dignitas iam in patriam revertisset. Quo quidem mense,
- 6 quid inter me et meos inimicos interesset, existimare potuistis. Ego meam salutem deserui, ne propter me civium vulneribus respublica cruentaretur: illi meum reditum non populi romani suffragiis, sed flumine sanguinis intercludendum putaverunt. Itaque postea nihil vos civibus, nihil sociis, nihil regibus respondi-

perpetui parentes de reliquis Senatoribus dicti videantur, oppositis annis consulibus et ceteris magistratibus) vel potius tutores tantum ad consules, parentes ad Pompeium et ipsum Ciceronem; quae opinio Ferratii erat. Neque satis commode statim hic et §. 8 iunguntur membra, sententias dicere prohiberemini, et caput meae proscriptiônis recitaretur; quippe hac ipse recitatione prohibitio continebatur: quare melius scriptum fuisset, capite proscriptiônis meae recitando. Denique post tot egregia verba, quid illo ipso tamen anno, quum hoc fieret, quum illud fieret, quum recita-

retor praeclarum caput legis de exilio Ciceronis, quid tandem egerunt Senatores?—Nunquam dubitarunt eius salutem cum communi salute coniungere. B. Illa sententia, verhis expressa Ciceronianis, sed quibus opus fuisset pluribus et luculentioribus atque alacris rei factae mentione, ut extrema responderent primis, et exitum tanto hiatus dignum inveniret periodus. VV.

Itaque postea — videbatur) Pro Sex. c. 31 extr. Omnia senatus reiciebat, nisi de me primum consules retulissent. Sed ne putes, scitificum nostrum tibi iam iussisse sine capistro: prope gravius loquitur ipse in Pis.

stis: nihil iudices sententiis, nihil populus suffragiis, nihil hic ordo auctoritate declaravit: mutum forum, elinguem curiam, tacitam et fractam civitatem videbatis. Quo quidem tempore, quum is excessisset, qui caedi et flammae, vobis auctoribus, restiterat, cum ferro et facibus homines tota urbe volitantes, magistratum tecta impugnata, deorum templa inflammata, summi viri et clarissimi consulis fasces fractos, fortissimi atque optimi viri, tribuni plebis, sanctissimum corpus non tactum ac violatum manu, sed vulneratum ferro confectumque vidistis. Qua strage nonnulli permoti magistratus, partim metu mortis, partim desperatione reipublicae, paullum a mea causa recesserunt. Reliqui fuerunt, quos neque terror, neque vis, nec spes, nec metus, nec promissa, nec minae, nec tela, nec faces a vestra auctoritate, a populi romani dignitate, a mea salute depellerent.

c. 14: *Civitas taciturnitatem annuam, silentium perpetuum iudiciorum et fori.* Nec vero ille de senatu erat scripturus *amoris auctoritate declaravit*, ubi *decernere* et alia verba proprium locum habebant.

Quum is excessisset) Cicero.

Clarissimi consulis) Recte Wolfius monuit, Rhetorem intellexisse *P. Lentulum*, sed in personam errasse. Nam id Gabinio eos, acciderat nuno superiore; Q. Metelli fasces putabat Manutius, L. Lentuli Hortensius; neutri assensus est Marklandus.

Tribuni plebis) P. Sextii.

Qua strage — reliqui fuerunt) Qui fuerint hi limidiore, nemo nos docuit, aut docebit in posterum. Manutius quidem coniecit, sed ille significari et quæstiones. Al primum ii nec ferendarum legum nec

vocandi senatus potestatem habuerunt; deinde, si quis præter tribunos et prælores pro viro pugnaverat, iulibus non minus quam magistratibus illis in reliqua Oratione gratia debebatur. Nam quod metu mortis a causa recesserant, id ferendum erat humaniter; quod paulum dumtaxat recesserant, eo plus illi laudis apud gratum hominem meruerant; ut acule vidit Ferratius, qui tandem acquiescit in uno Fabricio, de quo v. Sext. c. 35 et hic c. 8 extr. Haec tamen ratio non placebit omnibus, qui considerant, quid sit *recedere a causa*; pulchrumque fortasse satis visum Auctori, si rem per se credibilem poneret ei naturae humanae non repugnante. In reliquis, etsi magnifice sonent, displicet nobis, tanquam in-compositum constructione, *reliqui fuerunt*.

IV. Princeps P. Lentulus, parens ac deus nostrae vitae, fortunae, memoriae, nominis, hoc specimen virtutis, hoc indicium animi, hoc lumen consulatus sui fore putavit, si me mihi, si meis, si vobis, si reipublicae reddidisset: qui, ut est designatus, nunquam dubitavit sententiam de salute mea, se et republica dignam, dicere. Quum a tribuno plebis vetaretur, quum praeclarum caput recitaretur, NE QVIS AD VOS REFERRET, NE QVIS DECERNERET, NE DISPUTARET, NE LOQUERETUR, NE PEDIBUS IRET, NE SCRIBENDO ADESSET: totam illam, ut ante dixi, proscriptionem, non legem putavit, qua civis optime de republica meritis, nominatim, sine iudicio, una cum senatu reipublicae esset ereptus. Vt vero iniiit magistratum, non dicam, quid egit prius, sed quid omnino egit aliud, nisi, ut, me conservato, vestram in posterum dignitatem au-

Ns pedibus iret) Ridet hanc locutionem Marklandus. Debebat esse *ne quis in sententiam cuiusquam pedibus iret*.

NE QVIS — — ADESSET) Univer-
sum hoc caput differtum mihi videtur
pluribus rebus, quam quae legi po-
tuerant in ea tabula, cuius carmen
servavit Cic. ad Att. III, 15 s. f.
«*Scriptisti ad me, quoddam caput
legis Clodium in curiae poste fixisse,
Ne referri, neve dici liceret*». MARKL.
Facile accedo Marklandi sententiae,
in his cumulatulis locutionibus eius-
dem potestatis declamatorium stre-
pitum inesse. Nec proprium et roga-
tioni aptum verbum est *disputare*;
si quis forte hoc de altercatione aut
iusta oratione, alterum, perquam
ignavum, *loqueretur*, de paucis verbis
accipi posse putet, ut commento in-
vel scriptoris imperitiam. Neque hoc
talibus locis refellitur, qualis hic est
pro Sext. §. 73: «*Disputavit etiam*

multa prudenter». Mitto illud *ne quis
decerneret*, quod ne ipsum quidem
antiquae notae videtur. Quomodo
autem quis vocabulum *dici*, sic ab-
solute positum, cavillari possit, et
speciose possit, non assequor. Nota
sunt tria senatoris: et adit, ut loco
dicat, ut modo ap. Cic. de Legg. III,
18, ac notissimum, *Dio M. Tullii*, W.

Pro eum sentu) Pro Sext. §. 34:
«*Nullus erat senatus, nihil reliqui
magistratus*». Ita hic infra §. 18 «*Se-
natus oppresso*» scil. sublata libertate
dicendi et decernendi. *Nominatim*
pertinet ad posteriorem Clodii legem,
qua Ciceroni post discessum aqua et
igni interdictum erat. In priore lega,
quae timidum consularem ad indi-
gnas sordes et aqualorem deduxit,
non erat nominatus. WOLF.

Prius) *Quid egit prius* MSS.
nonnulli, idque tacite edidit Grev.
(probavitque Wolfius).

cloritatēque sanciret? Dii immortales, quantum mihi beneficium dedisse videmini, quod hoc anno P. Lentulus consul est? quanto magis dedissetis, si superiore anno fuisset? nec enim eguissem medicina consulari, nisi consulari vulnere concidissem. Audieram ex sapientissimo homine, atque optimo civi et viro, Q. Catulo, non saepe unum consulem improbum, duos vero nunquam [post Romam conditam]¹, excepto illo Cinnano tempore, fuisse. Quare meam causam semper fore firmissimam, dicere solebat, dum vel unus in republica consul esset. Quod vere dixerat, si illud de duobus consulibus, quod ante in republica non fuerat, perenne ac proprium manere potuisset. Quod si Q. Metellus illo tempore consul fuisset¹⁹ unicus, dubitatis, quo animo fuerit in me conservando futurus, quum in restituendo auctorem fuisse adscriptoremque videatis? Sed fuerunt duo consules, quorum mentes angustae, humiles, pravae, oppletae tenebris ac sordibus, nomen ipsum consulatus, splendorem illius honoris, magnitudinem tanti imperii nec intueri, nec sustinere, nec capere potuerunt: non consules, sed mercatores provinciarum ac venditores vestrae dignitatis. Quorum alter a me Catilinam, amatorem suum, multis audientibus, alter Cethegum, consobrinum, reposcebat: qui me duo sceleratissimi post hominum memoriam, non consules, sed latrones,

Dii immortales — fuisset) Haec etsi nolis exclamandi stipula, longeant mirum in modum, et ita sunt vulgareiter expressa, ut nihil infra possit. Wotr. Idem sentit Schützian. In verbis atque nec enim — concidissem frigidum acumen captasse declamatorum Beckius vidit. T.

(1) Vocis inclusa absunt plerisque MSS. ac Wolfius eiecit. Tyr.

Intueri) *Tueri* ex cod. Turnebi, Lull. aliis praecedunt Lallum. dedit Beckius.

Amatorem suum) Virum Gabiniū Catilinam paulo post appellat, et in oratione pro domo: *Gabinium Catilinae delicias*. MAN.

non modo deseruerant, in causa praesertim publica et consulari, sed prodiderunt, oppugnarunt, omni auxilio, non solum suo, sed etiam vestro, ceterorumque ordinum, spoliatum esse voluerunt: quorum alter tamen neque me, neque quemquam fefellit.

- “ V. Quis enim ullam ullius boni spem haberet in eo, cuius primum tempus aetatis palam fuisset ad omnes libidines divulgatum? qui ne a sanctissima quidem parte corporis potuisset hominum impuram intemperantiam propulsare? qui quum suam rem non minus strenue, quam postea publicam confecisset, egestatem et luxuriam domestico lenocinio sustentavit? qui nisi in aram tribunatus confugisset, neque vim praetoris, nec multitudinem creditorum, nec bonorum proscriptionem effugere potuisset. Quo in magistratu nisi rogationem de piratico bello tulisset, profecto egestate et improbitate coactus piraticam ipse fecisset; ac minore quidem cum reipublicae detrimento, quam quod intra moenia nefarius hostis praedoque versatus est: quo inspectante ac sedente, legem tribunus plebis

Quorum alter) Gabinius.

Ullius boni spem) *Spem boni* latine dici negat Ernest. ad Tac. Ann. II, 15; cui assentitur Wolf. Tyr.

Ad omnes libidines) Gruter. c. Pal. 9, Erf. dedit omnium.

Sanctissima parte corporis) Notatur infamia oris, de qua et Lactantius, nostri fortasse loci memor, scribit V, 9, 17: « Qui sanctissimum quoque corporis sui partem contra fas omne polluant et profanant » ubi vide Bonemannum. In seqq. Auctor turpiter ineptit, quum vim dicit Praetoris de iudicio, frigideque ludit verbis confugisset et *effugere*. Conf. Sext. §. 18. Wolf.

Rogationem de piratico bello tulisset)

set) Dicitur Gabinius pecuniam corruptus tulissae, ut Pompeio piraticum bellum mandaretur. FIAS.

Quo inspectante ac sedente) I. e. quiescente, tacente: conf. in Pis. §. 9. Ad Att. III, 15 a. fin. Sed quid est, quam ob rem repente de actione consulatus Gabiniani loquatur importunus loquutor, quum modo ea persequi iustitueret, quae spem ostendissent consulatus? In mentem ei venerat locus Sext. c. 15, quem praepostere assuit, uno alteroque vocabulo, ut par erat, cultiorem: *Isdem consilibus sedentibus atque inspectantibus lata lex est, ne auspicia valerent, ne quis obnuntiaret, ne quis legi intercederet, ut lex Aelia et Fufia ne va-*

tulit: ne auspiciis obtemperaretur; ne obnunciare concilio aut comitiis; ne legi intercedere liceret; ut lex Aelia et Fufia ne valerent: quae nostri maiores certissima subsidia reipublicae contra tribunicios fu-
 12 rores esse voluerunt. Idemque postea, quum innume-
 rabilis multitudo bonorum de Capitolio supplex ad eum sordidata venisset, quumque adolescentes nobilissimi, cunctique equites romani se ad lenonis impurissimi pedes abiecissent: quo vultu cincinnatus ganeo non solum civium lacrymas, verum etiam patriae preces repudiavit? Neque eo contentus fuit, sed etiam in concionem adscendit, eaque dixit, quae, si eius vir Catilina revixisset, dicere non esset ausus: se Nonarum Decembr. quae me consule fuissent, clivique Capitolini poenas ab equitibus romanis esse repetiturum. Neque solum id dixit, sed quos ei commodum

leret; qua una rogatione, quis est, qui non intelligat, universam rempubl. esse deletam? Nempe leges illae saepe numero tribunicios favores debilitarunt et represserunt, ut est in Vatin. §. 18. WOLZ.

Ad lenonis impurissimi) Perpetuum alii eund. partim impudicissimi, partim impudentissimi. Vide Sext. §. 26, unde haec uberius verborum fluxit, non sine auctario quodam, quo populus fietet ostio. Sic, qui modo erat leno, statim mutatur in cincinnatus ganeonem, quo nomine Gabinus nusquam appellatur a Cicerone. Sic, quod hic dicit amplissimi ordinis preces et clarissimorum civium lacrymas, iste, re in speciem aneto, effert non solum civium lacrymas, verum etiam patriae preces. Quo loco memorabile est, nepotem occidisse huic scriptori, ut, ubi particulas istas poneret, non solum, verum etiam, in

alio membro aut minus quiddam adieceret, aut omnino nihil, quum aliud magnum adiecissee videri vellet. Conf. supra §. 4 et pro Domo §. 6. Item nobis verba dat, quum ait non fuisse ausum eadem dicere Catilinam, quae dixisset Gabinus. Nam quid dixit hic Gabinus? Minus iecit. Profecto parum novit Catiliosm suum. Nonne tales minus audacissimus homo isclero ausurus erat, si sui similis manserat apud inferos? Igitur ne verbum quidem omittendum aut modulandum fuerat ex loco, quem prae oculis habuit, Sext. §. 28. Haec certa et facillima via est ad eloquentiam Ciceroniam. WOLZ.

Nonarum Decembris) Quo die sumptum est supplicium de coniuralis, quum iussu Ciceronis equites romani clivum Capitolium occupassent. Philip. 2. FERR.

fuit, compellavit: L. vero Lamiam, equitem romanum, praestanti dignitate hominem, et saluti meae pro familiaritate, reipublicae pro fortunis suis, amicissimum, consul imperiosus exire urbe iussit; et quum vos vestem mutandam censuissetis, cunctique mutassetis, atque idem omnes boni iam ante fecissent; ille unguentis oblitus, cum toga praetexta, quam omnes praetores aedilesque tum abiecerant, irrisit squalorem vestrum, et luctum gratissimae civitatis: fecitque, quod nemo unquam tyrannus, ut, quo minus occulte vestrum malum gerneretis, nihil diceret, ne aperte incommoda patriae lugeretis, ediceret.

Quum vos vestem — abiecerant) Nihil intrerat, ultima haec inutilia addi, postquam eodem spiritu dictum erat, *senatores cunctos vestem mutavisse*. Nam si fecerant *cuncti*, quid opus est narrare, eandem rem et Praetores et Aediles fecisse: nisi forte aliqua Romae fuit praetor aut aedilis, qui idem senator non esset. Nonne ex eo, quod Auctor mentionem horum magistratuum seorsum fecit, dubitandi causa erit, an is satis norit instituta romana, scieritque omnes praetores et aediles fuisse eosdem senatores? Certe, si hoc nescisset, non potuisset scribere peius. MARX. Debebat sibi tam insignis vir ipse respondere, aliud esse, *vestem mutant cuncti senatores* h. e. sordidam vestem sumunt pro candida; aliud esse, *praetextam* (vestem magistratuum propriam) *abieciunt*, qui ius illius habent. GESS. Paulo asperius repetere potuisset censura. Nam de hac mutatione vestis iam ibi ingressus est dicere, ubi *innumerabilis multitudo bonorum sordidata venit*; deinceps hoc illuc titubans, incidit in eandem rem: *quum vos vestem*

mutandam censuissetis; non est satis; addendum erat *cunctique mutassetis*: immo ne hoc quidem erat satis. Igitur nunc praetexta vestem non mutantia Gabinii trahit hanc causam, cuius tam argutum interpretamentum expromit Gesnerus. Conf. ad §. 35 de Plancio. Marklaudi tamen suspicionem de ignorantia scriptoris ex h. l. non duxerim. Homines huius professionis interdum non tam sunt ignariterum, quam videntur esse, quum periodos suas detornant, in verbis unice occupati. WOLF.

Pt, quo minus — ediceret) Digna hoc scriptore sententia, cuius partem sumpsit e Sextiana c. 14, partim ex Pison. c. 8. De suo iuicet antitheta occulte et aperte, cum ludibunda gravitate sonorum, nihil diceret et ediceret. MARX. Adde, quod amor argutiarum seutum perquam implicitum reddidit, quem nescio an nullus editorum assequutus sit. Saltem obscuriora videntur atque aliena, quae adscripsit Maurentius: « Ut pro republica et pro salute mea nihil diceret. Sic enim effecisset, ne vestrum malum occulte gerneretis: quod efficere

VI. Quum vero in circo Flaminio, non a tribuno ¹³ plebis consul in concionem, sed a latrone archipirata, productus esset: primum processit, qua auctoritate vir? vini, somni, stupri plenus, madenti coma, composito capillo, gravibus oculis, fluentibus buccis, pressa voce et temulenta: quod in cives indemnatos esset animadversum, id sibi dixit gravis auctor vehementissime displicere. Vbi nobis haec auctoritas tamdiu tanta latuit? cur in lustris et helluationibus huius calamistrati saltatoris tam eximia virtus tamdiu cessavit? Nam ille alter Caesoninus Calventius, ab adolescentia versatus est in foro, quum eum, praeter simulatam versutamque tristitiam, nulla res commendaret: non iuris studium, non dicendi, non rei militaris, non cognoscendorum hominum, non liberalitas. Quem praeteriens, quum incultum, horridum, moestumque vidisses, etiamsi agrestem et inhumanum existimares, tamen libidinosum et perditum non putares. Cum hoc homine, an cum stipite Aethiope si ¹⁴ in foro constitisses, nihil crederes interesse: sine sensu, sine sapore, elinguem, tardum, inhumanum,

non potuit, quumquam edixerit, ne palam, veste mulsta, incommoda patriae lugeretur. Nec solvit nodum Graevius; at secut Heumannus in singuluri editione harum Oratt. post Reditum, ubi Rhetori laboranti succurrit hac forticula coniectura: *P*l, qui omnes occulte vestrum malum gemeretis, ne aperte incommoda patriae lugeretur, ediceret. Adeo nemo videre potuit, verbum nihil diceret apud hunc scriptorem valere non prohiberet, in-docte concinnitatis causa. Tyrannum denique cepit e Sext. c. 14 vel Pison. c. 8. W.

Aethiope) Recte dixisset cum stipite; sed cur *Aethiope*? nihil ineptius.

Sed nannus lectio fluctuat. In Lambini codd. sberat *stipite* in cod. Pith. amissum *Aethiope*, ut alia praeteream, quae congestit Bekins.

Elinguem — diceret) Sic Wolfius, Schützius Ernestium sequutus dedit *elingue*, ut iam hinc omnia ad negotium relata sint. Quod, inquit Wolfius, valde vereor ut melius sit vel antiqua manus. Reliqua sunt ex Pison. l. l. ubi ille dicitur *Syrus* nescio quis, de grege novitorum: unde pro novitiis hic dicit venales, pro Syro autem Cappadocem. Adiecit simul *Aethiopem*: propter colorem pila, quo patriam adspersabatur. Et facile confunduntur nationes, ut proba et cou-

neglectum negotium. Cappadoceum modo abreptum de grege venalium diceret. Idem domi quam libidinosus? quam impurus? quam intemperans, non ianua receptis, sed pseudothyro intromissis voluptatibus? Quum vero etiam literis studere incipit, et helluo immanis cum Graeculis philosophari, tum est Epicureus, non penitus illi disciplinae, quaecumque est, deditus, sed captus uno verbo voluptatis. Habet autem magistros non ex istis ineptis, qui dies totos de officio ac de virtute disserunt, qui ad laborem, ad industriam, ad pericula pro patria subeunda adhortantur; sed eos, qui disputent, horam nullam vacuum voluptate esse debere; in omni parte corporis semper oportere aliquod gaudium delectationemque versari. ¹⁵ Illis nititur quasi praefectis libidinum suarum; hi voluptates omnes vestigant atque odorantur; hi sunt conditores instructoresque convivii; iidem expendunt atque aestimant voluptates, sententiamque dicunt, et iudicant, quantum cuique libidini tribuendam esse videatur. Horum ille artibus eruditus, ita contempsit hanc *pudentissimam* civitatem, ut omnes suas libidines, omnia flagitia latere posse arbitraretur, si modo vultum importunum in forum detulisset.

vicia cumulentur. *Stipitem* quoque habes in Pis. c. 9. T.

Pseudothyro) Clam scilicet, et per posticam ostium. FRAX.

Studere incipit) In his quae proxime sequuntur respexit homo noster oral. in Pisouem c. 28, sed quae ibi apte et presse dicuntur, hic putide dilatavit et verborum copia oneravit potius quam ornavit.

Habet autem magistros) Mirum sit, si is, qui Epicureum agit, alia nitatur magistris quam Epicureis. *Ineptos* enim (i. e. scholasticos, paedagogos,

ut hodie loquuntur) appellat ex Pisouio et vulgi (cf. Senec. ep. 76 pr.) personam, non Epicureos meliores, sed philosophos omnis severioris sectae, maxime Stoicos, illos qui dicebant dignitati esse servendum, respubl. consulendum etc. pro Sext. §. 23. WILK.

Prudentissimam) Sic quatuor codd. OXX. Atque sic scripsisse arbitror auctorem. Volebat enim significare, civitatem a Pisone, quae esset prudentissima, adeo stultam ei vixam, ut propter vultum eius libidines et flagitia haud intelligeret. Vulgo pu-

VII. Is me, quamquam me quidem non (cognoram enim, propter Pisonum affinitatem, quam longe hunc ab hoc genere cognatio materna Transalpini sanguinis abstulisset), sed vos, populumque romanum, non consilio, neque eloquentia, quod in multis saepe accidit, sed rugis supercilioque decepit. L. Piso, ¹⁶ tunc usus es isto oculo, non dicam isto animo, ista

dentissimam, quod adeo est ridiculum, ut ne in hunc declamatorem quidem cadere videatur. — Vulgata sequutus est Wolfius, et haec subiicit: «Hoc audiens Scaetus haud magis risum tenuisset, opinor, quam intelligens quisque nunc Loudini teneret aut Parisiis, si quis in publica oratione has urbes *pudentissimas* diceret. Singuli quidem homines saepe *pudentes* praedicantur vel *pudentissimi*; quidni et civitas? Nempe ob hoc ipsum, quia singulis laudi tribui debet id habere, quod rarum est in publico. Notum, quid Romae tam fuerit *frons urbana*, quid *pudor rusticus*: at Orator noster de moribus Urbis ex oppido natali suo existimasse videtur, vel antiquitates sequutus esse nimium praeas. Non dissimulanda tamen est lectio quatuor Oxonn., etsi parum verisimilis, *prudentissimam*, quae dicta omnia conciderent.» T.

Is me, quamquam — abstulisset) ludignum est, in his nugis constituendis doctos viros operam consumere. Non modo nihil ex diversis scriptoris certi extrahitur, sed ne quod placeat quidem, vel rei ac sententiae aptum sit, hoc est, aliquid melius quam fortasse Auctor scripsit. Quapropter ego quoque servavi rationem Gruteri, ex qua primo vult videri minus cognitum habuisse Pisonem, postquam de Gabiis c. 4 extr. dixerat, hunc sibi et aliis civibus ab

initio notum fuisse. Tenetsi contrarium significat Cic. in Pison. cap. 1: «Pauci ista tua intulenta vitia novimus etc.»; cf. Sext. §. 22. Quam ob causam mox revocat se, *quamquam me quidem non*, verum ineleganti verborum collocatione, Wolf. — (Non) Oblitus erat rhetor noster Ciceronem ipsum Orat. pro Sextio c. 9, confiteri, se non putasse tantum in hoc homini sceleris et audaciae.

Tunc ausus es isto oculo etc.) Satis est talis legisse hominem libero iudicio et animo Ciceronianis literis instructo, ut intelligat, hanc eloquentiam pueriliter ludentis ingenii esse, non Ciceronis. Putidior sit sententia eo, quod *oculus*, *frons*, *supercilium* h. l. proprie capienda sunt, uti dicta videntur pro Sext. c. 8, unde illa hoc translata sunt: «Tanta erat gravitas in oculo, tanta contractio frontis, ut illo *supercilio* respública, tamquam Atlante coelum, viti videretur». Item in Pis. c. 6: «Respondes, altero ad frontem sublato, altero ad mentum depresso *supercilio* etc.» In eiusd. Orat. principio: «*Oculi*, *supercilia*, *frons*, vultus denique totus—in fraudem homines impulit». C. 9: «Neque *supercilium* tuum, neque collegae tui cymbala fagi». Videtur huic L. Pisoni alter oculus vitiosus fuisse, quod et Manut. h. l. suspicabatur, et in Pis. c. 4: «Clodium, non modo facie, sed etiam oculo tuo, dignissimum»,

fronte, non vita, tanto supercilio (non dicere, tantis rebus gestis), cum A. (ciare consilia pestis meae? Non te illum odor, non vini anhelitus, non finotata vestigiis, in eam cogitationem atquum illius re similis fuisses, frontis tñ ad occultanda tanta flagitia diutius ut Cum hoc tu coire ausus es, ut consuetem, ut reipublicae statum, ut senatus ut civis optime meriti fortunas provinc addiceres? Te consule, tuis edictis et i tui populoque romano non est licitum sententiis atque auctoritate sua, sed ne

Nam deformitas et corporis vitia antiquis Oratoribus saepe materiam praebebat ad irridendum, ut notum est vel ex Cic. de Orat. II, 59. MARCEL. Frigida videri ista possunt ei, qui, quam personam sibi Piso imposuerit, qualem Gabinium describat Cicero, quam hic iocosus in ipso stomacho et indignatione esse solent, quam hodie Pisonis oculo, fronti, supercilio aliis insultet, ooo ego ovit: ceteris oñibz videntur abhorreere neque ab ingenio Tullii magoo et arguto, neque a reliqua viri consuetudine, oñcumque illa de cetero aestimeatur accipianturve. Mirari subit, quid hic reprehendat Vir doctus, qui horam, quantum ad Pisonis irrisuonem pertinet, simillius ipse a Ciceronis iudubiis protulerit. Nec difficile foret, si operae pretium esset, notissima talia Ciceronis magoo oomero coogerere, quae aut similiter damanda sint, aut praesidio esse etiam his reprehensis debent. CXX. Ad talia reperiri possunt apud Ciceronem, vehementer dubito; talia, inquam, tam absurda: tanto supercilio, non enim possum di-

cere, tantis gestis rum copia optim abundat. Sic et dicere, tunc a loco. Hic aptius addit te, nonne est. Gasnerum è tunc satis Cicero desideramus vis convenientibus r Sed illius viri auctas in aliis in re praedicanda, tñonibus, atque iocis verior si fuisset iterum scripta pot offendere debet oue Orator subi loquitur, quande Macedonis. Nunc Ciceroniam? Ha Oratio in Pisona videlicet Oratio centi memoria l diode frontis ir tus est §. 12. V Sententiis atque auctoritas pertinet

ac vestitu reipublicae subvenire. Capuaene te puta-¹⁷
bas, in qua urbe domicilium quondam superbiae
fuit, consulem esse, sicut eras eo tempore; an Romae,
in qua civitate omnes ante vos consules senatui pa-
ruerunt? Tu es ausus, in circo Flaminio productus
cum tuo illo pari, dicere, te semper misericordem
fuisse? quo verbo senatum atque omnes bonos tum,
quum a patria pestem depellerent, crudeles demon-
strabas fuisse. Tu misericors me, affinem tuum, quem
comitiis tuis, praerogativae primum custodem prae-
feceras, quem Kalendis Ian. tertio loco sententiam ro-
garas, constrictum inimicis reipublicae tradidisti; tu
meum generum, propinquum tuum; tu affinem tuam,
filiam meam, superbissimis et crudelissimis verbis a
genibus tuis repulisti: idemque tu, clementia ac mi-
sericordia singulari, quum ego una cum republica
non tribunicio, sed consulari ictu concidissem, tanto
scelere tantaque intemperantia fuisti, ut ne unam
quidem horam interesse paterere inter meam pestem
et tuam praedam, saltem dum conticesceret illa la-
mentatio et gemitus urbis. Nondum palam factum¹⁸
erat occidis rempublicam, quum tibi arbitria fune-

tur nihil ait, quod respondeat populo,
sententia usum Scriptorem puta pro
suffragiis. Tametsi in his omnibus
sonum verborum magis quam rerum
veritatem sequutus videtur. In luctu
innox ac vestitu inuictum displicuit
Graevio, recte et sano iudicio. Eius
correctionem, e duobus MSS. peti-
tam, ne vultu quidem, bene refuta-
vunt viri docti, non iudicium illud.
WOLZ.

Sicut erat eo tempore) Nempe dum
vir erat Capuae, unde eum Cicero in
Pisonem c. 11 irridens Campanum
consulem vocat. Sed huius cavilla-

tionis vim misere debilitavit imitator.

Comitiis) Quibus consulatum Piso
petiit: MAN.

Praefecerat) Vt primus custos es-
sem in praerogativa centuria, ne qua
fraus committeretur. Iudicium enim
praerogativae tota comitia sequeban-
tur. ID.

Ne unam quidem horam) Clodius
enim, quum rogationem de Cicrone
tulisset, statim de provinciis tulit, ut
Macedoniam Piso, Syriam Gabinius
administeret. ID.

Arbitria) Arbitria dicebatur pecu-
nia vectigalis, quae a sociis pendeba-

ris solvebantur. Vno eodemque tempore diripiebatur, ardebat, bona ad vicinū Palatio, de Tusculano ad item vicinū sulem deferebantur; quum, iisdem operantibus, eodem gladiatore latore, vana a bonis, sed etiam a liberis, atque in populo romano quid ageretur, senatus et afflicto, duobus impiis nefariisque aerarium, provinciae, legiones, imperium. Horum consulum ruinas vos consules fulsistis, summa tribunorum plebis fide et diligentia sublevati.

VIII. Quid ego de praestantissimo vdicam? aut quis de tali cive satis digrequetur? qui quum videret, sceleral domesticum potius hostem, si legibus iudicio esse frangendum; sin ipsa iudici ac tolleret, audaciam virtute, furorertemeritatem consilio, manum manu, vperandam: primo de vi postulavit; i eodem iudicia sublata esse vidit, ne ille cfficere, curavit; qui docuit, neque tecta, neque forum, neque curiam, sine summaximis opibus et copiis ab intestino la defendi; qui primus, post meum discobonis, spem audacibus, timorem huic otem depulit civitati. Quam rationem animo, fide, P. Sextius sequutus, pr

lur reipublicas, pro iure monopolii, ut docuit Gronovius ad Liv. XI, 9. GRAEV. Arbitria in funeribus diti solita pro mercede libitinariorum, vespillonum, pollinctorum, eorum denique omnium, qui mercede funera iuvabant. Hor.

Arbitria funes
monuit Volfius l
expressum esse
nem c. 9 extr.

De vi postula
Sext. c. 39.

pro vestra auctoritate, pro statu civitatis, nullas sibi inimicitias, nullam vim, nullos impetus, nullum vitae discrimen vitandum unquam putavit: qui causam senatus, exagitatam concionibus improborum, sua diligentia multitudini commendavit, ut nihil tam populare, quam vestrum nomen, nihil tam omnibus carum aliquando, quam vestra auctoritas videretur; qui me quum omnibus rebus, quibus tribunus plebis potuit, defendit, tum reliquis officiis, iusta ac si meus frater esset, sustentavit; cuius ego clientibus, libertis, familia, copiis, literis ita sum sustentatus, ut meae calamitatis non adiutor solum, verum etiam socius videretur. Iam ceterorum officia studiaque vidistis: 21 quam cupidus mei C. Cestilius, quam studiosus vestri, quam non varius fuerit in causa. Quid M. Cispium? cui ego ipsi, parenti fratrique eius, sentio quantum debeam: qui quum a me voluntas eorum in privato iudicio esset offensa, publici mei beneficii memoria privatam offensionem oblitteraverunt. Iam T. Fadius, qui mihi quaestor fuit, M. Curius, cuius ego patri quaestor fui, studio, amore, animo, huic necessitudini non defuerunt. Multa de me C. Messius, et ami-

Iuxta ac si) Ita iunctas has particulas recte negat Wolfius usus Ciceroniani esse.

Quum a me voluntas eorum) Simulantes fuisse inter M. Cispium et Ciceronem aote huius exitium, docet Orat. pro Planc. §. 76. Poluerunt eae similitudines etiam ad patrem et fratrem Cispium pertinere, si patrem adhuc vivum, si fratrem omnino habuit: potuit eni inimicitia orta esse ex iudicio aliquo, sive publico sive privato: non enim ausim hoc repetere ex confusa memoria eorum, quae l. l. de iudicio

Cispiano post Ciceronis reditum facto narratur: at qui coovenire huic loco potuit patris et fratris mentio, tantum quibus et ipsis aliquid debeatur in hoc tempore? Au tres Cispium simul coneti sunt quibusdam magistratibus? Et quibus? quum praetores et tribuni omnes hic non solum affuerant. Nescimus: sed hoc scimus, Ciceronianam esse talem commemorationem patris fratrisque. Vide Sext. §. 29, 131, alibi. Wolf.

Cuius ego patris) Sex. Peducaco qui Curium adoptasse videtur.

citiae et reipublicae causa, dixit; leg
 22 initio de salute mea promulgavit. Q.
 quae de me agere conatus est, ea contra
 perficere potuisset, mense Ianuario n
 recuperassemus: quem ad salutem n
 impulit, vis retardavit, auctoritas ve
 Iam vero praetores quo animo in me fu
 stimare potuistis, quum L. Caecilius p
 omnibus copiis studuerit sustentare; p
 garit de mea salute cum collegis paen
 reptoribus autem meorum bonorum i
 potestatem non fecerit. M. autem Calid
 signatus, sententia sua, quam esset cars
 23 declaravit. Omnia officia C. Septimii,
 Crassi, Sex. Quintilii, C. Cornuti, su
 et in rempublicam constiterunt.

IX. Quae quum libenter commem

Separatim — promulgavit) Expli-
 catur, *separatim a collegis*. Bene;
 opponitur posthac Caecilius, *promul-*
gans cum collegis paene omnibus. De
 re nihil nobis innotuit, nec quid reli-
 quos tribunos a Ciceronis causa alie-
 navit: ut hoc prope dictum putes, ne
 nihil dictum et variatum esse videretur.
 Ceterum quae in pluribus MSS.
 reperitur lectio *speciatim*, horborum
 vocem perhorruerunt iamd a Victorio
 doctissimi editores. His nondum au-
 ditum erat edictum Schelleri *Observ.*
in priscos scripti. quosdam pag. 104:
 « Si h. l. recipitur, est Ciceronianum:
 sin minus, non est Ciceronianum.
 Plura vocabula semel tantum occur-
 runt: quae nisi in libris priscorum
 (veterum s. antiquorum volebat scri-
 bere) recepta fuissent, non possent
 in iis hodie occurrere ». Euge! Wossr.

L. Caecilius privatim etc.) Scilicet
 id carae fuit omnibus senatoribus,

si quis magistri-
 ralitatem et offi-
 cium. Sed mag-
 earae fuerunt a-
vatim et publico
 dentur λόγος, q
 conformatione
 potuit. Nihili
animo in me fi
potuistis. Eode-
 xit, *direptorib*
statem non fac
 forsam aliquot
 quid ad Praete
 Quale autem i
 esse, inris con-
 linqun. Nam c
 facinus annu a
 Iniasse, aut post
 sessionem boni
 venient? W

Commemoro

invitus nonnullorum in me nefarie commissa praetereo. Non est mei temporis iniurias meminisse: quas ego etiamsi ulcisci possem, tamen oblivisci mallet. Alio transferenda mea tota vita est, ut bene de me meritis referam gratiam, amicitias igne perspectas tuear, cum apertis hostibus bellum geram, timidis amicis ignoscam, proditoribus meis non indicem dolorem profectionis

auditus nemo enim gratiarum immemor est gratus inventus.

Non est mei temporis etc.) Hoc dicit, quia nonnullos praetermisit, unum Praetorem, Clodii fratrem, et duos tribunos. Coof. in Pis. §. 35, et Maoutium ad Sext. c. 59. Neque vero supra non erat sui temporis, quum tempus et locus vix ferrent, nedum poscerent, tot verba fundere de consilibus latronibus et mercatoribus, eosque omnibus maledictis prosciungere. Nunc, nescio quomodo, *lenior maetata hostia* (ut est in Erasmi proverbio) vindictae cogitationem procius deponit: *Etiamsi ulcisci posset, tamen oblivisci mallet.* Animus tamen in his melior apparet quam latius oratio. Ista enim imperfectorum consequutio hoc significat, iniurias fortasse eum oblivisci non malle, si ulciscendi facultatem haberet; unde efficitur ridiculum illud, quod valgo per iocum dicant: *Primum quidem non possum, tum et voluntas cessat.* At nonne ita saepe scribit optimus quisque: *Etiamsi possem, non facerem?* Quidam scribant, ubicumque vis sententiae et ratio fiat? hic autem, ubi non invitus ad lenitatem rediit, sententiam ista ratione ineptam fieri, facile quisque sentit. Multo aliter Cicero Catil. II, 8: «Quos ego, si ullo modo fieri possit, non tam ulcisci studeo, quam sanare et ipsos placare reipublicae.» Mox bonam phrasin

habemus, *amicitias igne perspectas*, attamen non omnino bonam; *spectatus* dicere dehaerat; ne poëta quidem scripsisset: *Perspicitur aurum igni;* is qui scripsit: *Scilicet ut fulvum spectatur in ignibus aurum.* Ac ne quis dicat, abhiciendam esse hanc sententiam, a Grutero interpositam; praebent enim optimi codd. et commendat praecleara figura chiasmi, qua *timidi amici* redditi sunt *amicitiis igne perspectis.* Deinde *aperti hostes* sine dubio sunt Clodiani, quos probe se vexaturum minatur; nam verum bellum *hostibus populi Rom. indicare* Senatus populi que iniussu, parum verecundi Senatoris foret, praesertim postliminio redeuntis. Quamquam, quum modò ostenderit, gratiae et clementiae se totam vitam dicasse, mirum est, cor mutata mente subito minetur, se sive semis sive alia vi adversarios ulturum esse: ut haec utramcumque in partem trsecta, non grammatico quidem sensu careant, sed alio quodam, qui etiam molestius desideretur. Sed quid extremo faciet miser, ut ex his oratorie concinnitatis angustiis ad sanae rationis veritatem emergat?

WOLF.

Non indicem dolorem profectionis meae) Ridiculum hoc esse et nugatorum senserunt Grævius, Lallier. Garston. Wolfios. Quid enim stultius fuisset, quam dolorem profectionis suae, quam his ipsis verbis indicave-

²⁴ meae, defensores redivis dignitate cons
mihi nullum aliud esset officium in o
quum, nisi ut erga duces ipsos et pr
auctores salutis meae satis gratus iud
exiguam reliquae vitae tempus non mor
dam, verum etiam ad commemorandan
relictum putarem. Quando enim ego h
liberis eius, quando omnes mei gratiam r
memoria, quae vis ingenii, quae mag
vantiae, tot tantisque beneficiis respon
Qui mihi primus afflicto et iacenti con
dexteramque porrexit; qui me a mort
desperatione ad spem, ab exitio ad salut
qui tanto amore in me, studio in rem
ut excogitaret, quemadmodum calamita
modo levaret, sed etiam honestaret.

X. Quid enim magnificentius, quid pr
accidere potuit, quam quod, illo peten
vistis, ut cuncti ex omni Italia, qui
salvam vellent, ad me unum, hominem
prope dissipatum, restituendum et defi
nirent? ut, qua voce ter omnino post

rat, negare ac proditoribus suis indi
calurum, qui tamen in senatu audire
poterant ista dicentem.

Quando ego huc homini) Lentulus
designari ex illis patet, quae sequun
tur, ait Menutius. Non dubitamus.
At Latini etiam non adeo abiecte sen
tiant de homine, ut id nomen simp
pliciter eum contemptu possint, ta
men, ubi aliquis orandus est, non
sine adiectione quadam hominem,
sed potius virum dicunt. Adde, quod
in familiari sermone hic homo is ipse
est, qui loquitur, uti graecum *ὁδε*
ἀνὴρ. Hunc hominem velles si tradere,

Praeterea hic ho
mo loco dicit, a
gratiam referend
magis opus est, i
dum. Mitto vim
quidem admodum
dando beneficiis,
orando. Wotr.

Qui rempubli
Vivensum h. l.
rari insit cum C
sq. ut intelligat
Ciceronis garrul
eloquentia distet

tam consul usus esset pro universa republica apud eos solum, qui eius vocem exaudire possent; eadem voce senatus omnibus agris atque oppidis cives totamque Italiam ad unius salutem defendendam excitaret. Quid ego gloriosius meis posteris potui relinquere, quam, hoc senatum iudicasse, qui civis me non defendisset, cum rempublicam salvam noluisse? Itaque tantum vestra auctoritas, tantum eximia consulis dignitas valuit, ut *dedecus et flagitium*¹ se committere putaret, si quis non veniret. Idemque consul, quum illa incredibilis multitudo Romam, et paene Italia ipsa venisset, vos frequentissimos in Capitolium convocavit. Quo tempore quantam vim naturae bonitas haberet, aut vera nobilitas, intelligere potuistis. Nam Q. Metellus, et inimicus et frater inimici, perspecta vestra voluntate, omnia privata odia deposuit: quem P. Servilius, vir quum clarissimus, tum vero optimus mihiq; amicissimus, et auctoritatis et orationis suae divina quadam gravitate, ad sui generis communisque sanguinis facta virtutesque revocavit, ut haberet in consilio et fratrem ab inferis, socium rerum mearum, et omnes Metellos, praestantissimos cives,

(1) Sic iude a Grutero ex duobus libris, quos in his vocibus correctionem passos esse suspicatur Wolfius; ipse vero edidit *omne is flagitium*. Tyr.

Fratrem ab inferis) Significat Q. Metellum Celerem, qui Cicerone consule praetor quum esset, ei in opprimenda coniuratione adiutor ac socius exstitit. Hor.

Et omnes Metellos — ex Acheronte excitatos) Iam propius intueamur universum locum, comparemusque illum, unde efficitur est. pro Sext. cap. 62, ut, quid sit oratoria, quid

declamatoria eloquentia, novo exemplo discatur: « Q. Metellus (inquit), excitatus summa quum auctoritate P. Servilii, tum quadam gravitate dicendi, quum ille omnes prope ab inferis evocasset Metellos, et ad illius generis, quod sibi cum eo commune esset, dignitatem propinqui sui mentem a Clodianis atrocioribus reflexisset: quumque eum ad domestici exempli memoriam et ad Numidici illius Metelli casum, vel gloriosum vel gravem, convertisset, collacrimavit vir egregius ac vere Metellus, solumque ac P. Servilio dicenti etiam tum tra-

paene ex Acheronte excitatos: in quibz
illum, cuius quondam de patria disce
26 omnibus, ipsi ne luctuosus quidem est
exstitit non modo salutis defensor,
unum beneficium fuerat inimicus, vel
scriptor dignitatis meae. Quo quide

didit; nec illam divinam gravitatem,
plenam antiquitatis, diutius homo
eiusdem sanguinis potuit sustinere. »
Gravissime dicta sunt haec, Servilii
acque gratia ac Metelli, sed ad iudi-
ces, abeunte haud dubie utroque viro:
ea vero Sophistes hic recitanda sum-
psit coram illo consule, qui iam pro-
pter clementiam aumique magnitu-
dinem vel in primis extollendus erat.
Recitant autem novo ornatu sic, ut
paeue omnium beneficii gratiam assi-
guet Servilio, qui iusi monuisset et
excitasset Metellum etc. magnopere
erat verendum, ne is inimicitias cum
Cicerone privatas non remitteret rei-
publicae. Nemo vituperaret Scripto-
rem, si cum hoc Servilio illius rei
laudem communicasset loquens in
Senatu; sed id alia prudentia, alia
arte fieri debebat. Nunc res narratur
putide, plura languet, illud adeo
lucet, ex Acheronte excitatos: num
non satis erat ab inferis; movendus
erat Acheron. Non enim audiendus
est Lambinus, vir quum clarissimus,
tum vero optimus, qui quum aliquid
supervacaneum h. l. sensisset, foris
praeferat putabat verba ab inferis,
quae utique huc foris illata sunt, sed
ex germano Cicerone. Quid multa?
Nullum fere vocabulum periodi satis
aptum est rebus, ac praestitisset pro-
fecto, alterum totum locum ad ver-
bum transcribi, quamvis ne ille qui-
dem, ut dixi, huc loco et tempori
convenisset. WOLF.

Losi ne luctuosus quidem est visus)

Graev. edidit: *de-
lestus omnibus a:
quidem visus est
bus, ipsi ne luctos
Sic et Pith. In
sane. Edd. Lan-
haerentus ipsi, os
dem visus est.*

*Quo quidem a
Non desinit gar-
re, et magnus est
quo tempore — q
que illa die — p
illo die — quo di
in Senatu essent
tota narratio nil
videtur, ut si q
perstitibus nobi
tercia de se sen-
Vuum verbum
noster excusandi
v. c. ex Pison. §.
dicere, quae ex
Sext. §. 72: *Pi
potestis; equiden
mero Sconatorum
eum duobus tant
qui in frequent
Att. I, 14, s. fin.
legitur quum co-
ribus autem, q
magistratusque
mos, ni fallor,
Senatu: nam co
ait non modo S
quibus sententia
Quo modo brevi
faciat ii, quibu**

CCCCXVII *ex senatu* essetis, magistratus autem hi omnes adessent, dissensit unus, is, qui sua lege coniuratos etiam ab inferis excitandos putarat. Atque illo die, quo rempublicam meis consiliis conservatam gravissimis verbis et plurimis iudicassetis, idem consul curavit, ut eadem a principibus civitatis in concione postero die dicerentur: quum quidem ipse egit ornatissime causam meam, perfecitque, adstante atque audiente Italia tota, ut nemo cuiusquam conducti aut perditionem vocem acerbam atque inimicam bonis posset audire.

XI. Ad haec non modo adiumenta salutis, sed etiam ²⁷ ornamenta dignitatis meae, reliqua vos iidem addidistis. Decrevistis, ne quis ulla ratione rem impediret, qui id impedisset, graviter molesteque laturos; illum contra rempublicam salutemque honorum concor-

tiam dicere licere nota formula significabat; scilicet *magistratus*. Conf. Festus voc. *Senatores*, *Tribunos* qd. quidam *ex Senatu* fuisse tum post a. V. 684 restituta tribunitia potestate, nemo harum rerum peritus dubitabit. Itaque aliquis iusto suspicior hic quoque opinetur, Auctorem magistratus a Senatoribus diversos habuisse, cui opinioni tamen obici possit locus cyp. ad Fam. I, 8 f. ubi item iunguntur *magistratus* et *Senatores*. Quare iste nihil hic aliud quaesivisse videtur, quam ut omnes opponeret uni qui lego sua etc. ubi in memoriam revocatur lepida illa lex §. 4. Paulo post recte haesit Gatonius in illo die quo, siquidem inepta constructio est, *Consul curavit dic, quo — iudicatis, ut eadem postero die dicerentur*: correxit igitur *illo die quum*; ut sit *quum illo die*. Haerere idem potuisset in verbo *iudicassetis*; etiam mos, quum dicitur *idem Consul*. Vix? nimirum Lentulus. Vide in Pis. c. 15, pro Sext. c. 50. At structura nequa-

quam prohibet, quia lectores de Metello cogitent. Ceterum his et aliis augis omnibus et animadversionibus liberavit Oratorem codices nonnulli, magnum versuum numerum omittentes, neulis librariorum a prioribus illo die aberrantibus ad haec, quem *P. Lentulus* nihil *fratrisque meo*. WOLF.

Ad haec — addidistis) Locogræpa constructio: *Addidistis reliqua ad haec adiumenta et ornamenta*. Statim asseruntur ista *Reliqua*. In.

Qui id impedisset) Ernestius monet, magis necesse esse corrigi, si quis *impedisset*, vel potius *impediret*, quam cum Graevio deinde *vos graviter* etc. *Rem moleste ferri* Latine, non hominem. Verissime: sed et *vos* necessarium est, et rectum *impedisset*. Vide in Pis. c. c. Iam cum hac narratione compares locum a Sext. cap. 61: « Si quis aliter fecisset, eum plane eversorem reipubl. fore, idque Senatum gravissime laturos, et ut statim de eius facto referretur. Qua gravitate sua quum frequens Senatus nonnul-

diamque civium facturum; et ut ad vos referretur; meque etiam, si diutius cahi redire iussistis. Quid? ut agerentur gr municipiis venissent? quid? ut ad ill quum redissent, rogarentur, ut pari starent? Quid denique illo die, quem P. I fratrigne meo liberisque nostris natales non modo ad nostram, verum etiam a memoriam temporis? quo die nos comiti quae maxime maiores comitia iusta di voluerunt, arcessivit in patriam, ut eade quae me consulem fecerant, consulatum probarent. Quo die quis civis fuit, qui laret, quacumque aut aetate aut vali non se de salute mea sententiam ferre? tam frequentiam in campo, tantum splen totius ordinumque omnium? quando

lorum aelus audaciamque tardasset; tamen illud addidit, si diebus quin- quag, quibus agi de me potuisset, non esset actum, redirem in patriam, di- gnitate omni recuperata. Quo ex loco putidus magister excerpsit et discerpsit pleraque, singulari tem- peramento, ut, ubi Cicero loquitur vehementius, ipse lenius agat; alibi rursus vehementius, ubi lenius ille; quasi moleste de via decedere voluerit maiori. Ita ornatus extulit legitimum illud *contra rempubl. facturum*, sicut ubique Cicero et alii scribunt: nec tamen displicet additum *salutemque bonorum*; at male friget *concordiamque civium*. Item icinonem est in ex- tremo, meque etiam redire iussistis, ubi dicere voluit, ut redirem decre- vistis vel simili modo. WOLZ.

Culmiantur) Astute rem pro- ducerent. Id enim interdum est, *Ca- lumniari*: unde illud in ep. ad Len-

tulum: *Res ab ach- tracta est variis*. Sextio: *quam on- tione, culumnia impediretur*. MAX

(1) Eranthus a- lia, quemadmodum cum citavit; recte dativi minime. Cl

(2) Hic ablativ referatur, nisi ad quo die; quae reli- ratione abhorret. pretum putabat alius ex quibusda illa dies, quae san Non raro enim Q nativis, interdum talia loca omnia e- vere. Cf. Tusc. I, Lallum. Schütz- cochl, Frustra, si *Illa dignitate*)

rogatores, diribitores, custodesque vidistis? Itaque P. Lentuli beneficio excellenti atque divino non reducti sumus in patriam, sicut nonnulli clarissimi cives, sed equis insignibus et curru aurato reportati.

Possum ego satis in Cn. Pompeium unquam gratus²⁹ videri, qui non solum apud vos, qui omnes idem sentiebatis, sed etiam apud universum populum romanum, salutem reipublicae et conservatam per me

runt. — In Pis. §. 36: « Nullis comitiis unquam neque multitudinem hominum tantam, neque splendidiorum fuisse — vos rogatores, vos diribitores, vos custodes fuisse tabularum. » Conferendus est totus locus. WOLF. — *Rogatores*) Qui tabellas distribuerent: *Diribitores*, qui lata iam suffragia dirimerent: *custodes*, qui puncta notarent singularum centuriarum. FARR.

Equis insignibus et curru aurato reportati) Nihil fingi potest hac sententia ineptius. SCHVZ. — Sobrio lectori, et qui familiaritatem contraxit cum ingenio Ciceronis, sublimis haec iacere et vehementer frigera videbitur, ac Consulatis curru aurato invehens haud absimilis equitanti in arundine longa: imagine tamen illa Auctorem summe delectatum esse crediderim. At optandum erat ut explicasset, quos equos insignes dicerat, quoniam nusquam reperimus peculiarit quoddam genus equorum, aut singulari tempore adhibitorum, in quos illud epitheton conveniat. MARK. Triumpho, ut solet, comparat reditum suum. Frigide ridiculum hoc aut debere videri. Sed nonne indubius Cicero de provv. cons. c. 14: « Si in Capitolium inveli victor cum illa insigni laureagestaret? » Nonne Liv. X, 7, in oratione Decii posuit viros, toga praetexta, tunica palmata et toga picta,

et corona triumphali laureaque honoratos — item, *qua Iovis O. M. ornatu decoratus, curru aurato per urbem vectus in Capitolium adscenderit?* » Quae quum ita sint, si existat ab inferis scriptor Iulius Orntonis, men quidem sententia ipse Tullius, ita fere agat cum reprehensore suo, ut cum Pisone disputavit cap. 25, quem sic inducit loquentem: « Quid tandem habet iste currus? quid victi autem currum duces? quid simulacra oppidorum? quid aurum? quid argentum? quid legati in aquis et tribuni? quid clamor militum? quid tota illa pompa? Iuvania sunt ista, mihi crede, delectamenta pacis puerorum, captata plousus, veli per urbem, conspici velle: quibus ex rebus nihil est, quod solidum tenere, nihil, quod referre ad voluptatem corporis possis. » Quam invidiam Pisoni facit, eam faceret, alia licet ratione, Marklaudo. Triumphus Romae summum rerum humanarum fastigium, cuius omnes particulas auribus et animis hominum ingerere, germani oratoris est. GESS. Recte habent haec omnia, si re vera triumphasset. Nunc id ipsum primum *ποπτικόν* est, quod triumpho comparat reditum suum; id quod Cicero facit nullo loco, non in epistola ad Lentulum suum, non in Orat. in Pisonem, ubi temporis causa satis gloriose describit reditum suum, compari-

et coniunctam esse cum mea dixerit
 meam prudentibus commendarit, impe-
 rit, eodemque tempore improbos au-
 compresserit, bonos excitarit? qui po-
 num pro me, tanquam pro fratre aut
 non solum hortatus sit, verum etiam ol-
 ipse, quum propter metum dimicationi
 domo se teneret, etiam a superioribus t-
 rit, ut de salute mea et promulgarent
 qui in colonia nuper constituta, quum
 magistratum, in qua nemo erat emptus
 vim et crudelitatem privilegii, auctori-
 timorum hominum, et publicis literis
 princepsque Italiae totius praesidium
 lutem implorandum putarit? qui
 semper amicissimus fuisset, etiam ut su-
 30 mihi amicos redderet, elaborarit? Quil-
 ficiis T. Annii beneficia remunerabo?

rans enim eum Pisonis inimici: nos-
 quam ne ibi quidem verbum eius-
 mandi. Sed non modo verbum et res,
 sed etiam modus, quo interpolatus
 est hic purpureus pannus, multum
 ridiculi habet, praesertim in tam
 brevi comprehensione verborum, quae
 vel per se nimis exilis erat. Accedunt
epi insignes, quos fortasse Gesnerus
 et alii acceperunt pro *nobilibus*, vel
 ut Virgilii *equum phaleris insignem*.
 Ne quid tamen celemus, quod est a
 docto interprete allatum, notat Erna-
 stius, elegantem hanc esse periphras-
 in triumpho, qua nunc sit Orator nu-
 merorum causa, forsitan simul ut in-
 vidiam verbi vitaret. An igitur minus
 invidiosa proprio vocabulo putanda
 est descriptio? qua omnes particulae
 summi fastigii humani auribus homi-
 num ingeruntur, ut ille niebat. W.

Dixerit? — a-
 tenue videtur nol-
 et paulo post *obus*
 quid addidissent,
 metate latine scri-
 deatur. Id.

In colonia) Ca-
 Duumviratum col-
 aule. Max.

Nemo erat emp-
 in Aelium Ligure-
 iicit; qui Kal. Iun.
 de Cicerone revoc-
 dio, intercessit.

Privilegii) Clo-
 est, invidiae cans-
 Ip.

Quibus officiis
 Iure offendit W.
 Annii et Sextii
 quibus iam supri-

actio, ratio, cogitatio, totus denique tribunatus, nihil aliud fuit, nisi constans, perpetua, fortis, invicta defensio salutis meae? Quid de P. Sextio loquar? qui suam erga me benivolentiam et fidem non solum animi dolore, sed etiam corporis vulneribus ostendit?

XII. Vobis vero, Patres conscripti, singulis et egi et agam gratias. Vniversis egi *ab* initio, quantum potui: satis ornate agere nullo modo possum. Et quamquam sunt in me praecipua merita multorum, quae sileri nullo modo possunt, tamen huius temporis ac timoris mei non est, conari commemorare

xerat. — Alii *remunerabor*. T.

Vobis singulis et egi et agam gratias) Id non est factum in hac oratione, nec postea fiet; nisi forte librarii, maligna natio, nos aliquot egregiis locis fraudarunt. Nempe quaeruntur Iotpp., in ultima hac parte membranas lacunosas et vitiatas esse. Aestuant hic iam olim Connalli, putaruntque adeo, his a Cicero gratias actas esse in Senatu, primum singulis et privatis, deinde Consolibus et magistratibus et Senatui universo, eamque posteriorem actionem nobis superesse. Quam opinione arripuerunt illi forsan ex his verbis §. 31: *Hodie nominatim a me magistratibus statui gratias esse agendas*. Quibus verbis nos tantum eo nti posse videbamur, ut ostenderemus, hodie singulis ex Senatu sive privatis gratias non esse actas. Atque ipse addidit *de privatis uni*. Quod quum ita sit, an singulis gratias egi partim familiari sermone, partim per literas? Id nos magis offendit, quod singulis etiam posthac gratias se acturum innatur. Et virtus habet modum suum; atque importunus est, cuius gratias animus homines quiescere et negotia sua obire non sinit. Similiter tamen

Plancius: «*Gratias agam, dum vivam*» Epp. ad Div. X, 11. Fit autem illud eo molestius, quo ornatus. Sed quis unquam praeter hanc studiosum stili cultoris dixit *gratias agere ornate*? Dicitur quidem *sententiam de aliquo dicere ornate*, vel *causam agere ornate* et simili, in quibus vox non eo pertinet ut aliquis *ornetur*, i. e. honoretur, sed ad ornatum verborum, quem vitant adeo qui privatim gratias agunt. Pauca loquitur verus affectus. Tac. *Annal.* I, 52: «*Tiberius retulit ad Senatum de rebus gestis a Germanico, multaque de virtute eius memoravit, magis in speciebus verbis adornata, quam ut pentus sentire crederetur.*» WOLF.

Timoris mei non est) Hoc quoque prima specie durum est. Antea profecto non timebat Orator opprobria dicere. Cur ego nunc, in commemorandis beneficiis? Statim ad molliorem concentum redibit sententia: timet vir humanissimus, ne forte quemquam omittat, qui sibi gratias deberi putet. Sic saepe magni scriptores morant expectationem lectoris, quam paulo post explent. Quamquam si iam initio singulis egi gratias, quid timet tantopere? Id.

beneficia in me singulorum : nam d
aliquem ; nefas, quemquam praeterire
versos, Patres conscripti, deorum i
debeo. Sed ut in ipsis diis immortalib
eosdem, atque alias alios solemus et v
cari ; sic in hominibus de me divinitus
erit aetas mihi ad eorum erga me meri
31 atque recolenda. Hodierno autem die
me magistratibus statui gratias esse a
privatis uni, qui pro salute mea muni
que adisset, populum romanum suppl
sententiam dixisset eam, quam vos
dignitatem meam reddidistis. Vos me
per ornastis ; laborantem mutatione v
luctu vestro, quoad licuit, defendistis.

De me divinitus meritis) Nonne
voluit dicere *divine meritis* ? Certe
deboit. Ita dicuntur *divina merita*
Philipp. IV, 2. *Divinitus* longe aliud
quiddam sonat quam *divine*, *θεός*,
divino quodam modo ; est illud *θεός*,
ex deo, sive adiuvantibus diis. Hinc
in epp. ad Fam. I, 9 : « Quae sunt
apud Platonem nostrum scripta *divi-*
nitus, i. e. quasi incitante numine, »
Ad Att. II, 21 : « Pompeius loquitur
divinitus etc. » Alique sic accipi vocem
licebit pro Domo c. 1, et de Flarusp.
resp. c. 9. Conf. Cassiod. ad epp. ad
Att. I, 16, p. 109, ed. Gracv. Itaque
sensum sane vox habebit etiam nostro
loco, sed alium eo, quem in animo
habuit Auctor. Item in seqq. dubito,
an haec Latine dicta sint, *omnis* erit
aetas *mihi ad hoc agendum*, an id
alibi legatur, an quid similis structu-
rae. MARKE. Nimirum dubitat Criticus,
et ultra modum sapit. Dubitabat ta-
men etiam Heumaunus, cum illo non
comparandus, de Latinitate istius

constructionis,
sua aetate, *omni-*
um etc. Vide
quid sit novum
Wolz. — Recte
ita scripsisset ;
non offendit *om-*
ni *vita* *mihi* *in*

Et de privatis
quam supra vid
recurret oratio,
strictim et gra-
liare aequo, q
tum Pompeii s
esse ; antea ver-
toritate non a
apud Senatum i
antecebat. W.

Qui pro salut
dixisset eum) H
Ciceronem ita s
que malebat i q
adisset — dixit

Nostrum memo
tare vestrum selet

ria senatores ne in suis quidem periculis mutare vestem solebant: in meo periculo senatus veste mutata fuit, quoad licuit per eorum edicta, quæ mea pericula non modo suo praesidio, sed etiam vestra deprecatione nudarunt.

XIII. Quibus ego rebus obiectis, quum mihi pri-³² vato confligendum viderem cum eodem exercitu, quem consul non armis, sed vestra auctoritate superaram, multa mecum ipse reputavi. Dixerat in concione consul, se clivi Capitolini poenas ab equitibus romanis repetiturum. Nominatim alii compellabantur,

Marklandus compluribus exemplis docuit senatorum, qui Ciceronis aetate rei facti vestem mutarunt.

(Quibus ego rebus obiectis) Abruptius et impeditius hic incipit loqui velle de consiliis protectionis suae in exilium, qualis et sibi passim leguntur, in primis pro Sext. c. 15—22, unde lateatiorum quorundam elegantiarum nostri loci prompta explicatio erit. Itaque, quum ibi §. 35 legeris, *equester ordo reus a Cons. citaretur, alii nominatim relegarentur, alii metu ac periculo terrentur, statim videris, unde haec beata copia manet, alii citabantur, alii relegabantur, alii nominatim compellabantur* h. e. increpabantur, castigabantur; ad *aditus sublato* confer haec pro Sextio: « *Gratus templi (Castorum) tolluntur; armati homines forum et conciones tenebant* » et in Pis. §. 23. Denique locum de *altero* libralii, credo, torpiter corruerunt; ubi non displicet coniectura Lambini, quam adscivi. Nam ex tribus certe verbis apparet sermonem esse de Clodio, qui nota pactione provinciarum (*praemiorum suorum*) obstrinxerat aures cuivales, ut Ciceronem desererent

proderentque. Nec haerendum in pronomine *eor*, cuius repetitio valgarum sermonem imitans non caret exemplis; cf. Drakenb. ad Liv. XXV, 7: etiam apud Ciceronem, ut pro Murena §. 29: « *Nonnulli videmus, qui oratores evadere non potuerunt, eos ad iuris studium devenire.* » Plura tamen restant duriara: primum, quod *hostes reipubl.*, quibus proderent, dicuntur ipsi Clodiani; deinde, quod *alius* est pro *altero*, usu non Cicero-niano (v. Burmannum ad Phaedr. i, 4, 4); praeterea, quod non nimis prodeuter cum Clodio compositus Caesar videtur; nam is est ille *alius* ad *portas cum imperio in multos annos, nimirum in quinquennium*. Cf. et perpende pro Sext. cap. 17 seq. in Pis. c. 33, et Plat. Vit. Caes. p. 714. D. Etiam Geronio locus non satisfacit, adeo ut coniceret, excidisse nonnulla post valg. *proderet*, quae sententiam de Pisonis inchoatam absolvent, deinde Clodian cum atroque Cos. transigisse demonstrarent. Neque hinc Henmannus discendit asymbolus: vidit saltem Ciceronem scripturum fuisse *quum diceretur esse scio*; ergo, ut exhibent Ciceronem, molestum vocem expauit.

alii citabantur, alii relegabantur. Ad erant non solum praesidiis et manu demolitione sublatis. Alter consules, ¹ i publicam non modo desererent, sed etiam publicae proderent, pactionibus eos minorum obligarat. Erat alius ad port in multos annos, magnoque exercitum micum mihi fuisse non dico; tacuisse
 33 retur esse inimicus, scio. Duae parte blica quum putarentur, altera me pter inimicitias, altera timide def suspicionem caedis putabatur. Qui a scere videbantur, in hoc auxerunt d. tum, quod nunquam inficiando sus num curamque minuerunt. Quare senatum ducibus orbatum, me a mag tim oppugnatum, partim proditum, ctum; servos simulatione collegiorum conscriptos; copias omnes Catilinae ducibus ad spem caedis et incendiorum equites romanos, proscriptionis; muni omnes, caedis metu esse permotos: Patres conscripti, multis auctoribus f me vi armisque defendere; nec mihi i idem meus, ² vobis non incognitus, d

(1) Alii consul. Sed v. not. praec. T. Erat alius ad portas) C. Caesarem significat, qui (teste Plutarcho) quum Galliam utramque cum imperio et exercitu obtineret, tamen non prius ad bellum profectus est, quam Cicero ex Italia pulsus esset. Clodii enim benevolentiam sibi retinere voluit, ne ea, quae consul contra leges et auspicia gesserat, a tribuno pl. rescinderentur: ut in Pisonibus Cicero significat. Hor.

Servos simul. Loquitur de co. Anqli) per Cl urbis ac servit Pin. §. 9. pro §. 34 dicuntur bntus nomine o simulatione; i legis agrariae mine.

(2) Oppido mimum concui

bam, si vicissem praesentem adversarium, nimium multo mihi alios esse vincendos; si victus essem, multis bonis et pro me et mecum, etiam post me, esse pereundum, tribuniciiue sanguinis ultores esse praesentes, meae mortis poenas iudicio et posteritati reservari.

XIV. Nolui, quum consul communem salutem sine ³⁴ ferro defendissem, meam privatus armis defendere; bonosque viros lugere malui meas fortunas, quam suis desperare: ac, si solus essem interfectus, mihi turpe; si cum multis, reipublicae funestum fore videbatur. Quod si mihi aeternam esse aerumnam propositam arbitrarer, morte me ipse potius, quam sempiterno dolore multassem. Sed quum viderem, me non diutius, quam ipsam rempublicam ex hac urbe afuturum; neque ego illa exterminata mihi re-

Tribuniciiue sanguinis ultores)

Pro Sext. §. 43: « Quid erat dubium, quia ille sanguis tribunicius, nullo praesertim publico consilio profusus, consules ultores et defensores esset imbuturus ». Conf. pro Plane. §. 88. In reliquis color est aiaur Cicero-niana arte, *meae mortis poenas iudicio et posteritati reservari*. Nam poëtica aden vix poëtis concessa figura est, *iudicio et posteritati* pro vulgari *iudicio posteritatis*; siquidem na poëtis quidem ambigue loqui licet. Mox Ernestio videbatur melius cohaerere oratin, si aules caset *sed quia videbam ant quam viderem — reservari, nolui*, quemadmodum superius erat, *Quare quam viderem — potui*: qua de constructione vide Manutium ad Sext. c. 19. Quoniam autem Critiei docent, ex geminatis vocibus saepe unam a librariis omitti solitam, ex huc pyxide aliquis medicinam depromat etiam efficaciam, *Nolui, nolui*.

Similiter modo, Potui, potui. WOLZ.

Quod si mihi—multassem) Si sempiternam sibi calamitatem metnisset, mortem voluntariam oppetere non dubitasset; ex disciplina Stoica at loco Sext. c. 21. Sed praevideit, se non diutius quam ipsam *remp. ex hac urbe afuturum*. Dein notabile est *exterminata respubl.*, in aliis quoque locis harum Oratt. In extremo dissentiunt Intpp., ntrum Auctori placuerit revocavit an reportavit. Prius e duobus libris edidit Graevius, sequente Lallemando; hoc ceteri probant propter additum *secum*. Nec sane displicet *respubl. Ciceronem reportans*, praesertim si eurrum auratum recogites. Quid vero, si in repetito verbo *revocandi* lateat elegantia quaedam? quo eodem nos aliud vocabulam ducit pariter. Sic saepe interpretem in diversa trahunt exquisitiores sensus magnorum scriptorum. WOLZ.

CIC. Op. Tom. VIII

N

manendum amplius putavi; et illa, simul atque revocata est, me secum pariter reportavit. Mecum leges, mecum quaestiones, mecum iura magistratum, mecum senatus auctoritas, mecum libertas, mecum etiam frugum ubertas, mecum deorum et hominum sanctitates omnes, et religiones afuerunt. Quae si semper abessent, magis vestras fortunas lugerem, quam desiderarem meas. Sin aliquando revocarentur, intelligebam, mihi cum illis una esse redeundum,

Amplius) Abest a codd. Pariss. et quinque Oxon.

Mecum etiam frugum ubertas) Hic plane deprehensum hunc Auctorem habemus, tanquam manifestarium impostorem: nec difficile est, huius vel fictivis vel erroris fontem indagare. Nempe meminerat Rhetor, lente in museo scribens, sub Ciceronis reditum Romae memorabilem inopiam frumenti et omnis annonae fuisse, deinde vero eam sublevatam quadam lege ab ipso Cicerone proposita. Aptissimum id declamationi ornamentum videbatur, ac fuisse atque, si Oratorem suum in tempore gloriantem induxisset, i. e. sublata annonae difficultate. Iam id fecit *intempestive*, pluribus diebus ante quam Pompeio illa eura (nempe infinita potestas rei frumentariae in quatuordecim) committeretur. Quo tempore (Nonis Sept. vel d. 8. Idus) si verus Cicero concionans apud Quirites dixisset, *frugum ubertatem et vilitatem suam revertisse*, minime dubium est, quin illi cum non plausu sed iustis omnibus vel lapidatione excepturi fuissent, idque meritissimo, utpote hominem impotenter coram populo mentientem. Potiori iure in Or. pro Domo c. 7, §. 17, dictum est: « Quomodo discusso meo

frugum inopia, fames — fuisset; sic reddito meo *ubertas agrorum, frugum copia* — in eum simul reducta videntur ». Quo die enim ad Pontifices dixit (pridie Kal. Oct.), fortasse iam aliquid effectum erat ad difficultatem levandam. MAX. Contra haec avert Gesnerus locum Or. pro Domo cap. 6, qui rcm omnem expedit: « Quom de mea dignitate (*restituenda, paulo ante reditum*) in templo Iovis O. M. frequentissimus senatus — decrevisset, subito, illo ipso die, carissimam annuam nec opiata vilitas consecuta est etc. » Ex duobus his locis, inquit Wolfius, duplicem discimus commutationem annuae eodem anno factam; primam sub Nonis Aug., quam decrete esset de Cicerone revocando; alteram mense sequente, quam is iam in Urbem revertisset. Neque sane incredibile est, Romae tum ita crebras commutationes rei annonariae brevi intervallu temporis factas esse. Igitur credamus, quod iubemur, *illo ipso die*, quam de viro reducendo lex esset perlata, vel etiam antea, quam id senatus decreset, subito carissimae annonae nec opiatae vilitatem successisse. At aliquot diebus post, atque sub ipsum reditum Ciceronis, *ruinas durior facta est an-*

Cuius mei sensus certissimus testis est hic idem, qui 35
custos capitis fuit, Cn. Plancius, qui, omnibus provin-
cialibus ornamentis commodisque depositis, totam
suam quaesturam in me sustentando et conservando
collocavit. Qui si mihi quaestor imperatori fuisset,

nona: ante oculos propositum erat periculum, non iam caritas timebatur, sed plane inopia ac fomes; adeoque ab ipso annona flagitabatur: Or. pro Domo §. 11. Nam calamitatis causam in ipso Cicerone esse Clodiani clamabant: ut narratur ad Att. IV, 1. His ergo diebus (eo luduo, quod primum egit in Urbe) Ciceronem, puto, credidit Marklaudus, de prior illa subita vilitate loqui nullo modo potuisse. Et quis non videat, miseram ac ridiculam futuram fuisse praesentis inopie consolationem, si laxiorem annonam, quae mense priore fuisset, nunc senatui et populo in memoriam revocasset? quam spes meliorum temporum, quam boni quidam viri in eius redivit sitam dictitarent, in ipso adventus tempore ad irritum cecidisset. Quid? quod non verisimile sed plane accessarius est, Oratorem, qui nihil militis inepte, si priorem illam vilitatem suae fortunae assignare voluisset, nunc, quum fumes timeretur, ea de re longe aliter dicturum, et commotam multitudinem simili quadam ratione atque illi boni viri consolaturum fuisse. WOLFF.

Cuius mei sensus — collocavit) Plancii supra oblitus erat pius Orator; itaque eum (nam nefas quemquam praeterire) commemorat ante portam claudendam. Simplex autem commemoratio haec putanda erit, non gratiarum actio, quando §. 31 hodie tantum uni privatorum gratias agendas statuit; Plancius autem hoc auno haud dubie inter privatos fuit.

Quamquam mutare sententiam potuit Orator, sui speciem extemporale eloquentiae quaerere de industria; ut id, quod quis ineptum et stultum putet, in magna laude ponendum sit. At erramus fortasse in his omnibus: fortasse non nisi iis gratias agendas statuit, qui Romae restitutionem suam adiuverant. Vide Orat. pro Plancio. c. 41. Huic Plancium sensus sui certissimum testem habuit i. e. cum eo communicavit consilia sua, quum ad eum in Macedoniam venisset. Ibi is exulis causa provinciolio deposuit ornamenta i. e. insignis quaestoria, impr. praetextam, qui non dubium est uti licuisse provinciali quaestori, quum et lictoribus uteretur; eoque pertinere videtur verbum *deponere*. Quo pertineant *commoda*, non tam facile dixeris. Sed licet mercedes cogitare, quibus fruebatur ex quaestura, sicut *commoda* dicuntur de praemiis militariis. Conf. Verr. III, §. 182. 19.

Qui si mihi quaestor imperatori fuisset) Nemini ut imperatori obigit quaestor; neque adeo Cicero tum fuerat imperator. MAHL. Fossius hunc locum exagitat Marklaudus, quem ita defendit Gesnerus: «Levius crimen est, quod de hoc loco colligitur. Dicitur hic Cicero, se Imperatorem fuisse? Conditionem ponit duplicem, non absurdam; si ego post consulatum in provinciam issem, si Imperator ego Plancium habuissem quaestorem. Poenitet plura verba facere de re obvia. GERN. Vna adhuc in hoc loco

in filii loco fuisset: nunc certe erit in parentis, quum fuerit quaestor non imperii, sed doloris mei.

- 36 XV. Quapropter, Patres conscripti, quoniam in rempublicam sum pariter cum republica restitutus, non modo in ea defendenda nihil minuat de libertate mea pristina, sed etiam adaugebo. Etenim, si eam tum defendebam, quum mihi aliquid illa debebat, quid nunc me facere oportet, quum ego illi plurimum debeo? Nam quid est, quod animi meum frangere aut debilitare possit, cuius ipsam calamitatem non modo nullius delicti, sed etiam divinorum in rempublicam beneficiorum testem esse videatis? Nam et importata est, quia defenderam civitatem; et mea voluntate suscepta est, ne a me defensa respublica per eundem me extremum in discrimen vocaretur. Pro me non, ut pro P. Popillio, nobilissimo
- 37

praetermissa est turpis macula, quae, si quis orationem hanc pro Ciceroniana defendere, omnesque eius ineptias librariis imputare voluerit, quantocius erit extrahenda, vel tota p̄t̄is extrahenda, si res aliter fieri uqueat. Nam ut conditionem dupliciter absurdum non improbes, nihil est frigidius hoc acumine: *quum fuerit quaestor non imperii sed doloris mei*. Iamne apparet, cui usui fuerit autem nomen imperatoris? siue quod numine nunc imperium dolori opponi non posset. Sed quae tandem haec oppositio est, aut quis unquam sani iudicii scriptor dixit *Quaestorem doloris*? Quidam patius *Quaestorem lacrymarum*? ut lacum sit aliquid, quod custodire quaestor, et in quo vim tituli sui exercere possit. Cicero, opinor, si tanta reliqua sententia usus esset, sic fere scripisset, *particeps non imperii, sed doloris mei*. Nimi-

rum id scribere volebat imperita manus, cui haec debentur; sed scripsit putida et ridicula. Wozr.

Mei) ineptissime dictum!

Sed etiam adaugebo) *Sed cum adaugebo* malebat Heumannus; alius Latinistae suam rationem non constare. Hoc est in corpore multis ulceribus obsita reduriam curare.

Divinorum in remp. beneficiorum) Etiam haec depravata esse oportebit. Tam magnifice Cicero non potuit in sensu praedicare de meritis suis. Peccat in hac re omnemque modum excedit Auctor Declamationis *Antequam iret in exilium*: qui plane facit ut mali poetar, qui in scena personae suas inducant ea loquentes, quaecumque ipsi sentiunt. Wozr.

Pro me non) Hinc pleraque infracta apparuit et quasi amputata. Homo malignus suspicetur, oratorem haec properasse scissum de itinere, et

homine, adolescentes filii, non propinquorum multitudo populum romanum est deprecata; non, ut pro Q. Metello, summo et clarissimo viro, spectata iam adolescentia filius; non L. et C. Metelli, consulares, non eorum liberi, non Q. Metellus Nepos, qui tum consulatum petebat, non Lnculli, Servilii, Scipiones Metellarum filii, flentes ac sordidati, populo romano supplicaverunt: sed unus frater, qui in me pietate filius, consiliis parens, amore, ut erat, frater inventus est, squalore et lacrymis et quotidianis precibus desiderium mei nominis renovari, et rerum gestarum memoriam usurpari coëgit. Qui quum statuisset, nisi per vos me recuperasset, eandem subire fortunam, atque idem sibi domicilium et vitae et mortis deposceret: tamen nunquam nec magnitudinem negotii, nec solitudinem suam, nec vim inimicorum ac tela pertimuit. Alter fuit propugnator mearum fortunarum, et defensor assiduus, summa virtute et pietate, C. Piso, gener: qui minas inimicorum meorum, qui inimicitias affinis mei, propinqui sui, consulis, qui Pontum et Bithyniam quaestor pro mea salute neglexit. Nihil unquam senatus de P. Popillio decrevit, nunquam in hoc ordine Q. Metelli mentio facta est. Tribunicis sunt illi rogationibus, interfectis inimicis, denique nulla auctoritate senatus, restituti; quum alter eorum senatui paruisset, alter vim caedemque fugisset. Nam C. quidem Marius, qui hac hominum memoria tertius ante

omnia corrasisse undique, quae epilogum quendam facere videri possent. WOLF.

Consulis) Ernest. consularis, ex menda typothetae, ut putat Wolfius; imitatus est tamen Schützius. TYP.

Nulla auctoritate senatus, restituti) Sensus est: non sunt a senatu restituti, quamvis Popillius perierit, quod ex S. C. amicos Tib. Gracchi persecutus fuerat: Metellus, quod vim et caedem bonorum et senatus ipsius vitaverat. FRAN.

me consularis tempestate civili expulsus est, non modo a senatu non est restitutus, sed reditu suo senatum cunctum paene delevit. Nulla de illis magistratuum consensio, nulla ad rempublicam defendendam populi romani convocatio, nullus Italiae motus, nulla decreta municipiorum et coloniarum³⁹ exstiterunt. Quare quum me vestra auctoritas arcessierit, populus romanus revocarit, respublica implorarit, Italia cuncta paene suis humeris reportarit: non committam, Patres conscripti, ut, quum ea mihi sint restituta, quae in potestate mea non fuerunt, ea non habeam, quae ipse praestare possim; praesertim quum illa amissa recuperariim, virtutem et fidem nunquam amiserim.

Suis humeris reportarit) Ita ferunt Ciceronem nem gloriatum, se humeris reip. de exilio reportatum esse. Macrobi. Sat. II, 3, Plut. vit. Cic. c. 33.

Eo dicto potuit declamator uti, etsi oblitus est, se supra dixisse, Ciceronem equis insignibus et curru aurato reportatum esse.

ORATIO AD QVIRITES
POST REDITVM



DE ORATIONE

POST REDITVM AD QUIRITES

(SCHVITZII Prolegomenos Cap. II.)

Cicero illo epistolae 1 lib. IV ad Atticum loco, quem supra commemoravimus, nihil narrat de oratione post illam in senatu ad populum, ut ei gratias ageret, habita. Neque vero haec oratio post reditum ad Quirites ea ipsa concio esse potest, quam Cicero ibidem paucis post reditum diebus ad Senatusconsultum de re frumentaria Pompeio committenda populo commendandum a se habitam esse narrat. Quis enim credat, Ciceronem in illa concione, quae statim post plausum quum illud SCtum recitaretur, suo nomine recitando a populo datum, habita esset, nullam huius SCti mentionem fecisse. Atqui nullo verbo in hac oratione, quae exstat, illud SCtum tangitur. Quid? quod c. 8 ait se diis immortalibus frugum ubertate, copia, vilitate reditum suum comprobasse, quod non solum aperte repugnat ipsius Ciceronis verbis, qui illo biduo summam annonae caritatem fuisse ad Atticum scribit, sed etiam est eiusmodi, ut si verum fuisset, nihil opus fuisset Pompeio rei frumentariae procuracionem committere. Neque vero credibile est, tam paucis diebus binas ad populum a Cicerone habitas esse conciones. Manet igitur hoc, Dionem Cassium vel falso rumore, vel ipsis his orationibus Ciceronis nomini suppositis deceptum esse, quum scriberet Ciceronem post reditum τῇ τε βουλῇ καὶ τῷ δήμῳ gratias egisse. Nam concionis illius de re frumentaria mentionem non facit.

Orationem illam ad Quirites post reditum habitam, omnino

nusquam a scriptoribus, nedum Ciceronis nomine commemorari meminimus. Eam vero breviarium esse quoddam orationis quae in Senatu habita esse fertur, facile Wolfio largior; ideus tamen ab alio quodam declamatore non ab eodem qui illam priorem conscripserit, elaboratam esse contendo. Sunt enim quaedam in hac oratione, in quibus auctori parum convenit cum illius, quae in Senatu habita fertur, scriptore. Ille uxorem Ciceronis plane praeterierat: hic saltem altero loco, c. 8, in verbis *nam coniugis miserae squalor et luctus eius mentionem facit*. Ille ubi de vitae ratione in posterum colenda agit c. 9, *Alio*, inquit, *transferenda mea tota vita est, ut bene de me meritis referam gratiam, amicitias igne perspectas tuear, cum apertis hostibus bellum geram, timidis amicis ignoscant, proditoribus meis non indicem dolorem profectionis meae, defensores redditus dignitate consoler*. At auctor declamationis post redditum ad Quirites, c. 9, hunc locum sic pertractavit: *Denique Quirites, quoniam me quatuor omnino genera hominum violarunt, unum eorum, qui odio reipublicae, quod eam ipsis invitis conservaram, mihi inimicissimi fuerunt; alterum, qui per simulationem amicitiae nefarie prodiderunt; tertium, qui quum propter inertiam suam eadem assequi non possent, inviderunt laudi et dignitati meae; quartum, qui quum custodes reipublicae esse deberent, salutem meam, statum civitatis, dignitatem eius imperii, quod erat penes ipsos vendiderunt: Sic ulciscar genera illa, quemadmodum a quibusque sum provocatus: malos cives, rempublicam bene gerendo; perfidos amicos, nihil credendo atque omnia cavendo; invidos, virtuti et gloriae serviendo; mercatores provinciarum, revocando domum, ab iis provinciarum rationem repetendo*. Ex quo facile intelligitur, auctorem orationis ad Quirites post redditum, illam in senatu, non tantum excerpere, sed etiam variare et amplificare voluisse.

Quod reliquum est, auctor eam sio adornavit, ut primo magnitudinem beneficii sibi a populo tributi declaret c. 1, 2; deinde doceat, tantam in studiis populi animorum declaratam esse voluntatem, ut non solum calamitatem sibi detraxisse, sed etiam dignitatem auxisse videantur; non enim multitudinem propin-

quorum affuisse, quae istam calamitatem deprecaretur, sed adiutores, auctores, hortatoresque ad se restituendum ita multos fuisse, ut longe superiores omnes hac dignitate superarit; c. 3-7. Itaque pollicetur se huius beneficii memoriam sempiterna benivolentia culturum: in referenda autem gratia promittit, sibi neque in consiliis de republica capiendis, diligentiam; neque in periculis a republica propulsandis, animum; neque in sententia simpliciter referenda fidem; neque in hominum voluntatibus pro republica laedendis, libertatem; nec in perferendo labore industriam; nec in populi commodis augendis gratam animi benivolentiam defuturam; c. 8, 9.

O R A T I O

AD QVIRITES

P O S T R E D I T V M

I.

Quod precatus a Iove Optimo Maximo, ceterisque diis immortalibus sum, Quirites, eo tempore, quum me fortunasque meas pro vestra incolumitate, otio,

Quod precatus — laetor, Quirites) Recte notata est a Marklando saepehrosa oratio, manifestam speciem habens imitationis, quae quis homo de schola cum magniloquentia Ciceronia certare velle videntur. Sunt quidem apud illum longiores periodi, et, quae rhetores vocant, *περίπατος* et *τάσσις*; sed longitudo in talibus coniuncta est cum proportionem partium, cum perspicuitate et concinnitate verborum, etiam in *ἀνταρδιότητι*, quae ipsa fere perspicuitatis causa admitti solent. Hic contra principio statim quiaque attente legens ambiget, quum primam particulam ut praecedant duo verba, ad utrum horum illa relata sit; quae una causa est diversae opinionis de extremis istis, eius devotionis me esse convictum etc. Certum tamen videtur, scriptorem eam particulam retulisse ad verbum *devovi*, ut suspensa reliquissae priorae, *Quod precatus — sum*. Id autem quum

dure et incommode fiat, non difficile est sentire, praesertim collato similimo principio Orat. pro Murena. Deinceps item impeditum est hoc, quod eadem particula ut primo et tertio loco *ἐν*, medio *ἐν* significat; quod ipsum non omnes Interpp. videre potuisse, docet vulgata interpunctio et nota Gruteri. Nempe verba *hoc si animo — redeunt ad illa sin et ea —*; deinde totum membrum, *ut quod odium — deficeret*, pendet a proxime praegressis, *vestrae salutis gratia*, horumque nimiam quandam explicitiorem continet. Sed plura nos offendunt in postremis: primum locutio *devotionis convinci*, in qua genitivi constructio, per se quidem latine, in alienum quasi domicilium translata videtur, repugnante usu, qui tolerabilior certe est in Orat. pro Domo l. l. Non enim satis est, explicari illud, ut vulgo faciunt, *voti damnatum esse*, nisi auctoritas proborum

concordiaque devovi, ut, si meas rationes unquam vestrae saluti anteposuissem, sempiternam poenam sustinerem, mea voluntate susceptam; sin et ea, quae ante gesseram, conservandae civitatis causa gessissem, et illam miseram profectionem vestrae salutis gratia suscepissem, ut, quod odium scelerati homines et audaces in rempublicam et in omnes bonos conceptum iamdiu continerent, id in me uno potius, quam in optimo quoque et in universa republica deficeret; hoc si animo in vos liberosque vestros fuisset, ut aliquando vos, Patres conscriptos, Italiamque universam, memoria mei, misericordia, desideriumque teneret: eius devotionis me esse convictum iudicio deorum immortalium, testimonio senatus, consensu Italiae, confessione inimicorum, beneficio divino immortalique vestro, maxime laetor, Quirites. Etsi ho-
mini nihil est magis optandum, quam prospera, aequalis perpetuaque fortuna, secundo vitae sine ulla offensione cursu: tamen, si mihi tranquilla et pacata omnia fuissent, incredibili quadam et paene divina,

anctorum ita loquentium accesserit. Mox vaga significatio est in iudicio deorum: quod Holomanus interpretatur de eventu rei, unde homines voluntatem numinis colligant; sed alius non minori specie referre possit ad ubertatem et copiam frugum, de qua dictum est in priore Orat. §. 34. Conf. pro Domo §. 15. Deinde probabile est, confessione inimicorum designari imprimis Metelli consulis, forsam etiam Appii praetoris, consensum vel suffragationem, quamvis vox confessio minus accommodata sit huic loco. Denique cedo vobis unde unde aliud exemplum, ubi auditores his in eodem periodo nominatim appellentur „ut hic, Quirites. Numero-

sins haud dubie sic elansula cadit: sed numerosae ineptiae tamen sunt ineptiae. Wotr.

Deficeret) Hotom. et Lamb. coniecit *defigerent*; Gesnerus *deserviret*.

Incredibili quadam et paene divina) Modu dixit beneficio divino; iam de novo inculcat idem epithetoo. Nimirum hic est mos imitatorum, ut, ubi scriptoris, cuius personam agere vellet, aliquod verbum loquendive modum corripuerunt, talia ad fastidium usque repetendo germanum exemplar sui scriptoris se assequi sperent: sed, ut inepti nihil non inepte faciunt, ita ignorant isti, quando desioendum sit, optima quaeque deterunt importuno studio, faci-

qua nunc, vestro beneficio, fruor, laetitiae voluptate caruissem. Quid dulcius hominum generi a natura datum est, quam sui cuique liberi? mihi vero, et propter indulgentiam meam et propter excellens eorum ingenium, vita sunt mea cariores. Tamen non tanta voluptate erant suscepti, quanta nunc sunt restituti. Nihil cuiquam fuit unquam iucundius, quam mihi meus frater. Non tam id sentiebam, quum fruebar, quam tunc, quum carebam, et posteaquam vos me illi, et mihi eum reddidistis. Res familiaris sua quemque delectat: reliquae meae fortunae, recupe-

leque se produnt intelligentibus. Ita quum Cicero rem insigni magnitudine vocare solent *incredibilem*, ac, si ex optabili genere est, *divinam*; huic Auctori omnia sunt *incredibilia* atque *divina*. Habemus tertium exemplum c. 2, *Necue tam divino atque incredibili genere dicendi*: ubi sententia translata est ex altera Orat. c. 1, *tam divinum atque incredibile genus orationis*. Mox c. 2, *spectatum et incredibili pietate cognitum*; c. 3, *divina quaedam auctoritas*; c. 6, *praestanti in me benevolentia et divina studio existerunt*. Simili modo decem locis harum octo priorum capp. *dii* usurpantur *immortales*, epitheto sane Ciceroniano, sed apud illum tamen aliter adhibito, ubi id adhibetur saepissime, ut in Or. III Catil. MARKL.

Laetitiae voluptate) Q. d. *voluptatis voluptate*, seu *laetitiae laetitia*: qualia nonnulla I. F. Gronovius Observ. in Scriptt. eccles. cap. 10, pag. 106 attulit ex Paulino, Firmico et aliis detriorum aetatum, mercedem *prolii*, *comarum crines*, *sapientiae prudentiam* etc. Una quidem syllaba addenda sensus atque nitata forma loquendi restitui posset, *laetitia et voluptate*, uti est pro Sulla c. 32, sed minima

dubito, quia illud vulgatum vera manus auctoris sit. ID.

Et posteaquam — reddidistis) Vel ipsum tempus verbi detegit sententiae pravitate. *Sentiebat, posteaquam ei populus reddidit*. Age, Plauti Capt. I, 2, 33: «Tum denique homines vestra intelligimus boni, Quum, quae in potestate habuimus, ex amissimis» huic, inquam, versui adhaere verba, et postquam recuperavimus, aut simile quippiam, ut statim turpiter atrum desinat in piscem mulier formosa superne. Bonum igitur factum, quod mali artificii subvenit corrector in marg. cod. C. scribendo: *Sed postea quam vos — reddidistis, incredibile est, quantam animo voluptatem perceperim*. Quod additamentum, iam in vet. edit. repertum, non contemnendum videbatur Garstonio, viro egregio, quem reprehendo iuvit. Is si vivit adhuc, erit in numero eorum, qui, quid a nobis in his Orat. agatur, et an recte agatur, acutissime intelligant. Ita illum nuper cognovimus eruditum et limato iudicio. WOLFF.

Reliquae meae fortunae recuperatae) At Novis Sept. vel d. 8. Idus nihil dum recuperat Cicero praeter

ratae plus mihi nunc voluptatis afferunt, quam tunc incolumes afferebant. Amicitiae, consuetudines, vici-
nitates, clientelae, ludi denique, et dies festi, quid
haberent voluptatis, carendo magis intellexi, quam
fruendo. Iam vero honos, dignitas, locus, ordo, be-

dignitatem, patriam et cognatos: *fortunas* recepiſſe deum post men-
ſem potuit dici. MARX. Quod con-
firmatur a capite VIII huius oratio-
nis: *Mihi, quod potuit vis — id*
manet et permanebit. TYP. De domo
urbana, ut de aedificiis ornamentis-
que villarum, Tusculanae, Formia-
nae, fatendum est, ea, quo tempore
haec dicta sunt in concione, nondum
fuisse restituta. Sed an solae istae
fuerunt Ciceronis fortunae? nonne
alias quoque opes habuit, in urbe,
in praediis rusticis, in Puteolano,
Antiate, Arpino, Cumano, Pompe-
iano, ceteris, quae enarrat Middle-
tonas T. III, pag. 294—300: quae
oblata, vastata omnia esse, nullo
vestigio cognoscimus; de quibus non
minus quam de domo urbana, de
Tusculano et Formiano, scripturus
fuerat ad Atticum suum: Nec praeter-
mittendum est, quod *reliquas* sans
fortunas vocat, *reliquas* nempe a fu-
rore inimicorum, easque negat antea
incolumi sibi tantum, quantum nonne
direptis et spoliatis, voluptatis attu-
lisse. De fundis ipsis plane dubitatum
non esse, apparet: disceptatum modo
de damnis superficiei praediorum il-
latis. Sola area etiam domus urbanae
in controversiam vocata, quod con-
secrata Libertati esse diceretur. Quam
quam ita sint, nihil hic est, quod
non dicere, scribere, Cicero potuerit.
GREG. Quum minime coarctet, quot
villas hoc ipso tempore possedarit Ci-
cero (nam omnia, quae eius dicun-
tur, praedia cum possedisſe simul

omni tempore, nemo credat), quam-
na id quidem satia appareat, quam
vim haberit bonorum eius publica-
tio: in illo crimine aliquo dubitatio
residere videri potest. eoque maior,
si quis *reliquas fortunas* a furoris ini-
micorum *relictas* explicat. At quid
ſiet his locis alterius orationis, quae
supra intactos omisimus, c. 1 et 15:
« Qui ordioem, qui *fortunas* — *red-*
didit — Quam ea mihi sicut *re-*
stituta, quae in potestate mea non
fuerunt » nonne hic in *universum* de
fortunis recuperatis loquitur? Verum
si haec quoque torqueri ad quandam
verisimilitudinem possent, tamen in-
consideratissima putanda esset omni-
no haec toties repetita mentio *recu-*
peratarum fortunarum eo tempore,
quo nondum in senatu actum erat de
aestimandis damnis domus et proe-
diorum; id quod non ante primos
dies Octobris factum esse constat. W.

Incolumes) Sic Ernest. e conjectura
Hotomaei. WOLF. *incolumi*; in notis
vero probat *incolumitatis* ex codd.,
eoquod hoc vocabulum opponitur
tō *voluptatis*. Male, ut mihi videtur.
TYP.

Ludi denique — fruendo) Parum
probabiliter hoc dictum est, siqui-
dem Cicero ludis ac festis diebus se
non multum delectari aliquoties pro-
fitetur: ut pro Plancio c. 27, pro Arch.
c. 6, ad Famil. VII, 1, ad Att. IV, 8.
Minotius nostro loco excusandi gra-
tio adscripsit: *Fortasse temporis cau-*
sa hoc dicit: tum laudatis duobus
prioribus locis, ubi proreus contra-

neficia vestra, quamquam mihi semper clarissima visa sunt, tamen ea nunc renovata, illustriora videntur, quam si obscurata non essent. Ipsa autem patria, dii immortales! dici vix potest, quid caritatis, quid voluptatis habet! quae species Italiae! quae celebritas oppidorum! quae forma regionum! qui agri! quae fruges! quae pulcritudo urbis! quae humanitas civium! quae reipublicae dignitas! quae vestra maiestas! Quibus ego omnibus antea rebus sic fruebar, ut nemo magis. Sed tanquam bona valitudo iucundior est eis, qui e gravi morbo recreati sunt, quam qui nunquam aegro corpore fuerunt: sic ea omnia desiderata magis, quam assidue percepta, delectant.

5 II. Quorsum igitur haec disputo? quorsum? ut intelligere possitis, neminem unquam tanta eloquentia fuisse, neque tam divino atque incredibili genere dicendi, qui vestrorum magnitudinem multitudinemque beneficiorum, quae in me fratremque meum et liberos nostros contulistis, non modo augere aut ornare oratione, sed enumerare, aut consequi possit. A parentibus, id quod necesse erat, parvus sum procreatus: a vobis natus sum consularis. Illi mihi fratrem,

ria leguntur, rurtus adiecit: *Aut haec ipsa quoque temporis tributa sunt.* —Sic scilicet diversis locis coniunctis virum eundem cognoscimus et *amantem ludorum et non omentem.* M. —Ludos ac dies festos non magni faciebat Cicero verna? Hoc variis locis prae se fert. Nempe nunc *carendo intellexit*, etiam in his esse aliquid voluptatis. Gess. Sapientior, credo, factus erat in exilio. Wolr.

Dici vix potest, quid caritatis — quae vestra maiestas!) Hoc puerilium admirationum cumulum a Cicerois ore fluxisse haud facile mihi persuadeo. Tyr.

Parvus sum procreatus — consularis) Lineamenta festivae sententiae duxit ex noto dicto Ciceronis, quo hunc diem *reditus natalem suum* vel *πατεργενεσιαν* vocabat. Quo an excusari possit illud puerile et frigidum acumen, indicet per se quisque qui vim verborum et imaginem a Gesnero tam graphice expictam perpenderit. Wolr. Haec nempe contra Markkiodum Gesnerus notaverat: antiqua et *πατρὸς γενεῆς* sententia est, plus illis deberi, qui vobis vivendi cum virtute, cum dignitate, causas praestiterint, quam qui solam praebuerint causam nascendi: deinde,

incognitum qualis futurus esset, dederunt: vos spectatum et incredibili pietate cognitum reddidistis. Rempublicam illis accepi temporibus eam, quae paene amissa esset: a vobis iam recuperavi, quam aliquando omnes unius opera servatam iudicaverunt. Dii immortales mihi liberos dederunt: vos reddidistis. Multa praeterea diis immortalibus optata consequuti sumus. Nisi vestra voluntas fuisset, omnibus divinis muneribus caruissemus. Vestros denique honores, quos eramus gradatim singulos assequuti, nunc a vobis universos habemus: ut, quantum antea parentibus, quantum diis immortalibus, quantum vobismetipsis, tantum hoc tempore universim cuncto populo romano debeamus.

Nam, quum in ipso beneficio vestro tanta magnitudo est, ut eam complecti oratione non possim; tum in studiis vestris tanta animorum declarata est voluntas, ut non solum calamitatem mihi detraxisse, sed etiam dignitatem auxisse videamini.

quidam placuerit phantasia illa Quiritibus, hinc parvulum et vagientem suis incunabulis Tulliolum Arpinatem cogitantibus, hinc M. Tullium Ciceroem suum cum praetexta toga et fascibus duodecim pro rostris vel praesidentem vel touantem? Optabile videtur esse apud populum agentem, tales in mentem venire ineptias. GESS.

Rempubl. illis accepi temporibus) Manutius refert ad initium belli socialis, quo tempore Cicero virilem togam sumpsit. Wolfius vero assentitur iis, qui ad consulatum Cicerois spectant. Locutio autem ipsa accipere rempublicam parum iustus eisdem viro Cl. videtur. TIT.

Habemus) Nunquam hoc Cicero

CIC. Op. Tom. VIII

dixisset. Stultum enim fuisset dicere se hoc tempore quaestorem, aedilem, praetorem et consulem esse.

Universim cuncto populo romano) Coniuncta universim cuncto speciem habent miserarum divitiarum, nec universim verbum est Ciceronianum, nec fortasse huius scriptoris, ut MSS. arguant. Quare nonnulli corrigendum putant universo populo rom. Sed qualis haec est progressio a vobismet ipsis, qui profectu non possunt esse singuli sed universi, ad populum universum? Neque huic difficultati multum medentur coniecturae Garatonii, in universum cuncto, et, uni coniuncte pop. rom. Igilur correctio Erasmi, tantum hoc tempore uni populo R., potior habenda erit, si modo no-

O

III. Non enim pro meo reditu, ut pro P. Popillii, nobilissimi hominis, adolescentes filii, et multi praeterea cognati atque affines deprecati sunt; non, ut pro Q. Metello, clarissimo viro, iam spectata aetate filius; non L. Diadematus, consularis, summa auctoritate vir; non C. Metellus censorius; non eorum liberi; non Q. Metellus Nepos, qui tum consulatum petebat; non sororum filii, Luculli, Servilii, Scipiones: permulti enim tum Metelli, aut Metellarum liberi pro Q. Metelli reditu vobis ac patribus vestris supplicaverunt. Quod si ipsius summa dignitas maximaeque res gestae non satis valerent, tamen filii pietas, propinquorum preces, adolescentium squalor, maiorum natu lacrymae populum romanum movere potuerunt. Nam C. Marii, qui post illos veteres clarissimos consulares, vestra patrumque memoria, tertius ante me consularis, subiit indignissimam fortunam praestantissima sua gloria, dissimilis fuit ratio. Non enim ille deprecatione rediit, sed in discessu civium, exercitu se armisque revocavit. Me autem nudum a propinquis, nulla cognatione munitum, nullo armorum ac tumultus metu, C. Pisonis, generi mei, divina quaedam et inaudita auctoritas atque virtus, fratrisque mei miserrimi atque optimi quotidianae lacrymae sordesque lugubres a vobis deprecatae sunt.

7 Frater erat unus, qui suo squalore vestros oculos

lis spechneen scholasticum emaculandum, non in bono scriptore crisis ad librorum fidem facienda sit. Aliquanto melius eandem scutelliam expressam legimus in Sen. l. l. W.

P. Popillii) Quem expulerat C. Gracchus, quis in consulatu T. Gracchi amicos insectatus fuerat. FERR.

In discessu) Holzmanus, Graev. Garalon. praefuram ex paucorum

codd. scriptura, in dissensu. Haudmanno et Wollio neutrum placet. T.

Virtus) Inapte componuntur auctoritas atque virtus, ineptum etiam epitheton inaudita. Ernestius sine libris rescripsit inaudita pietas atque virtus.

Oculos inflecteret) Num ad misericordiam et lacrymas? an simpliciter, ad se converteret? W.

inflecteret; qui suo fletu desiderium mei memoriamque renovaret; qui statuerat, Quirites, si vos me sibi non reddidissetis, eandem subire fortunam; et tanto in me amore exstitit, ut negaret fas esse, non modo domicilio, sed ne sepulcro quidem se a me esse seiunctum. Pro me praesente senatus, hominumque praeterea viginti millia vestem mutaverunt: pro eodem me absente unius squalorem sordesque vidistis. Unus hic, qui domi, qui in foro posset esse mihi pietate filius, inventus est beneficio parens, amore idem, qui semper fuit, frater. Nam coningis miserae squalor et luctus, atque optimae filiae moeror assiduus, filiique parvi desiderium mei, lacrymaeque pueriles, aut itineribus necessariis, aut magnam partem tectis ac tenebris continebantur. Quare hoc maius est vestrum in nos promeritum, quod non multitudini propinquorum, sed nobismetipsis nos reddidistis.

Unus hic, qui domi) Haec foede depravata plerisque visa sunt, et fortiori aliquo remedio curanda. Nobis unice probatur lenissima ratio, quae locum hoc et distinctione et interpretatione redintegrat: *Unus hic, qui domi, qui in foro posset esse* (intell. ex relatione ad seqq. de uxore et liberis, celebritatem fugientibus ac moerentibus in solitudine) *unus ergo, qui in urbe* (opp. peregre), *qui in foro posset esse* (h. e. versaretur, orandoque et supplicando meam causam ageret), *is mihi pietate filius inventus est, beneficio parens, amore idem, qui semper fuit* (sane semper est, qui semel fuit) *frater.* WOLFF.

Non multitudini — nos reddidistis) Postrema efficta sunt ex principio alterius Orationis, ubi recte posita est formula *nobismet ipsos nobis reddidistis*; et neque recte ibidem §. 8 pro Marcello cnp. 5. Hor. Epist. I, 14, 1.

Nam sic veteres loqui solent de homine, qui ex quavis afflictione vel calamitate, in qua *peritiss* et quasi *semet ipsum desiderare* videbatur, rursus recreatus et restitutus est in contrarium sortem. A quo usu longe longeque deflectit hic Scriptor, cui *nos nobis reddidistis* nihil aliud est, quam *me mea solius gratia revocatis*. Non equidem nescio, quid Latinis et Graecis sit dativus commodi; neque eo secius intum namum perversum esse iudico. MANZ. Si verba referamus, quod res ipsa postulat, ad Ciceronem eiusque uxorem, fratrem, liberos, generum, non opus erit sententia, quam fingit et explodit Criticus, ut referatur ad solum Ciceronem, qui sua ipsius gratia revocatus sit! GESS. *ἡγορούμενος ἀνδρὸς ἐξυπορίου*. Non assequutus est mentem sui Ciceronis. Nam oppositionis et omnis sententiae tenor vincit, sensum vero

- 9 IV. Sed quemadmodum propinqui, quos ego parare non potui, mihi ad deprecandam calamitatem meam non affuerunt : sic, illud quod mea virtus praestare debuit, adiutores, auctores, hortatoresque ad me restituendum ita multi fuerunt, ut longe superiores omnes hac dignitate copiaque superarem. Nunquam de P. Popillio, clarissimo atque fortissimo viro; nunquam de Q. Metello, nobilissimo et constantissimo cive; nunquam de C. Mario, custode
 10 civitatis atque imperii vestri, in senatu mentio facta est. Tribunicis illi rogationibus, nulla auctoritate senatus, sunt restituti. Marius vero non modo non a senatu, sed etiam oppresso senatu est restitutus : nec rerum gestarum memoria in reditu C. Marii, sed exercitus atque arma valuerunt. At de me ut valet, semper senatus flagitavit; ut aliquando *perfi-*

indicatum esse a Britanno : et quod is negat, illu sensu recte positum esse formulam, iure optimu negat, opinor. In talibus enim generibus loquendi non temere variat significatio apud meliores scriptores; et aliquid de illis novare, hominum est rudium vel ex novitate in seita gratiam captantium. Ac ne quis putet, Ciceronem, utpote Romanum, aliquid audere potuisse in patria lingua: potuit atque, sed multa sunt, in quibus eum noluisse, quod posset, appareat. Ita potuit etiam inepte scribere; sed id noluit facere: atque adeo diu noluit, ut tandem ne posset quidem. Hoc valet de rebus multis. WOLF.

Sed quemadmodum propinqui — superarem) Lamentandus, non culpandus est bonus exsul, quod ei non affuerunt propinqui: nulli fuerunt, qui adessent: et quis parare sibi potest propinquos, cui natura vel dii

immortales non dederunt? Verum qui nunc tam dignus est miseratione, qui pro multitudinis necessariorum non nisi unum fratrem habuit deprecato-rem miseriarum, idem mox comparatione Popillii, Metelli, Marii (qui hic iterum et paulo post ad novos gyros citantur), ita caput suum extollit, ut invidendus videatur citius quam miserandus. Nempe sua ipsi virtus hoc praestitit, quin etiam debuit praestare, ut adiutores nancisceretur multo plures, quam quisquam priorum cum simili fortuna conflictantium. In hac dignitate et copia nobis cogitanda est amicorum multitudo et dignitas: quasi antea non solum multos, sed et dignitate, honoribus, eminentes dialiaset. Atque paulo ante illud quod, ut constanter legitur in MSS., significat id quod, si cui forte obcurum sit, quum alibi non ita dicatur, quod sciam. WOLF.

ceretur, quum primum licuit, frequentia atque auctoritate *perfecit*. Nullus in eorum reditu motus municipiorum et coloniarum factus est. At me in patriam ter suis decretis Italia cuncta revocavit. Illi, inimicis interfectis, magna civium caede facta, reducti sunt. Ego iis, a quibus eiectus sum, provincias obtinentibus, inimico autem optimo viro et mitissimo, altero consule referente, reductus sum; quum is inimicus, qui ad meam perniciem vocem suam communibus hostibus prae buisset, spiritu dumtaxat viveret, re quidem infra omnes mortuos amandatus esset.

Italia cuncta revocavit) Wolfius recte negat ullo modo doceri posse, quae sint illa tria plebiscita vel leges; nam leges significari, non seutus-consulta; per haec autem seutatum, non Italiam revocasse.

Inimico autem — referente) Quiaque Oxon. at alii nonnulli MSS. habent *inimico hoc*, sine particula, non male, tanquam ante oculos sedente Metello Consule. Nimirum hic est inimicus, quem vocat *mitissimum* (infra *clementissimum*) ubi moderationem et depositas similitudines. Iam is romano more dicitur et ipse *re-tulisse*, uti agabat imprimis Lentulus, quoniam ille huius actionem non impediebat. Ita pro Sext. §. 130. *Et Q. Metellus — de mea salute retulerit*. Conf. in Pis. §. 35, et pro Domo §. 70. Nihil ergo h. l. movandum erat, quomvis bene abesse potuisset participium, hoc sensu: Alii duo inimici mei provincias obtinuerunt, alius nunc consulatu fungitur. Hoc autem non placuisse Auctori, docet locus pro Domo §. 87. Wolf.

Quum is inimicus — amandatus esset) Perperam inter se oppositae sunt voces *spiritu* et *re*. Nam quum *spiritu vivere* sit *re vera vivere*, nec

quisquam ulla re magis *vivat* quam *spiritu*, pro hoc vocabulo Cicero at alius quisque intelligentior scripturus fuerit *nomine*, *verbo*, *specie*. In reliquis Auctor prae oculis habuit locum pro Quintio cap. 15, ubi vide quanta prudentia temperatum et emollitum sit audax genus loquendi: *Is* (cuius bona venierunt, cuius etiam necessarius victus restitutusque sub praecore subiectus est) non modo ex numero vivorum exturbatur, sed, si fieri potest, etiam infra mortuos amandatur. Id est: *Si gradus quidam essent in morte, possetque fieri, ut mortuorum alius alio magis mortuus esset, Quintium in infimo loco, in imo ordine, constitutum videri*. Audacior magistellus noster. Nulla excusationis formula usus, simpliciter pronuntiat primum Atilium suum *re*, non *specie*, esse magis mortuum quam *ul-lum mortuorum*; tum eodem tempore homini trihuit *spiritum*, ut nihilo minus *vivat* quam *ullus vivorum*. Absurdum huius sententiae sentiebat Hotomanus, idque sublatum cepiebat, sed nihil profecit interpretatione sua. MARKL. Mihi palere et plana Ciceroniane hoc dictum esse videtur. *Spiritu* vivebat tum Clodius, h. e.

- 41 V. Nunquam de P. Popillio L. Opimius, fortissimus consul, nunquam de Q. Metello non modo C. Marius, qui erat inimicus, sed ne is quidem, qui sequutus est, M. Antonius, homo eloquentissimus, cum A. Albino collega senatum aut populum est cohortatus. At pro me superiores consules semper, ut referrent,

spirabat, ut animalia omnia, quom dicuntur vivere; ut moribandi homines *spiritu* adhuc *vivant*, quom vox et sensus illos iam destituerunt. Re, actionibus, efficientia, *infra omnes mortuos amandatus erat*: minus valebat iam illa preclara lex de Ciceronis exsilio Clodia, quam si ab aliquo olim mortuolata fuisset. Genu. Satis ingeniose escogitavit Genuerus, quid Orator voluerit vel debuerit dicere; male neglesit, at solet, quo id dictum sit modo. Etenim hoc non nesciebat Marklandus, *civili vitas* quodammodo opponi posse eam, quae in *spiritu* esset; sed interpretis putabat explicare, quae scriptor dixisset, non temere conicere, quid in animo habuisset. Ille in animo habuit sane omnia quam bellissime facere. Nobis vero praeter ineptias antitheti simul obscure et *επιταχάτως* locutus videtur, planeque ad morem imitatorum, si quando proprium ingenium ostendere et *forte celare* volunt. Obscuritatem prodit ipsorum latpp. dabitatio, quisnam sit is *inimicus*, idemne, qui §. 12 dicitur is *Tribunus pl.*, Sex. Atilius, an P. Clodius, quem nemo non primum cogitat, obi de Ciceronis inimico agitur. Neque illud minus dubium esse potuit Romanis quom nobis, quoniam in verbis nihil est, unde iis facilius fuerit cognoscere, nter esset intelligendus. Iam agite, Atilium summes cam Manutio: is profecto non potuit in *ullo ordine mortuorum* conscribi tum,

quam unus Kal. Ian. auctoritatem senatus impediret, multique et summi viri eam, ne id faceret, orarent, ad eiusque pedes flens iaceret socer; neque tunc intelligi licet, quia eum postea *etiam infra mortuos* *amandavit*. *Communes autem hostes* si sunt et Ciceronis et omnis reipubl., quo iore ille, non furibundis coniectionibus, sed una intercessione notus, meruit dici *hostibus vocem suam praebuisse*? Igitur cum Hotoinsno capiamus Clodium: is aute ad perniciem Ciceronis, adversus quam tribunus prope quotidie concionabatur, vocem suam praebuerat, sive reliquis Catilinae consortionis, sive potius sceleratis consilibus et horum factioni; tunc a Milone oppressus iacebat, non sic quidem ut deinde, quando ab illo occisus erat, non iam *ad mortuos amandatus*, nec *infra mortuos*, nedum *infra omnes mortuos*; verum iacebat tamen, quatenus eas vox rarias audiebatur, et minus quam ante valebat potentia. Sit ergo is, quem quaerimus, Clodius; nec dubito, hunc designari mitto inperfecta ista viveret et *amandatus esset*, quae grammatica consecutione temporum defendi possent: existit alia res absurda ex toto tenore sententiarum, de utro locus capiatur, peraeque intolerabilis. Redditum suum, gloriari coepit, factum esse non solum sine ulla caeda inimicorum, sed ita, ut vivant illi, ut omni publica actione floreat, ut provincias aduti-

efflagitati sunt; sed veriti sunt, ne gratiae causa facere viderentur, quod alter mihi affinis erat, alterius causam capitis receperam: qui provinciarum foedere irretiti, totum illum annum querelas senatus, luctum bonorum, Italiae gemitum pertulerunt. Kalendis vero Ian. posteaquam orba respublica consulis fidem, tanquam legitimi tutoris, imploravit, P. Lentulus consul, parens ac deus salutis nostrae, vitae, fortunae, memoriae, nominis, simulac de solemnī religione retulit, nihil humanarum rerum sibi prius, quam de me agendum iudicavit. Atque eo die confecta res esset, nisi¹² is tribunus plebis, quem ego maximis beneficiis quaestorem consul ornaveram, quum et cunctus ordo et multi eum summi viri orarent, et Cn. Oppius socer, optimus vir, ad pedes eius flens iaceret, noctem sibi ad deliberandum postulasset: quae deliberatio non in reddenda, quemadmodum nonnulli arbitrabantur, sed, ut patefactum est, in augenda mercede consum-

nistrent, ut consulatum gerant, nisi quod unus quidam — *spiritu dumtaxat vivit* etc. Num aliquid stultius inferri potuit? Vnusquisque, legendi scribendique sciens, quum pervenit ad illa quum is inimicus, expectabil illatum iri, si non vigeret vel floret, at saltem spiritum duceret leniter et tranquille. Et hac modestia usque ad ieiunitatem usus est Auctor pro Domitio §. 87: *Rediit cum maxima dignitate, te vivo, fratre tuo altero Consule reducente.* ID.

Efflagitati) Codd. 5 Oxx. duo Barbh. flagitati.

Ne gratiae causa) Ironia. Non enim veriti sunt, sed pactione provinciarum irretiti, quae mei funeris merces fuit, nunquam referre voluerunt. M.

Affinis erat) Piso, quia Cicero-

nis filia, C. Pisonis uxor erat. ID.

Alterius causam capitis) Gabinium ante annum, quum Cicero ab exilio revocatus est, in causa capitis ab eo defensum esse negant Markl. et Wolf. ad h. l.

Provinciarum foedere irretiti) Notum est P. Clodium tribunum pl. provinciam Syriam Gabinio, Macedoniam Pisuni sponddisse, ut se in Cicerone in exilium eiicendo adiuvarent. GRAEV.

Deus salutis nostrae) Sic Lambinus, Graev. Ern. Ambr. Plerique codd. MSS. *deus, salus nostrae vitae.* TYP.

Tribunus plebis) Sex. Atilius.

Ut patefactum est) Quia postero die intercessit quum se moram nullum esse facturum dixisset. MAX.

pta est. Postea res acta est in senatu alia nulla, et quum variis rationibus impediretur, voluntate tamen perspecta senatus, causa ad vos mense Ian. deferre-
 43 tur. Hic tantum interfuit inter me et inimicos meos. Ego, quum homines in tribunali Aurelio palam conscribi centuriarique vidissem; quum intelligerem, veteres ad spem caedis Catilinae copias esse revocatas; quum viderem ex ea parte homines, cuius partis nos vel principes numerabamur, partim quod mihi inviderent, partim quod sibi timerent, aut proditores esse, aut desertores salutis meae; quum duo consules, empti pactione provinciarum, auctores se inimicis reipublicae tradidissent; quum egestatem, avaritiam, libidines suas viderent expleri non posse, nisi me constrictum domesticis hostibus dedidissent; quum senatus equitesque romani flere pro me, ac, mutata veste, vobis supplicare edictis atque imperiis velarentur; quum omnium provinciarum pactiones, quum omnia cum omnibus foedera, reconciliationes gratiarum, sanguine meo sancirentur; quum omnes boni non recusarent, quin vel pro me, vel mecum perirent; armis decertare pro mea salute nolui, quod potui, quoniam et vincere et vinci luctuosum reipublicae fore putavi. At inimici mei mense Ian. quum
 44

*Postea — ad vos mense Ian. deferre-
 rebatur*) Ita Wolfius edidit e codd. Lambini aliisque. Vulgo legebatur *postea — alia nulla, quum variis rationibus impediretur, et voluntate tamen perspecta senatus causa, ad vos m. I. deferre-
 batur.*

In tribunali Aurelio) Quum Clodius infimorum hominum, et servorum collegia institueret contra senatus auctoritatem. FRA.

Revocatas) *Renovatas* codd. Vrs. Barb. Guelf. alii.

Constrictum) Edd. vetl. *conflictum* Ald. et seqq. *constrictum*; Graevius malebat *afflictum*.

At inimici mei, menses Ian.) Post affectatam crebritatem sententiarum mirifice offendit haec exilitas, quae minime animum explei suspensi auditoris. Quae in re praestat periodus eiusdem argumenti in altera Or. §. 6, unde hic nuda clausula reddidit, quasi spirito in superioribus exhausto. De verbis comparandus est locus Parad. I, 3: «Scipiones adventum

de me ageretur, corporibus civium trucidatis, flumine sanguinis meum reditum intercludendum putaverunt.

VI. Itaque quum ego afui, eam rempublicam habuistis, ut aequae me atque illam restituendam putaretis. Ego autem, in qua civitate nihil valeret senatus, omnis esset impunitas, nulla iudicia, vis et ferrum in foro versarentur; quum privati se parietum praesidio, non legum tuerentur; tribuni plebis, vobis inspectantibus, vulnerarentur; ad magistratum domos cum ferro et facibus iretur, consulis fasces frangerentur, deorum immortalium templaincenderentur: rempublicam esse nullam putavi. Itaque neque, res publica exterminata, mihi locum in hac urbe esse duxi; nec, si illa restitueretur, dubitavi, quin me secum ipsa reduceret. An ego, quum mihi esset ex-¹⁵ploratissimum, P. Lentulum proximo anno consulem futurum, qui illis ipsis reipublicae periculosissimis temporibus aedilis curulis, me consule, omnium meorum consiliorum particeps periculorumque socius fuisset; dubitarem, quin is me, confectum consularibus vulneribus, consulari medicina ad salutem reduceret? Hoc duce, collega autem eius, clementissimo

Carthaginiensium corporibus suis intercludendum putaverunt ». His addidit Orator *flumen sanguinis*, haud male; vellemus modo, orationis flumen minus obstructum esset. Neque id multum levatur particula *Itaque*. Nam dum expectabas, ut de furore inimicorum *mente Ian.* (quod pulchre repetitur) plura narrarentur compilata e Sext. cap. 35, subito rursus reuiceris ad consilia protectionis in exilium. Conf. in Sen. cap. 13. Quamquam admissa sunt nonnulla, quae multo post illam rem acciderunt, neque adeo in causis protectionis afferri

debebant. Vnde, si alibi usquam, intelligitur, Declamatoris crassam negligentiam rerum nil nisi sonantia verba quiescere. Eodem in loco etiam ieiunum est illud, *omnis esset impunitas*, neque sensui nec auribus satisfacit. Tanto splendidiura sunt, quae sequuntur: *Quum privati — tuerentur, Tribuni pl. — deorum immortalium*, usque ad novum *Itaque*. Taedium est, omnia persequi et ad exactam regulam redigere. Wolf.

Exploratissimum) Recte negat Wolfius hoc Ciceroni exploratum fuisse.

atque optimo viro, primo non adversante, post etiam adjuvante, reliqui magistratus paene omnes fuerunt defensores salutis meae. Ex quibus excellenti animo, virtute, auctoritate, praesidio, copiis, T. Annius et P. Sextius, praestanti in me benivolentia et divino studio exstiterunt. Eodemque P. Lentulo auctore, et pariter refrente collega, frequentissimus senatus, uno dissentiente, nullo intercedente, dignitatem meam quibus potuit verbis amplissimis ornavit, salutem vobis, municipiis coloniisque omnibus commendavit.

16 Ita me nudum a propinquis, nulla cognatione munitum, consules, praetores, tribuni plebis, senatus, Italia cuncta, semper a vobis deprecata est: denique omnes, qui vestris maximis beneficiis honoribusque sunt ornati, producti ad vos ab eodem, non solum ad me conservandum vos cohortati sunt, sed etiam rerum mearum gestarum auctores, testes, laudatores fuerunt.

VII. Quorum princeps ad cohortandos vos, et ad rogandos fuit Cn. Pompeius, vir omnium, qui sunt, fuerunt, erunt, virtute, sapientia ac gloria princeps: qui mihi unus uni privato amico eadem omnia dedit, quae universae reipublicae, salutem, otium, dignitatem. Cuius oratio fuit, quemadmodum accepi,

Uno dissentiente) Alii Clodium intelligunt; alii Atilium: addi poterat et alter Tribunus huius aoni, Quintus, etiam Praetor Appius: quorum trium causa modo dicebatur, magistratus paene omnes. Conf. ad Orat. in Sen. §. 23. Sed in talibus ubique Auctor carissimum Clodium suum in animo habuit. Vide in Sen. §. 26, pro Domo §. 14, cuius loci fortasse immemor erat Ferratius, quum nostro loco S. C. in templo Viriutis facti mentionem fieri cense-

bat. Wolf.

Ita me nudum — cognatione munitum) Pauperculi ingenii est talis repetitio eorundem verborum ex §. 7, quum nusquam utitur summus Orator. De suo hic adiecit §. 7, omnes Consules, omnes Praetores, magnifici aoni causa, ut coniicio. Id.

Ab eodem) Lentulo.

Cuius oratio fuit) De orationis Pompeianae partitione nihil dum accepisse videtur Cicero, quando, sex mensibus post, defendens Sextium

tripartita. Primum vos docuit, meis consiliis rempublicam esse servatam, causamque meam cum communi salute coniunxit; hortatusque est, ut auctoritatem senatus, statum civitatis, fortunas civis bene meriti defenderetis: tum in perorando posuit, vos rogari a senatu, rogari ab equitibus romanis, rogari ab Italia cuncta: denique ipse ad extremum pro mea vos salute non rogavit solum, verum etiam obsecravit. Huic ego homini, Quirites, tantum debeo, quantum ¹⁷ hominem homini debere vix fas est. Huius consilia, P. Lentuli sententiam, senatus auctoritatem vos sequuti, in eò me loco, in quo vestris beneficiis fueram, iisdem centuriis, quibus collocaratis, reposuistis. Eodem tempore audistis eodem ex loco summos viros, ornatissimos atque amplissimos homines, principes civitatis, omnes consulares, omnes praetorios, eadem dicere, ut omnium testimonio per me unum rempublicam conservatam esse constaret. Itaque quum P. Servilius, gravissimus vir, et ornatissimus

ista dicebat l. c. Videlicet haec de tripartita oratione ficta sunt a ficto homine, qui ne didicerat quidem, quid esset, thema ad artis regulas distribuere; cuius imperitiae vel ipsae Orationes eius insignia sunt specimina. Putavit igitur satis esse, si orationem suam temere congestam pro calce coagulareret tribus particulis, *primum*, *tum*, *denique*, ut nemo lectorum de tribus partibus dubitaret. At si *denique* pertinet ad tertiam partem, iam secunda habuit *perorationem*, quam nimirum apud veteres interdum sequebatur nova *amplificatio*, qua de re vide Facciolatum ad Cic. pro Quint. cap. 30, et l. C. Th. Ernestii Lexicon. technol. Lat. rhet. p. 20. Verum parcamus inducto scri-

ptori, cuius ratio vel potius deliratio non desinet esse, quod erat antea, etsi eam omnibus modis subletemus. Praeterea notandum est verbum *posuit*, quod proprium est in scripta oratione, non in dicta: neque vero pro concione Pompeius de scripto dixisse videri potest. Et quoniam erant statim illi *ros*, qui rogantur a *senatu*, ab *equitibus*, ab *Italia cuncta*? Nulli reliqui sunt ex populo romano, praeter urbanam plebem et subrostranos. WOLF.

Iisdem centuriis—reposuistis) Quid haec sibi velint, planius explicat Manutius: Ut centuriatis comitiis consul factus som, sic lege centuriatis comitiis lata restitutus. WOLF.

Itaque quum P. Servilius) Hinc

civis, dixisset, opera mea rempublicam incolumem magistratibus deinceps traditam, dixerunt in eandem sententiam ceteri. Sed audistis eo tempore clarissimi viri non solum auctoritatem, sed etiam testimonium, L. Gellii: qui, quia suam classem attentatam magno cum suo periculo paene sensit, dixit in concione vestra: *si ego consul, quum fui, non fuisset, rempublicam funditus interituram fuisse.*

novam sententiam allatum iri putes: at omnino eadem loquitur vir gravissimus, quae naves priores, aeternam cantilenam, per illum unum conservatam esse rempublicam. Atque iam recantant ~~certat~~ quoque. Sed audistis eo tempore — Quid? vivis L. Gellii non solum auctoritatem, sed etiam testimonium, testantis, si ego consul non fuisset etc. Dixit hoc Gellius, quia — sensit vel paene sensit etc. Sperabat forsitan scriptor, hoc paene a benigno lectore ad attentatam classem pertrahi posse; qua benignitate et ad alias res hic magnopere opus est. At quam dicit classem? Nihil de hac re legitimus apud Ciceronem. Coniecit ergo Manutius, classem populi in comitiis a Clodianis corruptam esse, cui forte custos affuerit Gellius. Sed ita causa non erat addendi magno cum suo periculo. Quare probabilior est coniectura Ferratii, cuius haec sunt verba ad h. l.: A. V. 688 prima coniuratio a Catilina sociisque inita est, teste Sallustio cap. 14; eodem tempore Pompeius bellum piraticum gerebat apparatu, quem describit Florus III, 6, 8; ubi est Gellius Tusco mari impositus: Classem, qua is Gellius in Asia Pompeii, cuius legatus erat, Tuscum mare tuebatur, attentaverant coniurati. Id quom ipse sensisset, vidit,

quomto cum suo periculo in patriam Catilina insurrexerit; potuitque testimonium dicere: *Si Cicero consul non fuisset* etc. Probarit haec etiam Ernestius; sed ideam vidit male cohaerentes sententias et aliquid simile interpolationis. Ergo, *si sustuleris*, inquit, *nemo sentiat*. At nihili est talis ratio, nisi aliunde appareat, aliquid mala manu in bona scripta intrusum esse: immo furtum est ea lex simpliciter posita, non Criticorum. Quid enim? Si totus liber per malam manum consarcinatus est, si pleraque in eo glossematum similia reperiuntur? Neque profecto iacturam sentiremus, si quis totam Orationem ante multa secula penitus sustulisset, ac tinnis blattisque pabulum nhiecisset. Ne multa: detractis aliquot verbis (numerus non ponit Ernestius) aliquid deesset ad mensuram numerorum, et mala omissum esset tempus atque occasio testimonii ab homine dicti. Hanc autem occasionem et ipsam rem ex bono auctore parum opportune h. l. excerptam posuit. Nam, quom hic L. Gellius videatur esse idem, qui Ciceronem ob Catilinae coniurationem detectam civica corona donandum censuerat (Gell. N. A. V, 6), illud testimonium ex superiore tempore huc male tractum esse apparet. WOLF.

VIII. En ego tot testimoniis, Quirites, hac aucto-¹⁸
ritate senatus, tanta consensione Italiae, tanto studio
bonorum omnium, agente P. Lentulo, consentienti-
bus ceteris magistratibus, deprecante Cn. Pompeio,
omnibus hominibus faventibus, diis denique immor-
talibus, frugum ubertate, copia, vilitate, reditum
meum comprobantibus, mihi, meis, reipublicae re-
stitutus, tantum vobis, quantum facere possum,
Quirites, pollicebor: primum, qua sanctissimi homi-
nes pietate erga deos immortales esse solent, eadem
me erga populum romanum semper fore; numenque
vestrum aequae mihi grave et sanctum, ac deorum
immortalium, in omni vita futurum: deinde, quoniam
me in civitatem respublica ipsa reduxit, nullo me
loco reipublicae defuturum. Quod si quis existimat,¹⁹
me aut voluntate esse mutata, aut debilitata virtute,
aut animo fracto, vehementer errat. Mihi, quod po-
tuit vis et iniuria et sceleratorum hominum furor
detrahare, eripuit, abstulit, dissipavit; quod viro
forti adimi non potest, id manet et permanebit. Vidi
ego fortissimum virum, municipem meum, C. Marium
(quoniam nobis, quasi aliqua fatali necessitate, non
solum cum his, qui haec delere voluissent, sed etiam

Vilitate) Quo tandem modo Cicero
tam impudenter coram populo men-
tiri potuisset, qui ad Atticum IV, 1,
ipse narrat eo biduo (post reditum
scil. suum) aequonae summam cari-
tatem fuisse, et homines ad theatrum
primo, deinde ad senatam concur-
risse, quem plebis tumultum fusius
narrat Dio Cass. lib. XXXIX, cap. 19.
Ergo hoc etiam loco, argumentis a
Marklando et Wolfio expositis, qui-
bus hanc orationem Ciceroi abiudi-
carunt, maximus cumulus accedit.

Quantum facere possum) H. e.
Quantum polliceri possum. Vide Ben-
gellii notam ad Famil. V, 12. Vero
Ernestio displicet verbum *facere*, cui
hic nullus est locus. De repelito no-
mine *Quiritium* conf. §. 84.

*Numenque vestrum aequae mihi
grave et sanctum*) Acrius exagitat
haec Marklandus in Deos contumelia,
impiaeque adulatio, ut ipsius verbis
aitur. Sed iustificatur a Gesnero Ci-
cero iisdem exemplis, quibus ille uti-
tur ad impietatem arguendam. TIT.

cum fortuna belligerandum fuit); eum tamen vidi, quum esset summa senectute, non modo non infracto animo propter magnitudinem calamitatis, sed confirmato atque renovato. Quem egomet dicere audivi, tum se fuisse miserum, quum careret patria, quam obsidione liberavisset; quum sua bona possideri ab inimicis ac diripi audiret; quum adolescentem filium videret eiusdem socium calamitatis; quum in paludibus demersus, concursu ac misericordia Minturnensium corpus ac vitam suam conservasset; quum parva navicula traiectus in Africam, quibus regna ipse dederat, ad eos inops suppletque venisset: recuperata

Tum se fuisse miserum) Hoc quem admodum Oratorie instituto congruat, fatetur se nescire Holomenus, neque acutiores sese praestitit Gruterus. Ego priori assentio, corrigenti non fuisse miserum. MARKL. Necesse videbatur eruditus negetionem adicere, quia in extremis legimus, Mario *virtutem animi* nunquam defuisse i. e. fortitudinem, constantiam, firmitatem animi; quae omnia, tanquam vocabula eandem rem significantia inter se permutantur. At vero iuxta negatio ex alia parte vitiat et de loco detrudit sententiam. Etenim qui post exantictas calamitates *confirmato atque renovato animo* esse dicitur, nonne is tum, quum illas calamitates perferret, putandus erit enim *demisso, fracto, afflicto esse?* quo qui est, nonne eum dicimus *miserum*? Deinde quid aliud hic spectavit Orator, nisi ut semetipsum cum Mario compararet? ipse cutem si nunc negaret, in exilio se miserum fuisse, quis ei fidem habiturus esset? Neque edeo haec tibi fidem praebeat Cicero, sive verus, sive personatus. Or. pro Sext. cap. 22:

« Neque in hoc me hominem esse infitior nequem » etc. pro Domo cap. 36: « Accipere magnum atque incredibilem dolorem, non nego » etc. Quia rumor erat in populo, ex dolore eum prope mentis errore affectum fuisse. Epp. ad Att. III, 13. Postremo *miserum* se h. l. dixisse Marium, ex eo quoque intelligitur, quod e verbis *recuperata sua dignitate* aperte fit progressio ad contrarium. Denique aperta est causa, cur ad finem periodi pervenire nequiverit scriptor sine foedo lapsu. Nam quum sensisset, edditis istis, *quam nunquam perdidisset*, ambitum verborum concinniorum fore, maluit potius aliquid absurdum et quod cum prioribus pugnaret apponere, quam lectorem nove elegantia defraudare. Ita se res habet; nisi forte dixerit, *virtutem* viri tum, quum *miser* circumerraret, modo occulta tam et oppressam fuisse, vel tandem forsau paludibus demersam, unde ipse posthac nudae limoque obrutus extrahebatur. VOLFF.

Regna ipse dederat) Bello Lugurthino. FARR.

vero sua dignitate, se non commissurum, ut, quum ea, quae amiserat, sibi restituta essent, virtutem animi non haberet, quam nunquam perdidisset. Sed hoc inter me atque illum interest, quod ille, qua re plurimum potuit, ea ipsa re inimicos suos ultus est, armis; ego, qua consuevi, utar: quoniam illi arti in bello ac seditione locus est, huic in pace atque otio. Quamquam ille animo irato nihil nisi de inimicis ulciscendis agebat, ego de ipsis inimicis tantum, quantum mihi respublica permittet, cogitabo.

IX. Denique, Quirites, quoniam me quatuor omnino genera hominum violarunt; unum eorum, qui odio reipublicae, quod eam ipsis invitis conservavam, mihi inimicissimi fuerunt; alterum, qui per simulationem amicitiae nefarie prodiderunt; tertium, qui, quum propter inertiam suam eadem assequi non possent, inviderunt laudi et dignitati meae; quartum, qui, quum custodes reipublicae esse deberent, salutem meam, statum civitatis, dignitatem eius imperii, quod erat penes ipsos, vendiderunt: sic ulciscar genera singula, quemadmodum a quibusque sum provocatus: malos cives, rempublicam bene gerendo; perfidos

Flar). *Pietate* additur in edd. vet. et eodd. aliquot MSS. Id quum in alijs desit, Lambinus et Graev. pro glossemate deleverunt. Lambinus vel *lenitate* scribendum, vel *arte dicendi* intelligendum putabat. Voluis miratur uerbinem dixisse voc. *arte* absorptum similitudine verbi precedentis *utar*.

Quatuor omnino genera hominum) Pro Sext. §. 46, sex genera distinguuntur. Variandi causa quadripartitam orationem, eamque paulo negligentius, *facere* placuit Rhetori nostro. Sed oratum addidit: v. c. ubi Ci-

cero dixerat simpliciter *inviderent*, adiecit *laudi et dignitati meae*. Ante *nefarie* dicerem deesse *me*, nisi aliquoties talia pronomina abessent vitio scriptoris. Deinde incertum est, utrum *genera singula* legi oportent, an *facinora singula*. In extremis, revocando — *repetendo*, graviter minatur facturum se esse, quod septem vel octo post moribus fecit dicendum secundo sententia *de provinciis consularibus*, quae exstat hodieque. Scilicet tam diu ante meditatam erat illud et cum urbana plebe commuicatum. WOLF.

amicos, nihil credendo, atque omnia cavendo; invidos, virtuti et gloriae serviendo; mercatores provinciarum, revocando domum, atque ab iis provinciarum rationem repetendo. Quamquam mihi maiori curae est, quemadmodum vobis, qui de me estis optime meriti, gratiam referam, quam quemadmodum inimicorum iniurias crudelitatemque persequar. Etenim ulciscendae iniuriae facilior ratio est, quam beneficii remunerandi, propterea quod superiorem esse contra improbos, minus est negotii, quam bonis exaequari: tum etiam ne tam necessarium quidem est, male meritis, quam optime meritis, referre quod debeas. Odiun vel precibus mitigari potest, vel temporibus reipublicae communique utilitate deponi, vel difficultate ulciscendi teneri, vel vetustate sedari. Bene

Superiorem esse — negotii) In hoc membro dupliciter suspecta est Latinitas; et in illo, *bonis exaequari*, imperite expressa sententia. Facilius excusari possunt sequentia, ubi Graevius aliquid scholasticum uotabat in *male meritis et optime meritis*, alienumque a maiestate Tulliana. Multum epim hic variant MSS. Quamobrem Garatonius elici voluit posterius *meritis*, ut ex glossemate illatum, eoque scripturam plano Tullianam fieri ait. Id.

Odiun vel precibus mitigari — memoriam beneficii definire) Rorsus aerumnose se exercet artifex in studio antithetorum. Sed incommode accidit, quod odia apud Ciceronem nunquam deponantur enim tertio aut sexto caso, nec tenetur vel retinetur apud illum aliquid *difficultate*. Etiam ineptius est nec *id reipubl. repetere*, quam constantem lectionem librorum alii aliter accipere vel

emendare conati sunt, sine ulla probabilitate utrumque. Manutius quidem coniecit *petere*, Graevius *dare*, Ernestius *remittere*, Holomanus *nec id reip. temporibus unquam necesse est*; uostro Cellario *repetere* videbatur esse *instantanter petere* etc. Quot Intpp., tot sententiae. Quid tamen vulgata iam sibi velit, ex contrariis divinare licet: scilicet, nullam reipubl. necessitatem ullo pacto obstaré posse, quin bene de nobis meritos colamus. At emendare talia, quid est aliud, quam male formata incudi reponere? Docet accuratior cogitatio, paria paribus hic respondere noluisse, re ipsa quodammodo repugnante: ita Declamatori iam in prima apodosis haerebat aqua; quam *precibus* aliquid reddendum esset. Adeo in hoc genere scribendi negotium levius est, protases per aliquot membra deducere, quam membra cuius apodosis suam accommodare. LXX.

meritos quin colas, nec exorari fas est, nec id reipublicae repetere utcumque necesse est, neque est excusatio difficultatis, neque aequum est, tempore et die memoriam beneficii definire. Postremo qui in ulciscendo remissior fuit, mox aperte laudatur: at gravissime vituperatur, qui in tantis beneficiis, quanta vos in me contulistis, remunerandis est tardior: neque solum ingratus, quod ipsum grave est, verum etiam impius appelletur necesse est. Atque in officio persolvendo dissimilis est ratio et pecuniae debitae, propterea quod pecuniam qui retinet, non dissolvit; qui reddidit, non habet: gratiam et qui retulit, habet, et qui habet, dissolvit.

X. Quapropter memoriam vestri beneficii colam benevolentia sempiterna, non solum dum anima spirabo mea, sed etiam quum mortuo monumenta vestri in me beneficii permanebunt. In referenda autem gratia hoc vobis repromitto, semperque praestabo, mihi neque in consiliis de republica capiendis, diligentiam; neque in periculis a republica propulsandis, animum; neque in sententia simpliciter referenda, fidem; neque in hominum voluntatibus pro republica laedendis, libertatem; nec in perferendo labore, industriam; nec in vestris commodis augendis, gratam animi benevolentiam defuturam. Atque haec cura, Quirites, 25

Atque in officio — dissolvit) Haec quia in MSS. nonnullis absunt, interpolata esse Gruevius suspicabatur et hic quidem ex libro II de Offic. c. 10, Wolfius ex Orat. pro Plancio c. 28, hoc translata putat sive ab auctore ipso, sive ab interpolatore, ut malae manus peior supervenerit.

Sed etiam quum mortuo) Heumannus corrigebat *me mortuo*, Supra quoque cap. 9, *qui nefarie pro-*

diderunt, scil. me. Tyr.

In sententia simpliciter referenda) Saepe a tribunis producebatur ad populum senator uliquis, ut in palam referret, quod actum fuerat in senatu. FARR. *Simpliciter*, est nulli habita ratione hominis aut potentia, aut invidi, sed ut ius, utilitas et tempus reip. postulabit. GRAEV. — *Referenda* legendum esse arbitrantur ELD. Garaton.

erit infixæ animo meo sempiterna, ut, quum vobis, qui apud me deorum immortalium vim et numen tenetis, tum posteris vestris, cunctisque gentibus dignissimus ea civitate videar, quæ suam dignitatem non posse tenere se, nisi me recuperasset, cunctis suffragiis iudicavit.

ORATIO
PRO DOMO SVA
AD PONTIFICES



DE ORATIONE

PRO DOMO SUA

AD PONTIFICES

(SCHWITZ Prolegomenon Cap. III.)

Postquam Cicero, Pisone et Gabinio cons. lege a Clodio lata, ut qui civem Romanum indemnatum interemisset, ei aqua et igni interdiceretur, reus factus, urbe cesserat, statim Clodius ad populum tulit, ut Ciceroni aqua et igni interdictum esset, et ne intra quingenta millia passuum ab Italia tecto recipere-tur, ac ne quis de eo revocando mentionem neque in senatu neque ad populum faceret, (qua in lege tamen Cicero ad Att. III 4 illud correctum fuisse scribit, ut sibi ultra quadringenta millia liceret esse). Deinde Ciceronis domum in Palatio incen-dit, areamque Libertati consecravit, eiusque simulacrum in ea constituit; villas quoque aliquot expilavit et inflammavit. Quo de scelere Cic. de legg. II, c. 17: *omnia, inquit, tum perdi-torum civium scelere, discessu meo, religionum iura polluta sunt, vexati nostri Lares familiares, in eorum sedibus exaedi-ficatum templum Licentiae*. Cicero autem ab exilio revocatus statim id egit, ut sibi domus restitueretur, et illa e Clodii con-secratione orta religio auctoritate senatus et pontificum decreto tolleretur. Sequuta igitur est de domo Ciceroni restituenda sum-ma contentio. De qua Cicero sic narrat epist. 2, lib. IV, ad Atticum: *Diximus apud pontifices pridie Kal. Octobres. Et si unquam in dicendo fuimus aliquid, aut etiam si nunquam*

alias fuimus, tum profecto dolor et (rei) magnitudo vim quandam nobis dicendi dedit. Itaque oratio iuventuti nostrae deberi non potest, quam tibi, etiam si non desideras, tamen nittam cito. Quum pontifices decreissent ita: SI NEQUE POPULI IVSSU, NEQUE PLEBIS SCITU, IS QUI SE DEDICASSE DICERET, NOMINATIM EI REI PRAEFECTVS ESSET, NEQUE POPULI IVSSU AVT PLEBIS SCITU ID FACERE IVSSVS ESSET, VIDERI POSSE SINE RELIGIONE EAM PARTEM AREAE MI RESTITVI; mihi facta est statim gratulatio. Nemo enim dubitabat quin domus nobis esset adiudicata. Tum subito ille (Clodius) in concionem ascendit, quam Appius ei dedit. Nuntiat iam populo, pontifices secundum se decrevisse, ne autem vi conari in possessionem venire. Hortatur ut se et Appium sequantur, et suam libertatem ut defendunt. Hoc quum etiam illi infini partim admirarentur, partim irriderent hominis amentiam, ego statueram illuc non accedere, nisi quum consules ex senatusconsulto porticum Catuli (quam de Cimbricis manubiis Q. Lutatius Catulus fecerat una cum Ciceronis domo a P. Clodio eversam) restituendam locassent. Kal. Octobr. habetur senatus frequens. Adhibentur omnes pontifices, qui erant senatores, a quibus Marcellinus, qui erat cupidissimus mei, sententiam primus rogatus, quaesivit, quid essent in decernendo sequuti. Tum M. Lucullus de omnium collegarum sententia respondit, religionis iudices pontifices fuisse, legis (Clodiae) senatum; se et collegas suas de religione statuisse, in senatu de lege statuturos. Quisque horum, loco sententiam rogatus, multa secundum causam nostram disputavit. Quum ad Clodium ventum est, cupiit diem consumere, neque ei finis est factus; sed tamen quum horas tris fere dixisset, odio et strepitu senatus coactus est aliquando perorare. Quum fieret senatusconsultum in sententiam Marcellini, omnibus praeter unum assentientibus Serranus (trib. pl.) intercessit. De intercessione statim ambo consules referre coeperunt. Quum sententiae gravissimae dicerentur, senatui placere mihi domum restitui, porticum Catuli locari, auctoritatem ordinis ab omnibus magistratibus defendi; si quae vis esset facta, senatum existimaturum, eius opera factum esse, qui senatusconsulto intercessisset: Serranus

pertinuit; et (Ca. Oppius) Cornicinus (Serrani socer) ad suam veterem fabulam rediit, abiecta toga, se ad generi pedes abiecit. Ille noctem sibi postulavit; non concedebant. Reminiscantur enim Kalendas Januarias. Vix tamen de mea voluntate concessum est. Postridie senatusconsultum factum est id, quod ad te misi. Deinde consules porticum Catuli restituendam locarunt; illam porticum (atrium Libertatis a Clodio aedificatum) redemptores statim sunt demoliti libentissimis omnibus. Nobis superficies aedium consules de consilii sententia aestimarunt HS vices; cetera valde illiberaliter; Tusculanam villam, quingentis millibus, Formianum HS ducentis² quinquaginta millibus, quae aestimatio non modo vehementer ab optimo quoque, sed etiam a plebe reprehenditur. Certum igitur hoc est, Ciceronem de domo sibi restituenda apud pontifices dixisse. Eiusque orationis Quintilianos quoque mentionem facit X, 1, 23; ubi dicit utile esse plurium oratorum de eadem causa orationes inter se comparare. *Quin etiam*, inquit, *easdem causas ut quisque egerit, utile erit scire. Nam pro domo Ciceronis* (scil. praeter Ciceronem ipsam) *dixit Calidius*: nimirum M. Calidius Lentulo Spinthere cos. praetor designatus. Vtrum vero haec ipsa, quae nunc Ciceronis nomine fertur, eadem sit, quoniam ipse habuerit apud pontifices, et in qua sibi, et loco supra allato ad Atticum scripsit, ipse mirifice placuit, magna quaestio est. Ac veterum quidem scriptorum nemo fere repertus est, qui eam Ciceroni tribueret, praeter Aquilam Romanum et Iulium Rufinianum. Ille quidem ubi de figura praeteritionis agit c. VIII (p. 149 ed. Rubin.) haec habet: *Item de domo sua contra Clodium*: Videsne non radicitus evellere totum tribunatum et cetera, inquit. *Quae praetermittere se ait, nihilo minus dicit.* Respicit Aquila locum orat. pro domo c. 13 ubi tamen sic legitur: *Videsne me non radicitus evellere omnes actiones tuas?* Alium locum affert idem c. XVIII (p. 160): *Quis est iste Lollius* (debebat scribere *Sergius*) *armiger Catilinae, stipator tui corporis, concitator tabernariorum, percussor, latrator* (debebat esse *lapidator*) *fori, depopulator curiae.* Iulius Rufinianos autem c. IX (p. 203) hoc loco utitur: *de domo sua apud pontifices*:

Tibi literas ille misit? quas? aut nunquam misit, aut si misit, in concione recitari noluit. Itaque sive ille misit, sive tu protulisti, certe consilium tuum de honore Catuli nudatum est. Quae tamen in ipsa, quae sub Ciceronis nomine exstat, c. 9, paulo aliter leguntur sic: *quas aut nunquam tibi ille literas misit, aut si misit, in concione recitari noluit; aut sive ille misit, sive tu finxisti, certe consilium tuum de Catonis honore illarum literarum recitatione patefactum est.* Praeter istos citatur e cap. 5a locus: *Quem ego tamen credo a Servio ad Virgilium VIII, 269, item e c. 17 verba: Vobismetipsis Pontifices* etc. a Prisciano XII, p. 947. Illos igitur credibile est istam quam nunc habemus orationem de Domo ante oculos habuisse, etsi quaedam memoriter potius allegasse quam e libro descripsisse videntur.

Ipsa autem oratio, quae nunc inscribitur, *pro domo ad pontifices*, verius fortasse inscriberetur *de domo apud pontifices*, ipsa dispositione et ordine partium facile prodit scriptoris ingenium a Ciceronis via et ratione in adornandis orationis partibus mirum quantum abhorrens. Nam quod Quintilianus in praefatione lib. VII de institutione oratoria dicit, orationem carentem hac virtute dispositionis tumultuari, et sine rectore fluitare nec cohaerere sibi, multa repetere, multa transire, velut nocte in ignotis locis errantem, nec initio nec fine proposito, casum potiusquam consilium sequi, id profecto ad hanc declamationem sic accommodari potest, ut nihil aptius de ea dici posse videatur. Quam enim Ciceroni id propositum esset, ut domus suae a Clodio eversae et Libertati dedicatae aream religione liberaret; declamator statim post exordium, quo pontificum sacerdotium eiusque dignitatem paucis verbis laudaverat, in Clodium invehitur, atque, quoniam ille demens, si ea quae ipse per hos dies in senatu de republica senserit vituperasset, aliquem se adiutum ad pontificum aures esse habiturum putaret, se *ordinem dicendi suum* omisurum, hominisque furiosi non orationi sed convicio responsurum. Iam e Ciceronis narratione ad Att. IV, 1, intelligitur se pridie Kal. Octobres apud pontifices de domo dixisse; postea demum Clodium concionem habuisse, in qua

populo nuntiavit pontifices secundum se decrevisse; Kal. Octobr. autem postquam multi senatores secundum Ciceronis causam statuissent, Clodium diem consumere cupientem tres fere horas dixisse, donec odio et strepitu coactus sit aliquando perorare. Itaque orationis, quae sub Ciceronis nomine exstat, initium non solum ab eius in disponendo consuetudine, sed etiam ab ipso rerum gestarum ordine discrepat. Quum enim statim c. 2 ad Clodium perstringendum accedat, rem ipsam de qua agebatur, omittit. Quod vero ibi Clodio obiicitur: *Fuisti tu, inquit, apud pontifices superior, sed iam quoniam te ad populum contulisti, sis inferior necesse est*; id prorsus cum illa Ciceronis narratione conciliari non potest. Si Clodius in concione dixerat *pontifices secundum se decrevisse*, quomodo nunc dicere posset, Cicero-nem apud pontifices superiorem fuisse? Et cap. 3 Clodii furores, quibus Ciceronem urbe cedere coegerat, ineptissime con-glutinantur cum turbis illis post Ciceronis reditum ex annonae caritate et frumenti inopia excitatis. Tum sequitur usque ad cap. 12 longa et putida defensio sententiae, quam Cicero in senatu dixerat, ut Pompeio cura et potestas rei frumentariae per quin-quennium daretur. Taudem, c. 15, declamator intelligit se plu-ra extra causam dixisse, quam aut opinio tulerit aut voluntas sua; atque causam de domo in ius religionis, et in ius reipu-blicae distributam esse, se tamen de iure religionis nihil dictu-rum, quod id scilicet aut arrogans, aut stultum, aut curiosum sit; itaque statim pergit ad causam ex iure publico defenden-dam. In quo primum demonstrat, Clodium non fuisse tribu-num; propterea quod quum per adoptionem ad plebem trans-ierit, adoptio ista non sit iure pontificio facta, c. 13, 14; prae-terea quum nefas sit agi cum populo quum de caelo servatum sit, ostendit eo die quo lex curiata de eius adoptione lata di-catur, augures de caelo servasse, c. 15: legem vero Caeciliam et Didiam de promulgatione legis per triuudinum neglectam esse, c. 16. Sed si vel maxime Clodius iure ac lege tribunus fuisset, quaerit, quo iure, quo more, quo exemplo legem no-minatim de capite civis tulerit; vetare enim leges sacratas et XII tabulas leges privis nominibus irrogari, hoc est privilegia

prohibere; denique totam iudicii formam a iure et more iudiciorum populi abhorruisse demonstrat; c. 17, 18. Sequitur ipsius formulae, qua Clodius in lege contra Cicronem usus fuerat, reprehensio, pro gravitate rei, de qua agebatur, minuta et putida. Quum enim scriptum esset in lege *velitis iubeatis ut M. Tullio aqua et igni interdictum sit*, auctor orationis eum, vel potius Sex. Clodium, quo istum in conscribenda lege usum esse fingit, vituperat quod non potius scripserit *interdicatur*. Iam, c. 20, reprehenditur, scriptum esse in Clodii lege: *quod M. Tullius falsum senatusconsultum* (de coniuratis scilicet Catilinae ad supplicium ducendis) *retulerit*. Deinde illam legem etiam propterea vitiosam esse ostenditur, quia in ea, quod per legem Caeciliam et Didiam fieri non licuerit, de pluribus coniunctis rebus uno sortitu sit latum. Postremo totam istam Clodii rogationem per vim latam esse demonstratur c. 21-27. Sequitur longa et putida reprehensio maledicti, quo Clodius Cicronem exulem appellaverat, c. 28-34; cui subiungitur excusatio iudicii de se ipso, quod Clodius eum iusto gloriosius de se praedicare solere dixerat, c. 35: denique defensio adversus eos, qui ei discessum e patria, antequam condemnatus esset, obiecerant; c. 36, 37. Iam tandem ad ipsam causam de qua agebatur, accedit, postulatque a Pontificibus ut sibi domus restitatur, eiusque area falsa dedicationis a Clodio factae religionem solvatur; illam enim consecrationem prorsus illegitimam fuisse, quae tum aliis argumentis, tum potissimum eo demonstratur, quod sit adversus legem Papiriam facta, qua cautum esset ne quis iniussu plebis aedes, terram, aram consecraret; c. 38-56. Concluditur oratio invocatione Iovis, aliorumque deorum, in qua tamen turpissimum est ἀναξάνειονον, et ultima pontificum commouitione, qua se domo carere sine maxima ignominia republicae suo dedecore ac dolore non posse demonstrat, eosque ut eam sibi restituant obtestatur.

ORATIO

PRO DOMO SVA

AD PONTIFICES

I.

Quum multa divinitus, Pontifices, a maioribus nostris inventa atque instituta sunt; tum nihil praeclarius, quam quod eosdem et religionibus deorum immortalium, et summae reipublicae praeesse voluerunt; ut amplissimi et clarissimi cives rempublicam bene gerendo, pontifices¹ religiones sapienter interpretando, rempublicam conservarent. Quod si ullo tempore magna causa in sacerdotum populi romani iudicio ac potestate versata est: haec profecto tanta

Quum multa divinitus — instituta sunt) Praeclare instituerunt maiores nostri, ut Pontifices unoquam non simul sint Senatores, ita ut iidem, duplicem personam sustinentes, partim sententiis in Senatu dicendis, partim religionibus interpretandis, reipubl. utilitati consulant. In his verbis primum *summae reipubl. praeesse* de senatoria dignitate dictum est, in quo quid arguari liceat, non reperimus, praesertim contra posito munere Pontificum: quod munus etsi ipsam quoque ad rempubl. pertinebat, tamen *summae reipubl.* administratio haud dubie dici potuit esse penes Senatum, omnis publici con-

silii principem. Deo *amplissimi et clarissimi cives* vocantur Senatores; ilque dicuntur *rempubl. gerendo*, sicut Pontifices *religionibus interpretando, conservare rempublicam*. Hic satisne eleganter an affectatione quadam elegantiae iteretur *rempublicam*, non quaerimus, verum id ferri, certe non nimis obscurum videri, debebat. W.

Pontifices) Minores, absente Pontifice Max. C. Caesare, qui tum in Gallia bellum gerebat. MAX.

(1) Vocabula *Pontifices* et *rempublicam* uncis inclusit Eru. ut interpolata. Wolfius tamen ab auctore scripta esse contendit.

est, ut omnis reipublicae dignitas, omnium civium salus, vita, libertas, arae, foci, dii penates, bona, fortunae, domicilia, vestrae sapientiae, fidei, potestatique commissa creditaque esse videantur. Vobis hodierno die constituendum est, utrum posthac amentes ac perditos magistratus improborum ac sceleratorum civium praesidio nudare, an etiam deorum immortalium religione armare malitis. Nam si illa labes ac flamma reipublicae suum illum pestiferum et funestum tribunatum, quem aequitate humana tueri non potest, divina religione defenderit: aliae caerimoniae nobis erunt, alii antistites deorum immortalium, alii interpretes religionum requirendi. Sin autem vestra auctoritate sapientiaque, Pontifices, ea, quae furore improborum in republica, ab aliis oppressa, ab aliis deserta, ab aliis prodita, gesta sunt, rescinduntur: erit causa, cur consilium maiorum in amplissimis viris ad sacerdotia deligendis, iure ac merito laudare possimus. Sed quoniam ille demens, si ea, quae ego per hos dies in senatu de republica sensi, vituperasset, aliquem se aditum ad aures vestras esse habiturum putavit: omittam ordinem dicendi meum; respondebo hominis furiosi non orationi, qua ille uti non potest, sed convicio, cuius exercitationem quum intolerabili petulantia, tum etiam diuturna impunitate munivit.

Aliae caerimoniae — requirendi) Commotus vir, et fieri solet, multo plus malorum impendere seculis, quam nos, a Clodio nihil metuentes. Nimia tamen videri haec possunt, atque ooo oratoria, sed declamatoria: ex quo genere etiam illa mox paulo ante, *omnium civium salus, vita*, quae res profecto in hac causa in discrimen cadere non poterat; ne quid addam

de reliquis tot tam cumulatis vocibus. Neque vidi apud veteres, ubi ita dicebatur *flamma reipubl.* aut *procella patriae* aut *turbo et tempestas pacis* §. 137, et similia maledicta, quae partim usu Latinitatis, partim ratione carent. WOLF.

De republica sensi) De Pompeio rei frumentariae per quinquennium praefectore.

II. Ac primum illud a te, homine vesano ac furioso, requiro, quae te tanta poena tuorum scelerum flagitiorumque vexet, ut hos tales viros, qui non solum consiliis suis, sed etiam specie ipsa dignitatem reipublicae sustinent, quod ego in sententia dicenda salutem civium cum honore Cn. Pompeii coniunxerim, mihi esse iratos, et aliud de summa hoc tempore religione sensuros, ac me absente senserint, arbitrere. « Fuisti tu, inquit, apud pontifices superior: sed iam, quoniam te ad populum contulisti, sis inferior, necesse est. » Itane vero? quod in imperita multitudine est vitiosissimum, varietas et inconstantia, et crebra, tanquam tempestatum, sic sententiarum commutatio, hoc tu ad hos transferas, quos ab inconstantia gravitas, a libidinosa sententia certum et de-

Quae te tanta poena tuorum scelerum) H. e. quae te vexet dementia, *Στοβιλία*. Conf. de H. R. c. 18, et similes locos ap. Rubenium ad Velleum II, 57 extr. W.

Etiā specie ipsa) Maiestatem quandam oris et corporis interpretatur Manutius: etiam insignia honoris splendoremque vitae ac dignitatis addit Graevius. Tu praeferas, utrum malis; parum hisce fulcris fidendum erit ad rempubl. sustinendam. Rident, puto, pueri puellaeque, si quis de Pontifice novae Romae purpuratisque eius comitibus dixisset, eos decore corporis vel insignibus sustinere ecclesiae dignitatem. Aliquanto melius exprimitur illa sententia §. 133: « Viri, qui sua dignitate personam populi Rom. auctoritatem imperii sustinerent. » W.

Aliud de summa — senserint) Quomodo aptum his rebus dicatur *summa religio*, non assequor, quocumque illud sensu sumatur. *Hoc tempore*

abest a Franc. Barb. T. et aliis, neque admodum placet haec verborum collocatio. Seqq. verba *me absente* referunt Iulpp. ad tempus ante reditum Ciceronis, quo etiam locum trahunt de H. R. c. 6 extr. Nihil de ea re apud Ciceronem ipsum legitur. Wolf.

Me absente) Quum factum est S. C. ut pecunia publica restituerentur Ciceroni domus et villae, quas Clodius diruerat: ut colligitur ex epist. 1, lib. IV ad Altic. FRAN.

Me absente) Fortasse quod, ut Garatonius putabat, M. Calidius iam absente Cicerone domum eius defenderat Quintil. Inst. or. X, 1.

Te ad populum contulisti) Quod populo scil. flagitante frumentariam curationem Pompeio mandati; quum pontifices, qui erant iidem senatores ab extraordinariis imperiis abhorreant. Sic recte inip. Era. et Wolf. — Lambidus scribendum esse putabat, *te ad Pompeiū contulisti*, T₃

finitum ius religionum, vetustas exemplorum, auctoritas literarum monumentorumque deterret? «Tunc es ille, inquit, quo senatus carere non potuit? quem boni luxerunt? quem respublica desideravit? quo restituto, senatus auctoritatem restitutam putabamus? quam primum adveniens prodidisti?» Nondum de mea sententia dico. Impudentiae primum respondebo tuae.

- 5 III. Hunc igitur, funesta reipublicae pestis, hunc tu civem ferro et armis, et exercitus terrore, et consulum scelere, et audacissimorum hominum minis, servorum delectu, obsessione templorum, occupatione fori, oppressione curiae, domo et patria, ne cum improbis boni ferro dimicarent, cedere curasti, quem a senatu, quem a bonis omnibus, quem a cuncta Italia desideratum, arcessitum, revocatum, conservandae
6 reipublicae causa, confiteris? «At enim in senatum venire, in Capitolium intrare turbulento illo die non debuisti.» Ego vero neque veni, et domo me tenui, quamdiu turbulentum tempus fuit: quum servos tuos ad rapinas, ad bonorum caedem paratos, cum illa tua consceleratum ac perditorum manu, armatos, etiam in Capitolium tecum venisse constabat.

Exercitus terrore) Recte Holoth. Mauut. alii intelligunt Caesaris Galliae procos. exercitum, quem ille tunc ad urbem movebat, quum legem de Cicerone Clodius ferret.

Templorum) *Aedes Castoris* significatur.

Hunc — domo — cedere curasti) Holoth. Mauut. non meminerat, se similem loquutionem apud Ciceronem reperire. Ego gauderem, si quis tale exemplum ex ullo auctore prosae orationis erueret posset. Vitalum enim, curasti ut hic cederet. Atque etsi Cicero pro

Roscio Amer. c. 36, recte scribit, *eius hominem occidendum (esse) curavit*, non tamen ad eundem modum progredi licebit, *hunc occidendum esse curasti*. MARKL. Vt lenissime dicamus, hyposoloea est ista constructio, ignavum vero ipsum verbum *curandi* pro cogendo, praesertim in huiusmodi dictione: *curavit Clodius ferro, armis* etc. Quare nemo succensebit Lambino, contra fidem librorum emendanti coegisti. WOLF.

Turbulento illo die) Commota plebs propter annonae caritatem.

Quod quum mihi nuntiaretur, scio me domi mansisse, et tibi et gladiatoribus tuis instaurandae caedis potestatem non fecisse. Posteaquam mihi nuntiatum est, populum romanum in Capitolium, propter metum atque inopiam rei frumentariae, convenisse; ministros autem scelerum tuorum perterritos, partim amissis gladiis, partim ereptis, diffugisse: veni non solum sine ullis copiis ac manu, verum etiam cum paucis amicis. An ego, quum P. Lentulus consul, optime de me ac de republica meritis, quum Q. Metellus, qui, quum meus inimicus esset, frater tuus, et dissensionis nostrae et precibus tuis salutem ac dignitatem meam praetulisset, me arcesserent in senatum; quum tanta multitudo civium, tam recenti officio suo, me ad referendam gratiam nominatim vocarent, non venirem; quum praesertim te iam illinc cum tua fugitivorum manu discessisse constaret? Illic tu me etiam custodem defensoremque Capitolii, templorumque omnium, hostem Capitolinum appellare ausus es, quod, quum in Capitolio senatum duo consules haberent, eo venirem? Vtrumne est tempus aliquod, quo in senatum venisse turpe sit? an res illa talis erat, de qua agebatur, ut rem ipsam repudiare, et eos, qui agebant, condemnare deberem? 8

IV. Primum dico senatoris esse boni, semper in senatum venire: nec cum his sentio, qui statuunt minus bonis temporibus in senatum ipsi non venire;

Scio) Inepte h. l. scio positum monuit Wolf. nisi forte scripserit declamator scito.

Verum etiam cum paucis amicis) Scilicet hac quoque iunctura nli solet Cicero, ut periodi membra connectat per particulas non solum, verum etiam. Sed hic tae prorsus ridiculae sunt, et exspectes potius, sine telo,

sive pugione, quam cum paucis amicis. Conf. similia in Sen. §. 32. Wotr.

Officio suo) Eruestius sine libris edidit beneficio suo.

Ipsi non venire — fuisse) Haec omnia offendere debent cum, qui in Ciceroe suo nihil otiosi aut putidi perferre didicit. Omnino totus locus linguet ac friget mirum in modum. W.

non intelligentes, hanc suam nimiam perseverantiam vehementer iis, quorum animum offendere voluerunt, gratam et iucundam fuisse. At enim nonnulli, propter timorem, quod se in senatu tuto non esse arbitrabantur, discesserunt. Non reprehendo: nec quaero, fueritne aliquid pertimescendum. Puto, suo quemque arbitrato timere oportere. Cur ego non timuerim, quaeris? Quia te illinc abiisse constabat. Cur, quum viri boni nonnulli putarint, tuto se in senatu esse non posse, ego non idem senserim? Cur, quum ego me existimassem tuto omnino in civitate esse non posse, illi non item? An aliis licet (et recte licet) in meo metu sibi nihil timere: mihi uni necesse erit, et meam et aliorum vicem pertimescere?

- 9 An, quia non condemnavi sententia mea duo consules, sum reprehendendus? Eos igitur ego potissimum damnare debui, quorum lege perfectum est, ne ego indemnatus, atque optime de republica meritis, damnatorum poenam sustinerem? Quorum etiam delicta, propter eorum egregiam in me conservando voluntatem, non modo me, sed omnes bonos ferre oporteret, eorum optimum consilium ego potissimum, per eos in meam pristinam dignitatem restitutus, consilio repudiarem meo? At quam sententiam dixi?
- 10 Primum eam, quam populi sermo in animis nostris iam ante defixerat; deinde eam, quae erat superioribus diebus agitata in senatu; deinde eam, quam

Illi non item?) Sic e cod. Bargaei Manutius (et Lallemaudus) edidit probantibus aliis. Vulgo sine sensu: *illuc iram*. — Sensu quidem, sed falso; *illuc*, in Capitolium. T.

In animis nostris) *Vestris*, in omnibus Oxon. et aliis libris, multo rectius est et aptius. At fuitiles nugae esse puto, quod *Senatus* nunc dicitur

frequens, et distinguitur tamen in seqq. *quum omnes adessent*, id est fortasse, *frequentissimus*, ut in Sen. §. 25. In quo etiam mirabilius est, eos dici affuisse et de rescuendis actis referre ausos esse, qui aotea *propter timorem discessissent*, §. 8. Quem cuius alium nisi istos novissimos eam rem commovisse credamus? W.

senatus frequens, tum, quum mihi est assensus, sequentus est: ut neque allata sit a me res inopinata ac recens, nec, si quod in sententia vitium est, magis sit eius, qui dixerit, quam omnium, qui probarint. At enim liberum senatus iudicium propter metum non fuit. Si timuisse eos facis, qui discesserunt: concede, non timuisse eos, qui remanserunt. Sin autem sine iis, qui tum afuerunt, nihil decerni libere potuit: quum omnes adessent, coeptum est referri de inducendo senatusconsulto. Ab universo senatu reclamatum est.

V. Sed quaero, in ipsa sententia, quoniam princeps egosum eius atque auctor, quid reprehendatur. Vtrum causa capiendi novi consili non fuit? an meae partes in ea causa non praecipuae fuerunt? an alio potius confugiendum fuit? Quae res, quae causa maior esse, quam fames, potuit, quam seditio, quam consilia tua tuorumque; qui, facultate oblata, ad imperitorum animos incitandos, renovaturum te tua illa funesta latrocinia ob annonae causam putarunt? Frumentum provinciae frumentariae partim non habebant; partim in alias terras, credo, propter varietatem venditorum miserant; partim, quo gratius esset tum, quum in ipsa fame subvenissent, custodiis suis clausum continebant, ut subito novum mitterent. Res erat non in opinione dubia, sed in praesentia, atque ante oculos

Libere) Ernestio videbatur sententia requirere, iure, legitime.

Alio potius) Non ad Pompeium. M.

Propter varietatem venditorum)

Quid hoc sit, aenu dixerit. Graevius inspiciebatur legendum propter avaritiam venditarum. — Familiari cuidam meo videbatur varietatem positum esse pro inconstantiâ, cui verbo et supra §. 4 iungebatur, ut signi-

ficaretur mutata consuetudo et vulgus eorum, qui frumentum annuatim potius Romam quam in alia loca vehendum curaverant: sicut Virgilio est *varium et mutabile semper femina*. Non raro fit in hac oratione, ut sensum obscurum reddat imperite accepta aut minus utilata verbi significatio. WOLF.

In praesentia) Sic eodd. longe pla-

proposito periculo: neque id coniectura prospiciebamus, sed iam experti videbamus. Nam, quum ingravesceret annona, ut iam plane inopia ac fames, non caritas timeretur; concursus est ad templum Concordiae factus, senatum illuc vocante Metello consule. Qui si verus fuit, ex dolore hominum et fame; certe consules causam suscipere, certe senatus aliquid consilii capere potuit. Sin causa fuit annona, seditionis quidem instimulator et concitator tu fuisti: nonne id agendum nobis omnibus fuit, ut materiem subtraheremus furori tuo? Quid, si utrumque fuit, et ut fames stimulare homines, et tu in hoc ulcere, tanquam unguis, existeres? nonne fuit eo maior adhibenda medicina, quae et illud nativum et hoc delatum malum sanare posset? Erat igitur et praesens caritas, et futura fames. Non est satis, facta lapidatio est. Si ex dolore plebei, nullo incitante; magnum malum; si P. Clodii impulsu; usitatum hominis facinorosi scelus; si utrumque, ut et res esset ea, quae sua sponte multitudinis animos incitaret, et parati atque armati seditionis duces; videturne ipsa respublica et consulis auxilium implorasse, et senatus fidem? Atqui utrum-

rini, ut praesenti mendosum videretur. Auctor, ut consilio, praesentiam opponere voluit dubiae opinioni, non autem dicere in praesenti periculo. WOLF.

Ad templum Concordiae) Antea concursus factus est in Capitolium, ibique habitus Senatus; id quod repetitur §. 15. An sibi licere credidit hic Cicero, quocumque loco vellet, concitare motus et habere Senatum? Max. verus concursus est talis, qui oritur nullo capite, nemine incitante, ut dicitur §. 12, vel, qui ceusum habet in ea re ipsa, quam affluunt

vulgi turbatores. Ernestio haec forma loquendi merito videtur durior esse: nihili enim esset concursus falsus aut fictus. Paulo maiori specie ab eodem defenditur verbum *potuit*, ubi aptius fuisset *debuisset*. WOLF.

Seditionis quidem) Melius esset autem, indice Wolfio. T.

Et hoc delatum malum) *Ενίστατος* dicitur in Odyssae, quod h. l. *delatum*, nulla, quod sciam, veterum auctoritate. Neque omnino certa est scriptura: aliquot MSS. habent *delectum*, ut quatuor Oxon. Sed id vitiosum visum est eruditis. WOLF.

que fuisse perspicuum est, difficultatem annonae, summamque inopiam rei frumentariae, ut homines non iam diuturnam caritatem, sed ut famem plane timerent: nemo negat. Hanc istum otii et pacis hostem causam arrepturum fuisse ad incendia, caedes, rapinas, nolo, Pontifices, suspicemini, nisi videritis. Qui sunt homines a Q. Metello, fratre tuo, consule, in senatu palam nominati, a quibus ille se lapidibus appetitum, etiam percussum esse dixit? L. Sergium et M. Lollium nominavit. Quis est iste Lollius? qui sine ferro ne nunc quidem tecum est: qui, te tribuno plebis, nihil de me dicam, sed qui Cn. Pompeium interficiendum depoposcit. Quis est Sergius? armiger Catilinae, stipator tui corporis, signifer seditionis, concitator tabernariorum, damnatus iniuriarum, percussor, lapidator, fori depopulator, obsessor curiae. His atque huiusmodi ducibus, quum tu in annonae caritate in consules, in senatum, in bona fortunasque locupletium, per causam inopum atque imperitorum, repentinos impetus comparares; quum tibi salus esse in otio nulla posset; quum, desperatis ducibus, decuriatos ac descriptos haberes exercitus perditorum: nonne providendum senatui fuit, ne in hanc tantam materiem seditionis ista funesta fax adhaeresceret?

VI. Fuit igitur causa capiendi novi consilii. Videte nunc, fuerintne partes meae paene praecipuae. Quem tum Sergius ille tuus, quem Lollius, quem ceterae pestes in lapidatione illa nominabant? quem annonam

Pompeium interficiendum depoposcit) Nihil de his Lollii insidiis Ciceronem, aut Asconium adorat. pro Milone narrasse, Wolfius monuit.

Imperitorum) In edd. vet. nonnullis, et codd. MSS. aliquot peregrinorum,

Decuriatos) Decuriare et centuriare passim usurpatur pro conscribere. Hor.

Adhaeresceret?) Graevio placebat ne in hac tanta memoria — facit adhaeresceret.

praestare oportere dicebant? nonne me? quid? puerorum illa concursatio nocturna tum a te ipso instituta? Me frumentum flagitabant. Quasi vero ego aut rei frumentariae praefuissem, aut compressum aliquod frumentum tenerem, aut in isto genere omnino quidquam aut curatione aut potestate valuissem. Sed homo ad caedem imminens, meum nomen operis ediderat, imperitis iniecerat. Quum de mea dignitate, in templo Iovis Optimi Maximi senatus frequentissimus, uno isto dissentiente, decrevisset: subito, illo ipso die, carissimam annonam nec opinata vilitas consequuta est. Erant, qui deos immortales (id quod ego sentio) numine suo reditum meum dicerent comprobasse. Nonnulli autem illam rem ad illam rationem coniecturamque revocabant, qui quod in meo reditu spes otii et concordiae sita videbatur, in discessu autem quotidianus seditionis timor, iam paene belli depulso metu, commutatam esse annonam dicebant: quae quia rursus in meo reditu facta erat durior, a me, cuius adventu fore vilitatem boni viri dictitabant, annona flagitabatur.

VII. Ego denique non solum ab operis tuis, impulsu tuo, nominabar, sed etiam, depulsis ac dissipatis tuis copiis, a populo romano universo, qui tum in Capitolium convenerat, quum illo die minus vale-
46 rem, nominatim in senatum vocabar. Veni expectatus. Multis sententiis iam dictis, rogatus sum senten-

Concursatio nocturna tum a te ipso instituta?) Sic Ern. ex ingenio, quem sequuti sunt Wolf. et Beck. Vulgo *nocturna? num* —

Ad illam) Eruestius malebat: *nonnulli autem rem ad illam*. Gesnerus: *nonnulli autem illam rem ad aliam* —

Dictitabant) Ern. sine libris correxit *dictitabant*.

Quum illo die minus valerem) Non admodum grave fuisse videtur periculum: alioquin de hac valetudine iam antea dicendi locus fuerat. Sed id membrum bene facit amplificandam periodo. Wolt.

tiam. Dixi reipublicae saluberrimam, mihi necessariam. Petebatur a me frumenti copia, annonae vilitas; quasi possem aliquid in ea re gerenda; non habebatur. Flagitabar bonorum expostulatione. Improborum convicia sustinere non poteram. Delegavi amico locupletiori, non quo illi, ita de me merito, onus illud imponerem (succubissem enim potius ipse), sed quia videbam id, quod omnes: quod nos de Cn. Pompeio polliceremur, id illum fide, consilio, virtute, auctoritate, felicitate denique sua facillime perfecturum. Itaque, sive hunc dii immortales fructum mei reditus populo romano tribuunt, ut quemadmodum discessu meo frugum inopia, fames, vastitas, caedes, incendia, rapinae, scelerum impunitas, fuga, formido, discordia fuisset: sic reditu meo ubertas agrorum, frugum copia, spes otii, tranquillitas animorum, iudicia, leges, concordia populi, senatus auctoritas, mecum simul reducta videantur: sive egomet aliquid adventu meo, consilio, auctoritate, diligentia, pro tanto beneficio populo romano praestare debui: praesto, promitto, spondeo. Nihil dico amplius: hoc, quod satis est huic tempori, dico, rempublicam annonae nomine, in id discrimen, quo vocabatur, non esse venturam. Num igitur in hoc officio, quod fuit praecipue meum, sententia mea reprehenditur.

Non habebatur) Si lectio vera, Wolfius monuit, id huic scriptori significare posse, *nihil aderat, nihil suppetebat sil. frumenti*. Varietatem vel scripturae vel emendationis exposcit Beck.

Populo Romano) Edd. Lamb. Grut. Ern. *populi Romani*.

Sententia mea reprehenditur) Vnus Oxon. *reprehendatur*, non infelici vitio, al vitio tamen. Rhetor intel-

lexit, puto, *iure reprehenditur*. Moz Eruestius edidit *a peste*, ubi Graevius post alios multos *a peste*, uti statim ab omnibus scribitur *a caede*. Hic notabilis est ipsa phrasis, *rem eripere ex (a) peste periculi*; illud autem *επιτιμία*, quod e caede et vilitate iterum Cicero eripuit cives suos, vix ab his receptus in patriam. Iam quae sil *res maxima*, ex superioribus intelligitur, annona. Tum nemo negat

18 ditur? Rem maximam eripui a peste summi periculi, non solum eam, sed etiam vos a caede, incendiis, vastitate: nemo negat; quum ad causam caritatis accederet isto speculator communium miseriarum, qui semper in reipublicae malis sceleris sui faces inflam-

VIII. Negat oportuisse quidquam uni extra ordinem decerni. Non iam tibi sic respondebo, ut ceteris: Cn. Pompeio plurima, periculosissima, maxima, terra marique bella extra ordinem esse commissa: quarum rerum si quem poeniteat, eum victoriae populi romani
 49 necesse est poenitere. Non ita tecum ago. Cum his haec a me haberi oratio potest, qui ita disputant, se, si qua res ad unum deferenda sit, ad Cn. Pompeium delaturos potissimum; sed se extra ordinem nihil cuiquam dare: quum Pompeio datum sit, id se, pro dignitate hominis, ornare ac tueri solere. Horum ego sententiam ne laudem, impedior Cn. Pompeii trium-

genus loquendi est graviter asseverans, etiam supra sic interpositum, quod alibi non temere reperias. Porro, si quid mutandum est, malum cum Ernestio *inflamavit*. Wolf. Et sic edidit Schützius. T.

Necesse est) Haec in recentioribus edd. omissa e MSS. compluribus et edd. vet. ante Victor. restituerunt Graev. et Wolf.

Horum ego sententiam ne laudem) Quam sententiam, vel potius, nostram partem sententiae? Nam sentire illos dixit, primum, se extra ordinem nihil cuiquam dare; deinde, Pompeio se libenter dare, saltem non invidere. Igitur de priore sententia nunc loqui putandus est Orator. Eam ipse quidem non admodum probat, quippe qui aperte egerat suasorem et fautorum extraordinariorum imperiorum

in Orat. pro L. Manilio, at constantiam tamen probat, qua sibi quoque ulcendum fuerat. Nempe ipsi faciunt, quod soleat, quum Pompeio extra ordinem nihil decernunt: aequae enim omnibus id negant. Ego quoque, inquit, quod ante feceram, in Mithridatico bello ad Pompeium deferendo, idem nunc feci in cura rei frumentariae eidem extra ordinem decernenda: et quam in aliis constantiam probat, eadem in me ipsam delectat. Sic enarrat haec Manilius, quibus num quidquam nugacius esse potest? Sed statim apparebit, quorsum arripere per has nugae cupiat Declamator. Invekturus est in Clodii levitatem et inconstantiam, qui quum nuper quendam rogatione regem Cyprae et regno et regia gazae spoliasset (cf. pro Sext. c. 26 seqq. Dio Cass. XXXVII, 30;

phis; quibus ille, quum esset extra ordinem ad patriam defendendam vocatus, auxit nomen populi romani, imperiumque honestavit: constantiam probo, qua mihi quoque utendum fuit, quo ille auctore extra ordinem bellum cum Mithridate Tigraeneque gessit. Sed cum illis tamen possum aliquid disputare: tua²⁰ vero quae tanta impudentia est, ut audeas dicere, extra ordinem dari nihil cuiquam oportere? qui quum lege nefaria Ptolemaeum, regem Cypri, fratrem regis Alexandrini, eodem iure regnantem, causa incognita, publicasses, populumque romanum scelere obligasses; quum in eius regnum, bona, fortunas, latrocinium huius imperii immisisses, cuius cum patre, avo, maioribus societas nobis et amicitia fuisset: huius pecuniae deportandae, et, si quis suum defenderet, bello gerendo M. Catonem praefecisti. Dices, quem virum! ²¹ sanctissimum, prudentissimum, fortissimum, amicissimum reipublicae, virtute, consilio, ratione vitae, mirabili ad laudem, et prope singulari. Sed quid ad

Velleins II, 45, et plures ibi laudatos), Catone ad eam rem delegato, scil. extra ordinem; nunc Ciceronis legem de Pompeio itidem extra ordinem rei frumentariae praeficiendo culpae adest. WOLF.

Latrocinium huius imperii immisisses) Oxon. omnes cum plerisque reliquis MSS. praebent *patrocinium*, quod vitiosum arguit res ipsa et acce vocabulum *immittere*. Bene quidem vidit Gruterus, id vocabulum durius esse, quam quo de republ. uti debuerit Cicero ad Senatores populi Romani, sicut de Clodio nititur §. 107 et 122. Sed parum illo novit hunc Scriptorem, qui dum Clodium insectetur, ne Senatui quidem parcat, nec populo, Clodium acelus pro-

neque honori sermonis. Quis enim ante hunc dixit, *homines publicare*? Itaque gravius hic Cicero noster vocat *latrocinium*, quod alter pro Sexi, §. 62, *turpitudinem et maculam in republ. haerentem*. Ergo non est dubium, quin veram lectionem ediderint Victorius et qui hunc sequuti sunt, ut Ernestius; qui tamen aliam offensionem vidit in formula *imperii latrocinium*. At divinitus sibi ipse respondens, Plura sunt eiusmodi, inquit, in hac Oratione. Ceterum non opus est, ut mox, eodem et Lambino iubente, legatur *si is*. Atque ne *is* quidem delari necesse erat: olim enim legebatur *si quis suum ius defenderet*.

Sed quid ad te) Catonis laudes innot factum non excusant. Nam si iuris

te, qui negas esse verum, quemquam ulli reipublicae extra ordinem praefici?

IX. Atque in hoc solum inconstantiam redarguo tuam, qui in ipso Catone, quem tu non pro illius dignitate produxeras, sed pro tuo scelere subduxeras; quem tuis Sergiis, Loliis, Titiis, ceterisque caedis et incendiorum ducibus, obieceras; quem carnificem civium, quem indemnatorum necis principem, quem crudelitatis auctorem fuisse dixeras: ad hunc, honorem et imperium extra ordinem nominatim rogatione tua detulisti; et tanta fuisti intemperantia, ut illius
 22 tui sceleris rationem occultare non posses. Literas in concione recitasti, quas tibi a C. Caesare missas diceret: CAESAR PVLCHRO; quum etiam es argumentatus, amoris esse hoc signum, quum nominibus tantum ute-

non est, ulli rei quemquam extra ordinem praefici, cur tu Catonem praefecisti? MAR.

Qui in ipso Catone, quem — subduxeras) Variatur dictum pro Sext. §. 60: «Noo illi ornandum M. Catonem, sed relegandum; nec illi committendum illud negotium, sed imponendum putaverunt: qui in concione palam dixerint, linguam se evellisse M. Catoni, quae semper contra extraordinarias potestates libera fuisset.» In istis nihil displicet nisi molestus lusus verborum, produxeras et subduxeras, hoc est, ipsa tota variatio. Nam *producere* quidem satis Latine dicitur pro *evehere*, seu, quod hodie vix ement, *promovere*; *subducere* autem vix Latinum est, illo sensu, quo hic positum animadvertit L. Badenus Opusc. Lat. p. 155, specie ornandi, sed re vera ad consilia sua improba tegenda *producere*. Item vix in tali loco defendi potest forma loquendi pro tuo scelere, soli concin-

nitati data, ut et in Sen. §. 12, pro *fortunis suis*. Praeterea recte vidit Ernestius, aliquid hic vitiosum esse, quum sententia imperfecta relinquatur post illud, qui in ipso C., neque vero ille vitium tollit coiecturis suis aut plena interpunctione post verbum *subduxeras*; melius alii locum inter *deavtawódora* referunt. Mibi si iam bene cognitus est hic Scriptor, iracundia, quae effertur in sceleretum Clodium, detrudit eum iusto tramite, ut costructionis tandem oblitus, in uno Clodio haerens, sic in viam revertatur, ad hunc etc. ubi hunc dicit Catonem, qui princeps fueret sententiae de Catilinariis capitali supplicio tradendis; quam ob rem ecerbe contumelia vocatur *carnifex civium* etc. WOTZ.

Quum nominibus tantum uteretur) Acute notat Lambinus scribendum quod cognominibus, ut familiaris praescriptio indicetur, qualis est ubique in notis Epistolis; Cicero Attico.

retur, neque adscriberet, PROCONSUL, aut TRIBUNO
PLEBIS: deinde gratulari tibi, quod idem in posterum.
M. Catonem tribunatu tuo removisses, et quod idem
in posterum de extraordinariis potestatibus liberta-
tem ademisses. Quas aut nunquam tibi ille literas
misit; aut, si misit, in concione recitari noluit; aut,
sive ille misit, sive tu finxisti, certe cōsiliū tuum
de Catonis honore illarum literarum recitatione pa-
tefactum est. Sed omitto Catonem, cuius eximia virtus,
dignitas, et in eo negotio, quod gessit, fides et con-
tinentia, tegere videntur improbitatem et legis et
actionis tuae. Quis homini post homines natos tur-
pissimo, sceleratissimo, contaminatissimo, quis illam
opimam fertilemque Syriam, quis bellum pacatissi-

Sed offendunt alia plura in hęc fabula
de literis a Caesare ex Gallia missis,
in primis male suspensus infinitivus
gratulari, et inepte repetita verba
quod idem in posterum. En priore loco
deleri volebat Guiljelmus. Id.

Et quod — libertatem ademisses)
Laude dignus est Hotomanus, quod
haec non intelligere se fatetur, nisi
suppleatur vel addatur intervadendi.
Aperta est etribliglo, nata ex studio
imitandi loci Ciceroniani pro Sext.
c. 28, unde apparet huiusmodi esse
sententiam: Qui idem (vel eidem)
in posterum contra extraordinarias
potestates dicendi libertatem ademisse-
sus. MARKL. Vitium unius litterae
adiectione emari posset, si legimus,
eidem, qui considerare laudem volue-
rit, facile, spero, concedet. GRAM.
Idem praeter Marklandum monue-
runt Guiljelmus et Vrainus. Quod
utinam salie mederetur vitio ecrimu-
nis. Mox Ernestius recte laesit in
tertio aut, idque mutandum censet in
at vel sed: quorum prius in veteri
quodam editione reperio. WOLT.

Libertatem ademisses) Catoni: ne
posset in posterum contra extraordi-
narias potestates verba facere. Quod
enim ipso accepisset, in aliis repre-
hendero non posset. Huc illud per-
tinet ex oratione pro Sextio: Qui in
concione palam dixerint, linguam se
evellisse M. Catoni, quae semper con-
tra extraordinarias potestates libera
fuisse. MAN.

Quis homini) Ernestius addidit ex
edd. pr. actionis tuae. Quid —

Quis bellum pacatissimis gentibus)
Notam peregrinitatis effugisset, si eic
scripisset, potestatem dedit bellum
inferendi pacatissimis gentibus. Hoc
enim voluit, quum dixit, quae bel-
lum dedit pacatissimis gentibus? Sum-
ptus est locus ex Or. pro Sext. ubi
de eodem Gabinio legimus cap. 43:
«Bellum inferre quiescentibus, ut
eorum veteres illibatasque divitias
etc.» MARKL. Si dicas excidiisse
librarii errore praepositionem cum,
nihil absurdi dixeris. Sed neque a
Ciceronis ratione abhorret, novius
bellum adiungere casum verbi bellare.

mis gentibus, quis pecuniam ad emendos agros constitutam, ereptam vi ex Caesaris rebus actis, quis imperium infinitum dedit? Cui quidem quum Ciliciam dedisses, mutasti pactionem, et Ciliciam ad praetorem item extra ordinem transulisti: Gabinio, pretio amplificato, Syriam nominatim dedisti. Quid? homini teterrimo, crudelissimo, fallacissimo, omnium scelerum libidinumque maculis notatissimo, L. Pisoni, nonne nominatim populos liberos, multis senatusconsultis, etiam recenti lege generi ipsius liberatos, victos et constrictos tradidisti? Nonne, quum ab eo merces tui beneficii, pretiumque provinciae, meo sanguine tibi esset persolutum, tamen aerarium cum eo partitus es? Itane vero? tu provincias consulares, 25 quas C. Gracchus, qui unus maxime popularis fuit,

Annotata olim sunt illius obtemperatio legibus, traditio Viteri, ereptio Mutina, reditus Brundisio. GEN. Haec ad diversam analogiam pertinent, quam omnino non temere sequuntur substantiva neutrius generis, quae non habent significationem actionis. Et quo loco in prosa oratione verbum bellandi aut pugnandi construitur cum dativo? Sed, ut hoc quoque feratur, nova oritur offensio in verbis, ereptam vi pecuniam ex Caesaris rebus actis, in quibus doctissimus quisque integriores libros oplabat. De scum nunc dunt feruntur opiniones, una Graevii, ut pecunia significetur decreta Caesari ad res in Gallia gerendas, per Clodium erepta ad ornandam Gabinii provinciam, Syriam: altera est Garatonii, ut res actae Caesaris sint eae, quas Caesar in consultu, Crasso et Pompeio adiutoribus, constituerat: quae quum novae fuerint plurimae, in iis agraria lex in primis celebris fuit, eadem,

quae magnam partem a Cicerone in Rullo impugnata est. Hac ex lege pecunia non parva in aerarium illata erat, quae deinceps agri essent ex eadem lege populo comparandi: quum pecuniam quum per vim abstulisset Clodius, eam Orator dicere potuit ereptam Caesaris rebus actis, quia a Caesaris assignatione avera fuerat, atque sic effectum, ut acta illius ne manerent, et constituto exitu nefarie fraudarentur. Haec posterior explicatio probabilior est atque adeo unice vera, etsi nihil probabile est in ipsa dictione. Ineptiae enim sunt verba, pecunia ex aliovis rebus sive actis sive agendis erepta. VOLF.

Generi ipsius) Scil. C. Iulii Caesaris. Intelligitur lex Julia de provinciis.

Quas C. Gracchus — decreta lege sanxit) Lege Sempronii de provinciis de qua vide Or. de Prov. cons. Sed quis unquam dixit decernere legem? quis potuit dicere, praesertim

non modo non abstulit ab senatu, sed etiam, ut necesse esset quotannis constitui per senatum, decreta lege sanxit; eas, lege Sempronia per senatum decretas, rescidisti? extra ordinem, sine sorte, nominatim dedisti, non consulibus, sed reipublicae pestibus? Nos, quod nominatim rei maximae, paene iam desperatae, summum virum, saepe ad extrema reipublicae discrimina delectum, praefecimus, a te reprehendemur?

X. Quid tandem? si; quae tum illis reipublicae tenebris caecisque nubibus et procellis, quum senatum a gubernaculis deiecisses, populum e navi exturbasses, ipse archipirata cum grege praedonum impurissimo plenissimis velis navigares; si, quae tum promulgasti, constituisti, promisisti, vendidisti, perferre potuisses, qui locus in orbe terrarum vacuus extraordinariis fascibus atque imperio Clodiano fuisset? Sed excitatus aliquando Cn. Pompeii (dicam ipso audiente,

de lege tribunitia? Idcirco refugant alii *rogata*, alii *lata*, alii audacia inducunt vocem, alii malunt *per Senatus decreta* s. *decretum*, vel denique *per Senatum decretas*. Quid vero est *provincias rescindere*? Dicunt, *decretum de provinciis rescindere*. Nempe id intelligi voluit Auctor; verum an ita velle liceat per Latinae linguae consuetudinem? Iam enim licebit Latine *rescindere* *templa*, *tecta*, *domos* etc. quo sensu *rescinduntur acta*, *res iudicatae*. Nolo iungere absurdam repetitionem eorundem verborum, quae declamatoribus innotere in deliciis est, quando vim oratoriam affectant. At Graevius nallet, *eas leges Sempronias tu rescidisti*, uli Frane. Dresd. et tres Oxonn. Adeo laborant et anguntur viri optimi in poliando opusculo. WOLZ.

Caenisque publicus) Etiam obditate colorum pulchre uti scilicet artifex in-

ster; dolendum est modo, cum tam celeriter ad vulgarem sermonem se demittere: si quae tum promulgasti — *perferre potuisses*, ubi in nonnullis MSS. est *perficere*, non *perferre*. Horum utrum alteri praeferas, nihil interesse, censet Garatonius. Vere. Nam neutrum aptum est omnibus, quae antecedunt, verbis: *perferre* magis ad remotissimum promulgasti, ad reliqua magis pertinet *perficere*. Ita novum hoc exemplum est perperam instituti zeugmatis. Id.

Sed excitatus — subvenit — erexit) Manifesta apparent vestigia verborum pro Sext. c. 31 iult., sed nonnullis, ut par erat, discrimine. Apud Ciceronem Pompeius ipse propria virtute excitat suam non sospitam, sed suspicionem aliqua retardatam consuetudinem reipubl. bene gerendae — necessitudo ad causam publicam: apud hunc excitatus (vi excitatus C. H. Ch.) do-

quod sensi, et sentio, quoquo animo me auditurus est), excitatus, inquam, aliquando Cn. Pompeii nimium diu reconditus et penitus abstrusus animi dolor, subvenit subito reipublicae, civitatemque fractam malis, mutam, debilitatam, abiectam metu, ad aliquam spem libertatis et pristinae dignitatis erexit. Hic vir extra ordinem rei frumentariae praeficiendus non fuit? scilicet tu heluoni spurcissimo, praegustatori libidinum tuarum, homini egentissimo et facinorosissimo, Sex. Clodio, socio tui sanguinis, qui sua lingua etiam sororem tuam a te abalienavit, omne frumentum privatum et publicum, omnes provincias frumentarias, omnes mancipes, omnes horreorum claves lege tua tradidisti. Qua ex re primum caritas nata est; deinde inopia. Impendebat fames, incendia, caedes, direptio; imminebat tuus furor omnium fortunis et bonis. Queritur etiam importuna pestis, ex ore impurissimo Sex. Clodii rem frumentariam esse ereptam, summisque in periculis, eius viri auxilium implorasse rempublicam, a quo saepe se et servatam et amplificatam esse meminisset. Extra ordinem ferri nihil

lor Pompeii subvenit reipubl. eamque erigit. Hoc sensit et sentit Orator, neque eum puduit sic iudicare de Pompeio, etiam ipso audiente, si vera est fabula. WOLF.

Mutam) Gracivius malebat nudatam, nimirum omni praesidio, omnibus vindicibus et custodibus, quum nemo auderet reip. causam suscipere et contra vim Clodii eam lueri. T.

Sex. Clodio, socio tui sanguinis) Quotusquisque horum verborum sensum assequeretur sine divinatione Manutii? Qui tibi socius erat in turpi amore sororis tuae. Alii correctam optabant facinoris; verum hoc Gracivius amandat ad Manutium. WOLF.

Abalienavit) Effecit, ut ipsa magis cum diligeret, quam te. MAX.

Ex ore impurissimo Sex. Clodii) Libidinum obscenitatem rursus exprobrans Clodio, non animadvertit, quam absurde in ore sedent res frumentariae. Quam rem si quis vernacula Germanorum Latinitate diceret ereptam ex dentibus hominis, profecto haud multo peius loqueretur. Rei ipsius causa vide Asconium in Pison. c. 4, et Dionem XXXVIII, 13, qui P. Clodii legem de annona tangunt, sed nihil de cura Sex. Clodio mandata, cuius ne Cicero quidem mentionem facit. WOLF.

placet Clodio. Quid? de me quod tulisse te dicis, patricida, fratricida, sororicida, nonne extra ordinem tulisti? An de peste civis, quemadmodum omnes iam dii atque homines iudicarunt, conservatoris reipublicae, quemadmodum autem tute ipse confiteris, non modo indemnati, sed ne accusati quidem, licuit tibi ferre, non legem, sed nefarium privilegium, lugente senatu, moerentibus bonis omnibus, totius Italiae precibus repudiatis, oppressa captaque republica: mihi, populo romano implorante, senatu poscente, temporibus reipublicae flagitantibus, non licuit de salute populi romani sententiam dicere? Qua quidem in sententia, si Cn. Pompeii dignitas aucta est, ²⁷ coniuncta cum utilitate communi, certe laudandus essem, si eius dignitati suffragatus viderer, qui meae saluti opem et auxilium tulisset.

XI. Desinant, desinant homines iisdem machinis sperare me restitutum posse labefactari, quibus antea stantem perculerunt. Quod enim par amicitiae consularis fuit unquam in hac civitate coniunctius, quam fuimus inter nos, ego et Cn. Pompeius? quis apud populum romanum de illius dignitate industrius, quis

Omnes iam dii—iudicarunt) Fatilis sententia. Vix intelligi licet, quomodo iudicavit dii, Ciceronem conservatorem reipubl. fuisse; nedum quomodo omnes dii. Infectius lamen intra §. 44: «Iam omnes urbes, omnes ordines, omnes dii atque homines iudicaverunt.» Paulo modestius §. 99: «Omnes mortales et privatum et publice iudicaverunt.» Id.

Qua quidem in sententia) Delerem particulem *in*, nisi verba etiam ex alia parte laborarent. Nam imperitia dictum est, *laudandus essem, si Pompeii dignitati suffragatus viderer.* At-

qui videri id fecisse debes; es enim suffragatus: qui igitur locus verbis infectis? Id.

Quid enim par amicitiae etc.) Scite indicat Ernestius, totam loquutionem insolentiorum esse. Id.

Quis apud populum Rom.—senatui dixit) Dicere apud, de publica oratione notatum est, dicere alicui de familiari sermone (Cicero scripsisset *in senatu dixit*, Sca.). In voce *industrius* desideres usum Ciceronis, qui potius dixisset *diligentius a. studiosius*, sed non omnino analogiam et auctoritatem: siquidem constat, pri-

- senatui saepius dixit? qui tantus fuit labor, quae sim-
 ultas, quae contentio, quam ego non pro illius di-
 gnitate susceperim? qui ab illo in me honos, quae
 praedicatio de mea laude, quae remuneratio benivo-
 28 lentiae praetermissa est? Hanc nostram coniunctio-
 nem, hanc conspersionem in republica bene gerenda,
 hanc iucundissimam vitae atque officiorum omnium
 societatem, certi homines fictis sermonibus et falsis
 criminibus diremerunt: quum iidem illum, ut me me-
 tueret, me caveret, monerent; iidem apud me, mihi
 illum esse uni inimicissimum, dicerent: ut neque ego
 ab illo, quae mihi petenda essent, satis audaciter pe-
 tere possem; neque ille, tot suspicionibus certorum
 hominum et scelere exulceratus, quae meum tempus
 29 postularet, satis prolixè mihi polliceretur. Data mer-
 ces est erroris mei magna, Pontifices, ut me non solum
 pigeat stultitiae meae, sed etiam pudeat: qui, quum
 me non repentinum aliquod meum tempus, sed ve-
 teres multo ante suscepti et provisi labores cum viro
 fortissimo et clarissimo coniunxissent, sim passus a
 tali amicitia distrahi; neque intellexerim, quibus aut
 ut apertis inimicis obsisterem, aut ut insidiosis amicis
 non crederem. Proinde desinant aliquando me iisdem
 inflammare verbis: Quid sibi iste vult? nescit, quan-
 tum auctoritate valeat, quas res gesserit, qua digni-
 tate sit restitutus. Cur ornat eum, a quo desertus est?
 30 Ego vero neque me tum desertum puto, sed paene

scos Latinos hoc comparativo usos
 esse. Vide I. G. Vossii de Analog. II,
 27. *Illustris*, quod placet nonnullis,
 et legitur in C. S. Ch., minus aptum
 foret verbo dicendi. De reliqui loci
 imprudentia, quum dicitur de *certis*
hominibus, insidiosis amicis etc. dif-
 ficile est, nostrum sensum communi-
 care cum lectoribus omnibus: sed

pluribus locis exempla talis impru-
 dentiae salis facile conspiciuntur,
 quae viro in republ. et illorum homi-
 num consuetudine versato imputari
 nequeant. W. — Hanc locum ex-
 plicat ad Att. II, 21, quo dicit, Pom-
 pelum omnibus a se petum et positum
 artis coloribus. 'Anon.

Sed paene delitum) Codd. aliquot

deditum; nec, quae sint in illa reipublicae flamma gesta contra me, neque quomodo, neque per quos, patefaciendum mihi esse arbitror. Si utile reipublicae fuit, haurire me unum pro omnibus illam indignissimam calamitatem, etiam hoc utile sit, quorum id scelere conflatum sit, me occultare et tacere. Illud vero est hominis ingrati tacere (itaque libentissime praedicabo), Cn. Pompeium studio et auctoritate, aequae ut unumquemque vestrum, opibus, contentione, precibus, periculis denique, praecipue pro salute mea laborasse.

XII. Hic tuis, P. Lentule, quum tu nihil aliud dies et noctes, nisi de salute mea cogitares, consiliis omnibus interfuit; hic tibi gravissimus auctor ad instituendam, fidelissimus socius ad comparandam, fortissimus adiutor ad rem perficiendam fuit; hic municipia coloniasque adiit; hic Italiae totius auxilium cupientis imploravit; hic in senatu princeps sententiae fuit; idemque quum dixisset, tum etiam pro salute mea populum romanum obsecravit. Quare istam orationem, qua es usus, omittas licet: post illam sententiam, quam dixeram de annona, pontificum animos esse mutatos: perinde quasi isti aut de Cn. Pompeio aliter, atque ego existimo, sentiant; aut, quid mihi pro exspectatione populi romani, pro Cn. Pompeii meritis erga me, pro ratione mei temporis faciendum

paene: Verius correxit *plane*. Nihil opus. In vulgato quasi ad complementum numerorum repetendo sibi ubique placet hic magister, ad Ciceronis scilicet exemplum. Supra §. 14: «Videte, fuerintne partes meae *paene* praecipuae.» Infra §. 123: «Verbis *paene* solemnibus.» Ad Quir. §. 17: «*paene* sensit.» In Sen. §. 31: «motatione vestis et *prope* luctu vo-

stro etc.» WOLF.

Idemque quum dixisset — obsecra-
vit) Haec ita sciame et inscite structa sunt, ut accurati quidam Iulpp. de lectionis veritate dubitarent. Neque tamen discrepant libri scripti vel editi: et *obsecratio* referenda est ad perorationem istius tripartitae concionis. Vide in Sen. c. 11, ad Quir. c. 7. In.

fuerit, ignorent; aut etiam, si cuius forte pontificis animum, quod certo scio aliter esse, mea sententia offendit, alio modo sit constituturus aut de religione pontifex, aut de republica civis, quam eum aut caerimoniarum ius, aut civitatis salus coegerit.

- 32 XIII. Intelligo, Pontifices, me plura extra causam dixisse, quam aut opinio tulerit, aut voluntas mea: sed quum me purgatum vobis esse cuperem, tum etiam vestra in me attente audiendo benignitas pro-
vexit orationem meam, Sed hoc compensabo brevitate

Eum) Sic Beckius ex emendatione Guelmii edidit. Vulgo aut de religione pontificum aut de republica quam eum —

Intelligo me plura extra causam dixisse) Auctor in oeconomia descriptionis imitatur quodammodo Sextianam, ubi vide §. 31. Sed *quodammodo*: nam nihil his omnibus fingi insulsius potest. Primum quamnam opinionem significat, ubi dicit *plura te dixisse quam opinio tulerit*? utrum suam, an auditorum? Id vero non tacendum erat, etiam posterius significari comiter credimus. Nam *plura te dixisse quam ipse opinatus esset*, loquutio est nimium absurda; et h. l. alienae opinioni subiuncta videtur voluntas mea. Sed ut *plura te dixisse narres quam voluntas tulerit tua*, aliud absurdum suboritur addendo cupiditatem aliqua te factum longiorem. Ad-
ditur enim hic, et falsa quidem constructione, *quum me purgatum vobis esse cuperem*: perinde quasi multum differret voluntas a cupiditate. Tum quod dicitur de Pontificum benignitate attente audiendi, nos quidem nemini credidissemus nisi ipsi affirmanti: immo putemus, taedio longum et importunum iugum iam

quidem enectos hinc domum abisse Pontifices omnes, aut certe sic interpellasse hominem, ut ap. Martialem: *Dix tandem, sodes, de tribus capellis! At purgatum se cupiebat*. Gerae. Aliquoties ipse professus est, plane probatam Pontificibus esse sententiam suam; cur ergo purgatum se voluit tantopere? Dissimulat veram causam huius loquacitatis, libertatem et facilitatem materiae, in qua sine quarundam rerum intelligentia declamare licebat: nunc igitur, quum ad ipsam causam pervenit, quam modeste studet brevitati! Nos ceteri contra facimus: ea, quae pertinent ad cognitionem causae, maiore cura et diligentia tractare solemus. Isto vero aequo: compensabit superiores aufractus brevitate eius orationis, quae pertinet ad summam rei praecipuas; itaque *verbosior* partem de religione, paene praetermittit, utpote de qua nihil admodum compilandum praeebant orationes Ciceronis. Id ni ita esset, vel si, ut alibi scribit (cf. §. 39, 121, 138), Pontificum et Augurum libros scrutatus esset, non minus fatue, puto, nunc narratim audiremus, quae auditoribus notissima essent, quam fecit in prioribus duabus Orati. ad Senatum populumque Rom. VOLK,

eius orationis, quae pertinet ad ipsam cognitionem vestram: quae quum sit in ius religionis, et in ius reipublicae distributa, religionis partem, quae multo est verbosior, praetermittens, de iure reipublicae dicam. Quid est enim aut tam arrogans, quam de³³ religione, de rebus divinis, caerimoniis, sacris, pontificum collegium docere conari; aut tam stultum, quam, si quis quid in vestris libris invenerit, id narrare vobis; aut tam curiosum, quam ea scire velle, de quibus maiores nostri vos solos et consuli et scire voluerunt? Nego potuisse iure publico, legibus iis, quibus haec civitas utitur, quemquam civem ulla eiusmodi calamitate affici sine iudicio; hoc iuris in hac civitate, etiam tum, quum reges essent, dico fuisse; hoc nobis esse a maioribus traditum; hoc esse denique proprium liberae civitatis, ut nihil de capite civis, aut de bonis, sine iudicio senatus, aut populi, aut eorum, qui de quaque re constituti iudices sint, detrahi possit. Videsne, me non radicitus evellere³⁴

Ad ipsam cognitionem vestram) Lamb. e MSS. *ad causam cognitionemque vestram*.

Caerimoniis) Graev. e cod. Franc. *de caerimoniis*. Lallœm. coniunctim *de caerimoniis sacris*.

Ut nihil de capite — sine iudicio senatus) Cic. Verr. V, 48 de Senatu: «Quo confugient socii? quem implorabunt? qua spe denique, ut vivere velint, leuebuntur, si vos eos desecretis? Ad Senatum venient, qui de Verre supplicium sumat? *Non est usitatum, non senatorium* etc.» Quapropter nostrum locum Hotomanus capiendum putabat de ratione antiqui temporis, quando Senatum de rebus capitalibus cognovisse testatur Polyb. VI, 13. At de suo, non de antiquo tempore loqui Scriptorem

apparet ex ipsis verbis eius, hoc nobis esse a maioribus traditum, atque ex auctori consilio loci, quum explicetur in universum, quid sit proprium liberae civitatis. MARKE. Annon a senatu constituebantur quaestiones? nonne senatus armabat magistratus illo S. C. *Fiderent ne quid detrimenti republ. capiat*? Erant itaque tres illi modi eo ipso tempore usitati, quibus de capite aut bonis civis poterat detrahi, S. C. memoratum, iudicia publica, comitia populi. GREG. Etiam ridicula videtur nobis loquutio, *detrahi aliquid de capite, de bonis alicuius*, etsi bene et usitate dicitur Latine *detrahere de homine, de fama hominis* etc. Nempe usu probantur talia, non cuiusdam analogiae speciei.

Videsne me non — versor in medio

CIC. OP. TOM. VIII

R

omnes actiones tuas? neque illud agere, quod apertum est, te omnino nihil gessisse iure, non fuisse tribunum plebis? Hoc dico, esse patricium. Dico apud pontifices: augures adsunt: versor in medio iure publico. Quod est, Pontifices, ius adoptionis? nempe ut is adoptet, qui neque procreare iam liberos possit, et, quum potuerit, sit expertus. Quae deinde causa cuique sit adoptionis, quae ratio generum ac dignitatis, quae sacrorum, quaeri a pontificum collegio solet. Quid est horum in ista adoptione quaesitum? Adoptat annos viginti natus, etiam minor, senatorem.

iure publico) Manifestum est, haec male coherere cum antecedentibus; ex quo quis locum lacunosum esse coniciat. Verum non omnes lacunae nascuntur oscitatione librariorum: sunt etiam, quas faciat ipse dissipatus Orator, qui materiam dicendi instruere nescit, et modo hoc, modo illud ponit; ut quidque primum in calamum incidit. Ex quo genere lacunam b. l. esse, non dubito. W.— Lambinus particulam negativam non ante *radicitus* tollendam censuit. Paulo post Graev. Lallem. et Garat. corrigebant *patricium*, pro vulgato *parriacium*; correctionem admisit Schitzius. Verba *hoc dico*, quae absunt cod. Pal. 9, Beckius vocis inclusit, et delenda censet Garatonios. Ant. Augustinus cui, *hoc dico esse Pontificium*. T. — De reliquis Interpr. prudenter silent, ubi faciatum est in primis, quod, quoniam Pontifices, quoniam Augures adessa videt, putat, se *versari in medio iure publico*. De sententia loquor, non de formula, quae si per se spectetur, optima est, v. c. ap. Cie. de Orat. I, 39. Quomodo enim quis se versari putet in medio iure, in media theologia, quam ei dicun-

dum est eorum collegio doctorum iuris vel theologiae? Ae ne nunc quidem evasimus omnes loci aulebras. Haec plane fortasse vidit Orator, quod Augures adessa vidit, quamvis id etiam repetat §. 39. Quam enim ob rem hoc dicamus Augures in tali causa, quae proprie ad Pontificum cogitationem pertinebat? Illosne quoque louquam laturos sententiam? an, quod plerique Pontificum iidem erant Augures? Prius falsum, posterius parum verisimile esse, optime ostendit Ferratius. Restat ergo, ut quum hoc viro docto Augures fortuito, non necessario, praesentes putemus, aut ad eam sententiam revertamur, quae tot similibus difficultatibus medetur, ut ista verba — verba esse credamus. WOLF.

Generum ac dignitatis) Ne scilicet a genere clarissimo ad obscurissimum, a summa dignitate ad infimam conditionem adoptione transeat. Infra: *Ita adoptet, ne quid aut de dignitate generum, aut de sacrorum religione minuat*. MAR.

Quae sacrorum) Ne sacra intendant. Adoptati autem in aliena sacra transibant. ID.

Liberorumne causa? At procreare potest: habet uxorem: suscepit etiam liberos. Exheredabit igitur pater filium. Quid? sacra Clodiae gentis cur intereunt,³⁵ quod in te est? quae omnis notio pontificum, quum adoptarere, esse debuit. Nisi forte ex te ita quaesitum est, num perturbare rempublicam seditionibus velles, et ob eam causam adoptari, non ut *eius* filius esses, sed ut tribunus plebis fieres, et funditus everteres civitatem. Respondisti, credo, te ita velle. Pontificibus bona causa visa est: approbaverunt. Non aetas eius, qui adoptabat, quaesita est, ut in Cn. Anfidio, M. Papio: quorum uterque nostra memoria, summa senectute, alter Orestem, alter Pisonem adoptavit. Quas adoptiones, sicut alias innumerabiles, hereditates nominis, pecuniae, sacrorum sequuntur sunt. Tu neque Fonteius es, qui esse debebas; neque patris heres; neque, amissis sacris paternis, in haec adoptiva venisti. Ita perturbatis sacris, contaminatis gentibus, et quam deseruisti, et quam polluisti, iure Quiritium legitimo tutelarum et hereditatum relicto, factus es eius filius contra fas, cuius per aetatem pater esse potuisti.

XIV. Dico apud pontifices. Nego, istam adoptionem pontificio iure esse factam: primum, quod haec

Intepiet) Ita cod. Erf. Pal. 9, probantibus Grutero Garat. Wolfio. Vulgo *suscepit*.

Filius) *Eius* addidit Beckius a cod. Pal. 9, Victor.

Non aetas eius) Idem. Immo non aetas. Nam abruptius omittitur ridicula ironia. In proximis quoque notabilis est commemoratio nominum Anfidii et Pupii: nam quid opus erat omnino poni exempla rei frequentissime faciae, ac, si id fieri

placebat, tantum duns afferri adoptiones, quom essent *innumerabiles*? Wotr.

Contaminatis gentibus -- polluisti) Ut tribunus pl. fieri posset, deseruit Clodius patriciam gentem Clodiorum, et in adoptionem se dedit Fonteio, homini plebeio. Ideo dicitur gentem utramque *contaminasse*, i. e. *polluisse*, et eam, quam deseruit, et eam, quam *polluit*, i. e. *contaminavit*. Id.

vestrae sunt aetates, ut is, qui te adoptavit, vel filii tibi loco per aetatem esse potuerit, vel eo, quo fuit: deinde quod causa quaeri solet adoptandi, ut et is adoptet, qui, quod natura iam assequi non potest, et legitimo et pontificio iure quaerat; et ita adoptet, ut ne quid aut de dignitate generum, aut de sacrorum religione minuatur: illud in primis, ne qua calumnia, ne qua fraus, ne quis dolus adhibeatur; ut haec simulata adoptio filii quam maxime veritatem illam suscipiendorum liberorum imitata
 37 esse videatur. Quae maior calumnia est, quam venire imberbem adolescentulum, bene valentem ac maritum: dicere, filium senatorem populi romani sibi velle adoptare: id autem scire et videre omnes, non ut ille filius instituatur, sed ut e patriciis exeat, et tribunus plebis fieri possit, idcirco adoptari? Neque id obscure: nam adoptatum emancipari statim, ne sit eius filius, qui adoptarit. Cur ergo adoptatur?

Qui te adoptavit loco patris) Adieci ultima duo vocabula ex bonis libris, Allemandum sequutus, cui et Garatonius assentitur, qui ex iureconsultis similis, ut putat, affert, *adoptare aliquem loco avi, loco nepotis*. Sane vix ita, opinor, loqui potuisset Cicero: sed Rhetor potuit propter antithesin *filii loco*, ut magis in auditorum animos penetraret insolentia rei. Ex eadem rhetorica arte est, quod sequitur, alibi non lectum crimen, *eo loco quo fuit*, scil. quo Ganymedes vulgo narratur fuisse Iovi. Olim ab editt. aberrat hic pannulus. Id.

Simulata adoptio) Pluribus suspectum fuit *simulata adoptio*, quod h. l. generatim agitur de adoptione, non de Clodiana. Quamobrem variis coniecerant, *adoptio, adgnatio, susceptio*, quorum nobis primum maxime pla-

cet, et idemem videtur, quod in textu reponatur. Id.

Imberbem) Charisius lib. I, p. 74 ed. Patsch. refert Ciceronem aliquo loco scripsisse *imberbum*; non autem dicit eum omnibus locis ita scripsisse, sed affert alium ex deperdita quadam oratione locum; ergo recte negat Wolfius inde colligi posse hanc ipsam orationem a Chrismo sub Ciceronis nomine lectam fuisse.

Emancipari statim) *Emancipatio*, et suitalis et agnationis ius exstinguit. Quomodo ergo plebeius manebat, quem adgnatio nihil aliud esse videatur, quam gens? Patet nimirum aliud esse gentem, aliud agnationem: ut *gens* ad patriciorum et plebeiorum qualitatem referatur: *adgnatio* ad propinquitatem. Hor.

Probate genus adoptionis: iam omnium sacra interierint, quorum custodes vos esse debetis; patricius nemo relinquetur. Cur enim quisquam velit, tribunum plebis se fieri non licere? angustiores sibi esse petitionem consulatus? in sacerdotium quum possit venire, quia patricio non sit locus, non venire? Ut cuique aliquid acciderit, quare commodius sit esse plebeium, simili ratione adoptabitur. Ita populus³⁸ romanus brevi tempore, neque regem sacrorum, neque flamines, nec salios habebit, nec ex parte dimidia reliquos sacerdotes, neque auctores centuriatorum et curiatorum comitiorum;¹ auspiciaque populi romani, si magistratus patricii creati non sint, intereant necesse est, quum interrex nullus sit, quod et ipsum patricium esse, et a patricio prodi necesse est. Dixi apud pontifices, istam adoptionem nullo decreto huius collegii probatam, contra omne pontificium ius factam, pro nihilo esse habendam: qua sublata, intelligis, totum tribunatum tuum concidisse.

Cur enim quisquam velit) Ernestius reposuit *velit*, postulante, ut recte ait, Latinitate, et sequentis orationis universae forma. De nimio metu, ne denique nemo patricius relinquatur in civitate, similia notavimus ad §. 2, quibus conf. locum cenchinnii digoum §. 47, de totis collegiis tribunorum mox in republ. exortoria. Ceterum interpretationis gratia adscribam verba Lambini: Iu b. l. primum notandum est, plebeios binos coas. fieri potuisse; patricios non item, sed singulos tantum, et patricio non licuisse fieri tribunum; tum hoc anponendum, omnes homines privata commoda sequi. His positis, sensus planus est: si tales adoptiones probabuntur, omnes volent ex patriciis

fieri plebei. Cur enim quisquam tam stultus esset, ut vellet manere patricius, et ita non licere sibi fieri tribunum, et angustiores sibi locum esse ad consulatum obtinendum, et sacerdotium opimum ac fructuosum amittere, quia sit patricius? WOLF.

Neque regem sacrorum) Enumerat eos sacerdotes, qui plebei esse non poterant. MAN.

Neque auctores) Qui probabant ea, quae centuriatis curiisque comitiis fiebant: quos ex antiquo more, quum senatus e solis patriciis constabat, patricios esse oportebat. MAN.

(1) Prudenter Wolfius monuit, dupliciter imperite fecisse declamatorum; primum quod patricios etiam tum putaverit auctores factos comi-

- 39 XV. Venio ad augures, quorum ego libros, si qui sunt reconditi, non scrutor; non sum in exquirendo iure augurum curiosus. Haec, quae una cum populo didici, quae saepe in concionibus responsa sunt, novi. Negant fas esse agi cum populo, quum de caelo servatum sit. Quo ille de te lex curiata lata esse dicatur, audes negare de caelo esse servatum? Adest praesens vir singulari virtute, constantia, gravitate praeditus, M. Bibulus: hunc consulem illo ipso die contendo servasse de caelo. « Infirma sunt igitur, tua sententia, acta C. Caesaris, viri fortissimi? » Minime: neque enim mea iam quidquam interest, exceptis his telis, quae ex illius actionibus in meum corpus
40 immissa sunt. Sed haec de auspiciis, quae ego nunc perbreve attingo, acta sunt a te. Tu, tuo praecipitante iam et debilitato tribunatu, auspiciorum patronus subito exstitisti: tu M. Bibulum in concione, tu augures produxisti. Te interrogante augures re-

litorum, deinde quod tanti putaverit hanc omnem rem, quod patres maiores fieret eorum, quae populos in comitiis inmisisset.

Agere cum populo) Mitti in suffragia populum. FERR.

Quum de caelo servatum ait) Servare de caelo, id est impedimento esse, quominus lex ferretur, cunctis plane magistratibus, tam plebeiis, quam patriciis, licebat. MAN.

Quo die de te lex curiata) Vt Clodio a plebeo adoptari liceret, a Caesare rogata, Bibulo, collega Caesaris, de caelo servante ad legem impediendam. Conf. Or. de provv. cons. §. 42, 45 etc. W.

Minime. Neque enim mea) Mirifica responsio ad Clodii objectionem. Primo rem simpliciter negat, nulla causa allata: dein dicit, nihil inter-

esse sua, nunc in patriam reducti, ratae et firmas sint Caesaris acta, necne, postquam ipse exceperit tela, ex actis Caesaris in se immissa. Haec sententia quam absurde expressa sit, quodammodo ex ipsa vulgata interpretatione loci apparet. Clodio non adversatus erat Caesar, quia tribunum populi se a se alienare nolebat, metuens, ne sua acta prioris anni rescinderentur: ea re Cicero exilium calamitatem subire propter actiones Caesaris coactus est. Haec sunt tela, ex Caesaris actionibus immissa in animi corpus. Conf. in Pis. §. 79, pro Sext. §. 40, de provv. cons. §. 43. ID.

Sed haec) Haec refer ad seqq., quae repetuntur de H. R. c. 23. Non potest referri ad auspicia, quae neglexerat Clodius in adoptione. IN.

sponderunt, quum de caelo servatum sit, cum populo agi non posse. Tibi M. Bibulus quaerenti, se de caelo servasse respondit: idemque in concione dixit, ab Appio fratre tuo productus, te omnino, quod contra auspicia adoptatus esses, tribunum plebis non fuisse. Tua denique omnis actio posterioribus mensibus fuit, omnia, quae C. Caesar egisset, quod contra auspicia essent acta, per senatum rescindi oportere: quod si fieret, dicebas, te tuis humeris me custodem urbis in urbem relaturum. Videte hominis amentiam,⁴¹ ubi per suum tribunatum Caesaris actis illigatus teneretur. Si et sacrorum iure pontifices, et auspiciorum religione augures totum evertunt tribunatum tuum, quid quaeris amplius? an etiam apertius aliquod ius populi atque legum?

XVI. Hora fortasse sexta diei questus sum in iudicio, quum C. Antonium, collegam meum, defenderem, quaedam de republica, quae mihi visa sunt ad illius miseri causam pertinere. Haec homines improbi ad quosdam viros fortes longe aliter, atque a me dicta erant, detulerunt. Hora nona, illo ipso die, tu es adoptatus. Si, quod in ceteris legibus trinum nun-

Idemque in concione — non fuisse)

Nisi hoc vanum comeetum est, Bibulus ab Appio praetore videri debet in alia causa tum productus esse, non ut P. Clodii tribunatum oppugnet, et Ciceronis restitutioni in patriam faveret. Certe vera historia docet, Appium Claudium et Ciceronem nondum illo tempore reconciliatos fuisse. Cf. ad §. 87, 111. Simile quid, aliunde ignotum, de quodam Bibuli sententia affertur §. 69. 10.

Tibi — illigatus) Tibi accipi potest quum tamen. Deinde *alligatus* codd. nonnulli et cdd. aliquot recte.

et sic Wolfius transcripsit. T.

Caesaris actis alligatus) Dicit summam amentiae fuisse, Caesaris acta rescindere cōari, quoniam ipsius tribunatus in illis actis fuisset, iisque infroatis nullus esset: ut bene interpretatur Manutius. Cf. de H. R. c. 23. Wolf.

Ad quosdam viros fortes) Iulium Caesarem. Cf. Suet. vita eius c. 20. Ita deinde quosdam clarissimos viros ad Catonem referunt. Amat iste pluralem numerum, in quo plus gravitatis est, interdum etiam plus sapientiae. Vide ad Or. in Sen. §. 7. W.

dinum esse oportet, id in adoptione satis est, trium esse horarum; nihil reprehendo: sin eadem observanda sunt; si decrevit senatus, M. Drusi legibus, quae contra legem Caeciliam et Didiam latae essent, populum non teneri: iam intelligis, omni genere iuris, quod in sacris, quod in auspiciis, quod in legibus sit, te tribunum plebis non fuisse. Atque ego hoc totum non sine causa relinquo. Video enim quosdam clarissimos viros, principes civitatis, aliquot locis iudicasse, te cum plebe iure agere potuisse: qui etiam de me ipso, quum tua rogatione funere elatam rompublicam esse dicerent, tamen id funus, etsi miserum atque acerbum fuisset, iure indictum esse dicebant; quod de me civi ac de republica bene merito tulisses, funestum funus te indixisse reipublicae; quod salvis auspiciis tulisses, iure egisse dicebant. Quare licebit, ut opinor, nobis, eas actiones non infirmare, quibus illi actionibus constitutum tribunatum tuum comprobaverunt.

43 XVII. Fueris sane tribunus plebis tam iure ac lege, quam fuit hic ipse Rullus, vir omnibus rebus claris-

Contra legem Caeciliam et Didiam) Caecilia Didia lege constat in rogationibus ad populum ferendis promulgationem per triundinum sancitam esse. Atque idem ins etiam in arrogationibus valuisse, discimus ex h. l. et Dione Cassio, cuius ipsa verba in Summario p. 130 apposuimus. Ceterum Dionis locus satis singularis videri debet, sive illum ex hac Declamatione, sive ex genuinis Ciceronis Oratione ductum putemus. Quis enim credat, Ciceronem in ista lege curiata nihil nisi triundinum neglectum reprehendisse? hic autem Declamator ne ipse quidem eam rem tam praecipuo studio persequitur, ut ea, velut gravissimo argumento, nitatur ma-

xime. Quid igitur? Videtur Dio, ut saepe alias, rem parum accurate ex fontibus non optimis hausisse. W.

Quod de me civi — egisse dicebant) Ernestius haec nuncis incluserat. Sane quidem aberant MS. Guelf. sed frequentissimo errore ὁμοειδέαυτος. Itaque ca Garaton. Wolf. Beck. ut ab auctore scripta defenderunt.

Tam iure quam lege, quam) Sic scribendum praestem, ut et codd. omnes habent, quos ab editoribus inspectos reperi. Melioris tamen Latinitatis est coniectura Lambini, *tam lege*; alii maluerunt *ac lege*, vel *legeque*. W.

Ipsa Rullus) non ille, qui legem agrariam tulerat. T.

simus atque amplissimus: quo iure, quo more, quo exemplo legem nominatim de capite civis indemnati tulisti? Vetant leges sacratae, vetant XII tabulae, leges privis hominibus irrogari: id est enim privilegium. Nemo unquam tulit: nihil est crudelius, nihil perniciosius, nihil quod minus haec civitas ferre possit. Proscriptionis miserrimum nomen illud, et omnis acerbitas Sullani temporis, quid habet, quod maxime sit insigne ad memoriam crudelitatis? Opinor, poenam in cives romanos nominatim sine iudicio constitutam. Hanc vos igitur, Pontifices, iudicio atque ⁴⁴ auctoritate vestra tribuno plebis potestatem dabitis, ut proscribere possit, quos velit? Quaero enim, quid sit aliud proscribere: VELITIS, IVBEATIS, VT M. TVLLIVS IN CIVITATE NE SIT, BONAQUE EIUS VT MEA SINT. Ita enim fecit, etsi aliis verbis tulit. Hoc plebeiscitum est? haec lex? haec rogatio est? hoc vos pati potestis? hoc ferre civitas, ut singuli cives singulis versiculis e civitate tollantur? Equidem iam perfunctus sum; nullam vim, nullum impetum metuo; explevi animos invidorum; placavi odia improborum; saturavi etiam perfidiam et scelus proditorum; denique de mea causa, quae videbatur perditis civibus ad invidiam esse proposita, iam omnes urbes, omnes ordines, omnes dii atque homines iudicaverunt. Vobismet ⁴⁵ ipsis, Pontifices, et vestris liberis ceterisque civibus pro vestra auctoritate et sapientia consulere debetis. Nam, quum tam moderata iudicia populi sint a ma-

Vetant leges sacratae) Pro Sext. §. 65: «Cur, quum de capite civis — non dispulo, cuiusmodi civis — et de bonis proscriptio ferretur, quum et sacratis legibus et XII tabulis sancitum esset, ut neque privilegium irrogari liceret, neque de capite, nisi

comitiis centuriatis, rogeri, nulla vox est audita consulum?» W.

Privis) Ita recte Ern. rescripsit pro vulg. *privatis*, auctore Jos. Scaligero ad Festum in *privos*. Assenai sunt Grul. Garat. Wolf. Beck.

ioribus constituta, primum, ut ne poena capitis cum pecunia coniungatur; deinde, ne, nisi producta die, quis accusetur; ut ter ante magistratus accuset, intermissa die, quam multam irroget, aut iudicet; quarta sit accusatio trinum nundinum producta die, qua die iudicium sit futurum: tum multa etiam ad placandum, atque ad misericordiam reis concessa sunt; deinde exorabilis populus, facilis suffragatio pro salute; denique etiam si qua res illum diem aut auspicii aut excusatione sustulit, tota causa iudiciumque sublatum est.

- 46 XVIII. Haec quum ita sint in re, ubi crimen est, ubi accusator, ubi testes: quid indignius, quam, qui neque adesse sit iussus, neque citatus, neque accusatus, de eius capite, liberis, fortunis omnibus, conductos, sicarios, egentes, et perditos suffragium ferre, et eam legem putare? At, si hoc de me potuit, quem honos, quem dignitas, quem causa, quem respublica tuebatur, cuius denique pecunia non expetebatur, cui nihil oberat praeter conversionem status et inclinationem communium temporum: quid tandem futurum est iis, quorum vita remota ab honore populari et ab hac illustri gratia est, pecuniae autem tantae sunt, ut eas nimium multi, egentes, sumptuosi, nobiles con-
- 47 cupiscant? Date hanc tribuno plebis licentiam, et intuemini paulisper animis iuventutem, et eos maxime, qui imminere iam cupiditate videntur in tribu-

*Vt ne poena capitis cum pecunia)
Iure offeudit hoc Ernestium: recte
quoque negat Wolfius aliquid eius-
modi ex bono scriptore afferri posse.
Idem praeter alia monuit paulo post
ineptissime dictum si qua res illum
diem aut auspiciis, aut excusatione
sustulit.*

*Aut excusatione) Excusatio iuris-
consultis est, quum causa affertur, per
quam quis praestare non potuit, quod
praestandum erat, ut si latrones, aut
flumina, aut morbus soniticus, aut
alia vis maior impediret, ne quis
praedicto die in iudicio esset praesto.
GRAY.*

niciam potestatem: collegia, medius fidius, tribunorum plebis tota reperientur, hoc iure firmato, quae coëant de hominum locupletissimorum bonis, praeda praesertim populari et spe largitionis oblata.

XIX. At quid tulit legum scriptor peritus et callidus? VELITIS, IVBEATIS, VT M. TVLLIO AQUA ET IGNI INTERDICATUR? Crudele, nefarium, ne in sceleratissimo quidem civi sine iudicio ferendum. « Non tulit, ut interdicator ». Quid ergo? VT INTERDICTVM SIT. O coenum, o portentum, o scelus! hanc tibi legem Sex. Clodius scripsit, spurciorem lingua sua, ut interdictum sit, cui non sit interdictum? Sexte noster, bona venia, quouiam iam dialecticus es, et hoc quoque ligurris: quod factum non est, ut sit factum, ferri ad populum, aut verbis ullis sanciri, aut suffragiis confirmari potest? Hoc tu scriptore, hoc consiliario, ⁴⁸ hoc ministro, omnium non bipedum solum, sed etiam quadrupedum impurissimo, rempublicam perdidisti. Neque tu eras tam excors, tamque demens, ut nescires, hunc Clodium esse, qui contra leges faceret; alios, qui leges scribere solerent. Sed neque eorum, neque ceterorum, in quibus esset aliquid modestiae, cuiusquam tibi potestas fuit; neque tu legum scriptoribus iisdem potuistis uti, quibus ceteri, neque operum

Interdicuntur) Hoc a Sex. Clodio obiectum fingit declamator.

Sex. Clodius) Sic Lambin. Vulgo omissum prænomen; quod tamen abesse non potest, quia in verbis *o coenum* etc. oratio ad P. Clodium dirigitur.

Dialecticus es) Hoc refertur ad illud quod Sextus obiecerat in lege scriptum esse *interdictum non interdicitur*.

Quadrupedum impurissimo) Ineptum dictum.

Vt nescires, hunc Clodium esse) Sensus est: quum tot alii pragmatici homines in Urbe sint, in hoc Sex. Clodio potissimum usus es ad scribendas leges, quas contemnere ille quidem, contra quas facere solet, non leges scribere magistratibus. — De reliquo non habeo dicere, an aliquid frigoris detrahatur loco, si cum Manutio et Garatonio expungas *Clodium*. Nunc intell. hunc *Clodium* esse talem, qui etc. WOLF.

Neque operum architectis — quem

architectis; neque pontificem adhibere, quem velles; postremo ne in praedae quidem societate mancipem, aut praedem socium, extra tuorum gladiatorum numerum, aut denique suffragii latorem in ista tua pro-
 49 scriptione quemquam, nisi furem, aut sicarium, re-
 perire potuisti. Itaque quum tu florens ac potens per
 medium cohortis popularis volitares, amici illi tui,
 te uno amico tecti et beati, qui se populo commise-
 rant, ita repellebantur, ut etiam Palatinam tuam per-

velles) Male et *κακοῦργος* loquitur, sive *architectos operum* ad Clodianas actiones in republ., sive ad aedem Libertatis in area Ciceronis extructam retulit. Dein quod dicit *quem velles*, h. e. virum probatae fidei et auctoritatis, lucem accipit ex c. 51 et seqq. In proximis nullus est sanus orationis color: ne in praedae quidem societate mancipem aut praedae socium: etsi in his aliquid stultitiae librarii imputari licet. Nam merito hic Tullianum os requirit Graevius, et pro societate coniiit sectione; quatenus coniectum velatur malum, minime tollitur. Quare, quum Oxonn. et aliquot alii MSS. habeant *praedonem socium*, probabile farsan plerisque erit, quod ex Manutii et suo ingenio affert Garatonius, ne in pr. q. sectione mancipem, praedem, socium, vel, ne in pr. q. societate mancipem aut praedem, deletu socium. Scriptoris manus in talibus revocari a nobis nulla arte potest. W.

Mancipem) Adludit ad publicanorum societates, quorum quidem *mancipes* erant, qui publica a Censoribus redimebant, alii *praedes*, qui pro illis fideiuebant. Hor.

Per medium cohortis popularis) Sic cod. Franc. et Colut. Cohortem popularem vocat illos Clodii socios ac satellites, quorum opera et audacia

omnia turbabat sub praetextu libertatis populi tueudae. GRAEV. Structura non est Ciceroniana. Ante Graevium legebatur, *per medium forum popularis*; in codd. varie corrupta, *per medium sartium populum*, *per m. scortum*, *per m. scortis* vel *serociis*: vix usquam in codd. comparet *forum*. Id bene, quumquam sine auctoritate, in ordinem sumpsit Lambinus: *per m. forum scortum populare vol.*, quod videbatur illi bellissime convenire in impudicum hominem. W.

Amici illi tui) Priora harum pertinent ad Vatinius, qui, aedilitatem petens, repulsam tulerat. Ad enim petitionem refer verba, *qui se populo commiserant*. In seqq. ex Sext. c. 53 tumultuarie excerptistua Palatina est illa tribus, quae fere egentibus et tabernariis constabat, quibus operis utebatur Clodius: nam ipsum hunc, tam splendido loco natum, post adoptionem in hac tribu censum esse, parum credibile videtur. Cf. Manut. et Ferrat. ad h. l. et ad Sext. l. l. At potest etiam, ut in hac Palatinae mentione subsit error, supina negligentia captus ex illo loco Sextianae, vel ex parte Urbis, ubi nunc domum possidebat Clodius. In.

Palatinam tuam) In qua fere essent humines egentes et tabernarii, quibus Clodius operis utebatur. Ernestius

derent. Qui in iudicium venerant, sive accusatores erant, sive rei, te deprecante damnabantur. Denique etiam ille novitius Ligur, venalis adscriptor et subscriptor tuus, quum M. Papirii, sui fratris, esset testamento et iudicio improbatus, mortem eius se velle persequi dixit: nomen Sex. Propertii detulit; accusare, alienae damnationis scelerisque socius, propter calumniae metum, non est ausus. De hac igitur lege 49

putabat in hac quoque tribu Clodium post adoptionem censum esse.

Ligur) Aelius ille qui sibi Ligurii cognomen pro Sext. cap. 32.

Accusare, alienae damnationis socius — non est ausus) Improbantur haec a Marklando et Wolfio. Ille quidem hanc affert huius loci interpretationem: « Aelius Ligur quum praeteritus esset in testamento fratris, M. Papirii, primo reum fecit Sex. Propertium, quasi is Papirium sustulisset: mox prudenter accusatione destitit, veritus ne calumniae damnetur, qui eum accusare ausus esset, quicquid ipse illud scelus conceperat. Hoc ratione Ligur vere dicitur socius sceleris: at qui tandem dici potuit damnationis socius, quum in eadem sententia narratur, Propertium longissime a fuisse a periculo damnationis, quandoquidem accusatione destitit? Sane species talium errorum inducere possit lectorem, ut suo ipse ingenio diffidat, et aliquid reconditi lateris potius quam tam absurde disputari suspicetur. Iam videmus proxime de lege Clodii ad eliciendum Verbe Ciceronem rogata. Dicitur, absente Cicerone, tantum crevisse invidia eorum, qui ullam partem illius legis attigissent, vel scribendo (digito) vel laudando suadendoque (voce) vel sententia probando (suffragio), ut mox ubique offenderent, repudiarentur,

damnerentur. Hanc loci sententiam esse, ne dubites: sed nondum ita explicatum est, quid sit *praeda tangere partem legis*, et quo usu illud quocumque venit significare possit in quodcumque iudicium venit. Haec enim Auctoris mentem esse ostendunt verba *repudiatus convictusque*. Quid verbis opus est? Ut huius scriptoris incontinentiam et negligentiam in compilando noscens, compara Ciceronem pro Sext. c. 31: « Quisquis erat, qui aliquam partem in meo luctu sceleris Clodiae attigisset, quocumque venerat, quod iudicium cumque subiecit, damnabatur ». Non dicit Cicero, contorta obscuritate, *quisquis attigisset partem sceleris praeda*; qui etiam videns, non satis perspicuum esse, quod scribebat quocumque venerat, velut explicandi causa adiecit *quod iudicium cumque subiecit*. Sed hoc isto iam antea arripuerat, et non sine dote ingenioli sui extulerat: *Qui in iudicium venerant*, sive accusatores erant sive rei, te deprecante, damnabantur. » T. — In his aberrare videtur vir doctus tota, quod aium, in qua; sed tamen ex parte aliqua cum Manutio. Ego verba illa sic interpretor: *Accusare alienas* (sc. Clodii) *damnationis scelerisque* (Tullio intentati) *socius* (ita leg. pro socios) *propter calumniae metum non est ausus*. Nempe metuebat, ne ab iratis

dicimus, quae iure rogata videatur: cuius quam quisque partem tetigit digito, voce, praeda, suffragio, quocumque venit, repudiatus convictusque discessit.

XX. Quid, si iis verbis scripta est ista proscriptio, ut se ipsa dissolvat? est enim, QVOD M. TYLLIVS FALSVM SENATVSCONSVLTVM RETVLERIT. Si igitur retulit falsum

iudicibus calumniae damnetur, eius illum suspectum redderet hoc ipsum, quod contra Ciceronem fecerat. Hic scusus totum negotium non ignorant, si non statim in mentem venit, clarus tamen et lucidus debet videri, ubi primum illud illuxit, ut pro sociis legatur socius. Atque hoc de lectione necessaria quum sentiret Marklandus, tamen idem videtur se putat egregium et dignum magistro specimen absurdi erroris, qui in eo insit, quod dicat Auctor, metuisse Ligurem, ne ipse socius videretur damnationis et sceleris Propertii, in fratre Liguris Papirio commisit. In hac interpretatione omnino nihil saui est: sed nihil non sanum est in sententia Auctoris, in qua declaranda adhuc aliquantulum operam dabimus, quando talis vir aberrare ab eo potuit. Res ita habet. Aelius Tribunus pl. adiuverat damnationem Ciceronis, eaque re exosus erat populo: idem erat in fratre in testamento praeteritus: huius se mortem velle ulcisci dixit, forte ut invidiam conciliaret illius heredibus, furte ut eo ipso sibi iniuriam factam iudicio fratris ostenderet; iamque detulerat nomen Propertii, eaque ratione accusationi velut praecuserat. Ipsam tamen accusationem ingredi non est ausus: cur? Propter metum, ne, si non probaret crimen, calumniae damnetur. Vnde autem ille metus? Quia socius erat damnationis iniustae ac sceleris in Ciceronem et pa-

triam comissi, propter quod se iniustum et suspectum sentiret. Cuius enim facinoris suspicio non cadat in eum, qui potuit liberatorem et patrem patriae inauditus damnare, contra leges omnes damnare sua sententia, et patria, quis, si posset, vita privare? Nihil profecto hic est, quod non cum indubitati Ciceronis, pro Sextio dicentis, sententia consilioque huius loci palere conveniat. Sed est aliud quoque, in quo accusatur hic locus. Quaeritur, quid sit *praeda tangere partem legis*. Quasi vero non paulo ante *societatis praedae*, quasi non passim (v. g. c. 24) *direptarum villarum suarum mentionem faceret*. Sed et illud *quocumque venit*, nemigma esse ait: qui vero potest obscurum esse, quum verba proxime hunc locum praecedant ista: *Qui se populo etc.* Non infitior, me valde hic viri docti et ingeniosi acumen desiderare. GERN. — *partem legis tangere digito etc.* quum sensum habent ut accipere possit, nobis adhuc incertum est; siquidem Geronimus non male *digitum* et *vocem* ad actionem sive sectionem refert, comparatis verbis §. 108: id nobis certissimum, tam ineptas dictiones Ciceroni in animum venire non potuisse, ne verbum quidem simplex *tangere* (cf. ad Quir. §. 5), neque adeo iuncturas tam dissolutas, quam istae sunt: *denique etiam — de hac igitur etc.* WOLF.

Retulerit) Cod. Franc. Dresd. Barb.

senatusconsultum, tum est rogatio: si non retulit, nulla est. Satisne tibi videtur a senatu iudicatum, me non modo non e mentitum esse auctoritatem eius ordinis, sed etiam unum post urbem conditam diligentissime senatui paruisse? Quot modis doceo, legem istam, quam vocas, non esse legem? Quid, si etiam pluribus de rebus uno sortitu retulisti? tamenne arbitraris, id, quod M. Drusus in legibus suis plerisque, bonus ille vir, M. Scaurus, et L. Crassus consularis non obtinuerint, id te posse, omnium facinororum et stuprorum omnium, Decumis et Clodiis auctoribus, obtinere? Tulisti de me, ne reciperer, non ut exirem: quem tu ipse non poteras dicere non licere esse Romae. Quid enim diceres? damnatum? certe non. Expulsum? qui licuit? Sed tamen ne id quidem est scriptum, ut exirem. Poena est, qui receperit; quam omnes neglexerunt. Eiectio nusquam est. Verum sit. Quid? operum publicorum exactio:

retulit. — Bene monuit Wolfius hoc nusquam alibi legi, Ciceronem a Clodio suppositi de Catilinariis ad supplicium docendis senatusconsulti insinuatulum esse.

Pro sortitu) Contra legem Caccilium Didium, ne una rogatione diversis de rebus ad populum ferretur. Hor.

Stuprorum omnium) Plotomanus excidisse putabat principem vel simile quid. Gaetonius hominem corripbat pro omnium.

Operum publicorum exactio) Manutius, obscurum est, inquit, quid dicat: dici tamen hoc arbitror. Quomodo id, quod in publicita et eversa Ciceronis domo aedificatum fuerat (id autem quid esset, satis infra ostenditur), Clodius a conductoribus exegisset, id ei facere non licuisse; quomodo

opera publica ab iis exigi solerent, qui ei muneri publice praepositi exsunt. Hac explicatio non contentus Graevius coniecit *extractio*. Equidem haud scio an tolerabilis sit illa ratio in hac verborum obscuritate. MARKL. Vereor, ut cuiquam serio agentis Manutiana ratio probetur: nam id ipsum Clodius tulerat, si Oratori credimus, ut aedificationi in aera Ciceronis ipse praeficeretur; cui muneri vel privati praefici potuisset. Videtur itaque melius divinasse Ferrarius, sic scribens ad h. l.: Clodia lex complectebatur *operum publicorum exactionem*: ut nempe demolitio domus Ciceronianae et extractio monumenti publice locaretur et exigetur per ipsum Clodium a reductoribus. *Nominis inscriptio* consequens est pro antecedente: nomen

quid? nominis inscriptio, tibi num aliud videtur esse, ac meorum bonorum direptio? praeterquam quod ne id quidem per legem Liciniam, ut ipse tibi curationem ferres, facere potuisti. Quid hoc ipsum, quod nunc apud pontifices agis, te meam domum conse-

enim suum Clodius inscripsit, quia sibi eam curationem mandaverat. Hoc autem quaeritur: num aliud videtur esse ac bonorum meorum direptio? quum illam curationem inimicissimus homo suscepit. — Sic undique concurritur, ut sensum accipiant male electa vocabula. VOLT.

Tibi? num aliud? Ridicula interrogatio, quae postulatur ab ipso Clodio, ut affirmet, rem sibi nihil aliud videri nisi direptionem. Conf. ad §. 14. Sed in aliquot vetustis editt. iunctim legitur *inscriptio tibi?* Quam interpunctionem, sensum meliorem, iam Mamutius in commentario sequutus est. Id.

Pi ipse tibi curationem ferres? Sensum horum verborum non aliunde conicere possumus quam ex his Cic. de L. Agrar. II, 8: « Licinia est lex: atque altera Aebutia; quae non modo eum, qui tulerit de aliqua curatione ac potestate, ac etiam collegas eius, cognatos, affines excipit, ne eis ea potestas curatione mandetur. » Quibus ex verbis ista nostra sic adumbrata sunt, vix ut Ciceronem ab rhetore satia intellectum putes. Quod enim dicere voluit, *ferre de curatione tibi mandanda*, contracte corrupteque extulit *ferre curationem tibi*, adversus omnem consuetudinem sermonis. Livius XXVII, 30, scribit *de ferre consulatum ad aliquem*; sed nemini dixit *ferre consulatum*, pro *ferre rogationem de consulatu*, vel simpliciter *ferre de consulatu*. Illud plane perinde esset, ac si diceret

ferre sibi exercitum, bellum etc. pro ferre legem de exercitu sibi mandando.

MARKL. Apertum est, quid verba significant: neque negat hoc Marklandus, sed Latius ita diei negat. At ego putabam, hominem, qui cetera scribere posset in hac Oratione, cuius aetas iuter Valerium Maximum at Asconium interiecta esset, scire debere loqui. Et nunc simile est illud Cic. pro Sulla cap. 22? « Nihil de iudicio ferebat, sed poenam ambitus eam ferebat, quae fuerat nuper superioribus legibus constituta. » Nempe *sibi ferre curationem* ita dictum est, ut *sibi adscribere legatum etc.* GERN. Tota via errat Gesnerus. Quam postremo loco velut legitimam formam loquendi comparat, mihi quidem prorsus ignota est. Aliud quiddam in animo habuit Vir doctissimus, *sibi legare aliquem*. Hoc legitimum est in ea re. Sed horum adeo dissimilis est analogia, ut nobis vel in villa in mentem veniat effatum Popii, qui Lexicographos dixit melius de singulis quam de coniunctis vocabulis iudicare posse. Quin etiam in Ciceronis loco collato nihili est formula *poenam ambitus ferre*: id quod Ernestius quoque sensit, etsi is leetorem destituit in reliqua annotatione. Nam pro varia ibi lectione habendum, quod et huiusmodi codici praebent, *poenam ambitus auferrebat* idque iam dudum in textu legimus, si ineptus Gruterus voluisset, Palatii codicum mancipium. Profecto nihil pou erit Latinum, si h. l. Auctor

crasse, te monumentum fecisse, in meis aedibus te signum dedicasse, eaque te ex una rogatiuncula fecisse: unum et idem videtur esse, atque id, quod de me ipso nominatim tulisti? Tam hercule est unum, quam 52 quod idem tu lege una tulisti: ut Cyprius rex, cuius maiores huic populo socii atque amici semper fuerunt, cum bonis omnibus sub praecone subiiceretur, et exsules Bysantium reducerentur, Eidem, inquit, utraque de re negotium dedi. Quid, si eidem negotium dedisses, ut in Asia cistophorum flagitaret, inde iret in Hispaniam; quum Roma decessisset, consulatum

aliud quam vocabula Latine scripsit. Quod autem orationis bonitas ex scribentis saeculo aestimatur, an quisquam est, qui dubitet, etiam illo optimo saeculo Latinitatis aut habuisse homines, quam ad exactam regulam et doctorum scriptorum coaetudinem loqui et declamare didicisse? Non semper sapientiam affert senectus: ita nec defuerunt, qui dissiparent, sapientissimorum hominum aeculis. WOLF.

Aedibus) Edd. vet. et Ven. pr. et Rom. in *mediis sedibus*, quod Garatonius valde placet.

Byzantium redeoerentur) A Catone reducti sunt exules illi Byzantii, qui a civibus suis eiecti, et, ut rumor ibat, rerum capitalium condemnati erant. WOLF.

Ut in Asia cistophorum flagitaret) De Gabinio haec dicuntur, non quia Clodius legem tulerit de his rebus; sed ostenditur, quam stultum sit, dici de non re rogari populum, quum uno de homine multae res rogeantur. Huc spectare locum video, et verborum vim non capio. Graevius quidem explicat, ut *iuberet in vectigalibus et tributis P. R. pendendis non aliam pecuniam uti quam cistophoris*. Quem ego

rationem minima vitupero: nam qui possim, quum nihil istorum intelligam? Sed si haec tanta loquendi licentia probatur, periiit omnis proprius et rectus usus sermonis; neque video, cur non quidvis vocabulum quovis sensu usurpari queat, v. c. *Arma virumque caelo coeDEM*, quo alterum hemistichium, *Troiae qui primus ab oris*. MARK. Vix operae pretium est morari in eo, quod accusatur formula in *A. cistophorum flagitare*, quam Graevius recte explicuit. Talia possunt obscura esse, quae de re agantur, ignorantibus; scientibus ipsa molesta est nimis explicatio. GAZ. *Nimis?* et unde scientibus, nisi ex verbis perspicuis et ad rem accommodata delectis? Aequitatem hermeneoticam novimus; hic singulis prope paginis misericordia opus est. Excusationem haberet brevitatis, si de quadam re facta et publica nota sermo esset, nunc mera hypothesis est; inprimisque offendit singularis *cistophorum*, pro quo lenis correctio foret *cistophorum M. WOLF*.

Roma decessisset) Aliquot codd. *Romae*. Garatonius corrigendum censuit *Romam*, cui cum Wolfio assentior.

ei petere liceret; quum factus esset, provinciam Syriam obtineret? quoniam de uno homine scriberes, una res esset? Quod si iam populus romanus de ista re consultus esset, et non omnia per servos latronesque gessisses, nonne fieri poterat, ut populo de Cyprio rege placeret, de exsulis Byzantinis displiceret? Quae est, quaeso, alia vis, quae sententia Caeciliae legis et Didiae, nisi haec, ne populo necesse sit in coniunctis rebus compluribus, aut id, quod nolit, accipere, aut id, quod velit, repudiare?

XXI. Quid, si per vim tulisti? tamenne lex est? aut quidquam iure gestum videri potest, quod per vim gestum esse constet? An, si in ipsa latione tua, capta iam urbe, lapides iacti, si manus collata non est, idcirco tu ad illam labem atque eluviam civitatis, sine summa vi pervenire potuisti? Quum in tribunali Aurelio conscribebas palam non modo liberos, sed etiam servos, ex omnibus vicis concitatos, vim tum videlicet non parabas? Quum edictis tuis tabernas claudi

De ista re) Lambin. *de ista lege*.

De exsulis Byzantinis displiceret) Nemo Romanorum, quod sciam, sic loquitur, *senatus, populo, displicet de hac vel illa re*. Statim post retinui veterem nescio cuius coniecturam, quaeso, pro vulgari absono, quasi. Neque tamen, illo admissio, Scriptor desinit ineptire atque in rebus errare. Nam vix dubium est, quin falsum et commentitium sit, quod vulgo accedunt huic uni auctoritati, legem Caeciliam Didiam non modo triumviratum constituisse, sed et hoc quoque cantum fuisse, ne de diversis rebus eadem rogatione ferretur. Non enim credibile est, talis legis latoris, quae rogationem pluribus rebus iungendis fieri velaret,

ipsum primum exemplum prodere voluisse? Conf. Ferratium et Manutium ad h. l. WOLF.

An si in ipsa latione tua) Intellige, si libet (nam, si non libet, nihil te cogit), si lapides iacti non sunt. Sed hoc ferendum praeter eo, quod sequitur ad illam eluviam civitatis pervenire, quorum verborum ita coniunctionem potestatem nulla divisiō aperiet, etsi et hic universum sensum non male dispiciamus. Felici hora hoc legisse oportet Ernestium, qui haec subscripsit: Hic locus mihi nunquam placuit, nec habet Ciceronianum characterem. — Neque vero inest h. l. aliquid, quod magis quam tot alii loci, qui placuerunt, a Ciceronis ingenio et arte abhorreat. Id.

iubebas, non vim imperitae multitudinis, sed hominum honestorum modestiam prudentiamque quaerebas! Quum arua in aedem Castoris comportabas, nihil aliud, nisi uti ne quid per vim agi posset, machinabare! Quum vero gradus Castoris convellisti ac removisti, tum, ut modeste tibi agere liceret, homines audaces ab eius templi aditu atque adscensu repulisti! Quum eos, qui in conventu virorum bonorum verba de salute mea fecerant, adesse iussisti, eorumque ad-
 vocationem manibus, ferro, lapidibus discussisti, tum profecto ostendisti, vim tibi maxime displicere! Verum ⁵⁵ haec furiosa vis vesani tribuni plebis facile superari frangique potuit virorum bonorum vel virtute, vel multitudine. Quid? quum Gabinio Syria dabatur, Macedonia Pisoni, utrique infinitum imperium, ingens pecunia, ut tibi omnia permitterent, te adiuverent, tibi manum, copias, tibi suos speratos centuriones, tibi pecunias, tibi familias compararent, te suis sceleratis concionibus sublevarent, senatus auctoritatem irriderent, equitibus romanis mortem proscriptionemque minitarentur, me terrerent minis, mihi caedem et dimicationem denuntiarent, meam domum, refer-

Repulisti) Quatuor haec sententiae vulgo signis interrogandi finiuntur. Melius Wolfius haec irrosica dicta censuit. Itaque signa exclamandi reposuit.

Verum haec furiosa vis) Transit bonus magister vel ferociter ruit in aliud genus: non lenitatem transeundi non amat. Etiam in ipsa ironia, verior, et omnibus placuit haec, *Quum gradus Castoris removisti etc.* Quae enim modesta res in templo intelligi potest, cui obediendae opus sit templi graduum demolitione? WOLF.

Verum haec — multitudine) Bene sonat brevis periodus, longioribus

duabus interiecta. Vnum derivi: verba, ad sonum optima, nihil rei continent, aut aliquid falsi. Ac cito ad vim redibit, quae hic dicitur fracta et superata esse. ID.

Speratos) In plurimis codd. est *suos paratos*. Sed mihi videtur utrumque librorum vitio inculcatum. Scripsit, opinor, auctor tibi centuriones.

Meam domum, refertam viris bonis) Locus valde obscurus, et optimis Inpp. de menda suspectus. Hetero-
 nus quidem in verbis sanatum — am-
 plissimum ordinem, integro motu
 repetitione, senatum e glossemate ad-

tam viris bonis, per amicos suos complerent, proscriptionis metu me frequentia nudarent virorum bonorum, me praesidio spoliarent, senatum pro me non modo pugnare, amplissimum ordinem, sed etiam plorare, et supplicare, mutata veste, prohiberent: ne tum quidem vis erat?

- 56 XXII. Quid igitur ego cessi? aut qui timor fuit? non dicam in me: fac me timidum esse natura: quid illa tot virorum fortissimorum millia? quid illi equites romani? quid senatus? quid denique omnes boni? si nulla erat vis, cur me flentes potius prosequuti sunt, quam aut increpantes retinuerunt, aut irati reliquerunt? An hoc timebam, si mecum ageretur more institutoque maiorum, ut possem praesens sustinere?
- 57 Vtrum, si dies dicta esset, iudicium mihi fuit pertimescendum? an sine iudicio privilegium? Iudicium? in causa tam turpi scilicet. An is homo sum, qui,

scriptum potabat: Graevios coniecit, per amicos suos terrore complerent. Nobis haec sanabilia videntur sola unius literae omissione et interpunctionis levissime mutata, sic scribendum: complerent proscriptionis metu: me frequentia — spoliarent senatus; pro me non modo pugnare amplissimum ordinem, sed etiam plorare etc. Ducta sunt pleraque partim ex verbis Or. in Pis. cap. 5: «Erat non solum domus mea, sed totum Palatium, senatu, equitibus romanis, civitate omni, Italia coacta, refertum» partim e Planciana cap. 35 de eodem rei: «Adcrat mecum cunctos equester ordo; quem quidem in concionibus saltator ille Catilinae, Consul, proscriptionis denuntiatione terrebat.» Ex eodem rivulo etiam illud erat supra in Sen. cap. 13: «Quare quem viderem — equites romanos proscri-

ptionis — metu esse permotos etc.» MARKL.

Cessi) si nulla vis erat?

An hoc timebam, si mecum ageretur) H. e. an hoc timuissim, si mecum actum esset. Sic §. 70, Quorum tibi nihil liceret. Et in Sen. §. 34: Quas si semper abessent — lugerem — deiderarem. Neque ea assallage per se vitiosa aut insoleas est, sed nonnunquam durissima, ut §. 114, diceres, responderes. Deinde dobitur de vobis iudicium in causa etc. et Geratoni, ex parte libros sequentes, coniecit hoc modo legendum: Iudicium? in causa tam turpi scilicet. An is homo sum — explicare? In his causa ignota qualis sit, dicitur ex Cic. de Orat. II, 24, nampe ea, quam quis oraturus patronus non cognovit, non didicit a clientibus. Quam inquit vero hoc expressum sit, apparet manifesto,

etiāsi causa esset ignota, dicendo non possem explicare? An eam causam probare non poteram, cuius tanta bonitas est, ut ea ipsa non modo se, sed etiam me absentem per se probaret? ¹ An senatus, an ordines, an ii, qui cuncta ex Italia ad me revocandum convolaverunt, segniores, me praesente, ad me retinendum et conservandum fuissent in ea causa, quam ipse iam parricida talem dicat fuisse, ut me ab omnibus ad meam pristinam dignitatem expetitur atque revocatum queratur? An vero in iudicio periculi nihil ⁵⁹ fuit, privilegium pertimui, ne, mihi praesenti si multa irrogaretur, nemo intercederet? Tam inops autem ego eram ab amicis, aut tam nuda respublica a magistratibus? Quid? si vocatae tribus essent, proscriptionem non dicam in me, ita de sua salute merito, sed omnino in ullo civi comprobavissent? An, si ego praesens fuisset, veteres illae copiae coniuratorum, tuique perditii milites atque egentes, et nova vis sceleratissimorum consulum corpori meo pepercissent? qui quum eorum omnium crudelitati scelestique cessissem, ne absens quidem luctu meo mentes illorum satiare potui.

siquidem causam, quamdiu ignota est, ne disertissimus quidem oratorum explicare potest. Igitar voluit dicere: Causas quum agere possim alienas, prius mihi incognitas, nonne propriam meam facilius dicere et probare posse videbor? WOLF. — Recepi lectionem a Garatonio coniectura repertam. Vulgo legitur: *iudicium in causa tam turpi. Scilicet is homo sum.* Ernestio totum in causa tam turpi glossatum esse videbatur. SCH.

(1) Lambinus coni. ut ea ipsa se non modo praesente me, sed etiam absente, per se probaret.

An ordines) Displicet haec vox simpliciter ita posita. Quapropter Garatoni ex coniectura addit ceteri vel omnes. WOLF.

An vero — nemo intercederet) I. e. An nihil periculi fuit in legitimo iudicio, ut privilegium tamen pertimui? scil. contra leges de me in concione ferendum, agente Tribuno pl. Ob oculos fuit Auctori locus pro Mil. §. 36. WOLF.

Nova vis) Nova manus edidit Gr. bono quidem sensu, quo vis prope caret, certe vaga potestate offendit. WOLF.

- 59 XXIII. Quid enim vos uxor mea misera violarat ? quam vexavistis, raptavistis, omni crudelitate lacera-
stis. Quid mea filia ? cuius fletus assiduus, sordesque
lugubres, vobis erant iucundae, ceterorum omnium
mentes, oculosque flectebant. Quid parvus filius ? quem,
quamdiu afui, nemo nisi lacrymantem confectumque
vidit : quid fecerat, quod eum toties per insidias in-
terficere voluistis ? Quid frater meus ? qui quum ali-
quanto post meum discessum ex provincia venisset,
neque sibi vivendum, nisi me restituto, putaret, quum
eius moeror, squalor incredibilis et inauditus, omni-
bus mortalibus miserabilis videretur, quoties ex vestro
60 ferro ac manibus est elapsus ? Sed quid ego vestram
crudelitatem expromo, quam in ipsum me ac meos
adhibuistis, qui parietibus, qui tectis, qui columnis
ac postibus meis horrificum quoddam et nefarium,
omni imbutum odio, bellum intulistis ? Non enim te
arbitror, quum post meum discessum, omnium locu-
pletium fortunas, omnium provinciarum fructus, te-
trarcharum ac regum bona spe et avaritia devorasses,
argenti et supellectilis meae cupiditate esse caeca-

Toties per insidias interficere voluistis) Et mox de fratre : *Quoties ex vestro ferro ac manibus est elapsus* ! Apud Ciceronem nihil tam graviter dictum legitur de repetitis talibus insidiis, atsi ille conqueritur liberos ad necem quae sitis, raptatam coniungem, fratrem optimum, amore inaudito etc. pro Sext. §. 54, 145, Epp. ad Famil. XIV, 2. Ceterum iam iude ab huius capitis principio furor animi adeo abripuit Scriptorem in pluralia, ut oblitus esse videatur, se cum Pontificibus agere : nisi forte Clodii et sceleratorum Consulom factio uno in loco congregata erat, ut ad eam oeu-

los et manus intendere orando posset. W.

Sed quid ego — expromo) Ernestius quia alias *expromere crudelitatem* est *exerere*, non commemorare, legendum putabat *exprobro*.

Quid ego — expromo) *Expromere* ita positum nondeum Ciceroni est commemorare, saepius posterioribus. Neque Ciceronianum est *crudelitatem in aliquem adhibere*, nec adiectivum *horrificum*, vox prieci et poetici sermonis. Simile aliquid dederunt alii libri, *hostificum*. Lamb. coni. *hosticum*. Wolf.

tum: non existimo, Campanum illum consulem cum saltatore collega, quum alteri totam Achaïam, Thessaliam, Boeotiam, Graeciam, Macedoniam, omnemque Barbariam, bona civium romanorum condonasses: alteri Syriam, Babylonem, Persas, integerrimas pacatissimasque gentes ad diripiendum tradidisses: illos tam cupidos liminum meorum et columnarum et valvarum fuisse. Neque porro illa manus copiaeque 61 Catilinae caementis ac testis tectorum meorum se famem suam expleturas putaverunt: sed, ut hostium urbes, nec omnium hostium, verum eorum, quibuscum acerbum bellum intestinumque suscepimus, non

Campanum illum consulem) Pisonem, qui Capuae domus erat.

Totam Achaïam, Thessaliam, Boeotiam, Graeciam, Macedoniam) Haec, etsi sumpte ex Or. in Pis. §. 37: « Omnis eret tibi Achaïa, Thessalia, Athenae, cuncta Graecia addicta » ineptum produunt imitatore, ut mirum sit, nemini hic aliquid dieplicitae praeter Ernestium. Is vero sagaciter ininterrogat, cur Boeotia et Graecia, cur Thessalia et Macedonia separatim nominentur, idemque sibi respondet, augendi causae faelum videri. Recte. Et optimi quidem Oretorae aliquid addunt augendi causae, sed id faciunt oris quidem, non vocabule temere cumulant. Boeotia omnino non eret nominanda, ac ei Graecia poneuda erat, ipsa illa Ciceronis verba afferri praestitissat. Nunc id nomen nec latiore nec angustiore significatione placere potest, isto loco collocatum. W.

Caementis ac testis) Tignis ediderunt Naug. Manut. Lamb. At Heruag. Gryph. tegulis.

Testis tectorum) Testae sunt testacei lateres, ut vocantur e Vitruvium, qui Graecis dicuntur *κίρατοι*, quod

coquerentur. Is nonnunquam domus tegebantur, unde et lectum *κίρατος* vocarunt, ut ducit Salmasius, cui haec debet, ad Solinum. GRAY.

Expleturas putaverunt) Quid? putaverunt? Vult dicere, famem expleri voluerunt. Iam §. 10 praeposere adhibitum erat idem verbum, praesertim si ibi cum nonnullis legator putavisti. WOLF.

Quibuscum — intestinumque suscepimus) In haec lectione consentiunt codd. omnes, excepto una Pelat, qui posteriore epitheta caret: id quod Greevius in textu sequutus est: qui recte notat, *intestinum bellum* Latine esse tale, ut, si in eo urbee, quibuscum bellum gerimus, evertuimus, nihil aliud quem nobismet ipsis oculos effodiamus. Probat igitur coniecturam, *internecivumque*, quae certissima esset in alio scriptore. Ita Cicroni et alias dicitur eiusmodi bellum, quod nostri Scriptoris stilo erat *omni odio imbutum*. In extrema denique periodo quaedam excidisse, perspicuum est; sed non admodum multe, opinor, verum ornatius fortasse, quam quae Lambinus ex inge-

praeda adducti, sed odio solemus excidere, quod; in quos propter eorum crudelitatem inflammatae mentes nostrae fuerunt, cum horum etiam tectis ac sedibus residere aliquod bellum semper videtur: ***

- 62 XXIV. Nihil erat latum de me; non adesse eram iussus; non citatus; afueram: eram etiam tuo iudicio civis incolumis, quum domus in Palatio, villa in Tusculano, altera ad alterum consulem transferebatur; *senatusconsulta volabant*, columnae marmoreae ex aedibus meis, inspectante populo romano, ad socrum consulis portabantur: in fundum autem vicini consulis non modo instrumentum, aut ornamenta villae, sed etiam arbores transferebantur: quum ipsa villa non praedae cupiditate (quid enim erat praedae?) sed odio et crudelitate funditus everteretur. Domus ardebat in Palatio

nio suo adombravit: Sic vos vestrum in me crudele et immane odium in mentem domum profudit. Nunc lectores nobis omniem harum insaniam sententiarum perpetualem animo complectantur iude a §. 60. Nihil attinet, inquit, de vestra crudelitate queri — non enim vos arbitror tam cupidos fuisse columnarum et valvarum mearum — neque porro illa ratio Catilinae bonis meis famem suam explere (an ad se trahere) voluit — sed, ut capitales hostes non aviditate praedae etc. Num potest ebruius homo dissolutius scribere? Id.

Excidere) *Exstinguere* Lamb. Lulem. *exapere* Graev. Grut.

Non adessa eram iussus) Usque ad ravim repetit, quae supra andivimus non iudicium aut legem de se latam esse. Ergo *incolumis* est, qui nullo iudicio damnatus est, integer §. 87. Antea uno spiritu legi sauebat Garatonius *non citatus afueram*, gratiore sane structura. Deinde in putas

putas quisquilias incidimus. Domus et villa, nescio quibus machinis, ablatae sunt ad duo consules; columnae ex domo asportatae; ex villa non solum ornamenta, sed et iustrumecta, sed et ipsae arbores asportatae: (quid iam reliqui censes)? ipsa villa funditus eversa, sc. ne hoc quidem factum est cupiditate praedae (non multum enim offerebat res augustae domi: cf. tamen §. 60), sed solo incredibili amore vindictae. — In mediis his verbis destituunt nos MSS. omnes, haec exhibentes sensu expartia: *Senatusconsulta volabant s. vatabant*, s. vocabant, ex quibus varia comminisci licet, nihil autem, quod pro manu Auctoris haberi possit. Ad *socrum Pitonis* conf. in Pis. cap. 11, et ad seqq. locum pro Sext. §. 54. WOLF. — Alii *Senatum consules vatabant*, vel *S. c. lugera vabant*.

Ad alterum consulem) Lamb. edidit: *altera ad alterum, altera ad alterum consulem*.

non fortuito, sed oblato incendio: consules epulabantur, et in coniuratorum gratulatione versabantur, quum alter se Catilinae delicias, alter Cethegi consobrinum fuisse diceret. Hanc ego vim, Pontifices, ⁶³ hoc scelus, hunc furorem meo corpore opposito, a bonorum omnium cervicibus depuli, omnemque impetum discordiarum, omnem diu collectam vim improborum, quae inveterata, compresso odio atque tacito, iam erumpebat, nacta tam audaces duces, excepi meo corpore. In me uno consulares faces, iactae manibus tribuniciis; in me omnia, quae ego quondam retuderam, coniurationis nefaria tela adhaeserunt. Quod si, ut multis fortissimis viris placuit, vi et armis contra vim decertare voluissem: aut vicissem cum magna internecione improborum, sed tamen civium; aut, interfectis bonis omnibus, quod illis optatissimum erat, una cum republica concidissem. Vide- ⁶⁴ bam, vivo senatu populoque romano, celerem mihi

Hanc ego vim) Dura transitio. Postque eam offendit tautologia, meo corpore opposito, et excepi meo corpore. Et quid dicit vim improborum? Explicant iram, quin haec Latine et colligi dicitur et erumpere; non male cf. §. 86: at h. l. maius quiddam velle sibi videtur vaga vox, quae aptiorem casus fortasse non obicit scribenti. In ceteris plerisque codd. ut Oxonn., erumpebat in actum: unus modo Pa. videtur confirmare eximium correctionem Mureti Varr. Lectt. VI, 19, quae nunc vulgo recepta est. W.

Videbam, vivo senatu) Hic quoque notaunda est insipiens sapientia, quae facile praevидit reditum suum, et celerem, et summam eum dignitate. Iam in Or. ad Quir. §. 15 monuitur, Ciceronem non ita calide sperasse, se revocatum iri a vivo senatu populo-

que Rom. Porro cur non paulo audacius *viva republ.*? Placuisse homini id genus loquendi, apparet ex §. 96 et 102, ubi id paulo tolerabilius est. Etiam constructio nihil habet Ciceronianum, videbam mihi reditum. Mox nulla transpositione egemus, tantum sublata distinctione ante fieri, ut ordo verborum sit: *neo diutius fieri posse intell.* h. e. *longius*. Reliqua viri docti variis modis saquare student, quae tamen sic, ut leguntur, ab Auctore profecta praestare ausim, dummodum eum Graevio et aliis delectur verbum esse, quod nullus bonus cod. exhibet, ne unus quidem Oxonn. Ita hoc dicit: *Si non licebat redire, sciebam, clarissimos viros se in medios hostes iniicisse: at ego dubitarem facere?* (non quidem in hostes me iniicere, sed aliquid simile, quodcum-

summa cum dignitate reditum: nec intelligebam, fieri diutius posse, ut mihi non liceret esse in ea republica, quam ipse servassem. Quod si non liceret, audieram et legeram, clarissimos nostrae civitatis viros se in medios hostes ad perspicuam mortem pro salute exercitus iniecisse: ego pro salute reipublicae universae dubitarem? hoc meliore conditione, quam Decii, quod illi ne auditores quidem suae gloriae, ego etiam spectator meae laudis esse potuissem.

XXV. Itaque infractus furor tuus inanes faciebat impetus. Omnem enim vim omnium sceleratorum acerbitas mei casus exceperat. Non erat in tam immani
65 iniuria tantisque ruinis novae crudelitati locus. Cato fuerat proximus. Quid ageres? Non erat, ut qui modus omnibus moribus fuerat, idem esset iniuriae. Quid? posses extrudere ad Cypriam pecuniam. Praeda perierit; alia non deerit: hunc modo amandandum

que lubet) qui tanto meliore essem conditione (absolute posito ablativo) quam viri illi clarissimi, Decii: nam hi na audire quidem laudem suam poterant, postquam se devoverant, ierantque eo, unde negant redire quemquam: ego vero superstes etiam spectare meam laudem potuissem: v. c. in scena, in tragoedia, agente fortasse aliquo Aesopo. — Videmur iam nobis non contemnendos progressus fecisse in hac Latinitate. Conf. pro Sext. §. 48, ubi item Decios habebis. Id.

Quid ageres? non erat) Vetus liber Hotomani: Quid ageres, non erat: nisi ut, qui mihi dux in omnibus meis rebus fuerat, socius idem esset iniuriae? Quid? aiicere posset? non? quid ergo? extrudere ad Cypriam pecuniam? praeda perierit: alia non deerit: hic modo amandatus sit. Alius liber, Stephani, cui Oxonn.

suffragatur, al modo eorum varietas diligenter notata est, sic exhibebat: Quod ageres, non erat, nisi ut, qui mihi dux omnibus in rebus fuerat, idem esset iniuriae socius. Quid posses? extrudere ad Cypr. etc. His addidit coniecturam suam Garstonius: Quid ageres, non erat, ut, qui mihi socius omnibus in rebus fuerat, idem esset iniuriae? quid? posses extrudere etc. Potius his omnibus videtur scriptura Hotomani; sed de auctoritate non anxie quaerendum est. Id.

Extrudere ad Cypriam pecuniam) Ad vendenda Ptolemaei Cypri regis bona: ex quibus pecuniam exactam Romam retulit. Max.

Praeda perierit) Verba Clodii: si Catonem, virum optimum, ad Cypriam pecuniam mitto, haec mihi praeda omino peribit. Id.

Hunc modo amandandum esse) Su-
baudi, stet, fixum sit, deinde aliam

esse. Sic M. Cato invisus, quasi per beneficium, Cyprum relegatur. Eiiciuntur duo, quos improbi videre non poterant: alter per honorem turpissimum, alter per honestissimam calamitatem. Atque, ut sciatis,⁶⁶ non hominibus istum, sed virtutibus hostem semper fuisse: me expulso, Catone amandato, in eum ipsum se convertit, quo auctore, quo adiutore, in concionibus, ea quae gerebat omnia, quaeque gesserat, se et fecisse et facere dicebat. Cn. Pompeium, quem omnium iudicio longe principem esse civitatis videbat, diutius furori suo veniam daturum non arbitrabatur. Qui ex eius custodia, per insidias, regis amici filium, hostem, captivum, surripuisset, et ea iniuria virum fortissimum lacesisset, speravit iisdem se copiis cum illo posse configere, quibuscum ego noluissem, bonorum periculo, dimicare: et primo quidem, adiutoribus consulibus; postea fregit foedus Gabinus; Piso tamen in fide mansit. Quas iste tum caedes, quas⁶⁷ lapidationes, quas fugas fecerit; quam facile ferro quotidianisque insidiis, quum iam a firmissimo robore copiarum suarum relictus esset, Cn. Pompeium foro curiaeque privarit, domumque coniecerit, videritis. Ex quo iudicare potuistis, quanta vis illa fuerit

praedam quiseremus. Id.—Cod. Hent. Stephani, *hic modo amandandus sit.*

Sic M. Cato invisus) *Invisus*, quod nonnullis displicet, quandam lucem habebit ex sequentibus: *quos improbi videre non poterant*, quae sunt quasi veriloquium istius vocabuli. Deinde miretur aliquis, cur non concinnius scriptum sit, *per honorem calamitosissimum*, *per honestissimam calamitatem*. Hoc forsitan esset, ex idea scriptoris emendare. WOLF.

Qui ex eius custodia, per insidias,

regis amici filium) Tigranem, Tigrania Armenii filium, quem Romam abductum Pompeius apud Flavium praetorem in publica custodia tenuit. De ea re, quae prima causa fuit gravis inimicitiae inter Pompeium et Clodium, vide Asconium ad Milon. esp. 14, Plutarchum Pompeio p. 645 A. Dionem XXXVIII, 30. Eademque occasio erat Gabinio a Clodio suo deficiendi. Vide in Pis. §. 27. Id.

a firmissimo robore) Quum iam Gabinus defecisset. FENZ.

oriens et congregata, quum haec Cn. Pompeium ter-
ruerit iam distracta et exstincta.

- 68 XXVI. Hoc vidit in sententia dicenda Kal. Ianuariis
vir prudentissimus, et quum reipublicae, tum mihi,
tum etiam veritati amicissimus, L. Cotta, qui legem
de meo reditu ferendam non censuit; qui me consu-
luisse reipublicae, cessisse tempestati, amiciorem
vobis ceterisque civibus, quam mihi ac meis exstitisse,
vi, armis, dissensione hominum ad caedem instituta,
novoque dominatu pulsum esse dixit; nihil de meo
capite potuisse ferri; nihil esse scriptum, aut posse
valere; omnia contra leges moremque maiorum, te-
mere, turbulente, per vim, per furorem esse gesta.
Quod si illa lex esset, nec referre ad senatum consu-

Congregata) Graev. ex edd. ali-
quot vet. maluit scribi *aggregata*.

Iam distracta et exstincta) Quid?
etiam *exstincta* vis terruit Pompeium
Magnum? Esto: *exstincta* dici iam
potuit vis, quae eodem versu tan-
tum *distracta* dicebatur, i. e. *divisa*,
acil. C. C. C. ad Pompeii partes trans-
gresso? Hiccin quoque stupor ut
Ciceronis ingenio adscribatur! MARKL.
Nunquam in mentem videtur viro
nimis severo venisse illud Emma-
nelis Thesauri, nisi fallor, emblema
(sic enim vocant imaginem cum sen-
tentis), quo depictis titiionibus, ut
disciuntur a manu ferro armata,
adscripta sunt verba Italica, *Distinti*,
estinti. GAZN. Gairit homo, quidquid
ei in haecam venit, si modo antithe-
tis et minutis imaginibus ludere po-
test, nihil curans, quum sibi ipsa
constet. Initio espitis dixit, *Itaque*
infractus furor tuus inanes faciebat
impetus: nunc hisce exstinctis titio-
nibus viros terreri legimus. WATR.

Hoc vidit) Quid vidit? Nos pro-
fecto nihil nisi aegri somnia vidimus.

De totu hoc genere transitionum nus-
quam non tacent Intpp., rati fortasse
ad Ciceronem, non ad se, eam cau-
sam pertinere. De Cotts, qui censuit
legem non ferendam, lege non opus
esse, conf. pro Sext. cap. 34, unde
huc translata sunt plura, non sine
quibusdam variationibus. ID.

Dissensione) MS. Guelf. *disces-
sione*.

Nihil esse scriptum) Sic Beckius
cum ed. Iunt. Vulgo *inscriptum*, Lam-
bin. e coniectura *nihil esse iure scrip-
tum*, quod optimum censet Wolfius.

Moremque) Sic Manut. Car. Steph.
Lamb. Beck. Vulgo *moresque*.

Neo — consul — sibi licere) Fa-
cillima est Lambini correctio, *consu-
libus*, ut respondeat alteri dativo *sibi*:
eademque certa esset, si nunc versa-
remur in Cicerone. Eodem prorsus
modo constructum meminimus ver-
bum *licere* §. 37: « Cur enim quis-
quam vellet Tribunal pl. se fieri non
licere? » et §. 51: « Quem tu ipse non
poteras dicere non *licere* esse Romae. »

les, nec sententiam dicere sibi licere: quorum utrumque quum fieret, non oportere, ut de me lex ferretur, decerni, ne illa, quae nulla esset, esse lex iudicaretur. Sententia gravior, verior, melior, utilior reipublicae nulla esse potuit. Hominis enim scelere et furore notato, similis a republica labes in posterum demovebatur. Neque hoc Cn. Pompeius, qui ornatis-⁶⁹ simam de me sententiam dixit, vosque, Pontifices, qui me vestris sententiis auctoritatibusque defendistis, non vidistis, illam esse nullam, atque esse potius flammam temporis, interdictum sceleris, vocem furoris; sed prospexistis, ne qua popularis in vos aliquando invidia redundaret, si sine populi iudicio restituti videremur. Eodemque consilio, M. Bibuli, fortissimi viri, senatus sententiam sequutus est, ut vos de mea domo statueretis: non quod dubitaret, quin ab isto nihil legibus, nihil religionibus, nihil iure esset actum; sed ne quis oriretur aliquando in tanta ubertate improborum, qui in meis aedibus aliquam religionem residere diceret. Nam legem quidem istam, nullam esse, quotiescumque senatus de me sententiam dixit, toties iudicavit: quoniam quidem scripto illo

Quibus in locis rectius fuisset sibi et cui. WOLF.

(1) Hunc ordinem verborum o cod. Lamb. Grævius prætulit vulgato: *sententia verior, gravior, utilior, melior*.

Illam esse nullam — *vocem furoris*) Incepta sunt hæc nuntiis. Primum dura ellipsis est in *illam*; nisi excidit *legem*, quod sponte inseruit Lambinus. Tota quia nefariam legem dixit *flammam temporis*? et *interdictum sceleris*? Posterius benigne explicet scelus, ex scelere ortum, tyrannicum; etiam affertur similia locutio Cic. in Pis. §. 18, *interdicta crudeli-*

tatis tuæ, ubi imperiosum coconsulis edictum onatur, quo senatus ad voluntatem suam redire iussus erat. Quomodo tamen hæc, de qua nunc agitur, lex *interdictum* vocari potuerit, equidem nuncum satis assequor. W.

Scripto illo iustus) Hoc est, legis Clodius prohibuerat, dici sententiam in senatu pro Cicerone: quoties igitur sententia dicta est, toties indicatum est, nulla eam legem esse. Fian. Male viucta est oratio: *senatus sententiam dixit — quoniam sententiam dicere vetabatur*. Ipsa res paucis interiectis putide repetitur §. 71. In.

⁷⁰ istius, sententiam dicere vetabatur. Atque hanc rem par illud simile, Piso et Gabinus, vidit. Homines legum iudiciorumque metuentes, quum frequentissimus senatus eos, ut de me referrent, quotidie flagitaret, non se rem improbare dicebant, sed lege istius impediri. Erat hoc verum: nam impediabantur, verum ea lege, quam idem iste de Macedonia Syria-que tulerat.

XXVII. Hanc tu, P. Lentule, neque privatus, neque consul legem esse unquam putasti. Nam tribunis plebis referentibus, sententiam de me designatus consul saepe dixisti: ex Kalendis Ianuariis, quoad perfecta res est, de me retulisti, legem promulgasti, tulisti: quorum tibi, si esset illa lex, nihil liceret. At etiam Q. Metellus, collega tuus, vir clarissimus, quam legem esse homines alienissimi a P. Clodio iudicarent, Piso et Gabinus, eam nullam esse frater P. Clodii, quum de me ad senatum tecum una retulit,
⁷¹ iudicavit. Sed isti, qui Clodii lege timuerant, quemadmodum ceteras observarunt? Senatus quidem, cuius est gravissimum iudicium de iure legum, quotiescumque de me consultus est, toties eam nullam esse iudicavit. Quod idem tu, Lentule, vidisti in ea lege, quam de me tulisti. Nam non est ita latum, ut mihi Romam venire liceret, sed UT VENIREM. Non

(1) Lambinus coniecit quoniam quidem ea praescripto istius sententiam dicere iubebatur.

Atque hanc rem) Et hic licet interrogare, quamnam rem? Etsi enim aliqua ratio reddi potest huius innoturnae, tamen eam nimis negligenter factam esse, attente legenti apparebit. W.

Quum frequentissimus senatus — quotidie flagitaret) Bene monet Vol-
 fuis senatores quosdam flagitare quo-

tidie dici potuisse, non frequentissimum senatum, quum non quotidie senatus haberetur.

Sententiam de me — saepe dixisti) Octo Tribunis pl. saepenumero referentibus, credo. Vide Or. in Sen. §. 4 et 8. Vnus Lentuli designati Cos. de se sententiam laudat Cic. pro Sext. §. 70. WOLF.

Ut venirem) Nihil huiusmodi legimus apud Ciceronem. Haud absortum quidem fidei est, sic in lege sen-

enim voluisti id, quod licebat, ferre, ut liceret; sed me ita esse in republica, magis ut arcessitus imperio populi romani viderer, quam ad administrandam civitatem restitutus.

XXVIII. Hunc tu etiam, portentosa pestis, exsulem 72 appellare ausus es, quum tantis sceleribus esses et factis notatus, ut omnem locum, quo adisses, exsiliū simillimum redderes? Quid est enim exsul? ipsum per se nomen calamitatis, non turpitudinis. Quando igitur est turpe? revera, quando est poena peccati; opiaione autem hominum etiam, si est poena damnati. Vtrum igitur peccato meo exsulis nomen subeo, an re iudicata? Peccato? iam neque tu id dicere audes, quem isti satellites tui felicem Catilinam nominant, neque quisquam eorum, qui solebant. Non modo iam nemo est tam imperitus, qui ea, quae gessi in consulatu, peccata esse dicat; sed nemo est tam inimicus patriae, qui non meis consiliis patriam conservatam esse fateatur. Quod enim est in terris commune tan- 73

Lentulum scripsisse, quamvis conformatio sententiae rhetoricam achoolam redolent. Neque nimis Latius sunt verba *me ita esse in republ.*; ultima vero talia, quae saepe non fierent deteriores, si ordinem inverteres, ut serio coniecit Ernestius; *magis ut arcessitus ad admin. civitatem viderer, quam imperio populi rom. restitutus*. Sed vulgatum ordiorem ut servet, ita explicat Garatonius: Vt populus rom. magis videretur Ciceronem absentem adesse iussisse, quoniam ius civitatis administrandae, quod ademptum fuerit, ei restituisse. Neque nos aliud remedium videmus his ineptiis, nisi magnum illud et efficax, liturnum. *Id.*

Magis ut arcessitus — quam — restitutus) Ernestius haec permutata esse censuit, et sic constituenda: *magis*

ut arcessitus ad administrandam civitatem viderer, quam imperio populi romani restitutus. Saep̄ placet.

Sceleribus esses et factis notatus) Haerent lotpp. in *factis*, vocabulo ignave sobiuocato. Quare Graevius ex fide nonnullorum codd. delevit verba, *et factis*; Ernestius magis Ciceronianum putat malefactis. *WOLF.*

Poena damnati) Vtcumque et iniuste damnati, ex vi rei iudicatae. *FERR.*

Felicem Catilinam nominant) Tacite significat, non poiri Clodium, hostem reipublicae, quam penitus Catilina sibi *MAN.*

Quod — tantulumve consilium) Tam magnum, aut tam parvum. — Affectata dictio, simulque fortissima, place ut §. 75, ubi de suis in

tum tantulumve consilium, quod non de meis rebus gestis ea, quae mihi essent optatissima et pulcherrima, iudicavit? Summum est populi romani populorumque et gentium omnium ac regum consilium senatus: decrevit, ut omnes, qui rempublicam salvam esse vellent, ad me unum defendendum venirent; ostenditque, nec stare potuisse rempublicam, si ego non fuisset, nec futuram esse ullam, si non redisset.

74 Proximus est huic dignitati ordo equester. Omnes omnium publicanorum societates de meo consulatu, ac de meis rebus gestis amplissima atque ornatissima decreta fecerunt. Scribae, qui nobiscum in rationi-

omnes mortales meritis atque nationum, provinciarum, regum, orbis terrarum iudicio gloriantur. Libenter sui in republ. merita commemorat Cicero: sed ubi id facit tam molesta et mendaci arrogantia? Conf. pro Sext. §. 32, a quo loco abest illud in terris. Wolf.

Ostendatque — si non redisset) Vix intelligas, quomodo senatus id ostendere potuerit illo decreto; nisi dicamus, simile quid in eo scriptum fuisse isti Gellianus testimonio ad Quir. §. 17. At probabilius videtur, haec quoque verba habenda esse pro verbis, quibus amplior fieret peritio. In reliquis dedi cum Ernestio *si ego non fuisset*, ubi vulgo addebant *restitutus*, in quo ipsa tautologia satis displicere debuit. Conf. infra §. 111. Id.

Omnium publicanorum societates) Retinui lectionem Gneviaeam, quam reperio in quique Oxon. Ernestius rediit ad antiquam *publicorum* (ex codd. Lamb. Poll. omnes, S. Victor. Franc.), quam Latinam esse nemo neget; sed quum hic facilis mutatio sit, utrum scriptor dederit, dubitari potest. Nihil enim certo affirmare au-

sim; attamen mihi magis placet publicanorum, nec temere moveor frigore, quod ita est in omnium. Immo, quo frigidior quaeque est lectio, eo interdum magis videtur genuina esse. Wolf.

Scribe — decretumque esse voluerunt) Sigonius de ant. iure civ. Rom. II, 9, monuerat, non admodum gravem et honestum Romae fuisse ordinem scribarum: sed Sigonio, cuius liber mihi, haec scribenti, non est ad manum, hanc nostrum locum opposuit Graevius, quod in eo scribae statim ordini equestri subiciantur. Cuius rei causa adhibere etiam poterat locum Catil. IV, 7, ubi id genus hominum itidem equitibus subiungitur, interpositis tribunis aerarii. Immo in Verr. III, 79, ubi Hortensio, quasi obiciienti, *Est ordo honestus*, respondet Cicero, *Quis negat?* Neque tamen horum omnium locorum auctoritas tanti est momenti, quanti unum perspicuum, incorruptum nullaque re suspectum testimonium Corn. Nepotis Eum. esp. 1. Nam illa scribarum mentio in IV Catil. dumtaxat casui debetur, ut ipse Cicero testatur: a Scriba item univ-

bus monumentisque publicis versantur, non obscurum de meis in reipublicam beneficiis suum iudicium decretumque esse voluerunt. Nullum est in hac urbe

sos; quos quum *casu* hic dies ad aerarium frequentasset etc. In altero autem loco spectandum est consilium Oratoris, in quem Hortensius videbatur huic ordinem scribarum concitaturus, quasi commoda eorum praeferat aequum immodice aucta a Cicerone labefactarentur. Eorum igitur voluntatem ne offendant, de honestate ordinis se dubitare negat. *Et honestus ordo*, inquit, (hanc ob causam) quod eorum hominum fidei tabulae publicae periculaque magistratum committuntur: ex quibus verbis adumbrata sunt haec ipsa, qui nobiscum versantur. Ceterum Cicero et illo et praecedente capite atque cap. 66, parum honorifice in universum de his hominibus sentit; etsi concedit, in eorum numero viros optimos et honestissimos esse. Sed de loco et honore scribarum in republ. cum Nepote, mercenarios eos appellante, iungendus est Cic. Verr. III, 78, ubi dicuntur apparitores, parva mercede conducti, et Liv. IX, 46, XXXVIII, 51, 55, Suet. Vesp. cap. 3. Erant illi ferae libertinae conditionis (Hort. Serm. I, 5, 66), emebantque munus suum, id est enim, decuriam emere, scriptum sibi comparare. Ergo si h. l. scribae proximi equitibus ponuntur dignitate, quod putabat Graevius, et persimile veri est ab auctore factum esse, quum facile ei fraudem facere posset locus in Catilinaria, manifestum hoc indicium est, Oratorem a peregrino homine, i. e. extra Urbem habitante scriptam esse. MARKL. Sic valde peregrinum Romae fuisse oportet, aut forte auctorem librorum de legibus non esse oportet Tullium,

qui in fine operis §. 46 seqq. hoc ipsum conqueratur, non esse peculiari magistratui mandatum legum custodiam: *Itaque leges sunt*, inquit, *quas apparitores nostri volunt* (sunt enim in apparitorum classe, quod satis constat, scribae) a librariis petimus literis consignatam memoriam, publicam nullam habemus. Siadet deinde hanc curam dare censoribus. Et paulo post ex persona Attici, cum respectu ad illum, dicitur: Nam ut modo etc. Quibus similia ostendi possunt ex Catois Uticensis quaestura apud Plutarchum. Sed nimis honestos facit hic auctor, quod proximos facit ordini equestri? Nonne vero idem fit in Catilinaria IV? nam quod hic causatur vir doctus, evanescit, ubi primum locus ipse totus inspicitur. Et quid dicet de altero loco? quem non ignovavit, sed non totum accurate considerare videtur, ubi genera scribarum distinguit Tullius, inde a verbis, *Scribae nomine de tota pecunia usque ad haec, in secundum ordinem civitatis se venisse dicunt*. Quis potest ille secundus ordo alius esse quam equester? in quem est aditus scilicet, ubi primum aliquis quadringenta illa habet. Itaque isti scribae quum decuriam emerant, rem lucrasam, si quis se instituat, ut Verris illi apparitores, iam se equites putant, quum expeditum illis sit, quadringenta illa corraderi. Tametsi, quum in eo ordine videamus esse multos non idoneos, qui ordo industriae propositus est et dignitati, mirabimur, turpes aliquos ibi esse, quo cuius licet pretio pervenire? Quod de aequitri ordine modo dixi, extra dubitationem

collegium, nulli pagani aut montani (quoniam plebei quoque urbanae maiores nostri conventicula, et quasi consilia quaedam esse voluerunt) qui non amplissime, non modo de salute mea, sed etiam de dignitate de-
 25 creverint. Nam quid ego illa divina atque immortalia municipiorum et coloniarum et totius Italiae decreta commemorem, quibus, tanquam gradibus, mihi vi-

nem constituitur ex narratione, quae c. 80 sequitur, de munulo aureo equestri, quo scribam summa Verres in concione donavit. Non igitur peregrinum se Romae prodidit hactenus Auctor. GRÆV. Nolo arguere quae in his aliena sunt et parum apta ad illam refelleodum: neque id ad causam nostram magnopere attinet. Nam si revera decretum ab universis scribis in Ciceronis gratiam factum esset, vix eorum mentio fieri alio loco potuisset. Sed male dictum videtur, non observum suum decretum esse voluerunt; totum autem loco materia sumpta ex illo pro SEXT. §. 32: « Nullum erat Italiae municipium, nulla colonia, nulla praefectura, nulla Romae societas vectigalium, nullum collegium, aut consilium, quod tum non honorificentissime decrevisset de mea salute. » De scribis ne γῑρ, ne significatio quidem. WOLF.

Nulli pagani aut montani) GRÆV. vix de his montanis, Cogitabam, inquit, viliores cives forte habitasse in Ianiculo, Vaticano, Aventino, qui tum erat extra pomerium Urbis; sed qui illorum meminere praeter Cic. b. l., non inveniui, nec satis causas video, cur illi praecipue commemorentur. — Sane, ubicumque vixit Auctor, ignorare non potuit, Romanum in septem montibus extractam esse: unde ipsi forsitan coniectura nata est, plebem, in his montibus habi-

tautem, distingui posse a reliqua, in plano et in vallibus degente; ex quo gentem habemus, ut verisimillimum videtur ipsius Declamatoris ingenio creatam. Nam nulla, quod constet, mentio illorum est apud alium scriptorem; cui antiqua Verba nota fuerit. MARK. At est illorum mentio diserta apud Varronem de L. L. V, 3, pag. 49, 7, quem totum locum recitasse non poenitebit: « Dies Septimontium nominatus ab his septem montibus, in quibus sita Verba est, feris non populi (totius Romani) sed MONTANORUM modo; ut Paganilibus, qui sunt alicuius pagi. » Non diserte distinguit Varro Montanos a Paganis? Nonne ipsa feriarum diversitas indicat, conventicula et concilia peculiaris Montanis fuisse et Paganis? Ergo hic etiam nihil est, quod non M. Tullio dignum sit. GRÆV. Hic quidem nihil, ut opportuna doctrina praenotare docuit Gesnerus. Sed quod statim sequitur de conventiculis plebis urbanae, velut publica auctoritate florentibus, vix illo tempore Cicero scribere potuisset. Vt alia omittam, lege locum Asconii in Or. pro C. Cornel. p. m. 137: « Frequenter tum coetus factionum hominum sine publica auctoritate malo publico fiebant; propter quod postea collegia S. C. et pluribus legibus sunt sublata, praeter pauca atque certa, quae utilitas civitatis desiderasset, ut fabrorum licetorumque. » WOLF.

deor in caelum adscendisse, non solum in patriam revertisse? Ille vero dies qui fuit, quum te, P. Lentule, legem de me ferente, populus romanus vidit, sensitque, quantus et quanta dignitate esset? Constat enim, nullis unquam comitiis campum Martium tanta celebritate, tanto splendore omnis generis hominum, aetatum, ordinum floruisse. Omitto civitatum, nationum, provinciarum, regum, orbis denique terrarum de meis in omnes mortales meritis unum iudicium, unumque consensum: adventus meus atque introitus in urbem qui fuit? utrum me patria sic accepit, ut lucem salutemque redditam sibi ac restitutam accipere debuit, an ut crudelem tyrannum? quod vos Catilinae gregales de me dicere solebatis. Itaque ille unus dies, quo die me populus romanus ⁷⁶ a porta in Capitolium, atque inde domum sua celebritate laetitiaque comitatum honestavit, tantae mihi iucunditati fuit, ut tua mihi conscelerata illa vis non modo non propulsanda, sed etiam emenda fuisse videatur. Quare illa calamitas (si ita est appellanda) excussit hoc genus totum maledicti, ne quisquam audeat iam reprehendere consulatum meum tot, tantis, tam ornatis iudiciis, testimoniis, auctoritatibus comprobatum. Quod si in isto tuo maledicto probrum non modo mihi nullum obiectas, sed etiam laudem illustras meam; quid te aut fieri, aut fingi dementius potest? uno enim maledicto, bis a me patriam servatam esse concedis: semel, quum id feci, quod omnes non negent immortalitati, si fieri potest, mandan-

(1) *Dignitate esset*) Valgo *esses* in codd. Lamb. Pall. aliisque *esse*. Lamb. et Faern. coni. *esset* scil. *populus*; quod sane aptissimum, et Wolfio quoque probatum.

Comitatum) Gruer. e cod. Franc. *ne comitatu*.

Quare illa calamitas excussit — *ne quisquam*) Offendit haec iunctura verborum. Wotr.

dum, tu supplicio puniendum putasti; iterum, quum tuum multorumque propter te inflammatum in bonos omnes impetum meo corpore excepi, ne eam civitatem, quam servassem inermis, armatus in discrimen adducerem.

- 77 XXIX. Esto, non fuit in me poena ulla peccati; at fuit iudicii. Cuius? quis me unquam ulla lege interrogavit? quis postulavit? quis diem dixit? Potest igitur damnati poenam sustinere indemnat? hoc tribunicium est? hoc populare? quamquam ubi tu te popularem, nisi quum pro populo fecisti, potes dicere? Scilicet! quum hoc iuris a maioribus proditum sit, ut nemo civis romanus aut libertatem aut civitatem possit amittere, nisi ipse auctor factus sit: quod tu ipse potuisti in tua causa discere. Credo enim, quamquam in illa adoptione legitime factum est nihil, tamen te esse interrogatum, AVCTORNE ESSES, VT IN TE P. FONTEIVS VITAE NECISQVE POTESTATEM HABERET, VT IN FILIO. Quaero, si aut negasses, aut tacuisses, si tamen id xxx curiae iussissent, num id iussum esset ratum? Certe non. Quid ita? Quia ius a maioribus nostris, qui non fecte et fallaciter populares, sed vere et sapienter fuerunt, ita comparatum est, ut civis romanus libertatem nemo posset invitus

Nisi quum pro populo fecisti) Pro populo facere non solum est, populi rem causamque tueri, sed etiam pro populo sacra facere; quod sacerdotum est (Vide Epp. ad Att. I, 12, 13, de H. R. §. 37, uti dicitur *facere pro frugibus* a. aliis rebus). Ludit igitur Cicero in ambigua sententia; sed revera punit acerbe Clodium, renovata illius temporis memoria, quum Pompeiae, Caesaris uxoris, amore flagrans, ad sacra Bonae Deae mulie-

bri vestitu, quasi et ipse pro populo facere vellet, accessit. MAN.

Scilicet!) Subaudi hoc tribunicium, hoc populare est. TYP.

Nisi ipse auctor factus sit?) Nisi ipse consenserit. MAN.

xxx Curiae) Franc. cod. *triginta* civis, quod Graevio ideo placebat quia tam loco xxx curiarum xxx lictores legem curiatam ferebant.

Possit) Lamb. Graev. Oliv. Lall. Oxx. *possit*.

amittere. Quinetiam, si decemviri sacramentum in⁷⁸ libertatem iniustum iudicassent, tamen, quotiescumque vellet quis, in hoc genere solo rem iudicatam referre posse voluerunt. Civitatem vero nemo unquam ullo populi iussu amittet invitus.

XXX. Qui cives romani in colonias Latinas proficiscebantur, fieri non poterant Latini, qui non erant auctores facti, nomenque dederant. Qui erant rerum capitalium condemnati, non prius hanc civitatem amittebant, quam erant in eam recepti, quo vertendi, hoc est, mutandi soli causa venerant. Id autem ut esset faciundum, non ademptione civitatis, sed tecti et aquae et ignis interdictione faciebant. Populus romanus, L. Sulla dictatore ferente, comitiis⁷⁹ centuriatis, municipiis civitatem ademit: ademit iisdem agros. De agris ratum est; fuit enim populi potestas; de civitate, ne tamdiu quidem valuit, quamdiu illa Sullani temporis arma valuerunt: hanc vero Volaterranis, quum etiam tum essent in armis, L. Sulla victor, republica recuperata, comitiis centuriatis,

Sacramentum) Sacramentum sumitur pro lite: proprie significat pecuniam certam, quam utraque pars ad Pontificem deponebat ex conditione, ut illius, qui victus fuisset, pecunia ad aerariam referretur. FEAR.

Rem iudicatam referre) Docti nonnulli malunt *referri*, recte: sed ipsa loquutio vix debet recte videri, quippe obscura et inaudita auribus Romanis. Ita et Lambinus credebatur, qui sagaciter divinabat, *referre rem iudicatam* esse, rem iam iudicatam, quasi adhuc controversam, iudicium sententia de integro permittere, ut rursus de ea, quasi nunquam ante in iudicium adducta atque cognita, cognoscant et sententias ferant. W.

Voluerunt) In edd. vett. sic legabatur: *hoc in genere se rem iudicatam referre voluerunt*. Lambinus dedit: *hoc in genere se rem iudicatam referre posse voluerunt*. Fieri coniecturae debetur voc. solo.

Qui cives Romani — nomenque dederant) Gravis sententia: Non sunt in colonias profecti, qui nomen non dederant, h. e. qui noluerunt proficisci in colonias, qui non sunt profecti. Voluit rem illustrare ex historia, id est, ex Cic. pro Caecina cap. 33, ubi plura comparanda sunt. WOLF.

Id ut esset faciundum — faciebant) H. e. ut verterent solum, non ademptione etc. cogebantur. Ineptissima stribligo. Id.

civitatem eripere non potuit; hodieque Volaterrani non modo cives, sed etiam optimi cives, fruuntur nobiscum simul hac civitate: Consulari homini P. Clodius, eversa republica, civitatem adimere potuit, concilio advocato, conductis operis non solum egen-
 80 tium, sed etiam servorum, Sedulio principe, qui se illo die confirmavit Romae non fuisse? Quod si non fuit, quid te audacius, qui eius nomen incideris? quid desperatius, qui ne ementiendo quidem potueris auctorem adumbrare meliorem? Sin autem is primus scivit, quod facile potuit, propter inopiam tecti, in foro pernoctans: cur non iuret se Gadibus fuisse, quum tu te fuisse Interamniae probaveris? Hoc tu igitur, homo popularis, iure munitam civitatem et libertatem nostram putas esse oportere, ut, si tribuno plebis rogante, VELITIS, IVBEATISNE, Sedulii centum *se velle et iubere* dixerint, possit unusquisque nostrum amittere? Tum igitur maiores nostri populares non fuerunt, qui de civitate et libertate ea iura sanxerunt, quae nec vis temporum, nec potentia magistratum,

Sedulio principe) Primo suffragium ferente.

Incideris?) Sic I. F. Gron. Gerot. Wolf. Beck. legendum viderunt hoc sensu: qui nomen Sedulii illius in illo plebeis cito in aes inaequale poneris, tanquam is in primis eam solverit. Frustra Ern. vulgatum defendere conatus est.

Gadibus) Ant. Augustinus coni. in gradibus soil. *Aureliis fuisse.*

Quum tu te fuisse Interamniae probaveris?) Illo die, quo Bonae Deae sacra Romae pollueret. Res nota: sed non minus ineptus hic sculeus est quem §. 77. W.

Amittere?) Subaudi civitatem ex Oxonn. quod nuper Editoribus qui-

budam probatum, Wolfio ex glussemate additum videbatur. Antea oportere erat supernacaneum ut et §. 88. T.

Tum — qui — potentia magistratum — possit) Vnam Geratoniūm pungit vocula tum, in principio posita ita, et eam fere hodie ponunt, quum dicere voluit, *hoc ei ita est.* Improbatur autem mos ipse emendationem suam: *Tum igitur — quum de civ., aliisque vitium relinquit sanandum; quod eveniet, spero, quando tot alie sanabuntur, Kalendis Gracis.* Ita Guibelmio displicebat *potentia magistratum*, et forte legendam dicit *impotentia.* Sane hoc quoque scribi forte poterat ab eo, qui tam multa

nec res iudicata, nec denique universi populi romani potestas, quae ceteris in rebus est maxima, labefactare possit. At tu etiam, ereptor civitatis, legem de⁸¹ iniuriis publicis tulisti Anagnino nescio cui Menulae, per gratiam, qui tibi ob eam legem statuam in meis aedibus posuit; ut locus ipse, in tua tanta iniuria, legem et inscriptionem statuae refelleret. Quae res municipibus Anagninis ornatissimis multo maiori dolori fuit, quam quae idem ille gladiator scelera Anagninae fecerat. Quid? si ne scriptum quidem unquam est in ista ipsa rogatione, quam se Sedulius negat scivisse: tu huius, ut acta tui praeclari tribunatus hominis dignitate cohonestes, auctoritatem amplecteris?

XXXI. Sed, tametsi nihil de me tulisti, quo minus⁸² essem non modo in civium numero, sed etiam in eo loco, in quo me honores populi romani collocarunt: tamenne eum tua voce violabis, quem post nefarium scelus consulum superiorum, tot vides iudiciis senatus, populi romani, totius Italiae honestatum? quem ne tum quidem, quum aberam, negare poteras esse

forte, casu, temere scripsit; quin fortasse legitimo vocabulo *potestas* usus esset, nisi id alii membro reservandum putasset. In fine Ernestius correxit *posset*, audacter, ut ait, sed iubente certa lege Latinitatis. W.

At tu etiam — tulisti Anagnino) Nihil nobis hac de re aliunde notum est. Videtur Clodius aliquam legem de iniuriis publicis tulisse, ut gratificaretur homini, qui quum multa scelera in municipes suos commisisset, eorum graves iras et vindictam meruerat. Illam ob rem testandas gratiae causa Clodio ille statusum cum inscriptione posuerat in ara domus Ciceroniana. Mox in *Anagninis or-*

natissimis adiectivum aberat a codd. Lambini; quare, quum parum sapiat Ciceronem, ab illo et Ernestio abiectum est. In reliquis, qui innotuere, libris id legitur omnibus, et plane hunc Ciceronem mihi sapere videtur, qui percomis saepe et humanus est, oratoris ornatu gratia. It.

Inscriptionem statuae) Inscripserat Menula P. Clodio, ob laetam legem de publicis iniuriis. MAN.

Ne scriptum quidem) Vt exulare. PERA. — *Unquam*) Gulielm. conf. usquam.

Cohonestes) *Honestas* codd. Franc. Dresd. alii nonnulli et ed. Rom. Ven. utraque. Restituerunt Graev. Wolf.

tua lege senatorem? Vbi enim tuleras, ut mihi aqua et ignis interdiceretur? quod Gracchus de P. Popillio, Saturninus de Metello tulit. Homines seditiosissimi de optimis ac fortissimis civibus non, ut esset interdictum, quod ferri non poterat, tulerunt, sed ut interdiceretur. Vbi cavisti, ne meo me loco censor in senatum legeret? quod de omnibus, etiam quibus damnatis interdictum est, scriptum est in legibus.

- 83 Quaere hoc e Sex. Clodio, scriptore legum tuarum; iube adesse: latitat omnino; sed si requiri iusseris, invenient hominem apud sororem tuam, occultantem se, capite demisso. Sed si patrem tuum, civem, medius fidius, egregium, dissimilemque vestri, nemo unquam sanus exsulem appellavit, qui, quum de eo tribunus plebis promulgasset, adesse propter iniquitatem illius Cinnani temporis noluit, eique imperium est abrogatum; si in illo poena legitima turpitudinem non habuit propter vim temporum: in me, cui dies

Aqua et ignis) Sic e codd. Frane. Dresd. aliis, edd. pr. et Lamb. repetitis, Wolfio praecedente rescripsit Beckius. Vulgo igni.

Quod ferri) *Fieri* est in codd. duob. Oxx. et edd. nonnullis ut Lamb. repetitis. Graev. ex MSS. *ferre*.

Occultantem se, capite demisso) Haec obscenitatem epigrammatum lascivis potius dignam esse, quam oratoris persona, bene movuit Wolfius. Nam et in genuinis orationibus eius generis probra hic ibi recurrunt, alio tamen modo efferantur.

Sed si patrem — vestri — eique imperium etc.) Quod patrem, Appium Claudium, dissimilem dici *vestri*, asperere simul incessit Appium, huius anni praetorem, cuius honori usque adhuc tam modeste pepercit. Nam

unam sororem Clodii intelligere velle, misericordia esset; et conf. §. 11 2. Paulo post constructio, *qui — adesse — noluit, eique etc.* facile defecdi potest exemplis a Woykenasio allatis Lect. Tull. p. 125. Maior questio est, quomodo imperio viro abrogatum dici potuerit *poena legitima*, praesertim irregata rectori provinciae, qui publica auctoritate abesset. Ferrius quidem interpretatur, quod secundum leges die dicta, citatus fuerit a tribuno. Verum, ut nihil non fieri licuit Cinnano tempore sic nihil non loqui licet huic Scriptori. Ad antitheta tendit: Ille adesse citatus est, ego non sum; ille poenam meritam tulit, in me damnum poena esse non potuit etc. et illa paulo post etiam absurdiora sunt de L. Philippo Censore et L. Cotta Censorio. W.

dicta non est, qui reus non fui, qui nunquam sum a tribuno plebis citatus, damnati poena esse potuit, ea praesertim, quae ne in ipsa quidem rogatione per-scripta est?

XXXII. At vide, quid intersit inter illam iniquissi-⁸⁴ mum patris tui casum, et hanc fortunam conditione in-que nostram. Patrem tuum, civem optimum, claris-simi viri filium, qui si viveret, qua severitate fuit, tu profecto non viveres, L. Philippus censor avun-culum suum praeteriit in recitando senatu: nihil enim poterat dicere, quare rata non essent, quae erant acta in ea republica, in qua se illis ipsis temporibus censorem esse voluisset. Me L. Cotta, homo censorius, in senatu iuratus dixit, se, si censor tum esset, quum ego aberam, meo loco senatorem recitaturum fuisse. Quis in meum locum iudicem subdidit? quis meorum⁸⁵ amicorum testamentum discessu meo fecit, qui mihi non idem tribuerit, quod et si adessem? quis me non modo civis, sed socius recipere contra tuam legem et iuvare dubitavit? Denique universus senatus multo ante, quam est lata lex de me, GRATIAS AGENDAS cen-

Discessu meo) Hoc est insolens, pro me absente, vel post discessum meum.

Adessem?) Quod si adessem eodd. aliquot MSS. et ed. Iunt.

Gratias agendas — recepissent) Confundere videtur duas diversas epistolas, a Senatu ad externas civitates et populos missas, quarum altera iis magni exilis salus commendabatur, altera posteriore iisdem gratias agebantur, quod eam passim erran-tem benevole recepissent. Nam voluit fortuna, ut verba prioris epistolae servata sint a Cic. in Pis. c. 15: « Me idem Senatus exteris nationibus, me legatis magistratibusque nostris an-

toritate sua, consularibus literis, non, ut tu Insuler dicere ausus es, orbatum patria, sed, ut Senatus, illo ipso tempore appellavit, civem con-servatorem reipublicae, commendavit. » Alterius epistolae nusquam ac-curata mentio fit, etsi ipsa quidem res commemoratur pro Sext. c. 60, et ap. Plut. in Cic. p. 877. Iam quam *civis optime de republ. meritis* tralatitii honoris appellatio sit, et eimodi, quae sexcentis civibus omni tempore tribui posset, assimile vero videtur, tam perfunctorie nunc virum laudari ab Senatu, a quo antea appellationem tulisset infinito ampliorem et nulli unquam civi impertitam. Ac, ne forte

suit CIVITATIBVS HIS, QVAE M. TVLLIVM: tantomne? immo etiam, CIVEM OPTIME DE REPVBLICA MERITVM, RECEPISSENT. Et tu unus pestifer civis, eum restitutum negas esse civem, quem eiectum universus senatus non modo civem, sed etiam egregium civem semper
86 putavit? At vero, ut annales populi romani et monumenta vetustatis loquuntur, Kaeso ille Quintius, et M. Furius Camillus, et C. Servilius Ahala, quum essent optime de republica meriti, tamen populi incitati vim iracundiamque subierunt; damnatique comitiis centuriatis quum in exilium profugissent, rursus ab eodem populo placato sunt in suam pristinam dignitatem restituti. Quod si his damnatis non modo non imminuit calamitas clarissimi nominis gloriam, sed etiam honestavit (nam, etsi optabilius est, cursum vitae conficere sine dolore, et sine iniuria; tamen ad immortalitatem gloriae plus affert, desideratum esse a suis civibus, quam omnino nunquam esse

pules, Ciceronem h. l. modestius de se scribere voluisse, quam ab Senatu factum esset, ea modestia et crimen falsi haberet, et aliena esset ab Oratore gloriae studiosissimo, ineptaque in primis eo loco, ubi ei res erat cum invisissimo adversario. Quod quid sit, intelligas, si illa verba Pisonianae ad teoorem nostrorum immutare experiaris. Nam alia ratio est loci in Paradox. IV: «Ergo ego semper civis: et tum maxime, quum meam salutem Senatos exteris nationibus, ut civis optimi, commendabat.» Hic bene locum habuit illa modestia, nec ipsa verba literarum afferri necesse fuit. Quocirca iste *optime de republ. meritis civis* vel ex fingentis ingenio vel ex puerili errore profectus videtur; quamquam ex his quoque effugium patet cuiusdam possibilitatis. MARKL.

Nimis hoc leve esse, ipse videtur Marklaodus agnoscere. GERT. Immo notatur ab illo levitas eorum, quibus satis est, aliquam rem possibilem esse, ut pro vera habeatur, quamvis veri sit minime similis. Ita fac, scriptum esse h. l. *bonum civem*: ne hoc quidem scribere non potuit Cicero. WOLF.

C. Servilius Ahala) Vulgo perperam M. Servilius Ahala. Sed Caium non Marcum fuisse monuit Muretus. — De comitiis centuriatis mox credendum est Rhetori. Conf. Dionys. Halic. X, 5; Liv. III, 13; V, 32. Valer. Max. V, 3, 2. Consuetudo haec erat, ut, si quis ante comitia centuriata solum vertisset exilii causa, deinde plebs tributis scisceret, id ei iustum exilium esset. Vide e. g. Liv. XXVI, 3. Id.

violatum): mihi, sine ullo iudicio populi profecto, tum amplissimis omnium iudiciis restituto, maledicti locum aut criminis obtinebit? Fortis et constans in⁸⁷ optima ratione civis P. Popillius semper fuit: tamen eius in omni vita nihil est ad laudem illustrius, quam calamitas ipsa. Quis enim iam meminisset, eum bene de republica meritum, nisi et ab improbis expulsus esset, et per bonos restitutus? Q. Metelli praeclarum imperium in re militari fuit, egregia censura, omnis vita plena gravitatis: tamen huius viri laudem ad sempiternam memoriam temporis calamitas propagavit.

XXXIII. Quod si et illis, qui expulsi sunt inique, sed tamen legibus reducti, inimicis interfectis, rogationibus tribuniciis, non auctoritate senatus, non comitiis centuriatis, non decretis Italiae, non desiderio civitatis, inimicorum iniuria probro non fuit: in me, qui profectus sum integer, aui simul cum republica, redii maxima cum dignitate, te vivo, fratre tuo altero consule reducente, altero praetore petente, tuum scelus, meum probum putas esse oportere? Ac si me⁸⁸ populus romanus incitatus iracundia aut invidia e civitate eiecisset, idemque postea mea in rempublicam beneficia recordatus se collegisset, temeritatem atque iniuriam suam restitutione mea reprehendisset: tamen profecto nemo tam esset amens, qui mihi populi tale iudicium non dignitati potius, quam dedecari putaret

Mibi, sine ullo iudicio populi profecto) Debebat esse *in me*, nec Latinus videtur usus huius dativi. MARELL. Voluit simile facere consequens antecedenti, ut bene monuit Ernestius. Posthac rursus eandem rem facere neglexit: *Quodai et illis — in me* etc. Sed dativum ibi facile peritulerim. Id.

Te vivo) Pantagathus corripbat, te invito. T.

Consule) Metello Nepote Clodii fratre patrueli.

Petente) Appio Pulchro Clodii fratre germano. Is autem quum non petierit ut Cicero restitueretur, sed tantum eius restitutioni non adversarius sit, aut rhetor noster erravit, aut auctore Paulo Manutio legendum *patientem*, quod vehementer probat Gatonius.

esse oportere. Nunc vero, quum me in iudicium populi nemo omnium vocarit; condemnari non potuerim, qui accusatus non sim; denique ne expulsus quidem ita sim, ut, si contenderem, superare non possem; contraque a populo romano semper sim defensus, amplificatus, ornatus: quid est, quare quisquam mihi⁸⁹ se ipsa populari ratione anteponat? An tu populum romanum esse illum putas, qui constat ex iis, qui mercede conducuntur? qui impelluntur, ut vim afferant magistratibus? ut obsideant senatum? optent quotidie caedem, incendia, rapinas? Quem tu tamen populum, nisi tabernis clausis, frequentare non poteris: cui populo duces Lentidios, Lollios, Plaguleios, Sergios praefoceras. O speciem dignitatemque populi romani, quam reges, quam nationes exterae, quam gentes ultimae pertimescant, multitudinem hominum ex servis, ex conductis, ex facinorosis, ex⁹⁰ egentibus congregatam! Illa fuit pulcritudo populi romani, illa forma, quam in campo vidisti tum, quum etiam tibi, contra senatus totiusque Italiae auctoritatem et studium, dicendi potestas fuit. Ille, ille populus est dominus regum, victor atque imperator omnium gentium, quem illo clarissimo die, scelerate, vidisti tum, quum omnes principes civitatis, omnes

Ipsa populari ratione anteponat?) Pantagath. ap. Vrsin. legit quare quisquam mihi in ipsa populari ratione anteponatur. Ernestius quoque in ipsa p. r. legendum putabat.

Ipsa populari ratione anteponat) H. e. ex ea ipsa, quam tu sequeris, ratiooe, cui rei §. 87 contraria ponitur ratio optima, i. e. optimisiorum. Mutatione opus esse non puto. W.

Optent) Qui optant mavult Garaton.

Optent, frequentare non poteris)

Ergo, ut optent, impellantur. Satis

ridicule. Itaque locum integrum esse negat Garatonius. Contra nemini displicuit iste usus verbi *frequentare*, pro cogere seu congregare; Graevius adeo cum eo comparabat dissimile genus loquendi in Or. Catil. IV, §. 15. WOLF.

Frequentare) Inapte et inusitate hoc dictum monuit Wolfius pro cogere, congregare. Similis quidem verbi usus videtur Orat. Catil. IV, c. 7, sed ibi lectio dubia.

ordinum atque aetatum omnium, suffragium se, non de civis, sed de civitatis salute ferre censebant; quum denique homines in campum, non tabernis, sed municipiis clausis venerunt.

XXXIV. Hoc ego populo, si tum consules aut fuissent in republica, aut omnino non fuissent, nullo labore, tuo praecipiti futuri atque impio sceleri restitsem. Sed publicam causam contra vim armatam sine populi praesidio suscipere nolui: non quod mihi P. Scipionis, fortissimi viri, vis intima, privati hominis, displiceret; sed Scipionis factum statim P. Mucius consul, qui in gerenda republica putabatur fuisse signior, gesta, multis senatusconsultis non modo de-

Aetatum omnium) Ernestius excidisse putabat homines.

Non tabernis sed municipiis clausis) Argute dictum. Asconius Argum. Or. pro Milone sub fin. «T. Munatius pro concione populum adhortatus est, ut postero die frequens adesset et elahi Milonem non pateretur, iudiciumque et dolorem suum ostenderet. Euntibus ad tabellam ferendam postero die indicibus — clausae fuerunt tota urbe tabernae etc.». Cf. supra §. 54, et ipsam Cic. Acad. IV, 47. W.

Sine populi praesidio) Scilicet quod mihi Clodius et scelerati Consules eripuerant. Al. si praesidio populi caruit, qui potuit dicere, *Hoc ego populo — restitsem?* Adde, quod pro Sext. §. 43, et saepe alias contrarium affirmatur: «Scio, tum non mihi studium vestrum (populi) sed meum prope vestro defuisse.» Duplex igitur repugnantia h. l. tollenda erit, nisi Intpp. plerique tacere ac sibi quam Ciceroni suo diffidere maluissent. Vnus tandem Ernestius rem explanatione egere putavit: sed ea, quam attulit, talis est, ut sola desperatio

apti sensus inveniendi eam a viro docto extorquere possit: «Quum populus praesidio ipse careret, et obnoxia esset armatis Clodianis.» Aliam viam inicit Garatonius, corrigens sine publico praesidio vel consilio, h. e. sine Senatus consulto, quod Ciceroni publicum armorum auxilium dedisset. Id.

Vis intima) Insolens epitheton. Manut. probante Grutero coni. ultima. Est P. Scipionis Nasicae facinus quo Ti. Gracchum interfecit.

Signior gesta) Lambin. *signior quam gesta*. Ernestius sine libris edidit *gestam*. — Garatonius et veteres Editores sequulus, posui distinctionem post *gesta* (scilicet *republica*) quod, voci *gerenda* oppositum, dicitur pro *Tib. Graccho interfecto*. Tum enim, re per Scipionem Nasicam fortiter gesta, ipsum et reliquos optimates aperte P. Mucius defendit, qui viro Graccho favisse putabatur. Cf. Cic. pro Plane. §. 88, et Acad. IV, 5, quem locum contulit iam Baldinus. Sed, dum in his rebus laborant Intpp. vel graviter errant, ut Ernestius se-

fendit, sed etiam ornavit: mihi aut, te interfecto, cum consulibus, aut, te vivo, et tecum et cum illis armis
 92 decertandum fuit. Erant eo tempore multa etiam alia metuenda; ad servos, medius fidius, res pervenisset. Tantum homines impios ex vetere illa coniuratione inustum nefariis mentibus bonorum odium retinebat.

XXXV. Hic tu me etiam gloriari vetas; negas esse ferenda, quae soleam de me praedicare; et homo facetus inducis etiam sermonem urbanum ac venustum: me dicere solere, esse me Iovem; eundemque dictitare, Minervam esse sororem meam. Non tam insolens sum, quod Iovem esse me dico, quam ineruditus, quod Minervam sororem Iovis esse existimo. Sed tamen, ego mihi sororem virginem ascisco: tu sororem tuam virginem esse non sivist. Sed vide, ne tu te debeas Iovem dicere, quod tu iure eandem
 93 sororem et uxorem appellare possis. Et quoniam hoc reprehendis, quod solere me dicas de me ipso gloriosius praedicare: quis unquam audivit, quum ego de me, nisi coactus ac necessario dicerem? Nam si, quum mihi furta, largitiones, libidines obiciuntur, ego respondere soleo, meis consiliis, periculis, labo-

fellit omnes ἀρετῶν δόξας strueturæ: *Publicam causam suscipere nolui; non quod Scipionis factum improbarum: sed Scipionem Musium defendit et ornavit; mihi aut cum Coss. aut tecum et cum illis pugnandum fuit. Quid est, si hoc non absurdum est?* WOLFF.

Homines impios — odium retinebat) Scribendum erat Laliuitatis causa tenebat. Vide in Or. ad Quir. §. 11. MARKL. Ad duriores et poeticam rationem confugit Erenestius in Indice; Garatonius exempla afferit, ubi retinere sit pro simplici tenere; sed ea exempla ex alieno sunt genere. W.

Non tam insolens sum — non sivist) Toto hoc loco nihil est putidius, ut pigeat varietatem scripturae enotare, quam diligenter collegit ad h. l. Beckins. Lectionem vero quam Ern. Beck. Wolf. receperunt ego quoque verissimam arbitror. Obiecerat Clodius Ciceroni cum dicere solere se esse Iovem, eundemque dictitare Minervam esse sororem suam. Huic maledicto declamator fingit Ciceronem sic respondere, ut dicat, etsi summa sit insolentia se Iovem dicere, tamen non tam insolens hoc esse, quam ineruditum sit, Minervam Iovis sororem dicere.

ribus, patriam esse conservatam, non tam sum existi-
mandus de gestis rebus gloriari, quam de obiectis non
confiteri. Sed si mihi ante haec durissima reipublicae
tempora nihil unquam aliud obiectum est, nisi cru-
delitas illius temporis, quum a patria perniciem de-
puli: quid me huic maledicto utrum non respondere,
an demisse respondere decuit? Ego vero etiam rei-
publicae semper interesse putavi, me illius pulcher-
rimi facti, quod ex auctoritate senatus, consensu
bonorum omnium, pro salute patriae gessissem,
splendorem verbis dignitatemque retinere: praeser-
tim quum mihi uni in hac republica, audiente po-
pulo romano, opera mea hanc urbem et hanc rem-
publicam esse salvam, iurato dicere fas fuisset.

XXXVI. Exstinctum est iam illud maledictum cru-
delitatis, quod me non ut crudelem tyrannum, sed
ut mitissimum parentem, omnium civium studiis de-
sideratum, repetitum, arcessitum vident. Aliud exor-
tum est: obicitur mihi meus ille discessus: cui ego
crimini respondere sine mea maxima laude non pos-
sum. Quid enim, Pontifices, debeo dicere? Peccati
me conscientia profugisse? At id, quod mihi crimini
dabatur, non modo peccatum non erat, sed erat res,
post natos homines, pulcherrima. Iudicium populi
pertinuisse? At id nec propositum ullum fuit, et,
si fuisset, duplicata gloria discessissem. Bonorum

Quam de obiectis confiteri) Vulgo
editur *quam de obiectis non confiteri*.
Sed recte abest negatio ante *confiteri*
cod. Car. Stern. Pal. 9, S. Victor. unus
Paris. Nempe hoc dicit rhetor auster:
si quum mihi furta, largitiones, libi-
dines obiciantur, ego ad haec cri-
mina nihil respondere vellem, sed hoc
tantum regerem, meis consiliis, peri-
culis, laboribus patriam esse conser-
vatam, possint homines existimare,
me non tam de his gestis rebus glo-

riari, quam de illis criminibus mihi
obiectis confiteri. Sane enim possit
aliquis fortis, largitionibus, libidini-
bus obnoxius esse, qui tamen ali-
quando patriam servaverit.

Gessissem) Iam Marklandus mo-
nuit factum gerere nunquam a Ro-
mano scriptura dictum esse.

Duplicata gloria) Una pulcherrimi
facti, altera iudicii populi factum
comprobantis. MAN. — *Discessissem*)
ex iudicio: absolutus essem, id.

mihi praesidium defuisse? Falsum est. Me mortem timuisse? Turpe est. Dicendum igitur est id, quod non dicerem, nisi coactus (nihil enim unquam de me dixi sublatius, asciscendae laudis causa potius, quam criminis depellendi) dico igitur, et quam possum
 96 maxima voce dico: Quum omnium perditorum et con-
 iuratorum incitata vis, duce tribuno plebis, consu-
 libus auctoribus, afflicto senatu, perterritis equibus
 romanis, suspensa ac sollicita tota civitate, non tam
 in me impetum faceret, quam per me in omnes bonos:
 me vidisse, si vicissem, tenues reipublicae reliquias;
 si victus essem, nullas futuras. Quod quum iudicas-
 sem, deflevi coniugis miserae discidium, liberorum
 carissimorum solitudinem, fratris absentis amantissimi
 atque optimi casum, subitas fundatissimae familiae
 ruinas: sed his omnibus rebus vitam anteposui meo-
 rum civium; remque publicam concidere unius dis-
 scessu, quam omnium interitu occidere malui. Spe-
 ravi, id quod accidit, me iacentem posse a vivis viris
 fortibus excitari: si una cum bonis interissem, nullo

Sublatius) Gulelm. coni. *sufflatius*.

Discidium) *Discidium* animi est: *discidium* vero corporis. Gifanius in Lucret. *An*.

Fundatissimae familiae) *Fundari* familia dicitur liberis susceptis. Sed hoc loco non tam ad liberos respicitur, quos iam ante nominavit, quam ad rem familiarem, quae et ipsa fundari, constitui dicitur. Sic Orat. pro Rubrio Post. cap. 1: *fundatae fortunae*. Ean. *Fundare* non significat condere, aut statuere, sed firmare, ac stabilire. *Colonis urbem fundare*, est urbem stabilire, urbis statum confirmare, colonis eo deducta. Sciopp.

Concidere — *occidere malui*) Ne dubita, quiu ita scripserit Auctor;

nequa necesse est aliquid corrigere. Bene viris doctis animadvertus est lusus in verbis, *concidere* et *occidere*, hoc Scriptore dignissimus, neque per se Latinae consuetudini repugnans. *Concidere* enim est cadere cum dolore, sic ut excitari et recreari possis; *occidere*, cadere cum exitio, cum interitu. Cf. ad Or. in Sen. §. 18. In seqq. nihil tam certum est, quam quod *sensit* homo (*speravit*) si *interissem*, nullo se modo posse recreari. W. — *Speravi*) Ineptissime positum verbum *speravi*, praesertim ad alterum membrum relatum. Debebat esse *intellexi*, *cogitavi*. — Nullo modo posse recreari) Magna scil. opus fuit solertia ad hoc intelligendum.

modo posse recreari. Accepi, Pontifices, magnum⁹⁷ atque incredibilem dolorem; non nego: neque istam mihi ascisco sapientiam, quam nonnulli in me requirebant, qui me animo nimis fracto esse atque afflicto loquebantur. An ego poteram, quum a tot rerum tanta varietate divellerer, quas idcirco praetereo, quod ne nunc quidem sine fletu commemorare possum, infitiri me esse hominem, et communem naturae sensum repudiare? Tum vero neque illud meum factum laudabile, nec beneficium ullum a me in rempublicam profectum dicerem, si quidem ea reipublicae causa reliquissem, quibus aequo animo carem; eamque animi duritiam, sicut corporis, quod, quum uritur, non sentit, stuporem potius, quam virtutem putarem.

XXXVII. Suscipere tantos animi dolores, atque ea,⁹⁸ quae capta urbe, accidunt victis, stante urbe, unum perpeti, et iam se videre distrahi a complexu suorum, disturbari tecta, diripi fortunas, patriae denique causa patriam ipsam amittere, spoliari populi romani beneficiis amplissimis, praecipitari ex altissimo dignitatis gradu, videre praetextatos inimicos, nondum morte complorata, arbitria petentes funeris:

A tot rerum tanta varietate) Ernestius corrigebat *caritate*, oescio quomodo putans de *multitudine* rerum praedicari non posse *varietatem*. Ea tamen coniectura admodum placet Garatonio, qui volgate vim et nōdō deesse dicit, quod sequentia requirant. Nos modestiores communis sensus contenti sumus. W.

Eamque animi duritiam — putarem) Sculeotia Crautoris ex Dispp. Tusc. III, 6: « Minime asseotior iis, qui istam nescio quam indulgentiam magnopere laudant; quae nec potest

ulla esse, nec debet. Istud nihil dolere non sine magna mercede contingit, immunitatis in animo, stuporis in corpore. » Id.

Arbitria petentes funeris) De arbitriis funerum minus certam notionem habemus, sed talem tamen, ut iudicare possimus, quam ingeniosa acuminis hoc a Cicerone dictum sit in Pis. §. 21. Nam quum *arbitrium* sit, quidquid ab arbitrio constituitur ex aequo et bono, illa Romae videtur propria locutio fuisse de iussiois mercedibus et impensis, quae in pu

haec omnia subire conservandorum civium causa, atque ita, ut dolenter absis, non tam sapiens, quam ii, qui nihil curant, sed tam amans tuorum ac tui, quam communis humanitas postulat: ea laus praeclara atque divina. Nam qui ea, quae nunquam cara ac iucunda duxit, animo aequo reipublicae causa deserit, nullam benivolentiam insignem in rempublicam declarat: qui autem ea relinquit, reipublicae causa, a quibus cum summo dolore divellitur, ei patria cara est, cuius salutem caritati anteposit suorum. Quare dirumpatur licet ista furia, atque audiat hacc ex me, quoniam laccessivit: rempublicam bis servavi, ut consul togatus armatos vicerim, privatus consulibus armatis cesserim. Vtriusque temporis fructum tuli maximum: superioris, quod ex senatus auctoritate, et senatum, et omnes bonos, meae salutis causa, mutata veste vidi; posterioris, quod et senatus, et populus romanus, et omnes mortales et

blica funera fieri solebant. Nempe locuri ea consuevisse cupiat, et mercede quadam pactum cum libitinariis, ut in eam pompam omnia necessaria praebere. Ea merces fuit aestimatio multarum rerum et operum, quae certis legibus vix comprehendi possent. Socii conductionis fuisse videntur designatores, quos *funerum arbitros* appellat Tertullianus de Spect. c. 10, quoniam eos in operis libitinariorum non numerant Tabulae Heraclenses pag. 415. Accedebant autem ludi fimbres cum epulo publico, certe in amplissimis, quae hic respici oportet, funeribus. Quidni illi quoque locata fuerint? Ac fortasse haec varietas mercedum indicatur eo, quod non *arbitrium* scriptum est, sed *arbitria*. Igitur Piso et Gabinius, tanquam funeris reipubl. conductores,

iisdemque arbitri, amplissimam, quam ipsi fecerant, eius funeris aestimationem a Clodio, morte illa vix obito, postularunt, pretin diem proditi Cicerois. Ad hunc fere modum rem solertius ceteris, etiam Grænero in Theas. L. L., illustravit Garatonius. W.

Bis servavi) Sic Oliv. Oxx. Beck. ex emendatione Lambini. Vulgo abest *republicam*. Garatonius malebat: *Quare dirumpatur licet, audiat haec ex me ista furia, quoniam laccessivit, Rempublicam bis servavi.*

Consulibus armatis cesserim) Lambinus primum ita correxerat: *semel consul quum togatus armatos vici, iterum privatus quum consulibus armatis cessi*. Postea sic: *bis servavi et quum consul t. a. vici et quum p. a. cessi*.

privatim et publice iudicarunt, sine meo reditu rem-
publicam salvam esse non posse.

XXXVIII. Sed hic meus reditus, Pontifices, vestro ¹⁰⁰
iudicio continetur. Nam, si vos me in meis aedibus
collocatis, id quod in omni mea causa semper studiis,
consiliis, auctoritatibus sententiisque fecistis; video
me plane ac sentio restitutum. Sin mea domus non
modo mihi non redditur, sed etiam monumentum
praebet inimico doloris mei, sceleris sui, publicae
calamitatis; quis erit, qui hunc reditum potius, quam
poenam sempiternam putet? In conspectu praeterea
totius urbis domus est mea, Pontifices: in qua si ma-
net illud, non monumentum urbis, sed sepulcrum,
inimico nomine inscriptum, demigrandum potius ali-
quo est, quam habitandum in ea urbe, in qua tro-
paea et de me et de republica videam constituta. An ¹⁰¹
ego tantam aut animi duriſſimam habere, aut oculorum
impudentiam possim, ut, cuius urbis servatorem me
esse senatus omnium assensu toties iudicarit, in ea
possim intueri domum meam eversam, non ab inimico
meo, sed ab hoste communi, et ab eodem exstructam
et positam in oculis civitatis, ne unquam conquiescere
possit fletus bonorum? Sp. Maelii, regnum appeten-
tis, domus est complanata. Ecquid aliud? aequum

Quid in omni mea causa — fecistis) Quid? ut cum in Palatina domo col-
locarent? An illud pertinet potius ad
sequentis? ut sensus sit: tum plane
restitutum me putabo, atque id effe-
ctum, quod in omni causa mea sem-
per in senatu egistis. W.

Non monumentum urbis) Recte ani-
madvertit Ernestius, ineptam esse ad-
iunctionem *urbis*, quum et alibi et §. 51
absolute ponatur *monumentum*, in-
terdum cum genitivo diversi generis,
ut de H. R. §. 33. Conf. Ruhnkenium

ad Velleum p. 43. Quare ille necos
apposuit, non videas, istum geniti-
vum de industria ad *sepulcrum* referri,
quemadmodum dicitur *sepulcrum ho-*
minis, ut sepultura urbis (reipublicae)
intelligenda sit. Sic saepe bonas emen-
dationes ipse discrete respuit Decla-
mator. W.

Exstructam et positam in oculis ci-
vitatis) Pontagath. ap. Vrsin. conie-
cit *exstructam sepulturam in oculis*
civitatis. Lamb. edidit: *eodem acdem*
exstructam et positam t. o. c.

accidisse Maelio populus romanus iudicavit: nomine ipso Aequimaेली, stultitiae poena comprobata est. Sp. Cassii domus ob eandem causam eversa, atque in eodem loco aedes posita Telluris. In Vacci pratis domus fuit M. Vacci, quae publicata est et eversa, ut illius facinus memoria et nomine loci notaretur. M. Manlius, quum ab adscensu Capitolii Gallorum impetum repulisset, non fuit contentus beneficii sui gloria; regnum appetisse est indicatus: ergo eius domum eversam duobus lucis convestitam videtis. Quam igitur maiores nostri sceleratis ac nefariis civibus maximam poenam constitui posse arbitrati sunt, eandem ego subibo ac sustinebo, ut apud posteros nostros non extinctor coniurationis et sceleris, sed auctor et dux fuisse videar? Hanc vero, Pontifices, labem turpitudinis et inconstantiae poterit populi romani dignitas sustinere, vivo senatu, vobis principibus publici consilii, ut domus M. Tullii Ciceronis cum domo Fulvii Flacci ad memoriam poenae publice constitutae coniuncta esse videatur? M. Flaccus, quia cum C. Graccho contra salutem reipublicae fecerat, et senatus sententia est interfectus, et eius domus eversa et publicata est: in qua porticum post aliquanto Q. Catulus de manubiis cimbricis fecit. Ista autem fax ac furia patriae, quum

Stultitiae) *Stultitias* a conjectura Holomani repertui pro vulg. *stultitia*. Graevius scribi volebat nomine ipso *Aequimaelii Maelii poena comprobata est*. Beckius, auctore Marklando, interpunctione mutata sic edidit: *ac- quum accidisse Maelio populus Romanus iudicavit nomine ipso Aequimaेली; stultitia poena comprobata est*. Ceterum iam Marklandus suspicatus est declamatori observatum videri locum Val. Max. VI, 3, simul absur-

dam voc. *Aequimaेली* etymologiam notavit.

Eius domus — in qua porticum) Eodem ordine Valerius Max. I. 1. 1. «*Flacciana aerea, quum diu Penatibus vacua mansisset, a Q. Catulo cimbricis spoliis adornata est.*» Sed incito errore auctor noster scripsit, *domus eversa est, in qua porticum Q. Catulus fecit, quum scribendum esset in cuius aerea*. Hocce quoque Ciceronianum? MARKL. Conf. primam

urbem, Pisone et Gabinio ducibus, cepisset, occu-
passet, teneret, uno eodemque tempore et clarissimi
viri mortui monumenta debebat, et meam domum cum
M. Flacci domo coniungebat: ut, qua poena senatus
affecerat eversorem civitatis, eadem iste, oppresso se-
natu, afficeret eum, quem patres conscripti custodem
patriae iudicassent.

XXXIX. Hanc vero in Palatio atque in pulcherrimo 103
urbis loco porticum esse patiemini, furoris tribunicii,
sceleris consularis, crudelitatis coniuratorum, cala-
mitatis reipublicae, doloris mei defixum iudicium ad
memoriam omnium gentium sempiternam? quam por-
ticum pro amore, quem habetis in rempublicam et
semper habuistis, non modo sententiis, sed, si opus
esset, manibus vestris disturbare cuperetis; nisi quem
forte illius castissimi sacerdotis superstitiosa dedicatio
deterret. O rem, quam homines soluti ridere non 104
desinant, tristiores autem sine maximo dolore audire
non possint! Publiusne Clodius, qui ex pontificis
maximi domo religionem eripuit, is in meam intulit?
huncine vos, qui estis antistites caerimoniarum et
sacrorum, auctorem habetis et magistrum publicae
religionis? O dii immortales! (vos enim haec audire
cupio) P. Clodius vestra sacra curat? vestrum numen
horret? res omnes humanas religione vestra contineri
putat? Hic non illudit auctoritati horum omnium,

annot. ad §. 101, ubi plura exempla
erant huius erroris. W.

*Furoris tribunicii — defixum indi-
cium*) Monumentum vult dicere, quod
appellat *iudicium*; neque *defixum*
iudicium est stili Ciceroniani. In.

Nisi quem forte illius castissimi)
Transitio latet ad pollutas caerimonias
Bonae Dae: quod probum scilicet

hic quoque necessario inculcandum
fuit. In.

Res omnes humanas — putat) Ab-
surde dictum. Non hoc pertinet ad
Clodii facinus. Nimirum coniungun-
tur, quae faciant descriptionem reli-
giosi hominis. Mox quod scriptum
est *religionis*, Auctor adamavit hanc
formam loquendi, quae h. l. satis

qui adsunt, summorum virorum? non vestra, Pontifices, gravitate abutitur? Ex isto ore, religionis verbum excidere aut elabi potest? quam tu eodem ore, accusando senatum, quod severe de religione decerneret, impurissime teterrimeque violasti.

- 405 XL. Adspicite, adspicite, Pontifices, hominem religiosum, et, si vobis videtur (quod est bonorum pontificum), monete eum, modum quendam esse religionis: nimium esse superstitiosum non oportere. Quid tibi necesse fuit anili superstitione, homo fanatice, sacrificium quod alienae domi fieret invisere? quae autem te tanta mentis imbecillitas tenuit, ut non putares, deos satis posse placari, nisi etiam muliebribus religionibus te implicuisses? Quem unquam audisti maiorum tuorum, qui et sacra privata coluerunt, et publicis sacerdotiis praefuerunt, quum sacrificium Bonae Deae fieret, interfuisse? neminem, ne illum quidem, qui caecus est factus. Ex quo intel-

tolerabilis est; aliquanto minus infra §. 128, et de H. R. §. 11, ubi vide, W.

Quod severe de religione decerneret) Quum de incestu Clodius est accusatus, qui ipse corrumpendi iudicii, contendit, et obtinuit, adiuvente in primis M. Pupio Pisone consule, ne suam causam senatus iudicaret. Ep. 14, lib. I ad Att. MAX.

Adspicite) Totum hoc caput insulam ironiam cum satis quidam severitate conglutinat.

Nimium esse superstitiosum non oportere) Repraeodit hanc loquutionem Merklendus. Sed Wolfius, quis dubitet, inquit, quin quasi gradus quosdam habeat unius pravitas, omne vitium? Quam ob causam saepe in universum dicitur nimium male. At verba non oportere plane arguunt, aliquem superstitiosum esse oportere,

non modum liceri vel concedi, ut Gesnerus ait. Id bene sensit alius Britannus, illius adversarius, p. 27. Eandemque rem, quod non ita difficile erat, animadvertent, opinor, ii, qui docere studebant, *superstitionem Latine dici pro religione*; quod tamen exemplis nititur falso intellectis. Nubis sic videtur, Rhetorem facile hanc censuram effugere potuisse, si scripisset *nimium religiosum*: quod etiam plane ducebat his posita vox religionis. Tametsi omnem hanc ironiam vehementer frigere sentiet, quiaquis non expertus est talium rerum sensu. » T.

Qui caecus est factus) Appius Caecus, cui senectus caecitatem attulerat. Itaque auctor hoc ait, e maioribus Clodii ne illum quidem Appium, qui caecus factus sit, sacris Bonae Deae

ligitur, multa in vita falso homines opinari: quum ille, qui nihil viderat sciens, quod nefas esset, lumina amisit; istius, qui non solum adspectu, sed etiam incesto flagitio et stupro polluit caerimonias, poena omnis oculorum ad caecitatem mentis est conversa. Hoc auctore tam casto, tam religioso, tam sancto, tam pio, potestis, Pontifices, non commoveri, quum suis dicat se manibus domum civis optimi evertisse, et eam iisdem manibus consecrasset?

XLi. Quae tua fuit consecratio? Tuleram, inquit, ¹⁰⁶ ut mihi liceret. Quid? non exceperas, ut, si quod ius non esset rogare, ne esset rogatum? Ius igitur statuetis esse, uniuscuiusque vestrum sedes, aras, focos, deos penates, subiectos esse libidini tribuniciae? in quem quisque per homines concitatos irrue-rit, quem impetu perculerit, huius domum non solum

interfuisse, ne quis forte putet eum poenae causae caecum esse factum.

Quum ille — *lumina amisit*) Quum h. l. poscebat coniunctivum *amiserit*. MARK. Hic se nimis Germanicum, aut parum potius, prodit vir doctus. GRÆN. Hoc non espio. An forte satis est, aliquid apud Ciceronem legi, ut illico Latinnm habeatur? de grammatica ratione anquirere nihil necesse erit? Quae ratio hic ita poscit coniunctivum, ut, quomodo illa scriptum defendi queat, non videam. Quin omnino scribendum erat *siquidem* — *amisit*. Sed plura hae Orationes afferunt exempla coniunctionum, modorum, temporum, repugnante bono nam, commutatorum: ut supra §. 32; in Sen. §. 7, 14; ad Quir. §. 4, 5, 6, quibus locis et aliis plerumque notavit Ernestius. Ceterum tanta sententia mirum in modum fatua est, et ipsa commemoratio Appii Caeci: nam

illius respici, non Caecilium Metellum, ut Graevius putabat, clamant omnia. Hic enim posterior videret sane sciens, quod videre nefas erat, quum Palladium ex flammis eriperet; illius caecitas fuit naturalis, non ex ira deorum, ut significatur quidem ab Oratore et plerisque: nam diversam famam sequi putandus est Liv. IX, 29. Quod vero Graevium in errorem suum rapuit, effecitque ut putaret, Appii Caeci nunc absurde mentionem fieri, nihil aliud est, quam ipsius Auctoris imperitia scribendi, qua Appium Caecum nominavit in iis, qui interfuissent sacris, quibus interitus non liceret. W.

Non exceperas — *rogatum*?) Id, quod rogatum ad populum ferebat: adscribi solebat: Si QUID IUS NON EST ROGARI, IUS EA LEGE NIHILVM ROGATVM. Vide Brissoni de Form. II, 19, p. 123.

affligere, quod est praesentis insaniae, quasi tempestatis repentinae, sed etiam in posterum tempus religionis sempiterna obligare? Equidem sic accepi, Pontifices, in religionibus suscipiendis caput esse, interpretari, quae voluntas deorum immortalium esse videatur: nec est ulla erga deos pietas, nisi honesta de numine eorum ac mente opinio, quum expeti nihil ab iis, quod sit iniustum atque inhonestum, arbitrare. Hominem invenire ista labes tum, quum omnia tenebat, neminem potuit, cui meas aedes addiceret, cui traderet, cui donaret: ipse quum loci illius, quum aedium cupiditate flagraret, ob eamque causam unam, una iusta illa rogatione sua vir bonus dominum se in meis bonis esse voluisset; tamen illo ipso in furore suo non est ausus meam domum, cuius cupiditate inflammatus erat, possidere. Deos immortales existimatis, cuius labore et consilio sua ipsi templa tenuerunt, in eius domum afflictam et everSAM per unius hominis sceleratissimi nefarium latrocinium immigrare voluisse? Civis est nemo in tanto populo, extra contaminatam illam et cruentam P. Clodii manum, qui rem ullam de meis bonis attigerit, qui non pro suis opibus in illa tempestate defenderit. At, qui aliqua se contagione praedae, societatis, em-

Vna iusta illa rogatione sua) Bellas irroas suas Auctor non ita facit, ut facile intelligantur. Hanc quidem Lambinus assequi non potuit, nec Ernestius, non obesse naris viri: aliter coniecit *universa illa rogatione*; alter, *iniusta*. Garatouio dumtaxat una vitio irrepsisse videtur. At talia vocabula iterare, pertinet ad πᾶσις hominis. Mux *unius* superlativo additum aīoe controversia Latinam est, et perquam usitatum Ciceroni. Woltz.

Qui aliqua se contagione — contaminaverunt) Verba *societatis*, *emptio- nis*, quae male eōcūnt cum genitivo praecedente, glossata esse putabat Ernestius. Quam rationem ut refellat Garatouius, ad §. 50 genitivos hos omnes pendere censet a *contagione*, ut primom universe dicatur *praeda*, dein *societas* intelligatur inita a pluribus ad cōmendum ab hasta, item fortasse ad opus ex lege Clodiae redimeodum, tum *emptia* ad ipsos mancipēs pertineat. — Sic levius fit,

ptionis, contaminaverunt, nullius neque privati neque publici iudicii poenam effugere potuerunt. Ex his igitur bonis, quorum nemo rem ullam attigit, qui non omnium iudicio sceleratissimus haberetur, dii immortales domum meam concupiverunt? Ista tua pulcra Libertas, deos penates et familiares meos lares expulit, ut a te ipsa, tanquam in captivis sedibus, collocaretur? Quid est sanctius, quid omni religione 109 munitius, quam domus uniuscuiusque civium? hic arae sunt, hic foci, hic dii penates, hic sacra, religiones, caerimoniae continentur: hoc perfugium est ita sanctum omnibus, ut inde abripi neminem fas sit. Quo magis est furor istius ab auribus vestris repellendus, qui, quae maiores nostri religionibus tuta nobis et sancta esse voluerunt, ea iste non solum contra religionem labefactavit, sed etiam ipsius religionis nomine evertit.

XLII. At quae dea est? Bonam esse oportet, quandoquidem est abs te dedicata. Libertas, inquit, est. Eam tu igitur domi meae collocasti, quam ex urbe tota sustulisti? Tu, quum collegas tuos, summa potestate praeditos, negares liberos esse; quum in templum Castoris aditus esset apertus nemini; quum

ut ait poeta, quidquid corrigere est nefas. W.

Quandoquidem est abs te dedicata) Sollicit ab ea, qui paulo ante dicebatur *vir bonus*, seu, alia Latinitate huius Scriptoris, *vir bonitate praeditus*. Ipsa ironia habet puerili frigus, iunctumque vitium ambigui; nisi id forte ex industria quaesitum est, ut hic quoque de pollutis sacris Bonae Deae cogitetur. W.

Quum collegas tuos — negares liberos esse) Elatorie dictum notant, atque eo spectare, quod Clodius col-

legis suis ius intercedendi aut obnuntiandi eripere tentaverit. Nos declamatorie dictum putamus ineptique. Et eiusdem notae videtur, quod paulo post narratur Lentulus, seu quicumquem intellexit *clarissimum virum*, a pedisequis Clodii conculcatus esse. Memoriae recurrunt *fracti fasces consulis*. ID.

In templum Castoris) In quo legem Clodius, revulsis gradibus, ne quis introire posset, contra Cicero- nem tulit. MAN.

hunc clarissimum virum, summo genere natum, summis populi beneficiis usum, pontificem et consularem, et singulari bonitate et modestia praeditum (quem satis mirari, quibus oculis adspicere audeas, non queo) audiente populo romano a pedisequis conculcari iuberes; quum indemnatum exturbares, privilegiis tyrannicis irrogatis; quum principem orbis terrae virum, inclusum domi contineres; quum forum armatis catervis perditorum hominum possideres: Libertatis simulacrum in ea domo collocabas, quae domus erat ipsa indicio tui crudelissimi domini-
 111 natus, et miserrimae populi romani servitutis? Eumne potissimum Libertas domo sua debuit pellere, qui nisi fuisset, in servorum potestatem civitas tota venisset?

XLIII. At unde inventa est ista Libertas? quaesivi enim diligenter. Tanagraea quaedam meretrix fuisse dicitur. Eius non longe a Tanagris simulacrum e marmore in sepulcro positum fuit. Hoc quidam homo nobilis, non alienus ab hoc religioso Libertatis sacerdote, ad ornatum aedilitatis suae deportavit. Etenim cogitarat omnes superiores muneris splendore

(1) M. Lucillum.

Quum indemnatum exturbares) De sua electione loquitur personatus Cicero. Varus autem in verbo *exturbandi* non omittit ablativum, nisi ubi ex alio membro orationis subaudiri potest. Vide Or. pro Quint. c. 15, 31, pro Morena c. 22, pro Sulla c. 25, pro Sext. cap. 30, ad Att. VIII, 16: «Quaero, qui sint isti optimates, qui me exturbent, quam ipsi domi maneant.»

Principem) Cn. Pompei om.

Possideres) Graevius malebat *ob-sideres*.

Quidam homo nobilis) Insula ir-

risio Appii Claudii praetoris, quasi primo petierit aedilitatem, vel certe eius petendae populo spem fecerit, aiguis, quod fieri solebat, undique contrahendis, mox vero, nescio qua Pisonis coa. fraude, praeturae adeptus sit. Videtur etiam Auctor nondum satis apud animum constituisse, inimicumne adhuc Appium faceret Ciceroi, an reconciliatum. Cf. ad §. 87. Quare nos in ea re torqueri non oportet, uti accidit Garatonio, Wolf.

Non alienus) locus quidam est: loquitur enim de fratre. *Fragaliter*: Appii rapinas notat. MAN.

superare: Itaque omnia signa, tabulas, ornamentorum quod superfuit in sanis et communibus locis, tota e Graecia atque insulis omnibus, honoris populi romani causa, sane frugaliter domum suam deportavit. Is posteaquam intellexit, posse se, interversa aedilitate, a L. Pisone consule praetorem renuntiari, si modo eadem prima litera competitorem habuisset aliquem: aedilitatem duobus in locis, partim in arca, partim in hortis suis collocavit; signum de busto meretricis ablatum isti dedit, quod esset signum magis istorum, quam publicae libertatis. Hanc deam quicquam violare audeat, imaginem meretricis, ornamen-

Intervasa) Mira est locutio. Ernconi, *intermissa*. Sed genuinum esse videtur *intervasa*, sive auctor significare voluerit, cum res ad ornatum aedilitatis comparatas in suos usus convertisse, ut Abcunius interpretatur, sive cum Ferratio intelligas, cum populam aedilitate, quam pollicitus erat, frondasse.

Prima litera competitorem habuisset) Ferratius hoc intelligit de literis in tabellis suffragiorum scriptis, quibus nomina candidatorum designabantur, ut si A. P. Appium Claudium, A. G. Aulum Postumium designaret, facile posset A. G. in A. P. contrahi.

Signum magis istorum, quam publicae libertatis) Illam ab Appio, fratre suo, Tanagris avertam statnam graecae meretricis P. Clodius, in aera Ciceronis collocatis, vertit in signum deae Libertatis. Audimus: sed quaerimus, quo scuto illa appellari possit signum potius istorum quam publicae libertatis. Immo, si verbis bene delectis uti vellet Orator, ita scribere debuisset: *Quod esset signum magis istorum LICENTIAE quam publicae LI-*

BERTATIS. Sic recte §. 131: *Simulacrum non libertatis sed licentiae collocasti*, ubi tamen legendum forsitan *licentiae tuae*, quod pronomen facile haurire potuerunt syllabae praecedentes. Similiter Liv. III, 37: *Licentiam suam malle quam populi libertatem*. XXVII, 31: *Libertatem quam aliis vanam ostendisset, totam verterat in suam licentiam*. Ipse Cic. de Legg. II, 17, hoc aedificium Clodii vocavit *templum Licentiae*.

MARKL. Si conjectura tali errorem librorum emendandum censet; transeat, potest fieri. Sed si ex illa comprehensione *libertatis* colligit, ergo Cicero non scripsit hanc Orationem: leviculum est et facile refellendum, quam nihil sit frequentius, quam verbum unum inaequali velut inre ad duo nomina, aut duo ad unum nomen verba, referri. *Liberum et libertatem* etiam ad pecuniam impunitatem pertinere, non est iusuratum. GESS. Iam olim fuit, nescio quis, saepe prudens vir, qui conieceret, vocem *sceleris* excidisse post *istorum*. WOLF. — *Istorum*) Quorum sorores meretricescunt. An.

tum sepulcri, a fure sublatam, a sacrilego collocatam? Haec me domo mea pellet? haec ultrix afflictæ civitatis, reipublicæ spoliis ornabitur? haec erit in eo monumento, quod positum est, ut esset indicium oppressi senatus ad memoriam sempiternam turpitudinis? O Q. Catule (patremne appellem, an filium? recentior memoria filij est, et cum rebus meis gestis coniunctior), tantumne te sefellit, quum mihi summa et quotidie maiora præmia in republica fore putabas? negabas fas esse, duos consules esse in hac civitate inimicos reipublicæ. Duo sunt inventi, qui senatum tribuno furenti constrictum traderent, qui pro me patres conscriptos deprecari, et populo supplices esse, edictis atque imperio vetarent; quibus inspectantibus domus mea disturbaretur, diriperetur; qui denique ambustas fortunarum mearum reliquias, suas in domos comportari iuberent. Venio nunc ad patrem. Tu, Q. Catule, M. Fulvii domum, quam is fratris tui socer fuisset, monumentum tuarum manubiarum esse voluisti, ut eius, qui perniciose reipublicæ consilia cepisset, omnis memoria funditus ex oculis hominum ac mentibus tolleretur. Hoc si quis tibi aedificanti illam porticum diceret, fore tempus, quum is tribunus plebis, qui auctoritatem senatus, indicium bonorum omnium neglexisset, tuum monumentum, consulibus non modo inspectantibus, verum adiuvantibus distur-

A fure sublatam) Ciceronem hoc maledicto in Appium Claudium usum fuisse, recte Marklando visum est incredibile. Immo totus de Appio Claudio lotus abhorret a Ciceronis ingenio.

Ultrix) Ern. et Garnton. legi malebant *victrix*, Wolfius tamen vulgatum defendit ut intelligatur *ultrix a Cicerone afflictæ civitatis*.

O Q. Catule, patremne appellem) Manlius propter formam dicendi comparat Cic. Orat. c. 63, et Philipp. III, 11. Neque tamen hæc similitudo hunc vim habet, ut minus frigeat totus locus usque ad finem capitis. De dicto Catuli filii vide animadversionem ad Or. in Sen. §. 9. W.

Inspectantibus) In edd. vell. ante Car. Steph. *spectantibus*.

haret, everteret, idque cum eius civis, qui reipublicam ex senatus auctoritate consul defendisset, domo coniungeret: nonne responderes, id, nisi eversa civitate, accidere non posse?

XLIV. At videte hominis intolerabilem audaciam cum proiecta quadam et effrenata cupiditate. Monumentum iste nunquam aut religionem ullam excogitavit: habitare laxe et magnifice voluit, duasque et magnas et nobiles domos coniungere. Eodem puncto temporis, quo meus discessus isti causam caedis eripuit, a Q. Seio contendit, ut sibi domum venderet: quum ille id negaret, primo se luminibus eius esse obstructurum minabatur. Affirmabat Postumus, se vivo illam domum istius nunquam futuram. Acutus adolescens ex ipsius sermone intellexit, quid fieri oporteret: hominem veneno apertissime sustulit: emit domum, licitatoribus defatigatis, prope dimidio carius, quam aestimabatur. Quorsum igitur haec oratio pertinet? domus mea illa prope tota vacua est; vix

Monumentum iste — excogitavit) Manifesto latuit Rhetorem, quid differrent *excogitare* et *cogitare*. Nam obiciens Clodio, quod demolitus sit porticum vel monumentum Q. Catuli, ut in parte arcae sibi domum aedificaret, dicere vult, cupidum hominem non cogitasse de monumento aut religione ulla, neutrum horum ab eo spectatum esse, sed in unum, ut laxius ipse habitaret. Discrimen verborum discere potuisset ex Cicerone suo. Famil. V, 20: «Quum rem, a me non insipienter excogitatam, ne cogitam quidem putes.» Ad Att. IX, 6: «Ad haec cogita, mi Attice, vel potius excogita. Quemvis eventum fortius feram, quam hunc dolorem.» Nam cogitare quippiam est, animo agitare; excogitare autem communi-

sci, investigare, invenire. MARKL. Alii Intpp. indulgentius verbum compositum pro simplici videntur accepisse; certe is, qui laet, Gesnerus, quem mirere hoc exemplum praetermisisse supra ad Quir. §. 11. W.

Aestimabatur) Sic Garatinius legendum censuit. Vulgo *aestimabat*.

Domus mea illa prope tota vacua est) Contendit Orator, dedicationem illam a Clodio excogitam fuisse, non religionis causa, sed quin habitare laxe et magnifice voluit, duasque et magnas et nobiles domos coniungere: explicat autem singillatim, quo pacto id factum sit. Clodiani aedibus proxima erat Domus Q. Scii, a P. Clodio empta: non enim potuisset ille Scii luminibus obstructuere (i. e. fenestrarum illius domus luminis impedire

pars aedium mearum decima ad Catuli porticum accessit. Causa fuit ambulatio, et monumentum, et ista Tanagraea, oppressa libertate, Libertas. In Palatio, pulcherrimo prospectu, porticum cum conclavibus pavimentatam trecentum pedum concupierat, amplissimum peristylum, cetera eiusmodi, facile ut omnium domos et laxitate et dignitate superaret. Et homo religiosus, quum aedes meas idem emeret et venderet, tamen illis tantis tenebris non est ausus suum nomen emptioni illi adscribere. Posuit scilicet Scato-

contra structo pariete), nisi proxime habitasset. Post Q. Seii domum porticus erat Catuli, eandemque porticum ab altera parte attingebat Ciceronis domus. Itaque Clodius disiecit monumentum Catuli, quendam etiam illarum aedium partem, quae Ciceronis fuerant, et aream praeclearam quum haberet, novam ipse porticum extruxit, dedicavitque Libertati: *in Palatio, pulcherrimo prospectu* etc. Videlicet laxè habitare voluit, ut dictum est. Hinc porro nemo ignorat, qua ratione Sciaenum et Tullianum, magnas et nobiles domos, coniunxerit, quum media inter utramque porticus esset a P. Clodio exstructa. Sed iam ad alterum locum aggredior: *Domus mea illa prope tota vacua est*, non impedita religione, neque per Pontificem dedicata; rationem quoque statim affert: *vix pars aedium mearum decima ad Catuli porticum accessit*. Haec pars tantummodo et religioni poterat esse obnoxia, et an posset restitui, nec ne, cogoscere Pontifices debebant: reliqua enim domos, quam alieno nomine ab hasta emptam Clodius possidebat, et cuius inferiorem partem genti suae Clodio assignaverat, ab omni religione vacua erat, et sine controversia restituendo; adeo-

que sic prosequitur Cicero: *Causa fuit ambulatio* etc. Nullam, inquit, religionem P. Clodius excogitavit; meas ille aedes occupare voluit, easque cum Sciana domo coniungere; aliquam tamen partem addidit ad porticum Catuli datus ob causas, tum ut mea etiam domus videretur Libertati dedicata, ne quando per Senatum restitueretur; tum ut porticum ipse haberet magis amplam et splendidam ad deambulandum. Sic deerevisse Pontifices de Ciceronis domo dicuntur ad Att. IV, 2: *Videri posse sine religione partem areae mihi restitui*. Cur non totam aream? Quia decima tantum aedium pars dedicata fuerat, et domus prope tota a religione iam vacua erat. Quid enim de eo decernerent, quod non venerat in controversiam, quod restitutum iam erat a Senatu? *W.*

Causa fuit — Libertas) Causa hoc quoque loco accipitur pro praetextu, ut §. 12. Sed ne sic quidem omnia satis intelligamus; id apparet, Ernestium infelice coniectura experiri. *Id.*

Tenebris) Pantagath. correxit *tantis in tenebris*.

Scatonem — in Marsis) Non habeo dicere, unde sumta sit forma loqucu-

nem illum, hominem sua virtute egentem, ut is, qui in Marsis, ubi natus est, tectum, quod imbris vitandi causa succederet, nullum haberet, aedes in Palatio nobilissimas emisse se diceret. Inferiorem aedium partem assignavit non suae genti Fonteiae, sed Clodiae, quam reliquit: quem in numerum ex multis Clodiis nemo nomen dedit, nisi aut egestate, aut scelere perditus. Hanc vos, Pontifices, tam variam, tam novam in omni genere voluntatem, impudentiam, audaciam, cupiditatem comprobabitis?

XLV. Pontifex, inquit, affuit. Non te pudet, quum 117 apud pontifices res agatur, pontificem dicere, non collegium pontificum affuisse: praesertim quum tribunus plebis, vel denuntiare potueris, vel etiam co-

di, homo sua virtute egens; sed videtur ea mihi Rbeloris ingenium redolere. Viri nomen mutuatus est, ni fallor, ex Philipp. XII, 111: «Ca. Pompeius, Sexli F. Consul, me praesente, quum essem tiro in eius exercitu, cum P. Vellio Scatone, duce Mariorum, inter hinc castra colloquutus est, MARK. Ut ironiam faceret, de industria quaesivit ambiguum. Nam, proprio scusu, is bonus et furtis est, qui eget virtute sua, h. e. cui virtus sua est causa egestatis. W.

Quod imbris) Ita codd. MSS. complures et edd. vet. aut Lamb. qui edidit quo.

Quem in numerum) Puta, in numerum eorum, quibus partem aedium Clodius assignaverat. Quod quid sit, aut qualis assignatio, porum explicat homo balbutiens. Rem ad testamentum referri volebat Hotomannus. W.

Voluntatem, impudentiam) Guilel. coni. voluntatem impudentiam probante Grutero.

Pontifex, inquit, affuit) Abrupte

transit ad aliam rem, Pontificis, qui consecrationi praefuerit, indignitatem. Ob ceremoniam confer, si tanti videtur, Gutherii de Iure Pontif. III, 11.

Praesertim quum tribunus pl. — cogere) Fuit quidem populi, teste Livio et alibi et IX, 46, mandare sacerdoti ceremonias in talibus dedicationibus peragendas: sed dubitari debet, an populo vel tribuno pl. ius fuerit cogendi alium sacerdotem (unus enim sufficiebat), ut adesset invitus, ac, si recusaret, multam exigendi. Quippe hoc pertinet verbum *cogende*. Dionysius Halic. A. R. II, 73, cuius maxima in hoc genere auctoritas est, tradit Pontifices fuisse ἀνυποβύτους πάσης δίκης τὰ καὶ ἱερὰς, i. e. immunes a iudiciis et multa, ul Gracvius quoque vertit: certissimum tamen est, Pontificem max. habuisse ius multae sacerdotibus indicendae. Cuius rei exstant duo luculenta exempla apud Liv. XXXVII, 51; XXXX, 42, et aliud in Cic. Philipp. XI, 8. Legimus

gere? Esto: collegium non adhibuisti. Quid? de col-

quidem his locis, multam, a Pontifice max. dictam, remisisse populum: sed accuratius excussi docebunt, in rebus ad sacra pertinentibus omnino Pontifici max. paruisse reliquos sacerdotes omnes: etsi iis ab sententia eius sine dubio provocare licuit ad populum, praesertim in causis civilibus, quales illae sunt apud laudatos scriptores. Nisi igitur tribuno pl. legitimum consuetudine licuit cogere et compellere sacerdotem ad functionem muneris sui, haec ignorantia Auctoris erit nobis argumetum novum peregrinitatis. MARKL. Non pugno auctoritate, neque dicam, Gutherium, quum de iure pontificio ageret II, 1, damnare Dioysium hic maluisse, quum Oratorem pro Domo. Sed peto ab iis, qui sedent harum viudiciarum iudices, ut historiam Rom. et totum velut tenorem antiquitatis considerent. Nemo in Roma libera proprie est ἀντιπρόσωπος, aulus, populus habet summum rerum omnium potestatem, ad hunc semper provocatio est, quam qui tollit vel laedit, perduellionis reus fit etc. Ergo verum dicit Dionysius in tantum, quatenus ipsi rationem non coguntur ordinarie reddere suarum actionum, sententiarum: non quasi ipsi tyrannico more grassari in suis Vestales, in Pontifices alios, in scribas, nedum in alium quempiam civem Rom. possent. Et provocatum esse ad populum, ne de multa certum, quam dixerant Pontifices, multamque remissam a populo, exempla sunt apud Livium et ipsum Cicronem II. cc. Provoceant apud Liv. XXXIII, 42, ipsi, quum quaestor tributa ab illis exigeret, ad tribunos frustra. VI scimus, quam ἀντιπρόσωπος Pontifices fuerint etiam ante haec tempora Clodiana, ubi reges et

tyranni erant tribuni, notidamus Asconii ad Milon. cap. 12 narrationem: « Quo tempore Sex. Peduceus tribunus pl. criminatus est L. Metellum Pont. max. totumque collegium Pontificum, male iudicasse de incestu virginum Vestalium, quod nam modo Aemiliam damnaverit, absolverat autem duas, Marciam et Liciuiam, populus hanc Cassium creavit, qui de eisdem virginibus quaereret; isque et otrasque eas et praeterea complures alias, nimia etiam, ut existimatio est, asperitate usus, damnavit. » An Asconius etiam Romae peregrinatur? Pontifices cogere non possunt tribuni? At vix adolescente tribunatu ad censorem Appium tribunus pl. Sempronius apud Liv. IX, 34: *Nisi, inquit, Aemiliae legi parueris, in vincula duci te iubebo.* Hoc idem facit Marius tribunus pl. adolescens, et consules in ipso senatu in vincula duci iubeat. V. Plut. in Vita p. 407 D. Flavius tribunus pl. Metellum consulem in carcerem ducit, comitante hunc senatu: qua de re qui Dionem coosuluerit XXXVII, 50, p. 142, et quos advocavit ibi Fabricius, ille mirabitur, potuisse dubitare Marklandum, quid potuerit ea tempestate Clodius. Et quidnam dicitur potuisse? *Vel denuntiare Pontificibus, vel etiam illos cogere.* Fac cogere hic esse vim adhibere: quid tum non potuit Clodius? Sed ne opus quidem est hac significatione: cogere est nomine populi iubere ut conveniant, ut muneris sui parte fungantur, sicut cognat senatum consules etiam sine piguorum captione, solis diuissis viatoribus etc. Ne quidem opus erat longa disputatione. Populus Romae potest omnia. Sic olim, Livii teste IX, 46, coactus consensu populi Cornelius Bar-

legio quis tandem affuit? posuerat enim auctoritatem in uno, quae est in his omnibus: sed tamen auget et aetas et honos dignitatem. Opus erat etiam scientia: quam etsi omnes consequuti sunt, tamen certe peritiores vetustas facit. Quis ergo affuit? Frater, inquit, 118 uxoris meae. Si auctoritatem quaerimus, etsi id est aetatis, ut nondum consequutus sit, tamen quanta est in adolescente auctoritas, ea, propter tantam coniunctionem affinitatis; minor est putanda. Sin autem scientia est quaesita; quis erat minus peritus, quam is, qui paucis illis diebus in collegium venerat? qui etiam tibi erat magis obstrictus beneficio recenti, quam se, fratrem uxoris tuae, fratri tuo germano antelatum videbat. Etsi in eo providisti, ne frater te accusare posset. Hanc tu igitur dedicationem ap-

batus Pontifex max. verba praetere, aedem concordiae dedicante aedile Flavio. Porro anima, vox, instrumentum populi erant tribuni, tribunorum importunissimus Clodius. GESS. Potuit omnia populus: quis dubitet? at Maeklandus loquebatur de iuris consuetudine tempore Ciceronis. Nisi subtilius disputare didicisset, ista omnia et ipse offerre poterat. WOLF.

Posuerat enim auctoritatem in uno) Rectius scripssisset, opus enim erat auctoritate; uti paulo post, opus erat scientia. Quamquam prius nondum sic ad exactam regulam redigitur. MARKL. Haud dubie vult dicere: Putavit, vel in uno Pontifice eandem auctoritatem esse, quae est in universo collegio. W.

Auget et aetas et honos dignitatem) Vel scripsit auctor sed tamen auget aetas honoris dignitatem, vel, ut Wolfius monet, supervacuum est et honos.

Frater uxoris meae) Fratrem ux-

oris Clodii intelligunt L. Pinarium Nattam, comparatis locis or. pro Murena c. 35, et Alt. IV, 8. Beue tamen movuit Wolfius post Garatonium a Perizonio animadv. hist. p. 200, plus positum quam esset in testimoniis auctorum, ut liquido non constet an unquam Pinarin Clodii uxor fuerit, praesertim quam anceps sit significatio fratris.

Quanta est — minor est putanda) Prava haec Latinitas utrum Scriptoris sit, an librarii, diiudicare non audeo. Nemo enim est, qui non expectet quantacunque vel quanta quanta. W.

Antelatum) In petitione Pontificatus adiuvit Clodius Nattam potius, quam Ap. Claudium, cui tamen aliqua alia ratione satisfacit. FRAN.

Ne frater te accusare posset) Hotomannus hoc de Caio, P. Clodii fratre, accipit, qui veneno sit sublatu. Manlius et Ferratius de Appio, cui Clodius praeterea ei concilianda vel

pellas, ad quam non collegium, non honoribus populi romani ornatum pontificem, non denique adolescentem quemquam, quum haberes in collegio familiarissimos, adhibere potuisti? Affuit is, si modo affuit, quem tu impulisti, soror rogavit, mater coëgit.

- 419 XLVI. Videte igitur, Pontifices, quid statuat in mea causa de omnium fortunis. Verbone pontificis putatis, si is postem tenuerit et aliquid dixerit, domum uniuscuiusque consecrari posse? An istae dedicationes, et templorum et delubrorum religiones, ad honorem deorum immortalium, sine ulla civium calamitate, a maioribus nostris constitutae sunt? Est inventus tribunus plebis, qui consularibus copiis instructus, omni impetu furoris in eum civem irruerit, quem perculsum ipsa respublica suis manibus extol-
- 420 leret. Quid, si quis similis istius (neque enim iam deerunt, qui imitari velint) aliquem mei dissimilem, cui respublica non tantum debeat, per vim afflixerit, domum eius per pontificem dedicarit: id vos ista auctoritate constituetis ratum esse oportere? Dicetis, quem reperiet pontificem? Quid? et tribunus plebis idem esse non potest et pontifex? M. Drusus ille, clar-
- 421 rissimus tribunus plebis, pontifex fuit. Ergo, si is Q. Caepionis, inimici sui, postem aedium tenuisset. et pauca verba fecisset, aedes Caepionis essent dedicatae?

similibus beneficiis antisecurit. Notomanni suspicionem confirmari posse et c. 10, ubi P. Clodius fraticida vocatur, et c. 16 oral. de Harusp. resp. ubi dicuntur Clodii arbitrato omnia venena tractari Wolfius movuit.

Adolentem quemquam H. a. qui tibi non esset affinis, ut bene Ferratinus. W.

Verbone pontificis — consecrari pos-

se?) Sic e duobus codd. edidit Lull. quem cum Beckio sequor, eandemque lectionem probaverunt L. F. Gron. Garl. Wolf. Lambinus ediderat *verbone pontificum putatis, pontifices, si is — consecrare posse*. Graevius *Ergone pontifices putatis, si is* (scil. frater uxoris) *postem — consecrari posse*. Ernestinus: *Ergone pontificem putatis — consecrare posse*.

An istae) Graev. Ern. et istae.

Nihil loquor de pontificio iure, nihil de ipsius verbis dedicationis, nihil de religione, caerimoniis: non dissimulo me nescire ea, quae, etiamsi scirem, dissimularem, ne aliis molestus, vobis etiam curiosus viderer: etsi effluunt multa ex vestra disciplina, quae etiam ad nostras aures saepe permanent. Postem teneri in de-

Postem teneri — templi) Non dubitabat modo prae se ferre igitur tantam scire pontificii; etsi multa in illa disciplina esse, quae ad aliorum aures permanerent. Ex quibus multis, ecce, nunc speciem proferit: *postem teneri oportere in dedicatione templi*. Mirifica, hercle, res, quam hic videtur audisse! Ciceronem, hominem institutorum patriae peritissimum, ita fortiter hoc, velut arcuum, susurrare, quod nemini puero in Urbe obscurum esse potuit! Nam dedicationis templorum publicam fuisse caeremoniam, coram populo fieri solitam, arguit Plutarchus in Vit. Poplic. pag. 104 referens de templo Iovis Capitolini per Horatium Pulvillum dedicato: Ἠρσεν μὲν ἀνδρῶν σὺ τὸ κατείδωκεν ὁ παρ' ἡρώτων x. r. λ. «Congregata concione, silentio iudicio pietatisque rebus reliquis, postem de more tenens, eliditur solemnem dedicationis formulam.» Publice etiam et a populo, ut praediximus, constituta solebat huius rei sacerdos, itaque magistratus. Igitur aut ego nescio, quid sit peregrinori in civitate sua, aut hic facit Auctor profecto. MAX. Dissimulat Cicero suam pontificii iuris scientiam. At mihi hoc ipsum vel maxima Ciceronianum videtur, h. e. eius civis, qui suos cives optime nosset, qui in omnibus rebus, quid opus esset, videret. Quae ex causa dissimulavit Tullius in oratione de signis Verr. IV, 3, suam Graecorum artificum notitiam et in-

telligentiam artificiorum; qua causa excusavit philosophiae in Marena defendendo c. 30 cognitionem; qua interiores literas apud populum semper occultat: eadem causa Pontificum se discipline non satis consultum fugit, arcanae nimirum, religionum aliarum modo, quae ut oracula quaedam non minus quam fusti olim, quam iuris actiones et formulae, a Pontificibus petebantur. Vide Liv. VI, 1: «Quae ad sacra pertinebant, a Pontificibus maxime, ut religione obstrictos haberent multitudinis animos, suppressa.» Decorum ergo seu decentiae rationem, ut solet, hic etiam habet Tullius: dissimulat notitiam earum rerum, quas forte melius plerisque Pontificum ipse tenebat. Formularia fuit, uti omnia tam Romae, disciplina Pontificum, libris comprehensa pontificalibus, quos habere forte nec licebat siue curiositatis crimine; certe non corabant habere vulgo homines, ut ne quidem officiorum suorum commentarios: unde fiebat, ut omnia a scribis repeterent, quo de re querelam Ciceronis, ex fine operis de Legibus, ad c. 28 memorabam. Ergo deus valde hic locus est et dignus illa Tullii prudentia, si quis alius. Conf. c. 54. GERM. Semel professus sum, contrarias animadversiones me allaturum omnes: sed non ubique necesse habeo aliquid subnotare. Pro suo quisque captu interpretetur silentium nostrum. W.

dicatione oportere videor audisse templi. Ibi enim postis est, ubi templi aditus est et valvae. Ambulationis postes nemo unquam tenuit in dedicando: simulacrum autem, aut aram si dedicasti, sine religione loco moveri potest. Sed iam hoc dicere tibi non licebit, quoniam pontificem postem tenuisse dixisti.

- 122 XLVII. Quamquam quid ego de dedicatione loquor? aut quid de vestro iure et religione contra quam proposueram disputo? Ego vero, si omnia solemnibus verbis, veteribus et priscis institutis acta esse dicerem, tamen me reipublicae iure defenderem. An, quum tu eius civis discessu, cuius unius opera senatus atque omnes boni civitatem esse incolunem toties

Ibi enim postis est — valvae) In hac misera sententia, scire velim, quoram spectet enim. Mihi id non alium primum habere videtur, quam supra §. 84 in verbis, *nilil enim poterat dicere*, id est, nullum usum; et utroque loco omnes Dialecticos advocandos eenseo, ut interiore sapientia succurrant. Dum id fiat, vix dubitem, quin autem melius scriptum fuerit. MARCEL. Non ego opus hic esse Logistorum arcana quibusdam praeceptionibus; non tantum et communi sensui opus esse arbitror. Rationalis particula causam affert, cur postem in dedicando tenent Pontifex. Dedicatione per certa symbola traditur deo sua domus: quod autem significantius est symbolum, quam postem et valvas ianuae velut tradere, aperiendi et claudendi ius illi dare. Traditio, inquam, quaedam est dedicatio. Itaque nunc magistratus postem tenere dicitur, ut ille Horatius Pulvillus in Capitolio ap. Liv. II, 8, qui traslat Iovi suam aedem; nunc Pontifex, ut hic, qui nomine dei, cuius personam gerit, eam accipit. Cur ergo postem

tenet in dedicando templo Pontifex? Quia ibi est aditus templi. Hoc non convenit in ambulatione seu porticu, quae ubique patet, tota porta est etc. Eadem, et apertior etiam, ratio est alterius loci c. 32, ubi mihi, et puto quicumque recte intelligant, rationalis particula apte convenire videtur: «L. Philippus censor avunculum suum praeteriit in recitanda senatus: recte fecit: nilil enim poterat dicere, quare rata non essent, quae erant acta in ea republica, in qua se censorem esse voluisset.» En ipso, quod censor fieri voluit, probare statum reipubl. qui tum erat, probare res iudicatas et acta magistratum, etiam quantum ad iniuriam suo avunculo factam, debuit. GRÆV.

Ibi templi aditus) Lambin. malebat *ubi enim postis est, ibi templi aditus est*.

Loquor? — disputo?) Sic Ern. qui *disputo* invenit in MS. Guelf. Vulgo *loquar — disputabo*.

Prisca) Cod. Franc. Innoc. Barb. publicis probante Grævio. Vulg. *priscis* defendit Ruhnken ad Vell. I, 16.

iudicassent, oppressam teterrimo latrocinio cum duobus sceleratissimis consulibus rempublicam teneres; domum eius, qui patriam a se servatam perire suo nomine noluisset, per pontificem aliquem dedicasses: posset recreata respublica sustinere? Date huic religioni aditum, Pontifices: iam nullum fortunis communibus exitum reperietis. An, si postem tenuerit pontifex, et verba, ad religionem deorum immortalium composita, ad perniciem civium transtulerit, valebit ad iniuriam nomen sanctissimum religionis: si tribunus plebis verbis non minus priscis, et paene solemnibus, bona civis cuiuspiam consecrarit, non valebit? Atqui C. Atinius, patrum memoria, bona Q. Metelli, qui eum ex senatu censor eiecerat, avi tui, Q. Metelle, et tui, P. Servili, et proavi tui, P. Scipio, consecravit, foculo posito in rostris, adhibitoque tibicine. Quid tum? num ille furor tribuni plebis, ductus ex nonnullis perveterum temporum exemplis, fraudi Metello fuit, summo illi et clarissimo viro? Certe non fuit. Vidimus, hoc idem Cn. Lentulo censori tribunum plebis facere. Numquid igitur is bona Lentuli religionibus obligavit? Sed quid ego ceteros? Tu, tu, inquam, capite velato, concione advocata, foculo posito, bona tui Gabinii, cui regna omnia Syrorum, Arabum, Persarumque donaras, consecrasti. Quod si tum nihil est actum,

Domum eius — respublica sustinere)
I. e. domusque eius: nam etiam hoc pertinet particula *quum*. Quamquam omnia constructio vitiosa est: *quum domum dedicasses, possetne id resp. sustinere?* Et quid deinde est *fortunis exitum reperire?* Divinare hoc satis commode possumus, non interpretari: nisi forte *exitus* concinue relatus est ad *aditum*.

Date huic religioni aditum) Sic Grut. et Pol. 9, Exf. Gembl. Olim edebatur *date de hac religione aditum*.

C. Atinius) C. Atinius Labeo trib. pl. A. V. C. 623.

Q. Metella) Macedonici.

Q. Metelle) Q. Metellum Creticum alloquitur, et P. Serrilium Isauricum, et P. Scipionem socerum Pompeii M.

Tu, — bona tua Gabinū — conse-

quid in meis bonis agi potuit? sin est ratum, cur ille gurgēs, heluatus tecum simul reipublicae sanguinem, ad caelum tamen exstruxit villam in Tusculano visceribus aerarii; mihi meas ruinas, quarum ego similem totam urbem esse passus non sum, adipiscere non liuit?

425 XLVIII. Omitto Gabinium. Quid? exemplo tuo bona tua nonne L. Ninnius, vir omnium fortissimus atque optimus, consecravit? Quod si, quia ad te pertinet, ratum esse negas oportere, ea iura constituisti in praecclaro tribunatu tuo, quibus in te conversis recusares, alios everteres? sin ista consecratio legitima est: quid est, quod profanum in tuis bonis esse possit? An consecratio nullum habet ius, dedi-

erasti) Intell. eo tempore, postquam Gabinius a Clodius partibus discessisset, de quo notavimus §. 67. De villa hominis Tusculana vide in Plu. §. 48, et pro Sext. §. 93. WOLF.

Exstruxit) Hoc e eodd. Franc. Barb. nliis reposuit Beck., prohaubus Wolfio et Garatono pro vulg. exstruxit; ut significetur eum etiam tum in exstruenda ista villa fuisse occupatum.

Totam urbem esse passus non sum) Hoc est, ego in consulatu meo obstiti, et impedii ne tota urbs in tales ruinas converteretur, quales nunc sunt rudera meae domus. Anon.

L. Ninnius) Sic Beckius auctoribus Garatono et Wolfio rescripsit. Est L. Ninnius Quadratus. Vulg. L. Munnius.

Ea iura — recusares — everteres?) Hotoianus scribendum videbatur uti recusares. Bene quidem; sed non suspicabatur vir doctus tantum egestatem et misera effugia, ad quae hunc Auctorem saepe detrudit imperitia scribendi. MARKL. An forte recusare

ita dativo iungere voluit, ut excusare construitur posteriora aetate Latinarum? WOLF.

An consecratio nullum habet ius dedicatio est religiosa?) Ad hunc locum disputat Graevius de discrimine inter consecrationem, et dedicationem. Quae tota disputatio hanc summam habet, ut consecrationem locorum, arcarum, agrorum dicat; dedicationem autem templorum, ararum, simulacrorum. Sic a Clodio dicit consecratam esse arcam Ciceronianae domus; et simulacrum Libertatis in arca dedicatum. Tamen in hac ipsa oratione potuerat videre Graevius consecrare, et dedicare, hisdem in rebus dici nullo discrimine. In dedicatione, inquit, postis tenebatur. Etiamne quum ara, simulacrum dedicaretur? Dedicatio, inquit, fiebat populi iussu. An non et consecratio? Infra c. 49: Video esse legem veterum tribunitiam, quae vetet, iniussu plebis, aedes, terram, aram consecrare. Graevius decepit locus initio propositus, in quo consecratio et dedicatio distingui vi-

catio est religiosa? Quid ergo illa tua tum obtestatio tibicinis? quid focus? quid preces? quid prisca verba voluerunt? ementiri, fallere, abuti deorum immortalium numine ad hominum timorem voluisti? Nam si est illud ratum; mitto Gabinium; tua domus certe, et, quidquid habes aliud, est Cereri consecratum: sin ille tibi ludus fuit, quid te impudens, qui religiones omnes pollueris aut ementiendo, aut stuprando? «Iam fateor, inquit, in Gabino me nefarium fuisse.» Quippe vides, poenam illam a te in alium institutam, in te ipsum esse conversam. Sed, homo omnium scelerum flagitiorumque documentum, quod in Gabinio fateris, cuius impudicitiam pueritiae, libidines adolescentiae, dedecus et egestatem reliquae vitae, latrocinium consulatus vidimus; cui ne ista quidem ipsa calamitas iniuria potuit accidere: id in me infirmas? et gravius esse dicis, quod uno adolescente, quam quod concione tota teste, fecisti?

XLIX. Dedicatio magnam, inquit, habet religionem. Nonne vobis Numa Pompilius videtur loqui? discite orationem, Pontifices, et vos flamines; etiam tu, rex,

dentur. Atqui sensus eius hic est: An consecratio aedium, honorum nullum habet ius, si iniussu populi facta est: dedicatio autem, sive consecratio simulacri Libertatis tantam religionem affert, tantaque religione obliget aream? Scilicet Cicero non distinguit consecrationem a dedicatione in genere; sed absurdum esse dicit eisdem rei, hoc est, consecrationis, sive dedicationis, diversam vim statui pro diversis obiectis; quum in hac cerimonia, non res in qua adhibetur, sed ipsa consecrandi dedicandique ceremonia et sanctitas spectetur. Ean.

Voluisti) Placini codd. MSS. quid

voluisti. Pronomen recte deleverunt P. Manul. aliqui editores, nuper etiam Wolf.

Quod in Gabino fateris — id in me infirmas.) Quod concedis, nefarie te egisse in Gabini bonis consecrandis, id de meorum aedium consecratione valem negas? Nihil, opinor, insulsius esse potest ipsa illa fictione concessionis. Wolf.

Id in me infirmas) Non idem sis de meorum aedium consecratione. Man.

Etiam tu, rex) Scil. rex sacrorum L. Claudius. Har. Resp. cap. 6, gentilitia Clodii.

disce a gentili tuo : quamquam ille gentem istam reliquit : sed tamen disce ab homine religionibus dedito , iusto , tum omnium religionum perito. Quid ? in dedicatione , nonne , et quis dicit , et quid , et quomodo , quaeritur ? An tu haec ita confundis et perturbas , ut , quicumque velit , quod velit , quomodo velit , possit dedicare ? Quis eras tu , qui dedicabas ? quo iure ? qua lege ? quo exemplo ? qua potestate ? ubi te isti rei populus romanus praefecerat ? Video enim esse legem veterem tribuniciam , quae vetet , iniussu plebis aedes , terram , aram consecrare. Neque tum hoc ille Q. Papirius , qui hanc legem rogavit , sensit , neque suspicatus est , fore periculum , ne domicilia aut possessiones indemnatorum civium consecrarentur. Neque enim id fieri fas erat , neque quisquam fecerat , neque erat causa , cur prohibendo non tam
 428 deterrere videretur , quam admonere. Sed quia consecrabantur aedes , non privatorum domicilia , sed quae sacrae nominantur ; consecrabantur agri , non ita ut nostra praedia , si quis vellet , sed ut imperator agros de hostibus captos consecraret ; statuebantur arae , quae religionem asferrent , ipso si loco essent

Gentem istam reliquit) Adoptione scilicet in familiam plebeiam.

Legem veterem tribuniciam) Ergo Q. Papirius tribunus pl. legem tulit de consecratione rerum , quae leges erat cautam , ne quis quid iussu populi consecraret ; id omisum erat , ne quis indemnati civis bonis consecraret. Nos neque hunc Q. Papirium , nec legem eius aliunde novimus , verum ex h. l. ita describitur , vix ut operae pretium videatur eam ferri. WOLF.

Non ita ut) Hic non satis est , singula vocabula reprehendere , ut Graevius fecit et Ernestus : universus lo-

cus et sententia et constructione misere laborat. Sed nihil ad vivum resco , ut nosce victus. Id.

(1) MSS. nonnulli ut Franc. Dresd. Goelf. addunt *ipsi*. Alii *ipso*. Graevius et Ernestus utrumque delendum censuerunt.

Si loco) Hoc est statuebantur arae , quae religiosum reddebant id , obicerent constitutae , si loco , hoc est suo seu commodo loco , iure et legitime essent consecratae. Hanc enim vim loco consecrare habet. Terent. Adelph. 11 , 21 *Pecuniam loco negligere , maximum interdum est luctum*. Cicero pro Milone : *Quem iure , quem*

consecratae: haec, nisi plebs iussisset, fieri vetuit. Quae si tu interpretaris de nostris aedibus atque agris scripta esse, non repugno: sed quaero, quae lex lata sit, ut tu aedes meas consecrares; ubi tibi haec potestas data sit; quo iure feceris. Neque ego nunc de religione, sed de bonis omnium nostrum, nec de pontificio, sed de iure publico disputo.

L. Lex Papiria vetat, aedes iniussu plebis consecrari. Sit sane hoc de nostris aedibus, ac non de publicis templis. Vnum ostende verbum consecrationis in ipsa tua lege: si illa lex est, ac non vox sceleris et crudelitatis tuae. Quod si tibi tum in illo reipublicae naufragio omnia in mentem venire potuissent, aut si tuus scriptor in illo incendio civitatis non syngraphas cum Byzantiis exsulis et cum legatis regiis faceret, sed vacuo animo tibi ista non scita, sed portenta conscriberet: esses omnia, si minus re, at verbis legitimis consequutus. Sed uno tempore cautiones fiebant pecuniarum, foedera feriebantur provincia-

loco, quem tempore, quem impune non est ausus; hunc iniuria, iniquo loco, alieno tempore, periculo capitis non dubitavit occidere. GRAEV.

Quod si — naufragio) Ioculares sunt hi terrores, modo naufragium, iam incendium. Scilicet in vita hominum nulla sola est calamitas. Mox de scriptore scitorum vel legum, Sax. Clodio, vide §. 47. Ei tribuuntur factae cum Byzantiis exsulis, cum legatis regum, synographae eiusmodi, ut pacisceretur pecuniam, pro qua P. Clodius illis reditum in patriam, his regule nomen per tribunitias rogationes conficeret. Sic beoe Ferratius, item Ernestius, qui et seqq. verborum si minus etc. sensum sic aperit: Non lo quidem vere iussu accepisse istorum faciendorum, quia tota

lex est vitiosa, at verbis tamen; quia in lege scriptum esset, ut tu consecrare mea bona posses. Ad syngraphas conf. de H. R. §. 29 et 34. WOLF.

Foedera feriebantur provinciarum) Vidit Graevius, Clodii transacta cum Pisone et Gabinio de provinciis priora fuisse ceteris rebus, quae hic commemorantur; simul miratur, quid sit foedera provinciarum ferire; itaque, mutata interpunctioe, sic legendum pulat: foedera feriebantur, provinciarum regum app. venales erant. At nos vicissim miramur, quid nunc sicut appellationes provinciarum, et qui illae venales esse poluerint coacta, quo regum: neque adeo in vulgata distinctione ullam difficultatem reperimus. Vt enim notissima loquutio est foedus ferire, sic foedus

rum, regum appellationes venales erant, servorum omnium vicatim celebrabatur tota urbe descriptio, inimici in gratiam reconciliabantur, imperia adscribebantur nova iuventuti, Q. Seio venenum misero parabatur, de Cn. Pompeio, propugnatore et custode imperii, interficiendo consilia inibantur, senatus ne quid esset, ut lugerent boni semper, ut capta respublica consulum proditione, vi tribunicia teneretur. Haec quum tot tantaque agerentur, non mirum est, praesertim in furore animi et caecitate, multa illum et te fefellisse.

- ⁴³⁰ II. At videte, quanta vis sit huius Papiriae legis, in re tali; non qualem tu affers, sceleris plenam et furoris. Q. Marcius, censor, signum Concordiae fecerat, idque in publico collocarat. Hoc signum C. Cassius censor quum in curiam transtulisset, collegium vestrum consuluit, numquid esse causae videretur, quin id signum curiamque Concordiae dedicaret. Quaeso, Pontifices, et hominem cum homine, et tempus cum tempore, et rem cum re comparate. Ille erat summa modestia et gravitate censor: hic tribunus plebis, scelere et audacia singulari. Tempus illud erat tranquillum, et in libertate populi et gu-

provinciarum saepe legitur in hisce libris et apud ipsum Ciceronem de Clodianna ista cum consulibus pactione Macedoniae et Syriae, ad Clodionis exitum facta: tanquam pro Sext. cap. 10, 14, 15, in Pis. cap. 12, in Sen. cap. 7, ad Quir. cap. 5. Quod autem parum in tempore iuncta notatur mentio eius foederis, id verissimum est, et addendum tot similibus erroribus, quos in his Orati. deprehendimus, MARKL.

Imperia describebantur nova iuventuti) In plerisque MSS. legitur impe-

ria adscribebantur novae iuventuti Lambinus in MSS. Memm. *imperia adscribebantur nova iuventusque se iuvenum*; unde haec lectionem constituit: *imperia scribebantur nova: Q. Seio etc.* Panthoguthus volebat *imperia adscribebantur, inveniebantur*; Guelm. *imperia adscribebantur nova e iuventute*; Garatun. *imperia adscribebantur nova iuventuti*. Optimum fuerit cum Beckio scribere *imperia adscribebantur nova iuventuti*.

Tempus — in libertate) Minime ferenda Latinitas. Max probabilis

bernatione positum senatus: tuum porro tempus, libertate populi romani oppressa, senatus auctoritate deleta. Res illa plena iustitiae, sapientiae, dignitatis. Censor enim, penes quem maiores nostri (id quod tu sustulisti) indicium senatus de dignitate esse voluerunt, Concordiae signum volebat in curia, curiamque ei deae dedicare. Praeclara voluntas, atque omni laude digna. Praescribere enim se arbitrabatur, ut sine studiis dissensionis sententiae dicerentur, si sedem ipsam ac templum publici consilii religione Concordiae devinxisset. Tu quum ferro, quum metu, quum edictis, quum privilegiis, quum praesentibus copiis perditorum, absentis exercitus terrore et minis, consulum societate et nefario foedere, servitute oppressam civitatem teneres, Libertatis signum posuisti magis ad ludibrium impudentiae quam ad simulationem religionis. Ille in curia, quae poterat, sine cuiusquam incommodo, dedicabat: tu in civis optime de republica meriti cruore ac paene ossibus simulacrum non libertatis publicae, sed licentiae, collocasti. Atque ille tamen ad collegium retulit: tu ad quem retulisti? Si quid deliberares, si quid tibi aut piandum, aut

coniectura est Lambini, *de senatus dignitate*; nisi Auctor dicere voluit *de dignitate cuiusque*, ut Censor potestatem suam nomine senatus exercere significetur. WOLF.

Positum senatus — sustulisti) Censores in recitanda senatu, praeteritis indiguis, cum cuique locum dabant, quem cuiusque dignitas postularet. Hoc etiam Clodius lata lege sustulerat. FGAN.

Curiamque) Car. Steph. et Lamb. *aramque*.

Praescribere enim se — concordiae devinxisset) Planiusculis verbis: Spe-

rabat in senatu prolixis nullas dissensiones futuros esse, si curiam deae Concordiae dedicasset. Vah, callidum consilium! praecleram voluntatem! WOLF.

Absentis) C. Caesaris.

Licentiae) Marklandus addendum putabat tuae.

Si quid deliberares — detulisses) Subaudi iure, recte: ita *detulisses* est pro *deferre debuisses*. Vt §. 70, indicarent, omnium MSS. lectio, est pro *iudicare deberent*. Neutrum per se satis Latine. WOLF.

instituendum fuisset religione domestica; tamen, instituto ceterorum vetere, ad pontificem detulisses: novum delubrum quum in urbis clarissimo loco, nefando quodam atque inaudito instituto, inchoares; referendum ad sacerdotes publicos non putasti? At, si collegium pontificum adhibendum non videbatur; nemone horum tibi idoneus visus est, qui aetate, honore, auctoritate antecellunt, ut cum eo dedicationem communicares? quorum quidem tu non contempsisti, sed pertinuisti dignitatem. An tu auderes quaerere ex P. Servilio, aut ex M. Lucullo (quorum ego consilio atque auctoritate rempublicam consul ex vestris manibus ac faucibus eripui) quibusnam verbis, aut quo ritu, primum hoc dico, civis domum consecraret; deinde civis eius, cui princeps senatus, cui etiam ordines omnes, deinde Italia tota, post cunctae gentes, testimonium huius urbis atque imperii conservati dedissent? Quid diceret, o nefanda et pernicio-
⁴³² labes civitatis? « Ades, ades, Luculle, Servili, dum dedico domum Ciceronis, ut mihi praeceatis, postemque teneatis. » Es tu quidem quum audacia, tum impudentia singulari: sed tibi tamen oculi, vultus, verba cecidissent, quum te viri, qui sua dignitate personam populi romani atque auctoritatem imperii sustinerent,

Faucibus) Codd. Lamb. it. *Fauc.*
Dread. faucibus.

Princeps senatus) Ambigue et parum usitate scripsit Auctor, si intelligi voluit primo s. primum *senatus*; importune vero, si, quod verisimilius est, de aliquo *senatus principe* loqui voluit, ut Q. Catulo, quo censente Cicero primus Romanorum pater patriae appellatus est. Conf. Or. in Pis. cap. 3. WOLF.

Ordines) Tum etiam ordines cod.

S. Victor. et Car. Steph. probante Garatonio.

Ades, ades — dum dedico — teneatis) Ex h. l. Brissonius de Form. I, p. 126 (103), excerpit verba sollemnia, quibus Pontifex magistratum vocare consuevisset ad illam ceremoniam. Quae de re nihil esset dubitandum, si alibi simile exemplum exstaret: nunc nihil aliud quam sententiam ipsius scriptoris legere nobis videtur. De totius loci eloquentiam diximus in Praefatione. MARKL.

verbis gravissimis perterruissent; neque sibi fas esse dixissent, furori interesse tuo, atque in patriae par-
ricidio et scelere. Quae quum videres, tum te ad tuum ¹³⁴
affinem, non delectum a te, sed relictum a ceteris
contulisti. Quem ego tamen credo, si est ortus ab illis,
quos memoriae proditum est ab ipso Hercule, per-
functo iam laboribus, sacra didicisse, in viri fortis
aerumnis non ita crudelem fuisse, ut in vivi et iam
spirantis caput bustum suis manibus imponeret: qui
aut nihil dixit, aut fecit omnino, poenamque hanc
maternae temeritatis tulit, ut mutam in delicto per-
sonam, nomenque praeberet: aut, si dixit aliquid
verbis haesitantibus, postemque tremebunda manu
tetigit, certe nihil rite, nihil caste, nihil more insti-
tutoque perfecit. Viderat ille Muraenam, vitricum
suum, consulem designatum, ad me consulem cum
Allobrogibus communis exitii indicia afferre: audie-
rat ex illo, se a me bis salutem accepisse, separatim
semel, iterum cum universis. Quare quis est, qui exi- ¹³⁵
stimare possit, huic novo pontifici, primam hanc post
sacerdotium initum religionem instituenti vocemque
mittenti, non et linguam obmutuisse, et manum ob-
torpuisse, et mentem debilitatam metu concidisse:
praesertim quum ex collegio tanto, non regem, non

Parricidio et scelere) Catuloni
coai, furori interesse tuo in patriae
paricidio exultanti, nisi potius quae-
dam intercederent.

Quem ego tamen — didicisse) Haec
verba laudantur a Servio ad Virgil.
Aen. VIII, 269.

Ab ipso Hercule) Pinarii, et Poti-
tii sacra quaedam ab Hercule didi-
cerant. Livius, lib. I.

Vt in vivi et iam spirantis) Lamb.
copi. ut in vivi etiam tam spirantis.

*Caput bustum suis manibus im-
poneret*) Ineptissime dictum esse recte
Wolffius adnotavit.

Bustum) Signum de busto mere-
tricis ablatum. Max.

Separatim) Quum de ambitu, Ci-
cerone defendente, est absolutus. In.

Quare quis est — metu concidisse)
Nemo profecto est, qui sic existima-
re possit; ne multo melius fuisset, si
angustissimo scriptori invidiam man-
us obtorpuisset: mentem debilita-
tam eius ubique videmus. Wolf.

flaminem, non pontificem videret; fierique particeps alieni sceleris invitus cogeretur, et gravissimas poenas affinitatis impurissimae sustineret?

- 136 LIII. Sed, ut revertar ad ius publicum dedicandi, quod ipsi pontifices semper non solum ad suas caerimonias, sed etiam ad populi iussa accommodaverunt: habetis in commentariis vestris, C. Cassium censorem de signo Concordiae dedicando ad pontificum collegium retulisse, eique M. Aemilium, pontificem maximum, pro collegio respondisse, nisi eum populus romanus nominatim praefecisset, atque eius iussu faceret; non videri ea recte posse dedicari. Quid? quum Licinia, virgo Vestalis, summo loco nata, sanctissimo sacerdotio praedita, T. Flaminio Q. Metello consulibus, aram et aediculam et pulvinar sub saxo sacro dedicasset, non eam rem ex auctoritate senatus ad hoc collegium Sex. Iulius praetor retulit? quum P. Scaevola, pontifex maximus, pro collegio respondit, *quod in loco publico Licinia, Cui filia, iniussu populi dedicasset, sacrum non videriet*. Quam quidem rem quanta severitate, quantaque diligentia senatus sustulerit, ex ipso senatusconsulto facile cognoscetis.

- 137 Recita senatusconsultum. SENATVSCONSVLTVM. Videtisne, praetori urbano negotium datum, ut curaret, ne

Dedicandi) Sic Wolfius, auctore Manutio. Argumento sint verba cap. 54: « Quae sunt adhuc a me de iure dedicandi disputata. » Schütz. vulgatum vindicandum retinuit. Trp.

Non videri ea recte posse dedicari) Ea Beckius uncis inclosit et spurium. Ernestius aut id legendum aut ea delendum esse censuerat.

Aram — sub saxo sacro) Parte montis Aventini, in qua templum fuit Bonae Dae, nomine sub saxo. Vi-

de Ovid. Fast. V, 130, et ibi VV. DD. Wolf.

Quam quidem rem — senatus sustulerit) In postremo verbo plures bonum sensum desiderant, optantque curarit, vel persequutus sit, vel aliquid simile. Vni Geratouio contigit videre sententiam huiusmodi: Res omnem ab Licinia actam, ad senatum et Pontifices a magistratu delatam, ita delevit senatus, ut nullum eius vestigium extare vulerit. W.

id sacrum esset? et ut, si quae essent incisae aut inscriptae literae, tollerentur? O tempora! o mores! Tum censorem, hominem sanctissimum, simulacrum Concordiae dedicare pontifices in templo inaugurato prohibuerunt; post autem senatus in loco augusto consecratam eam aram, tollendam ex auctoritate pontificum censuit, neque ullum est passus ex ea dedicatione literarum exstare monumentum: tu, procella patriae, turbo ac tempestas pacis atque otii, quod in naufragio, reipublicae tenebris offusus, demerso populo romano, everso atque electo senatu, dirueris, aedificaris, religione omni violata, religionis tamen nomine contaminaris; in civis huiusce aedibus, et in urbe, quam suis laboribus ac periculis conservasset, monumentum deletae reipublicae collocaris, ad equitum notam, ad dolorem bonorum omnium, sublatoque Q. Catuli nomine tuum incideris: id sperasti reipublicam diutius, quam, quoad mecum simul expulsa careret his moenibus, esse laturam?

In templo inaugurato) Recte iudicat Ernestius, epitheton hic male abundare: nullum templum non esse inauguratum. Igitur hoc simile publicis templis §. 128, siquidem in utroque loco concinnitatis studio impu-landa sunt molesta epitheta. Id.

Religionis tamen nomine) Vulgo reipublicae tantum nomine. Graevius a coniectura Manutii et MSS. nonnullis reipublicae tamen nomine. Mar-klaudus autem vidit legendum esse religionis tamen nomine, quod cum Beckio recepi.

Ad equitum notam) Iam Lambinum offendit inepta haec equitum commemoratio. Difficile autem est dicere, utrum ipse declamator sic

scripserit an librarii aliquid vel omiserint, vel depravarint.

Ad equitum notam — esse laturam) Nihil proficiunt emendationes doctorum, in primis verbis tentatae, recteque Garatunius divinavit, equitum mentionem fieri propter praesidium, quo is ordo Ciceronem super consulem et tempul. defenderit; ut et alios in scriptis Ciceronianis respectu horum temporum iunguntur senatus, equites, boni omnes, v. c. pro Sext. §. 29, pro Mil. §. 94. Idque forsitan sufficit auctori, qui ultro scripsit notam pro ignominia, significatione minime apta h. l. Wols.

Tuum incideris) Tuum quod vulgo abest de Manutii et Graevii sententia inserui.

- 138 LIV. At si, Pontifices, neque is, cui licuit, neque id, quod fas fuit, dedicavit: quid me attinet iam illud tertium, quod proposueram, docere, non his institutis ac verbis, quibus caerimoniae postulant, dedicasse? Dixi a principio, nihil me de scientia vestra, nihil de sacris, nihil de abscondito iure pontificum dicturum. Quae sunt adhuc a me de iure dedicandi disputata, non sunt quaesita ex occulto aliquo genere literarum, sed sumpta de medio, ex rebus palam per magistratus actis, ad collegiumque delatis, ex senatusconsulto, ex lege. Illa interiora iam vestra sunt, quid dici, quid praecipere, quid tangi, quid teneri
139 ius fuerit. Quae si omnia ex Coruncanii scientia, qui peritissimus pontifex fuisse dicitur, acta esse constarent; aut si M. Horatius ille Pulvillus, qui, quum eius dedicationem multi, propter invidiam, fictis religionibus impedirent, restitit, et constantissima mente Capitolium dedicavit, huiusmodi alicui dedicationi praefuisset: tamen in scelere religio non valeret; nedum valeat id, quod imperitus adolescens, novus sacerdos, sororis precibus, matris minis adductus, ignarus, invitus, sine collegis, sine libris, sine auctore, sine fictore, furtim, mente ac lingua titubante fecisse dicatur: praesertim quum iste impurus atque impius hostis omnium religionum, qui contra fas inter viros saepe mulier, et inter mulieres vir fuisset, ageret illam rem ita raptim et turbulente, ut neque mens, neque vox, neque lingua consistret.

At si neque his — dedicasse? Interpretatur haec Mauntius: Non licuit Clodio dedicare, nec fas fuit dedicare domum meam; quum praesertim Pontifex ille, quem adhibuit, postem porlicos tenerit in dedicando; quod antea factum erat nunquam. WOLF.

Sine fictore Sic Grut.² et Graev. et MSS. Olim scriptore. Sed fictores erant pontificum ministri qui liba, aut animalia e farina, aut pane aut ceraungebant, quorum usus erat in dedicationibus.

LV. Delatum tum est ad vos, Pontifices, et post
 omnium sermone celebratum, quemadmodum iste
 praeposteris verbis, ominibus obscoenis, identidem
 se ipse revocando, dubitans, timens, haesitans, omnia
 aliter, ac vos in monumentis habetis, et pronuntiarit,
 et fecerit. Quod quidem minime mirum est, in tanto
 scelere, tantaque dementia, ne audaciae quidem lo-
 cum ad timorem comprimendum fuisse. Etenim, si
 nemo unquam praedo tam barbarus atque immanis
 fuit, qui quum sana spoliasset, deinde aram aliquam
 in litore deserto, somniis stimulatus, aut religione
 aliqua, consecraret, non horreret animo, quum di-
 vinum numen scelere violatum, placare precibus co-
 geretur: qua tandem istum perturbatione mentis,
 omnium templorum atque tectorum totiusque urbis
 praedonem, fuisse censetis, quum pro detestatione
 tot scelerum unam aram nefarie consecraret? Non
 poterat ullo modo (quamquam et insolentia domina-
 tus extulerat animos, et erat incredibili armatus au-
 dacia) non in agendo ruere, ac saepe peccare, prae-
 sertim illo pontifice et magistro, qui cogeretur do-
 cere, antequam ipse didicisset. Magna vis est quum
 in deorum immortalium numine, tum vero in ipsa
 republica. Dii immortales suorum templorum custo-
 dem ac praesidem sceleratissime pulsum quum vide-

Delatum tum est — et fecerit) Supra §. 134 in dubio ponebatur, an
 omnino aliquid dixerit aut fecerit
 Pontifex: nunc etiam omnium ser-
 mone celebratum dicitur, quo quid-
 que modo factum sit et pronuntiatum.
 Quamquam ex seqq. intelligitur, Ora-
 torem nunc non de Pinnio loqui, sed
 de Clodio. Quibus tandem cachinnis
 talia aegri capitis somnia exceptari
 fuissent crudeli, si Ciceronem ridere

fas esset! Iam haec et multa alia,
 spero, tirunculis risum exprimere.
 WOLF.

Somniis) Alii *somnis*.

Qui cogeretur docere) Verba prae-
 ire, ritu sacro. Itaque h. l. certe ar-
 guitur, verba praevisse Pontificem.
 In seqq. *Magna vis est* etc. intellige,
 si placet, ad metum hominibus in-
 cutiendum. WOLF.

rent, ex suis templis in eius aedes immigrare volebant: itaque istius vecordissimi mentem cura metuque terrebant. Res vero publica, quamquam erat exterminata mecum, tamen obversabatur ante oculos extingtoris sui, et ab istius inflammato atque ignito furore iam tum me seque repetebat. Quare quid est mirum, si iste metus furore instinctus, scelere praeceps, neque institutas caerimonias persequi, neque verbum ullum solemne potuit effari?

- 142 LVI. Quae quum ita sint, Pontifices, revoke iam animos vestros ab hac subtili nostra disputatione ad universam rempublicam, quam antea cum viris fortibus multis, in hac vero causa solis vestris cervicibus sustinetis. Vobis universi senatus perpetua auctoritas, cui vosmet ipsi praestantissimi semper in mea causa prae-fuistis; vobis Italiae magnificentissimus ille motus, municipiorumque concursus; vobis campus, centuriarumque una vox omnium, quarum vos principes atque auctores fuistis; vobis omnes societates, omnes ordines, omnes, qui aut re aut spe denique sunt bona, omne suum erga meam dignitatem stu-

Exstingtoris) *Exterminatoris* cod. Franc. add. Herv., Steph., Lambin. quod bene convenit verbo praegresso.

Si iste metus furore) Lamb. a conjectura edidit *metu perturbatus, si furore instinctus*. Manutius iam ante ediderat *si iste metu, si furore instinctus*, Beckius malebat *metu agitata*. Fortasse autem legendum *si iste metu instinctus*, ut *furore* ex verum antecedente temere repetitum sit.

Ab hac subtili nostra disputatione) Immo *subtili*. Quam mutationem si quis pro emendatione accipere volet, non minus deerit Ciceronis auctoritas, quam in tot aliis correctionibus.

Quippe et hoc est vocabulum Ciceronianum. Non Lambinus corrigit *soli vestris cervicibus pro solis*, recta Latinitate, etsi idem significare voluit auctor, non *cervices* opponere *pedibus* aut aliis partibus corporis. WOLF.

Praestantissimi) Pentagath. ap. Vrsin. correxit *praestantissime* probante Graevio. Eo. malebat *praestantissime*.

Omne suum) Vulgo *omne vobis*. Sed in plerisque codd. est *omnes tum*, in cod. Franc. *omnes hi tum*. Graev. edidit *omnes hi sum*. Wolf, et Beck. auctore Gatactonio *omne suum*.

dium et iudicium non modo commissum, verum etiam commendatum esse arbitrantur. Denique ipsi dii immortales, qui hanc urbem atque hoc imperium tuentur, ut esset omnibus gentibus posteritatiue perspicuum, divino me numine esse reipublicae redditum, idcirco mihi videntur fructum ipsum redditus et gratulationis meae ad suorum sacerdotum potestatem iudiciumque revocasse. Hic est enim redditus, ¹⁴³ Pontifices, haec restitutio, in domo, in sedibus, in aris, in focis, in diis penatibus recuperandis: quorum si iste suis sceleratissimis manibus tecta sedesque convellit, ducibusque consulibus, tanquam urbe capta, hanc unam domum, quasi acerrimi propugnatoris, sibi delendam putavit; tamen illi dii penates ac familiares mei, per vos in meam domum mecum erunt restituti.

LVII. Quocirca te, Capitoline, quem propter beneficia populus romanus Optimum, propter vim Maximum nominavit, teque, Iuno regina, et te, custos urbis, Minerva, quae semper adiutrix consiliorum meorum, testis laborum exstitisti, precor ac quaeso; vosque, qui maxime me repetistis, atque revocastis, quorum de sedibus haec mihi proposita est contentio, patrii penates familiaresque, qui huic urbi et reipublicae praesidetis, vos obtestor, quorum ego a templis ac delubris pestiferam illam et nefariam flammam depuli; teque, Vesta mater, cuius castissimas sacerdotes ab hominum amentia, furore et scelere defendi, cuiusque ignem illum sempiternum non sum passus aut sanguine civium restingui, aut cum totius

Arbitrantur) Plerique codd. arbitrantur. Inde vulgo editum arbitrantur. Al Lamb. Ern. Beck. alij arbitrabantur.

Hic — et restitutio, in domo) H. e. simplicius: Tum mihi vere redisse ac restitutus esse videbor, quum domum meam, sedes etc. recuperavero. W.

145 urbis incendio commisceri: *ut*, si in illo paene fato reipublicae obieci meum caput, pro vestris caerimoniis atque templis, perditissimorum civium furori atque ferro; et, si iterum, quum ex mea contentione interitus bonorum omnium quaceretur, vos sum testatus, vobis me ac meos commendavi, meque ac meum caput ea conditione devovi, ut, si et eo ipso tempore, et ante, et in consulatu meo, commodis meis omnibus, emolumentis, praemiis praetermissis, cura, cogitatione, vigiliis omnibus, nihil, nisi de salute meorum civium, laborassem, tum mihi republica aliquando restituta liceret frui; sin autem mea consilia patriae non profuissent, ut perpetuum dolorem, avulsus a meis, sustinerem: hanc ego devotionem capitis mei, quum ero in sedes meas restitutus, tum denique
146 convictam esse et commissam putabo. Nam nunc qui-

Et, si in illo — convictam esse et commissam putabo) iam olim fuerunt, qui haerent in particula *ut*, eamque vel delere vellent, vel in *et* mutare. Sed neutra harum rationum medetur vitio graviori, quod in hac periodo supra tribus verbis notavit Marklandus; neque perspicuum fit, quid sit illud, quod Orator nunc quum maxime precetur a Capitolino suo, a Iovone, a reliquis diis. Nam si tantum narrare voluisset, quid olim *in illo paene fato reipublicae*, quid *deinde iterum* precatus esset, eam narrationem aliquanto minore offensione facere poterat, ad eundem modum, quo id fecit in exordio Orat. ad Quirites; certe nunc nulla nova precatio eral ordiendam. Verum pietas haec rhetorica quaedam est, satis infelix. Maiore enim spiritu in longissimae Orationis elausula sibi utendum ratus, bono Eventui se imprudenter commisit; qui quo perduxerit humi-

nem, docebit perpensa compages totius periodi: *Precor ac quaeso Iovem etc. ut, si obieci caput meum, et, si iterum — deos sum testatus, meque ita devovi, ut, si — laborassem, tum mihi rep. liceret frui; sin autem mea consilia patriae non profuissent, ut perpetuum dolorem sustinerem: — hanc ego devotionem capitis mei — convictam et commissam putabo.* Durum in his ἀνακλόουδον inesse, Interp. ii, qui plurimum sapinnt, videntur concedere, et nimium facetos est Roscius Anglus in colligendis similibus, ut putat, constructionibus, propter quas ex Marklandi scilicet ratione toti libri confodiendi sint. Aliter, o bone, catuli olent, aliter sues: nullum tale ἀνακλόουδον exemplum usquam invenietur, ut in libris quidem de philosophia, in quibus scriptorem frequentius et facilius in hoc genus inducit sermonis familiaris imitatio et negligentia: in Orationibus

dem, Pontifices, non solum domo, de qua cognoscitis, sed tota urbe careo, in quam videor esse restitutus.

omnino id multo rarius est, etiam in longissimis periodis. Tironi non penius, optior, hodie res cederet, si ei amplificanda et ornanda daretur sententia, quam Livius Camillo tribuit in exilium abeunti V, 32: *Si innoxio sibi ea iniuria fieret, dii primo quoque tempore sui desiderium civitati facerent*: nam ex tali fonte has ampullas derivatas esse apparet. Iam alia quoque res est, in qua nobis non minus haerendum sit, si usum loquendi et Latium et Ciceronianum quaeramus. Cur enim, quum supra dixerit se ipsum *devotionis convictum*, nunc *devotionem ipsam convictam et commissam* dici? Sed hanc formulam, cuius non melior quam alterius, i. e. nulla auctoritas reperietur, eam ex iure civili explicare consantur tum alii, tum Schwarzius ad Mamertini Pneg. Maximian. cap. 6. Nempe, sicut *convicti* dicantur *votorum*, qui *debitores votorum*, *votis obligati* seu *damnati*; sicut *commissa* dicatur *stipulatio*, quae sit faelo et commisso promissoris impletis; item *convictam* et *commissam devotionem* esse narrant eam, quae adimpleta sit et ipso exitu comprobata. Laudant etiam Salmasium de modo usurr. cap. 14. Ego vero puto, si *damnata devotionem* scripsisset Rhetor, eodem arte illos id explicare et defendere ausuros fuisse. Adderem praeterea aliquid, nisi istos metuerem, qui mera mendacia ad oratoriam fidem pertinere putant. Mentiri dicerem Ciceronem nostrum in alterutro horum locorum, quoniam in hoc vota a se diis facta refert ad restitutionem domus, in illo ad ipsam reditum in patriam: ex quo illic proficitur se iam *votorum com-*

potem factum esse, atque de ea re *laetatur*, hic autem *factum se iri* postero tempore *putat*, immo *putabit*. Sed haec variatio, si ingeniose instituta esset, promptiorem ex consilio Oratoris excusationem haberet. In.

Nam nunc quidem — tota urbe careo) TOTA Vrbe? Additur ratio: Vrbs enim celeberrimas et maximas PARTES adversum — continentur. Numne quaedam PARTES Vrbs constituunt TOTAM Vrbe? Et qui sit, ut, quod in celeberrimis PARTIBUS aedificavit Clodius, TOTA Vrbe careat Cicero? Annon expectabit quisque, quum dictum sit TOTA Vrbs careo, ut postea iuferatur, TOTA enim Vrbs adversum illud monumentum continetur? Etai haec ipsa argumentatio admodum puerilis fuisset, et vix scholastico declamatore digna. Videamus tamen sequentia. Quem quum mihi — Vrbs PARTIBUS velle esse privatum. An nunc quoque PARTIBUS? Aut stupidus fuit hic Rhetor, aut ebrius erat, quum haec scriberet. Scribit enim perinde, ut si quis quereretur Londini, carere se tota urbe, quod ferre adspectum Curiae mercatorum non posset. Fuge istum locum, clamaremus: satis magnum spatium tibi relictum est in TOTA urbe Londini reliquis; atque etiam plus spatii praebebat TOTA antiqua Roma. MARKE. Locus mihi videtur inter vehementior oratoriae specimina referendus. Verba, nam nunc — restitutus, non ad verbum, sed figura quadam dicta esse, res ipsa clamat: loquitur enim in Vrbe Tullius. Sed nempe caret re aliqua, qui illa non fruitur; caret urbe, qui ea non fruitur, qui discedere malit, quam adesse etc. Satis

Vrbis enim celeberrimae et maximae partes adversum illud non monumentum, sed vulnus patriae contuentur, quem quum mihi conspectum morte magis vitandum fugiendumque esse videatis: nolite, quaeso, eum, cuius reditu restitutam rempublicam fore putastis, non solum dignitatis ornamentis, sed etiam urbis partibus velle esse privatum.

LVIII. Non me bonorum direptio, non tectorum excisio, non depopulatio praediorum, non praeda consulum ex meis fortunis crudelissime capta permovet: caduca semper et mobilia haec esse duxi; non virtutis atque ingenii, sed fortunae et temporum munera: quorum ego non tam facultatem unquam et copiam expetendam putavi, quam et in utendo rationem, et in carendo patientiam. Etenim ad nostrum

hoc declarant, quae sequuntur: *Vrbis enim celeberrimas et maximas partes* (quibus qui caret, h. e. abstinet, ne ad spectus dolorem moveat, tota Vrbe videtur carere) *adversum illud — esse videatis* etc. Sermo est de summo cive, qui in luce, in foro versari vult, si in Vrbe sit, qui se non potest in Vrbe esse, Urbem videre, si in furo esse sine summo dolore et ignominia non liceat. GEL.

Non me — tectorum excisio — permovet — non possum) Haec verba, quae coniunxi, tametsi didicta sunt interpositu plarium, faciunt tamen quasi unam periodum, cuius longitudo Scriptorem oblivisum facile in fraudem impellere potuit. Nam in priori parte dicit, *tectorum excisione* se non moveri: in posteriore, *domum ereptam se sine dolore suo ferre non posse*. Hic primum, quo discrimine sunt *tecta* et *domus*, ut huius iactura tantopere gravari potuerit, quum illorum excisione non moveatur? *Tecta*

si villas significarent, *domus* autem *aedes in Vrbe* (quae Auctoris laud dubie meus fuit), satis probabilis ratio sermonis afferri posset. Sed hoc discrimine verborum ignorat lingua Latina: immo *tectorum excisio*, quae eum non permovet, complectitur destructionem omnium aedificiorum eius, in iisque *domus* istius, quae tanto eum dolore affecit. Palatina enim domus non minus erat excisa, quam cetera *tecta* eius omnia, ut *Formianum*, ut *Tusculanum*, sive *Suburbanum*; atque adeo illa *tecta* seu praedia non minus quam domus urbana erant *per scelus erepta*, *per latrocinium occupata*. Nimirum hoc dicere voluit: *Non ceterorum tectorum excisio me permovet; urbana autem domo etc.* MARX.

Expetendam) In codd. Pall. Fr. Dresd. alii *extendendam*.

Etenim ad nostrum — rei familiaris) Ciceronianum fuisset, opior, definitus modus rei familiaris. Vide-

usum propemodum iam est definita moderatio rei familiaris; liberis autem nostris satis amplum patrimonium paterni nominis ac nostrae memoriae, relinquemus: domo per scelus erepta, per latrocinium occupata, per religionis vim sceleratius etiam aedificata, quam eversa, carere sine maxima ignominia reipublicae, meo dedecore ac dolore non possum. Quapropter, si diis immortalibus, si senatui, si populo romano, si cunctae Italiae, si provinciis, si exteris nationibus, si vobismet ipsis, qui in mea salute principem semper locum auctoritatemque tenuistis, gratum et iucundum meum reditum intelligitis esse: quaeso obtestorque vos, Pontifices, ut me, quem auctoritate, studio, sententiis restituistis, nunc, quoniam senatus ita vult, manibus quoque vestris in sedibus meis collocetis.

tur diversa res esse moderatio rei familiaris, scil. domesticarum rerum administratio. Sed, ut verbum tolerabile sit, rem falsam esse ostendi in Or. ad Quir. §. 3. MARKL. Non quod valde opus sit, sed ut quid praetermisisse videar, illud addo, *moderationem r. f.* non simpliciter pro modo et mediocritate poni, sed pro ipso actu fortunae, quo illa moderata est, et ad mediocritatem quandam reduxit rem familiarem Ciceronis. GERN.

Domo per religionis vim eversa) Bene cap. 42 nomine religionis dixit pro eo, quod h. l. est *per vim religionis*. Notissimum est, tanquam contraria poni *vim* et nomen seu *speciem*. Liv. XXVIII, 24: « Ut vim imperii abstulerant, ita speciem dicto

parentium ultro sibi Imperantes servabant. » Igitur plane aliud dixit Auctor, aliud voluit dicere. MARKL. Quod *vim relig.* male hic positum sit pro specie et obtentu religionis, in eo vim et *δυνάμιν* orationis non videtur mihi assequutus. Ut in prima ad Lentulum epistola calumniae religionis posset aliquis furte substituire speciem et obtentum religionis; sed non illud diceret, quod significat simul Cicero, illam speciem niti perversa interpretatione et applicatione carminis Sibyllini: ita hic possis pro *vi religionis* ponere *speciem* s. *simulationem*. At non hoc tantum vult Auctor, sed vim hic grammatice esse, quam religionis armaret simulatio. GERN. Polypus Hagnae. WOLF.



ORATIO
DE
HARVSPICVM RESPONSIS
IN SENATV



DE ORATIONE

DE

HARVSPICVM RESPONSIS

(Scripsi Prolegomenon Cap. IV.)

A. V. C. 697 Cn. Cornelio Lentulo Marcellino, L. Marcio Philippo cons. mense circiter Maio, ut Dio Cassius narrat, L. 38, varia prodigia facta sunt. In monte Albano parvum sacellum Iunonis, quod in mensa quadam dedicatum orientem solem spectabat, ad septentriones conversum est; fax a meridie ad Aquilonem porrigi visa; lupus urbem intravit; terrae motus factus est; cives quidam fulmine icti sunt, et in agro Latinieusi auditus fuit strepitus sub terra cum fremitu. Quumque haruspices ea expiari vellent, numen quoddam ipsis irasci, quod in locis sacris et religiosis inaedificaretur. (ὀργισθαι τοῖς δαιμόνιαις, ὡς καὶ ἱερῶν τινῶν, ἃ χαρίων οὐχ ὁσίως ἐκτισσόμενα). Tum Clodius Ciceronem aggressus verbis in eum vehementer invecus est, quod in area domus Libertati consecrata aedificasset, atque, ut ipsam domum funditus everteret, aliquando eo venit. Hactenus Dio, qui tamen nec Haruspicum responsa sigillatim refert, nec habitam a Cloerone orationem commemorat. Haruspices vero a senatu de istis prodigiis consulti (si huic oratori credimus) responderant: *Postulationes esse Iovi, Saturno, Neptuno, Telluri Diis caelestibus; ludos minus diligenter factos pollutosque; loca sacra et religiosa profana haberi; oratores contra ius fasque interfectos, fidem et iniurandum neglectum, sacrificia vetusta, occultaque minus diligenter facta pollutaque; monere igitur deos immortales, ne per optimatum discordiam dissensionemque patribus principibusque caedes periculaque creentur,*

auxilioque deminuti deficiantur; quare ad unum imperium provinciae redeant, exercitusque pulsus, deminutioque accedat, ne deterioribus repulsisque honos augeatur. In his responsis ea quae verbis *monere igitur - honos augeatur* continentur partim ob latinitatem, partim ideo suspecta sunt, quod scripta esse videntur, postquam Augustus principis nomine rempublicam, civilibus discordiis, fessam sub imperium dominationemque receperat. Iam Cicero ipse nusquam commemorat se in hac causa orationem habuisse. Asconius ex ea locum excitat ad Orat. pro Cornelio I, qui locus paulum immutatus legitur in hac oratione c. 12, ubi videnda est annotatio. Quintilianus vero sive veram sive suppositam orationem legerit, de Inst. Or. V, II, eius exemplo utitur: « *Ponitur, inquit, a quibusdam, et quidem in parte prima* Deorum auctoritas, *quae est ex responsis, ut Socratem esse sapientissimum. Id rarum est; tamen utitur eo Cicero in libro de haruspicum responsis.* » - Neque vero dubito, Ciceronem in senatu contra Clodium dixisse, qui haruspicum responsum *loca sacra et religiosa profana haberi ad aream Libertati consecratam*, nuper Ciceroni restitutam traxerat. Idem facile Garatonio assentior, qui eam orationem post illas pro Sextio, in Vatinius, pro Caelio et ante eas quae sunt de provinciis consularibus et pro Balbo habitam esse docuit. Sed hanc quae Ciceronis esse fertur de Haruspicum responsis orationem, veram et genuinam Ciceronis esse, qui ea quae a Marklando et Wolfio disputata sunt, recte perpenderit, nullo modo sibi persuadebit. Etsi enim in dispositione minus quam illa pro domo laborat, multa tamen in ea occurrunt inepte dicta, parum latina, partim etiam a veritate historica aliena omninoque Cicerone indigna.

In exordio auctor Ciceronem inducit narrantem, quae hesterno die in senatu egerit ad Clodium, qui publicanorum causam impediverat, confutandum; c. 1-4. Tum dicitur Clodius paulo ante concionem de religionibus sacris et caerimoniis habuisse; et responsum haruspicum recens de fremitu recitasse. In quo tempora non satis videntur concordare. Nam si paulo ante hesternum diem Clodius illam concionem habnerat, cur de ea Ci-

cero in senatu postridie potiusquam heri dixisset? Iam primum c. 5 Clodius exagitur quod is potissimum, qui Bonae deae sacra violarit, ansus sit in concione de religionibus neglectis conqueri. Deinde nullam domum tam vacuum atque parum ab ista religionis suspicione esse, quam Ciceronis domum docetur. Nam de eius aedium religione ex SCto ad Pontificum collegium esse relatum, eosque omnes causa cognita eas omni religione liberasse; c. 6-8. Quo loco quum Pontificum nomina recitentur, in iisque nominetur L. Claudius rex sacrorum, Marklandus specioso quodam argumento usus est, ad errorem declamatoris demonstrandum. « Duae enim, inquit, fuerunt familiae gentis *Claudiae* s. Clodiae, altera *Pulchrorum* vel *Neronum*, altera *Marcellorum*, illa patricia, haec plebeia. Sed Claudii patricii iam aliquot ante annos communi consensu praenomen *Lucii* repudiarunt, quod duo homines eo praediti (L. Claudii Pulchri) opprobria fuerant gentilibus suis teste Suetonio Tib. c. 1. Cui rei simile quiddam de praenomine Marci in gente Manliorum traditur ap. Liv. VI 20, et Cic. Philipp. I 13. Quare ubicumque illa aetate Lucium reperimus in Claudia gente, oportet eum e Marcellis existimari atque plebeium: v. c. illam L. Clodium, in Epp. ad Fam. III, 4, 5, 6, 8. Iudeque etiam intelligi licet istum L. Clodium, pharmacopolam circumsaraneum, cuius meminit Or. pr. Cloent. libertinum vel ex posteris libertini fuisse, manumisso quodam ex plebeia stirpe Clodiorum. Nam de Sex. Clodio Phormione, qui nominatur pro A. Caecina c. 18, etsi ipse quoque libertinae conditionis fuit, non constat utri illarum familiarum debuerit libertatem suam. Iam si haec pauca cognovisset Declamator, non vendidisset nobis L. Clodium aliquem pro rege sacrorum (qui scil. non poterat esse nisi ex patriciis) quod ut Ciceroni ne imputari quidem potest, ita error facilis erat homini scholastico, Romanarum rerum non tam gnaro, quam in urbe natum decebat. » Quae quamquam vere et subtiliter a Marklando disputata sunt, facile tamen fieri potuit, ut quum scriptum esset C. *Claudius*, illa litera C. a librariis in L. corrumperetur, quod iam a Gesnero monitum est. Neque vero declamatorem illa pontificum nomina

finissime credibila est, sed potius ea ex genuina Ciceronis oratione in suam transulisse existimandum. Sequitur explicatio eorum, quae haruspices dixerant. In qua primum, c. 9, negat se iis literis delectari aut uti, quae animos avocent a religione; quod quidem, si Cicero ad populum dixisset, aliquo modo ferri posset; in aenatu vero ridiculum fuisset sperare, ut Patribus conscriptis persuaderet, se ne uti quidem scriptis eorum philosophorum, qui totam istam de divinatione, de auguriis et portentis opinionem abiiciant. Deinde quod haruspices dixerant *ludos minus diligenter factos, pollutosque*, id totum in Clodium confert, qui cum Megalensia celebrarentur, magnam vim servorum in scenam signo dato immisit; Passinuntem etiam sedem domitelliumque Matris deorum vastavit, et Brogitaro vendiderit; c. 10-13. Deinde exempla afferuntur locorum sacrorum et religiosorum a Clodio eiusque sociis violatorum, c. 14, 15. Et quod haruspices dixerint *oratores contra ius fasque interfectos*, id etsi vulgo ad legatos Alexandrinos pertinere videbatur, quos scilicet Romam missos Ptolemaeus rex invidiis plerosque sustulerat; alia tamen Clodii eiusmodi facinora intelligi posse demonstratur c. 16. Quod haruspices dixerint *fidem et iusurandum neglectum*, hoc declamator suspicatur de illorum Clodii iudicium manifesto perituro dici, qui cum incestus reum pecunia accepta absolverint; c. 17. Et quod in haruspicum responsis subiungatur: *sacrificia vetusta, occultaque minus diligenter facta pollutaque esse*, in eo sacra Bonae deae a Clodio violata notari ostenditur; c. 17, 18. Postremo accedit declamator ad monita haruspicum explicanda. Quod enim monuerant, ne per optimatum discordiam dissensionemque patribus principibusque coedes periculaque creentur auxilioque diminuti deficiantur, qua re ad unum imperium provinciae redeant, exercitusque pulsus deminutioque accedat; hoc partim ad Clodium, partim ad optimates inter se dissidentes pertinere; c. 19-25. Quod autem monuerant ne occultis consilia respublica laedatur, id de Clodii audacia intelligendum esse, qui nocturnis vigiliis et coitione hominum hoc excogitaverit, ut in concione auderet dicere, institutum edici oportere, iurisdictionem intermittere, clau-

di aerarium, iudicia tolli; c. 26. Quod autem praeceperint ne deterioribus repulsisque honos augeatur, id ad Vatinius qui in petitione aedilitatis repulsam tulerat, et ad Clodium omnium mortalium deterrimum transfertur; c. 26, 27. Denique quod haruspices mouuerant providendum esse ne reipublicae status mutetur, id his temporibus apprime convenire, quibus ut respublica meliore loco sit, ne optandum quidem esse Clodio impunito, unum autem inferiorem locum vel interitus vel servitutis maximopere cavendum esse; c. 28. In peroratione tristitiam huius orationis et severitatem excusat, iterumque ad religiones diligenter procurandas discordiasque civium placandas hortatur.

Ceterum totum orationis filum multum a Ciceronis elegantia abhorret, adeo multa sunt inepte ac putide dicta, nonnulla quoque vix Latina.

ORATIO
DE
HARVSPICVM RESPONSIS
IN SENATV

I.

Hesterno die, Patres conscripti, quum me et vestra dignitas et frequentia equitum romanorum, quibus senatus dabatur, magnopere commosset: putavi mihi reprimendam esse P. Clodii *impudicam impudentiam*, quum is publicanorum causam stultissimis interrogationibus impediret, et P. Tullioni Syro navaret operam, atque ei sese, cui totus venierat, etiam vobis inspectantibus venditaret. Itaque hominem furem exsultantemque continui, simulac periculum iudicii intendi: duobus inceptis verbis omnem impetum gla-

Quibus senatus dabatur) Vi sudirentur controversiae, quae erant inter Syros, et eam publicanorum societatem, quae Syrica vectigalia de censoribus redemerat. Dissensiones autem inter provinciales, et publicanos nunquam fere non fuisse, notius est, quam ut exemplis indicandum esse videatur. MAN.

Impudicam impudentiam) Ern. coni. *impunitam* probante Garatonio. — *Impudicam impudentiam* Cicero non coniunxisset, ut arbitror. MARKE.

Stultissimis interrogationibus) Melius fuisset *improbis vel malitiosis*,

etiam aptius *furenti exsultantique*. Neque enim *stultitia* scelus est ac dignum, in quod tanti terrores et iudicii periculum intuentur: humanum erat, eam corrigi moneudo docendoque. WOLZ.

Duobus inceptis verbis) Accensare Clodium de vi poterat Cicero, quia saxis, ignibus, ferro vastitatem suis aedibus intulisset. Quod qui fecissent, eos decrevit senatus lege de vi, quae esset in eos, qui universam rempublicam oppugnassent, teneri. Infra. MAN.

Duobus inceptis verbis) Nullum ex

diatoris ferociamque compressi. Attamen ignarus ille, qui consules essent, exsanguis atque aestuans, se ex curia repente proripuit, cum quibusdam fractis iam atque inanibus minis, et cum illius Pisoniani temporis Gabinianique terroribus. Quem quum egredientem insequi coepissem, cepi equidem fructum maximum, et ex consurrectione omnium vestrum, et ex comitatu publicanorum. Sed vecors repente sine suo vultu, sine colore, sine voce constitit; deinde respe-

probatie scriptoribus sic loquutum puto, Ciceronemque potius dicturum fuisse *duobus primis verbis*, quemadmodum loquitur ad Famil. IX, 19: « Ego *primis tribus verbis*: Quid noster Paetus? » MARKL. Quidni sic dicere potuit Tullius eadem sententia, qua deinde §. 7: « Voce tantum *attingi legum initium* et iudicii. » Si neutra forma alias uens est in his, qui nobis supersunt, libris; quod ne ipsum quidem simpliciter negare ausim: an ideo plane indignum Ciceronem pronuntiabimus? Nunquam deerit scilicet accusatori, qui status controversiam movere scripto cuiuscumque voluerit, si licebit hanc damnare formulam, quod est imitatione expressa, vel surrepta adeo plagio; hanc rursus, quod alias apud scriptorem, cuius uocem prae se fert, non inueniatur. GESS. Notis suis discernantur propria et communia ab iis, quae quicquid aliunde imperite sumpsit vel plagio eurrupuit: sicut alia rursus leguntur *semel dicta*; alia, quae omnino dici vetat analogia sermonis. Qualia si quis iudicia iudicat probato scriptore, is rectissime et ex arte indicat; secus, qui, quidquid in ecripto Latino antiqui temporis legitur, continuo bene et ex usu optima Latinitatis dictum putat. Nempe hac ratione nihil potest peruersius esse, nihil efficacius ad tollen-

dum omne iudicium de rectis et pravis, de sanis et corruptis, de genuinis et adulteris. Adde, quod, ei quis negat, hoc vel illo genere loquendi usum esse aliquem scriptorem in reliquis, qui eius exstant, libris, hoc refutatio tibi necessario imponitur negotium talis exempli demonstrandi, nec dicere sufficit, te id negare non audere. Quippe alter negavit; nunc demonstrandum est tibi. Atque hoc quidem saepe non modum difficile est, et merus labor digitorum: at subtilior res est, ipsam linguae analogiam exquirere, et quid ea ferat, quid respuat, iudicare. Ita aio recte scribi, *attingere initium legis*, etsi nunquam me id legere minui: contra Latine dici *insipere verba*, ausim negare, nullo libro inspecto; eamque ob causam damnamus hanc formulam, *duobus ineptis verbis*, ubi satis usitato scribi potuerat *vix duobus verbis prolatis*. Iam tu, qui ista defendere audes, vel eorundem vel certe eimilium usum debes ostendere comparandis locis scriptorum; non autem respondere, *Quidni potuit?* Neque hoc ita Latine dicitur: nam et analogia et constans usus poscit ut dicatur, *Quidni potuerit?* WOLF.

Attamen) Totam quae sequitur narrationem ut inepte confictam merito exagitat Wolfius.

xit; et simulac Cn. Lentulum consulem adspexit, concidit in curiae paene limine, recordatione, credo, Gabinii sui, desiderioque Pisonis. Cuius ego de effrenato et praecipiti furore quid dicam? Haud potest gravioribus a me verbis vulnerari, quam est statim, in facto ipso, a gravissimo viro P. Servilio confectus ac trucidatus: cuius si etiam vim et gravitatem illam singularem ac paene divinam assequi possem, tamen non dubito, quin ea tela, quae coniecerit inimicus, quam ea, quae collega patris emisit, leviora atque hebetiora esse videantur.

- 3 II. Sed tamen mei facti rationem exponere illis volo, qui hesterno die dolore me elatum, et iracundia longius progressum arbitrabantur, quam sapientis hominis cogitata ratio postularet. Nihil feci iratus, nihil impotenti animo, nihil non diu consideratum ac multo

Simulac Cn. Lentulum) *Ad Cn. Lentulum* praebent Franc. Barb. sex Osonn. et pleraeq. vet. edit. nullo, quod videam, discrimine. Sed sp. animi repulemus totam hanc temerariam et turbulentam speciem rerum. Furebat primum suo more Clodius, publicanos in gratiam Syrorum op-pugans; Cicero eius furorem mox confutat duobus verbis: ille repente se exsanguis e curia proripit, minas iactus; ad limen paene progressum insequitur Cicero, comitatus equitibus. Gravem conflictum metris. Nihil minus. Repente vecors consistit quasi attonitus, nec tamen deinde non audet respicere; tandem concidit (animo) in ipso paena limine vir alias intrepidus, sive quod Lentuli vultum ferre non potest, seu Gabinii sui et Pisonis desiderio percussus. — Admirabilis pictura, in qua nihil quaeras amplius, nisi quid misero homine postea factum sit, ad Laremne

animum in senatum reverterit. WOLFF.

Inimicus) ipse Cicero. M.

Colliga patris) Cum patre P. Clodii consulatum gesserat P. Servilius Isauricus. Id.

Qui hesterno die dolore — postularet) Ita sensisse aliquos, viz credibile est in consurrectione senatorum et comitatu equitum. Ergo resipuerunt illi fortasse, senatu dimisso, more Phrygom; et qui cum antea adiuverant, nunc in eo moderationem (*cogitatem rationem*) requirerant. Tametsi me imperfecti temporis usus offendit. Nimirum levis Declamator, ut sensit, illa narratione exordii se nihil progredi, subito novam commiscuit viam, qua ad liberiora orationis cursum deferatur. WOLFF.

Nihil feci iratus) Quid fecit? Post verba illa, quibus Clodio ius et iudicium minatus erat, cum insequi coepit. Id scilicet multo ante erat meditatus. Id.

ante meditatam. Ego enim, Patres conscripti, inimicum me semper esse professus sum duobus, qui me, qui rempublicam, quum defendere deberent, servare possent; quumque ad consulare officium ipsis insignibus illius imperii, ad meam salutem non solum auctoritate, sed etiam precibus vestris vocarentur: primo reliquerunt, deinde prodiderunt, postremo oppugnaverunt, praemiisque nefariae pactionis funditus una cum republica oppressum extinctumque voluerunt; quique suo ductu et imperio, cruento illo atque funesto, supplicia neque a sociorum moenibus prohibere, neque hostium urbibus inferre potuerunt; excisionem, inflammationem, eversionem, depopulationem, vastitatem, sua cum praeda, meis omnibus tectis atque agris intulerunt. Cum his furiis et facibus, cum his, inquam, exitiosis prodigiis, ac paene huius imperii pestibus, bellum mihi inexpiabile dico esse susceptum: neque id tamen ipsum tantum, quantum meus ac meorum, sed tantum, quantum vester atque omnium bonorum dolor postulavit.

III. In Clodium vero non est hodie meum maius odium, quam illo die fuit, quum illum, ambustum

Duobus) Consulibus, Pisoni et Gabinio. MAX.

Qui me, qui rempublicam) Ad hoc referenda sunt verba, *reliquerunt, prodiderunt, oppugnaverunt*, ut grammatica certe ratio iubet; contra ne voluit Auctor, qui sui oblitus mox subiungit *una cum republ.* WOTZ.

Rempublicam) Sic Gruter. e eod. Pal. 9. Erf. quem Ern. alii sequuti sunt. Veterem scripturam *rem meam* plerisque MSS. confirmatam revocavit Beck.

Nefariae pactionis) Acceptis a Clodio provinciis, prodita salute mea.

In. Al. factionis.

Supplicia neque a sociorum moenibus prohibere) Haec in Pisonem dicta sunt, qui et cum hostibus parum prosperare pugnavit, et cum sociis eruditely se gesserat. FAX. — *Supplicia prohib. moenibus*, inepte loquitur. W.

Vastitatem) Vulgo addebatur *eam*, recte a Beckio nunc inclusum. Lambinus e conjectura edidit *vastitatem aucti praeda meis omnibus* —.

Ambustum religiosissimis ignibus) Ineptissime hoc dictum recte reprehendit Wolfius, et multa eiusdem generis alia.

religiosissimis ignibus cognovi muliebri ornatu, ex incesto stupro atque ex domo pontificis maximi emissum. Tum, inquam, tum vidi, ac multo ante prospexi, quanta tempestas excitaretur, quanta impenderet procella reipublicae. Videbam, illud scelus tam inopportunist, audaciam tam immanem adolescentis furentis, nobilis, vulnerati, non posse arceri otii finibus; erupturum illud malum aliquando, si impunitum fuisset, ad perniciem civitatis. Non multum mihi sane post ad odium accessit: nihil enim contra me fecit odio mei, sed odio severitatis, odio dignitatis, odio reipublicae. Non me magis violavit, quam senatum, quam equites romanos, quam omnes bonos, quam Italiam cunctam. Non denique in me sceleratior fuit, quam in ipsos deos immortales. Etenim illos eo scelere violavit, quo nemo antea: in me fuit eodem animo, quo etiam eius familiaris Catilina, si vicisset, fuisset. Itaque eum nunquam a me esse accusandum putavi, non plus, quam stipitem illum, qui, quorum hominum esset, nesciremus, nisi se Ligurem ipse esse diceret. Quid enim hunc persequar, pecu-

Videbam — arceri otii finibus) Vt hoc verbum capias pro composito coërcere s. continere, uso satis noto, durus tamen et molestus manet modus loquendi, *scelus arceri finibus otii*: neque modestior iunctura verborum, *furentis, nobilis, vulnerati, sc. infamia iudicii*, ex quo evasit, corruptis iudiciis. WOLFF.

Vulnerati) Infamia iudicii.

Nihil enim — odio mei) Quidquid fecit Clodius, non fecit odio *Ciceronis*, sed odio severitatis et dignitate *Ciceronianae*. Ridete, Patres Conscripti, quidquid est vobis cachinnorum! WOLFF.

Eodem animo — si vicisset, fuisset)

Quasi odio non nimium dignus fuisset Clodius, quia praeter ipsum alius non minus saevus videbatur faturus. Ferremus, si scripisset: In me fuit eodem animo, quo et alii homines improbi in me antea fuerant. Sed aliquem nominare voluit, nemoque succurrebat nisi Catilina, vel potius locus pro Sext. §. 28: « Exanimatus evolat ex senatu, non minus saevus perturbato animo atque vultu; — advocat concionem, habet orationem talem Consul, qualem nunquam Catilina victor habuisset. » Id.

Stipitem illum) Aelium Ligurem tribunum plebis.

Quid enim hunc persequar) Intell.

dem ac belluam pabulo inimicorum meorum et glande corruptam? qui si sensit, quo sese scelere devinxerit, non dubito, quin sit miserrimus: sin autem id non videt, periculum est, ne se stuporis excusatione defendat. Accedit etiam, quod expectatione omnium fortissimo et clarissimo viro, T. Annio, devota et constituta ista hostia esse videtur: cui me praeripere desponsam iam et destinatam laudem, quum ipse eius opera et dignitatem et salutem recuperarim, valde est iniquum.

IV. Etenim, ut P. ille Scipio natus mihi videtur ad interitum exitiumque Carthagini, qui illam a multis imperatoribus obsessam, oppugnatam, labefactatam, paene captam aliquando, quasi fatali eventu, solus evertit: sic T. Annius ad illam pestem comprimendam, exstinguendam, funditus delendam natus esse videtur, et quasi divino munere donatus reipublicae. Solus ille cognovit, quemadmodum armatum civem, qui lapidibus, qui ferro alios fugaret, alios domi contineret, qui urbem totam, qui curiam, qui forum, qui templa omnia caede incendiisque terreret, non modo vincere, verum etiam vincere oporteret. Huic ego, et tali, et ita de me ac de patria merito viro, nunquam

non Actium Ligurem sed Clodium, ut sequentiū arguant, ex quibus suavisime apud malos scriptores lux mutuanda est. Clodium ergo *pecudem* vocat et belluam corruptam, ut ex uno MS. Franc. notatur et probatur a Graevio. Eaque constructio, illustrata ab Iulpp. ad Liv. XXIX, 12, et alibi, in primis apta h. l. esset, nisi praecedens hanc faceret, ut in vulgata corruptum acquiesceremus. Ceterum hic causam affert, si quam omnino affert, facitissimam, cur non

accusavit Clodium. Non accusavit; quia bellua est. Longas tamen orationes in hanc belluam componere non dedignantur. Wolf.

Corruptam) Sic cod. Franc. ed. Gryph. 1550. Vulgo *corruptum*.

Qui si sensit — defendat) Hoc ex Philippi II, 22, XIII, 17, et pro Cacc. 11, sumptum esse Marilindus monuit.

Vincere — vincere) Lamb. et Ern. reposuerunt *vincire* — *vincere*.

mea voluntate praecripiam eum praesertim reum, cuius ille inimicitias non solum suscepit propter salutem meam, verum etiam appetivit. Sed si etiam nunc illaqueatus iam omnium legum periculis, irretitus odio bonorum omnium, exspectatione supplicii iam non diuturna implicatus, feretur tamen haesitans, et in me impetum impeditus facere conabitur: resistam; et aut concedente aut etiam adiuvante Milone, eius conatum refutabo; velut hesternum die, quum mihi *stans tacenti* minaretur, voce tantum attingi legum initium et iudicii: consedit ille; conticuit. Diem dixisset; ut *fecerat*: fecissem, ut ei statim tertius a praetore dies diceretur. Atque hoc sic moderetur, et cogitet: si contentus sit iis sceleribus, quae commisit, iam se esse consecratum Miloni; si quod in me telum intenderit, statim me esse arrepturum arma iudiciorum atque legum.

Sed si etiam nunc illoquens) Notanda sunt vagae potestatis vocabula, *illaqueatus*, *irretitus*, *implicatus* (et quidem *exspectatione*), *haesitans*, *impeditus*, quae omnia nihil, quod ad rem pertinet, satis dilucide exprimunt. Sed etiam obscurius est, quid mox illud sit, *stanti iacens minaretur*, vel potius, quae in his vera sit scriptura Auctoris. WOLF.

Stans tacenti) Vulgo olim *stanti tacens*. Lambin. et Manot. ex coniectura a MS. Franc. firmata, *stanti iacens*, probante Garatonio et Wolfio. Graevius correxit *stans tacenti*, quod Ernestius recepit, cui assentior.

Consedit ille) Manut. ex codicibus, probante Garatonio, *considit ille*. T.

Dixisset, ut fecerat) Haec captum nostrum prorsus superat. *Meditetur* coniecit V. D. apud Lambinum probante Garatonio. Ernestius fecerat, sed

non ita certa correctione, ut in textum inferri debeant. Ciceronianum certe non est sic sine casu et verbo positum *iacerens* *minandi*; et *fecerat* pertinere potest ad illud tempus, quo Ciceroem in exilium pellebat Clodius. De ipsa re accurate monet Garatonius Clodio, quum erat in magistratu, praetor aliquis Tullii rogatum diem dixisset; id enim maiori potestati in minorem licebat. *Tertius dies* est quidem perendinus, sed non legitimae comperendinationis, quae primam caesae actionem sequatur, ut patet ex Verr. I, 9 etc. atque ut ipse, qui nobis hic non satisfacit, Ernestius agnovit in Clavio et ad Brut. cap. 32. Si diem, inquit, mihi dixisset, fecissem, ut ipsi tibi esset ante me causae dicenda. Cur propiorem diem praetor Clodio, quam sedilis Tullio, posset constituere, mihi est

Atqui paulo ante, Patres conscripti, concionem s habuit, quae est ad me tota delata: cuius concionis primum universum argumentum sententiamque audite. Quum riseritis impudentiam hominis, tum a me de tota concione audietis.

V. De religionibus, sacris et caerimoniis est concionatus, Patres conscripti, Clodius: P. inquam Clodius sacra et religiones negligi, violari, pollui questus est. Non mirum, si hoc vobis ridiculum videtur. Etiam sua concio risit hominem, quomodo ipse gloriari solet, ducentis confixum senatusconsultis, quae sunt omnia contra illum pro religionibus facta, hominemque eum, qui pulvinaribus Bonae Deae stuprum intulerit, eaque sacra, quae viri oculis, ne imprudentis quidem, adspici fas est, non solum adspectu virili, sed flagitio stuproque violarit, in concione de religionibus neglectis conqueri. Itaque nunc proxima concio eius expectatur de pudicitia. Quid enim interest, utrum ab altaribus religiosissimis fugatus, de sacris et religionibus conqueratur, an ex sororum cubiculo egressus, pudorem pudicitiamque defendat? Responsum haruspicum hoc recens de fremitu in con-

adhuc obscurum. Ita ille, satis ingenue. Mox addidi *se ex velt. editt.*, quoniam h. l. vix tolerabilis erat elipsis pronominis. WOLFF.

Quomodo ipse gloriari solet) Error obrepit Ernestio, haec verba ad vocem sua referenti: quasi gloriatum sit, concionem in sua semper potestate esse. Pertinent potius ad 200 senatusconsultis, quibus frustra a senatu petitum sit: quae elatorie mentitus est scriptor, etsi istius numerum de sexcentis, de quovis magno, interpretaris. Recte enim monitum est, non videri omnia in Clodium facta SS.

CC. ad religiones pertinuisse, uti nihil ad eas pertinuerunt recentia duo, quorum mentio fit infra cap. 8, et ad Q. Fr. II, 3. Id.

Responsum — de fremitu) Armorum in caelo seu terra, strepitum bellicum imitantium. Cf. §. 20, Ovid. Met. XV, 783: «Arma inter nigras crepitantis nubes, terribilesque tubae, auditaque cornu caelo.» Ab hoc caelesti fremitu distinguitur terrestria sive infernus. Cf. Oudendorp. ad Iulium Obsequ. c. 105. Qualis autem hic fremitus fuisset, vel, ut absurde infra loquitur (notabiliter, sit

cione recitavit: in quo cum aliis multis scriptum etiam illud est (id quod audistis) *loca sacra et religiosa, profana haberi*. In ea causa esse dixit domum meam, a religiosissimo sacerdote, P. Clodio, consecratam.
 10 Gaudeo mihi de toto hoc ostento, quod haud scio an gravissimum multis his annis huic ordini nuntiatum sit, datam non modo iustam, sed etiam necessariam causam esse dicendi. Reperietis enim ex hoc toto prodigio atque responso, nos de istius scelere ac furore, ac de impendentibus periculis maximis, prope
 11 iam voce Iovis Optimi Maximi praemoneri. Sed primum expiabo religionem aedium mearum, si id facere vere ac sine cuiusquam dubitatione potero. Sin scrupulus tenuissimus residere aliquis videbitur, non modo patienti, sed etiam libenti animo portentis deorum immortalium religionique parebo.

VI. Sed quae tandem est in hac urbe tanta domus, ab ista religionis suspicione tam vacua atque pura? Quamquam vestrae domus, Patres conscripti, ceterorumque civium, multo maxima ex parte sunt liberae religione, tamen una mea domus iudiciis omnibus liberata, in hac urbe, sola est. Te enim appello, Lentule, et te, Philippe. Ex hoc haruspicum responso decrevit senatus, ut de locis sacris religiosis ad hunc ordinem referretis. Potestisne referre de mea domo? quae (ut dixi) sola, in hac urbe, omni religione, omnibus iudiciis, liberata est: quam primum inimi-

Boherius, ad Patronii Carmen v. 134) strepitus cum fremitu, fortasse ipse non admodum scivit Auctor. Dioni c. 39 est *ἀκούσας ὡνὸ γῆς*. W,

De fremitu) Ernestius suspicatur excidisse terrae.

Datam — iustam — necessariam causam) Optima locutio est: sed ve-

hementer dubito, an Ciceroni nostro tam necesse fuerit verba facere de hoc ostento. Nam, si necesse fuisset, si v. g. in hoc ipso senatu actum esset de prodigiis illis et Haruspicum responsis, non tam misera erravisset Orator in toto exordio, antequam ad novissimam Clodii concionem et hinc ad ista responsa perveniret. W.

cus ipse, in illa tempestate ac nocte reipublicae, quum cetera scelera stilo illo impuro, Sex. Clodii ore tincto, conscripsisset, ne una quidem attigit litera religionis? Deinde eandem domum populus romanus, cuius est summa potestas omnium rerum, comitiis centuriatis, omnium aelatum ordinumque suffragiis, eodem iure esse iussit, quo fuisset. Postea vos, Patres conscripti, 12 non quod dubia res-esset, sed ut huic furiae, si diutius in hac urbe, quam delere cuperet, maneret, vox interdiceretur, decrevistis, ut de mearum aedium religione ad pontificum collegium referretur. Quae tanta religio est, qua non in nostris dubitationibus, atque in maximis superstitionibus, unius P. Servilii ac M. Luculli responso ac verbo liberemur? De sacris publicis, de ludis maximis, de deorum penatium Vestaeque matris caerimoniis, de illo ipso sacrificio, quod sit pro salute populi romani, quod, post Romam conditam, huius unius casti tutoris religionum scelere viola-

Ne una quidem attigit litera religionis?) Vt Cicero nam tibi legere videre, illico repouas *de religione*. Sic ipse pro Cluent. c. 65: « In quibus tabellis *de furto* (non *furti*) *litera* nulla iuvantur. » Et mox ibidem: « *De eo*, quod quaerebatur, *verbum* nullum fecit. » Contra similiter iste pro Domo esp. 50: « Vnum ostende *verbum consecrationis*, » ubi Cicero scripturus fuisset *de consecratione*. MARX. Potebat sane ita dicere: sed qui religionis damnat, is eadem *calumniam religionis*, qua Cicero ad Lentulum I, 1, utitur, et omnem illam rationem damnat, quam Grammatici gentilium obiecti solent appellare. GESS. Quam disparia hic misceantur, suus quemque grammaticus scusus docebit. Perbene dicitur

calumniam religionis, quia dici potest *calumniari religionem*: quid autem simile in isto est? Immo et Eruestio non tam perspicuum visum esse huic gentilium, ostendit ei necessaria visa explicatio: Nihil in lege scripsit, quod eo pertineret, ut domus religiosa, religione devincta fieret. De *comitiis centuriatis* max nihil nobis innuit in hac causa; sed verba fere eadem sunt, quae pro Domo §. 75. WOLZ.

Vox interdiceretur) I. F. Gronov. coni. *incideretur*. At Gulielm. *interesperetur*. In marg. cfl. Lamb. *intercluderetur*. — *Vox intercluderetur*) Ne posset unquam dici, te, meam domum, quam ipse consecrasset, religioe non esse liberatam. MAX.

tum est, quod tres pontifices statuissent, id semper populo romano, semper senatui, semper ipsis diis immortalibus satis sanctum, satis augustum, satis religiosum esse visum est. At vero meam domum P. Lentulus, consul et pontifex, P. Servilius, M. Lucullus, Q. Metellus, M. Glabrio, M. Messalla, L. Lentulus, flamen Martialis, P. Galba, Q. Metellus Scipio, C. Fannius, M. Lepidus, L. Claudius, rex sacrorum, M. Scaurus, M. Crassus, C. Curio, Sex. Caesar, flamen Quirinalis, Q. Cornelius, P. Albinovanus, Q. Terentius, pontifices

L. Claudius, rex sacrorum) Duos fuerunt familiae gentis *Claudiae* s. *Clodiae*, altera *Pulchrorum* vel *Neronum*, altera *Marcellorum*; illa patricia, haec plebeia. Sed *Claudii* patricii iam aliquot ante annos, communi consensu, praenomen *Lucii* repudiabant, quod duo homines copraediti (*Lucii Claudii Pulchri*) opprobria fuerant gentilibus suis, teste Suetonio Tib. c. 2. Cui rei simile quiddam de praenomina *Marci* in gente *Manliorum* traditur ap. Liv. VI, 20, et Cic. Philipp. I, 13. Quare ubicumque illa aetate *Lucium* reperimus in *Claudia* gente, oportet eum ex *Marcellis* existimari atque plebeum; v. c. illum *L. Clodium* in Epp. ad Fam. III, 4, 5, 6, 8. Indeque etiam intelligi licet, istam *L. Clodium*, pharmacopolum circumforaneum, cuius meminit Or. pro Cluent. c. 14, libertinum vel ex posteris libertini fuisse, manumissore quodam ex plebeia stirpe *Clodiorum*. Nam de Sex. *Clodia Phormione*, qui naminatur pro A. Caecina cap. 18, etsi ipse quoque libertione conditionis fuit, non constat, utri illarum familiarum debuerit libertatem suam. Iam si haec pauca cognovisset Declinator, non vendidisset nobis *L. Clodium*

aliquem pro Rege sacrorum, quod ut Cicero ne imputari quidem potest, ita error facilis erat homini scholastico, Romanarum rerum non tam gnaro, quam in Urbe natum decebat. MARKL. Subtilis scrupulus oritur ex eo, quod in Pontificibus ponitur *L. Claudius*, quare constat, illud praenomen abdicatum esse a patriciis *Claudiis*, sacrificulus autem Rex non poterit esse nisi ex patriciis. Sed quid, si non ita sancta illa observata lex fuit? Quid, si illa *L. ex C.* corrupta est? Similis plane haec disputatio illi est, qua de *L. Claudio* praetore quaeritur, cui Sicilia decretam legimus Liv. XL, 21, al. 26. GERN. Quid denique, si haec Oratio ab homine inducto composita est? W.

Pontifices minores) His tribus atque etiam Rege sacrorum et duobus *Flaminibus* numero exemptis, restant XIII in collegio Pontificum, quod ex lege Sullana ad XV adiectum erat. Desunt igitur duo, Iul. Caesar et P. Sabinus Natta (pro Domo §. 118) quorum ille tam in Gallia bellum gererat, hunc Norisius ad Cenotaph. Pis. I, 5, humane aspiciat, praes pudore non affuisse ad illud indicium. Sed *Flamines* in Pontificibus enumerati arguant, illos quoque in Pontificum

minores, causa cognita, duobus locis dicta, maxima frequentia amplissimorum ac sapientissimorum civium adstante, omni religione, una mente, omnes libera-verunt.

VII. Nego unquam post sacra constituta, quorum ¹³ eadem est antiquitas, quae ipsius urbis, ulla de re, ne de capite quidem virginum Vestalium, tam frequens collegium iudicasse; quamquam ad facinoris disquisitionem interest adesse quamplurimos. Ita est enim interpretatio illa pontificum, ut iidem potestatem habeant iudicium. Religionis explanatio vel ab uno pontifice perito recte fieri potest: quod idem in iudicio capitis durum atque iniquum est. Tamen sic reperiatis, frequentiores pontifices de mea domo, quam unquam de caerimoniis virginum iudicasse. Postero

collegio locum et ferendae sententiae ius habuisse. Vnum mireris, cur il non iunctim positi sint, si modo apud talem Scriptorem omnino de ordine nominum quaeri posset. Sina causa ergo mirabatur Manatius, quod Metellos non statim cum Lentulo nominatus, non consul appellatus esset: quamquam alii propter eam ipsam rem alium Metellum intelligi malebant. Quod autem praetermissus est Flamen Dialis, perquam memorabile est, eum locum tum vacasse, auctore Tacito Annal. III, 58. Id casuine an doctrinae Oratoris adscribam, deus aliquis scierit; at Gesnerus si adinadvertisset, hinc sane probabile argumentum hanc causam docere potuisset. Id.

Duobus locis dicta) Primum in senatu, absente Cicerone, quum de re-ditu eius ageretur: deinde in foro ap. Pontifices, ipso causam suam agente. Max.

Ita est enim interpretatio) Minime Ciceronianum est hoc ita, eo modo positum, ut pro Domo §. 71. Deinde *explanatio*, quod plures MSS. habent, etiam sex Oxon., nihil aliud est quam modo erat *interpretatio*, supra *respondum*, ex quo posthac sebat *explanatio*. Quod postremum vocabulum a Lambino et aliis vulgatum erat, invitissima sententia, ut recte docuerunt Ernestius et Garatonios. Jam vide, quam parum h. l. sibi constet Declamator, in rebus non minus ludens quam in verbis. Antea tollendae religioni duorum Pontificum responsum ac verbum sufficiebat; deinde tribus erat opus; iam vel per unum, scilicet peritum, res fieri potest. Cf. ad Or. pro Domo §. 120. W.

Explanatio) Gronov. e cod. Franc. edidit *expletio*. Idem iam lo. Sturmius et Chr. Sigonius probaverant, et receperat Lambinus.

Postero die) Similem diligentiam admirari sumus ad Or. in Sen. §. 26.

die frequentissimus senatus, te consule designato, Lentule, sententiae principe, P. Lentulo et Q. Metello consulibus referentibus, statuit, quum omnes pontifices, qui erant huius ordinis, adessent, quumque alii, qui honoribus populi romani antecederant, multa de collegii iudicio, verba fecissent, omnesque iidem scribendo adessent: domum meam, iudicio pontificum, religione liberatam videri. De hoc igitur loco potissimum videntur haruspices dicere, qui locus solus ex privatis locis omnibus hoc praecipue iuris habet, ut ab ipsis, qui sacris praesunt, sacer non esse iudicatus sit? Verum referte: quod ex senatusconsulto facere debetis. Aut vobis cognitio dabitur, qui primi de hac domo sententiam dixistis, et eam religione omni liberastis; aut senatus ipse iudicabit, qui, uno illo solo antistite sacrorum dissentiente, frequentissimus antea iudicavit; aut, id quod certe fiet, ad pontifices reiicietur, quorum auctoritati, fidei, prudentiae maiores nostri sacra religionesque, et privatae et publicas, commendarunt. Quid ergo hi possunt aliud iudicare ac iudicaverunt? Multae sunt domus in hac urbe, Patres conscripti, atque haud scio, an pacae cunctae iure optimo; sed tamen iure privato, iure hereditario, iure auctoritatis, iure mancipi, iure
 nexi. Nego esse ullam domum aliam, aequae privato
 iure, atque optima lege, publico vero omni praecipuo,

Hic autem designandus erat dies, a quo ille posterus numeraretur. Post paulum: elegantem periphrasim magistratum patet, qui honoribus populi Rom. antecederant: sed verbum inceptum. W.

Scribendo adessent: Quum S. C. fieret in gratiam alterius, illius omnes amici solebant adesse, dum scriberetur: qui nominabantur ut testes in iudicem decretum. FERR.

Hoc igitur loco) Vulgo addebatur

sacro, quod abest cod. Erf. idque inbeute etiam Garatonio recte Beckius delevit. — Sententia haec est: Nunquid sunt Haruspices loqui de domum mea i. e. de loco, quem sacrum non esse indicaverunt Pontifices. Mox, quum dicit *Referte*, Cn. Lentulum et Philippum consules alloqui videtur ob locum c. G. init. W.

Atque optima lege) P. Munus emendabat: quo quae optima lege; idque Graevius probavit. Ernestius varha

et humano, et divino iure munitam. Quae primum aedificatur ex auctoritate senatus, pecunia publica; deinde contra vim nefariam huius gladiatoris, tot senatusconsultis munita atque septa est.

VIII. Primum negotium iisdem magistratibus est datum anno superiore, ut curarent, ut sine vi mihi aedificare liceret, quibus in maximis periculis universa respublica commendari solet; deinde, quum ille saxis et ignibus et ferro vastitatem meis sedibus intulisset, decrevit senatus, eos, qui id fecissent, lege de vi, quae est in eos, qui universam rempublicam oppugnassent, teneri. Vobis vero referentibus, o post hominum memoriam fortissimi atque optimi consules, decrevit idem senatus frequentissimus, qui meam

atque optima lege glossatori tribuebat. Garatonios ex vestigiis variarum in MSS. lectionum hanc effecit: *Nego esse ullam domum aliam privato eodem quo quae optima lege.* — Vulgatam scripturam defendere licet sic interpretando: Quum omnes privatorum domus sint iure optimo, verum tamen privato; nulla omnino domus aequae (ac meae) simul privato et publico iure munita est. At quidquid praeferes, variae, quae deinceps memorantur, species iuris privati nobis partim ubacuriae sunt, partim declamatoriae futilitatis videntur, ad quas illustrandas, perverim videre, quid eruditi Iureconsulti post Budaeum et Sigonium ex fragmentis suae doctrinae afferre possint. Nos enim, quum domos optimo iure easdem putemus, quae vocantur alias *praedia urbana optimo iure*, de quibus lib. VIII. Digestorum agitur, si modo hoc ius ad servitutes pertinet, primum nullo pacto videmus, quomodo cunctae (sive patre cunctae) domus in

Vrbe esse poterint iure optimo, i. e. tales, quae nullam servitutem patiantur, deinde multo minus, quid h. l. sibi velint iure quatuor, hereditarium, auctoritatis, mancipi, nexi, h. e., ut Ferratius interpretatur, hereditatis, usucapionis, venditionis, oppignerationis. WOLF.

Iisdem magistratibus — quibus — solet Periphrasin consulum esse videmus, respectu notissimi S. C. *Pideant, ne quid respublicae detrimenti capiat*. Sed doctissimam constructionem faciunt haec verba, *quibus — solet*, tanto intervallo disiuncta a nomine suo. Praeterea in toto loco finguntur tria decreta (*primum — deinde — vobis vero —*), praeter morem et historiae fidem, nimirum ut appareat, cur tot senatusconsultis munitam domum dixerit. ID.

Meis sedibus Aedibus e cod. Ox. affertur. Idem est in edd. nonnullis ante Gruterum, revocatum a Wolfio.

Quae est in eos Ernestius reposuit esset.

domum violasset, contra rempublicam esse facturum.
 16 Nego, ullo de opere publico, de monumento, de templo, tot senatus exstare consulta, quot de mea domo, quam senatus unam, post hanc urbem constitutam, ex aerario aedificandam, a pontificibus liberandam, a magistratibus defendendam, a indicibus puniendam putaret. P. Valerio, pro maximis in rempublicam beneficiis, data domus est in Velia publice; at mihi in Palatio restituta. Illi locus; at mihi etiam parietes atque tectum. Illi, quam ipse privato iure tueretur; mihi, quam publice magistratus omnes defenderent. Quae quidem ego si aut per me, aut ab aliis haberem, non praedicarem apud vos, ne nimis gloriari viderer. Sed, quum sint mihi data a vobis, quum ea attententur eius lingua, cuius antea manu eversa vos mihi et liberis meis manibus vestris reddidistis: non ego de meis, sed de vestris factis loquor; nec vereor, ne haec mea vestrorum beneficiorum praedicatio, non
 17 grata potius, quam arrogans videatur. Quamquam, si me, tantis laboribus pro communi salute perfunctum, efferret aliquando ad gloriam in refutandis maledictis improborum hominum animi quidam dolor, quis non ignosceret? Vidi enim hesterno die quendam murmurantem; quem aiebant negare, ferre mo-

A iudicibus puniendam) Hoc verbum Latine scientissimis viris merito displicuit, optaruntque illi *munendam*. Bene contra Ernestius, ne hoc quidem satis aptum esse iudicio, monuit, ac servandum vulgatum ex omnibus MSS. sensu ulciscendi. In hoc ipso tamen uso nihil rectum est, siquidem nulla analogia domus vel alia bona, quae quis violavit, puniuntur. W.

In Velia publice) Sic Iannus Palmerius emendavit h. l. probantibus Grae-

vio, et Garstonius, idque cum Wolfio et Beckio recepi. Vulgo olim *in villa publica*, pro quo Sturmius cum ed. utraque Ven. itemque Ernestius receperunt *in via publica*. Pantagath. ap. Vrsin. *in via publico*; Ant. Augustin. *in via sacra*. Phil. Rubenius Elector. I, 7, *in Velia publica*.

Quem aiebant negare) Cicero haud dubie addidisset se, ut vere notavit Ernestius. In reliquis usque ad finem capitis vel patientissimum lectorem offendet garrulitas studiumque inma-

posse, quia, quum ab hoc eodem impurissimo parricida rogarer, cuius essem civitatis, respondi, me, probantibus et vobis et equitibus romanis, eius esse, quae carere me non potuisset. Ille, ut opinor, ingemuit. Quid igitur responderem? (quaero ex eo ipso, qui ferre me non potest). Me civem esse romanum? literate respondiissem. Tacuisssem? desertum negotium. Potest quisquam vir in rebus magnis cum invidia versatus, satis graviter contra inimici contumeliam sine sua laude respondere? At ipse non modo respondet, quidquid potest, quum est lacessitus; sed etiam gaudet, se ab amicis, quid respondeat, admoneri.

IX. Sed, quoniam mea causa expedita est, videamus nunc, quid haruspices dicant. Ego enim fateor, me, et magnitudine ostenti, et gravitate responsi, et una atque constanti haruspicum voce vehementer esse commotum. Neque is sum, qui, si cui forte videor plus quam ceteri, qui aequae atque ego sunt occupati, versari in studio literarum, his delecter, aut utar omnino literis, quae nostros animos deterrent atque avocant a religione. Ego vero primum habeo auctores ac magistros religionum colendarum maiores nostros:

ne loquendi. Primum, quid opus erat aliena auctoritate, si illum *quendam* ipse vidit, vel potius audivit, *murmurantem*? Deinde me absurdo loco collocatum est: nam dicere voluit, respondiisse se, probantibus senatu et equitibus. Et quid est *literate respondere*? Nesciebant haec Manilius et Graevius, ut docent eorum interpretationes, quibus novam Ernestius addidit ex contextu, *ad literam*. Quasi uspiam ita loquutus esset bonus scriptor. Cf. Intpp. ad Cic. Brut. c. 28. Mox Oxon. quinque cum quibusdam edill. *An tacuisssem*. W.

Literate respondiissem) Scite et elegantius. Sic per *ἀπορροιαί* loquitur. Nihil enim in his literati: *civis Romanus sum*. Sed perquam scitum est, *eius civitatis sum*, quae carere me non potuit. GARY.

At ipse non modo respondet, quidquid potest) Significat, cum, quisquis sit, non solum esse malevolum, sed etiam tardum atque hebetem, quippe cui nihil in mentem veniat, quod lacessitus respondet. LAW.

Literis, quae — avocant a religione) Ad philosophiam hoc referendum est, et quidem maxime ad Epicuream. W.

quorum mihi tanta fuisse sapientia videtur, ut satis superque prudentes sint, qui illorum prudentiam, non dicam assequi, sed, quanta fuerit, perspicere possint; qui statas solemnesque caerimonias, pontificatu; re-

(*Hi statas solemnesque caerimonias — pularunt*) Hic est locus ille, quem ad suum usum convertisse creditur Valerius Max. I, 1: «Maiores nostri statas solemnesque caerimonias, Pontificum scientia; bene gerendarum rerum auctoritates, Augurum observatione, Apollinis praedictiones, vatium libris; portentorum depulsa, Etrusca disciplina explicari voluerunt.» Quae si Valerius sumsit a Cicerone, imitator multo rectius scripisse videri debet. Nam quod in oratione nostro dicitur *pontificatus*, illi est *Pontificum scientia*, rectiore loquutione. *Pontificatus* enim usquam significat scientiam, peritiam, artem Pontificis, sed munus ipsum; sicut *anguratus*, *tribunatus*, *consulatus* etc. non significant *Auguris*, *Tribuni*, *Consulis scientiam*, sed munus et honorem. Ex eodem genere apud Valerium legitur *Augurum observatio* pro *angurio* oratoris nostri. Tametsi hoc paulo tolerabilius est, quoniam haec vocis vis apud poetas certe reperitur, ut Virgil. Aen. IX, 328, ubi id Servius notato dignum duxit: *Angurio hic pro scientia augurali*; similiterque, puto, apud eundem Aen. I, 392. Simol illud mittere, quod Aactor non eandem formam posuit in utroque vocabulo, neque *anguratus* scripsit sicut *pontificatu*, quum ratio esset minime diversa. Hoc amplius: Valerius quidem simpliciter et perspicue scribit *Apollinis praedictiones*, et Orator noster, *fatorum veteres praedictiones Apollinis*, inepte circumloquutione, nisi forte quis coniungere mallet *Apollinis vatium li-*

bria; qua in re duo vocabula minime apta essent, *veteres* et *Apollinis*. Quodsi imperitus Scriptor hoc sibi negotium fecisset, ut locum Valerii Max. interpolaret atque sic refigeret, ut suas esse videretur, non potuisset id exsequi melius, quam mutanda ad istum modum forma verborum. Atque ita plane rem factam esse, probabilem habemus causam suspicandi, id est, Oratorem enim sententiam mutuum sumsisse a Valerio, non Valerium a Cicerone. Nam inter Valerium et Pedianum, a quo primo hanc orationem laudari super vidimus, satis longum temporis spatium interiectum est, quo illa componi potnerit, sive Pedianum a. V. 812 seu aliquot annis ante scripsisse arbitreris. Illa autem aetate nihil vulgatus fuit hoc genere fraudum, quo facile declamatores imponere potuerunt hominibus, iam tam ad insignem ignorantiam rerum delapsis. Ita M. Seneca Praef. Controv. I: «*Sententias, a disertissimis viris factas, facile in tanta hominum desidia, pro suis dicunt, et accerrimam eloquentiam, quia praestare non possunt, violare non desinunt.*» Et mox de iisdem: «*Fere enim aut nulli commentarii maximorum declamatorum exstant; aut, quod peius est, falsi.*» MARCEL. De loco, quem ante oculos, h. e. in memoria habeo, ut adhuc omnes credidere, Valerius Maximus, satis supra dictum; nisi quod illud ad hunc locum reservari debuit, male reprehendi formulam, *Pontificatus statas solemnesque caerimonias contineri*. Quid enim? Non *pontificatus* est munus Pontificis?

rum bene gerendarum auctoritates, augurio; fatorum veteres praedictiones Apollinis, vatum libris; portentorum explanationes, Etruscorum disciplina contineri putarunt: quae quidem tanta est, ut nostra memoria primum Italici belli funesta illa principia, post Sullani Cinnanique temporis extremum paene discrimen, tum hanc recentem urbis inflammandae delendique imperii coniurationem non obscure nobis paulo ante praedixerint. Deinde etiam cognovi, multa homines doctissimos sapientissimosque et dixisse, et scripta de deorum immortalium numine reliquisse. Quae quamquam divinitus perscripta video, tamen eiusmodi sunt, ut ea maiores nostri docuisse illos, non ab illis didicisse videantur. Etenim quis est tam vecors, qui aut, quum suspexerit in caelum, deos esse non sentiat, et ea, quae tanta mente fiunt, ut vix quisquam arte ulla ordinem rerum ac necessitudinem persequi possit, casu fieri putet; aut, quum deos esse intellexerit, non intelligat, eorum numine hoc tantum imperium esse natum, et auctum, et retentum? Quam volumus licet, Patres conscripti, ipsi nos ame-

Nonne autem munere eo continentur ceremoniae consecrandi, dedicandi, devovendi, de religione respondendi etc.? Piget, nescio, an pudet, in libris versari: sed neutrum nequum est in iis, ad quae adhaesit, si serio adhaesit, Marklandus. GESS. Ego vero Gesnerum nos nimis diu ludos facere putabam. W.

Explanationes) Lambin. cum Sigonio et Pighii legendum putabat *expiationes*.

Praedixerint) Grævius *praedixerit* e MS. Franc. et ed. pr.

Quam volumus licet, ipsi nos amamus) H. e. licet nos ipsi amemus, φιλοῦμεν capli, quantum volumus.

Hinc bene Garatinius observat intelligi posse, quid Latinis sit *quamvis licet*, neque hunc esse pleonasmum, ut nonnullis visum est, sed tria verba, *quamvis licet*, ut iam Davisio ostendit Bouteleius ad illud Cic. Tusc. IV, 24: *Quamvis licet insectemur istos*. Ceterum haec propter veritatem aculellae laudavit Schlözerus noster in conspectu historiae univers. pag. 365, haud scio an sine causa. Neque enim simpliciter verum est, ceteras gentes Romanis illo tempore multum cecisisse pietate et religione deorum; atque in toto loco declamatorum frigus facile sentias. WOLFF.

CIC. Op. Tom. VIII

A a

mus: tamen nec numero Hispanos, nec robore Gallos, nec calliditate Poenos, nec artibus Graecos, nec denique hoc ipso huius gentis ac terrae domestico nativoque sensu, Italos ipsos ac Latinos, sed pietate ac religione, atque hac una sapientia, quod deorum immortalium numine omnia regi gubernarique perspeximus, omnes gentes nationesque superavimus.

- 20 X. Quare, ne plura de re minime loquar dubia, adhibete animos; et mentes vestras, non solum aures, ad haruspicum vocem admove: *QVOD IN AGRO LATINIENSI AUDITVS EST STREPITVS CVM FREMITV.* Mitto haruspices, mitto illam veterem ab ipsis diis immortalibus, ut hominum fama est, Etruriae datam disciplinam: nos nonne haruspices esse possumus? *EXAUDITVS IN AGRO PROPINQVO ET SVBVRBANO EST STREPITVS QVIDAM RECONDITVS, ET HORRIBILIS FREMITVS ARMORVM.* Quis est ex gigantibus illis, quos poëtae ferunt bellum diis immortalibus intulisse, tam impius, qui hoc tam novo tantoque motu non magnum aliquid deos populo romano praemonstrare et praecinere fateatur? De ea re scriptum est, *POSTVLATIONES ESSE IOVI, SATVRNO, NEPTVNO, TELLVRI, DIIS CAELESTIBVS.*
- 21 Audio, quibus diis violatis expiatio debentur; sed, hominum quae ob delicta, quaero. *LVDOS MINVS DILIGENTER FACTOS*

QVOD IN AGRO LATINIENSI) Loqui videtur de hisdem Latinensibus, quos inter populos veteris Latii recenset Plinius III, 9, pag. 157 edit. Hard. Eorum agrum Urbi admodum propinquum fuisse, arguit vox eiusdem responsi ineptissimam variationem. Conf. Cluverii Ital. ant. III, 3, p. 899. Paulo post Barb. et Cl. *Etruriae traditam*, ut cum C. Stephano correxit Lambinus. It.

Quis est ex gigantibus illis — fateatur?) Snavier videt Wolfius decla-

matorem nostrum qui hoc praesentis temporis usu, significare videntur, esse quosdam ex gigantibus illis inter senatores.

POSTVLATIONES) Olim addebatur *decretas*, quod codd. MSS. auctoritate deleverunt Car. Steph. Gruter. — *Postulationes*) Postulationes erant, quom dii violati aliquid fieri postularent, ad avertem mala, quae oscula minabantur. GRAEV.

LVDOS) Graev. mavult *OB LVDOS*,

POLLUTOSQUE. Quos ludos? te appello, Lentule (tui sacerdotii sunt tensae, curricula, praecentio, ludi, libationes, epulaeque ludorum publicorum), vosque, Pontifices, ad quos epulones Iovis Optimi Maximi, si quid est praetermissum, aut commissum, asserunt; quorum de sententia illa eadem renovata atque instaurata celebrantur: qui sunt ludi minus diligenter facti? quanto aut quo scelere polluti? Respondebis et pro te, et pro collegis tuis, et pro pontificum collegio, nihil cuiusquam aut negligentia contemptum, aut scelere esse pollutum: omnia solemnia ac iusta ludorum, omnibus rebus observatis, summa cum caerimonia esse servata.

XL. Quos igitur haruspices ludos minus diligenter²² factos pollutosque esse dicunt? eos, quorum ipsi dii immortales, atque illa Mater Idaea, te, te, Cu. Lentule, cuius abavi manibus esset accepta, spectatorem esse voluit. Quod ni tu Megalesia illo die spectare voluisses, haud scio an vivere nobis, atque his de

et si vulgatum defendi posse non negat.

Tui sacerdotii) Pontifex non erat, ut e sequentibus constat: erat autem, opinor, epulo Iovis Opt. Max. Max. Ad Epulones autem spectabat curare et praesse ludis et epulis, adeoque sacros curus apparare, ut ex sequentibus patet. *An.*

Tensae, curricula) Tensae sunt sacra vehicula, quibus Deorum statuae in Circensi pompa circumferebantur, ut notatum ad Verrinas ex Asconio. *Curricula* sunt aurigarum, bigariorum, trigariorum, quadrigariorum currus, quibus in ludis illis certabant. GRAEV.

Praecentio) Est tibicinum, qui in ludis, quum sacrificarent, tibis ca-

nebant. *Id.*

Quanto aut quo scelere) Quando aut quo comitit Eustatius; eleganter, i. e. speciose, non vere fortasse. Mox dicere debuit *negligentia omnium*: sed *contemptum* dixit, quia in tali negligentia fere contemptus esse solet. WOLF. — Ernestii coniecturam admittit Schützianus. *T.*

Mater Idaea) M de ultim *Mater dea*. Veriorem lectiorem ex emendatione Fœrui receperunt Lambio. Ern. etc.

Abavi) Sic legendum esse viderunt Fabricius et Manutius, quom olim legeretur cuius *ab avia*. Significatur autem P. Scipio Nasica, qui sacra Idaeae matris accepit, nondum quaestorius A. V. 549, etsi is Cu. Lentuli Marcellini avus non abavus fuit.

rebus iam queri liceret. Vis enim innumerabilis incitata ex omnibus vicis collecta servorum ab hoc aedili religioso, repente fornicibus ostiisque omnibus, in scenam, signo dato, immissa irrupit. Tua tum, tua, Cn. Lentule, eadem virtus fuit, quae in privato quondam tuo proavo. Te, nomen, imperium, vocem, aspectum, impetum tuum stans senatus, equitesque romani, et omnes boni sequebantur, quum ille servorum et ludiorum multitudini senatum populumque romanum vinctum ipso consessu, et constrictum spectaculis, atque impeditum turba et angustiis tradidisset. An, si ludius constitit, aut tibicen repente

Vis enim — incitata — in scenam — irrupit) Statue, constructionem hanc esse: *vis innumerabilis servorum, collecta ex omnibus vicis, incitata ab hoc aedile* (sic enim hunc ablativum, non *aedili*, scribendum ex bonis sactoribus praecepit Charis. lib. I, p. 96) *religioso in scenam irrupit*. Sed multo melius scripsisset, si omisisset *incitata*, ut recte Ernestius notavit: qui etiam monuit, quod infra Mar-
klandus, *scenam* hic pro caveudictum esse sine exemplo. De re ipsa, quomodo et quando facta sit, nusquam vestigium exstat. WOLF.

Tuo proavo) P. Cornelio Scipione Nasica Serapione, qui privatus Ti. Gracchum interemit.

An, si ludius constitit) Arnobius adv. Gentes IV, p. 148 (edit. Heraldi p. 186) = In caerimoniis vestris rebusque divinis postulationibus locus est, et piaculi dicitur contracta esse commissio, si per imprudentiae lapsam aut in verbo quispiam aut simpaylo deerravit, aut si rursus in solemnibus ludis curricularibus: commissum omnes statim in religiones clamatissocras, si ludius constitit, aut tibicen repente conticuit; aut si putrimus illo

qui vocatur puer omisit per ignorantiam lorum, aut terram tenere non potuit. » Locum ex hac oratione excerptum esse, manifestum est, quamvis non oppositum sit nomen Ciceronis; ut adeo hinc nihil efficiatur, nisi hoc scriptum vetustius esse Arnobio, qua de re omnino nemo dubitabit. Inde autem non apparet, illud potius Ciceronis esse quam Hortensii aut Curionis: etsi lubens concesserim, Arnobii saeculo orationem pro Ciceronia lectam et ab ipso fortasse habitam esse. MARKL. *Tenere terram* h. l. esse manibus tangere, docent Varro R. R. I, 2, et Macrobius Sat. III, 9; Turnebo Advers. XVI, 10 laudati: quare non necesse est, cum Heraldo in Animadv. ad Arnobium p. 268 corrigere, si *tensam* non tenuit aut *lorum amisit*, aut cum Salmasio et Fabretto, si *accerram*. Quamquam, quum tenasse apud Arnobium nulla mentio fiat, non plane improbabilis est opinio Ernestii, verba aut *tensam* pro spuriis elicienda esse. Et probat eam coniecturam Garatonius, vel sic scribendum putat: si *terram* non tenuit aut *tensam*, si *lorum amisit*. Nam si, non aut, habent Franc. Berth.

conticuit, aut puer ille patrimus et matrimus si terram non tenuit, aut tensam, aut lorum omisit, aut si aedilis verbo, aut simpulo aberravit, ludi sunt non rite facti, eaque errata expiantur, et mentes deorum immortalium ludorum instauratione placantur: si ludi ab laetitia ad metum traducti sunt, si non intermissi, sed perempti atque sublatis sunt; si civitati universae scelere eius, qui ludos ad luctum conferre voluit, exstiterunt dies illi pro festis paene funesti: dubitabimus, quos ille fremitus nuntiet ludos esse pollutos?

XII. Ac si volumus ea, quae de quoque deo nobis tradita sunt, recordari: hanc Matrem magnam, cuius ludi violati, polluti, paene ad cadem et ad funus civitatis conversi sunt, hanc, inquam, accepimus, agros et nemora cum quodam strepitu fremituque peragraré. Haec igitur vobis, haec populo romano,

T. V. et alii apud Gruterum; amisit autem est in C. et Pa. Denique pro simpulo, lectione Palat. noni, ex Auctore suo Heraldus et alii malunt simpulo, uti vocabulum saepius scribi solet. Vulgo olim, nutu. W.

Si ludius constitit) Ludius est histrio, ὄρχηστος. Si interromperetur saltatio, piaculum commissum credebatur. Servius in VII Aen.: Quum ludi Circenses Apollini celebrarentur, ut Hannibal nuntiatus est circa portam Collinam urbi ingruere, omnes raptis armis concurrerunt. Reversi postea, quum piaculum formidarent, invenerunt in circo saltantem senem quendam: qui quum interrogatus dixisset, se non interrupisse saltationem, dictum est hoc proverbium: Salva res est, saltat senex. Vide Festum, salva res. ELMENN.

Aut puer ille patrimus, et matri-

mus) Patrimi, quibus pater; matrimi, quibus mater; patrimi et matrimi, quorum uterque parens vivit. Illos autem adhibitos sacris Livius ostendit lib. XXXVII: Patrimi omnes matrimique ad id sacrificium adhibiti. I. G. VOSSII.

Tensam) Aut tensam omittitur ap. Arnobium adv. gentes IV, pag. 186, itaque delendum putabat Ernestinus vel legendum aut tensae lorum.

Omisit) Amisit cod. Pal. 9, Erf. probante Garatonio. Ant. Augustinus malebat: Si tensam non tenuit, aut lorum remisit.

Accepimus, agros et nemora — peragraré) Plura de h. l. dicenda habebam, quae partim occupavit, qui mihi postremos omnium, iam notulas meas ad librarium missuro, in manus venit, Garatonijs. Nam is quoque admirari videtur, ut ego per-

et scelerum indicia ostendit, et periculorum signa patefecit. Nam quid ego de illis ludis loquar, quos in Palatio nostri maiores ante templum, in ipso Matris magnae conspectu, Megalensibus fieri celebrari-que voluerunt; qui sunt more institutisque maxime casti, solemnes, religiosi; quibus ludis primum ante populi consessum senatui locum P. Africanus iterum consul ille maior dedit: ut eos ludos haec lues impura polluerit? quo si qui liber aut spectandi, aut

saepe feci, eum non scriptum sit *peragrasse*. At si non verbum accepimus, sed illa respicio, si volumus — *recordari*, satis tolerabile rursus videtur *peragrasse* sive *peragrasse solere*. Bebrahant quidem nos ea, quae statim adduntur: sed quid omnino laboramus in iis, quae quomodo intelligenda sunt, ipse parum laboravit Auctor? Nimirum ei in mentem venerunt, quae aliqui legerat de furibundis cursibus Cybeles per fabulas tradita, ut apud Diod. Sic III, 59, eorumque si ante memor fuisset §. 20, fortasse Telluri etiam Magnam Matrem adiecisset. At hanc quoque nomine Telluris significari potuisse censet Garamonius, motus auctoritate Lucret. II, 657. Quidquid erit, nemo non videt, quam inepte adiectum sit illud de quoque deo. W.

Nam quid ego de illis ludis loquar? Nihil loqui suaseris homini. Vix enim absurdius loqui potuisset de liudent ludis, quos a Clodio pollutos esse dixit. Nam eodem hic quoque commemorari, dubium esse nequit propter mentionem Palatii, quam et Livii locus habet a Manatio laudatus XXIX, 14 extr., etiam modus transitionis ad rem diversam ducere videtur. Id.

Megalensibus) Asconius ad Orat.

pro Cornelio! ita scribit: *Videtur in hac oratione (pro Casellio) hanc quidem auctorem (Valerium Antisthemem) sequutus Cicero dixisse, passum esse Scipionem seorsum a cetero consessu spectacula senatorum. In ea autem quam prius aliquot annos habuit de Haruspicium responsis non passum esse Scipionem, sed ipsum auctorem fuisse dandi eum locum senatoribus videtur significare. Verba eius haec sunt: « Nam quid ego de illis ludis loquar, quos in Palatio nostri maiores ante templum Matris magnae fieri celebrari-que voluerunt; quibus primum ludis ante populi consessum senatui locum P. Africanus II. cos. et collega eius Senipronius Longus — » Hoc tributum esse senatui scribit, sed sine mentione Megalensium. Aediles enim eos ludos facere soliti erant. Fotivis ludis factum tradit, quos Scipio et Longus cos. fecerunt. » Ex hac Asconii adnotatione patet, aliter in vera Ciceronis oratione de Haruspicium responsis rem narratam fuisse, ac declamatorem nostrum ludos Megaleuses cum ludis Romanis s. mugis confudisse; quo errore ne tunc quidem absolvi potest, si vocabulum Megaleosibus, ut Muretus putavit, hic ab alia manu inculcatum esset. Quo si qui liber) Redit ad ea Me-*

etiam religionis causa accesserat, manus asserantur; quo matrona nulla adiit, propter viui consessumque servorum. Ita ludos eos, quorum religio tanta est, ut ex ultimis terris arcessita in hac urbe consederit; qui uni ludi ne verbo quidem appellantur latino, ut vocabulo ipso et appetita religio externa et Matris magnae nomine suscepta declaretur: hos ludos servi fecerunt, servi spectaverunt; tota denique, hoc aedile, servorum Megalesia fuerunt. Pro dii immortales! qui magis nobiscum loqui possetis, si essetis versareminique nobiscum? Ludos esse pollutos significatis ac plane dicitis. Quid magis deformatum, inquinatum, perversum, conturbatum dici potest, quam, omne servitium, permissu magistratus, liberatum, in alteram scenam immissum, alteri praepositum, ut alter consessus potestati servorum obiiceretur, alter servorum lotus esset? Si examen apum ludis in scenam venisset, haruspices acciendos ex Etruria putaremus: videmus *universi* repente examina tanta servorum immissa in populum romanum septum atque inclusum, et non commovemur? Atque in apum fortasse examine, nos ex Etruscorum scriptis haruspices, ut a servitio caveremus, monerent. Quod igitur ex aliquo disiuncto diversoque monstro significatum caveremus, id quum ipsum

galensia, quae Clodius dederat. MAN.

Qui uni ludi — declaretur) Notabilis animadversio, quasi ex Grammatici dictatis excepta. Sed absorta est haec ratio: Ludi vocabulo appellantur peregrino, ut eos Magnae Matris dicatos esse appareat. Videlicet, si statim cogites *Θεῶν Μεγάλων*. W.

Ludos) Publicos addidit Graev. e cod. Franc. Et sic ed. 1472 Ven. pr.

In alteram scenam) Vbi sedebant

spectatores, quum altera actorum esset. FRAN.

Si examen apum ludis in scenam venisset) Tota haec fictio de examine in scena delato vehementer nobis displicet; neque illo etiam tempore Haruspices levis potuerunt causa ex Etruria acciri solitos esse arbitror. W.

Id quum ipsum sibi monstrum est) Rotoannum scriptorem potius dictum fuisse ipsum per se monstrum est

sibi monstrum est, et quum in eo ipso periculum est, ex quo periculum portenditur, non pertimescemus? Istiusmodi Megalesia fecit pater tuus? istiusmodi patruus? Is mihi etiam generis sui mentionem facit, quum Athenionis, aut Spartaci exemplo ludos facere maluerit, quam Caii, aut Appii, Claudiorum? Illi quum ludos facerent, servos de cavea exire iubebant: tu in alteram servos immisisti, ex altera liberos eiecisti. Itaque qui antea voce praeconis a liberis semovebantur, tuis ludis non voce, sed manu liberos a se segregabant.

XIII. Ne hoc quidem tibi in mentem veniebat, Sibyllino sacerdote, haec sacra maiores nostros ex vestris libris expetisse? si illi sunt vestri, quos tu impia mente conquiris, *violatis* oculis legis, contaminatis manibus attrectas. ²⁷ Hac igitur vate suadente quondam, defessa Italia Punico bello, atque ab An-

monuerunt Markl. et Wolf. qui quidem etiam verissime iudicat, in *monstro disiuncto diversaque* meram esse balbutiem.

Istiusmodi Megalesia fecit pater tuus? — patruus? Hic quoque, ut aliis locis multis, aliquid laet, quod hodie manifesta convinci nequent. Nam dubium est, an Appius Claudius, huius Publii pater, unquam fuerit aedilis: et aedilem fuisse oportet, si Megalesia fecit: Cicero quidem pro Planc. c. 21 refert, illum nobilissimum hominem, vivo patre suo, aedilem non factum, eundemque sine repulsa factum esse consullem. Quem locum cum nostro vix satis probabiliter sic concilies, ut eum, mortuo patre, aedilitatem adeptum putes. Nam nullum eius rei certum argumentum est apud Ciceronem, qui quum addit *vivo patre*, *potentissimu* et *clarissimo* civē, C.

Claudio, indicat fortasse, patris potentiam filio non profuisse ad repulsam effugiendam. De patre certius res: quippe C. Claudius Appii F. Pulcher aedilis fuit a. V. 655, dein praetor a. 659, et consul a. 662. Atque huius aedilitatem in primis magnificam fuisse, notum est ex libro de Off. II, 16; Verr. IV, 3; Valerio Max. II, 4, 6. Mox observanda est transitio ad tertiam personam, *Is mihi* etc. hac certe loco molesta, quum eodem spirita oratio redeat ad personam secundam. W.

Sibyllino sacerdote) Vnus erat Clodius ex decemviris, qui Sibyllinis libris praeterant: quod ex sequentibus intelligitur. MAX.

Vestri) Hoc ineptissime dictum recte monuerunt Markl. et Wolf.

Vate suadente) Sibylla; vid. Liv. Decad. 3, lib. IX. AN.

nibale vexata, sacra ista maiores nostri ascita ex Phrygia Romae collocaverunt: quae vir is accepit, qui est optimus populi romani iudicatus, P. Scipio; femina autem, quae matronarum castissima putabatur, Q. Claudia: cuius priscam illam severitatem mirifice tua soror existimatur imitata. Nihil te igitur neque maiores tui, coniuncti cum his religionibus, neque sacerdotium ipsum, quo est haec tota religio constituta, neque curulis aedilitas, quae maxime hanc tueri religionem solet, permovit, quo minus castissimos ludos omni flagitio pollueres, dedecore maculares, scelere obligares? Sed quid ego id admiror? qui accepta 28 pecunia, Pessinuntem ipsum, sedem domiciliumque Matris deorum, vastaris, et Brogitaro Gallograeco, impuro homini ac nefario, cuius legati, te tribuno, dividere in aede Castoris tuis operis nummos solebant, totum illum locum fanumque vendideris? sacerdotem ab ipsis aris pulvinaribusque detraxeris? omnia illa, quae vetustas, quae Persae, quae Syri, quae reges omnes, qui Europam Asiamque tenuerunt, semper summa religione coluerunt, perverteris? quae denique nostri maiores tam sancta duxerunt, ut quum refertam urbem atque Italiam fanorum haberemus, tamen nostri imperatores maximis et periculosissimis bellis huic deae vota facerent, eaque in ipso Pessinunte ad illam ipsam principem aram, et in illo loco fanoque persolverent. Quod quum Deiotarus reli- 29

Severitatem) In MSS. additur *sacrificii* quod ortum videtur ex male intellecta scriptura verbi *mirifice*. Recte id spurium iudicavit Garat. Ern.

Pessinuntem ipsum) Discimus ex hoc et aliis duobus postea locis, Pessinuntem usurpari potuisse masculino

genere. Apud Strabonem et alios Graecos est ἡ Πessinunte, ut et plura eiusdem formae nomina Latiniis feminina esse solent. Propter rem conf. Or. pro Sexl. c. 26. W.

Brogitaro) Deiotari regis genero. Man.

gione sua castissime tueretur, quem unum habemus in orbe terrarum fidelissimum huic imperio atque amantissimum nostri nominis; Brogitaro, ut ante dixi, addictum pecunia tradidisti. Atque hunc tamen Deiotarum, saepe a senatu regali nomine dignum existimatum, clarissimorum imperatorum testimoniis ornatum, tu etiam regem appellari cum Brogitaro iubes. Sed alter est rex iudicio senatus per nos; pecunia Brogitarus, per te appellatus; alterum putabo regem, si habuerit, unde tibi solvat, quod ei per syngrapham credidisti. Nam quum multa regia sunt in Deiotaro, tum illa maxime, quod tibi nummum nullum dedit; quod eam partem legis tuae, quae congruebat cum iudicio senatus, ut ipse rex esset, non repudiavit; quod Pessinuntem per scelus a te violatum, et sacerdote sacrisque spoliatum, recuperavit, ut in pristina religione servaret; quod caerimonias, ab omni vetustate acceptas, a Brogitaro pollui non sinit, mavultque generum suum munere tuo, quam illud fanum antiquitate religionis carere. Sed, ut ad haec haruspicum responsa redeam, ex quibus est primum de ludis: quis est, qui id non totum in istius ludos praedictum et responsum esse fateatur?

30 XIV. Sequitur de locis sacris, religiosis. O impudentiam miram! de mea domo dicere audes? Com-

Amantissimum nostri nominis) Lambin. addidit regem.

Alterum putabo regem) Visious legendum censuit: alterum semper, alterum tum putabo regem si etc. vel sic: alterum semper putabo regem, alterum si —. Garatonius coni. legendum, aut: sed alter est rex iudicia senatus per nos, non pecunia per te appellatus; alterum putabo —; aut: sed alter — per nos, pecunia per te

alter appellatus, quem putabo regem. Fortasse vera sic scripsit declamator: sed alter est rex iudicia senatus per nos appellatus; alterum putabo regem etc.

Non repudiavit) I. F. Gronovius deleri volebat particulam non, recte repugnantibus Garatonio et Walchio.

Ut in pristina religione servaret) Groev. coni. ut pristinas religiones servaret.

mitte vel consulibus, vel senatui, vel collegio pontificum tuam. Ac mea quidem his tribus omnibus iudiciis, ut dixi antea, liberata est. At in iis aedibus, quas tu, Q. Seio, equite romano, viro optimo, per te apertissime interfecto, tenes, sacellum dico fuisse et aras. Tabulis hoc censorum, memoria multorum firmabo ac docebo. Agatur modo haec res (quod ex eo ³¹ senatusconsulto, quod nuper est factum, referri ad vos necesse est), habeo, quae de locis religiosis velim dicere. Quum de domo tua dixero; in qua tamen ita est inaedificatum sacellum, ut alius fecerit, tibi tantummodo sit demoliendum: tum videbo, num mihi necesse sit de aliis etiam aliquid dicere. Putant enim nonnulli ad me pertinere, armamentarium Telluris aperire. Nuper id patuisse dicunt, et ego recordor. Nunc sanctissimam partem ac sedem maximae religionis privato dicunt vestibulo contineri. Multa me movent: quod aedes Telluris est curationis meae; quod is, qui illud armamentarium sustulit, meam domum pontificum iudicio liberatam, secundum fratrem suum iudicatam esse dicebat. Movet me etiam in hac caritate annonae, sterilitate agrorum, inopia frugum, religio Telluris, et eo magis, quod eodem ostento Telluri postulatio deberi dicitur. Vetera fortasse lo- ³²

Ac mea quidem — liberata est) Num et hic, ut nuperus Interpres fecit, librationum fidem accusabimus? Errorem certe apparet inesse in *his tribus (omnibus) iudiciis*; quasi aliud proprium censuum iudicium fuisset, aliud universi senatus. W.

Agatur modo haec res) Plura sunt in hoc toto loco, quae non satis attinguntur; nonnulla forsitan propter rerum, od quas respicitur, ignorationem: nec feliciores video fuisse ceteros; modo tacent sapientius. Eruestius

quidem corrigit *quam* pro *quod*, atque inde usque ad verba *necesse est* parenthesis facit. Sed non sufficiunt haec, ut deliramenta ad rationem redigantur. Id.

Telluri postulatio deberi dicitur) In aliquot libris est *postillo* vel *postulo*, sub quibus mendia laet *postulio* sen *postulo* pro *postulatione*, ut ad Varro- nem de L. L. IV, p. 41 ed. Bipont. ex veteribus glossis demonstravit Scalliger. Ibidem recte Turnebus: Est *postulatio*, quam dii violati expintro-

quimur: quamquam hoc si minus civili iure perscriptum est, lege tamen naturae communi iure gentium sancitum est, ut nihil mortales a diis immortalibus usu capere possint.

XV. Verumtamen antiqua negligimus: etiamne ea negligemus, quae sunt quum maxime? quae videmus? L. Pisonem, quis nescit, his ipsis temporibus, maximum et sanctissimum Dianae sacellum in Caeliolo sustulisse? Adsunt vicini eius loci; multi sunt etiam in hoc ordine, qui sacrificia gentilitia, illo ipso in sacello, stato loco, ¹ anniversaria factitarint. Et conquirimus, dii immortales quae loca desiderent, quid significant, de quo loquantur? A Sex. Serrano sanctissima sacella suffossa, inaedificata, oppressa, summa denique turpitudine esse foedata nescimus?

33 Tu meam domum religiosam facere potuisti? Ecqua mente? quam amiseras. Qua manu? qua disturbaras. Qua voce? qua incendi iusseras. Qua lege? quam ne in illa quidem impunitate tua scripseras. Quo *pulvinari*? quod *stupraras*. Quo simulacro? quod ereptum

nem postulant voce Haruspicum, sicut Varro in l. l., « fortissimum civem in terram demitti. » Vanum enim discrimen est, quod Gutherios de l. P. IV, 15, statuit inter *postulationem* et *postulationem*. Sed si illa notio fuit sacri vocabuli ac similium (cf. Festus in voce *postularium fulmen*), quomodo scribi potuit *postulatio diis debere*? Non rectius, puto, quam supra §. 20 in exemplis sote Gruterum una voce auctius legebatur, *postulationes decretas esse*: nisi forte nunc *postulationem* pro ipsa expiatione usurpari censes, uti vix concessio Romanis. Id.

Caeliolo) Sic ex Varrone, Sex. Rufo et Victore rescribendum censuerunt

Graev. Garat. Wolf. Vulgo *Coeliolo*.

Gentilitia) Lambinius repetitae Gruter. Graev., aliae *gentilia*. Alterum ex edd. pr. Ernastius revocavit.

(1) Sic scribi maluerunt Garat., Wolf. pro vulg. *statuto loco*. In ed. Mediol. est *statuto anni tempore*, quod Garatonia interpretamentum esse vidit voc. *anniversarii* pro quo cum Wolfio dedi *anniversaria*.

Suffossa) Vulgo addebatur *inensa*, quod in compluribus MSS. et edd. antiquioribus omissum delevit Ern.

Inaedificata) Hoc loco *inaedifico* significat *destruo*, *demolior*. FLER.

Quam amiseras?) *Qua invaseras* Ed. Naug. P. Man. C. Steph. Lambb. repetitae.

ex meretricis sepulcro in imperatoris monumento collocaras. Quid habet mea domus religiosi, nisi quod impuri et sacrilegi parietem tangit? Itaque, ne quis meorum imprudens introspicere possit tuam domum, ac te sacra illa tua facientem videre, tollam altius tectum: non ut ego te despiciam, sed ne tu adspicias urbem eam, quam delere voluistis.

XVI. Sed iam haruspicum reliqua responsa videamus. ORATORES CONTRA IUS PASQUE INTERFECTOS. Quid est hoc? De Alexandrinis esse video sermonem: quem ego non refuto. Sic enim sentio, ius legatorum, quum hominum praesidio munitum sit, tum etiam divino iure esse vallatum. Sed quaero ab illo, qui omnes indices tribunus e carcere in forum effudit, cuius arbitrio sicae omnes nunc atque omnia venena tractantur, qui cum Hermarcho Chio syngraphas fecit: ecquid sciat, unum acerrimum adversarium Hermarchi, Theodosium, legatum ad senatum a civitate libera missum, sica percussum? quod non minus, quam de Alexandrinis, indignum diis immortalibus esse visum certo scio. Nec confero nunc in te unum omnia. Spes maior esset salutis, si praeter te nemo

Monumento) Catuli portio.

Quid habet mea domus religiosi) Quaedam domus tunc pars, quia P. Clodii, hominis impuri et sacrilegi, parietem tangit, religionis habere quiddam videtur; ut in ea habitare nefas esse videntur. MAN.

Ne tu adspicias -- voluisti) Inepte additur alia causa, postquam dictum est, ne quis meorum etc. Nimirum scandalum sententiae et praeclarum antitheton quoque loco assuendum erat. WOLF.

De Alexandrinis esse video sermonem) Bene interpretatur Ernestius:

Audio, hoc vulgo sic accipi, ut ad Alexandrinos legatos pertinere dicatur. Sed sermonem esse a bonis scriptoribus non ita dicitur; neque video idem est atque audio, nisi apud eum qui rationem loquendi omnibus modis corrumpere et violentius stuprare solet. IO.

Ab illo) Ab ipso Clodio. FASE.

E carcere) Iudices fecit, quo anno tribunus pl. fuit, eos, qui propter scelera in carcerem coniecti erant. IO.

Hermarcho) Sic uocem scribendam esse monuit Gourenz. ad Cic. de Fin. II, 30. Vulgo *Hermacho*.

esset impurus. Plures sunt. Hoc et tu tibi confidis magis, et nos prope iure diffidimus. Quis Platorem ex Orestide, quae pars Macedoniae libera est, hominem in illis locis clarum ac nobilem, legatum Thesalonicam ad nostrum (ut se ipse appellavit) imperatorem venisse nescit? Quem ille, propter pecuniam, quam ab eo extorquere non poterat, in vincula coniecit, et medicum intromisit suum, qui legato, socio, amico, libero foedissime et crudelissime venas incideret. Secures suas cruentari scelere noluit: nomen quidem populi romani tanto scelere contaminavit, ut id nulla re possit, nisi ipsius supplicio, expiari. Quales hunc carnifices putamus habere, qui etiam medicis suis non ad salutem, sed ad necem utatur?

36 XVII. Sed recitemus, quid sequatur. FIDEM ET IVS-
IVRANDVM NEGLECTVM. Hoc quid sit, per se ipsum non facile interpretor: sed ex eo, quod sequitur,

Hoc et tu tibi confidis—diffidimus) Scil. salutis nostrae. Plures sunt in republ. nefarii homines: id nos tanto magis habet sollicitos, quoniam tu hoc malorum societate magis ad quidvis audendum impellaris. Verum haec suspiciosa sordebant Rhetori prae bello antitheto, *confidis, diffidimus*. Et pari elegantia deinde secures innuit *nomen populi rom.* De Platore conf. in Pis. §. 83. WOLF.

Ut se ipse appellavit) Non ipse se Imperatorem appellavit, sed a legionibus id nomen adeptus est ex more. Notavit Manutius Cie. in Pis. c. 16: «Appellatus est hic vulturius illius provinciae, si illis placet, Imperator.» Et cap. 23: «Imperator appellatus eras — Macedoniae Imperator.» MARELL.

Imperatorem) Pisonem.

Ex eo, quod sequitur) Sacrificia

vetusta etc. Ex illa statim adiecta mentione polluti sacrificii, quod manifesto ad flagitium Clodii in sacris Bonae Deae pertinebat, vi contextus efficitur, illud responsum de *fide neglecta* referendum esse ad maculosos et corruptos indices in illa causa. Hoc dicere voluisse Oratorem, plura sentimus; quam recto voluerit, iudicent lectores. Nam ego iam sic affectus sum hac eloquentia, ut ubiutascere libeat potius quam disertum esse in explicando; negligendumque potest lectorem, cuius nunc quidem palatum per se sapiat. Duae tamen ineptiae omitti sine nota non debent. Nam primum parum opportune hac translata est ista sententia Catuli apud Cie. ad Att. I, 16: «Quam vidisset quendam (iudicum istorum): Quid vos praesidium a nobis postulabatis? an, ne nummi volis eriperentur, ti-

suspicio de tuorum iudicum manifesto periurio dici; quibus olim erepti essent nummi, nisi a senatu praesidium postulassent. Quare autem de his dici suspicer, haec causa est, quod sic statuo, et illud in hac civitate esse maxime illustre atque iusigne periurium, et te ipsum tamen in periurii poenam ab iis, quibuscum coniurasti, non vocari.

Et video, in haruspicum responsis haec esse sub-³⁷ iuncta, SACRIFICIA VETVSTA OCCVLTAEQVE MINVS DILIGENTER FACTA POLLVTAQVE. Haruspices haec loquuntur, an patrii Penatesque dii? Multi enim sunt, credo, in quos huius maleficii suspicio cadat. Quis praeter hunc unum? Obscure dicitur, quae sacra polluta sint? Quid planius, quid gravius, quid religiosius dici potest? VETVSTA OCCVLTAEQVE. Nego ulla verba Lentulum, gravem oratorem ac disertum, saepius, quam te accusaret, usurpasse, quam haec, quae nunc

rebat? Deinde quae est ratio in his, quae sequuntur, duobus rationibus interpretationis, quod illud maxime illustre periurium fuit, et, quod Clodium iudices, quibuscum coniurasti, in periurii poenam non vocant? Et quid sibi volunt in his ipsis postrema verba? Interpretem audiamus, misso facto Auctore. Coniurare, inquit, est simul iurare. Promiserunt iudices Clodio, se contra iusiurandum facturos, mercede accepta: vicissim iureiurando Clodius affirmaverat, se fideliter daturum, quae pollicitus fuisset, iudicibus. Confectum est opera Crassi negotium, numerata pecunia. Non igitur peieravit Clodius, quum pactam mercedem statim dederit, ipsique eum iudices fidelem ac minime periurum fateantur; atque ab eo soli iusiurandum neglexerint et fidem, qui iurati contra ius fasque iudicarunt. — Accum hoc est Ver-

salii, locum hunc pluribus verbis exponentis, quia, nisi attenuatur, aliquanto videatur obscurior, ut ait. WOLF.

De tuorum iudicum manifesto periurio) Quum te de incestu notissimo absoluerunt. MAX.

Nisi a senatu praesidium postulasent) locus in indices a Clodio corruptos, qui de eius incestu indicatum, quum a senatu, quasi vim timerent, praesidium postulassent, et Clodium tamen, munus ab eo acceptis, postea absolvisset. Festive Q. Catulus, quum ex iis quendam vidisset, Quid vos, inquit, praesidium a nobis postulabatis? an, ne munus vobis eriperentur, timebatis? Epist. 14, lib. XV ad Attic. Id.

Coniurasti) Van iurasti.

Subiuncta) Cod. Est. subiecta quod proferitur a Gratino et Garatino.

ex Etruscis libris in te conversa atque interpretata dicuntur. Etenim quod sacrificium tam vetustum est, quam hoc, quod a regibus aequale huic urbi accepimus? quod autem tam occultum, quam id, quod non solum curiosos oculos excludit, sed etiam errantes? quo non modo improbitas, sed ne imprudentia quidem possit intrare? quod quidem sacrificium nemo ante P. Clodium, omni memoria, violavit, nemo unquam adiit, nemo neglexit, nemo vir adspicere non horruit; quod fit per virgines Vestales, fit pro populo romano; fit in ea domo, quae est in imperio; fit incredibili caerimonia; fit ei deae, cuius ne nomen quidem viros scire fas est: quam iste idcirco Bonam dicit, quod in tanto sibi scelere ignoverit.

XVIII. Non ignovit, mihi crede, non. Nisi forte tibi ignotum putas, quod te iudices emiserunt excussum et exhaustum; suo iudicio, absolutum; omnium, condemnatum: aut quod oculos, ut opinio illius religionis est, non perdidisti. Quis enim ante te sacra
 38 illa vir sciens viderat, ut quisquam poenam, quae sequeretur illud scelus, scire posset? An tibi luminis

Tam vetustum) Edd. ante Car. Steph. *tam vetus*.

Nemo neglexit) Verba *nemo neglexit* Garatonius aut inutilia aut corrupta putabat. Facile autem defendi possunt, si transponantur post *violavit*, ita ut *nemo neglexit* auctor posuerit pro *nemo contempsit*.

Quae est in imperio) Non quod Pontifex Maximus re ipsa imperium haberet: sed quod eo anno Caesar Pontifex Max. erat praetor, et in consulis, aut praetoris domo fieri ea sacra solebant. FERR.

Emiserunt) Sic Lambius. et MSS. *culpa dimiserunt*.

Emiserunt excussum) Excussum hic

est, qui nudus evasit, nummis pluribus redemptus scilicet. Metaphorab eis, qui in latrones inciderunt. GAVR.

An tibi luminis — quam libidinis) Iam alio loco in his sensum communem desideravi. Dicere Auctor volebat: Nonne tibi melius fuerat, oculis privatum esse, quam libidinis impetu tantum scelus commississe? Sed ut caecitas luminis significare possit, quod tamen vix se us vix quidem crediderim, sed ut illud significet *ablatum lumen*, id certo scio, *caecitatem libidinis* non magis dici posse pro *vacuitate libidinis*, quam *caecitatem divitiarum* pro *defectu divitiarum* vel *paupertate*. MARKL. Fugit Cicero

obesset caecitas plus, quam libidinis? Ne id quidem sentis, conniventes illos oculos abavi tui magis op-

in illo quasi dialogismo: Punitus tamen es deinde caecitate, nempe *caecitate libidinis* i. e. caecitate mentis, quae oritur a libidine, quae plus obest, quam *caecitas luminis* seu ablata facultas luminis naturalis videndi. Nodum in scirpo quaerere Vir doctus, si usquam alias, hic videtur. *Caecitas luminis*, inquit, est privatio luminis; ergo etiam *caecitas libidinis* fuerit *libidinis absentia*? Quis vero unquam ita subtilis fuit, ut non diversarum relationum casus sic inuingeret? Quid arguari quis posset in illo Ciceronis loco Verr. IV, 50: « Neque tam servi illi dominorum, quam tu libidinum etc. » GRÆN. Sequentia verba errorem Marklandi satis arguunt: sed interdum legentem facile occaecat ipse Declamator futilitate sententiarum et antithetis suis Non perdidisti, inquit, usum oculorum (*luminum*) sed mentis; poenam tulisti scelera tui, vesaniam, furorem libidinis. Hanc *caecitatem libidinis* vocat, quatenus homo caecus *libidine*, inde ipsa *libido* caeca dici potest, ut *caecus amor*, *caecus furor* etc. Sed *caecos oculos* Latine non dici, recte mihi observatum videtur a Muræto ad Senecam de Benef. III, 1: ergo nec *caecitatem luminis* (oculorum). WOLF.

Conniventes illos oculos — flagrantis sororis? Ignorantia vel affectatio misere vexat hunc Scriptorem. Admodum improprie, nisi potius vitione, *conniventes* dicuntur oculi App. Claudii Caeci. *Conniventes* oculi sunt tales, qui alternis clauduntur et aperiuntur: App. autem ille Caecus plane fuit caecus, et oculi eius clausi perpetuo. MARKL. Imponit viro vul-

garis et receptus in optima etiam Lexica error de verbi illius potestate, qui (fatebor enim) etiam a me relictus est. Interpretantur enim, palpebras oculorum alternatim movere, ut solent, qui lucem, aut vigiliam adeo, diutius ferre nequeunt. Quamquam video, hic sapienter me fuisse Birrium: qui in sua Thesauri Stephaniani recensione adiecit, *immo claudere*. Ipsa interim exempla nostra docent, *connivere* non esse movere palpebras, sed *claudere*. Quid est apertius loco Cic. de Nat. D. II, 57? « Muniat sunt palpebrae tanquam vallo pilorum, quibus et *aperitis* oculis, si quid incideret, repelleretur, et *somno conniventibus*, quum oculis ad cernendum non egeremus etc. » Itaque in aucipiti, ni fallor ego, peccatu ipse versatur V. D. Prius cuim *connivere* non est alternis claudere et aperire oculos, sed claudere, clausos habere: deinde, si vera esset illa prius explicatio, quis ignorat, esse caecos etiam, quorum perpetua nictatione et alterna coniunctione ac discessu palpebrae moventur; et quis novit, an non in eo genere fuerit Appii caecitas? GRÆN. Huic postremo, sane levissimae, rationi nemo fidem tribuerit. Acutior et doctior est Io. M. Mutii, Annotatt. in varios anctt. cap. 82, qui ex Diode. Sic XX, 36, ideo *conniventes* dici putabat oculos Appii, quod is caecitatem simulasse a usuuillis traditus esset. Iure tamen et hoc displicet Garatonio, prudenter monenti, non, quid tradiderint alii, sed quid Cicero sequutus sit, considerandum esse; Ciceroem autem, ut et Plutarchum Pyrrho p. 394 E. et alios, ubique Appium re vera cae-

Cic. Op. Tom. VIII

B h

tandos fuisse, quam hos flagrantés sororis? Tibi vero, si diligenter attenderis, intelliges hominū poenas deesse adhuc, non deorum. Homines te in re foedissima defenderunt; homines turpissimum nocentissimumque laudarunt; homines prope confitentem propter pecuniam iudicio liberaverunt; hominibus iniuria tui stupri illata in ipsos dolori non fuit; homines tibi arma, alii in me, alii post in illum invictum

cum fecisse: TOSC. V, 38, de Sen. a. 6, Or. pro Coel. cap. 14, Philipp. I, 5, etiam pro Domo cap. 40. Iam de verbo non negavit Marklandus, *convivere* etiam esse *claudere palpebras*, neque id negare mediocriter doctus potest, ne adiutus quidem a Forcellio, qui Lexicographus, saepe diligentior Birrio et alii, propriae illius significationis optima exempla recensuit ex Cassio ap. Prisc. pag. 866, al Gallio XVI, 3. Vallemus modo, talia Rhetorem nostrum liberare possent angustiis suis. Sed id fecit osutior hoc periculo factus Gesnerus, in Specimine additamentorum Thesauri L. L. sic fines verbi proferens, ut hic quoque locus includeretur: «Palpebras oculorum val plane et perpetuo, vel certe ad tempus, claudere.» Addit etiam, *conviventes oculos Appii* h. l. esse clausos, et usum potius iutueri debuisse Marklandum, quam definitionem Grammaticorum. At quem usum? An unquam quisquam caecum hominem dixit *convivere* seu *oculos convivere*? Nonne plaus analogia et notatio verbi docet, in *convivendo* non suppressam esse *propriū arbitriū* significationem? quam et Graeca habent *πρῶτον, συμμῶν, καταμῶν*, cum quibus illud Latinum exactissime convenit. An quisquam putabit (ut et translatae significationis exemplum

posuimus), Gesnerum non aegre laturum foissā, si quia dicere voluisset, illum in tot insulsi hominis ineptiis *convivere*, non voluntatis et humanitatis, sed istā nascendi potestate? Quæria denique, quid Scriptorem ad illam pravam novationem deduxerit. *Flagrantes oculi*, ut opinor: his opponere voluit simile vocabulum; posuit ergo *conviventes*. Immo haud dubie scripsisset *caecos*, nisi ei hoc vocabulum nimis vulgare visum esset. VOLZ.

Prope confitentem) Tem certis et manifestis argumentis convictum, ut propa confiteri cogeretur. Constat enim, hominem nihil confessum esse, sed mentitum se illo die iuteramnis fuisse. Conf. ad Or. pro Domo §. 80. Id.

Propter pecuniam) additur in MSS. nonnullis, receptum ab Ern., uicis inclusum a Beckio, omisum a Naug., Graev., Wolfio aliis.

Iniuria tui stupri illata) Videtur respicere id quod Cicero ad Att. I, 15, dicit *iudicium illud emptum et constupratum fuisse*.

Illata in ipsos) Caesarem designat, qui uxorem quidem dimiserat, quasi a Clodio stupratam, eidem autem quasi arma ministraverat in Ciceronem. FRAN.

In illum invictum civem) Pompe-

civem dederunt; hominum beneficia prorsus concedo tibi; ac maiora non esse quaerenda. A diis quidem³⁹ immortalibus quae potest homini maior esse poena, furore atque dementia? nisi forte in tragoediis, quos vulnere ac dolore corporis cruciari vides et consumi, graviores deorum immortalium iras subire, quam illos, qui furentes inducuntur, putas. Non sunt illi eiulatus et gemitus Philoctetae tam miseri (quamquam sunt acerbi) quam illa exsultatio Athamantis, et quam somnium matricidarum. Tu, quum furiales in concionibus voces mittis, quum domos civium evertis, quum lapidibus optimos viros foro pellis, quum ardentes faces in vicinorum tecta iactas, quum aedes sacras inflammas, quum servos concitas, quum sacra ludosque conturbas, quum uxorem sororemque non discernis, quum, quod in eas cubile, non sentis, quin baccharis, quum furis: tum das eas poenas, quae solae sunt hominum sceleri a diis immortalibus constitutae. Nam corporis quidem nostri infirmitas multos subit casus per se; denique ipsum corpus tenuissima saepe de causa conficitur; deorum tela in impiorum mentibus figuntur. Quare miserior es, quum in omnem fraudem raperis oculis, quam si omnino oculos non haberes.

XIX. Sed, quoniam de iis omnibus, quae haruspices⁴⁰ commissa esse dicunt, satis est dictum, videamus, quid iidem haruspices a diis iam immortalibus dicant

iam, qui se domi continuit, tribuno Clodio.

Athamantis) Qui, laeta Iunone, furore correptus fuerat. Fama.

Somnium) Orestem, et Alcmæonem, qui matres suas interfecerant, traxit omnia, tetraque somniantes fluxerunt, quod solci sceleraque con-

tingere. In. — *Senium* est in consularibus MSS. et in Pall. S. Vict. Erf. al. idque praetulit Graevius.

Iam immortalibus dicant moneri. *Monent*) *Iam* abest Barb. T. V., et satis frigidum est. Sed verum esse vix dubito posterius illud *monent*, quod adacivi ex Oron. omnibus, et Gru-

moneri. Monent, NE PER OPTIMATIVUM DISCORDIAM DIS-
 SENSIONEMQUE, PATRIBVS PRINCIPIBVSQUE CAEDES, PE-
 RICVLAQUE CREENTVR, AVXILIOQUE DEMINVTI DEFICIANTVR,
 QVA RE AD VNVM IMPERIUM PROVINCIAE REDEANT,
 EXERCITVSQUE PVLVS, DEMINVTIOQUE ACCEDAT. Haru-
 spicum verba sunt haec omnia: nihil addo de meo.
 Quis igitur hanc optimatum discordiam molitur?
 Idem iste: nec ulla vi ingenii aut consilii sui, sed
 quodam errore nostro; quem quidem ille, quod ob-
 scurus non erat, facile perspexit. Hoc enim etiam
 turpius afflicatur respublica, quod ne ab eo quidem
 vexatur, ut, tanquam fortis in pugna vir, acceptis
 a forti adversario vulneribus adversis honeste cadere
 videatur. Ti. Gracchus convellit statum civitatis. Qua
 gravitate viri! qua eloquentia! qua dignitate! nihil ut
 a patris avique Africani praestabili insignique virtute,
 praeterquam quod a senatu desciverat, deflexisset.
 Sequutus est C. Gracchus. Quo ingenio! quanta vi!
 quanta gravitate dicendi! ut dolerent boni omnes,
 non illa tanta ornamenta ad meliorem mentem volun-

terum in suis quoque invenisse putat. Auctor fortasse vim quandam ex hoc
 verbi iteratione quaerebat. In ipais
 deinde Haruspium, si credimus,
 verbis eum prava ingenio Rhetoria
 certarunt librarii loco sic vitando,
 vix ut expediri hodie possit. Nam
 primum male posita sunt ista, *auxi-
 lia deminuti deficientur, sive demin-
 utos accipis pro destitutis, sive auxi-
 lio defici* ita dictum putas, ut ali-
 quis dicatur viribus, pecunia, rebus
 aliis necessariis, defici. Nemo enim,
 quod sciam, dixit *defici auxilia* vel
 alia re, quae non est in nostra pote-
 state. Deinde unde pendunt verba,
 quare ad unum imperium provinciae
 redeant etc. neque obscurum est, ut-
 que illud est, *exercitus pulsus demin-*

utioque accedat, ubi mirere, Gara-
 tonio *pulsus* substantive dictam vi-
 deri pro *clade*. Ista tamen omnia fere
 totidem literis leguntur in optimis
 codd., etiam Oxon. Sed unam of-
 fensionem sustulit vesou quis scri-
 bendo *qua re pro quare*; reliquas
 vero neque ex libris nec aliunde tolli
 posse opinor, pauloque feliciter
 esse sudaeiam Lambini conicientis;
*auxiliaque deminuti efficiatur, quare
 ad unum imperium res redeat*, (cf.
 §. 54) *exercitusque pulsus ad deminutionem accedat*, vel Garatonii,
exercitusque pulsus deminutioque accedant. WOLF.

Qua re — redeant) Lambini. reposuit: quare ad unum imperium provinciae redeant.

tatemque esse conversa. Ipse L. Saturninus ita fuit effrenatus et paene demens, ut auctor esset egregius, et ad animos imperitorum excitandos inflammandosque perfectus. Nam quid ego de P. Sulpicio loquar? cuius tanta in dicendo gravitas, tanta iucunditas, tanta brevitās fuit, ut posset, vel ut prudentes errarent, vel ut boni minus bene sentirent, perficere dicendo. Cum his conflictari, et pro salute patriae quotidie dimicare, erat omnino illis, qui tum rempublicam gubernabant, molestum: sed habebat ea molestia quandam tamen dignitatem.

XX. Hic vero, de quo ego ipse tam multa nunc dico, prohi dii immortales! quid est? quid valet? quid affert, ut tanta civitas, si cadet (quod dii omen obruant!) a viro tamen confecta videatur? qui post

Auctor esset egregius — perfectus) Visitatus erat factus; sed efficacius est perfectus, τιτάλας μὲν οὐκ, ἰξήριος μὲν οὐκ. Ita Ernestius. Ego vero dubitem, an multum efficacie habent laus Saturnini, quae talis est, ut eam etiam sibi sine ulla arrogancia vindicare poterit Clodius. Nam effrenatum et plane (non paene, ut Rhetor scripsit suo more) dementem satis novimus hominem, neque alibi in Clodio desideratur ingenium perfectum ad animos imperitorum inflammandos. Itaque, quae in altero oppugnando maior dignitas esse, aut quae in tali homine gravis causa male merendi de republ. (cf. cap. 21 pr.) fingi poterit, nullo modo intelligimus. Sed hoc videmus, quom dixit Declamator Ipse L. Saturninus, non succurrisse ei aptiores sententias et ad hunc Tribunalis proprie pertinentes: ita amphoram instituit infelix artifex, sed exiit, ut saepe, urceolus. WOLFF.

Quod dii omen obruant!) Affectata loquutio. Cicero semper dicit *avertant*, ut Philipp. III, 4, pro Murena cap. 41, aliisque locis innumeris. MARX. Formola mihi videbatur elegans, et translatio Tullio digna: sed quia aliis diverso verbo nititur Cicero, hic iudicium est fraudis. Scilicet, quod iam semel iterumque monendum fuit, quom de iisdem rebus, de quibus quotidie agere solebat Tullius, eadem verba adhibeatur, forem tenet vir doctus; quom aliquid ponitur dignum Cicerone, sed nondum in aliis, quae supersunt eius, observatum, imperitia arguitur et Latini sermonis ignorantia. GESS. Si ulla est consuetudo sermonis, certum eius testimonium habet constans repetitio eorundem verborum, praesertim in vulgatissimo verborum uso, multo maxime in tali genere formularum. *Obcurrere* illa potestate non modo nondum observatum est apud Ciceronem, sed ne in posterum quidem reperire-

patris mortem, primam illam aetatulam suam ad scurrarum locupletium libidines detulit; quorum intemperantia expleta, in domesticis est germanitatis stupris volutatus; deinde iam robustus, provinciae se ac rei militari dedit, atque ibi piratarum contumelias perpressus, etiam Cilicum libidines Barbarorumque satiavit; post, exercitu L. Luculli sollicitato, per nefandum scelus, fugit illinc, Romaeque, recenti adventu suo, cum propinquis suis decedit, ne reos faceret; a Catilina pecuniam accepit, ut turpissime praevaricaretur. Inde cum Muraena se in Galliam contulit: in qua provincia mortuorum testamenta conscripsit, pupillos necavit, nefarias cum multis

tur; quandoquidem reperiri occuit, quod non inest: quis de re diligentium Criticorum certior sicut respon-
sa, quam Haruspicum ista aut Lexicographorum. WOLZ.

Ita — germanitatis stupris volutatus) Lambinus coniecit, *in domesticis est cum germanis sororibus stupris*, vel potius, *in domesticis germanisque stupris*. Quid hoc sibi vult, inquit, *germanitatis stupris*? Quis unquam hoc modo loquutus est? Graevio tamen *germanus* hic dicta videbatur pro sororibus germanis, ut *matrimonium* pro uxore, *servitia* pro servis. Quod firmari fortasse potest usu Livii XL, 8, in oratione Philippi Macedonis ad filios, Perseum et Demetrium, inter se dissidentes: « Sed interdum spes animum subibat — subitorem vobis aliquando *germanitatis* memoriam: » etsi ibi non personae significantur, ut h. l., sed ipsa res et necessitudo. Eandem sententiam Orator noster c. 27, sic expressit: « Quis unquam nepos iam libere est cum scortis, quam hic cum sororibus volutatus? » MARKL. Nisi vocabulum violenter in

alienum domicilium rapiatur, nihil aliud potest esse *germanitas* quam ius et vinculum fratrum seu germanorum. Valerius dixeris *stupra cognationis*, sed non *germanitatis*, non *consanguinitatis*, non *propinquitatis*. Haec tenuia discrimina verborum igoorare non oportet eum, qui criticam exercere in veterum scriptis velit. WOLZ.

Post, exercitu L. Luculli sollicitato) Vide Plut. Lucullo pag. 515, et Dionem Cass. XXXV, 14 seqq. qui Ismen Clodium a piratis captum narrat ante istam exercitus Lucullis sollicitationem. Videlicet in his omnibus Rhetor non ubique Ciceronem suum, sed interdum vulgi famam sequutus videtur. De praevicatione conf. in Pis. §. 22. At *divisores omnium trium a Clodio occisos* Iudeus credat Apella, non quicumque Christianorum. Id.

Cum propinquis — ne reos faceret) Metu accusationis a propinquis suis pecuniam extorsit. Nam *decidere* est mutuo consensu litem dirimere, ut oicuique sua portio coolingit. FERR.

scelerum pactiones societatesque conflavit. Vnde ut rediit, quaestum illum maxime foecundum uberemque, campestem, totum ad se ita redegit, ut homo popularis fraudaret improbissime populum, idemque vir clemens divisores omnium tribuum domi ipse suae crudelissima morte mactaret. Exorta est illa, reipublicae, sacris, religionibus, auctoritati vestrae, iudiciis publicis funesta quaestura: in qua idem iste deos hominesque, pudorem, pudicitiam, senatus auctoritatem, ius, fas, leges, iudicia, violavit. Atque hic ei gradus (o misera tempora, stultasque nostras discordias!) P. Clodio gradus ad rempublicam hic primus fuit, hic primus aditus ad popularem iactationem atque adscensus. Nam Ti. Graccho invidia Numantini foederis, cui feriendo, quaestor C. Mancini consulis quum esset, interfuerat, et in eo foedere improbando senatus severitas, dolori et timori fuit: istaque res illum, fortem et clarum virum, a gravitate patrum desciscere coëgit. C. autem Gracchum mors fraterna, pietas, dolor, magnitudo animi, ad expetendas domestici sanguinis poenas excitavit. Saturninum, quod

Divisores omnium tribuum) Pro numero tribuum, quidam Romae erant divisores legibus constituti, qui legitimas a principibus factas plebi largitiones dividerent. His porro et ad corrumpenda suffragia utebantur Candidati, et hic dicitur quaestus campestris. In.

Ei gradus — P. Clodio gradus) Absurda structura verborum: neque cetera illa placent, hic primus est aditus — adscensus. Neque mittenda saltem est elegans correctio Lambini, gradus ad rempubl. hic primus fuit, hic primus aditus etc. WOLF.

Hic primus aditus) Sic Lambinus probantibus Garatonio et Wolfio.

Vulgo gradus ad rempublicam, hic primus est aditus etc.

A gravitate patrum) Ne dubites, idem dicere voluisse Scriptorem, ac supra §. 41, a senatu, ab auctoritate senatus. Sed non animadvertit iste, aliud esse a senatu desciscere, aliud a gravitate senatus. Enque forsitan causa est, cur in his explicandis sibi satisfacere nequeant doctus Annotator, putetque patrum de maioribus Gracchi accipi posse, vel etiam corrigi a gravitate patria ex cap. 8 de provv. cons., ubi « Tib. Gracchus — patrem dico, cuius utinam filii ne degenerassent a gravitate patria. » Et si alii ibi legunt paternam. WOLF.

in annonae caritate quaestorem a sua frumentaria procuratione senatus amovit, eique rei M. Scaurum praefecit, scimus, dolore factum esse popularem. Sulpicium ab optima causa profectum, Caioque Iulio, consulatum contra leges petenti, resistantem, longius quam voluit, popularis aura provexit.

- 41 XXI. Fuit in his omnibus causa, etsi non iusta (nulla enim potest cuiquam male de republica merendi iusta esse causa), gravis tamen et cum aliquo animi et virili dolore coniuncta. P. Clodius a crocota, a mitra, a muliebribus soleis, purpureisque fasciis, a strophio, a psalterio, a flagitio, a stupro, est factus repente popularis. Nisi eum mulieres exornatum ita deprehendissent; nisi ex eo loco, quo eum adire fas non erat, ancillarum beneficio emissus esset: populari homine populus romanus, respublica cive tali careret. Hanc ob amentiam in discordiis nostris, de quibus ipsis his prodigiis recentibus a diis immortalibus admonemur, arreptus est unus ex pa-
45 triciis, cui tribuno plebis fieri non liceret. Quod

A crocota) Simulaverat Clodius, se unum esse ex psaltriis et ancellis: hinc crocotam vestem crocei coloris, et mitram capitis integumentum, et fasciolas, et strophium quasi ad collicendas papillas, et soleas, quibus pro calceis utebantur mulieres, assumpserat. F. H. S.

A muliebribus soleis) Lamb. malebat a muliebribus stolis.

(1) Lambinus sic edidit: *nisi eum mulieres ita exornatum deprehendissent* — — *cive tali respublica careret.*

Cui tribuno plebis fieri non liceret) Factus est quidem tribunus; sed non licuit ei fieri legitima ratione, ut verbosius docetur pro Domo cap. 14 seqq. Similiter Cic. de Legg. III, 9:

«Neminem in nos tribunum potuisse reperiri, nisi cui *ne esse quidem licuisset tribuno.*» Quo ipso loco, permirum est, abuti Gratianum ad defendendam conjecturam Ernestii, in nostro negationem expungeutis. Dicil hic quidem, ad verba *cui liceret* intelligendum esse, quod sequuntur sit, *facta adoptione*: ut Orator ita adoptari negat licuisse homini, legitimam esse negat ipsam adoptionem, adeoque etiam tribunatum. Ignotum puto viris egregiis, si in his incompositi sermonis erroribus passim ipsi errarunt, et lapsi sunt; ut et Ernestius paulo ante, quum corrigere, nisi — ita non deprehendissent. W.

Quod anno ante frater Metellus)

anno ante frater Metellus, et concurs etiam tum senatus, principe Cn. Pompeio sententiam dicente, excluserat, acerrimeque una voce ac mente restiterat: id post dissidium optimatum, de quo ipso nunc monemur, ita perturbatum, itaque permutatum est, ut, quod frater consul, ne fieret, obstiterat, quod affinis et sodalis, vir clarissimus, qui illum reum non laudarat, excluserat, id is consul efficeret in discordiis principum, qui illi unus inimicissimus esse debuerat, et eo fecisse auctore se diceret, cuius auctoritatis neminem posset poenitere. Iniecta est fax foeda ac luctuosa reipublicae; petita est auctoritas vestra, gravitas amplissimorum ordinum, consensus bonorum omnium, totus denique civitatis status. Haec enim certe petebantur, quum in me, cognitorem harum omnium rerum, illa flamma illorum temporum coniciebatur. Excepi, et pro patria solus exarsi: sic

A. V. 695, anno nunc ante Caesaris et Bibuli consulatum. Ad illud igitur tempus pertinet, quidquid iam delaterat homo insipicus. Q. Caecilius Metellus Celer *impedierat* consul cum senato, ne iste fieret tribunus plebis: id balbo rhetori est, quod *excluserat*, quod *restiterat*: deinde hoc dissidiis Patrum, quum alii Caesarem, alii Bibulum sequerentur, ita *perturbatum et permutatum est*, ut, quod frater *impedierat*, quod Pompeius, sodalis Clodii (cum ignarissimis nescio, unde hic honor veniat Pompeio, et ex quo sodalitus) *excluserat*, i. e. reiecerat, id Caesar perficeret, qui tamen ei propter opertum Bonae Dae vel maxime infestus esse debuisset, et qui, quum perfecisset, excusandi sui causa Pompeio se auctore usum simulavit. Sic adoptione facta contra leges, injecta est fax reipubl. etc. De illo Metello Celere, tribunatum Clo-

dii impediote, v. Dionem XXXVII, 51. 10.

Affinis et sodalis) Pompeius, cuius filius Appii filiam in matrimonio habebat. FENN.

Consul) Caesar.

Auctore) Pompeio, qui fuerat in auspicio Caesari legem Curiam ferenti de adoptione Clodii. FENN.

Cognitorem) Defensorem; nam ea omnia consul Cicero tulatus fuerat. ID.

Pro patria solus exarsi) Arsi malebat Ernestius, quod putabat, pro patria exardescere non satis Latine costrui. Illam elegantiam vix verbo memorat, qua mox fumans consul tanquam incensa domus describitur. Auctori, opinor, compositum verbum efficacius videbatur, et ap. Virgil. fortasse non satis placebat ardens *Vaelegon*, nisi et fumaret. W.

tamen, ut vos, iisdem ignibus circumsepti, me primum ictum pro vobis et fumantem videretis.

- 46 XXII. Non sedabantur discordiae: sed etiam crescebat in eos odium, a quibus nos defendi putabamur. Ecce, iisdem auctoribus, Pompeio principe, qui cupientem Italiam, populum romanum desiderantem, flagitantes vos, non auctoritate sua solum, sed etiam precibus ad meam salutem excitavit, restituti sumus. Sit discordiarum finis aliquando; a diuturnis dissensionibus conquiescamus. Non sinit eadem ista labes; eas habet conciones, ea miscet ac turbat, ut se modo vendat his, modo illis; nec tamen ita, ut se quisquam, si ab isto laudatus sit, laudatiorem putet; sed ut eos, quos non amant, ab eodem gaudeant vituperari. Atque ego hunc non miror. Quid enim faciat aliud? Illos viros sapientissimos gravissimosque miror: primum, quod quemquam clarum hominem, atque optime de republica meritum, impurissimi voce hominis violari facile patiuntur; deinde quod existimant, perdit

Fumantem) Ineptissime hoc dictum recte ridet Wolfius.

Vt se — vendat — illis) Quid est se alicui vendere? Sed venditare se alicui, vel alicuius gratiam captare, sive ostendendo merita, sive offerendo officia, vel aliquem demereri, ac sibi devincere. C. Nep. *Non florentibus se venditavit, sed afflictis semper occurrit.* Mihi itaque persuasum est Ciceronem scripsisse, ut modo se vendit his, modo illis, ut etiam Manutius coniecit. GRÆV.

Illos viros) Sic cod. Franc. Vulgo *homines.*

Illos homines — patiuntur — violari) Valde admirabilia sunt, quae miratur personulus Cicero. In altera enim parte periodi concedit, se a Clodio violatum esse; in altera negat, se

violari a tali nebulone posse. Praeterea observetur venusta et nervosa repetitio eiusdem vocabuli *hominis*: « Illos homines miror, quod quemquam clarum hominem voce hominis violari patiuntur; deinde quod existimant, perdit hominis etc. » MAXX. Oratoria est, et cetera philosophica, Stoica in primis polita disputatio haec Ciceronis. Quis non videt, modo velit videre, priori parte reprehendi animum principum a Tullio alienum; altera errorem. Si propositio animo fuisset in liberatorem patriae, non passus esset, maledictis Clodii illum apud populum proscindi; si philosophi fuissent, sensissent, veram illi dignitatem tamen sic non posse eripi. Ergo merito miratur utrumque, et passus esse grassari Clodium in dignitatem

hominis profligatique maledictis posse, id quod minime conducit ipsis, cuiusquam gloriam dignitatemque violari; postremo, quod non sentiunt id, quod tamen mihi iam suspicari videntur, illius furentes ac volaticos impetus in se ipsos posse converti. Atque⁴⁷ ex hac nimia nonnullorum alienatione a quibusdam haerent ea tela in republica, quae quamdiu haerebant in uno me, graviter equidem, sed aliquanto levius ferebam. An iste, nisi primo se dedisset iis, quorum animos a vestra auctoritate seiunctos esse arbitrabatur; nisi eos in caelum suis laudibus praeclarus auctor extolleret; nisi exercitum C. Caesaris, in quo fallebat, sed eum nemo redarguebat; nisi eum, inquam, exercitum signis infestis in curiam se immisurum minitaretur; nisi Cn. Pompeio adiutore, M. Crasso auctore, quae faciebat, facere clamaret; nisi consules causam coniunxisse secum, in quo uno non mentiebatur, confirmaret: tam crudelis mei, tam sceleratus reipublicae vexator esse potuisset?

XXIII. Idem, posteaquam respirare vos a metu⁴⁸ caedis, emergere auctoritatem vestram e fluctibus illius servitutis, reviviscere memoriam ac desiderium

consulis, et putasse, illius dignitatem viri sic violari. In priori loco violare constum notat, in altero effectum. Haec talis qui ad vivum reserare nonnisi vulnerit, et singulis verbis eandem semper assignari potestatem postulet, ille non ad Ciceronem Virgiliumque, non ad eos, qui de negotiis humanis humaniter loquuntur, applicare se debet, forte ne semper quidem ad philosophos, quos ego norim; sed ad solos forte, dum suo in opere versantur, mathematicos. Quod repetitionem vocis *hominis* abicit, plane videtur Ciceronianae in

diocundo consuetudinis esse immemor, qui nunquam refugit repetitionem verbi boni et non otiosi. GERN. Nobis hic locus in memoriam revocat alium, ubi eiusdem vocis repetitio legitur etiam magis ioculari gravitate, § 38. WOLF.

Volaticos impetus) Instabiles. Sic ad Atticum lib. XIII, epist. 25: *O Academiam volaticam, et sui similem, modo huc, modo illuc.* T.

Atque ex hac — in republica) Sic Maun. emendavit. Vulgo legebatur *atque ex hac n. n. alienatione et quibusdam haerentia tela in republica.*

mei vidit, vobis se coepit subito fallacissime venditare. Tum leges Iulias contra auspicia latas, et hic et in concionibus dicere: in quibus legibus inerat curiata illa lex, quae totum eius tribunatum continebat; quam caecus amentia non videbat. Producebat fortissimum virum, M. Bibulum; quaerebat ex eo, C. Caesare leges ferente, de caelo semperne servasset? Semper se ille servasse dicebat. Augures interrogabat, quae ita lata essent, rectene lata essent? Illi vitio lata esse dicebant. Ferebant in oculis hominem quidam boni viri, et de me optime meriti; sed illius, ut ego arbitror, furoris ignari. Longius processit: in ipsum Cn. Pompeium, auctorem, ut praedicare est solitus, consiliorum suorum, invehi coepit.

- 49 Inibat gratiam a nonnullis. Tum vero elatus spe posse se, quoniam togatum domestici belli extinctorem nefario scelere foedasset, illum etiam, illum externorum bellorum, hostiumque victorem, affligere: tum est illa in templo Castoris scelerata et paene deletrix huius imperii sica deprehensa. Tum ille, cui nulla hostium diutius urbs unquam fuit clausa, qui omnes angustias, omnes altitudines, omnium obiecta tela,

Totum eius tribunatum continebat) Nam si curiata lex vitio lata; plebeius esse Clodius non potuit, ergo nec tribunus plebis. MAN.

Tum vero elatus spe posse se) Sic Graev. alii e cod. Erf. Vulgo *Tum vero est ratus se posse.*

Togatum) Ciceronem.

Sica) Pro Milone, cap. 7.

Tum ille — altitudines — tela) Quod Pompeius *perfrexit tela et altitudines*, genus loquendi est a stilo Ciceronis alienum. MARKL. Primo, ne ipsa quidem singulorum verborum proprietates habet aliquid, quod possit Latinsm autem, si ego habeo, offendere. Quid

enim est non propria dictum, *altitudines murorum perfringere*, *tela conserta et obstantia perfringere*? Deinde, illud ipse non negat Marklandus, *angustias perfringere* rectum esse: ad *angustias* igitur primario verbum refert, ad reliqua per eam figuram, quam zeugma vel syllepsin vel coniunctum vocare solent rhetores et grammatici, a qua non abhorrebat Tullium quoque, duobus modo exemplis ostenditur. Ad Att. X, 4, *conflectandi verbo comprehendit et iungit utramque fortunam*; sed separatim non diutius erat *florantissima fortuna conflictari*. Sed hoc forte negli-

semper vi et virtute perfregit, obsessus est ipse domi; meque nonnulla imperitorum vituperatione timiditatis meae, consilio et facto suo liberavit. Nam, si Cn. Pompeio, viro uni omnium fortissimo, quicumque nati sunt, miserum magis fuit, quam turpe, quamdiu ille tribunus plebis fuit, lucem non adspicere, carere publico, minas eius perferre; quum in concionibus diceret, velle se in Carinis aedificare alteram porticum, quae Palatio responderet: certe mihi exire domo mea, ad privatum dolorem fuit luctuosum, ad rationem reipublicae gloriosum.

XXIV. Videtis igitur, hominem per se ipsum iam pridem afflictum ac iacentem, perniciosis optimatum discordiis excitari: cuius initia furoris, dissensionibus eorum, qui tum a vobis seiuncti videbantur, sustentata sunt. Reliqua iam praecipitantis tribunatus, etiam

gentes ad amicum. Ornatissima est oratio Rosciana. In hac c. 8 de Sulla dicit: «Quum eodem tempore et ea, quae praeterita sunt, et ea, quae videntur iustare, praeparat.» Quis, quaeso, praeparat, quae praeterita sunt? Sed communi verbo copulantur res diversae. Miror, non reprehensum etiam a viro docto illud, quod in hac orat. c. 25 ponitur: *Vtrique horum secunda fortuna regnum est largita, adversa mortem.* — Sit illud vitiosum, sit certe ignoscendum potius magnis auctoribus, quam imitandum: non repugno. At abinducari Tullio propter talia orationem tot luminibus ingenii distinctam, tot sententiis, historiis, notitiis plenam, equidem non patiar. GEL. Non vitiosum sed venia dignum est illud genus, sed laude potius et imitatione; interdum, ubi res fieri poterat, etiam nostris in linguis, quamvis ad haec et ad ceteras ellipses durioribus,

Verum non omnia exempla, quae eiusdem sunt formae, eandem etiam vim et elegantiam habent. Quare hic aures Laubiui, etsi is profecto non erat surdior, offendebantur ita, ut conliceret: *Qui omnes angustias, omnes altitudines montium obiectas semper — perfregit.* IV.

Alteram porticum) Eversa Pompeii domo quae erat in Calinis, sicuti, eversa mea, porticum fecerat in Palatio. MAN.

Dissensionibus eorum) Caesaris, Pompeii, Crassi, qui tunc ab optimatibus dissentiebant. IN.

Praecipitantis tribunatus) I. e. ad finem ruentis. Sed, si tria tempora iudicare voluit Auctor, incipientis, desinentis, finiti tribunatus; quomodo sic loqui potuit, ut tempus post tribunatum sub altero illo, reliqua praecipitantis tribunatus, comprehendere videretur? Mera stibligo est. Non enim ita hoc dictum est, ut,

post tribunatum, obrectatores eorum atque adversarii defenderunt; ne a republica reipublicae pestis removeretur, restiterunt; etiam ne causam diceret; etiam, ne privatus esset. Etiamne in sinu atque in deliciis quidam optimi viri viperam illam venenatam ac pestiferam habere potuerunt? quo tandem decepti munere? Volo, inquiunt, esse, qui in concione detrahat de Pompeio. Detrahat ille vituperando? Velim sic hoc vir summus atque optime de mea salute meritis accipiat, ut a me dicitur: dicam quidem certe, quod sentio. Mihi, medius fidius, tum de illius amplissima dignitate detrahere, quum illum maximis
 51 laudibus efferebat, videbatur. Vtrum tandem C. Marius splendidior, quum eum C. Glaucia laudabat, an quum eundem iratus postea vituperabat? An ille demens, et iampridem ad poenam exitiumque praeceps, foedior atque inquinior in Cn. Pompeio accusando, quam in universo senatu vituperando fuit? Quod quidem miror, quum alterum gratum sit iratis, alterum esse tam bonis civibus non acerbum. Sed, ne id virque optimos diutius delectet, legant hanc eius concionem, de qua loquor: in qua Pompeium ornat, an potius

vitam alicuius laudare et defendere, etiam post mortem. Paulo post munere videtur usus esse pro praemio, fortasse non male. Al decepti non erat vocabulum aptum h. I. W.

Obrectatores) Ii, quos iam saepe nominavi, Bibulus, Cato, Domitius. MAN.

Ne privatus esset) Nam quum ante Clodii iudicium comitia aedilitia fieri voluerunt, aedilis eurlis, ut crearetur, effecerunt. ID.

Ne id viros optimos diutius delectet) Scil. Pompeium a Clodia vituperari, ut recte subaudit Manutius,

sed divinitus, non ex bene victo sermone. Nihil vero absurdius est, quam quod invitatur Senatus ad legendam Clodii concionem, quam tamen modo, forsitan paucis ante horis, habitam supra sinxerunt. Meminitne Declamator, se §. 8 dixisse, ad se delatam concionem, quod nemo de scriptis exemplaribus acceperit? an opinatus est, in paucis diebus totam orationem apud omnes Sosos in columnis expositam fuisse? Noli suspicacior esse: nihil meminit Declamator; oblitus est et loci et temporis harum nugarum suarum. W.

deformat? Certe laudat, et unum esse in hac civitate ⁵² dignum huius imperii gloria dicit; et significat, se illi amicissimum esse, et reconciliationem esse gratiae factam. Quod ego quamquam, quid sit, nescio: tamen hoc statuo, hunc, si amicus esset Pompeio, laudaturum illum non fuisse. Quid enim, si illi inimicissimus esset, amplius ad eius laudem minuendam facere potuisset? Videant ii, qui illum Cn. Pompeio inimicum esse gaudebant, ob eamque causam in tot tantisque sceleribus connivebant, et nonnunquam eius indomitos atque effrenatos furores plausu etiam suo prosequerentur, quam se cito inverterit. Nunc enim iam laudat illum; in eos invehitur, quibus se antea venditabat. Quid existimatis, eum, si reditus ei gratiae patuerit, esse facturum, qui tam libenter in opinionem gratiae irrepit?

Tamen hoc statuo — fuisse) Haec, in quibus et Graevius haerebat, infelici acuminis corrupta, explicet nobis Oedipus advocandus, Garatunus. Quid ineptius, inquit, si hoc serio dicatur? Sed risum excitat iocus Cicero vanusta quadam fallacia: quasi ex eo, quod dixrat, Clodium de Pompeii dignitate detrudere, quum illum maximis efferebat laudibus, istud consequeretur. *Quid enim, subiungit, si illi inimicissimus esset, amplius ad eius laudem minuendam facere potuisset?* quum scilicet illum laudare? Faudna ioci est, quod senatoribus, quos Cicero alloquebatur, plane constaret, cum Clodio Pompeium in gratiam non rediisse: quod etiam Epp. ad Q. Fratr. III, 4 confirmatur. Illic deridetur potius, quam refellitur, mendacium hominis, qui falsam reconciliationis gratiae opinionem captabat, atque hac iactatione Pompeium ipsum irritabat. — Nobis

ut reliqua horum non displiceant, ita iocari nunc orator non videtur, sed vulgrem sententiam de laude turpissimi hominis magnum virum dehonestante nimis pueriliter persequutus esse. W.

Si reditus ei gratiae patuerit) Falsa est haec Latinitas. Dicitur *redire in gratiam*, *reditus in gratiam*, non *reditus gratiae*. Vide Or. de provv. cons. c. 20, pro Mil. c. 32, ad Att. II, 3. Sed exempla non opus est addendum, quomodo in notissima formula loquenti sint Romani: isto autem modo eos loquutos esse, uenit poterit demonstrare. MARKL. — *Reditus gratiae* nondum aliis inventus. Sed ad idem non potuit a Cicerone poni? Nonne apud Horatium *prisca redit Penus*? Nonne *gratia* hic est mutui amor, cuius reditus potest intercedere? Sed saepius iam hunc locum tractavimus. GERN. Ferremus, si *REDITUM gratiae* nobis Vir doctus ex-

- 53 XXV. Quas ego alias optimatium discordias a diis immortalibus definiri putem? Nam hoc quidem verbo neque P. Clodius, neque quisquam de gregalibus eius, aut de consiliariis designatur. Habent Etrusci libri certa nomina, quae in id genus civium cadere possunt. **DETERIORES, REPULSOS**, quod iam audietis, nos appellant, quorum et mentes et res sunt perditae, longaeque a communi salute disiunctae. Quare, quum dii immortales monent de optimatium discordiis, de clarissimorum et optime meritorum civium dissensione praedicant; quum principibus periculum caedemque portendunt, in tuto collocant Clodium, qui tantum abest a principibus, quantum a puris, quantum a religiosis. Vobis, o clarissimi atque optimi cives, et vestrae saluti consulendum et prospiciendum vident. Caedes principum ostenditur: id, quod interitum optimatium sequi necesse est, adiungitur: ne in unius imperium res recidat, admonemur. Ad quæ metum si deorum monitis non duceremur, tamen ipsi nostro sensu coniecturaque raperemur. Neque enim ullus alius discordiarum solet esse exitus inter claros et po-
- 54

cussisset concinnitate antitheti, oratione gratiae: quæquam imperiti scriptoris est, tales excusationes merere. At nequeo satis mirari eruditum et vetustum Lexicographum, adeo mala religione occaecatum, ut ne potuerit quidem vim illius representationis assequi. Ridicule etiam affert exemplum poetæ, quod ne eandem quidem analogiam habet. Quocirca equidem crediderim, si Marklandus, illa scribere, ab illius noti carminis lectione recessus fuisset, eum non aliter iudicatum fuisse: Gesnerum autem, si rhetor dixisset *gratiam dissidentem et male sartam, vel coëuntem* et mox *reversam*, hæc

omnia pro Ciceronianis habiturum, quod Latina esse et apud poetam legi apparent. W.

DETERIORES, REPULSOS) Bene monet, ex Etruscorum libris verba sua petiisse Haruspices. Nam Romæ non reperimus ista nomina tanquam certa et propria in hoc genere usurpata, oppositis *optimatibus*. Id.

Quod iam audietis) Hæc uenienis inclusit Ern.

Discordias) MSS. aliquot *discordia*.

Adiungitur) Vulgo addhebatur etiam, quod abest eod. Erf. Ern. deleuit, ut parum hic aptum et languidum.

tentes viros, nisi aut universus interitus, aut victoris dominatus, aut regnum. Dissensit cum Mario, clarissimo cive, consul nobilissimus et fortissimus, L. Sulla. Horum uterque ita cecidit victus, ut victor idem regnaverit. Cum Octavio collega Cinna dissedit. Vtrique horum secunda fortuna regnum est largita, adversa mortem. Idem iterum Sulla superavit: tum sine dubio habuit regalem potestatem, quamquam rempublicam recuperavit. Inest hoc tempore haud obscurum odium,⁵⁵ atque id insitum penitus, et inustum animis hominum amplissimorum; dissident principes; captatur occasio. Qui non tantum opibus valent, nescio quam fortunam tamen ac tempus exspectant. Qui sine controversia plus possunt, hi fortasse nonnunquam consilia ac sententias inimicorum suorum extimescunt. Tollatur haec e civitate discordia; iam omnes isti, qui portenduntur metus, extinguuntur: iam ista serpens, quae tum hic delitescit, tum se emergit et fertur illuc, compressa atque illisa morietur. Monent enim iidem, ne occultis consiliis respublica laedatur. Quae sunt occultiora, quam eius, qui in concione ausus est di-

Dissedit) Sic Cat. Steph. c cod. 100 Lamb. Ern. (c MS. Erf.) aliiq. Vulgo olim *dissensit*.

Quamquam rempublicam recuperavit) I. e. restituit, vcl, ut Manutius explicat, de manibus improborum ereptam restituit optimatibus. Cf. pro Domo §. 79. Hoc ferri potest in stolido optimatum; sed quae statim addita sunt de discordia civitatis, inane sunt legi. W.

Illisa) *Elisa* e Græyii correctione recepit Ern.

Monent enim) Garat. corrigit etiam.

Quae sunt occultiora) Videte mihi, quo rhetorem abripit studium omnia Haruspicum responsa in Clodium

convertendi. Dum illud de occultis consiliis interpretari vult, sic scribit, ut, quid post tria verba positurus sit, nondum videtur cogitare. Magnopere ego discere velim, qui *consilia*, quae quis palam prodit in *concilio publico*, dici possint *occulta*, atque adeo, comparatione quadam, *occultiora*. Causa harum ineptiarum haec fuit, quod, quum Scriptor fingeret responsam Haruspicum, prout *occultis consiliis* dicere volebat vel debebat *sceleratis* a. *nefariis*: ubi recte subiecturus fuisset, *Quae sunt sceleratiora* etc. Nam *scelerata* dici poterant illa publice a Clodio prolata *consilia*: at quo sensu eadem dicantur *occulta* eo

cere, iustitium edici oportere, iurisdictionem intermittere, claudi aerarium, iudicia tolli? Nisi forte existimatis, hanc tantam colluvionem illi, tantamque eversionem civitatis, in mentem subito in rostris nec cogitanti venire potuisse. Est quidem ille plenus vini, stupri, somni, plenusque inconsideratissimae ac dementissimae temeritatis. Verumtamen nocturnis vigiliis, etiam coitione hominum, iustitium illud concoctum ac meditatatum est. Mementote, Patres conscripti, verbo illo nefario tentatas aures vestras, et perniciosam viam, audiendi consuetudine, esse munitam.

tempore, quae in concione proferuntur, nulla arte intelligere possum. Verum talibus rebus mire abundat haec oratio. MARKL. Vix speciosius, et tamen nusquam fere iniquius, oppugnetur haec oratio, quam in h. l. Fieri posse negatur, ut occulta sint, quae dicantur in concione. Sed quis ita stupidus est, ut affirmet? Non profecto Auctor. Sed illud admirabile est, Marklandum, qui librum scriberet ad movendas veteri possessione has orationes, non diligentius advertisse animum ad ea, quae sequuntur, ubi aperte negat Scriptor, haec talia in mentem subito, nec cogitanti antea occulta, venire potuisse. — Nocturnis vigiliis (itaque occultis profecto), etiam coitione hominum etc. Ergo occultis consiliis nocturnis constitutum est, quomodo ageret ad populum Clodius. GESS. Non displicet haec speciosa interpretatio, qua tamen non admodum minuitur culpa Scriptoris. WOLF.

In mentem — venire potuisse) Si quis attentius consideret, ut Læmbius, videtur ridiculum dictum, venire aliquam aliquid in mentem nec cogitanti; nisi quis dicat, ut dici alicui in mentem venire nec cogitanti,

quae cuiuspiam animo obiciuntur ex tempore, et aliud agent, aut certa sine magna animi adversione atque attentione. Sic ille: qui simul sonnet, nec abesse a libris veti.; unde novam extulit lectionem, in rostris concionanti. Non invenio tamen, omissionem istam a Grutero vel aliis postea ex codd. notatam esse. MARKL.

Tentatas aures vestras) Quomodo tentatae sunt aures senatorum, quoniam illa Clodius non in senatu, sed in concione dixerit? Ita interrogans Manutius, sibi ipse respondit: Quia possunt et senatores in concione adesse. Ac sana id potuit fieri; potuit vero etiam, ut Auctor oblitus fuerit, quid ageret. Et si quis nunc sit lector, cui hoc non item verisimile videtur, ego neque illum nec me ipsum diutius detinendum arbitror. MARKL. Iniuste illud oblivionem interpretatur Marklandus et stuporem. Ponamus enim, praesentem ut unum quidem in concione fuisse senatorem, nec tribunos quidem, eodem, credo, senatores tum omnes: non ponamus, notarios se suos misisse, quiconclonem Clodii exceptam ad se afferrent? GESS. Igitur et nos errabamus, non Declama-

XXVI. Sequitur illud, NE DETERIORIBVS REPVLSTIS-⁵⁶
 QUE HONOS AUGEATVR. Repulsos videamus: nam dete-
 riores qui sint, post docebo; sed tamen in eum ca-
 dere hoc verbum maxime, qui sit unus omnium
 mortalium sine ulla dubitatione deterrimus, conce-
 dendum est. Qui sunt igitur repulsi? non, ut opinor,
 ii, qui aliquando honorem, vitio civitatis, non suo;
 non sunt assequuti. Nam id quidem multis saepe opti-
 mis civibus atque honestissimis viris accidit. Repulsi
 sunt ii, quos ad omnia progredientes, quos munera
 contra leges gladiatoria parantes, quos apertissime
 largientes, non solum alieni, sed etiam sui, vicini,
 tribules, urbani, rustici repulerunt. Hi ne honore
 augeantur, monemur. Debet esse gratum, quod prae-
 dicunt: sed tamen huic malo populus romanus ipse,
 nullo haruspicum admonitu, sua sponte prospexit.
 Deteriores cavete; quorum quidem magna est natio;⁵⁷
 sed tamen eorum omnium hic dux est atque princeps.
 Etenim, si unum hominem deterrimum poeta prae-
 stanti aliquis ingenio fictis conquisitisque vitiis de-
 formatum vellet inducere: nullum profecto dedecus
 reperire posset, quod in hoc non inesset; multaque
 in eo penitus defixa atque haerentia praeteriret.

XXVII. Parentibus, et diis immortalibus, et patriae
 nos primum natura conciliat: eodem enim tempore
 et suscipimur in lucem, et hoc caelesti spiritu auge-
 mur, et certam in sedem civitatis ac libertatis adscri-
 bimur. Iste parentum nomen, sacra, memoriam, gen-

tor, in ea re, de qua dicebamus ad
 §. 51. W.

Ad omnia progredientes) Significat
 omnia aggredientes, omnia sibi erro-
 gantes. Ceterum plerumque istorum
 pigmentorum de repulsis petita sunt
 ex causa Vatiuii, ut intelligitur ex

Cic. in hunc Orat. c. 15 extr. Clodius,
 quod sciam, nullam repulsam tulerat.
 Id.

Sua sponte prospexit) Populus enim
 sua sponte Valinio aedilitatem nega-
 verat. FRAS.

tem, Fonteiano nomine obruit: deorum ignes, solia, mensas, abditos ac penetrales focos, occulta, et maribus non invisâ solum, sed etiam inaudita sacra, inexpliabili scelere pervertit; idemque earum templum inflammavit dearum, quarum opè etiam aliis incendiis⁵⁸ subvenitur. Quid de patria loquar? qui primum eum civem vi, ferro, periculis, urbe, omnibus patriae praesidiis depulit, quem vos patriae conservatorem esse saepissime iudicaveratis; deinde everso senatus, ut ego semper dixi, comite, duce, ut ille dicebat, senatum ipsum, principem salutis mentisque publicae, vi, caede, incendiisque pervertit; sustulit duas leges, Aeliam et Fufiam, maxime reipublicae salutare; censuram exstinxit; intercessionem removit; auspicia delevit; consules, sceleris sui socios, acratio, provinciis, exercitu armavit; reges, qui erant, vendidit, qui non erant, appellavit; Cn. Pompeium vi,

Solia, mensas) Solia sunt pro sellis: unde et solisternium seu selli-
aturnium apud Festum. W.

Earum templum inflammavit dearum etc.) Simplicius Cie. pro Mil. c. 27: *Nympharum aedem incendit; et Paradox. IV: Nympharum aedes manu tua deflagravit. Sed non ille* lepida est adiectio verborum, *Quarum opè etiam aliis incendiis subvenitur, si modo certum est, hanc aedem a Clodio incensam Nympharum fuisse Nisidum; quopiam tam multae aliae sunt Nymphae diversorum munerum ac pominum. MARKL. Rem ita esse, humane sperandum est. In eo autem non omnes, opinor, consentient, quod lepida vocatur ista huius loci exornatio. Nobis ea subfrigida et scholastica videtur, uti tot similes sententiae in his capitibus, quas singillatim uotse non duximus operae*

pectum. Vere enim Aristoteles dixit: *Εὐχθὲς ἐστὶ τὸ τοῦς αὐθιγὰς τῶν λόγων λέγειν ἐξαρτίζεσθαι.* W.

Censuram exstinxit) Talit enim, ne quem censors in senatu legendo praeirent, neve qua ignominia afficerent, nisi qui apud eos accusatus, et utriusque censoris sententia damnatus esset. Vide Orst. in Pisonem. MAX.

Intercessionem removit: auspicia delevit) Quod utrumque lege Aelia et Fofia confirmabatur. IN.

Cn. Pompeium — domum compulsi) I. e. domo se tenere coëgit, domi continuavit, inclusit. Loquutio sumta ex or. in Pis. §. 16, ubi respondet contrariis verbis, *me domo mea expulsi*. Sed magis haeserit aliquis paulo ante in senatu mentis publicae princeps: quod quid sit, nec capio satis, neque alias mihi lectum mentiri. W.

ferro domum compulit; imperatorum monumenta evertit; inimicorum domos disturbavit; vestris monumentis nomen suum inscripsit. Infinita sunt scelera, quae ab illo in patriam sunt edita. Quid, quae in singulos cives, quos necavit? socios, quos diripuit? imperatores, quos prodidit? exercitus, quos tentavit? Quid vero? ea quanta sunt, quae in ipsum se sce-⁵⁹ lera, quae in suos edidit? quis minus unquam percipit hostium castris, quam ille omnibus corporis sui partibus? quae navis unquam in flumine publico tam vulgata omnibus, quam istius aetas fuit? quis unquam nepos tam libere est cum scortis, quam hic cum sororibus volutatus? quam denique tam immanem Charybdim poetae fingendo exprimere potuerunt, quae tantos exhaustire gurgites posset, quantas iste Byzantium Brogitarorumque praedas exsor-

Ille omnibus corporis sui partibus?)
Iste corrigebat Lambinus, frustra: nam plurima loca docent, hoc discriminis parum eugitum fuisse huic Scriptori. Ipsa similitudo haec non multo minus absurda est quam ea, quae statim notabitur; nec valde accommodatum verbum *parcendi*. Nulla enim laus est, *parcere corporis partibus omnibus*: immo ignorum hoc est et omnem laborem detrectantium. Igitur ex his verbis minime intelligitur id, quod intelligi voluit Declamator. W.

*Quantas — Brogitarorumque — exsorbu*it) Nisi, quatenus res ista esset, aliunde scires, Clodium Byzantium urbem diripuisse crederes, alteriusque populi nomen sequi oportere, quem Byzantii socium calamitatis habuerint. Sed ex cap. 26 pro Sext. cognoscimus, exsules quosdam Byzantium fuisse a Clodio reductos in

tribunatu, fanumque Pessinuntium grandi pecunia Brogitato venditum. Quae duae res quum ibi coniunguntur, neque alia exstet ulla apud Tullium praeda Clodius, cuius hic mentio possit recte substitui, non est eadem hic recusanda coniunctio. De Brogitato multa etiam supra c. 13, ex quibus Regem quoque lega Clodii eum appellatum pecunia discimus: ubi notandum, quod eundem, inquit, *putabo Regem, si habuerit, unde tibi solvat, quod ei per syngrapham credidisti*. Hoc certe Clodius non exsorberat, immo ne postea quidem videtur exsorbuisset; quoniam Pessinuntem cito iam Deiotarus Brogitato eripuerat. Huc pertinent etiam *syngraphae cum Byzantiis exsulibus et cum legatis regis*, pro Domo c. 50. Similiter Clodius cum *Hermascho Chio syngraphas fecit, ut supra legebatur* c. 16, pactum nempe pactus pro le-

buit? aut tam eminentibus canibus Scyllam, tamque ieiunis, quam, quibus istum videtis, Gelliis, Clodiis, Titiis, rostra ipsa mandentem?

- 69 XXVIII. Quare, id quod extremum est in haruspicum responsis, providete, NE REIPUBLICAE STATUS COMMUTETUR. Etenim vix haec, si undique fulciamus, iam labefacta, vix, inquam, innixa in omnium nostrum humeris cohaerebunt. Fuit quondam ita firma haec civitas, et valens, ut negligentiam senatus, vel etiam iniurias civium ferre posset. Iam non potest. Aerarium nullum est; vectigalibus non fruuntur, qui redemerunt; auctoritas principum cecidit; consensus ordinum est divulsus; iudicia perierunt; suffragia descripta tenentur a paucis; bonorum animus ad nu-

gato ad senatum a Chiis missis adversus Hermachium interficiendo. Anno autem, qui hunc est consequutus, ita Cicero scribebat ad Fratrem II, 9: «Illud, quod cupit Clodius, est legatio aliqua, si minus per senatum, per populum, libera, aut Byzantium, aut ad Brogitarum, aut utrumque. Plena res nummarum.» Manutius ibi recte annotat, eam legationem ad pecunias exigendas Clodium expetisse, quarum habebat syngraphas. — Haec omnia Garatonii verba adscripsi, quia sunt eiusmodi, ut vix aliter scribi potuisset vir optimus, si nostram sententiam de auctoritate orationis amplexus esset. Sed ad reliquas ineptias accedit etiam usus numeri pluralis *Brogitarorum*, ex nota elegantin ductus, sed quae non erat huius loci. WULF.

Eminentibus) Markland. coni. *imminentibus* quod est in Verr. II, 54. — *Canes eminentes* Scyllae tribuit noster, phantasia quadam et pictura aratoria, qua ultra aquas exsilire et a corpore Scyllae, cui adnati sunt,

recedere velle videntur. Non ergo opus videtur mutare in *imminentes*, quod commodum avaritiae alioquin epitheton est. Similis pictura et vehementia est in canibus Clodii, h. e. rabulis, rostra ipsa mandentibus, quam admirari satius est, quam reprehendere. Gxiix. Vulgatam lectionem sic satis bene defensam esse apparet. Sed felicem audaciam sententiae ille solus et sine rivali admittetur. Quae de re etiam Ernestii memorabilis est notatio, qui locum a nemine adhuc explicatum questus, lepide rostra, inquit, dixit pro *navibus*: illi Scyllae canes mandebant tantum homines e navibus fractis aut demersis; Clodii canes mandebant ipsas naves praee magnitudine famis, i. e. ipsam rempubl. per leges, quas in rostris ipse ferebat. Adeo transversos interdum agit elegantes homines talium sensuum granditas. W.

Mandentem?) Graev. a Verr. III, 11, legendum putabat *lambentem*.

Suffragia descripta) Sententiae est: Ita corrupti sunt plerique cives, ut

tum nostri ordinis expeditus iam non erit; civem, qui se pro patriae salute opponat invidiae, frustra postulat requiretis. Quare hunc statum, qui nunc est, qualiscumque est, nulla alia re, nisi concordia, retinere possumus. Nam, ut meliore simus loco, ne optandum quidem est, illo impunito: deteriore autem statu ut simus, unus est inferior gradus, aut interitus, aut servitutis. Quo ne trudemur, dii immortales nos admonent, quoniam iampridem humana consilia ceciderint. Atque ego hanc orationem, Patres conscripti, tam tristem, tam gravem non suscepissem, non quin hanc personam, et has partes, honoribus populi romani, vestris plurimis ornamentis mihi tributis deberem, et possem sustinere: sed tamen facile, tacentibus ceteris, reticuissem; sed haec oratio omnis fuit non auctoritatis meae, sed publicae religionis. Mea fuerunt verba fortasse plura; sententiae quidem omnes haruspicum, ad quos aut referri nuntiata ostenta non convenit, aut eorum responsis commoveri necesse est. Quod si cetera magis pervulgata nos saepe et leviora moverunt, vox ipsa deorum immortalium non mentes

patienter se induci ad suffragandum, quibus illi pauci bene volunt. Itaque suffragia descripta sunt, est, impetratum et iniunctum quasi est singulis civibus suum suffragium, cui debeant suo suffragio commodare. Sic alibi desinere civitatibus pecuniam, tributa, milites, iubere quantum debeat pecuniae, tribulorum, militum, singula civitas conferre. GRÆV.

Quare hunc statum, qui nunc est) H. c. miserum, qualis describitur inde a verbis, Etenim vix haec etc. Iam nihil quidem minus exspectes, quam de hoc statu retinendo. Sed ex auguriis, quo delapsus erat, enstat Sophistes artificis vis: ut meliore simus loco etc. Nunc autem, si hoc aperire non licet, ac ut optare quidem (Cicero dixisset, magis optan-

dum quam sperandum est), nisi iste puniatur: cur non id ipsum postulat Orator, ut puniatur? Cur satis habuit, duobus inceptis verbis periculum induci intendisse? W.

Orationem) Vetus liber Vrsini orationem.

Non quin hanc personam) Sic edidit Lambin. e codd. suis. Idem habent Pal. 9, S. Vict. Erf. et recte recepit Beck. pro vulg. non inquam nisi hanc personam.

Honoribus populi Romani) Haec glossema esse vocabuli ornamentis putabat Grævius, Garstonius vulgatum defendebat sic, ut vestris ornamentis ad laudes a senatu tributas referretur.

Quod si cetera magis) Iam novum evanescit apud metuas, ut §. 25. At

omnium permovebit? Nolite enim id putare accidere posse, quod in fabulis saepe videtis fieri, ut deus aliquis delapsus caelo, coetus hominum adeat, versetur in terris; cum hominibus colloquatur. Cogitate genus sonitus eius, quem Latinienses nuntiaverunt: recordamini illud etiam, quod nondum est relatam, quod eodem fere tempore factus in agro Piceno Potentiae nuntiatur terrae motus horribilis, cum quibusdam multis metuendis rebus. Haec eadem profecto, quae ¹ prospicimus, impendunt pertimescetis. Etenim haec deorum immortalium vox, haec paene oratio iudicanda est, quum ipse mundus, quum aër atque terra motu quodam novo contremiscunt, et inusitato aliquid sono incredibilique praedicunt. In quo constituendae nobis quidem sunt procurationes, et obsecratio, quemadmodum monemus. Sed faciles sunt preces apud eos, qui ultro nobis viam salutis ostendunt: nostrae nobis sunt inter nos irae discordiaeque placandae.

metum leviores, ut sit, gravior expellit, vox ipsa deorum immortalium ¹ u. sonitus apud Latinienses et terrae motus quidam. W.

Delapsus caelo) Sic cod. Erf. ed. Beck. — Codd. aliquot et ed. Herv. *lapsus de caelo*, quod Ern. recepit.

Quod nondum est relatam) Nisi tandem hominem verba defecissent, aggredieretur fortasse nobis novam de nihilo historiam condere, aut ipse referre ad senatum de terrae motu horribili. Verum, quaecumque demum causa nos defraudavit hac relatione, ipsa haec levissima rei mentis sola portam claudendam nimis potida videri debet. W.

Cum quibusdam multis) Insolens est quibusdam cum multis coniungi. — Hoc dictum puta pro aliis multis, inusitato genere loquendi. Attamen (ut Scriptorem cum pace dimittamus)

defendi illud forsas poterit hae loquutione, quae est in Pis. c. 4: « Collegia, non ea solum, quae seculis sustulerat, restituta, sed innumerabilia quaedam nova, ex omni fece Urbis ac servitio concitata. » Vbi quaedam significat alia. MARKE. In iusta est haec lenitas. Nullo loco vox quaedam illam potestatem habere potest. Nova quaedam collegia contraria sunt notis et a senatu sublatis; sicut dicitur res inaudita quaedam, mirabilis quaedam; nec pertinet quaedam ad innumerabilia. W.

(1) *Futura* vulgo additum melius abest 10 codd. Erf. Franc. aliis, it. ed. ep. 1480.

Atque terra) Gruter. e cod. S. Vict. edidit terrae, sequentibus aliis.

Procuraciones) Expiationes, placationes. MAN.

ORATIO
PRO
M. MARCELLO



DE ORATIONE

PRO

M. MARCELLO *

(SCHVITZ Prolegomenon Cap. V)

M. Clandius Marcellus A. V. C. 702, consul cum Ser. Sulpicio Rufo (Suet. Iul. c. 28) edicto praefatus de summa se republica acturum retulit ad senatum, ut Caesari, cui Gallia provincia lege Pompeii et Crassi in alterum quinquennium prorogata erat, succederetur ante tempus; quoniam bello confecto pax esset ac di-

(*) *Αὐθεντίας* et elegantiae laudem huic orationi detraxit Wolfius, illa, anno post quatuor superiores, hoc titulo edita: *M. Tulli Ciceronis quae vulgo firtur oratio pro M. Marcello*, recognovit, animadversiones selectas superiorum interpretum suasque adiecit Frid. Aug. Wolfius, Berolini 1802. Eius sententiam pluribus argumentis confirmavit Spaldingius, vir candidissimus idemque elegantissimae doctrinae, immatura aetate literis creptus, in *disputatione de Oratione Marcelliana inserta Musei antiquitatis studiorum opera* F. A. Wolfii et Ph. Buttmanni editi Volumini primo. Contra vero *αὐθεντίας* huius orationis evincere studuerunt Olaus Wormius, et Beui. Weiske, ille quidem Hafniae edito libello, sic inscripto: *M. T. Ciceronis orationem pro M. Marcello* *ὑποτίνας* *suppicionis*, quam nuper iniiciebat Frid. Aug. Wolfius *V. C. liberare conatus Olaus Wormius Prof. et Rect. scholae Hotherness. Accessit oratiunculae interpretatio Danica* 1803. Weiskius vero in *commentario perpetuo et pleno in orationem M. T. Ciceronis pro M. Marcello*. Lipsiae 1805. Idem postea edidit *M. T. Ciceronis orationes XIII selectas* quorum in numerum et Marcellianam, et illas post reditum in *Senatu et ad Quirites* retulit, simulque harum quoque duarum patrocinium suscepit. Quod ad Marcellianam attinet, mediam nuper viam ingressus est adolescens doctissimus Aug. Lud. Quil. Iacob. edito pro summis in philosophia honoribus rite capessendis libello, quem sic inscripsit: *de oratione quae inscribitur pro M. Marcello* Ciceroni vel adiudicanda vel adiudicanda *quaestio novae coniecturae*; in quo exemplo praesertim quatuor priorum capitum demonstrare conatus est, esse hanc orationem nec omnium genuinam, nec plane suppositam; sed Ciceroniam multis locis a grammatico quodam, qui eam amplificare vellet, interpolatam esse. SCHVITZ,

mitti deberet victor exercitus; et ne absentis ratio comitiis haberetur, quando nec plebiscito Pompeius postea abrogasset. Acciderat autem, ut is legem de iure magistratum ferens eo capite, quo a petitione honorum absentes summovebat, ne Caesarem quidem exciperet, per oblivionem, ac mox lege iam in aes incisa et in aerarium condita corrigeret errorem. Nec contentus Marcellus provincias Caesari et privilegium eripere, retulit etiam, ut colonis, quos rogatione Vatinia Novumcomum deduxisset, civitas adimeretur, quod per ambitionem et ultra praescriptum data esset. His consiliis Caesar partim per intercessores Tribunos plebis, partim per Sulpicium alterum consulem summa ope restitit. Neque vero ipse Pompeius dissensit (certe dissensum dissimulavit) ac potius iniquum esse dixit, Caesarem antequam illud alterum quinquennium exactum esset, provincia et imperio spoliare. Anno sequente V. C. 703, C. Claudio Marcello (M. Marcelli fratre patrueli) et L. Aemilio Paulo cons. quum de eadem re, in primis de legionibus Caesaris dimittendis ageretur, adversati sunt L. Paulus consul, a Caesare magna pecunia corruptus, itemque C. Curio trib. pl. quem Caesar aere alieno oppressum liberaverat. In primis C. Curio de Caesaris legionibus dimittendis haud aliter se assensurum dixit, nisi ceteri quoque, in primis Pompeius exercitus dimitterent. Itaque factum est tantum SCtum ut a Caesare et Pompeio singulae legiones ad bellum Parthicum mitterentur (cf. incerti auctoris lib. VIII, de bello Gallico c. 54). Itaque Caesar legionem decimam quintam misit; Pompeius vero eam legionem quam e suis Caesari mutuo dederat, repetiit. Vtraque deinde legio a eos. Marcello, quum iam iis ad bellum Parthicum nihil opus esset, Pompeio tradita. De ea re certior factus Caesar in Italiam rediit, literasque ad senatum misit, quibus petiit ne sibi beneficium populi adimeretur, aut ut ceteri quoque imperatores ab exercitibus discederent. Pactionem etiam cum adversariis facturum se ostendit, his legibus, ut dimissis octo legionibus Transalpinaeque Gallia, duae sibi legiones et Cisalpina provincia, vel etiam una legio cum Illyrico concederetur. Sed quum adversarii negarent, ullam se de republica pactionem facturos,

Caesar transiit in citeriorem Galliam et Ravennae substatit. Interea A. V. C. 704, Kal. Ianuarii consulatum adierunt C. Claudius Marcellus (M. Marcelli frater germanus) et L. Cornelius Lentulus. His eodem die de republica referentibus, etsi M. Marcellus censuerat non oportere ante de ea re ad senatum referri quam delectus tota Italia habiti et exercitus conscripti essent (quo praesidio tuto et libere senatus, quae vellet, decernere auderet) tamen in duriorem Q. Scipionis Metelli sententiam, auctore etiam Pompeio, qui se iam totum a Caesaris amicitia averterat, fit SCtum, uti ante certam diem Caesar exercitum dimittat; si non faciat, enim adversus rempublicam facturum videri. Intercedit M. Antonius et Q. Cassius. Refertur confestim de intercessione tribunorum. Misso autem sub vesperam senatu postridie decurritur ad illud extremum atque ultimum SCtum: dent operam consules, praetores, tribuni plebis, quique consulares sunt ad urbem, ne quid respublica detrimenti capiat. Profugiant statim ex urbe tribuni plebis, seseque Ravennam ad Caesarem conferunt. Sic exorto inter Caesarem et Pompeium bello civili, M. Marcellus Pompeianas partes sequutus, post pugnam Pharsalicam, victo Pompeio, Mitylenas commigravit. Ibi enim M. Brutus (ap. Senecam Cons. ad Helv. c. 9,) in libro quem de virtute composuerat, narravit se vidisse exultantem et quantum modo natura hominis pateretur beatissime viventem, neque unquam bonarum artium cupidiores quam illo tempore. A. V. C. 707 postquam Caesar Africano bello confecto Romam radierat, C. Marcellus M. frater magno studio id egit, ut fratri a Caesare veniam reditumque in patriam impetraret. Cicero, veritus, ne Marcellus hoc beneficium pertinaciter recusaret, ad eum scripsit epistolam, (quae est lib. IV ad Fam. 7), in qua ei persuadere cupit, ut ad suos redire ne nolit. Se enim intellexisse, nihil aliud esse, in eo restituendo, quod Caesari dubitationem offerret, nisi quod vereretur ne Marcellus illud beneficium omnino non putaret. Neque ita multo post mense Septembri quum in senatu a L. Pisone mentio facta esset de M. Marcello, et quum C. Marcellus se ad Caesaris pedes abiecisset, cunctus senatus consurrexit, et ad Caesa-

rem supplex accessit. Tum Caesar accusata aserbitate Marcelli, laudataque Ser. Sulpicii et aequitate et prudentia, repente praeter spem dixit, se senatai roganti de Marcello ne hominis quidem causa negatorum. Tum quum omnes ante me, inquit Cic. Epp. IV 4, rogati Caesari gratias egissent praeter Volcatium (is enim sic eo loco negavit se facturum fuisse) ego rogatus mutavi meam sententiam. Nam statueram, non mehercule inertia, sed desiderio pristinae dignitatis, in perpetuum tacere. Fregit hoc meum consilium et Caesaris magnitudo animi et senatus officium. Itaque pluribus verbis egi Caesari gratias, meque mentuo ne etiam in ceteris rebus honesto otio privarim etc. Iam quum M. Marcello et C. frater et Cicero ipse, quid in senatu actum esset, perscripissent, reditum a Caesare impetratum gratulati, (quod ex ipsius ad Ciceronem epistola ad Fam. IV, 11, intelligitur) Marcellus Mitylenais discessit, iterum a Cicerone mense Ianuario A. V. C. 708 ad properandum reditum excitatus (ad Fam. IV, 10). Et iam in itinere Athenas pervenerat, *ὅν τῃ Μαιλάῃ* in Italiam navigaturus. Ibi a d. X Kal. Iunias Ser. Sulpicius, eius in consulatu collega, cum in Piraeo convenit (ad Fam. IV, 12). Postridie autem quum Sulpicius ab Athenis proficisci in animo haberet, circiter horam decimam noctis Sp. Postumius Marcelli familiaris ad eum venit, ipsique nuntiavit Marcellum post coenae tempus a P. Magio Chilone familiare eius pugione percussum esse, et duo vulnere accepisse, unum in stomacho, alterum in capite secundum aurem, sperare tamen se eum vivere posse; Magium se ipsum interfecisse. Ser. Sulpicius statim medicos coëgit, et prima luce ad eum visendum perrexit. Quum autem non longe a Piraeo abesset, puer Acidini obviam ei venit cum codicillis, in quibus erat, paulo ante lucem Marcellum diem suum obiisse. Ei Sulpicius satis amplem funus faciendum curavit, corpusque in nobilissimo Academiae gymnasio combussit, curavitque ut eodem in loco Athenienses monumentum ei faciendum locarent. Tristissimo hoc nuntio accepto Cicero ad Atticum (XIII, 10) ita scripsit: *Minime miror te et graviter ferre de Marcello, et plura vereri periculi genera. Quis enim hoc timeret, quod neque acciderat*

antea, nec videbatur natura ferre, ut accidere posset. Omnia igitur metuenda. Cicero tamen ipse, quum Marcellum ad pro-perandum reditum excitare vellet (ad Fam. IV 9) sic ad eum, quasi eiusmodi casum divinaret, scripserat: *Caput illud est, ut si ista via tibi commodior esse videatur, cogitandum tamen sit, ne tutior non sit. Magna gladiatorum est licentia, sed in externis locis minor etiam ad facinus verecundia.* De causa autem quas Magium impulerit ad Marcellum interficiendum, quum varii essent rumores, ac nonnulli suspicarentur percus-sorem ei a Caesare immisum (Cicero ad Att. XIII, 10); haec scripsit: *Hodie Spintherem exspecto. Misit enim Brutus ad me; per literas purgat Caesarem de interitu Marcelli: in quem, ne si insidiis quidem ille interfectus esset, caderet ulla suspicio. Nunc vero quum de Magio constet, nonne furor eius causam omnem sustinet? Plane, quid sit, non intelligo: explorabis igitur. Quamquam nihil habeo, quod dubitem, nisi, ipsi Magio quae fuerit causa amentiae, pro quo quidem etiam sponsor Su-nii factus est. Nimirum id fuit. Solvendo enim non erat. Credo eum petisse a Marcello aliquid, et illum, ut erat, constantius respondisse. Ceterum aliam caedis Marcelli causam Valerius Max. fuisse perhibet lib. IX, c. 11: Consternatum etiam Ma-gium Chilonis amentia pectus, qui M. Marcello datum a Caesare spiritum sua manu eripuit. Vetus amicus et Pompeianae mili-tiae comes, indignatus aliquem amicorum ab eo sibi praeferrî. Urbem enim a Mitylenis quo se contulerat repentem, in Athe-niensium portu pugione confodit, protinusque ad irritamenta venustiae suae trucidanda tetendit, amicitiae hostis, divini be-neficii interceptor, publicae religionis, quod ad salutem claris-simi civis recuperandam attinuit, acerba labes. Ceterum quod Spaldingio in mentem venit suspicari, fieri potuisse, ut Mar-cellus vitae pertaesus, a Chilone Magio, ut se occideret, po-stularit, qui deinde se ipsum quoque interemerit, ea suspicio mihi prorsus a vero abhorrere videtur.*

Sed ut ad orationem pro Marcello redeamus, hoc statim ap-paret huiusmodi orationem ad Caesarem non fuisse, antequam haberetur, meditata. Res enim illa praeter expectationem in

senatu acciderat. Et Cicero sententiam suo loco rogatus, pluribus quidem verbis, sed ex tempore gratias egit. Nusquam autem ipse profitetur se postea illam orationem conscripsisse, et conscriptam edidisse. Etenim si eam paulo post illam rem in senatu actam scripisset, certe eius in illa ad Ser. Sulpiciam epistola (ad Fam. IV, 4) mentionem fecisset. At Wormio in mentem venit Ciceronem hanc orationeulam ad ipsum Marcellum misisse. Id enim e Marcelli ad Cic. epistola (Fam. IV, 11) effici posse putavit, ubi ille scribit: *Gratulatio tua, etsi est mihi probatissima, quod ab optimo fit animo, tamen hoc mihi multo iucundius est et gratius, quod in summa paucitate amicorum, propinquorum ac necessariorum, qui vere meae salutis faverent, te cupidissimum mei, singularemque mihi benivolentiam praestitisse cognovi.* At quis non videt istam gratulationem non de hac orationeula accipiendam, sed de ea, quae literis a Cicerone ad Marcellum scriptis contineretur? quod idem a Spaldingio monitum esse videmus (l. l. p. 49). Neque vero ullum tempus reperio, quo A. V. C. 707 extremo Ciceroni hanc orationem, ut conscriberet, venire in mentem potuisset. Aliis enim negotiis et maioribus distractus fuit; orationem pro Ligario habuit prid. Kal. intercalares; deinde domesticas habuit sollicitudines, divortio etiam cum Terentia sub finem huius anni facto. Anno autem 708, nec ante Marcelli eodem, nec postea scribi ista oratio potuisse videtur. Nam initio huius anni Tulliae filiae partus qui exspectabatur, eum sollicitum Romae tenuit; deinde mors eius consecuta gravissimum ei dolorem attulit, quem libro de consolatione scripto, et philosophicis libris scribendis levare studuit. Post acceptum vero de Marcelli morte nuntium, quis quaeso in animum inducere possit, eum de conscribenda ista orationeula cogitasse? *Nullus enim* (quod Wolfius, in egregia ad hanc orationem praefatione p. XXVI, monuit) *nullus labor magis tum supervacaneus et inutilis fuisse.* Sed fac eum ex istis occupationibus ad eam literis mandandam sibi aliquod tempus eripuisse, certe eam non inscripisset orationem pro Marcello, sicut illam pro Ligario aut rege Deiotaro. Non enim fuit defensio Marcelli contra accusatorem ali-

quem, sed grati tantum animi erga Caesarem pro reditu Marcello concesso significatio. Itaque etsi Cicero dixit se *pluribus verbis* Caesari gratias egisse, non tamen illam gratiarum actionem iustae orationis modum explesse facile Wolfio asseutior, quum Plutarchus in Ciceronis vita narret, Caesarem, quum paulo post apud eum pro Ligario dicturus esset, his verbis usum esse: *quid obstat quo minus Ciceronem tanto intervallo audiamus dicentem* (τί καὶ οὐκ διὰ χρόνου Κικέρωνος ἀκούσαι λέγοντος).

Haud leve momentum huic sententiae accedit ex eo, quod Quintilianus, qui toties Ciceronis orationem pro Ligario, semel etiam illam pro Deiotaro orationem laudat nullo verbo mentionem facit orationis pro Marcello a Cicerone habitae. Reliqui vero scriptores, qui Marcellianam orationem laudant, ut Asconius Pedianus, Nonius Marcellus (v. *aemulus* p. 239), Lactantius, et Priscianus (lib. V, p. 667, VI, p. 715), iam istius, quae exstat, orationis exemplis usi, et sibi adulterinam pro genuina Ciceronis supponi passi sunt. Adulterinam enim esse nemo dubitabit, qui quantum ab illa servili Caesaris adulatione, quae in hac orationcula regnat, liberalius dicendi genus in orationibus pro Ligario et Deiotaro discrepet, cogitaverit, qui tot inficetas, frigidas, absurdas sententias et locutiones a Wolfio et Spaldingio exagitatas perpenderit. Ceterum duas esse partes huius declamationis, facile perspicitur, quarum altera, c. 1-6, post gratiarum actionem versatur in Caesaris laudibus, altera in diluenda Caesaris suspitione de occultis insidiis vitae suae metuendis, quae cum cohortatione ut Caesar ipse vitae suae et saluti consulat, coniungitur; c. 7-10. In peroratione redit ad gratias Caesari iterum agendas; c. 11.

ORATIO

PRO

M. MARCELLO

I.

Diuturni silentii, Patres conscripti, quo eram his

ARONNI VETERIS INTERPRETIS SCHOLIA, INTERSERUIT MONNULLUS
FORTE EX ARONNI COMMENTARIO EXCERPTIS.

CAP. I. *Diuturni silentii*) Bellis civilibus Cicero tacuit. Nec enim locus esse poterat inter bella Ciceroni. Data est indulgentia Ciceroni. Reversus est orator Marcellus. De quo Lucanus ait: *Marcellusque loquax*. Hic maxime suaserat bella civilia contra Caesarem. Unde acerrimus in eum adversarius Caesar fuit. Victis partibus eooscius anastionis suae, quia ipse bella suaserat, Athenas discesserat. Illic fuit multans temeritatem suam exsilio voluntario. Reversus est Caesar. Ingressus est frater Marcelli C. Marcellus. Tenuit genua Caesaris. Miserere, inquit, de indulgentiam fratri. Sequentes sunt lacrimae totius ordinis. Deobus in rebus impellimur ad expugnandos inimicos, aut ex superiore iniuria aut futuro metu. Caesar ntrumque ante oculos posuit, et fecit quasi sistentem Marcellum. Marcellus hoc contra me fecisti. De superiore iniuria illud fecisti. Deinde audio mihi parari insidias ab his, quos servavi. Tamen quoniam hoc amplissimus ordo postulat, ignosco. Ideo dixit Cicero: Tuis vel doloribus vel suspicionibus noteferre. Tameo quia senatus hoc vult, ignosco. Hac gratulatione Cicero surrexit et gratias agit. Plerique statum dederunt in hac oratione venialem, quoniam in ista oratione nullus status ait. Gratiarum actio est. Si neodum dedisset indulgentiam, videretur stotus venialis. In gratulatione tantum Marcelli, qui putant surrexisse Tullium, errant. Vidit Caesarem ignoscere. Multis enim petenda venia fuerat. Provocat illum ad genus laudis. In extrema parte orationis nititur quasi statu coniecturae, quis (Caesar) dicebat: insidias mihi faciunt, ut me occidant; sive ut purget ceteros, ne poenitent ignoscere Caesarem, sive ut Caesarem cunctum faceret. Bellis ergo civilibus oratione non fuerat usus; et post bella tamen tacuerat. Haec prima vox fuerat diuturni silentii. Plerique putant figuratam esse istam orationem. Et sic exponunt quasi plura vituperationis habent quam laudis. Hoc nec temporibus convenit, nec Caesari. Nam et tempus tale est, ut vera laude Caesar inducatur ad clementiam, et Caesar orator est qui non possit falli. ARON.

temporibus usus, non timore aliquo, sed partim dolore, partim verecundia, finem hodiernus die sattulit; idemque initium, quae vellem, quaeque sentirem, meo pristino more dicendi. Tantam enim mansuetudinem, tam inusitatum inauditamque clementiam, tantum, in summa potestate, rerum omnium modum, tam denique incredibilem sapientiam ac paene divinam, tacitus nullo modo praeterire possum. M. enim Marcello vobis, Patres conscripti, rei publicae reddito, non solum illius, sed meam etiam vocem et auctoritatem, et vobis et reipublicae conservatam ac restitutam puto. Dolebam enim, Patres conscripti, et vehementer angebar, quum viderem, virum talem,

His temporibus) Quia accusavit tempora. Non intelligunt. Sensit orator. Et ne figum sit. ANON. — *Non timore aliquo*) Modo occurrit, ut vel in suspicionem caderet accusare tempora. ID. — *Non timore aliquo*) Non quo, inquit, aliquid metuerem, aut de clementia tua dissiderem, sed quod amici casum dolerem, et mei simul verecundia retinerem, quod ex consortio mei poena consimilia mereri iudicaret. ex ASC. — *Partim dolore*) Quia desiderabam Marcellum. ANON. — *Partim verecundia*) Quia non audebam apud te loqui contra quem arma sumpseram. ID. — *Quae vellem quaeque sentirem*) Ecce iam plena libertas. ID. — *Tantum in summa potestate*) Cui non licet peccare, innocentiae non est laus. Numquid laudo te quia homicidium non facis? Si enim feceris, damnaris. Ergo non peccas, si vel innocentia, vel timore. At imperator laudandus est, cui licet et non facit; si et copia sit, et tamen modus. ID. — *Ac patne divinae*) Non hoc sine causa dicit. Nam constat Cæsarem se iactare divinam originem a Venere esse natum. Vnde et divus postea appellatus est.

His temporibus) Hoc anno, quia pugna Pharsalica iam effluxit. Ait *his temporibus*, non *hoc tempore*, quia tempora calamitatum aliquam, aut certe periculum indicant. AER.

Non timore aliquo) Captat a Caesare benevolentiam, quum se non timuisse ostendit, ne liberius de rep. loquens, eam offenderet. ID.

Dolore) Vel Ictu meorum qui bello civili perierunt, vel dolore et poenitentia, quod contra Caesarem

tam benignum et humanum virum, adhaeserim Cn. Pompeio. ID.

Verecundia) Contra quem enim armis pugnassem, eo praesente verba facere verecundia prohibebat. MAN.

Virum talem) Gruterus e cod. Pal. praeposuit *tam*. Id recte repudiavit Ern. Graevius dedit *qui in eadem causa esset*. Et sic edd. nonnullae veti. In ed. Waldauf, *qui in eadem causa fuisset*.

dicam exornare, sed enarrare, C. Caesar, res tuas gestas possit. Tamen affirmo: et hoc pace dicam tua; nullam in his esse laudem ampliorem, quam eam, quam hodierno die consequutus es. Soleo saepe ante oculos ponere, idque libenter crebris usurpare sermonibus: omnes nostrorum imperatorum, omnes exterarum gentium, potentissimorumque populorum, omnes clarissimorum regum res gestas cum tuis nec contentionum magnitudine, nec numero proeliorum, nec varietate regionum, nec celeritate conficiendi, nec dissimilitudine bellorum posse conferri; nec vero disiunctissimas terras citius cuiusquam passibus potuisse peragrari, quam tuis non dicam cursibus, sed victoriis lustratae sunt. Quae quidem ego nisi ita magna esse fatear, ut ea vix cuiusquam mens aut cogitatio capere possit, amens sim: sed tamen sunt alia maiora. Nam bellicas laudes solent quidam extenuare verbis, easque detrahere ducibus, communicare cum multis, ne propriae sint imperatorum. Et certe in armis, militum virtus, locorum opportunitas, auxilia sociorum, classes, commeatus, multum iuvant: maximam vero partem, quasi suo iure Fortuna sibi vindicat, et, quidquid est prospere gestum, id paene omne ducit suum. At vero huius gloriae, C. Caesar, quam es paulo ante adeptus, socium habes neminem. Totum hoc, quantumcumque est, quod certe maximum est, totum est, inquam, tuum. Nihil sibi ex ista laude centurio, nihil praefectus, nihil cohors, nihil turma decerpit. Quin etiam illa ipsa rerum humanarum domina, Fortuna, in istius se societatem gloriae non offert; tibi cedit; tuam esse totam et pro-

Lustratae sunt) Ita Victor. et MSS. olim legebatur *illustratae sunt*. Pro
nonnulli, ut Erf. recte pro eo quod *sunt* Ern. sine causa reposuit *sint*.

priam fatetur. Nunquam enim temeritas cum sapientia commiscetur, nec ad consilium casus admittitur.

III. Domuisti gentes immanitate barbaras, multitudine innumerabiles, locis infinitas, omni copiarum genere abundantes: sed tamen ea vicisti, quae naturam et conditionem, ut vinci vi possent, habebant. Nulla est enim tanta vis, quae non ferro ac viribus debilitari frangique possit. Animum vincere, iracundiam cohibere, victoriam temperare, adversarium nobilitate, ingenio, virtute praestantem, non modo extollere iacentem, sed etiam amplificare eius pristinam dignitatem: haec qui faciat, non ego eum cum summis viris comparo, sed simillimum deo iudico. Itaque, C. Caesar, bellicae tuae laudes celebrabuntur illae quidem non solum nostris, sed paene omnium gentium literis atque linguis, necque ulla unquam aetas de tuis laudibus conticescet. Sed tamen eiusmodi res, nescio quomodo, etiam quum leguntur, obstrepi clamore militum videntur, et tubarum sono: at vero quum aliquid clementer, mansuete, iuste, modcrate, sapienter factum, in iracundia praesertim, quae est inimica consilio, et in victoria, quae natura insolens et superba est, aut audimus, aut legimus; quo studio incendimur, non modo in gestis rebus, sed etiam in fictis, ut eos saepe, quos nunquam vidimus, diligamus? Te vero, quem praesentem intuemur, cuius mentem sensusque et os cernimus, ut, quidquid belli fortuna reliquum reipublicae fecerit, id esse salvum velis, quibus laudibus efferemus? quibus studiis prosequemur? qua benivolentia complectemur? Parietes, medius fidius, ut mihi videntur, huius curiae, tibi gratias agere gestiunt, quod brevi

Medius fidius) Vulgo addebatur C. Caesar, quod Ern. auctoribus antiquis libris delevit.

tempore futura sit illa auctoritas in his maiorum suorum et suis sedibus.

IV. Equidem quum C. Marcelli, viri optimi et commemorabili pietate praediti, lacrymas modo vobiscum viderem, omnium Marcellorum meum pectus memoria obfudit. Quibus tu etiam mortuis, M. Marcello conservato, dignitatem suam reddidisti, nobilissimamque familiam, iam ad paucos redactam, paene ab interitu vindicasti. Hunc tu igitur diem tuis maximis et innumerabilibus gratulationibus iure antepones; haec enim res unius est propria Caesaris: ceterae duce te gestae, magnae illae quidem, sed tamen multo magnoque comitatu; huius autem rei tu idem et dux es, et comes: quae quidem tanta est, ut tropaeis monumentisque tuis allatura finem sit aetas; nihil enim est opere aut manu factum, quod aliquando non conficiat et consumat vetustas: at vero haec tua iustitia et lenitas animi florescet quotidie magis, ita ut, quantum operibus tuis diuturnitas detrahet, tantum afferat laudibus. Et ceteros quidem omnes victores bellorum civilium iam ante aequitate et misericordia viceras: hodierno vero die te ipsum vicisti. Vereor, ne hoc, quod dicam, non perinde intelligi auditu possit, atque ipse cogitans sentio. Ipsam victoriam vicisse videris, quum ea, quae illa erat adepta, victis remisisti. Nam quum ipsius victoriae conditione iure omnes victi occidissemus, clementiae tuae iudicio conservati sumus. Recte igitur unus invictus es, a quo etiam ipsius victoriae conditio visque devicta est.

C. Marcelli) Qui se ad Caesaris pedes abiecerat. Is est, qui cum L. Lentulo consul fuit anno primo civilis belli. Alter autem C. Marcellus M.

Marcelli frater Patruelis, non germanus, ut Suetonius docet, consulatum gesserat anno proximo superiore cum L. Paulo. MAX.

V. Atque hoc C. Caesaris iudicium, Patres conscripti, quam late pateat, attendite: omnes enim, qui ad illa arma fato sumus nescio quo reipublicae misero funestoque compulsi, etsi aliqua culpa tenemur erroris humani, a scelere certe liberati sumus. Nam quum M. Marcellum, deprecantibus vobis, reipublicae conservavit, memet mihi, et iterum reipublicae, nullo deprecante, reliquos amplissimos viros et sibi ipsis et patriae reddidit: quorum et frequentiam et dignitatem hoc ipso in consessu videtis. Non ille hostes induxit in curiam, sed iudicavit, a plerisque ignoratione potius, et falso atque inani metu, quam cupiditate aut crudelitate bellum esse susceptum. Quo quidem in bello semper de pace audiendum putavi, semperque dolui, non modo pacem, sed orationem etiam civium, pacem flagitantium, repudiari. Neque enim ego illa, nec ulla unquam sequutus sum arma civilia, semperque mea consilia pacis et togae socia, non belli atque armorum fuerunt. Hominem sum sequutus privato officio, non publico; tantumque apud me grati animi fidelis memoria valuit, ut nulla non modo cupiditate, sed ne spe quidem, prudens et sciens, tanquam ad interitum ruerem voluntarium. Quod quidem meum consilium minime obscurum fuit: nam et in hoc ordine, integra re, multa de pace dixi, et in ipso bello eadem etiam cum capitis mei periculo sensi. Ex quo iam nemo erit tam iniustus rerum existimator, qui dubitet, quae Caesaris voluntas de bello

CAP. V. *Non ille hostes induxit in curiam*) Quum eos, inquit, C. Caesar qui contra se pro Pompeio arma coeperant in senatum introduxit, hostes non fuisse iudicavit. Non enim hostem iudicat quem donat publici communitate consilii. ex ASCON.

Bellum esse susceptum) Vulgo civile bellum. Sed cavete ab optimis MSS. idque cum Graevio delevit Ern.

Privato officio, non publico) Quia

Pompeio debebam: non quia Caesaris causam condemnarem. MAN.

Existimator) Sic Graev. e MSS. Vulgo aestimator.

fuerit, quum pacis auctores conservandos statim censuerit, ceteris fuit iratior. Atque id minus mirum fortasse tum, quum esset incertus exitus, et anceps fortuna belli: qui vero victor pacis auctores diligit, is profecto declarat, se maluisse non dimicare, quam vincere.

VI. Atque huius quidem rei M. Marcello sum testis. Nostri enim sensus, ut in pace semper, sic tum etiam in bello congruebant. Quoties ego eum, et quanto cum dolore vidi, quum insolentiam certorum hominum, tum etiam ipsius victoriae ferocitatem extimescentem? Quo gratior tua liberalitas, C. Caesar, nobis, qui illa vidimus, debet esse. Non enim iam causae sunt inter se, sed victoriae comparandae. Vidimus tuam victoriam proeliorum exitu terminatam: gladium vagina vacuum in urbe non vidimus. Quos amisimus cives, eos Martis vis perculit, non ira victoriae: ut dubitare debeat nemo, quin multos, si fieri posset, C. Caesar ab inferis excitaret, quoniam ex eadem acie conservat, quos potest. Alterius vero partis, nihil amplius dicam, quam, id quod omnes verebamur, nimis iracundam futuram fuisse victoriam. Quidam enim non modo armatis, sed interdum etiam otiosis minabantur; nec, quid quisque sensisset, sed ubi fuisset, cogitandum esse dicebant: ut mihi quidem videantur dii immortales, etiamsi poenas a populo romano ob aliquod delictum expetiverint, qui civile bellum tantum et tam luctuosum excitaverint, vel

CAP. VI. *Non enim iam causae sunt inter se, sed victoriae comparandae*) Quae fuerit, inquit, in civili bello vel quibus causa dimicandi praelator, nescio. Illud scio, totam victoriam Pompei victoriae praeponendam. Tu enim

Expetiverint) Sic Ern. ex ed. Rom. aliisque vet. Vulgo *expetiverunt*.

Excitaverint) Hoc Faërus reperit in bono MS. receptum ab Ernestio pro vulg. *excitaverunt*.

placati iam, vel satiati aliquando, omnem spem salutis ad clementiam victoris et sapientiam contulisse.

Quare gaude tuo isto tam excellenti bono; et fruire quum fortuna et gloria, tum etiam natura et moribus tuis; ex quo quidem maximus est fructus iucunditasque sapienti. Cetera quum tua recordabere, etsi persaepe virtuti, tamen plerumque felicitati tuae congratulabere. De nobis, quos in republica tecum simul salvos esse voluisti, quoties cogitabis, toties de maximis tuis beneficiis, toties de incredibili liberalitate, toties de singulari sapientia tua cogitabis: quae non modo summa bona, sed nimirum audebo vel sola dicere. Tantus est enim splendor in laude vera, tanta in magnitudine animi et consilii dignitas, ut haec a virtute donata, cetera a fortuna commodata esse videantur. Noli igitur in conservandis bonis viris defatigari, non cupiditate praesertim aut pravitate aliqua lapsis, sed opinione officii, stulta fortasse, certe non improba, et specie quadam reipublicae. Non enim tua ulla culpa est, si te aliqui timuerunt: contraque summa laus, quod plerique minime timendum fuisse senserunt.

VII. Nunc vero venio ad gravissimam querelam et atrocissimam suspicionem tuam; quae non tibi ipsi

io victoria clemens fuisti, quam ille cruentius uteretur. ex Asc. — Noli igitur in conservandis) Vides quo tendit, qui non tantum agit gratias propter Marcellum, quam propter ceteros conservatos. *Atton. — Sed opinione*) Quin putabant se debere sequi amicum suum. *Io. — Opinione officii, stulta fortasse, certe non improba*) Forte, inquit, stulta fuerit illa opinio, officiosum se quemlibet credere, si non desereret amicum; improba autem esse non potuit. Et vide qua moderatione temperavit culpam, ut si quid etiam delicti habuit, non malitiae fuerit sed erroris. Ipsam tamen stultitiam, quae etiamsi certa sit, non habet culpam, dubium ponit in eo quod fortasse: purgationem vero certissimam; eam fortasse fuit stultus, certe non improbus. *ex Asc. — Non enim tua culpa*) Vult dicere: si timuimus te, idem peccabimus. *Atton.*

CAP. VII. Nunc venio ad gravissimam querelam) coniectorem partem

magis, quam quum omnibus civibus, tum maxime nobis, qui a te conservati sumus, providenda est: quam etsi spero esse falsam, nunquam tamen verbis extenuabo. Tua enim cautio, nostra cautio est: ut, si in alterutro peccandum sit, malim videri nimis timidus, quam parum prudens. Sed quisnam est iste tam demens? de tuisne? tametsi qui magis sunt tui, quam quibus tu salutem insperantibus reddidisti? an ex eo numero, qui una tecum fuerunt? Non est credibilis tantus in ullo furor, ut, quo duce omnia summa sit adeptus, huius vitam non anteponat suae. At si tui nihil cogitant sceleris, cavendum est, ne quid inimici. Qui? omnes enim qui fuerunt, aut sua pertinacia vitam amiserunt, aut tua misericordia retinuerunt: ut aut nulli supersint de inimicis, aut, qui supersunt, sint amicissimi. Sed tamen, quum in animis hominum tantae latebrae sint et tanti recessus, augeamus sane suspicionem tuam: simul enim augebimus diligentiam. Nam quis est omnium tam ignarus rerum, tam rudis in republica, tam nihil unquam nec de sua, nec de communi salute cogitans, qui non intelligat, tua salute contineri suam, et ex unius tua vita pendere omnium? Equidem de te dies noctesque, ut debeo, cogitans, casus dumtaxat humanos, et incertos eventus valitudinis, et naturae communis fragilitatem extimesco: doleoque, quum respublica immortalis esse debeat, eam in unius mortalis anima

tractat. Vult dicere: nemo tibi insidias facit. Sed ne videatur propterea dicere, ut incautiores reddat, cautiores faciendo securum tamen praestat. ANON.—*Pt si in alterutro peccandum sit*) Forte dico tibi: cave, et falsum est; dicor timidus. Forte tibi dico: noli timere, et verum est; dicor im-providus. Ideo dixit: *quod si in alterutro peccandum sit*. Id.

Qui supersunt) Sic Lambin. probante Ernestio legendum censuit. Vulg. *superfuerunt*.

consistere. Si vero ad humanos casus, incertosque eventus valitudinis, sceleris etiam accedat insidiarumque consensio: quem deum, si cupiat, opitulari posse reipublicae credamus?

VIII. Omnia sunt excitanda tibi, C. Caesar, uni, quae iacere sentis, belli ipsius impetu, quod necesse fuit, perculsa atque prostrata: constituenda iudicia, revocanda fides, comprimendae libidines, propaganda soboles: omnia, quae dilapsa iam fluxerunt, severis legibus vincienda sunt. Non fuit recusandum in tanto civili bello, tantoque animorum ardore et armorum, quin quassata respublica, quicumque belli eventus fuisset, multa perderet et ornamenta dignitatis, et praesidia stabilitatis suae: multaque nterque dux faceret armatus, quae idem togatus fieri prohibuisset. Quae quidem tibi nunc omnia belli vulnera curanda sunt: quibus, praeter te, mederi nemo potest. Itaque illam tuam praeclarissimam et sapientissimam vocem invitatus audiui: «satis vel naturae vixi, vel gloriae.» Satis, si ita vis, naturae fortasse; addo etiam, si placet, gloriae: at, quod maximum est, patriae certe

CAP. VIII. *Multaque uterque dux*) Dicebat Caesar: videant, qui mihi insidias faciunt. Mea nihil interest. Id. — *Tuam praeclarissimam*) primum concede, ne videatur contra eius sententiam venire. Id. — *Satis diu vixi vel naturae vel gloriae*) Quasi verba sunt sapientis Philosophi contemnentis

Revocanda fides) Cicero secundo officiorum: *Quamobrem, ne sit aes alienum quod reipublicae noceat, providendum est. Si hoc non fuerit, ut locupletes suum perdant, debitores lucrentur alienum. Nos enim ulla res vehementius rempublicam continet, quam fides, quae esse nulla potest, nisi erit necessaria solutio rerum creditarum.* Quomodo autem Caesar fidem revocavit, tradit Suetonius, cap. 42. Abh.

Propaganda soboles) Din multumque non Caesari solum, sed etiam Augusto cum profligatis hominum moribus luclandum fuit, ut cives suos ad veras legitimasque nuptias, et propagationem sobolis, educationemque liberorum inducerent. Vide Tranquillum in Iulio cap. 42, nec non in Octavio, cap. 34. Id.

Satis vel naturae vixi, vel gloriae) Vulgo *satis te diu vel naturae vixisse vel gloriae.* Graev. et Ern. »

parum. Quare omitte, quaeso, istam doctorum hominum in contemnenda morte prudentiam: noli nostro periculo sapiens esse. Saepe enim venit ad aures meas, te idem istud nimis crebro dicere, satis te tibi vixisse. Credo: sed tum id audirem, si tibi soli viveres, aut si tibi etiam soli natus esses. Nunc, quum omnium salutem civium cunctamque rempublicam res tuae gestae complexae sint: tantum abes a perfectione maximorum operum, ut fundamenta, quae cogitas, nondum ieceris. Hic tu modum tuae vitae non salute reipublicae, sed aequitate animi definies? Quid, si istud ne gloriae quidem tuae satis est? cuius te esse avidissimum, quamvis sis sapiens, non negabis. Parumne igitur, inquires, gloriam magnam relinquemus? Immo vero aliis, quamvis multis, satis: tibi uni parum. Quidquid enim est, quamvis amplum sit, id certe parum est tum, quum est aliquid amplius. Quod si rerum tuarum immortalium, C. Caesar, hic exitus futurus fuit, ut, devictis adversariis, rempublicam in eo statu relinqueres, in quo nunc est: vide, quaeso, ne tua divina virtus admirationis plus sit habitura, quam gloriae: siquidem gloria est illustris ac pervagata multorum et magnorum, vel in suos, vel in pa-

vitam. Itaque loquitur naturae. Id. — *Doctorum*) Philosopharum. Id. — *Tantum abes a perfectione maximorum operum*) Quasi fabricae facit translationem. Id. — *Quid si istud ne gloriae quidem satis est*) Redit ad sententiam; iterum rei publicae. Id. — *Admirationis plus sit habitura*) Inter admirabilitatem et laudem multum interest. Miramur etiam mala. Miraculum est magnitudo facti. Laudamus beneficium. Id.

cod. Erf. *satis diu vel naturae vixi vel gloriae*, quod et ipse seculus sum, sed ita ut diu de Ernestii sententia daleverim.

Hic tu modum — aequitate animi definies) Id est, putas te propterea

satis vixisse, quod sequo animo, et extra indignationem mori potes, et annos praeteritos non requiris? Aequitatem animi dicimus, rectam animi constitutionem, tranquillamque affectionem omni indignatione vacantem. Eyd.

triam, vel in omne genus hominum, fama meritorum.

IX. Haec igitur tibi reliqua pars est; hic restat actus; in hoc elaborandum est, ut rempublicam constituas, eaque tu in primis composita cum summa tranquillitate et otio perfruare: tum te, si voles, quum et patriae, quod debes, solveris, et naturam ipsam expleveris satietate vivendi, satis diu vixisse dicito. Quid est enim omnino hoc ipsum diu, in quo est aliquid extremum? quod quum venit, omnis voluptas praeterita pro nihilo est, quia postea nulla futura est: quamquam iste tuus animus nunquam his angustiis, quas natura nobis ad vivendum dedit, contentus fuit, semperque immortalitatis amore flagravit. Nec vero haec tua vita dicenda est, quae corpore et spiritu continetur. Illa, illa inquam, vita est tua, quae vigebit memoria saeculorum omnium; quam posteritas alet, quam ipsa aeternitas semper tuebitur. Huic tu inservias, huic te ostentes, oportet: quæ quidem, quae miretur, iam pridem multa habet: nunc etiam, quae laudet, expectat. Obstupescant posterius certe imperia, provincias, Rhenum, Oceanum, Nilum, pugnas innumerabiles, incredibiles victorias,

CAP. IX. *Quid est enim hoc ipsum diu*) Contra illam sententiam quam dixit: *Satis vel naturae vixi*. Modo ostendit nec naturæ satis vixisse. ID. — *Obstupescant posterius certe imperia*) Quæ laudet spectat, et quæ est

Ille restat actus) tanquam fabulæ; qui debet esse ultimo loco perfectissimus. Quæ sententia scripsit ad Q. fratrem: *Illud te ad extremum et oro et hortor, ut, tanquam poetae boni et actores industrii solent, sic tu in extrema parte, et conclusionem moneas, ac negotia tua diligentissimus sis, ut hic tertius annus imperii tui, tanquam tertius actus, perfectissimus atque ornatus fuisse videatur*. M.

Tu in primis composita) *Composita* MSS. aliquot bonis abest idque sustulerunt Færn. Lamb. Græv.

Venit — futura est) Sic Græv. Eru. c. cod. Erf. aliisque. Vulgo *venit — futura sit*.

Rhenum) Germanos a te victos. *Oceanum*, Britannos. *Nilum*, Alaudrinus. *Monumenta* a te extracta. *Munera* a te publice data. Max.

monumenta, munera, triumphos audientes et legentes tuos. Sed, nisi haec urbs stabilita tuis consiliis et institutis erit, vagabitur modo nomen tuum longe atque late: sedem quidem stabilem et domicilium certum non habebit. Erit inter eos etiam, qui nascentur, sicut inter nos fuit, magna dissensio, quum alii laudibus ad caelum res tuas gestas efferent, alii fortasse aliquid requirent, idque vel maximum; nisi belli civilis incendium salute patriae restinxeris; ut illud fati fuisse videatur, hoc consilii. Servi igitur iis etiam iudicibus, qui multis post saeculis de te iudicabunt, et quidem haud scio, an incorruptius, quam nos. Nam et sine amore et sine cupiditate, et rursus sine odio et sine invidia iudicabunt. Id autem etiamsi tunc ad te, ut quidam falso putant, non pertinebit: nunc certe pertinet, esse te talem, ut tuas laudes obscuratura nulla unquam sit oblivio.

X. Diversae voluntates civium fuerunt, distractaeque sententiae. Non enim consiliis solum et studiis, sed armis etiam et castris dissidebamus. Erat autem obscuritas quaedam; erat certamen inter clarissimos duces; multi dubitabant, quid optimum esset; multi, quid sibi expediret; multi, quid deceret; nonnulli etiam, quid liceret. Perfuncta respublica est hoc mi-

laus. *Id.* — *Dissensio*) Bellum civile. *Id.* — *Requirent alii fortasse*) Alii inquit, te habent laudare, alii reprehendere quia dixit * *. *Id.* — *incendium restinxeris*) Vi illud civile. *Id.* — *Hoc consilii*) Salus rei publicae. — *An incorruptius*) Quasi et nos incorrupte iudicemus; ne videatur blandiri. *Id.* — *Et quidam falso putant*) Epicurei dicunt: post mortem nihil. *Id.* — *Pertinet*) Sed sic quia verum dicunt. Interim dum vivo laudabilem factorum de me esse sumam. *Id.*

CAP. X. *Diversae voluntates civium*) Ad suum posuit causam erroris, ut venialis locus sit contra eos, qui assumpserunt arma. *Id.* — *Multi quid so*

Monumenta, munera) Enestius *Et quidam falso putant*) Mori cum reposit ex edd. velt. ut Iunt. et MSS. corpore animam credentes. M. nonnullis monumenta munera.

sero fatalique bello; vicit is, qui non fortuna inflammaret odium suum, sed bonitate leniret; neque omnes, quibus iratus esset, eosdem etiam exsilio aut morte dignos iudicaret. Arma ab aliis posita, ab aliis erepta sunt. Ingratus est iniustusque civis, qui armorum periculo liberatus, animum tamen retinet armatum: ut etiam ille sit melior, qui in acie cecidit, qui in causa animam profudit. Quae enim pertinacia quibusdam, eadem aliis constantia videri potest. Sed iam omnis fracta dissensio est armis, et exstincta aequitate victoris: restat, ut omnes unum velint, qui modo habent aliquid non solum sapientiae, sed etiam sanitatis. Nisi te, C. Caesar, salvo, et in ista sententia, qua quum antea, tum hodie vel maxime usus es, manente, salvi esse non possumus. Quare omnes te, qui haec salva esse volumus, et hortamur, et obsecramus, ut vitae, ut saluti tuae consulas: omnesque tibi, ut pro aliis etiam loquar, quod de me ipse sentio, quoniam subesse aliquid putas, quod cavendum sit, non modo excubias et custodias, sed etiam laterum nostrorum oppositus et corporum pollicemur.

deceret) Ostende necessitatem. *Id.* — *Arma ab aliis posita*) Sponte posita. *Id.* — *Arma ab aliis posita*) Quoniam dignos scilicet Caesar sua clementia indicavit. Coudemnat enim propositum suum, qui voluntate arma deponit. *ex Asc.* — *Ab aliis erepta* (1) In quos scilicet Caesar animadvertit: quibus etiam fractis et comminatis opibus inerat tamen pertinacia resistendi. *Id.* — *Erepta*) A victis. *AN.* — *Inter constantiam et pertinaciam*) Perseverare cum Pompeio constantia est; post Pompeii mortem adhuc tenere suum armatum iam non est constantiae, sed pertinaciae. *ANON.* — *Et omnes unum velint*) quis dicebat timendas esse insidias. Purgavit coniecturalem partem, redit ad gratias, unde coepit oratio.

Arma ab aliis posita, ab aliis erepta sunt) Alii post pugnam Pharsalicam deposuerunt arma, ut Cicero et plures alii: aliis vero detracta et erepta sunt arma, nimirum qui illa resum-

pserunt, et in Africa renovarunt bellum civile, hic quum vincerentur extorcia sunt arma, ut cogerentur illa abicere. *GRÆV.*

XI. Sed, unde est orsa, in eodem terminetur oratio. Maximas tibi omnes gratias agimus, C. Caesar, maiores etiam habemus. Nam omnes idem sentiunt; quod ex omnium precibus et lacrymis sentire potuisti; sed quia non est stantibus omnibus necesse dicere, a me certe dici volunt, cui necesse est quodammodo, et quod volunt, et quod decet, et quod M. Marcello, a te huic ordini populoque romano et reipublicae reddito, deberi intelligo. Nam laetari omnes, non ut de unius solum, sed ut de communi omnium salute, sentio: quod autem summae benivolentiae est, quae mea erga illum omnibus semper nota fuit, ut vix C. Marcello, optimo et amantissimo fratri, praeter eum quidem, cederem nemini, quum id sollicitudine, cura, labore tamdiu praestiterim, quamdiu est de illius salute dubitatum, certe hoc tempore, magnis curis, molestiis, doloribus liberatus, praestare debeo. Itaque, C. Caesar, sic tibi gratias ago, ut omnibus me rebus a te non conservato solum, sed etiam ornato, tamen ad tua in me unum innumerabilia merita, quod fieri

CAP. XI. *Maximas omnes tibi gratias agimus*) Quare plurimum * * * Id. — *A me dici volunt*) Quia amicus Marcello sum; quare te diligunt, quia nulli cedo in amore Marcelli nisi fratri. Id. — *Quum ea sollicitudine*) Quia sollicitus de illo fui. Id. — *Non conservato*) Quia salutem accepit. Id. — *Sed etiam ornato*) Quia dictator Cicero factus est Italiae (*).

Stantibus omnibus) E more veteri Senatorum, qui aut sententiam suam ipsi, et si quid vellent praeterea, dicebant, idque stantes: aut quibus videbatur assentiebantur sedentes. Epistola ad Q. Metellum. Grit.

Deberi intelligo) Sic Ern. e MSS. Lambini. Vulg. fieri.

Ad tua in me unum innumerabilia merita) Vis est in singulis verbis.

Primum merita vocat, quae maiora sunt, quam studia, officia, beneficia: deinde addit *innumerabilia*: postremo *in me unum*. Haec augeri non videntur posse: augentur tamen subiectis verbis, *maximus cumulus accesserit*. Non enim aliquid ait accessisse, sed cumulum; nec simpliciter cumulum, sed maximum. Eodem id pertinet, *quod fieri iam posse non*

(*) Iure iam Wolfius risit hoc Scholiastae somnium.

iam posse non arbitrabar, maximus hoc tuo facto cumulus accesserit.

arbitrabar. Nec illud sine iudicio prolatum, hoc tuo facto. Nam hoc tuo merito languidius esse videbatur, praesertim quum dixisset, Ad tua

innumeralia in me unum merita; quae Marcelli salute vehementer aucta significat. MAN.

AD SCHOLIA ANTIQVA

IN ORAT. PRO MARCELLO

- (1) Vt patent lucidius has notas esse antiquas, subiiciam e cod. Q. 17, part. Imp. saec. XV (bibl. Ambrosianae) ineptissimam aliam notam ad hunc ipsum locum. Sic constabit quantum inter antiquorum et sequiorum temporum scripta intersit:

Curriculo) Est diminutivum de curia (!) vel dicitur a Cicerone, quod consulares, qui conveniebant in eo loco, habebant tractare ardua. Et ideo qui illuc ibant, tanta frequentia incolebant ut currere viderentur (!).

Hactenus ille. MAIVS.

- (2) Praepositionem *ab* tollendam censuerunt Critici ex h. l. Ciceronis, sed enim eam codices Ambrosiani miro consensu retinent. Id.

M. TVLLII CICERONIS
ORATIONVM FRAGMENTA

NOVIS ACCESSIONIBVS EX PALIMPSESTIS

INSIGNITER AVCTA

AC NVNC PRIMVM COLLECTA

SVBIECTIS VIRORVVM DOCTORVM ANIMADVERSIONIBVS

QVAE ANTEA MAGNO CVM LABORE TAEDISCOQVE

HYC ILLVC DISPERSAE LEGEBANTVR

ORATIO

PRO

M. SCAURO.

ARGUMENTVM ASCONII PEDIANI

Hanc quoque Orationem eisdem Consulibus dixit, quibus pro Vatinsio (1), L. Domitio Abenobarbo et Appio Claudio Pulchro Coss. Summus iudicii dies fuit ad iv nonas septembris. M. enim Scaurus, M. Scauri filius, qui princeps Senatus fuit, vitricum habuit Sullam; quo victore, et munifico in socios victoriae, ita abstinens fuit, ut nihil neque donari sibi volnerit, neque ab hasta emerit. Aedilitatem summa magnificentia gessit (2), adeo ut in eius impensas opes suas absumpserit, magnamque aes alienum contraxerit. Ex praetura provinciam Sardiniam obtinuit: in qua neque satis abstinenter se gessisse existimatus est, et valde arroganter. Quod genus morum in eo paternum videbatur, quum cetera industria nequaquam esset par. Oraverat tamen aliquando inter patronos causarum. Sed postquam ex provincia redierat, dixerat pro C. Catone (3), isque erat absolutus ad iiii nonas quintil. Ipse, quum ad Consulatus petitionem ad iiii cal. quint. Romam redisset, querentibus de eo Sardis, a P. Valerio

(1) P. Vatinsio, illo, in quem exstat Ciceronis interrogatio vehemens, cuiusque hoc anno causam dixit, quum esset accusatus de ambitu. Vide Epist. ad famil. I, 9, ad Q. fr. II, 16, et utrobique summum interpretem P. Manutium; item Quintilianum XI, 1, 73, et ad eundem VI, 1, 13. Ge. L. Spaldingium. Consulatum istorum et harum causarum annus, magnis contentioneibus tractisque vi tribuniciis in septimum mensem consularibus comitiis tur-

bulentus, V. C. 700, a. Chr. 54. Conf. Pighii Annal. Rom. ad ann. 699, t. III, p. 393. HEINRICH.

(2) Adi Valerium Max. II, 4, 6, 7; Plinium XXXVI, 15. PERA.

(3) Qui fuerat tribunus plebis a. V. C. 698, et nunc reus agebatur lege Licinia Iunia. Eius res apud Ciceronem et Dionem, Livium Epit. 105, et Nonium in v. *Rumor*, ex Annal. Fenestellae. Cf. Manutium in Epist. ad Attic. IV, 17, et Pighium p. 381. HEINA.

Triario adolescente parato ad dicendum et notae industriae, filio eius, qui in Sardinia contra M. Lepidum arma tulerat, et post in Asia Pontoque legatus L. Luculli fuerat, quum is bellum contra Mithridatem gereret, postulatus apud M. Catonem praelorem repetundarum, ut in actis scriptum est, postridie nonas quintil. post diem tertium, quum C. Cato erat absolutus. Subscripserunt Triario in Scaurum L. Marius L. F., M. et Q. Pacuvii fratres, cognomine Claudii: qui inquisitionem in Sardiniam itemque in Corsicam insulas dies tricecos acceperunt, neque profecti sunt ad inquirendum. Cuius rei hanc causam reddebant, quod interea comitia consularia futura erant; timere ergo se, ne Scaurus ea pecunia, quum ab sociis abstulisset emeret consulatum, et, sicut pater eius fecisset, antequam de eo iudicari posset, magistratum iniret, ac rursus ante alias provincias spoliaret, quam rationem prioris administrationis redderet. Scaurus summam fiduciam in paterni nominis dignitate, magnam in Cn. Pompeii Magni reponebat (1). Habebat enim

(1) « M. Aemilius Scaurus repetundarum reus, adeo perditum et comploratam defensionem in iudicium attulit, ut, quum accusator diceret, *lege sibi centum atque viginti hominibus denuntiare testimonium licere, seque non recusare, quo minus absolveretur, si totidem nominosset, quibus in provincia nihil abstulisset*, tam bona conditione uti non potuerit. Tamen propter « vetustissimam nobilitatem et recentem memoriam patris absolutus est. » Haec Valerius Max. VIII, 1, 10. Paria Cicero ad Attic. IV, 15: « Fortasse etiam accedent consules designati, in quibus si Scaurus non fuerit, in hoc iudicio valde laborabit » significans causae ipsi haud multum fuisse. Duplex porro crimen fuit Scauro obiectum ab accusatore, interemptio Bostaris Sardi hominis, et depredatio Sardiniae. De nece Bostaris a Scauro illata testimonium dicebat Aris, Sardus, hospes Triarii, contendens Bostarem quendam Noresensem fugientem e Sardinia Scauri

adventum (Severianus Syntom. rhet. cap. de dispon. crimin.) Scauri iussu fuisse interfectum. Cicero vero pro Scauro circa mortem Bostaris in matrem avertens crimen (Quintil. VII, 2) felici usus est ἀντιπαρρηγορία, contendens matrem novas nuptias cum Arine affectantem curasse interimendum filium Bostarem, qui, uti probabile sit, matrimonio reluctabatur; quod scelus novo scelere confirmat, narrans, Arinem, ut vacuum domum amasiae faceret, per libertum occidisse uxorem suam animum defurmem. Alterum vero crimen dissoluturus Tullius 1.^o demonstrat dolosum esse accusationis genus, ac comitiorum consularium causa comparatum; 2.^o elevare satagit gentis Sardae testimonium, testium enim numero et gravitate premebatur Cicero; 3.^o de Scauro pauca dicit; 4.^o ad fragmentarium crimen apposite respondet. Peroratio ducta est a laudibus maiorum, imprimisque Metellorum, et patris Aemilii Scauri principis Senatus. Haec fuisse Ora-

filium, liberorum Cn. Pompeii fratrem: nam tertiam Scaevolae filiam, dimissam a Pompeio, in matrimonium duxerat. M. Catonem autem, qui id iudicium, ut diximus, exercebat, metuebat admodum propter amicitiam, quae erat illi eum Triario: nam Flaminia Triarii mater, et ipse Triarius sororem Catonis Serviliam, quae mater M. Bruti fuit, familiariter diligebat; ea porro apud Catonem maternam obtinebat auctoritatem. Sed in eo iudicio neque Pompeius propensum adiutorium praeiuit (1) (videbatur enim apud animum eius non minus offensionis contraxisse, quod iudicium eius in Muciam, erimine impudicitiae ab eo dimissam, levius fecisse existimaretur; quum eam ipse probasset, quam gratiae acquisisse necessitudinis iure, quod ex ea uterque liberos haberet) neque Cato ab aequitate ea, quae et vitam eius et magistratum illum decebat, quoquam deflexit. Post diem autem quartum, quam postulatus erat Scaurus, Faustus Sulla, tum quaestor, filius Sullae Felicis, frater ex eadem matre Scauri, servis eius vulneratis prosiluit ex lectica, et questus est, prope interemptum esse se a competitoribus Scauri (2), et ambulare eum trecentis armatis, sequi, si necesse esset, vim vi repulsurum. Defenderunt Scaurum sex patroni, quum ad id tempus raro quisquam pluribus quam quatuor uteretur: ac (3) post bella civilia ante legem Iuliam ad duodenos patronos est perventum. Fuerunt autem hi P. Clodius Puleher, M. Marcellus, M. Calidius, M. Cicero, M. Messala Niger, Q. Hortensius. Ipse quoque Scaurus dixit pro se, ac magno opere iudices movit et squalore et lacrimis et aedilitatis effusae (4) memoria,

tionis oeconomiam atque ordinem videor recte augurari ex fragmentis, quae supersunt. PRYR.

(1) In Pompeii patrocinio multum etiam momenti ponebat Scaurus consulatum petens, sed quantum hac spe frustratus fuerit vide nos in nota ad §. 32. ID.

(2) Legebant editiones: *servus eius vulneratus prosiluit ex lectica, et questus est pro interempto esse competitoribus Scauri*. Cl.^{us} Mai ex fide codicis Ambrosiani legit quod *servus eius*, et haec particula cor-

ruptelam non sanat. Equidem emendationem admisi, quam ex coniectura Heinrichius proposuit. ID.

(3) *Ac Sigonii est: at Hotomani et Graevii. Neutrum puto scripsisse auctorem, sed potius atque i. e. et adeo. Legem Iuliam dicit illam nobilissimam de repetundis, latam a Caesare in primo consulatu a. V. 695. Et constat, uno Asconio teste, etiam ad patronos pertinuisse hanc legem.* HENR.

(4) *Erat apud omnes effusa iunctum cum memoria. Correxii. ID.*

ac favore populari, ac praecipue paternae auctoritatis recordatione (1).

(1) Vix erat Scaurus repetundarum crimine liberatus, quum reus ambitus postulatus est ab eodem Triario, aut a L. Caesare. Ita enim Cicero: « Tres candidati fore rei putabantur, Domitius a Memmio, Messala a Q. Pompeio Rufo, Scaurus a Triario aut a L. Caesare. Quid poteris, inquires, pro his dicere? Ne vivam, si scio » ad Attic. IV, 16. « Candidati consulares omnes rei ambitus . . . sed omnes absolventur; nec posthac quisquam damnabitur, nisi qui hominem occiderit » ibid. « Scaurum Triarius reum fecit » ad Attic. IV, 17. « Candidati consulares quatuor, omnes rei. Causae sunt difficiles, sed eutemur ut Messala noster salvus sit, quod est etiam cum reliquorum salute coniunctum » ad Q. fr. III, 3. Iam vero haec accusationes in Scaurum mihi etiam consilio institutae videntur competitorum, qui invidiam illi creandam

curabant comitiorum tempore; neque spes illos fecellit; licet enim ex utroque iudicio absolutus abisset, haud tamen fasces consulares consequi potuit. Tollianae Orationis pro Scauro ambitus reo nulla fragmenta supersunt, neque magnificas laudes dixit erudita antiquitas; neque enim, ut mea fert sententia, fuit illa iusta atque elaborata oratio, seu quia Tullius patrocinium susceperat clientia, quem revera reum existimabat, seu quia in Messala defendendo potius emitebatur. Contra, alteram pro eodem Scauro repetundarum reo absolutam fuisse atque ornatissimam orationem, evincunt haec Ciceronis loca: *Orationes efflagitatas pro Scauro et pro Plancio absolvi* ad Q. fr. III, 1. *Scaurus qui erat paucis diebus illis absolutus, quum ego partem eius ornatissime defendissem* etc.; evincunt etiam fragmenta ipsa, quae sequuntur. PERA.

ORATIONIS

PRO

M. AEMILIO SCAURO

FRAGMENTA

AD FIDEM RECENSIONIS CL. PROF. PEYRONI

Maxime fuit optandum M. Scauro, iudices, ut, nullo, suscepto cuiusquam odio, sine offensione ac molestia

.
Sic, inquam, se, iudices, res habet, neque hoc a me

1. *Maxime fuit*) Hoc fragmentum laudant Augustinus et Fortunatianus in sua interque Rhetorica, atque ille quidem his verbis (Augustinus *Principia Rhetor.* sub finem): « Sed ut limpidius hoc genus principiandi deprehendatur, dabo exemplum, quod habuit M. Tullius, quum pro M. Scauro loqueretur. Erat enim controversia ἀμφισβητος, quippe quas niteretur dignitate personae M. Scauri, premeretur turpitudine criminis de pecuniis repetundis. Vtrumque in principiis statim ita confudit orator, ut et turpitudinem criminis dignitate personae contegerit, neque tamen largiter nimium, neque exultanter, sed ita ut exprimat nonnullam etiam metus suspicionem. *Maxime fuit optandum* etc.» Porro haec esse prima exordii verba cum Sigonio sensit Cl. Mai. PEYR. (quod Viri Cl. nomen in sequentibus omitam, quum perpaucas aliorum virorum notas in hac

et in sequenti pro Tullio adirecerim. TYP.)

Sic inquam — potuit imitari) Haec ex Asconii fragmentis exscripsi, simulque praemittenda duxi. Nam, ut viderat Sigonius (in notis ad Asconium ad h. l.) « Haec exempla sunt eorum, qui sibi in bello manus attulerunt, ut P. Crassi, qui in bello Aristonici in Asia captus, barbarum, a quo captus erat, ut se interficeret, provocavit; aut alterius P. Crassi, qui in dominatione L. Cinnae, ne in manus inimicorum incidaret, sibi mortem conscivit. Quos tamen neque M. Aquilius, neque Iulii dno, neque M. Antonius potuerant imitari. Hoc est autem quod scribit Quintilianus lib. IV, cap. 1, Ciceroem pro Scauro repetundarum reo usum esse exemplis. » Atqui Tullius in primo Taurinensis codicis fragmento de voluntaria morte disserit; paria ergo paribus coniungenda duxi. Hanc vero crediderim

novum disputatur, sed quaesitum ab aliis est. Illa audivimus; hoc vero meminimus ac paene vidimus, eiusdem stirpis et nominis P. Crassum, ne in manus² incideret inimicorum, se ipsum interimisse¹. Ac neque illius Crassi factum superioris, iisdem honoribus usus, qui fortissimus in bellis fuisset, M' Aquilius potuit imitari²; tis suae rerumque

(1) Hic Crassus fuit pater Crassi eius, qui semulus potentiae Cn. Pompeii fuit. Perijt autem in dominatione L. Cinnae, quum ille et alios principes optimatum, et collegam suum Cn. Octavium occidit. Asc.

(2) Haec verba, quibus Cicero nunc utitur AC NEQVE, tam videntur habere naturam, ut semel poni non soleant: quia NEQVE est coniunctio

postremam fuisse partem disputationis, in qua Tullius quaerebat ex quibus causis mors eveniat repentina. Enimvero haec sibi proposuisse questionem quum praesensum est ex indole causae, in qua de repentina morte Bostaris, et uxori Ariniae cognoscendum erat, tum conceptis verbis tradit Marcianus Capella inquitens (lib. V, c. *quaestio rhetoricae aut finita etc.*): « An aliud in Scaurina succurrit, quum, interposita dissertatione, tractatur ex quibus causis mors eveniat repentina? » Quae quum ita sint, atque Ascovius tradat circa tertiam partem a primo verso haec locum habuisse, iam quisque videt tertiam Orationis partem a nobis desiderari. Dixerat paulo supra Sigonius exempla a Quintiliano commemorata esse intelligenda de hac interposita dissertatione: mihi vero Quintilianus inuisse videtur Orationis exordium. De exordiis enim toto illo capite disputans, post laudata prima verba Declamationis Sallustii in Ciceronem, et Ciceronis in Catilinam, subdit: « Ac, ne quis apostropham miretur, idem Cicero pro Scauro ambitus reo, quae causa est in commentariis (nam bis eundem defendit) prosopopoeia

loquentis pro reo utitur; pro Rabirio vero Postumo, eodemque Scauro reo repetundarum, etiam exemplis; pro Cluentio, ut modo ostendi, partitione. » Sane exordium Orationis pro Rabirio Postumo habet exempla, quae Tullius concludit inquitens *Sint igitur similia, iudices, parva magnis*; a partitione exorditur Oratio pro Cluentio. Itidem ergo exordium Scaurinae a Quintiliano indicatum fuisse credo.

P. Crassum) Hunc in seditione Marti *supte interfectum manu* dixit Tullius de Orator. III, 3. Meminerat autem, ac pacae viderat casum, qui anno V. C. 667 contigerat.

2. Illius Crassi—superioris) Hunc ergo superius commemoraverat. P. Crassum Mucianum divitem, captum in bello Aristonici, operam dedisse, ut a barbaro interficeretur, cum Asconio narrat Valerius Maximus III, 2, 12; mitto enim aliorum scriptorum sententias, quas legeris in Adnotat. ad Velleium Pat. II, 4. Porro haec audiverat Cicero, quippe quae ante se natum evenerant.

Manius Aquilius) Hic consul anno V. C. 652, tum legatus in bello Mithridatico (Epitome Liviana LXXVIII), atque adeo iisdem honoribus usus,

gestarum senectutis dedecore foedavit. Quid vero?

disiunctiva, et semper postulat ut rursus inferatur, ut quum dicimus *neque hoc, neque illud*. Quo autem casu acciderit, quave ratione, ut hoc loco Cicero hoc verbo ita usus sit, praesertim quum adiecerit illam appositionem, et nomen intulerit postea alterum, neque perspicere potui, et attendendum esse valde puto. Moveor enim merita viri auctoritate; neque ignoro aliquando hoc verbum NEQUE vel semel poni, ut in eadem hac oratione ante ipse Cicero posuit. *Sic, inquam, en, iudices, res habet, neque hoc a me novum disputatur, sed quaesitum ab aliis est*. Sed hoc loco et sine praepositione illius verbi videmus esse positum, et tamen post secundum aliquid inferri. Nam quum dixerit *neque hoc a me novum disputatur*, infert: *sed quaesitum ab aliis est*. Ase. Clar.^{um} Mai monet ab altero co-

ae Crassus Muciauus, fuit in bellis fortissimus, ut illum multis avaritiae criminibus testimoniisque convictum, quia cum fugitivis fortiter bellum gesserat, iudicia liberaverint iudices (Cicero pro Flacco 39). Varia de Aquilii morte memoriae sunt prodita. Diodorus Siculus (Fragm. lib. XXXVII) perhibet violentas in se manus intulisse, ut propositos cruciatus fugeret; quam sententiam refutant quum Diodori adnotatores, tum maxime hic Ciceronis locus. Vana etiam narrat Velleius Paternulus (lib. II, XVIII, 3) scribens a Mytilenaeis M' Aquilius vinctum Mithridati fuisse traditum, cui libertas in unius Theophrasti gratiam postea a Pompeia restituta est. At Appianus (de Bello Mithr. 21) refert Mithridatem, a quo Aquilius vivus fuerat captus, iussisse vinctum hunc asinoque impositum circumvehi, tum Pergami antrum liquefactum in os eius infundi; nec a Valerio longe ablit Posidonius (apud Athenaeum V, 50, ed. Schweigh.). Quum probrosissimam Aquilii mortem innoiscent mihi Tullius videtur his verbis (pro Lege Man. 5): « vos cum regem (Mithridat.) inultum esse patiimini, qui legatum populi romani, consularem, vinculis ac verberibus, atque

omni supplicio excruciatum necavit? » Aquilius ergo vivum a Mithridate captum, atque post exquisita supplicia necatum, cum potius auctoribus credebat Tullius, recteque adeo urgebat exempla Crassi. Paria enim erant omnia, pares honores, par casus, uterque in hostis manus venerat vivus; at illud fuit dissimile, quod Crassus, morte in se provocata, remedium turpissimae captivitatis quaesivit, contra Aquilius vir cetera fortissimus in bellis, per summam animi imbecillitatem, quum sibi gloriosa extinguere posset, Mithridati maluit turpiter servire. Quem ne aliquis merita dixerit Pontico supplicia, quam Romano imperio digniorem? uti apposita de Aquilio scribit Valerius Maximus (lib. IX, 13, 1). Quum itaque de Aquilio merito pronuntiari possit memoriam virtutis suae, rectumque gestarum, senectutis dedecore foedasse, atque Asconius tradit paulo post illa verba potuit imitari haec sequi: *Quid vero? alterum Crassum, tum persuasum habeo prima Taurinensis fragmenti verba — tis suae rerumque gestarum senectutis dedecora foedavit de Aquilio esse intelligenda.*

Quid vero? Haec servaverat etiam Asconius.

Alterum Crassum temporibus isdem, num aut clarissimi viri Iulii, aut summo imperio praeditus³ M. Antonius potuit imitari? Quid? In omnibus monumentis Graeciae, quae sunt verbis ornatiora, quam rebus, quis invenitur, quum ab Aiace

dicere Ambrosiano totam abesse hanc particulam orationis *sed hoc loco etc.* alterum vero codicem legere *sed hoc loco ut sine praepositione illius verbi videamus esse positum, et tamen quo sit secundum etc.*

(1) Hic alter Crassus idem est de quo supra diximus. Alterum autem cum appellat, quia ante mentionem fecit P. Crassi, qui fuit pontifex maximus, et bello Aristonaei in Asia dedit operam ut occideretur. Iulius autem quum dicit, duos Caesares fratres Caium et Lucium significat; ex quibus Lucius et praetor et consul fuit; Caius aedilitius quidem occisus est, sed tantum in civitate potuit, ut causa belli civilis contentio eius cum Sulpitio tribuno fuerit. Nam et sperabat et id agebat Caesar, ut, omissa praetura, consul fieret; cui quum primis temporibus iure Sulpitius resisteret, postea nimis contentione ad ferrum et ad arma processit. Idem inter primos temporis sui oratores, et tragicus poeta bonus admodum habitus est; huius sunt enim tragoediae, quae inscribantur *Iulii*. Et hi autem Iulii, et Antonius ab satellitibus Marii sunt occisi, quum Crassus, ut supra diximus, eundem casum sua manu praevenisset. Asc.

Temporibus isdem) Mortes M. Antonii, germanorum fratrum C. et L. Iulii, atque P. Crassi ita narrat Appianus (*de Bellis Civ.* I, 72), ne si eodem anno V. C. 667 contigissent. Horum etiam virorum fata coniunxerat Cicero (*de Oratore* III, 3), ut bestiam fuisse mortem L. Crassi evinceret, qui hocce horribiles miserosque casus haud viderat.

Summo imperio) Asconius legit *summo ingenio*, quo M. Antonium fuisse praeditum saepe testatus est Cicero, in primis vero *de Oratore* III, 4. Sed, hac admissa lectione, sequeretur voluntariam mortem ex ingenii vi ita esse repetendam, ut quo maiore quis polleat ingenii acie, eo aptior sit ad animam ultro proiciendum; quod veretur, ne probent omnes. Illa enim melius est accessen-

da ex animi, ut dicere ament, magnitudinis servitutis ac dedecoris impatiens, quae ex educatione, patriae institutis, religione fingitur, atque laudibus exemplisque confirmatur, minimum vero ex ingenio meditationibus subaecto, cuiusmodi illud erat M. Antonii. Sane Tullius in Iuliorum fratrum ignobili dedecore ponit mortem expectasse, quum essent genero atque rebus gestis *clarissimi*; par ergo probum Antonio obiectat, quod vir *summo imperio* praeditus sicariis Marii servilem poenam dederit. Summum autem imperium quum Tullius plus semel tribuat Quinto fratri Asiae praetori, adeoque nulla militari potestate insignito, tum potiori iure dicendus erit tribuisse Antonio viro consulari, qui Ciliciam Proconsul rexerat, atque censuram Romae exercuerat.

fabulisque discesseris, qui tamen ipse ignominiae dolore, ut ait poëta, victor insolens se victum non potuit pati, praeter Atheniensem Themistoclem, qui se ipse morte multavit? At Graeculi quidem multa fingunt; apud quos etiam Cleombrotum Ambraciotam ferunt se ex altissimo praecipitasse muro, non quod acerbitalis accepisset aliquid, sed ut video scriptum apud Graecos, quum summi philosophi Platonis graviter et ornate scriptum librum de morte legisset, in quo, ut opinor, Socrates illo ipso die, quo erat ei moriundum, per multa disputat, hanc esse mortem, quam nos vitam putaremus, quum corpori animus tanquam carcere saeptus teneretur, vitam autem esse eam, quum idem animus vinclis corporis liberatus in eum se locum, unde esset ortus, retulisset. Num igitur ista tua Sarda Pythagoram aut Platonem norat,

3. *Et ait poëta*) Quis iste sit poëta mihi non liquet. Frostra inter Enuli fragments locum quaesivi.

Themistoclem) Codex *M. Themistoclem*; amanuensis pro more gentis suae perperam praenomen induxit. Legenti locum de *Cl. Oratoribus* 10, 11, potestit Tullium de morte Themistoclis dabitasse, utrum iste consuetum iracundiae spontanea morte sedaverit; an, quum in Attica clam fuisset hematus, rhetores, ut aliquid dicere possent argutius, clementi fuerint mortem generosam. Neganti enim Attico Tullius respondet *Sit sane, ut lubet, de isto*.

4. *Cleombrotum*) Est in codice *Theombrotum Ambrociotam*. De eo ita Cicero *Tuscul.* I, 35: « Callimachi quidam epigramma in Ambraciotam Cleombrotum est: quem ait, quum ei nihil accidisset adversi, e muro se in mare abiecinse, lecto Platonis libro. » Vide Callimachi Epigr. XXIV,

Ovidium in *Ibin* vs. 493, Lactantium *Divin. Instit.* III, 18, Augustinum de *Civit. Dei* I, 22.

Non quod) Codex non quo.

Hanc esse mortem) *Il vivunt qui ex corporum vinculis, tanquam e carcere, evolaverunt: vestra vero quae dicitur vita, mors est.* Soma. Scipion. Lege Platonis *Phaedon.* et *Gorg.*

5. *Ista tua Sarda*) Nempe Ariniae uxor, cuius repentinae mortem leviter quodam loco suae Orationis attingens accusator (neque enim e re sua erat illam fuisse dissimulare) narraverat *vita illam mulierem spoliari, quoniam pudicitia maluisse, ut iudices intelligerent de pudicitia tentatam morte se multasse.* Quare Tullius post alias enumeratas repentinae mortis causas (quae pars Orationis desideratur) ad voluntariam necem necessario veniens, hanc in Sarda facit improbabilem; 1.^o ex historia sequi latine, seu

- aut legerat? Qui tamen ipsi mortem ita laudant, ut fugere vitam vetent, atque id contra foedus fieri dicant legemque naturae. Aliam quidem causam mortis voluntariae nullam profecto iustam reperietis. Atque hoc ille vidit. Nam legit quodam loco, vita illam mulierem spoliari, quam pudicitia maluisse. Sed refugit statim, nec de pudicitia plura dixit, veritus, credo, ne quem inridendi nobis daret et iocandi locum; constat enim illam cum deformitate summa fuisse, tum etiam senectute. Quare quae potest, quamvis salsa ista Sarda fuerit, ulla libidinis aut amoris esse suspicio?
- 7 Ac ne existimes, Triari, quod adferam in dicendo me fingere ipsum, et non a reo causam cognoscere, explicabo tibi quae fuerint opiniones in Sardinia de istius mulieris morte, nam fuerunt duae, quo etiam facilius
- 8 Te dixi libidinosam atque improbam matrem infami ac noto adulterio iamdiu diligebat is, quum hanc

graeca, quae rarissima refert exempla virorum, qui lucem perosi proiecerint animas; 2.^o ex illiterato mulieris ingenio, orque enim Pythagorae aut Platonem sibi ignotos legerat, quorum scitis de anima, de morte, de futura animi conditione adeo, uti Cleombrotus, incenderetur, ut vitam fugere vellet; 3.^o ex causa a Platone commemorata, quae deerat. Deerat etiam illa, quam Triarius praetexebat; eoque enim in sua deformi esse potest libidinis, aut amoris suspicio?

Aliam quidem causam) nisi quam Deus dederit. Ita enim Cicero *Tusc.* 1, 30: «Cato autem sic abiit e vita, ut causam mori uod nactum se esse gauderet. Vetat enim dominans ille in nobis Deus infusa hinc nos suo demigrare: quum vero causam iustam

deus ipse dederit, ut tunc Socrati, nunc Catoni, saepe multis, nae ille medius fidius vir sapiens laetus ex his teoebis in lucem illam excesserit; nec tamen illa vincula carceris ruperit, leges enim vetant, sed tanquam a magistratu aut ab aliquo potestate legitimo, sic a deo avocatus atque emissus exierit.»

8. *Te dixi libidinosam*) In postremis superioris fragmenti verbis Tullius promiserat se explicatorem, quae fuerint opiniones in Sardinia de morte uxoris Arius; duas vero esse statuerat. Proximum ergo sequi debet hoc fragmentum, in quo duplicem opinionem exposuit.

Diligebat is) Heinrichus coniecit legendum *diligebat Ari*; haud video corruptum esse locum.

suam uxorem anum, et locupletem et molestam timeret; neque eam habere in matrimonio propter foeditatem, neque dimittere propter dotem volebat. Itaque compecto cum matre Bostaris consilium cepit, ut uterque Romam veniret; ibi se aliquam rationem inventurum, quemadmodum illam uxorem duceret, confirmavit.

Hic opinio fuit, ut dixi, duplex. Vna non abhorrens a statu naturaque rerum: Arinis uxorem paelicatus dolore concitatam, quum audisset Arinem cum illa sua metus et fugae simulatione Romam se contulisse, ut, quum antea consuetudo inter eos fuisset, tum etiam nuptiis iungerentur, arsisse dolore muliebri, et mori, quam id perpeti, maluisse. Altera non minus verisimilis, et, ut opinor, in Sardinia magis etiam credita, Arinem istum testem atque hospitem, Triari, tuum proficiscentem Romam negotium dedisse liberto, ut illi aniculae non ille quidem vim adferret

Compecto) Plautus in *Pseud.* I, 5, 129: *Si sumumcompecti, sive consilium unquam inivimus; quam vocem a verbo compeccator derivandam esse censet CL. Mai, etque de nefariis consiliis saepius usurpari docet Heinrichus. Affine verbum depeccator, nec non depectus sunt apud Vipianum, Gellium, Apuleium.*

Confirmavit) Literae NFIR evanidae sunt; extrema tamen lineamenta litterarum N et R deprehendi possunt.

9. *A statu*) Codex *astatunaturaturaqueverum*.

Arinis—concitatam) Quinque haec verba laudet Priscianus ed. Putschio pag. 689, qui *pellicatus* scribit, uti recentiores amant sequuti graecum exemplar $\pi\epsilon\lambda\lambda\iota\alpha\varsigma$. Tamen editiones Gellii IV, 3, legem Numae referentis

habent PELEX. Ceterum amnuensis saepe diphthongos inascite obtrudit. In codice erat *concoitata*.

Metus et fugae) Priscianus lib. VI, p. 689 ed. Putschio haec verba Scaurinae refert: *Quum dare nollet Aris, clam ex Sardinia est fugere coactus*. Scilicet Triarius hanc speciem abduxerat romano Arius itinerari, quod, quum dare noluisset frumentum, simul timens iratum praetoris animum, clam ex Sardinia Romam fugare coactus fuisset.

Romam) Codex *Roma*.

10. *Patronae*) Codex *patrone*; quare Cl. Mai interpunxit *neque enim erat rectum, patronae, etque adnotavit: Nempe o patronae*. Idem tamen in prima editione dederat *patronae*, quae germana est lectio. Neque enim Orator Arinem alloquitur, sed permi-

- [neque enim erat rectum patronae] sed collum digitulis duobus oblideret, resticula cingeret, ut illa
 11 perisse suspensio putaretur. Quae quidem suspicio valuit etiam plus ob hanc causam, quod quum agerent parentalia Norenses omnes, qui suo more ex oppido exissent, tum illa est a liberto suspensisse se dicta: discessus autem solitudo ei, qui patronam suffocabat, fuit quaerenda, illi, quae volebat mori, non
 12 fuit. Confirmata autem suspicio est, quod anu mortua, libertus statim, tanquam opere confecto, Romam est profectus; Aris autem, simul ac libertus de morte uxoris nunciavit, continuo Romae matrem illam Bostaris duxit uxorem.
- 13 Em quibus familiis quam foedis, quam contaminatis, quam turpibus datis hanc familiam, iudices! Em quibus testibus commoti, de quo homine, de quo genere, de quo nomine sententias feratis? Obliviscendum vobis putatis matrum in liberos, virorum in uxores scelera? Cernitis crudelitate mixtas libidines; videtis immanes duorum maximorum criminum auctores, quibus criminibus haec tota apud ignaros aut invidos famata causa est; omni facinore et flagitio deformatos habetis.

gestam Sardorum opinionem iudicibus exponens vel in re tragica locatur. Sic paulo infra ei qui patronam suffocabat.

Sed collum—oblideret) haec verba servaverat etiam Porphyrio ad Horatii lib. II, sat. I, vs. 56.

11. Norenses) Nora urbs Sardiniae notissima. Locum quae quidem — Norenses laudat Severianus Synt. Rhet. cap. de coniectura.

Solitudo) Codex solitudo. Mirum est quantis coniecturis torserint hunc locum docti dumvirum Cramerus et Heiarichius decepti a prima Medio-

lanensi editione, quae debet exisssent, tumulata a liberto.

13. Em) Codex prima manu EM; tum fuit superscriptum A, ut esset eam.

Datis) Heinrichus mavult dedatis, nec refragaret: at codex perspicuus habet datis, nec improbabilius. Sic pro Nil. 34, me senatui dedissem; vide Garstonium ad h. l. Miloniana.

Matrum) Scilicet matris in Bostarem filium, et Arinis in Sardam uxorem.

Famata) Verbum, quod barbaricum Cramero audiebat, equidem cum

Num igitur in his criminibus residet etiam aliqua ¹⁴ suspicio? Non perpurgata sunt? non refutata? non fracta? Qui igitur id factum est? Quia dedisti mihi, Triari, quod diluerem, in quo argumentarer, de quo disputarem. Quia genus eiusmodi fuit criminum, quod non totum penderet ex teste, sed quod ponderaret iudex ipse per se ¹. Neque vero, iudices, quid- ¹⁵ quam aliud in ignoto teste ² facere debemus, nisi ut argumento, coniectura, suspitione, rerum ipsarum vim naturamque quaeramus. Etenim testis non modo Afer, aut Sardus sane, si ita se isti malunt nominari,

(1) Cecidit locus communis duplex, unus argumentis esse credendum, alter testibus non credendum. SCHOL. PALIMP. AMBROS.

(2) Quia si notus testis est, argumentatione non opus sit. IDEM.

Heinrichio tueor, veluti antiquum, a quo composita *diffamo, infamo* nata sunt. Quorum criminum gratia, haec causa famam obtinuit apud ignaros facti, vel apud homines, qui invidia Scavorum prosauebantur. Sane ignari, non accus ac invidi facile fidem occasionibus adiungunt; *inocognita causa, probatum illud erat multitudini*. Cicero pro Cluent. 47.

14. *Residet*) Codex *resit*. Cramerus reponere *restati* Heinrichius *residet*, quod aptius videtur. — Schützio quoque probatum. T.

Argumentarer) Huius vocabuli viae aliquae liberae supersunt in codice. Argumentis fuit utendum. Iam quum argumentum sit *probabile inventum ad faciendam fidem* (Cicero Orator. Partit. 2), nequivi rem ad illum certitudinis gradum perducere, in quo nulla superesset suspicio.

Quod non totum penderet ex teste) Legendum *quod totum non penderet ex teste, h. e. quod omnino non penderet ex teste*. Idem vidi placuisse Cramero. SCHVZ.

Cic. Op. Tom. VIII

Ponderaret) Potest igitur testibus index non credere? cupidis et iratis « non solum potest, sed etiam debet — Sin autem in rebus iudicandis non minimam partem ad usumque rem aestimandam, momentoque suo ponderandam, sapientia iudicis tenet; videte ne multo vestrae maiores gravioresque partes sint ad cogitandum, quam ad dicendum meae » pro Fonteio 6. Par est Oratoris quæstela pro Caenio 28: *Hæc causa ab argumentis, a coniectura, ab iis signis, quibus veritas illustrari solet, ad testes tota traducta est.*

15. *Ignoto teste*) A testibus quaeritis ignotis? ipsi coniectura nihil iudicabitis? Cicero pro Flacco 3.

Afer) Sardus ab Afris originem duxisse (rectius dixisset a Phoeniciis coloniis) narrat paulo infra Tullius. Heinrichius distinguendum esse censet *sane, si ita se isti malunt nominari*, quod adverbium *sane* *tipwvvnũ* dictum esse, ut sarcissime, persusum habet.

F f

sed quivis etiam elegantior ac religiosior, impelli, deterreretur, fingi, flecti potest; dominus est ipse voluntatis suae, in quo est impunita mentiendi licentia.

16 Argumentum verò quoque deest proprium rei, neque enim ullum aliud argumentum vere vocari potest rerum; vox est naturae vestigium, veritatis nota, id

Fingi) In intercissa membrana consideratur littera G. His paria sunt illa Orationis pro Caesio 9: « Equidem vos abducent a testibus, neque huius indicii veritatem in voluntate testium collocari sinam, quae facillime fingi, nullo negotio flecti ac detorqueri potest. Argumentis agemus, siquis omni luce clarioribus criminis refellemus. » Tum pro Flacco 10: « Bene testem interrogavit, callide accessit, reprehendit, quo voluit abduxit, convicit, et elinguentem reddidit. »

Voluntatis) « De toto genere testium, quam id sit infirmum, saepe dicendum est; et argumenta rerum esse propria; testimoniis voluntatum. » Cicero *Orator. Partit. 14.*

Mentiendi licentia) Primae vocis litterae TIE evanidae sunt, ita tamen, ut suspicari liceat I et E. Alterius vocis desunt litterae T et A.

16. Quoque deest) De hac lectione, quam luculentam vidi in codice Ambrosiano, mihi dubium non est. Cl.^{us} Mai legit *quo quid est*, absurde. Scilicet confudit vocales figura persimiles I et E; deinde haud vidit vocalem E, quae lineam clauderebat. Vitiatum esse locum suspicatus Heinrichius varias coniecturas proposuit, quin veram lectionem attingeret. Hanc ego declaraturus exscribam Ciceronis doctrinam de argumentis: « *Fil.* Quibus rebus fides sit? *Pat.* Argumentis quae ducuntur ex locis, aut in re ipsa in-

altis, aut assumptis. *Fil.* Quae vocas iocosas? *Pat.* Eos, in quibus latent argumenta. *Fil.* Quid est argumentum? *Pat.* Probabilia inventum ad faciendam fidem. *Fil.* Quomodo igitur duo genera ista dividis? *Pat.* Quae sine arte putantur, ea remota appello, ut testimonium. *Fil.* Quid insitas? *Pat.* Quae inhaerent in ipsa re. *Fil.* Testimoniorum quae sunt genera? *Pat.* Divinum, et humanum. Divinum, ut oracula. ... Humanum, quod spectatur ex auctoritate, et ex voluntate. » Iam ad Scaevinae locum venio. Vim testis, quippe ignoti, atque impunita mentiendi licentia utentis, ita infirmaverit Orator, ut pronum esset colligere deesse testem. Subdit porro *Argumentum quoque deest*, quod sit proprium rei, nam ut verum argumentum dicatur, esse debet proprium rei, seu insitum. Quid enim est testis? Vox. Iam vox est naturae vestigium, veritatis nota, neutiquam intimus character, seu argumentum proprium; namque hoc probabiliter invenitur ab oratore ad faciendam fidem, tum variat in una eademque re facti: contra testimonium non fingitur ab oratore, sed sumitur; quidquid tandem testimonio dictum fuerit, immutabile manet. Quare si in hoc accusationali genere, quod ex testimoniis, seu argumentis remotis desumitur, vinceret, omnino causa caderem. Sed rem ad argumenta propria revoco. Confer locum pro Flacco 10.

qualecumque est, maneat immutabile necesse est; non enim fingitur ab oratore, sed sumitur. Quare in eo genere accusationis, si vincerem, succumherem et cederem, vincerem omni re, vincerem causa, vincerem veritate. Agmen tu mihi inducas ¹ Sardorum et cater-
vas, et me non criminibus urgere, sed Afrorum fre-
mitu ² terrere conere: non potero equidem disputare,
sed ad horum fidem et mansuetudinem confugere ad
us. u Populi romani aequitatem, qui hanc fa-
miliam in hac urbe principem voluit esse; Deorum
immortalium numen implorare potero, qui semper
exstiterunt huic generi nominique fautores.

Poposcit, imperavit, eripuit, coëgit. Si docet ta-
bulis, quoniam habet seriem quandam et ordinem
contracti negotii confectio ipsa tabularum, attendam
acriter, et quid in defendendo mihi agendum sit vi-
debo. Si denique nitere testibus, non dico bonis viris
ac probatis, noti sint modo, quemadmodum mihi
cum quoque sit confligendum considerabo. Sin unus ¹⁹

(1) Ex multitudine tollit fidem. SCHOL. AMERCS.

(2) Absurdus enim . . . o dici ne . . . et bene: fremitu enim verba
suadent. Id.

17. *Agmen*) Lege licebat centum et
viginti hominibus deuntiare testi-
monium: totidem vero utam esse
Triarium inveni Valerius Maximus
VIII, 1, 10.

Confugere) Clus Mai legebat *con-
fugiam* — *aequitatem*. Ego vero in
membrana vestigia infinitivi *confu-
gere*, atque literas *PR* deprehendere
videbar; praepositionem *ad* ex inge-
nio supplevi. Scauri pater summus
Vrbis vir (Cicer. pro Fonteio 13),
cuius *natus prope terrarum orbis re-
gebatur* (ib. 7), dictus fuit princeps
aenatus, uti Asconius in argumento

huius orationis tradit.

Vrbe) Clus Mai quom legisset *vrbē*,
supplevit *ferre*; equidem insignes
vidi has voces in membrana.

18. *Poposcit*) Dare frumentum,
quae sunt accusatoris verba.

Attendam) Ita legeram in Ambro-
siano quod confirmat Taurinensis,
atque Heinrichius reposcendum esse
coniecerat. Clus Mai contendam.

Defendendo) Ita luculenter Am-
brosianus, atque Taurinensis. Clus
Mai offendendum.

Su confligendum) Ambrosianus *con-
fligendum sit*.

color, una vox, una natio est omnium testium, si quod ii dicunt, non modo nullis argumentis, sed ne literarum quidem aliquo genere aut publicarum aut privatarum, quod tamen ipsum fingi potest, confirmare conantur, quo me vertam, indices, aut quid agam? Cum singulis disputem? Quid? Non habuisti quod dares? habuisse se dicet. Quis id sciet? quis iudicabit non fuisse causam? finget fuisse. Qui refellemus potuisse non dare, si noluisse? vi ereptum esse dicet. Quae potest eloquentia disputando ignoti hominis impudentiam confutare? Non agam igitur cum ista Sardorum conspiratione, et cum expresso coacto sollicitatoque periurio subtiliter, neque acu quaedam enucleata argumenta conquiram; sed contra impetum istorum impetu ego nostro concurram atque confligam. Non est unus mihi quisque ex illorum acie pro-

19. *Natio 'st*) De pari synaloespha difficile 'st multa erudite disputant Cl. Niebuhr (*Cicer. Orat. fragmenta* pag. 60) sit simile exemplum ne ex antiquissimis quidem scholis Mediolanensibus affertur. Iam affertur ex Mediolanensibus, et Taurinensibus.

Non habuisti quod dares? Iam fingit Orator se cum uno alterove teste disputare. Non habuisti frumentum quod dares Scauro reposcenti? et cetera, quae recte co-constituta exhibet Taurinensis. In editione Mediolanensi tempora erant turbata *dicet, sciet, indicavit, fingit, dicet*. Recogitanti vero tantam esse figurae affinitatem inter vocales J at E, ut facile fuerim legenti faciant, tum Bet V non figura tantum, sed sono plus millies permutari in edicibus saeculo decimo anterioribus; tandem schedas Ambrosianus exhibere *dicet*, nequiquam vero *dicet*, apparebit Ambrosianum cum Taurinensi consuetudine. Erravit

tamen Ambrosianus in verbis *quis id iudicavit*, perperam alterum *id* inferciens ex superiore linea tractatum; erravit quoque Cl. Mai legens *quem refellemus* — *noluisse* — *ut ereptum*, nam sine ulla dubitatione vidi *qui refellendus* — *noluisse* — *vi ereptum*. Ipse etiam exscripsi *si noluisse*, quum forsam codex habeat *si*.

Non habuisti quod dares? Puto agere Ciceronem de frumento quod iniuste exagiasse in Sardinia Scaurus arguebatur. Mat. Scilicet hic Cicero loquitur cum testibus contra Scaurum. Scaura.

20. *Periurio*) Testium a Triario productorum, qui, antequam solenne *Arbitror* pronuntiarent, iurciurandu fuerant adacti.

Impetum istorum) Ambrosianus *impetum istum* illorum, quod orationis impetum fraugit.

Unus mihi quisque) Ambrosianus

trahendus, neque cum singulis decertandum atque pugnandum: tota est acies illa uno impetu prosterenda ¹.

Est enim unum maximum totius Sardiniae frumentarium crimen, de quo Triarius omnes Sardos interrogavit; quod genus uno testimonii foedere et consensu omnium est confirmatum. Quod ego crimen antequam attingo, peto a vobis, iudices, ut me totius nostrae defensionis quasi quaedam fundamenta iacere paliamini; quae si erunt, ut mea ratio et cogitatio fert, posita et constituta, nullam accusationis partem

(¹) Hoc dicit quum sint impudentissimi testes, non debere singulis respondere, sed universis simul. SCHOL.

unus quique mihi. Lectio Taurinensis longum taedium uolat Oratori atque iudicibus devorandum, si testes singillatim protraherentur.

21. *Totius Sardiniae*) Non significat crimen, quo tota Sardinia reum arguat, sed quod sit maximum criminum conetorum, quae in Sardinia, frumentaria provincia, perpetrari possint. HEINA.

Totius Sardiniae frumentarium crimen) Hinc prorsus apparet, hanc Scauri causam partim saltem fuisse frumentariam; quod nondum liquebat. Nam Asconius in argumento edito tantum dicit: «Ex praetura Scaurus provinciam Sardiniam obtinuit, in qua neque satis abstineret se gessisse existimatus est, et valde arroganter. Liber tertius Ciceronis in Verrem totus est de re frumentaria in Sicilia. In quibus igitur capitibus Tullius Verrem toto eo libro pro Siculis accusavit, in iisdem cum hac oratione Scaurum contra Sordos defendisse puto. Et bene paulo infra haec causa Sardinensis a Cicerone compa-

ratur cum Sicula, siquidem idem Tullius oratione pro lege Manilia c. 12, Sardiniam et Siciliam inter frumentaria subsidia reipubl. numerat. Immo praefecti rei frumentariae dicebantur, quibus cura erat conquirendi in provinciis frumenti, quod in horrea publica conveheretur: quod munus quantis criminibus esset obnoxium facile patet. De frumento decumano, empto, et aestimato, deque fraudibus in his exactorum vide iam laudatum lib. III orat. in Verrem. MAI.

Pro testimonio) Taurinensis unum. In Ambrosiano vix supersunt vestigia literae N.

Peto a vobis) Taurinensis petavobis.

Fundamenta iacere) Ambrosianus *iacere fundamenta*.

Posita) Cum Taurinensi consentit Ambrosianus, quamvis CLAU. MAI ediderit *postea nec constituta illam accusationis*. Inde illae conjecturae, quibus Cramerus, Heinrichus, et Schütz. depravatam locum emendare

- 22 pertimescam. Dicam enim primum ¹ de ipso genere accusationis, postea de Sardis, tum etiam pauca de Scauro: quibus rebus explicatis, tum denique ad hoc horribile et formidulosum frumentarium crimen accedam.
- 23 Quod est igitur hoc accusationis, Triari, genus? Primum, ut inquisitum non ieris, quae fuit ista tam ferox, tam explorata huius opprimendi fiducia? Pueris nobis audisse videor L. Aelium libertinum hominem,

(1) Propositio. Id.

sangebant. — Schützius quidem hoc modo: quae si erunt, ut mea ratio et cogitatio fert, constituta, postea nec illam accusationis partem pertimescam.

22. Formidulosum) Sic uterque codex.

23. Quod est) Ambrosianus quod-est.

Triari genus) Taurinensis Triarii casu genitivo, sed improbabilis.

Inquisitum non ieris) Reprehendit Cicero Triarium accusatorem, qui damnari Scaurum vellet, licet in Sardiniam ad inquirendum non ivisset. Quod de eodem Triario narrat etiam Asconius in Argumento. MAL.

Ferox — fiducia) Taurinensis ferox — fiducia.

Laelium) Ambrosiana, edente Cl.º Mai *Vaelium* habet; mihi tamen vocalis A dubia videbatur. Contra Taurinensis inigoem habet *Laelium*, quod nomen *L. Aelium* quoque legi potest. De Varlio haec adnotabat Cl.º Mai = Lucem aliquam affert huic loco Cicero ipse in fragmentis orationis pro *Fundanio* quum ait: Non modo hoc a *Villio Annate*, sed vix *mercule a Q. Mutone* factum probari potest. Nec non *Horatius* lib. I, sat. 2, v. 64 et seq. *Villius in Fausta Sul-*

la gener, hoc miser uno Nomine deceptus poenas dedit etc. *Huic si Mutonis* verbis mala tanta videntis *Diceret haec animus* etc. Mihi enim *Muto* in loco *Horatiano* videtur nomen viri, quicquid ibi contra dicant *Acro* et *Porphyrio*, quos recentiores interpretes gregatim sequuntur = Hucusque *Vir Cl. Allata* *Ciceronis* et *Horatii* loca innuunt *Villium* libidinosum hominem inflictem fuisse *Faustae* amatorem; dubitari autem fore potest, utrum esset libertinus. Iam si eam *Taurinensi* legas *L. Aelium*, nomen enim epithetis ipsis recte cohaeret. Nam *L. Aelius* eques romanus fuit eruditissimus et *Graecis literis et Latinis*, *Romanae antiquitatis* scriptorumque veterum peritissimos; scripsit orationes, *Varronem* habuit discipulum, eumque Cicero adolescens audire perstudiose solebat: lege *Cicero, Brut.* 56. Sane habuit servos. Suspicio vero horum unum ceteris ingenio praestasse, operamque suam in re literaria probasse patrono; atque adeo munusculum, ut mos erat libertorum, ad patroni praenomen et nomen dictum fuisse *L. Aelium*. En libertinum literatum, quem viderat *Tollius* adolescens. Contra praeplescent quae *Cl.ºs Mui* de *Q. Mutone* disputat. Huic a

literatum ac facetum, quum ulcisceretur patroni iniurias, nomen Titi Q. Muttonis hominis sordidissimi detulisse: a quo quum quaereretur, quam provinciam, aut quam diem testium postularet, horam sibi octavam, dum in foro bovario inquireret, postulavit. Hoc tu idem tibi in M. Aemilio Scauro putasti esse faciendum. Delata enim, inquit, causa ad me Romae est. Quid? ad me? Siculi nonne Romam causam Siciliae detulerunt? Atqui homines prudentes natura, callidi usu, doctrina eruditi; tamen ego mihi provinciae causam in provinciam ipsam cognoscendam et discen-

sordidissima libidine agnomem seu cognomen *Muttonis* vel *Mutonis* factum fuisse persuadet codex Taurinensis scribens *Titi Q. Muttonis*. Eundem furem etiam audivisse colligo ex his Lucilii verbis et *Mutonis manum perscribere posse tagacem*; vide Festum Pompeium ad v. *tagax*.

De facetum) Desunt haec in Ambrosiano. Rem facetam ita illustrat Heinrichius = Nomine delato, Praetor dabat *inquisitionem*, id est, ut olim in foro dicebant, permissionem informandi; et hic noster accusator *Mutonis*, quum facta in provinciis crimina detulisset, tamen parum definite, in qua provincia deberet potissimum fieri inquisitio, significat. Ex accusatore igitur quaerebat Quaesitor, *quam provinciam* peteret ad inquirendum, aut, si profectione forte non opus esset, *quam diem testium*, qua praesentes testes exhibere interrogarique vellet — Iam ille cum contemnens, rogat ioco acerbo, non provinciam, sed *forum bovarium*, nec praefinitam diem testium, sed illius diei *horam octavam*, quam, peractis solito tempore diurnis negotiis, posset lustrare forum bovarium: ibi inter bubulcos et de sordida plebe

circumforaneos facile inventurum se esse, quos dignos *Mutone* eiusque facinorum conscios proferret. Notat Orator accusatorem *libertinum hominem* propter impudentiam talis apud Praetorem convicii. De *hora octava* conf. Horat. I, Epist. 7, 47, et Martialis. IV, 8, 4.

Quaereretur) Ambrosianus quaeretur.

Postularet) Taurinensis *postulare*. 24. *M. Aemilio*) Ambrosianus *Aemilio*.

Ad me Romae) Verba *ad me* absumt a Taurinensi.

Romam) Ambrosianus *Romae*.

Atqui homines) Cl. Mai *Adque hominis prudentis*, rectius vero in prima editione scripserat *atqui*. Sane Ambrosianus habet *adqui homines prudentes prudentes*; sed alterum prudentis relictum est. Taurinensis *usu doctrina*, vocali O perperam insula.

Provinciam ipsam) Sic uterque codex. Cl. Mai *provincia ipsa*. Orator exemplum suae inquisitionis in causa Verria oppositurus levitati Triarii, narrat se inquisiturum maleficia Verria in Siciliam navigasse.

- ²⁵ dam putavi. An ego querelas atque iniurias aratorum non in segetibus ipsis arvisque cognoscerem? Pera-gravi, inquam, Triari, durissima quidem hieme, valles Agrigentinorum atque colles. Campus ille nobilissimus ac feracissimus ipse me causam paene docuit Leontinus; adii casas aratorum; a stiva ipsa homines
- ²⁶ mecum conloquebantur. Itaque sic fuit illa expressa causa, non ut audire ea quae dicebam iudices, sed ut cernere et paene tangere viderentur. Neque enim mihi probabile, neque verum videbatur, me, quum fidelissimae atque antiquissimae provinciae patrocini-um recepissem, causam tanquam unius clientis in cubiculo meo discere.
- ²⁷ Ego nuper quum Reatini, qui essent in fide mea,

Et descendam) Desiderantur in Ambrosiano.

Pera-gravi) Ego Siciliam totam quinquaginta diebus sic obii, ut omnium populorum privatorumque literas iniuriasque cognoscerem in Verr. Act. I, 2: postulaverat autem centum et decem dies, vide ib. Act. II, lib. I, 11.

Valles) Codex vallis — aq. collis.

Leontinus) Haec ita laudat Rufinianus n. XXXVIII: « Apud Tullium: Campus ipse me causam paene docuit. Leontinus. » Atque Fortunatianus Art. Rhet. III, p. 91: *ipse me causam campus paene docuit Leontinus*. Lege Ruhnkenium ad Rufinianum. Ipse Cicero sic in Verr. Act. II, lib. III, 48: *Meae diligentiae penum magis in Leontino agro est exigendum, propter hanc causam, quod ipsi Leontini publice non sane me multum adjuverunt*.

Adii) Codex adii. Locus corrupte servatus est in Frontonis exempl. elocut. p. 492 litt. A ed. Mediol.:

Adii causas oratorum.

A stiva) Locum servaverat Servius ad Georg. I, 174 his verbis *ab stiva ipsa mecum homines conloquebantur*; de quo ita recte auguratus fuerat cl. Niebuhr p. 31: « in lacuna quae inter 3 et 4 sectionem patet, ea olim locum habebunt verba quae Servius attulit: *ab ipsa stiva homines mecum colloquebantur*; aratores scilicet a Verro eversi. »

Expressa) « Ita res a me agetur, ut in eorum consiliis omnibus non modo aures hominum, sed etiam oculi populi Romani interessa videantur » in Verr. act. I, n. 16.

Fidelissimae) De antiquitate et fidelitate Siciliae copiose dixerat Cicero in Verr. Act. II, lib. II, n. 1; Act. II, lib. III, n. 26, et postremo.

Reatini) « His rebus actis, Reatini me ad sua tempora duxerunt, ut agerem causam contra Interamnatenses apud consulem et decem legatos; quod lacus Vclivus a M. Curio emissus, interciso

me suam publicam causam de Velini fluminibus et cuniculis apud hos consules agere voluissent, non existimavi me, neque dignitati praefecturae gravissimae, neque fidei meae satis esse facturum, nisi me causam illam non solum homines, sed etiam locus ipse lacusque docuissent.

Neque tu aliter fecisses, Triari, si te id tui isti²⁸
Sardi facere voluissent, hi qui te in Sardiniam minime
venire voluerunt, ne longe aliter omnia atque erant
ad te delata cognosceres: nullam multitudinis in Sar-
dinia querelam, nullum in Scauro odium populi. . .
. . . litu Aetnam ardere dicunt, sic Verrem obruissem,²⁹
Sicilia teste tota. Tu comperendinasti eum, teste pro-

monte, in Narem defluit = epist. ad
Attic. IV, 15. Quam causam *super*
egerat apud Ap. Claudium Pulchrum
consulem eodem anno V. C. 699. Lige
etiam Varrouam de Re rust. III, 2.

Cognoscere) Patebat haec Triariorum nunquam in Sardinia querebas Sardonum cognovisse, sed ab iis, qui forte Romae commorabantur; quae erat opinio Crameri. Quare corrui Triarii in Sardiniam profectio, antequam praetor daret inquisitionis tempus; quod Heinrichus excogitaverat.

Aetnam) Comparare Tullium suum cum Verre conclamationem cum Aetnae eruptione primum est, et quemadmodum illa Cyclopum fabries totas urbes obruerit aetna, ita se Verrem tota Sicilia teste obruisse. CRAM.

Sic Ferrem obruisse — *producto*) In cod. MS. legitur corrupta *sic Ferrem operuisse Sicilia teste tota tuo Coperendinastium teste producto*; veram lectionem restituit Heinrichus SCHUTZ.

Tu comperendinasti eum) Codex totatunc *comperendinasti* teste, Cl. Mai emendat *comperendinasti* ; Cramerus tota; in uno *comperendinatione teste* producto; Heinrichius, probante Schützio, *sic Ferrem obviissem Sicili* teste tota; *et tu comperendinasti uno teste* producto. Me vero male habet duplex *et* intra brevis spatium recurrere; quare scripsi *tu comperendinasti eum teste* producto. Accusationis genus expendens Orator redarguit Triarium 1.^o quod in Sardiniam inquisitum non ierit, contra ac ipse fecerat in causa Siciliæ et Rastinorum; 2.^o quod primam actionem ita subdole instituerat, ut causa comperendinata post habita comitia consularia disputaretur. Nam III Kal. Quot. (Asconius in Argumento) Scaurus Romanæ rediit ad consulatus petitionem; coepit ergo invadere, percutere amicos, potentes adulari, currogare aulicam; quod ut sceleratius compertiorum, dicam ei per Triarium inferendam erantur: hic nomen ad

ducto. At quo teste, Dii immortales! non satis quod uno, non quod ignoto, non quod levi. Etiamne Valerio teste primam actionem confecisti, qui patris tui beneficio civitate donatus gratiam tibi non inlustribus
 30 officiis, sed manifesto periurio retulit? Quod si te omen nominis vestri forte duxit, nos tamen id more maiorum, quia faustum putamus, non ad perniciem, verum ad salutem interpretamur. Sed omnis ista cele-

(1) Apud antiquos omnino . . . *nos fuit*, ut etiam ex nominibus au-merentur auspicia. Vnde apud eos consul factus si coepisset colligere milites et novum sibi exercitum scribere, laborabat ut haec duo nomina prima induceret: et si non fuissent his nominibus homines, fugebantur. Necessse enim erat, ut haec nomina prima essent in exercitu propter omen, Valerius, et Statorius. Ex Valerii autem nomine hoc omen traheretur, ut valeret exercitus; ex Statori, ut staret. Dicit Cicero: forte tu ideo primum testem induxisti illum propter omen, ut valeret accusator. Et quoniam hoc nomen faustum semper a maioribus putatum, ad salutem magis debere valere, non ad perniciem. *Schol.*

praetorem detulit; praetor inquisitionem dedit dierum triginta. Dum ista transigebantur, ventum erat, uti equitico, ad idus Quiriles, iamque post dies quindecim imminebant consularia comitia. Triarius porro metuebat, ne, si ipse usus triginta diebus in Sordium se conferret, Scaurus ex pecunia, quam a sociis abstulerat, emeret consulatum, atque magistratum iniret, antequam de eo iudicari posset (Asconius in Argumento), quod a Scauri patre factum esse recens memoria exstabat. Quid ergo? Sustulit inquisitionem, professus se Romae causam omnem facile cognoscere, quin illam in Sardinia disceret. Tum pridie, quam comitia consularia celebrarentur, Triarius defuncturus prima actione, testem unum produxit Valerium, ignotum ac levem, civitate donatum a patre Triarii, atque, uti mea fert senten-

tia, Sardum; satis, ut appareret, se non verum iudicium instituere voluisse, obruisset enim rem multis testibus, uti Cicero Verrem in prima actione obruerat Sicilia teste tota. Valerio producto, primam actionem sustulit Triarius. Quod, qua ratione effecerit, perspectum non habeo; fortasse accusationem non dixit, quae erat longa ac perpetua oratio; vel partem tantum recitavit, causatus maiora, quae diceret, se habere, sed non in promptu; certa usus lege Glaucia reum comperendinavit, quin iudices sententiam ferrent. Sed quum comitia prorogarentur, accusationem tandem recitavit IV non. septembris.

Nominis vestri) Lege Scholium Ambrosianum, atque adda Tullium ideo scripsisse *vestri*, quin *Valerii* nomine appellabatur quum testis, tum accusator P. Valerius Triarius.

ritas ac festinatio, quod inquisitionem, quod priorem actionem totam sustulisti, illud patefecit et inlustravit, quod occultum tamen non erat, non esse hoc iudicium iudicii, sed comitorum consularium causa comparatum.

Hic ego Appium Claudium consulem fortissimum, ³¹ atque ornatissimum virum, mecumque, ut spero, fidei in gratiam reditu firmoque coniunctum, nullo loco, iudices, vituperabo. Fuerant enim eae partes, aut eius, quem, quum id facere doleret, suspicio sua coëgit, aut eius, qui has sibi partes depoposcit, quod aut non animadvertibat quem violaret, aut facilem sibi fore in gratiam reditum arbitrabatur. Ego tantum ³² dicam quod et causae satis, et in illum minime durum aut asperum possit esse. Quid enim habet turpitudinis Appium Claudium M. Scauro esse inimicum? Quid? avus eius P. Africano non fuit? quid mihi ipsi

31. *Coniunctum*) Hoc ipso anno V. C. 699 Cicero ad Lentulum scribebat: *Certiorum te per literas scribis esse factum, me cum Caesare et cum Appio esse in gratia*, ad famil. I, 9. Et ad Quintum fr. II, 12: *De Comageno rege ... mihi et per se, et per Pomponium Manditur Appius*. Hic itaque annus finem dedit similitudinibus cum Appio, quae P. Clodii causa susceptae, ad multos annos fuerant productae. Nam anno 702 haec Tullius in Epistola ad Appiam (ad fam. III, 1) scribebat: « Perficis profecto, ut longi temporis usuram, qua caruimus, intermissa nostra consuetudine, et gratia, et celebritate, et magnitudine officiorum meorum sarciam. » Sed amicitia refrigit anno 702, quo Tullius in provincia Ciliciae proconsul successurus erat in locum Appii; eo spectant pleraeque

epistolae libri tertii ad famil. Sed haec triennium post Scaurinae orationem contigerunt.

Doleret) Cl. Mai edidit *dolor et suspicio sua*. Equidem deprehendi hanc inculentam lectionem *doleret suspicio sua*; atque ex ingenio supplervi quom ob oblinem quem facile a librario praetermissum. Eo vero in-bentia hanc lectionem amplector, quo magis comparata est ad similitudinem Appii excusandas; illes enim gerere dolabat, quare non ex animo suscepit, sed ex suspitione sola.

Aut non animadvertibat) Taurinensis aut animadvertibat.

In gratiam reditum) Taurinensis *reditum in gratia*.

32. *Avus*) Sic uterque codex pro *avus*. — Ipsa porro res ex historia satis patet. Appii enim Claudii, de quo in hac oratione s. rmo fil,

idem iste? quid ego illi? quae inimicitiae dolorem utrique nostrum fortasse aliquando, dedecus vero
 33 certe nunquam attulerunt. Successori decessor invidit, et voluit eum quam maxime offensum, quo magis ipsius memoria excelleret: res non modo non abhorrens a consuetudine, sed usitata etiam num et valde pervagata. Neque vero tam haec ipsa quotidiana res Appium Claudium illa humanitate et sapientia praeditum per se ipsa movisset, nisi hunc C. Claudii

avus aut proavus Appius ille Claudius est, qui consulatum anno Urbis DCXI gessit, et Saluos gentem alpinam domuit. Is solum Appius competitor fuit P. Africani minoris in censura, quam hic, repulso Appio, administravit anno DCXII. Convicium Appii competitoris in Africam refert Plutarchus in Aemilio Paulo sub finem, nec non in *proaeptis gerendae reip.* ed. Paris. 1624, t. II, p. 810. Mat.

Quid? an Appius Africano non fuit? Corruptam lectionem in ipso codice dubiam probabiliter sic emendat Heinrichius: *Quid? an Gracchus Africano non fuit.* Nimirum ut intelligatur. *Ti. Gracchus pater Ti. et C. Gracchorum.* Sch.

Mhi ipsi Cl. Mai legit ipse. Equidem vidi ipsi in Ambrosianum, cui suffragatur Taurinensis.

Successori Sie Taurinensis; Ambrosianus *successum*. Scano successionem in consulatu petenti invidit decessor Appius; atque adeo voluit illum esse maxime offensum, quo magis ipsius (Appii) memoria excelleret. Enimvero successor, adeptus consulatu, ultimus inimicitias decessoris solebat ei dicam aliquam impingere, maxime in assignanda proconsulari provincia: hanc vero si non

impegiasset, eo magis exallebat memoria decessoris, utpote viri inculpati, ingeniose simul, simulque com exquisita in Appium adulatione haec esse dicta quisque videt.

Et voluit Copula at abest a Taurinensi.

Memoria excelleret Sie Taurinensis; at Ambrosianus *perperam memoriam lacesseret*.

Etiam et valde pervagata Ambrosianus *etiamnum et vulgata*. Vtraque lectio a Cicerone profecta videtur; nostra diligentior. Ita pro Plane. 19 optimus codex Bavaricus, alique libri *pervagata declamatione* legunt pro eo quod est in vulgaribus editionibus *pervulgata declamatione*.

Neque vero — fore putabat Haece servaverat etiam Asconius in commentario legens: *Neque vero haec ipsa quotidiana — nisi hunc Claudii — certum constitutum erat, cum illo.*

Tam Taurinensis tamen.

C. Claudii fratris sui Ecce praeter binos, quos adhuc e vetustate novimus, Claudios, Appium hoc ipso anno consulem, et Publium Ciceronis inimicum, iam tertium fratrem certo tenemus Caium, tum quidem in Asia pro praetore morantem — quem quidem Cicero invidias causa aut dicit, aut fingit, quemadmodum alter frater, ad plebem transitum cogitasse, vere

fratris sui competitorem fore putasset. Qui sive pa-³⁴

transiisse non dicit, quod nescio an recte dixerit Scholiastes. CHAM. Immo iste Caius innotescebat ex argumento Asconii ad Miloniarum.

Competitorem) Praestat universam historiam comitiarum consularium anni V. C. 699 exponere, ut sequens locus de Appio Claudio superioribus adnotatoribus non bene compertus illustretur.

Consulatum affectabant Messala et Scaurus patricii, Domitius et Memmius plebei (ad Attic. IV, 17). Messalae favabant Cicero atque Caesar (ad Quintum fr. III, 3 et 8). Scauro studebat Pompeius, sed utrum fronte an mente dubitabatur (ad Attic. IV, 15); res tandem perspicua constavit, quum Pompeius illum abiecit (ad Quint. fr. III, 8); habebat tamen aedilitas eius memoriam non ingratis, eratque pondus apud rusticos in memoria patris Principia Senatus (ad Attic. IV, 17). Domitius valebat amicis (ibid.). Memmius commendabatur Caesaris militibus, et Gallia transpadana (ibid.); multam animi spem habebat in Caesare mox venturo, sed frustra (ad Quint. fr. III, 2 et 8). Εφοχῶ in nullo erat, pecunia enim omnium dignitatem exaequabat (ad Attic. IV, 15). Ambitus vero adeo ardebat, ut nunquam fuerit par, et foenus ex triente ibid. Quintil. fuerit hesibus (ad Quint. fr. II, 15; ad Attic. IV, 15). Vberior quidem erat liberalitas Scauri populo tributum domi suae satisfaciens; gratior tamen videbatur largitio aliorum candidatorum, qui occupaverunt (ad Attic. IV, 16). Tantam porro competitorum contentionem incunte mense Quintili coeptam haud otiosi spectabant consules Appius et Ahenobarbus, qui provincias consulares

non sortiri volebant lege curiata, sed quam quisque maxime optabat illam obtinere. Appius enim in sermonibus primum dietitabat, postea dixit etiam in Senatu palam, sese, si licitum esset legem curiatam ferre, sortiturum esse cum collega provinciam; si curiata lex non esset, separatim cum collega, atque Lentulo in Cilicie provincia successurum (ad Famil. I, 9). Quare exeunte mense septembri cogitabat sine lege curiata, suo sumptu in Ciliciam se conferre (ad Attic. IV, 16), quam provinciam sibi exoptatissimam deum habuit post comitia. Quid ergo consules? Coitione facta cum Memmio et Domitio pactionem ineunt, uti ambo HS quadragena consulibus darent, si essent ipsi consules facti; nisi tres Augures dedissent, qui se affuisse dicerent, quum lex curiata ferretur, quae lata non esset; et duo consulares qui se dicerent in orvandis provinciis consularibus scribendo affuisse, quum omnino ne senatus quidem fuisset (ad Attic. IV, 18). Susum ergo gratiam et auctoritatem Appius pro Cilicia cum Memmio et Domitio pactus, fieri haud poterat, quin iniunctam Messalae et Scauro indiceret, quos a consulatu subuovendos per fas et nefas satageret. Quid enim? Appium illum, qui, pactione iniquissima bonis omnibus et Ciceroni (ad Quint. fr. III, 1) exosa, leges non latas ementiebatur, seustus consulti uisum scripta fugebat, eorumpebat porro augures et consulares viros, ut consulatum venderet, non censuimus, inquam, Appium illum extremas quasque tentasse vias vel iniquissimas, dummodo ne Scaurus nobilitate praestans et patris memoria consulatum adipisceretur?

Tentavit cuivvero; atque, Memmio et Domitio conspirantibus, dicam Scauro per Triarium inferendam cor-
ravit. Cumque equidem conicio; at
Triarii accusationem consilio suo re-
xisse, auctoritate confirmasse, omni-
que ope tutatum esse non auctor
conjectura, sed declarat sequens Scau-
rius locus. Inquisitionem et primam
actionem unico teste confectam sus-
tulit maxima celeritate Triarius,
comperendinavit reum, comperendi-
nationem ad IV nonas septembris
prorogavit, inusitato accusationis ge-
nere et subdolo est usus. Equidem
universa haec artificia auctoritate con-
sulis composita et perfecta existimo
comitiorum gratia. Merito itaque Tul-
lius de accusationis genere comitio-
rum causa suscepto disputans men-
tionem iniicit Appii Claudii, iam ad
candidatos redeo. Appii pactio ma-
ture innotuit Ciceroni, de illa enim
sic ad Atticum IV, 15 scribebat ante
diem V Kal. Sextil.: « Cum eo (Mem-
mio) Domitium consules iunxerunt;
qua pactione, epistolae committere
non audeo ». Scilicet Cicero simul
pertimescens Appii potentiam atque
amicos, simulque se illi maxime pro-
bare studens, timebat, ne, si epistola
in alienas manus forte incidens signi-
ficaretur Appio, consulis odium vix
restitutum iterum incenderet. Eun-
dem etiam Ciceronis animum erga
Appium declarant epistolae libri ter-
tii ad Familiares; hominem enim
produnt, qui malebat superbum pati
ingenium Appii segre novo precon-
suli provinciam tradentis, congres-
sum studiose vitantis, iniquissimas
querelas adhibentis, multa innovan-
tis, quam uti verbo paulo duriusculo
in Appium. Quae quomodo ita sint,
aune censebimus Ciceronem patrocini-
aturum causam M. Scauri voluisse
iniquam Appii pactionem iudicibus

revelare, ut inimicitarum causa fa-
cilis pateretur? *Hic ego, inquit, Appium Claudium — nullo loco, iudi-
ces, vituperabo — Ego tantum dicam
quod et causae satis, et in illum minime
durus aut asperum possit esse. Nempe
possem equidem Appio oblicere
coitionem cum Memmio et Domitio
factam, possem pactiones turpissimas
retegere, unde omnis Appii in Scau-
rum inimicitia dimanet; sed nolo
quidpiam durum aut asperum in con-
sulem dicere. Illum nullo loco vita-
perabo, quamvis vituperationi am-
plissimus pateat locus; dicam tantum
quod causae satis esse possit. Iam
causae factorus satis quodnam arti-
ficium excogitavit Tullius? Vtrumque
cavere studens, tum ne Appii inimi-
citia obesset causae clientis, tum ne,
revelata pactione, amicitiam vix re-
integratam rumperet; excogitavit
verisimilem hanc de Caio consulatu
petente historiam, ita ut Caio
nomine innueret Memmium et Do-
mitium. Verisimilem, inquam, non
veram, Ciceroni enim res illorum co-
mitiorum diligentissime exponenti in
multis epistolis (ad Attic. IV, 15,
16, 17, 18; ad Quint. fr. II, 15, 16;
III, 1, 2, 3, 8) nusquam Caius com-
memoratus est, eiusque nomen ita
reticent scriptores universi, ut vix
innotescat. Quid plura? Haec aibi
obicit Tullius *at enim frater iam non
petit*. Constabat enim inter omnes
Caium Romae non esse, in sua Asiae
provincia versari, nullas largitiones
eius nomine fieri, Appium fratrem,
quo maxime valere poterat, aliis can-
didatis studere. Quam objectionem
ut dilueret, figmentis figmenta cu-
nulaus, ait Caium a tota Asia sup-
plice retentum, commode provinciae
honori suo anteposuisse. Quanta
animi magnitudinem! quam incredi-
bilem! Ratum itaque habeo Cice-*

tricius ¹, sive plebeius esset, nondum enim certum

(1) *Centum Senatores creavit Romulus, mox totidem adlegit*: postea Tarquinius Priscus addidit alios centum eosque conscripsit. Eone vocabulo conscriptis patribus dieti sunt conscripti? Post placuit populo addi familias plebeias ad senatum, et facti sunt senatores plebei. Tria sunt ergo genera, quae venerunt ad senatum: primum patrum genus, secundum conscriptorum genus, tertium plebeium. Sed conscriptorum et patriciorum unum est meritum. Non licebat patricium petere tribuniciam potestatem, sed si plebeius esset, petebat. Patricius senator fuerat Clodius qui *populit* in exilium Ciceronem. Isti Claudii tres erant senatores fratres; unus qui modo consul est, alius qui Asiam tenebat praetorio imperio, tertius ille Claudius, qui se de patricio plebeium fecerat. Pontifices non fiebant, nisi de patriciis. Certi pontifices in salutaris mensam, et in ceteris quibusdam sacerdotiis, quae solent administrare patricii, ubi administrassent haec sacerdotia, fiebant consules. Lex erat autem (Invenis) colouis, ut nomen fieret de patriciis, alius de plebeis. Lex etiam erat, ut liceret duos ple-

nem narrasse verisimilem historiam, quae ad clientis causam patrocinandam per momentum habebat, seu, ut eius utar verbis, causae satis esse poterat. Declarabat enim, quod verissimum erat, Appianum aliis candidatis festivo plane amore studere; hos vero quippe plebeios aut ferri non posse Scauro nobili viro, nisi iste aliquo aut metu aut infamia percelleretur; quare universam Appii inimicitiam eum Scauro comitiorum gratia susceptum esse. Quae si vera sunt, uti verissima equidem proponi ingenti animi confidentia, qua voce credemus Tullium pronuntiasse, quo gestu orasse illa verba: *Ego tantum dicam quod et causae satis, et in illud minime durum aut asperum possit esse; tum alia de quo plura iam non dicam; quamquam ea quae dixi non secus dixi, quam si eius frater essem.*

Nondum enim) Ita Taurinensis et Asconius; Ambrosianus non enim. Mordet P. Clodium, qui, ut tribunus plebis crearetur, e patriciis exierat in gentem Foulciam per adoptionem.

Iam vero quavis consulatus fuisset plebeis communicatus lege Licinia, patricii tamen plebi praestabant, quia illum *nobilitas inter se per manus tradebat* Sallust. Iug. 63. Cuius itaque sive patricius esset ob generis vetustatem, sive plebeius ob fratrem Clodium, putabat sibi eum hoc Scauro contentione fore; Appius vero putabat hoc Caio Scauro maiorem etiam, meminerat enim patricium fuisse in Pontificatus petitione, Sallustia, ceterisque. At Caius ne patricius esse desiderat, quia Clodius frater ad plebem migraverat? Num Appiorum genus Scaurinae genti eedebat quum generis antiquitate, tum meritis maiorum? Tullius ergo haec de genere patricio disputans, revera iuuebat Memminem et Domitium plebeios homines, quibus adeo gravis erat competitoris Scauri nobilitas, ut necessarium foret hunc percellere metu, aut infamia, qua ab insita nobilitatis commendatione decideretur.

Certum) Ita indubie; quod adverbii instar occurrit etiam apud Horatium Serm. L. II, 6, 27, quod mihi obsit dare certumque locuto.

constituerat, cum hoc sibi contentionem fore putabat; Appius autem hoc maiorem etiam, quod illum in Pontificatus petitione, in Saliatu, in ceteris meminerat fuisse patricium. Quamobrem, se consule, neque repelli fratrem volebat, neque ipse si patricius esset, parem Scauro fore videbat, nisi hunc aliquo aut metu aut infamia perculisset. Ego id fratri in honore fratris amplissimo non concedendum putem? praesertim quum quid amor fraternus valeat paene praeter ceteros sentiam? At enim frater iam non petit.

beios esse, non liceret duos patricios. Ergo necesse fuerat (ut) unus foret plebeius, unus patricius. Priores quidem consules sibi aut plebei, sed patricius administrabat iustitia succedens, seroque perveniebat ad consulatum. Contra plebeius cito veniebat. Sed melioris loci est patricius consul, quam plebeius. Scaurus (antea patricius fuerat . . . Claudius, qui frater est Claudii consulis, aequae patricius fuit. Ambo patriciis et familiis migraverant . . . aut ad m . . . orato qui patricii erant. Clodius novum . . . (sude)bat competere . . . etiam putabat C. Claudio ut perveniret . . . adhuc ad consulatus petitionem de gradu patricio. Scauro autem . . . erant . . . os . . . mo . . . Claudii . . . patricius esset an plebeius si . . . bat, nec sciebat quid . . . nam si pec . . . bat . . . patricius et melior erat . . . o gradu petere consulatum non poterat . . . at inveniebat ante se Scaurum. Ideo volebat accusationem intendere Marco Scauro, quod ei non poterat competere aut quasi patricius aut quasi plebeius. (Id. minutis sed quadratis literis.) Quod scholium adeo est oblitteratum, et superinductione scripturae alterius obrutum, ut Cl^o Mai integrum haud potuerit describere. PEYR.

(1) Fuerunt enim duae Claudiae familiae: eorum, quae Marcellorum appellata est, plebeia: quae Pulchrorum, patricia. Sed hoc loco urbem Cicero lussit in Clodium, cum quo in gratiam non redierat. Nam quia Caius P. Clodii erat frater, qui ex patricia in plebeiam familiam transierat per summam infamiam, se quoque dubitare adhuc dixit. Asc. Vulgatus autem textus habebat *Nam quis is P.*; ambrosianorum vero Codicum, monente Cl^o Mai, alter legebat *Namque is in P.*; alter *nam quis is P.* Iam Heinrichius adnotaverat pronomen *is* pertinere ad Caium fratrem. Cl^o vero Mai emendaverat *C. Claudius*; equidem scripsi *Caius*. Appius ipse, praeter duas sorores, duos fratres testatur sibi esse apud Varronem de Re Rust. III, 16, 2.

Sibi contentionem) Ita Taurineosis et Asconius. Ambrosianus ex superiore linca adsciscens incommodum certum

Quum) Ambrosianus qui.

Quid tum? si ille retentus a cuncta Asia supplice, si a negotiatoribus, si a publicanis, si ab omnibus sociis, civibus exoratus anteposuit honori suo com-
moda salutemque provinciae, propterea putas semel
exulceratum animum tam facile potuisse sanari?

Quamquam in istis omnibus rebus, praesertim apud ³⁶
homines barbaros opinio plus valet saepe, quam res
ipsa. Persuasum est Sardis se nihil Appio gratius esse
facturos, quam si de Scauri fama detraxerint: mul-
torum etiam spe commodorum praemiorumque du-
cuntur: omnia Consulem putant posse, praesertim
ultro pollicentem. De quo plura iam non dicam.
Quamquam ea quae dixi, non secus dixi, quamsi eius ³⁷
frater essem, non is qui et est et qui multa dixit, sed
is qui ego esse in meum consuevi. Generi igitur to-
tius accusationis resistere, iudices, debetis; in quo
nihil more, nihil modo, nihil considerate, nihil in-

Si a negotiatoribus) Taurinensis
ianegotiatoribus.

Putas semel exulceratum) Cl. Mai
legit *putassem et exulceratum*, quod
latinae aures respuant. Ipse legi in
Ambrosiano *putassem exulceratum*;
maxima vero affinitas iuler T et L
editorem Ambrosianum fecellit. Tau-
rinensis habet *putassent exulcera-*
tum, vel etiam *putassent exulcera-*
tum; iam quum male me habent *pu-*
tas seni vel exulceratum, proculi
Ambrosianam lectionem.

36. *Persuasum est — detraxerint*)
Tres hi versus erant editi etiam inter
fragmenta Oratioris huius, desumpti
nimirum ex Arusiani Nesi, seu ve-
rins Frontonis, *exemplis elocutionum*,
a quo libello olim inedito multa sum-
psit Sigonius quum Tullii fragmenta
cougereret. Eum libellum debique
nos edidimus cum reliquis Frontonis
operibus, quorum vide pag. 503,

ius litera D. MAL.

Praeniorumque) Ergo Appius, qui
de Scauri fama detractum volebat, ut
fidem suam Memmio ac Domitio da-
tam facilius liberaret, simulquo ipse
uovorum consulum ope Ciliciam sor-
tiretur, multa promiserat comoda
alque praemia Sardis accusatoribus.

Plura iam non dicam) Possem etiam
plura dicere, sed quae in Appium
essent aspera; quamquam ea quae
dixi tanta dissimulatione obvelavi,
ne si eius frater essem. Non is frater
Clodius, qui et revera est Appii fra-
ter, et multa quovis tempore dixit
imprudenter; sed is frater, cuius-
modi ego esse consuevi in fratrem
meum coniunctissimas, eiusque fa-
mae studiosus.

37. *Non secus*) Ambrosianus non-
secus.

Nihil more, nihil modo) Ambro-
sianus *nihilmodum modo*. Cl. Mai

tegre, contra improbe, turbide, festinanter, rapide, omnia conspiratione, imperio, auctoritate, spe, minis videtis esse suscepta.

- 38 Venio nunc ad testes, in quibus docebo, non modo nullam fidem et auctoritatem; sed ne speciem quidem esse aut imaginem testium. Etenim fidem primum ipsa tollit consensio, quae patefacta est compromisso Sardonum et coniuratione recitata; deinde illa cupiditas, quae suscepta est spe et promissione praemiorum; postremo ipsa natio, cuius tanta vanitas est, ut liber-

emendabat nihil moderate. Verum quomodo quatuor sequantur adverbium improbe turbide festinanter rapide, ita ut improbe et turbide opponantur adverbium integrale et considerate; tum duo adverbium quaerenda sunt, quae ex aduerso respondeant postremis festinanter et rapide. Ego vero auctore Cl. Niebuhr in literis ad me nuper rime datis, scripsi nihil more, nihil modo, quae verba coniungit Cicero pro Murena 34 scribens: «Etsi hoc factum a Murena omnino, iudices, non est; ab eius amicis autem more et modo factum est.»

Conspiratione) Conspirant Sardi in testimonio dicendo. Imperio et auctoritate nititur Appius consul. Sperant Sardi promissa commoda, Memmius et Domitius pactum consulatum, Appius provinciam Ciliciae. Idem consul, atque candidati terrent atque minantur Sardos, ne obtemperent. Atque haec de toto accusationis genere Orator dixit; iam ad alterum, quod supra n.º 22 proposuerat, caput traiecit, nempe ad Sardos testes.

Festinanter, rapide) Cramerus cui assensit Heinrichus coniicit hic addendum esse omnia; ut legatur festinanter rapide omnia; omnia conspiratione etc. SCHYTZ.

Spe minis) Ambrosianus apeminhia.

38. Patefacta) Cl. Mai legit late facta; futor litterum P dubiam esse posse.

Recitata) Cl. Mai legit regitata, atque edidit rogitata. Quare Heinrichus adnotabat consensionem testium fuisse effectum compromissi et coniurationis, quae late facta est per provincias Sardiniae. Atqui seu accusator, seu subscriptores in Sardiniam inquisitum non iuraunt; atqui, uti superius monui, Sardi Romae degentes corrogati videntur. Quomodo itaque codex, auctore Cl. Mai, habent regitata, seu, uti vidiisse videor, recitata, delegi hanc lectionem, ex qua apparet Triarium recitasse Sardonum omnium testimonium unica synagoga iisdemque verbis conclusum.

Ipsa natio) Saepes Cicero in Sardos invectus est. In Oratione de provinciis, VII dicit eos *mastrucatos latrunculos* (fuit autem *mastruca* Sardinienae vocabulum scortae vestis). In epist. ad famul. lib. VII, 24, de Tigellio Surdo ait: *In lucris pono non ferre hominem pestilentioris patriae suae. Ibidemque: Habes Sardos venales aliamque nequiores.* Tum IX, 7, de Sardinia ait: *Nec ullum habet (Caesar) proedum deterius, sed la-*

tatem a servitute nulla re alia, nisi mentiendi licentia, distinguendam putent. Neque ego Sardorum querelis moveri nos nunquam oportere. Non sum aut tam inhumanus, aut tam alienus a Sardis, praesertim quum frater meus nuper ab his decesserit, quum rei frumentariae Cn. Pompeii missu praevisset; qui et ipse illis pro sua fide et humanitate consuluit, et eis vicissem percarus et iucundus fuit. Pateat vero hoc perfugium dolori, pateat iustis querelis: conjuratio vi intercludatur, obsepiatur insidiis; neque hoc in Sardis magis, quam in Gallis, in Afris, in Hispanis. Damnat^{us} est T. Albucius et C. Megaboccus ex Sardinia,

men non contemnit. Quintilianus Inst. XI, 1, sub finem ait: « Quod ad externas nationes pertinet, Cicero varie detracturus graecis testibus fidem, doctrinam his concedit ac literas, seque eius gentis amatorem esse proficitur; Sardos contemnit; Allobrogas ut hostes insecutur. » Quorum primum fecit in oratione pro Flacco, alterum pro Scauro (qui locus Ciceronis hactenus latuerat in ambrosiano codice), tertium pro Fonteio. Mat.

39. Neque ego) Cl. Mai ex coniectura legebat aio oportere. Heiurichius idem additamentum deprehendit in voce ego, atque reponit Neque aio Sardorum.

Frumentariae) Huius vocis feliciter a Cl. Mai suppletur vix tenuis vestigium superest in codice = Vnde epistolas plures Marci Ciceronis lib. II ad Q. fratrem in Sardinia degentem. Iam vero ex hoc loco orationis patet quod olim Paulus Manutius in commentario ad epist. I huius libri II, opinatus fuerat, Q. nampe Ciceronem non alia quam rei frumentariae causa a Pompeio in Sardiniam fuisse missum. Et quidem Pompeium

praefectum fuisse rei frumentariae patet ex orat. pro Domo X. Mat.

Fero) Non uti adverbium habet Heiurichius, sed dolori iungit, ut sit verus dolor oppositus simulato (adsentiente Schützio. T.).

Obsepiatur) Cl. Mai legit obsidiatur, atque emendavit obsidetur. Verbi obsidiari forma usum esse Julmellam lexica indicant, O gatur? An eo passive usus erit Tullius? Mira quoque foret locutio obsidiari insidiis, nempe pura putaque tautologia. Quare Heiurichius reponerat obsidatur. Atqui ego legi in Ambrosiano obsedatur; pronus ergo est obsepiatur, quod appropinquat antecedenti verbo intercludatur.

L. Albucius) In unius eiusdemque, ut plura videtur, viri Albucii praenominis scripta veterum vehementer discrepant. Apuleius in Apologia (edit. Paris. an. 1688, pag. 511) scribit Aulum Albucium. Cicero de Officiis II, 14, Marcum. Idem Cicero in Pis. XXXVIII, de Oratore II, 50; III, 43, Orator 44, nullum eius usurpat praenomen. Nunc codex noster antiquissimus manifesto habet Lucium. Et

nonnullis etiam laudantibus Sardis : ita fidem maiorem varietas ipsa faciebat ; testibus enim aequis, tabulis
 41 incorruptis tenebantur. Nunc est una vox, una mens, non expressa dolore, sed simulata, neque huius iniuriis, sed promissis aliorum et praemiis excitata. At creditum est aliquando Sardis. Et fortasse credetur aliquando, si integri venerint, si incorrupti, si sua sponte, si non alicuius impulsu, si soluti, si liberi. Quae si erunt, tamen sibi credi gaudeant et mirentur ; quum vero omnia absint, tamen se non respicient, non gentis suae famam perhorrescent.

quidem etiam Varro de re rust. III, 2, haec scribit : *Nonne item L. Albutius homo, ut solitis, apprime doctus, cuius Luciliano caractere sunt libelli, dicebat etc.* Verum nihilominus Albutii praenomen puto fuisse Titum, non tam quia ita scribitur a Cicerone in Bruto XXVI et XXXV, Divin. in Verr. XIX, de prov. cons. VII, Tuscul. v. 37 ; sed propter Lucilii versum apud eundem Ciceronem de Finib. I, 3 : *Χαίρετ, inquam, Tite, lictores, turma omni, cohorsque, Χαίρετ, Tite, hinc hostis nil Albutius, hinc inimicus.*

Fuit autem Albutius accusatus a C. Iulio (nempe Strabone Caesare, ut ait Suetonius in Caes. LV), qui dicebat pro Sardis, ut patet etiam ex Cicerone Divin. in Verr. XIX, secus atque videtur in loco corrupto eiusdem Ciceronis de Offic. II, 14. Denique Albutius dicitur damnatus Romae in Pisum. XXXVIII, exsul philosophatus Athenis Tuscul. V, 37. Mai. Equidem legi etiam L., quae littera cum paulo differat a T in antiquissimis hisce schedis, facile amanuensem decipere potuit. PERA. — Vitium in praenominis haerere Hein-

richius vidit. Legendum *T. Albutius*. SCHVITZ.

C. Megaboccos) Cicero ad Attic. II, 7 : *Megaboccos et haec sanguinaria inventus inimicissima est.* Megaboccos commemorat Plutarchus in Crasso, et Appianus de Bello Parth. III, 46 et 50 ed. Schweigh. virum animi magnitudine, et vi corporis insignem, qui in iuxta pagna cum Parthis ad Carrhas se ipsum confodit. Haec monumenta de Megaboccos, vel Megaboccos collegit Cl. Mai, nec maiora addidit Heinrichius.

Sardinia) Codex *Sarnia*.

Laudantibus Sardis) Mos fuit ut reus, praeter patronos, laudatores etiam adhiberet. Hi fuere interdum, si res ita ferret, homines provinciales, quos singulae civitates ab eo administratae, cum publica laudatione ad sublevandum rei periculum mittebant. Vide Sigonium de Iudiciis lib. II, cap. XIX, et ex. gr. laudationes Flacci in orat. pro eo cap. XL. Mai. At) Codex *ad*.

Tamen) Heinrichius inallet *tum*.

Perhorrescent) Haec interrogantia modo dicta credit Cl. Mai, eique suffragantur Germaui Duumviri.

Fallacissimum genus esse Phoenicum omnia monu-
 menta vetustatis, atque omnes historiae nobis prodi-
 derunt. Ab his orti Poeni multis Carthaginiensium
 rebellionibus, multis violatis fractisque foederibus,
 nihil se degenerasse docuerunt. A Poenis admixto
 Afrorum genere Sardi non deducti in Sardiniam, at-
 que ibi constituti, sed amandati et repudiati coloni.
 Quare, quum integri nihil fuerit in hac gente plena,
 quam valde eam putamus tot transfusionibus concuisse?
 Hic mihi ignoscet Cn. Domitius Sincaius ¹ vir ornatissimus,
 hospes et familiaris meus; ignoscent Delicones
 ab eodem Cn. Pompeio civitate donati, quorum ta-
 men omnium laudatione utimur; ignoscent alii viri
 boni ex Sardinia, credo enim esse quosdam. Neque
 ego quum de vitiis gentis loquor, neminem excipio.

(1) Quem Pompeius civem Romanum fecerat. SCHOL.

Phoenicum) Codex *Foenicum*; max
phoeni, poenis. T.

Rebellionibus) Codex *rebelliensibus*.

A Poenis) Hanc Sardinum originem testatur etiam Pausanias Phoc. XVII. Tum et aliam Afrorum exsecutionem in Sardiniam memorat ibidem Pausanias. Et quidem Strabo lib. V discrete scribit: Ὑσπραν δὲ Φοίνικας καταπαύσαντες αὐτὸν ἐν Καρχηδόνος, postea *Phoenices Carthaginiis incolae eam (Sardiniam) obtinuerunt*. Mat.

Amandati) Codex *amenlati*.

Plena) Si vox *plena* genuina est, metaphoram sumpsit Cicero a lagenis solo vino plenis, cuius pars si transfundatur, ei quoque alii liquores admisceantur, acorem contrahere solet. Heinrichius corrigit *in hac gente pura*. Mihi quidem vox *plena* abutitur, sed emendatio *pura* nimis distare videtur.

Sincaius) Ita legi, ut *Sencaius* quoque esse possit. Cl. Mai *Singuius*. Natinos Sardus, Romana civitate donatus a Pompeio. Nam *lex Gellia et Cornelia de iure potestatem Pompeio civitatem donandi dederat*. Cicero pro Balbo 14.

Delicones) Ea certus literas DONES, mihi etiam apparet C; reliquae tres sunt ex genere literarum E, F, I, L, P, T in hisce schedis maxime affluunt. Cl. Mai in prima editione lucem huic nomen ex geographia Sardiniae expectandam esse dixerat. At recte Heinrichio adnotatum fuit contextum *alii viri boni — Neminem excipim — fortasse aliqui*, innuere Sardos homines eiusdem familiae; maxime quum Tullius max testetur Sardiniam nullam habuisse amicam populo romano ac liberam civitatem.

Sed a me est de universo genere dicendum; in quo fortasse aliqui suis moribus et humanitate, stirpis ipsius et gentis vitia vicerunt. Magnam quidem esse partem sine fide, sine societate et coniunctione nominis nostri res ipsa declarat. Quae est enim praeter Sardiniam provincia, quae nullam habeat amicam populo romano ac liberam civitatem? ⁴⁵ Africa ipsa parens illa Sardiniae, quae plurima et acerbissima cum maioribus nostris bella gessit, non solum fidelissimis regnis, sed etiam in ipsa provincia se a societate Punnicorum bellorum, Utica teste, defendit. Hispania ulterior Scipionum int².

⁴⁶ Vndique mihi suppeditat quod pro M. Scauro di-

(1) Aliae civitates sunt stipendiariae, aliae liberae. Stipendiariae, quae bello subiunguntur; liberae, quae ad amicitiam sponte veniunt. Dicit Cicero: in omnibus provinciis, quae contra nos bella gesserunt, invenimus aliquas civitates liberas, quas ad amicitiam nostram sponte venerunt: sola Sardinia est, in qua nulla civitas nobis amica sit. *Scm.*

(2) Scipiones quum gererent in Hispania bellum occisi omnes sunt. Deficientibus tunc omnibus Hispaniae civitatibus ab amicitia populi Romani, Gadirana sola civitas in fide mansit, defectumque ac siue imperatoribus romanum suscepit ac fovit exercitum. *Lozm.*

A me est) Codex *amenest*; sed additis littera N obelo configitur.

Res ipsa) Codex *reipsa*.

Amicam) Codex *amica*.

Regis) Puta Masinissae. *Mat.*

Utica teste) Tertio bello punico incipiente, Utica maxima post Carthaginem urbs Africae ad Romanos a Poenis descivit. Vide Appianum de reb. pun. c. LXXV, Polybium *legat.* CXLII, Livii epitomam lib. XLIX. *Mat.*

Hispania) Lacunam incommodam codicis ambrosiani explet quodammodo locus Tullinae Orationis pro Cornelio Balbo c. XV: « Duris quon-

dum temporibus reipublicae nostrae, quum praepotens terra marique Carthago, nixa duobus Hispaniis hunc impario immineret; et quum duo fulminis nostri imperii Cn. et P. Scipiones extincti occidissent; L. Marcius, primipili centurio, cum Gadiranis foedus icisse dicitur. » *Mat.*

(3. *Vndique mihi*) Postremum Taurinensis codicis fulium incipit a verbis *uisse templo videtur in vestro conspectu iudicis*. Atqui haec habet Asconius ad h. or.: Versu a novissimo CLX: « Vndique mihi suppeditat quod pro M. Scauro dicam, quocumque non modo metus, verum

cam, quocunque non modo mens, verum etiam oculi inciderint. Curia illa vos de gravissimo principatu patris fortissimoque testatur; L. ipse Metellus, avus huius, sanctissimos Deos illo constituisse templo videtur in vestro conspectu, iudices, ut salutem a vobis nepoti suo deprecarentur¹, quod ipsi saepe multis laborantibus atque implorantibus ope sua subvenissent. Capitolium illud templis tribus inlustratum, pa- 47

(1) Castoris et Pollucis templum Metellus, quem nominat, refecerat. Asc.

etiam oculi inciderint. Curia illa vos de gravissimo principatu patris fortissimoque testatur, L. ipse Metellus, avus huius, sanctissimos deos illo constituisse in templo videtur, in vestro conspectu, iudices, ut salutem a vobis nepotis sui deprecarentur. »

Asconii ergo fragmentum cum Tarrinensi coniungitur. Postrema haec est pars perorationis, in qua Scaurum laudat Cicero a maioribus suis, praesertim vero ab avo L. Metello, et patre Aemilio Scauro. Hoc fragmentum innuebat Quintilianus VI, 1, de peroratione scribens: « Periclitantem vero commendat dignitas, et studia fortis, et susceptae bello cicatrices, et nobilitas, et merita maiorum. Hoc, quod proxime dixi, Cicero atque Asinius certatim sunt usi: pro Scauro patre hic, ille pro filio. » Quam vero apposite ad captandum iudicum favorem haec a Tullio dicta fuerint, intelligimus a Valerio Max. VIII, 1, 10: « M. quoque Aemilius Scaurus repetundarum reus — perditum et comploratum defensionem in iudicium attulit — tamen propter vetustissimam nobilitatem, et recentem memoriam patris absolutus est. »

Illa vos Ita duo codices Ambrosiani Asconii, et aliquot antiquae editiones, uti Cl. Mai testatur,

Principatu patris) M. Aemilius Scaurus fuit princeps senatus.

Sanctissimos deos) Castorem et Pollucem, quibus aedem extruxit L. Metellus Dalmaticus suis manibus in bello Dalmatico captis; vide Cicero-nem in Verr. I, 59. Hic parro fuit avus maternus Scauri; nam, ut apposite monet Asconius ad fragm. 12, *paternus avus proavusque Scauri humiles atque obscuri fuerunt.*

Templo) Asconius in templo.

Nepoti suo deprecarentur) Asconius nepotis sui deprecarentur.

47. *Templis tribus*) Cicero de Nat. Deor. II, 23: « Fides, Mens, quas in Capitolio dedicatas videmus proxime a M. Aemilio Scauro; ante autem ab Atilio Calatino erat fides consecrata. » Idem templum Menti consecratum ab Aemilio Scauro commemorat Plutarchus de Fort. Roman. tom. II, p. 306 ed. Wyttenb. Verum quum a T. Otacilio praetore iam pridem dedicatum fuerit (vid. Livium XXII, 10; XXIII, 31), equidem conficio illud vel ampliatum, vel restitutum, nentignam ex inchoato extractum fuisse a Scauro. Restituit etiam aedem Fidei ab Atilio consecratam. Quodcum fuerit tertium templum a Scauro inlustratum, videant alii.

ternis atque etiam huius amplissimis donis ornati aditus I. O. M., Iunonis Reginae, Minervae, M. Scaurum apud.

48 illius L. Metelli Pontificis Maximi, qui, quum templum illud arderet, in medios se iniecit ignes, et eripuit flamma Palladium illud, quod quasi pignus nostrae salutis atque imperii custos, in aedibus Vestae continetur. Qui utinam posset parumper exsistere! Eriperet ex hac flamma stirpem profecto suam, qui eripisset ex illo incendio di

49 tum. Te vero, M. Scaure, quidem vidi. Video, inquam, non cogito solum, nec vero sine magno animi moerore ac dolore, quum tui filii squalorem aspexi. De te recordor. Atque utinam, sicut mihi tota in hac causa versatus ante oculos, sic nunc horum te offeras mentibus, et in horum animis adhaerescas! Species me dius etiamsi forte non nosset, tamen principem civitatis esse diceret.

Quo te nunc modo appellem? Vt hominem? At non
50 es inter nos. Vt mortuum? At vivis, et viges; at in omnium animis atque ore versaris, atque divinus animus mortale nihil habuit, neque tuorum quicquam potuit emori, praeter corpus. Quocumque igitur te modo

CETERA DESIDERANTUR.

Supra pag. 470, post illa verba *Hispania ulterior Scipionum*, in Schützii editione haec leguntur: . . . bono quanti quod habebat veniret.

Agedum ego defendi Scaurum . . . Triari: defende tu matrem . . . interpretari non solvendo fuisse bona. Denique reus bona . . . proscripi esse bonis . . . quae nullibi in Peyroni editione potui deprehendere. TYP.

48. *Templum illud*) De aedium Vestae conflagratione, quo incendio Metellus inter ipsos ignes raptum Palladium incolume servavit, ut ait Valerius Max. I, 4, 4. lege Livii Epitomen XIX, Plinium VII, 45, Ovidium Fast. VI, 437, Dionysium Halic. lib. II, Senecaui *Controvers.* I, IV, 2. *Custos in aedibus V.*) Sic, su-

dente Peyroni V. CL., rescripsi. *Codex custodis Vestae.*

M. Scaure) M. Aemilium Scaurum clientis patrem ante multos annos defunctum alloquitur.

De te recordor) Trias haec verba servaverat Fronto in *Exempli*, elocut. ed. Med. pag. 541.

ORATIONIS

PRO

M. AEMILIO SCAURO

PARTES OLIM EDITAE

CVM Q. ASCONII PEDIANI COMMENTARIO

FRONTO] Nihil Sardos Appio gratius esse facturos,
quam si de Scauri fama detraxerint.

CIRCA VERS. A PRIMO XL.

QVVM ENVMERABET IVDICIA, QVAE PATER SCAVRVS EXPERTVS EST.

Ascon.] 1. Subiit etiam populi iudicium inquirente
Cn. Domitio Tribuno pl.

Cn. Domitius, qui consul fuit cum Cassio, quum esset tribunus pl. iratus Scauro, quod cum in augurum collegium non cooptaverat, diem ei dixit ad populum et multam irrogavit, quod eius opera sacra multa populi romani deminuta esse diceret. Crimini dabat, sacra publica populi romani Deum penatium, quae Lavinii fierent, opera eius minus recte cauteque fieri. Quo crimine absolutus est Scaurus quidem, sed ita, ut a tribus tribubus damnaretur, a XXXVII (1) absolveretur et in eis pauca puncta inter damnationem et absolutionem interessent.

(1) In recentioribus editionibus legitur XXXII. Sed uterque codex ambrosianus cum antiquis editionibus habet XXXVII. Et quidem extra solemnem numerum τῶν XXXV ali-

quam praeterea tribum existisse exploratum est. Mai. Ceterae etiam adnotationes ad commentarium Asconii auctorem habent clarissimum Mai. Pryn.

Ibidem.

Idem] 2. Reus est factus a Q. Servilio Caepione lege Servilia, quum iudicia penes equestrem ordinem essent, et P. Rutilio damnato, nemo tam innocens videretur, ut non timeret illa.

Q. Servilius Caepio Scaurum, ob legationis asiaticae invidiam et adversus leges pecuniarum captarum, reum fecit repetundarum lege, quam tulit Servilius, Claudia Gracchia. Scaurus tanta fuit continentia et animi magnitudine, ut Caepionem contrarium detulerit et breviori die inquisitionis accepta effecerit, ut ille prior causam diceret, M. quoque Drusum tribunum pl. cohortatus sit, ut iudicia ecommutaret.

Ibidem.

Idem] 3. Ab eodem etiam lege Varia custos ille rei-publicae proditiōis est in crimen vocatus: vexatus a Q. Vario tribuno pl. est non multo ante.

Italico bello exorto, quum ob sociis negatam civitatem nobilitas in invidia esset, Q. Varius tribunus pl. legem tulit, ut quaereretur de iis, quorum opera consiliove socii contra populum romanum arma sumpsissent. Tum Q. Caepio, vetus inimicus Scauri, sperans invenisse se occasionem opprimendi eius, egit ut Q. Varius tribunus pl. belli concitati crimine adesse apud se Scaurum iuberet anno LXXII. Ille per viatorem accersitus, quum iam ex morbo male solveretur, dissuadentibus amicis, ne se in illa valetudine et aetate invidiae populi obieceret; innixus nobilissimis iuvenibus processit in forum: deinde, accepto respondendi loco, dixit: Q. Varius Hispanus M. Scaurum principem senatus socios in arma ait convocasse; M. Scaurus princeps senatus negat: testis nemo est: utri vos, Quirites, convenit credere? qua voce ita omnium commutavit animos, ut ab ipso etiam tribuno dimitteretur.

DICIT ITERVM DE PATRE M. SCAVRM.

Idem] 4. Non enim tantum admiratus sum ego illum virum, sicut omnes, sed etiam praecipue dilexi. Primus

enim me, flagrantem studio laudis, in spem impulit, posse virtutem sine praesidio fortunae, quo contendissem, labore et constantia pervenire.

Possit aliquis quaerere, cur hoc dixerit Cicero, quum Scaurus patricius fuerit: quae generis claritas etiam inertes homines ad summos honores provexit. Verum Scaurus ita fuit patricius, ut tribus supra eum aetatibus iacuerit domus eius fortuna. Nam neque pater, neque avus, neque etiam proavus, ut puto, propter tenues opes, et nullam vitae industriam, honores adepti sunt. Itaque Scauro aeque ac novo homini laborandum fuit.

SEVER.] Et quoniam congesta est accusatio ⁽¹⁾ magis acervo quodam criminum, quam distinctione aliqua generum et varietate.

Idem] Bostarem igitur quendam dixit Norensem, fugientem e Sardinia Scauri adventum.

Idem] Prius illum sepultum, quam huic coenam esse sublatam.

ASCON.] 5. Si, mehercule, ⁽²⁾ iudices, pro L. Tubulo dicerem, quum unum ex omni memoria sceleratissimum et audacissimum fuisse accepinus, tamen non timerem,

(1) Severianus rhetor Latinus, ubi agit de disponendis criminibus ita scribit: Cicero pro Scauro reprehendit adversarii confusam criminationem. Ait enim: « Et quoniam congesta fuit accusatio etc. » SIGON.

(2) Ut dixi supra caedes etiam ubiectae sunt Scauro, ut caedes Bostaris de qua Quintilianus lib. IV, c. 2: Pro Scauro Cicero circa Bostaris mortem in matrem crimen avertit. Et lib. V, c. 13: In contradictionibus interim totum crimen exponitur, ut Cicero pro Scauro circa Bostarem fecit, velut orationem diversae partis imitabit. Hoc autem loco refellere videtur Cicero Bostarem Scauri opera esse in-

terfectum, quod aeque ex eius morte commodum Scaurus speraret, aeque ei infensus esset, quibus duabus causis potissimum homines ad eiusmodi facinora solent impelli. Quod ergo non timerem de Tubulo homine sceleratissimo, inquit, si pro eo dicerem, multo minus de Scauro viro optimo timeandum videtur. Marcianus Capella libro V significat hac oratione Scaurum defensum de Bostaris necesse de Arinis uxore, de decimis tribus. Multiplex, inquit, ex pluribus questionibus causa consistit, ut respondendum omnes Ferrinas, et pro Scauro de Bostaris necesse, de Arinis uxore et decimis tribus exquiratur. SIO.

venenum hospiti, aut convivae si diceretur coena ab illo datum, cui (¹) neque heres neque iratus fuiss

L. hic Tubulus praetorius fuit aetate patrum Ciceronis. propter multa flagitia, quum de exilio accersitus esset, in carcere necaretur, venenum bibit (²).

Idem.] Quae quidem suspicio valuit etiam ob ha causam, quod quum agerent parentalia Norenses.

PORPH. *Sat.* 2. l. 2] Libertus patronum non oc dit, sed duobus digitulis gulam oblisit.

FRONTO] Copiis inops, gente fallax.

CIRCA TERTIAM PARTEM.

A primo.

Ascon.] 6. Sic, inquam, se, iudices, res habet, n que hoc a me novum disputatur, sed quaesitum ; aliis est. Illa (³) audivimus, hoc vero meminimus, (ac pene vidimus, eiusdem stirpis et nominis P. Cras sum ne in manus incideret inimicorum, se ipsum in teremisse.

Hic Crassus fuit pater Crassi eius, qui aemulus potent Cn. Pompeii fuit. Periit autem in dominatione L. Cinna quum ille et alios principes optimatum, et collegam sui Cn. Octavium occidit.

(1) Alter e codd. ambrosianis pro cui habet quom. MAL.

(2) Tubuli scelera saepe commemorat Cicero, nempe de Finib. II, 16; IV, 28; V, 22; de Nat. D. I, 23; III, 30.

(3) Haecque verba Tulliana huius oei praetermittuntur ab utroque codice ambrosiano. Ea tamen occurrunt nobis inferius n. 7.

(4) Haec exempla sunt eorum, qui sibi in bello manus attulerunt, ut

P. Crassi, qui in bello Aristonici Asia captus, barbarum, a quo captus erat, ut se interficeret, provocavit aut alterius P. Crassi, qui in dominatione L. Cinnae, ne in manus inimicorum incideret, sibi mortem conscivit. Quos tamen neque Aquilius, neque Iulii dno, neque M. Antonius potuerunt imitari. H est autem, quod scribit Quintilian lib. IV, c. 1, Ciceronem pro Scavo repetundarum reo usum esse exemplis. Sic.

Statim.

Idem] 7. Ac neque illius Crassi factum superioris, iisdem honoribus usus, qui fortissimus in bellis fuisset, M. Aquilius potuit imitari.

Haec verba, quibus Cicero nunc utitur, *AC NEQUE*, eam videntur habere naturam, ut semel poni non soleant, quia *NEQUE* est coniunctio disiunctiva, et semper postulat ut rursus inferatur, ut quom dicimus: *neque hoc, neque illud*. Quo autem casu acciderit, quove ratione, et hoc loco Cicero hoc verbo ita usus sit, praesertim quum adiecerit illam appositionem, et nomen intulerit postea alterum, neque perspicere potui, et attendendum esse vixde poto. Moveor enim merita viri auctoritate: neque igooro, aliquando hoc verbum *neque* vel semel poni, ut in eadem hac oratione ante ipse Cicero posuit: *Sic, inquam, se, iudices, res habet; neque hoc a me novum disputatur, sed quaesitum ab aliis est*. Sed hoc loco et sine praepositione illius verbi videmus esse positum, et tamen post secundum aliquid inferri (1). Nam quom dixerit: *neque hoc a me novum disputatur, inferit, sed quaesitum ab aliis est*.

Paulo post.

Idem] 8. Quid vero? alterum Crassum temporibus eisdem num (2) aut clarissimi viri Iulii, aut summo ingenio praeditus M. Antonius potuit imitari?

Hic alter Crassus idem est de quo sopra diximus. *Alterum* autem eum appellat, quia ante mentionem fecit P. Crassi, qui fuit pontifex maximus, et bello Aristonici in Asia dedit operam ut occideretur. *Iulios* autem quum dicit, duos Caesares fratres Caium et Lucium significat: ex quibus Lucius et praetor et coosul fuit. Caius aedilitius quidem occisos est, sed tantum in civitate potoit, ut causa belli civilis contentio eius cum Solpicio tribuno fuerit. Nam et sperabat et id age-

(1) Ab altero codice ambrosiano tota abest haec particula orationis: *Sed hoc loco etc.* In altero vero sic: *Sed hoc loco ut sine praepositione il-*

lius verbi videamus esse positum, et tamen quo sit secundum etc.

(2) Codd. ambr. et aliquot editiones antiquae nam.

bat Caesar, ut omissa praetura consul fieret: cui quum primis temporibus iure Sulpitius resisteret, postea nimia contentione ad ferrum et ad arma processit. Idem inter primos temporis sui oratores, et tragicus poeta bonus admodum habitus est: huius sunt enim tragoediae, quae inscribuntur *Iulii*. Et hi autem Iulii et Antonius ab satellitibus Marii sunt occisi, quum Crassus, ut supra diximus, eundem casum sua manu praevenisset.

PRISC. l. 6) Quum dare nollet *Aris* ⁽¹⁾, clam ex Sardinia est fugere coactus.

Idem] *Aris* uxorem pellicatus dolore concitatam ⁽²⁾

Idem l. 7] *Arinis* uxorem.

Circa medium.

ASCON.] 9. Neque vero haec ipsa quotidiana res

(1) Loquitur de Arinis uxore, quam a Scauro corruptam fuisse obiciebant eius inimici. Sensus est: quum Aris nollet uxorem Scauro dare, coactus est clam ex Sardinia fugere. Est enim verisimile post caedes adulteris obiecta eum purgasse. SIO.

(2) Sic reposui ex vetere Prisciano, quom nota Arinis uxorem pellicatus dolo concitatam legeretur. Nam quod primam quidem vocem attinet, praeter veterem, ut dico, scripturam, ipsa quoque Prisciani illius loci sententia ita legendum esse evincit. Tractat enim eo loco Priscianus nomina in hanc terminationem desinentia, qua est *delphin*, in *is* quoque terminari, ut *delphin* et *delfus*, *Eleusin* et *Eleusis*. Et quidem sic ut Graeci scriptores terminatione *IS* magis delectentur, Latini terminatione *IN*. Haec quum ita dixisset Priscianus, subdit: *Quamvis*, inquit, *Cicero pro Scauro IS* etiam terminatione Graecis quam Latinis usitatore, uti maluerit,

inquiens: QUUM DARE NOLLET ARIS CLAM etc. Et in eadem, inquit Priscianus, ARIS UXOREM PELLICATVS DOLORE CONCITATAM. Ex cuius ratione sententiae plane constat ARIS nominativo casu, hoc quoque, ut superiore fragmento legi oportere, sensu imperfecto, ad hunc fortassis modum perficiendo: ARIS UXOREM PELLICATVS DOLORE CONCITATAM RELINQVERE NECESSE HABUIT. Quod autem deinde idem Priscianus libro septimo genitivum casum denu furmat, ARINIS ab ARIS nominativo genitivum auctoritate Ciceronis comprobet, qui in eadem oratione ARINIS UXOREM dixerit, ea re quidem mihi sans auctor fuit, ut id quoque fragmentum a superioribus diversum iuxta cetera reponerem. Videtur autem reliquis, quae de Arine sunt, praeposendum, si quis modo hac sententia proleptum esse ab oratore existimari velit. Obiciunt etiam adversarii Arinis uxorem a Scauro corruptam existisse. PATR.

Appium Claudium, (1) illa humanitate et sapientia praeditum, per se ipsa movisset, nisi hunc Claudii (2) fratris sui competitorem fore putasset: qui sive patricius, sive plebeius esset (3); nondum enim certum constitutum erat, cum illo sibi contentionem fore putabat.

Fuerunt enim duae Claudiae familiae: earum, quae Marcellorum appellata est, plebeia: quae Pulchrorum, patricia. Sed hoc loco urbane Cicero lusit in Claudium (4), cum quo in gratiam non redierat. Nam quia (C. Claudius) (5) P. Clodii erat frater, qui ex patricia in plebeiam familiam transierat per summam infamiam; se quoque dubitare adhuc dixit.

ISID. l. 19, c. 23] Quem purpura regalis non commovit, eum Sardorum mastruca *tentavit*? (al. mutavit) (6).

(1) Significat *Ap. Claudium Pulchrum*, tum quum loquebatur, consulem, P. Clodii fratrem de quo dubitat, patricianae an plebeiae sit, quia quum esset patricius, in plebeiam familiam Fusteam se adoptaverat. Innuit autem Ap. Claudium egisse, ut Scaurus accusaretur, ne cum Clodio fratre contenderet. Sic.

(2) Palimpsestus antiquissimus ambrosianus in hac oratione c. VI, p. 9 evidenter habet, *nisi hunc C. Claudii* etc. At in Asconii codd. ambrosianis nec non in eiusdem editionibus legitur, *nisi hunc Claudii* omisso praenominis. Et quidem facile fieri potuit ut in codicibus uno e tribus continuis C praetermitteretur.

(3) Plebeium de patricio se fuit P. Claudius. Cicero autem nam id ipsum factorum sit C. quoque Claudius dubitare se fugit iocans, quoniam is P. erat frater, uti Asconius explicat.

(4) Nempe in P. Claudium perpetuum Ciceronis inimicum.

(5) Corruptus videtur in editionibus hic locus nempe: *Nam quia is P. Clodii erat frater*. Quam lectionem si retineremus, Claudius quidem, cuius ante tria verba mentum sit, non Publius sed Calus esset, quod a veritate abhorret: siquidem Publius erat inimicus Ciceronis. Codicem quoque ambrosianorum alter habet: *namque is in P. Clodii frater erat*. Alter vero, *nam quia is P. Clodii erat frater*. Iam quod editiones a codicibus discrepant, atque ipsi codices inter se, id scilicet argumento est, locum in mendo cubare. Nostram autem emendationem satis commodam visum iri speramus.

(6) Haec ad quaestionem de furto pertinent. Scribit enim Asconius Sulla Senuri vitrico victore, et in socios vietiore munifico, Scaurum ita abstinentem fuisse, ut nihil, neque donari sibi voluerit, neque ab hasta emerit. Ex quo effici vult Cicero, multo minus cum vilibus Sardorum vestibus potuisse corrupti. Hinc est,

MARCELL. I. 22] Vos quoque de familia nobili, cum auctoritate orbis terrarum sentire debetis.

Idem] Scaurum defendens Tullius imperat Sardis, ut de familia nobili ipsi quoque cum orbis terrarum auctoritate sentirent.

POST DVAS PARTES ORATIONIS DICIT DE SCAURO,
QVEM DEFENDIT.

ASCON.] 10. Nam quum ex multis unus ei restaret Dolabella, paternus inimicus, qui cum Q. Caepione propinquo suo contra Scaurum patrem suum obsignaverat; ceteras (1) eas sibi inimicitias non susceptas, sed relatas etc.

Ne forte erretis, et eundem hunc Cn. Dolabellam putetis esse, in quem C. Caesaris orationes legitis, scire vos oportet, duos eodem tempore fuisse et praenomine et nomine et cognomine, Dolabellas. Horum igitur alterum Caesar accusavit, nec damnavit: alterum M. Scaurus accusavit et damnavit.

POST TRES PARTES QVO LOCO DEFENDIT QVOD TAM
MAGNIFICAM DOMVM SCAVRVS HABERET.

Idem] 11. Praesertim quum propinquitas et celebritas loci suspicionem desidiaet tollat aut cupiditatis.

Demonstrasse vobis memini me, hanc domum in ea parte Palatii esse, quae, quum ab sacra via descenderis et per proximum vicum, qui est ab sinistra parte, prodieris, posita est. Possidet eam nunc Longus (2) Caecium, qui consul

quod Quintilianus lib. I, c. 9, ait: *Mustrucam, quod Sardum est, illudens Cicero de industria dixit. Et Cicero de prov. consular. res in Sardinia cum mustrucatis latrunculis gesta. Sic.*

(1) Editiones habent, *obsignaverat stateras*. Codex alter ambrosianus *obsignaverat; stateras eas etc.* Alter vero optime, *obsignaverat. Ceteras*

eas etc. Nimirum *obsignaverat* hoc loco significat, ut arbitror, *testis adfuerat, sive annuo accusationem in Scaurum obsignaverat*. Quare *staterae* ab hoc Ciceronis loco removendae videntur.

(2) Non potius *Largus*: qui super re vide locum dissertationis nostrae, ubi agimus de Asconii aetate.

fuit cum Claudio. In huius domus atrio fuerunt quatuor columnae marmoreae insigni magnitudine, quae nunc esse in regia theatri Marcelli dicuntur: usus erat iis aedilis, ut ipse quoque significat, in ornatu theatri, quod ad tempus per quam ampla magnitudine magne fecerat (1).

QVINT. L. 5, c. 13] Ego porro, (2) qui Albanas habeo columnas, clitellis eas apportavi.

QVINT. L. 9, c. 1, 4] Domus tibi deerat? (3) at habebas. Pecunia superabat? at egebas. (4) Incurristi amens in columnas, in alienos insanus insanisti. Depressam, caecam, iacentem domum pluris, quam te, et quam fortunas tuas aestimasti.

SERV. 1 Georg.] Redimunt se ea parte corporis, (5) propter quam maxime expetuntur.

(1) Ita magne fecerat cum principe editione codex alter ambrosianus. Alter vero magnificerat, uti manu emendatum vidi etiam in Aldina editione. Reliquae, quas vidi, editiones habent magnum fecerat.

(2) Quintilianus lib. V, c. 13: non nunquam, inquit, elevandae invidiae gratio, quae asperius dicta sunt, eluduntur, ut a Cicerone Triarius. Nam quum Scauri columnas per urbem plaustris vectas esse dixit, ego porro, inquit, qui Albanas habeo columnas, clitellis eas apportavi. S10.

(3) Haec ex oratione sua citat Cicero in Oratore. Videatur autem summa esse ex hac parte orationis pro Scauro, qua Triario respondit, qui columnas et domum Scauri exagitationem. Simile illud pro Roscio Am. Egebat? Inmo locuples erat. Debebat? Inmo in suis nummis versabatur. Id.

(4) Haec verba praeter Ciceronem ipsum, etiam refert Quintil. lib. IX, cap. 2 et 4, et Capella ubi de figuris elocutionis, et Aquila Romanus

c. 22 in antitheto, et Diomedes c. II, p. 461. P. Victorius in variis lectionibus lib. XVIII, c. 9 putat in illo verbo Alienos, quod statim sequitur inesse vitium. Nam ego utroque fragmentum coniungo. PATR. Equidem Victorio assentior, corruptum esse alienos; idemque ad illum locum professus sum mihi videri legendum esse in antis aeneis insanis insanisti. S.

(5) De castoribus loquitur, de quibus in hunc modum Plinius VIII, 30: Eisdem partes sibi ipsi Pontici amputant fibri, periculo urgente, ob hoc se peti gnari. Castoreum id vocant medici. S10. Castoris haec esse naturam etiam Iuvenalis non dissimulavit in Satyra qui se Eunuchum ipse facit, cupiens evadere damno Testiculi. Huius fragmenti ita meminit etiam Servius Georg. I: Fibri, inquit, canes sunt Pontici, quorum testes apti sunt medicamentis, propter quod, ubi se quaeri sentiunt, eos secant. De quibus Cicero: Redimunt se ea parte corporis propter quam maxime petuntur. Apertius autem Iu-

Cic. Op. Tom. VIII

II h

Ab ipsa stiva mecum homines loquebantur.

FRONTO] Retineret id, quod praecipue semper studuit.

Sequitur.

ASCON.] 12. Haec quum tu effugere non potuiss-
(¹) contendes tamen et postulabis, ut M. Aemili-
cum sua dignitate omni, cum patris memoria, cum i-
gloria, sordidissimae, levissimae, vanissimae gen-
ac, prope dicam, pellitis testibus condonetur (²).

Avum nunc Scauri maternum significat L. Metellum pe-
tificem maximum quem postea quoque nominat: nam pater
noster avus proavusque Scauri humiles atque obscuri fuerunt

Vers. a novissimo CLX.

Idem] 13. Vndique mihi suppeditat, quod pro
Scauro dicam, quocumque non modo mens, verum
etiam oculi inciderint. Curia illa vos de gravissim

dorus lib. XII, c. 11. Testatur enim
ex Scauriana sumtum esse. Non pos-
sum autem hoc loco praetermittere
quae scribit Plinius de elephantia lib.
VIII, c. 3 in eadem prope senten-
tiam: *Circumventi*, inquit, *elephantia*
avenantibus, *primos constituunt*, *qui-*
bus dentes sunt minimi, *postea fessi*
impectos arbori frangunt, *praedaque*
se redimunt. Haec Plinius. Quod nisi
esset aperta Servii et Isidori senten-
tia, de *Castoribus* hic a Cicrone ser-
monem esse, dubitare sane potuisse-
mus, an non de elephantia haec pro-
lata fuisset. Nam et apud Plinium,
qui de elephantia loquitur verbum
est *redimere*, idem illud quo hic Ci-
cero utitur, *PATA*. Ceterum inter no-
stros physiologos constat illam opi-
nionem veterum de *Castoribus* me-
ram esse fabulam, praesertim quum
castoreum illud quod dicitur non te-

sticulis fibrorum, sed potius a
quibusdam vesiculis, continen-
Sci.

(1) Significat Triarium in aus-
cionem criminis delapsam tam vel-
ementer Scaurum accusare non
habuisse. Domum autem Triario vi-
detur Cicero inter alia obieciisse quod
dixit: *Domus tibi deerat? at habet*
Suo.

(2) *Pelliti* dicuntur ferarum pe-
bus amicti: Tunicae enim ex po-
lim exstitisse, demonstrat Iulius Fi-
lux VII, 15. Hicque adeo eiusdem
habitus praeconum quondam pae-
fuisse videtur hominum illorum, quod
Ennius *Casco* vocabulo *sabinae*.
sentit Varro, originis appellat: qui
rum quom simplex in universum i-
vila esset, simplex etiam et parvi-
tam cibus, quum vestitus exstitit

principatu patris (1) fortissimoque testatur, L. ipse

uocesse est. Itaque Lucretius lib. V de iuriscis hominibus loquens quum paulo ante dixisset: *Nec dum res igni sciant tractare neque uti Pellibus*, statim infert: *Inde casas postquam ac pelles ignemque pararunt*, aiusque rei rationem postea aliquanto exponit, inquit: *Frigus enim nudos sine pelibus excremabat*, et concludit: *Tunc igitur pelles, nunc aurum et purpura curis*. Exercent hominum vitam, belloque fustigant. *Pellis enim cecidit vestis contenta farinae etc.* Idem Propertius nota illa de antiquitate Romae elegia, significat, inquit: *Pellitos habuit rustica turba patres*. Et idem Festus quoque lib. IX his fere verbis: *Pellibus*, inquit, *antiqui intuebantur, ob id et nova nupta in pella lanata solet considerare*. Et libro item XIV, *Hercules ob id quoque*, inquit, *pellem habere fingitur, ut homines cultus antiqui aduocentur*. — Tacitus quoque in libello de populis et ritibus Germaniae vestitum eiusmodi Germanis attribuit, quod ipsum Caesar quoque lib. VI de bello Gallico scriptum reliquit, qui eos parvis rhemonum tegmentis usos fuisse scribit. Itemque Suetonii vestitum eiusmodi attribuit lex XXV, *D. auro et argento legato*. Item Scythis Iustinus lib. II, c. 5. Item Getulis Varro lib. II de R. R. c. ult. et omnino Septentrionalibus omnibus Virg. lib. III Georg. *Hyperboreo septem subiecta Trioni Gens effrena virum vicino tunditur Euro Et pecudum fulvis velantur corpora scis*. Et Ovidius ipse serpe, dum suos Getas modum pellitos modo hirsutos vocat. Postmodum hic habitus rusticis tantum et lugentibus, et omnino tenuioris fortunae hominibus erat relictus. De rusticis testatur Homerus lib. XIV Odys. non uno in

loco, et Propertius in dicta elegia, *Perbera pellitus setosa movebat arator*. De lugentibus tradit Festus eodem illo libro XIV, qui diebus luctus lugentes omnes in pellibus esse consuevisse scribit. De egentibus autem ex illo Q. Aelii Tiberius facta cognosci potest, qui in epulo, quod tum Q. Maximus dabat Africani patriui nomine, lectulos punicatos pellibus hoedinis stravit, et pro argenteis vasis Samia exposuit, quasi videlicet paupertatem suam representare vellet, de quo praeter ceteros scribit Valerius lib. VII, c. 5, et Cicero pro Murena c. 36. Ex quibus quidem ad eum modum expositis rebus pelliti sane hoc loco dici viderentur pro rudibus quibuscumque et gentibus ac barbaris hominibus; nisi quod ego de Sardis ipsis proprie dictum fuisse existimo, quos pellitos appellat propter mastrucam, peculiarem ipsorum vestem, quae ex pellibus ferarum conficiebatur, ut adnotat Isidorus. Ergo pellitis testibus intelligo Sardis testibus, quos alioqui quum de bello loquitur mastrucatos latroneulos vocat, in ea de provinciis consularibus. Lego autem quoque pro condonetur, condemnatur. PATA.

(1) Principatum senatus intelligit, quod mihi quidem vox curia visa est indicare. Erat enim Scnri huius pater, quem Cicero defudit senatus princeps, quod snparius etiam ex Asconio attingimus, at loci sunt qui demonstrent Sallustii primum in Iugurtha, deinde Plinii Hist. nat. lib. II, c. 54, Valerii lib. IV, c. 4, postremo autem Ciceronis quoque ipsius, de Orat. II, c. 47; ubi de Norbani seditione. Est autem h. l. principatus sic dictus, quem modum tribunatus aut consulatus, dignitas videlicet princi-

Metellus, avus huius, sanctissimos Deos illo con-
tuisse in templo (1) videtur, in vestro conspectu,
dices, ut salutem a vobis nepotis sui deprecarentur

Castoris et Pollucis templum Metellus, quem nominat,
fecerat.

Laudaverunt Scaurum consulares novem, L. Piso,
Volcatius, Q. Metellus Nepos, M. Perpenna, (2) L. Phil-
pus, M. Cicero, Q. Hortensius, P. Servilius Isauricus,
Ca. Pompeius magnus. Horum magna pars per tabulas lau-
verunt qui aberant: inter quos Pompeius quoque; nam q-
erat pro consule, extra urbem morabatur. Unus praete-
adolescens laudavit frater eius Faustus Cornelius Sullae fil-
Is in laudatione multa humiliter et cum lacrymis loquutus,
minus audientes permovit, quam Scaurus ipse, permovere
Ad genua iudicum, quum sententiae ferrentur, bifariam

pis senatus, in qua quidem significa-
tione haud scin an nullus praeterea
locus exstet apud Ciceronem ubi sic
accipitur; quemadmodum etiam iu-
dicatus Philipp. I, 8: *Quid? isti or-
dini iudicatus*, inquit, *lex Iulio non
patebat?* Nam apud Gellium quidem
lib. XIV, c. 11, ad eundem modum
positum reperitur, *Iuravi mihi non
liquere*, inquit, *atque ita iudicatu illo
solutus sum*. Similiter *centuriatus* pro
centurionis munere atque officio ex-
stat in orationibus pro lege Manilia
et in Pisonem. Et *oeditatus* apud Fe-
stum lib. I pro *aedilibus* munere, quem
nunc *oeditatem* dicimus. Et *optio-*
notus apud Catonem in libro eiusdem
Festi XIV. Est autem *optionatus* optio-
nis officium, id autem est eius, qui a
decorione aut centurione optatus est
ad privata ministeria, ut est apud
eandem Festum libro eodem paulo
superius. De *optione* autem ipso vide
etiam Nonium, quatuor locis non
satis elimato. PATR.

(1) De sede Castoris loquitur, ut
etiam adiutavit Asconius, ab A. Po-

stunio dictatore bello Latino v-
et ab eius filio Ilviro dedicata. Liv-
lib. II. Quod de Metello dicit, i-
expandit satis Asconius, et signifi-
praeterea Cicero ipse alibi Verr.
Dubitamus, inquit, *quid iste in-
stium praeda molitus sit, qui mu-
bias sibi tantas ex L. Metelli ma-
bis fecerit*. Quoniam in loco vide et
Pedinum. Sed scribit etiam Plin-
chus, quod huc propius quodammodo
spectare videtur, Caecilium b
Metellum Florae simulacro, pul-
tudine insigni hanc aedem exori-
vise. Quod autem inquit in *ves*
conspectu significat in foro fuisse
dem positam, ut idem ait Verr. I
et VII in sue. Dionys. Halic. et A-
pianus prope aedem Vestae exst-
etiam fuisse significant. PATR.

(2) Si lectio vera esset, M. Perp-
na qui cos. fuit A. V. 661, hoc an-
qui Scaurus accusatus et defensus
A. V. 699, annos circiter LXXVII
tus fuisset. Itaque Manatio videba-
legendum esse L. Murena.

diviserunt qui pro eo rogabant: ab uno latere Scaurus ipse, et M. Glabrio sororis filius, et Paulus, et P. Lentulus Lentuli Nigri flaminis filius, et L. Aemilius Buca filius et C. Memmius Fausta natus supplicaverunt: ex altera parte Sulla Faustus frater Scauri, et C. Aronius Limo, cui Fausta ante paucos menses nupserat dimissa a Memmio, et T. Peduceus, et C. Cato, et M. Olenus Scortianus.

Sententias tulerunt senatores duo et XX, equites tres et XX, tribuni aerarii XXV.

Ex quibus damnaverunt senatores IV, equites II, tribuni II.

Cato praeterea (1), quum vellet de accusatoribus in consilium mittere, multique e populo manus in accusatores intenderent, cessit imperitae multitudini, ac postero die in consilium de calumnia accusatorum misit. C. Triarius nullam gravem sententiam habuit.

Subscriptores eius M. et Q. Pacuvii fratres deuas, et L. Marius tres graves habuerunt.

Cato praetor iudicium, quia aestate agebatur, sine tunica exercuit campestri sub toga cinctus. In forum quoque sic defenderat, iusque dicebat: idque repererat ex vetere consuetudine, secundum quam et Romuli ac Tatii statuac in Capitolio, et in rostris Camilli fuerunt, togatae sine tunicis.

CARISIVS l. 2] Universe.

FRONTO] Adii casas aratorum.

Idem] De te recordor.

Idem] Hoc nomine audito, quod per omnes pervagatum est.

Idem] In illa bona invadere nullo modo potuisset.

(1) Recentiores aliquot Asconii Sed praeterea antiquae editiones com editiones habent praetor corrupte. codd. ambrosianis.

ORATIO

PRO

M. TULLIO

ARGUMENTVM

P. Fabius emerat fundum in agro Thyrimo, cui adfinis erat M. Tullius. De agri finibus primum controversiae exortae sunt; deinde de aedificio in centuria Populiana extracto, quod esse in suo aedificatum contendebat Fabius. Servi ultro citroque missi sunt. Tandem ventum est ad arma. Familia Fabii summo mane ad aedificium venit, servos M. Tullii nec opiuantes adoritur, et miserauda caede omnes, Philino excepto, obtruncat, tectum villamque disturbat, omnia dissipat. Priore actione negabat Fabius hanc caedem ad familiam suam pertinere; hac altera confessus est. Quare Cicero totus est, ut evincat caedem dolo malo factam esse. *Damnum passum fuisse Marcum Tullium* (1) *convenit mihi cum adversario; vi hominibus armatis rem gestam esse non inficiantur; a familia P. Fabi commissam negare non audent. Iam dolo malo factum sit ambigitur.* Ita Marcianus Capella lib. V. cap. de partitione memoriter recitans huiusce Orationis locum, quem integrum ac sanum servavit Victorinus in I Rhetoric. Ciceronis cap. LVII. Contra L. Quintius, vel Quintius, patronus Fabii contendebat, non iniuria disturbatum fuisse aedificium Tullii, quippe in fundo Fabii extractum; iure occisos esse eos, qui non ita pridem Fabii servum interfecerant, atque ipsum Fabium vita spoliaturi fuissent. Itaque tota causa fuit de verbis interdicti a Lucullo propositi; quemadmodum illa pro Caecina versata est in euarrando Interdicto

(1) Pro *Marcum Tullium* legitur corrupte *Marcum Rollum* in aliquot certe Capellae editionibus. Sed mendum tollitur maxime quidem ab egregio codice Capellae Ambrosiano (F.

119. part. sup.) in quo apertissime legitur: *Cicero pro Marco Tullio ait, Damnum passum fuisse Marcum Tullium* etc. Mai.

de vi hominibus armatis. Quare merito Tacitus in Dialogo de Oratore, inquit: Quis de exceptione et formula perpetietur illa immensa volumina, quae pro M. Tullio, aut A. Caecina legimus? Porro ea dixit immensa quippe quae quum intra claustra interpretationis Interdictorum contineantur, neque ultra illa exspatiantur amenis egressionibus, non aequè lectu sunt iucunda, ac ceterae orationes, quae in latioribus eloquentiae campis versantur; iam vero quae minus grata nobis contingunt, eadem quoque videri solent proluxa et immensa.

Habita est haec Oratio Marcello Praetore; quo anno non satis constat. Aequè latet qui fuerit M. Tullius. Eum esse M. Tullium Deculam, qui consulatum, Cicerone adolescente atque ad eloquentiae laudem virescente, cum Cu. Dolabella gessit A. V. 672, opiatur Sigonius, cui suffragatur Vossius de Analog. II, 3. Contra Heinrichius p. 58: Ego non credam, Ciceronem adolescentem ita de cliente, viro consulari, dicturum fuisse, ut nunc legimus initio huius fragmenti. Qui P. Sextium in causa ea, cuius Orationem habemus A. V. 697, postulavit de vi, is quidam M. Tullius dicitur a Cicerone ad Q. fr. II, 3, et erat cognomine Albinovanus. Vid. in Vatinius c. 1. Oratoris libertos M. Tullios, Tironem et Lauream (vid. Manut. in Epist. ad famil. V. 20) huc non temere quisquam vocarit. Quum Taurinensia fragmenta maiorem lucem non affundant nomini M. Tullii, praestat rem in iudicatum relinquere. PEYA.

ORATIONIS

PRO

M. TULLIO

FRAGMENTA

AD FIDEM RECENSIONIS CL. PROF. PEYRONI

4. *Antea sic hanc causam adieram*, Reciperatores, ut nunquam dicturos adversarios arbitrarer, tantam caedem et tam atrocem ad familiam suam pertinere: itaque animo soluto a cura et a cogitatione veneram, quod intelligebam, facile id me testibus planum facere posse. Nunc vero, posteaquam non modo confessus est vir primarius L. Quinctius, *verum etiam*

M. Tullio) Hanc orationem ego pro M. Tullio Decula, qui consulatum, Cicero adolescentem, ad eloquentiae laudem virescente cum Cn. Dolabella gessit (A. V. C. 672) dictam suspicor. Defendit autem eum de vi, quantum ex orationis fragmentis intelligere possum. Artificium huius defensionis his verbis expressit Fortunatianus in Rhetorica: *Voluntas legis tertio consideratur, quum exemplo multarum legum probamus, praesentem quoque legem ita sentire, sicut M. Tullius fecit pro M. Tullio. C. Scaevola*. Vix tamen mihi persuadeo hanc orationem ab adolescente Cicero pro viro consulari dictam esse. SCHURZ.

1. *Antea sic hanc causam*) Has voces videre mihi videor in prima linea. Saltem prima littera A certissima est.

Duo versus sequentes ita evanuerunt, ut vix vestigia supersint eorum litterarum, quas in huiusce folii imagine representavi. Textum saxeivi probabiliter, meo quidem iudicio; superest ut idem lectoribus probetur. Haec prima esse totius Orationis verba, vel me tacente, quisque intelligit. PATA.

L. Quinctius) Adversarius Ciceronis in hac causa, et P. Fabii patronus, fuit L. Quinctius. De hoc Cicero in Bruto LXII, ait: *Complures minime dignos elegantis conventus auribus, aptissimos cognovi turbulentis concionibus, quo in genere nuper L. Quinctius fuit*. Responde hic idem Quinctius patronus fuit Oppianici in horribili illa causa Cluentii. Et enim quidem in ea oratione saepe exagitat Cicero, capita praesertim XL, ubi

eius testes profitentur apertissime, video aliam mihi defensionis viam esse ineundam. Antea enim in eo laborabam, ut, quod arguebam, id factum esse ostenderem; nunc in eo consumenda est oratio, ut ne adversarii, quod infitii nullo modo potuerunt, quum maxime cuperent, id quum confessi sunt, meliore loco esse videantur. Itaque tum vestrum difficilior iudicium, mea facilis defensio fore videbatur. Ego enim omnia in testibus ponebam, quorum ipse consensus quasi conflatus iudicandi moram vobis iniiciebat. At confessio adversarii in me rei difficultatem transtulit. Etenim quid est facilius, quam de eo, qui confitetur, iudicare? mihi autem difficile est satis copiose de eo dicere, quod nec atrocius verbis demonstrari potest, quam re ipsa est; neque apertius oratione mea fieri, quam ipsorum confessione factum est.

Quum in hac re, quam commemoravi, mihi multitudo ratio defensionis, tum erga P. Fabium paulo

eum sic graphice describit: «Facile enim, ut non solum mores eius et arrogantiam, sed etiam vultum atque umectum, atque illum usque ad talos demissam purpuram recordemini.» MAL. Fuit tribunus plebis maxime popularis ac seditiosus a. V. 680. Vid. Pighius ad num. 679, tum. III, pag. 305. Hunc eundem videri quem Cicero dicit familiarem suum ad Att. VII, 9, vana est Corradi suspicio, quam cum aliis aliorum non melioribus coniecturis nollem Ernestius repetisset in Iudice historico, HENR. In supplenda lacuna id erat eundem, ut versus essent sex, quorum quisque quindecim minimum constaret literis, nec ultra viginti haberet. Mihi quidem eam, quam expressi sententiam, ratio contextus exposcere videbatur; quod si futuri editores

meliora dabunt, libentissime amplectar. PRY. et sic deinceps, uominie omisso.

Confessi) Codex *confessi*.

2. *Iudicium*) Codex *iudicium*.

Testibus ponebam) Consensus leatium quam facilem Tullio defensionem faciebat, tum Recuperatoribus iudicandi difficultatem creabat, suspicionem enim conspiracy afferre poterat; recole fragmenta pro Seneca, et Quintilianum de testibus V, 7. *Consensus conspirantem et pacem conflatum* dixit Cicero pro Ligario XII. Iudicandi mora iniecitur iudicibus, quoties alteruter patronus ita causam suam defendit, ut iudices sibi non liquere pronuntiet; vide pro Caecina 2.

3. *Tum erga*) Nullus dubito hanc fuisse Tullii mentem in versibus de-

remittendum est de illa lenitate, qua priore actione omnia sua tanto studio vel dissimulaveram, vel excusaveram, ut non minus diligenter illius existimationem, quam rem M. Tulli viderer defendere. Nunc, quoniam Quinctius ad causam pertinere putavit, res ita multas, falsas praesertim et inique confictas, proferre de vita et moribus et existimatione M. Tulli, multis de causis mihi Fabius debebit ignoscere, si minus eius famae
 4 *parcere videbor, quam antea consului. Priore actione summopere cavi ab offendendo Fabio: sed quando Quinctius, mutato defensionis tenore, putavit ad officium suum pertinere, adversario nulla in re parcere; quid me oportet Tullium pro Tullio facere, homine coniuncto mecum non minus animo, quam nomine? Ac mihi magis illud laborandum videtur, Recuperatores, ut, quod antea nihil in istum dixi probrosi unquam,*

perditia. Summa lenitatem sibi ipse saepe tribuit Cicero.

4. *Priore actione*) Deficiente lacinae mensura, ad quam divinationis meae verba exigerem, haec inserui tantum, ut quivis videat pauca defuisse ante primas Ambrosiani folii vocis.

Recuperatores) In causa possessionum recuperandarum dabantur potissimum Recuperatores a Praetore; quare Festus ad voc. *recipratio* inquit: « Per Recuperatores reddantur res recipianturque, resque privatae inter se persequantur. » Sic, ut praetermittam *recuperatorium iudicium*, de quo Cicero in Verr. III, 11, et illud in causa Caecinae, video Recuperatores datos in causa iniuriarum apud Gellium XX, 1, et lib. de Inventionibus II; in causa pecuniae creditae apud Plautum Bacchid. II, 3, 36, et *arrhabonis accepti* apud eundem Rud. V, 1, 2; in decernenda

corona murali apud Livium XXVI, 48; in eos, qui iugum numerum ex edicto praetoris professi non essent, apud Cicero in Verrina V. Iudices hi a praetore demandati tres esse solebant. Ambrosianus plerumque scribit *recuperatores*, Taurinensis ut plurimum *recipitatores*, quae vastior est orthographia.

Et quod) Ambrosianus et quod antea nihil in istum dixi probar ***** unquam in eo reprehendat, ita tamen, ut in quinque cranidis literis Cl. Mai haec deprehendat *epora*. *Revera* prima et altera sunt literae longae; tertia exhibet speciem vocalis O. Quare Vir Cl. in prima editione emendabat ne quod antea nihil in istum dixisse probare possum in eo reprehendat; in altera vero ut, quod antea nihil in istum dixi, probare possum inique reprehendat. Guiljelmus Cramerus reponebat ut, quod antea nihil in istum dixi, probare

in eo reprehendar, quod hoc tempore respondeo. Verum et tum id feci quod oportuit, et nunc faciam quod necesse est. Nam quum esset de re pecuniaria controversia, quod damnum datum M. Tullio diceremus, alienum a mea natura videbatur quidquam de existimatione P. Fabi dicere; non quia res postulare non videretur. Quid ergo est? Tametsi postulat causa, tamen, nisi plane cogit, ingratiis ad maledicendum non soleo descendere. Nunc quum coactus dicam, si quid forte dicam, tamen id ipsum verecunde modiceque faciam, tantum ut, quoniam sibi me non esse inimicum potuit priore actione Fabius indicare, nunc M. Tullio fidelem certumque amicum esse cognoscat.

possim, quam in eo reprehendas. Mihi vero vitium est legere probrosi unquam.

In istum) In P. Fabium, ut patet inferius. MAT.

Reprehendar) Cum diphthongo scribunt vetusti codices, vide Niebuhr's *Fragmenta* pag. 47.

5. *A mea natura*) Praepositio a aberat a codice.

Res postulare) Namque indicium de vi hominibus armatis pertinet ad summam deictoria existimationem, vide pro Caecina 2.

Quid ergo est) Abrupta haec videntur, sed veram in se artem habent. Qualia ni attendis, quid sit orator, non intelligas. Poterat sic decurrere oratio: non, quia res postulare non videretur, sed quia, tametsi postulat causa, tamen nisi plane cogit etc. Eum cursum astitit Orator subito, interrogans: *Quid ergo est?* et tunc denique rationem dicit. HXIII.

Ingratiis) Loquutus est elegans aptissimaque aetalia, cogere, vel cogi ingratiis i. e. invitum, repugnantem:

quo de verbo vulgatum olim errorem Ob. Giffanii ex eius Indice Lucretiano, alioquin bonae frugis pleno, correxerunt iam dudum Scioppius Verisimil. I, 20, et Vossius de Analog. I, 2 et 47. — Orator pro Quintio c. 14, *extorquentium est invito atque ingratiis*; quod Facciolatus bene explicat: *valit volit. Denique ipsam hoc cogere ingratiis dicunt Terentius Heaut. III, 1, 37, et Nepos Themist. IV, 3. II.*

Modiceque) Codex *modique*. Rectissima coniectura Heinricchius emendavit *modiceque*. Sic pro Sulla 29, *a me timide modiceque dicetur*; pro Caelio 13, *nunc agam modice, neo longius progrediar, quam me mei fides et causa ipsa coget*; et Sen. 1, *modice ferre*. Monuit etiam idem Philologus verba *tantum ut* coniungenda non esse; sic pro Flacco 28, *submissa voce agam, tantum ut iudices audiant*; pro Caecina 8, *praetor interdixit — sine ulla exceptione, tantum ut, unde deieciisset, restitueret*.

Priore actione) hinc cognoscimus bis Ciceronem dixisse pro Tullio. MAT.

6 Vnum hoc abs te, L. Quinti, pervelim impetrare; quod tametsi eo volo, quia mihi utile est, tamen abs te idcirco, quia aequum est, postulo: ut ita tibi multum temporis ad dicendum sumas, ut his aliquid ad iudicandum relinquo; namque antea non defensionis tuae modus, sed nox tibi finem dicendi fecit. Nunc, si tibi placere potest, ne idem facias, id abs te postulo. Neque hoc idcirco postulo, quod te aliquid censeam praeterire oportere, aut non quam ornatisime et copiosissime dicere, verum ut semel unaquaque de re dicas: quod si facies, non vereor, ne dicendo dies eximatur.

7 Iudicium vestrum est, Recuperatores, quantae pecuniae paret dolo malo familiae P. Fabi vi hominibus armatis coactisve damnum factum esse M. Tullio. Eius rei taxationem non fecimus: aestimatio vestra est: iudicium datum est in quadruplum.

6. *Aequum*) Pro *aequum*, uti etiam Bavaricus et Vaticanus eodd. apud Geroniam ad Plancianam cap. XV. Confer in fragmento Oratinnis pro Flacco cap. 1, *relicum* pro *reliquum*. Mai. In Taurineisibz membranis vidi *neum*, *relicum*, tom etiam *aequum*, *reliquum*, *iniquum* incerta plane orthographia.

Pt his) Scil. recuperatoribus. In cod. MS. scriptum est, *is*, pro *iis* vel *his*. SCHVYZ.

Fine dicendi) Sic codex; lege *finem*.

Quod te aliquid) Quam Cl. Mai legisset *quo te aliquid*, Heinrichins malebat *quid*, nec in textum inducere audebat. Revera codex habet *quod*; at littera D, utpole postrema longi versus, scripta est forma minori.

7. *Iudicium vestrum est*) Haec est formula indicandi a Praetore data. GRAM.

Taxationem) Hinc apparet *taxationem* dici de pecuniae summa, quae a patrono deieci proponebatur ab damnum datum; *aestimationem* vero de ea, quae a iudicibus post damnatum rem, decernebatur.

Fecimus) Ambrosianus *fecim*; Taurinensis *fecimus*.

Quadruplum) Quam molles leges in hac fragmentis commemorat Cicero, quae, utpole simillimae, facile legentem possunt in errorem inducere, tam iuvat eas singillatim enarrare.

Lex erat Aquilia, seu verius plebiscita de damno, cuius capite primo cavebatur, ne damnatum inferretur, eaque poena stabebatur, qua laedens tanti condemnabatur, quoti plurimi homin, vel animal laesum eo anno fuerit. Contra inficiantem actio erat in doplam. Vocabulum INIVRIA adeo

erat solenne in hoc plebiscito, ut, si ius occidendi vel laedendi apparet, actio Aquilia prorsus inhiberetur. Vide illam in Digest. lib. IX, tit. II.

Proximum sequitur antiquissimum interdictum de *Vi*, quod a Cicerone his verbis proponitur: «Vnde tu, aut familia tua, aut procurator tuus illum, aut familiam, aut procuratorem illius in hoc suno vi deiecisti, quum ille possideret, nec vi, nec clam, nec praecario possideret, eo illum restitui iubeo,» atque adeo interdictum *Vnde Vi* appellabatur. Porro non *Vi* armata atque solida hic intelligi debet, sed simulata, qua, quum de fundi possessione contraversia esset exorta, litigantes inermes, advocatis testibus, ad constitutum experiendi iuris gratia veniebant in rem praesentem, atque petitor alterum deieciobat. Quae simulata vis dicebatur *vis facta moribus, civilis, quotidiana*, frequentes enim erant eiusmodi lites, ex *conventu vis facta*; atque ipse conventus appellabatur *deductio moribus facta*. Hac peracta praeparatione, defectus praetorem adibat, ut interdictum *Vnde Vi* impetraret; oterque ex iure manu conserebat rem quisque suam vindicaturus. In hanc rem formulae verbosae praestitutae erant, quas ridet Cicero pro Muræna XII.

Sed quum propter temporum iniquitatem vis simulata in solidam vim abiisset, ut petitor homines sive servos, sive liberos cogeret, atque vel adversarium, vel adversarii familiam a fundo controverso armis fugaret, latum fuit interdictum *De Vi hominibus armatis*. Rem declarat Cicero pro Caecina 3: «Dupliciter homines deliciantur, aut sine coactis armatis, vel hominibus, aut per eiusmodi rationem et vim. Ad duas dissimiles res duo deiuncta interdicta sunt. In illa vi quotidianam non satis est posse do-

oera se deiectum, nisi ostendere possit, quum possideret, tum deiectum. Ne id quidem satis est, nisi doceat ita se possedisse, ut nec vi, nec clam, nec procario possederit,» at ceterum quae lege. Interdicto exceptionem quandoque addebat praetor; ait enim Cicero ibid. 8: «Praetor interdixit, ut est consuetudo. *De vi hominibus armatis*, sine ulla exceptione, tantum ut, unde deieciisset, restitueret.» Quae verba ita enarrat Hotmannus in comment. ad b. l. = Pure ac simpliciter decrevit ut restitueret, neque addit quum Caecina possideret, sed sive possideret, sive non possideret, restitui iussit = Quae Hotmanni interpretatio luculenter refellitur a loco mox laudato pro Caecina 32; hoc enim interdictum omnem de possessione controvertendi locum tollebat; quare Cicero ib.: *Possedit enim Caecina, Recuperatores*; et id, *tametsi extra causam est, perperam tamen brevi*. Veram exceptionem commemorat ipse Tullius; Epist. ad famil. VII, 13: *Neque est, quod illam exceptionem interdicto pertinescas* Quod tu prior vi hominibus armatis non veneris. Ita enim vi illata propulsata fuisset. Tota Oratio pro Caecina in interpretando hoc interdicto versatur, quare a pluribus abstinere, id monuisse contentus interdictum de *Vi* cum interdicto de *Vi hominibus armatis* in novum titulum coaluisse in Digest. lib. XLIII, tit. XVI, illa vero adi sis leg. 1, §. 41, et leg. 6 de *litis aestimatione*.

Crescente vero temporum iniquitate, hominumque audacia, qua familiae armatae caedes facerent, aedificia incendiarent, bona raperent, Lucullus quantum interdictum proposuit, seu verius paulo mutavit praecedens interdictum. Illud autem cum Cramero hisce fere verbis expressum fuisse credo: § Si cui dulo malo ho-

- 8 Quum omnes leges, omniaque iudicia, quae paulo graviora atque asperiora videntur esse, ex improborum iniquitate et iniuria nata sunt; tum hoc iudicium paucis hisce annis propter hominum malam consuetudinem nimiamque licentiam constitutum est. Nam quum multae familiae dicerentur in agris longinquis et pascuis armatae esse, caedesque facere, quumque ea consuetudo non solum ad res privatorum, sed etiam ad summam rempublicam pertinere videretur; M. Lucullus, qui summa aequitate atque sapientia

minibus armatis coactiue damni quid factum esse diceretur, in eum, qui id fecisse diceretur, intra annum, quo experiundi potestas fuerit, in quadruplum, post annum in simplum iudicium dabo. » Atqui hoc interdictum paene concinit cum illo *De Pi bonorum raptorum* Digest. l. XLVII, tit. VIII. Eumvero, verba sunt Cramerii, utrobique actio est Praetoria, cuius fundamentum damnum alteri datum, causa dolus malus, instrumentum familia armata coactave, finis quadruplicatio damni, ut ovum non sit ovo similis. Cur autem hoc edictum indeque uata actio postmodum adeo evanuerit, ut, si Vlpianum excipias, in iuria libris eius vix vestigium supersit, id uou est difficile ad explicandum. Quum enim orta esset his temporibus, quibus per bella civilia nihil non licere crederetur, ubi ad unius imperium rex reducta est, facilius singulorum licentiae freni soliecta fuerant, ad quam rem non parum profuit Augusto inde uiles perpetuus. Iam vero difficilis est rerum memoria, nunquam posthac, vel rarissime, occurrentium. Retinuisse tamen et Seneca videri potest, qui *Controv. V, 5, lex, sit, fuit, ut qui sciens damnum dederit, reldat qua-*

druplum, qui insciens simplum, nec tamen iusto. Quidquid vero sit, noster hic Tullii locus oppido est memorabilis. Inde eoim discimus et auctorem edicti de vi coactis hominibus, et causam eius occasionemque proponendi, denique et tempus, quo introductum sit. Etenim ille M. Terentius Varro Lucullus, id ipsi plenum nomen, quum Cos. fuerit cum Cassio Vero A. V. C. 681, non ita multo ante Praetura functus fuerit accessit est, quam peregrinam fuisse solum Asconium auctorem habemus. Quod si cui difficultatem moveat e peregrini Praetoris edicto iam inter cives disceptatum fuisse, is cogitet, quum multa ex urbano in peregrinam aut provinciali transierint, uihil obstare, quin et e peregrino aliqua migraverint in urbanum, praecipue e delictorum materia, quae in primis ius gentium attingere videretur, adeoque Hadriani aetate utraque edicta in unum conflata fuisse. Hucusque doctus Iurisconsultus Cramerus iu uotis ad h. l.

8. *Omniaque*) Sic Taurinensis; Ambrosianus *omniaque*, saepe inutiles diphthongi in hisce schedis occurrunt.

Ad summam remp.) I. e. ipsa respublica in discrimen adducta esse

ius dixit, prius hoc iudicium composuit, et id spectavit, ut homines ita familias suas continerent, ut non modo armati damnum nemini darent, verum etiam lacesiti, iure se potius quam armis defenderent. Et quum sciret de damno legem esse Aquiliam, tamen hoc ita existimavit, apud maiores nostros quum et res et cupiditates minores essent, et familiae non magnae magno metu continerentur, ut perraro fieret, ut homo occideretur, idque nefarium ac singulare facinus putaretur, nihil opus fuisse iudicio de vi coactis armatisque hominibus; quod enim usu non veniebat, de eo si quis legem aut iudicium constitueret, non tam prohibere videretur, quam admonere. His temporibus, quum ex bello diuturno atque domestico res in eam consuetudinem venisset, ut homines minore religione armis uterentur, necesse putavit esse, et in universam familiam iudicium dare, quod

videretur. *HEIN.* Verba haec ad summam remp. pertinere laudat, si fallor, ex Cicero Victorinus in I *Rhet. Cicer.* cap. XLVII. *MAL.*

M. Lucullus) Ius inter peregrinos praetor dixit, teste Asconio ad orationem Ciceronis in toga candida, Frater Lucii is fuit, ut narrat Plutarchus in Lucullo. *MAL.* Asconius ad Or. laud. p. 979, Gronov. Plut. in Lucullo c. 8. Est hic M. Terentius M.F. Licinianus Varro Lucullus, frater, non germanus, sed consobrinus, si Eutropio fides, L. Luculli, Cos. cum C. Cassio A. V. 681, a quibus Cos. lex frumentaria Terentia Cassia. Vid. Manol. in Ep. ad Q. fr. II, 1. Pigh. ad an. 680, t. III, p. 306, et H. Verheyk. ad Eutrop. VI, 7. *HEIN.* Ex imagine foliorum patet legendum esse atque sapientia; Cl. Mai edidit ac sapientia.

Pt homines) Sic Taurinensis;

Ambrosianus ut omnis.

9. *Quum sciret*) Sic Taurinensis (quod iam viderat Schützius. T.); Ambrosianus quum scirent.

Pt perraro) Particula ut abest a Taurinensi. Huius intra breve spatium repetitae multa exempla ex Cicero congerit Heinrichius ad. h. l.

Videretur) Sic Taurinensis; Ambrosianus videtur.

Admonere) Sic prorsus idem Cicero in orat. pro Roscio Amerino XXV de Solone, qui nullum supplicium patricidio statuerat, ait: «Sapienter fecisse dicitur, quum de eo nihil sanxerit, quod autem commissum non erat, ut non tam prohibere, quam admonere videretur». *MAL.*

10. *Ex bello*) Taurinensis et bello. Mariana et Sallustia tempora respicit.

Et in universam) Ambrosianus non habet particulam et, quae ma-

a familia factum diceretur; et recipiatores dare, ut
 11 quam primum res iudicaretur; et poenam gravio-
 rem constituere, ut metu comprimeretur audacia; et illam
 latebram tollere DAMNUM INIURIA, quod in aliis
 causis debet valere, et valet lege Aquilia; id ex hu-
 iusmodi damno, quod vi per servos armatos datum
 esset.

xime opportuna est. *Questio a iuris*
peritis instituebatur, utrum legi A-
quiliae locus esset, si servus eadem
noxam fecerit. Ita vero Vlpianus
Digest. lib. IX, tit. IV, l. 2 rem
definit: « Si servus, sciente domi-
no, occidit, in solidum dominum
obligat; ipse enim videtur dominus
occidisse: si autem insciente, no-
xalis est; nec enim debuit ex ma-
leficii servi in plus teneri, quam
ut vocare eum dedat. Celsus tamen
differentiam facit inter legem A-
quiliae, et legem duodecim tabularum.
Nam in lege Antiqua, si servus
sciente domino fursum fecit, vel
aliam noxam commisit, servi nomine
actio est noxalis, nec dominus suo
nomine tenetur; at in lege Aquilia
(inquit) dominus suo nomine te-
netur, non servi. Vtriusque legis
reddidit rationem; duodecim tabula-
rum, quasi voluerit servos dominis
in hac re non obtemperare; A-
quiliae, quasi ignoverit servo, qui
domino paruit, periturus si non fe-
cisset ». Lege ergo Aquilia solus
tenebatur dominus. Iam vero quum
solerent domini illa uti exceptione,
qua profiterentur, se inscientibus,
dominum a familia datum esse, seu,
ut ait Tullius, quod a familia fa-
ctum diceretur; tum Lucullus et in
universam familiam iudicium am-
plavit, ut domini familias suas
continerent.

Quod a familia) Cl. Mai edidit
signod, neutro codice suffragante.

11. *DAMNUM INIURIA) So-*
lemnia verba, quibus hoc iudicium
designabatur. Sic Cicero pro Co-
moelo XI: Lite contestata, iudicio
DAMNI INIURIA constituto, tu
sine me cum Flavio decidisti. Vi-
pianus ad legem Aquiliam Digest.
IX, II, 1: lex Aquilia omnibus le-
gibus, quae ante se de DAMNO
INIURIA loquuntur, derogavit,
atque ubi saepe apud iurisconsul-
tos. Cave tamen, ne credas scri-
bendum esse DAMNUM INIURIAE,
phrasin enim elliptica est pro da-
mnorum iniuria datum. Praeter illud
effugium, quod damnum non a do-
mino, sed a familia datum diceretur,
quum alia dominis superasset
latebra, qua contendeant, noxam
non iniuria, sed iure illatam fuisse;
tum Lucullus nullam defensionis
spem relicturus edixit de INIURIA
non esse quaerendum, quod adeo
vocabulum in suo interdicto non
admisit.

In aliis causis) Haec et sequen-
tia, quae Taurinensis suppeditat,
ita snul in Ambrosiano oblitterata,
ut diligentissimos Cl. Mai oculos
fallerent; me meliora sed non omnia
legisse demonstrat Imago huiusce
fulii.

Datum esset) Desiderantur septem
versus in Ambrosiano.

ne privati ipsi statuerent, quo tempore possent suo¹² iure arma capere, manum cogere, homines occidere. Quum iudicium ita daret, ut hoc solum in iudicium venire videretur, ne vi hominibus coactis armatisve damnum dolo malo familiae datum *esset*, neque illud adderet INIVRIA, putavit se audaciam improborum sustulisse, quum spem defensionis nullam reliquisset.

Quoniam quod iudicium, et quo consilio constitu-¹³ tum sit, cognostis; nunc rem ipsam, ut gesta sit dum breviter vobis demonstro, attendite.

Fundum habet in agro Thyrimo M. Tullius pater-¹⁴ num, Reciperatores, quem se habere usque eo non inoleste tulit, donec vicinum eiusmodi nactus est, qui agri fines armis proferre mallet, quam iure defendere. Nam P. Fabius nuper emit agrum de C. Clau-

12. Ne privati) Haec addidi ex conjectura.

Quum iudicium ita daretur) Assentior Heinrichio, qui corrigendum censuit daret. SCHVITZ. — Consentit etiam Peyronus V. Cl. adeoque rescripsi daret; nam forte *ur* ortum est ab ut sequenti. TYP.

Datum esset) Addidi verbum esset.

Reliquisset) Codex hic et pag. 502, pro vulgata scriptura reliq. habet relinq. — de qua consule Brissou. Parerg. cap. 25, et Hagenbuch. in Epist. Epigraph. p. 566 sqq. Adde quos laudat Smalenburg. ad L. 2, §. 33 D. de Or. iur. CRAM.

14. Thyrimo) Antiqua urbs Lucaniae fuit Thurium: quamquam Acro ad Horatii lib. 2, sat. 8, v. 20 dicit Thurium oppidum Calabriae. At noster codex habet Thyrimum pro Thurium ex permutatione consueta inter se vocalium eiusdem, aut proximi soni: nam y apud veteres sonabat interdum ut u. Cital

hunc locum Quintilianus Instit. lib. IV, cap. 2 sub finem, ubi ait: « iudicium narrationis frequenter et a re (fieri) sicut pro Tullio Cicero: Fundum habet in agro Thyrimo M. Tullius paternum ». Institutionum editio Parisiaca anni MDXLII habet in agro Tigrino, ut et codex unus Ambrosianus Quintiliani. Veram longe rectius aliae editiones in agro Thyrimo, quod confirmant tres codd. Ambrosiani eiusdem Quintiliani. Recipere quis praedium divitis viri romani inter montes potius Helvetios, quam in Lucaniae beato agro requirat? MAI.

Iure defendere) Ita in codice certissime. Aliud agebat Cl. Mai exscribens iure obtinere.

P. Fabius) Libera P. praenominis omissa fuit a Cl. Mai, est tamen insignis, P. Fabius nuper emit agrum de C. Claudio senatore, cui agrum Tullius erat fundo adfinis. Pretio autem sane magno, dimidio fere

- dio senatore, cui fundo erat adfinis M. Tullius, sane magno, dimidio fere ploris, incultum, exustis villis omnibus, quam quanti integrum atque ornatissimum carissimis pretiis ipse Claudius emerat clam circumscripsisse isti a consulari Macedonia et
- 15 Asia. Etiam illud addam, quod ad rem pertinet. Imperatore mortuo, pecuniam nescio quomodo quaesitam dum vult in praedio ponere, non posuit, sed abiecit. Nihil adhuc m am calamitatem vicinorum corrigit, et quod stomachum suum damno Tulli explere conatus est.
- 16 Est in eo agro centuria, quae Popiliana nominatur,

ploris, emit hunc agrum incultum, exustis villis omnibus; ploris, inquam, emit, quam quanti integrum atque ornatissimum carissimis pretiis ipse Claudius emerat. Ita construo Tullianum verba. Cl. Mai in prima editione. « Nam Fabius nuper emit agrum de C. Claudio senatore (cui fundo erat adfinis M. Tullius sane magno) dimidio fere incultum, exustis villis omnibus, ploris quam quanti integrum etc. » In altera vero editione: « Nam Fabius nuper emit agrum de C. Claudio senatore (cui fundo erat adfinis M. Tullius sane magno) dimidio fere ploris incultum exustis villis omnibus, quam quanti integrum etc. ». Quae interpunctio perimit germanum sensum.

C. Claudio) Videtur hic frater Appii et Publii. Confer orationis pro Scauro n.º 33, cum Scholiaste, qui C. Claudium ait etiam tenuisse Asiam praetorio imperio. Asiae autem et hinc mentio fit paulo post. Mai.

Emerat) Post Claudius facile addas, quod certe hic fuit, emerat. HAINA. Desiderantur decem versus.

15. Circumscripsisse isti a) Cl. Mai legit *circumscripsisset* etiam, atque reposuit *circumscripsisset* etiam, e- quidem uti legi, sic edidi, neque in contextu mutilo quidquam statuo. Paulo infra fortasse distinguendum erat *Et iam illud addam*.

Ponere) Pecuniam ponere et collocare sunt verba iuris, et pecuniaria, uti vocat Quintilianus. Cram. Homo pecuniam abiecit in praedio conditionis deterrius, quippe quod pretio emerat iusano. Hoc Orator ait ad rem pertinere; quandoquidem huic hominis stomachus, et rursum ex stomacho facinus. HAINA.

Adhuc m....) Desiderantur decem versus.

Calamitatem) Cl. Mai legit *calamitate*, atque ex ingenio supplavit: — *stultitiam* suam calamitate vicinorum corrigit — Perplacent ista; at ego legi *calamitatem*, neque in contextu mutilo quidquam muto.

16. Popiliana) Ita codex, atque Heinrichius ex conjectura. Cl. Mai legit *Populiana*, uti inferius ter habet codex.

Reciperatores, quae semper M. Tulli fuit, quam etiam pater *possederat* posita esse, et ad fundum eius convenire. Ac primum, quod eum negotii totius et emptionis suae poenitebat, fundum proscripsit; eum autem emptum habebat cum socio Cn. Acerronio viro op. modum proscripsisse. Hominem appellat. Iste sane ¹⁷ adroganter quod commodum fuit respondit. Neque dum fines auctor demonstraverat. Mittit ad procura-

Quae semper) Codex *quā*; dubito tamen in codice esse *quae*, maxime eum sunt affines litterae E et I.

Possederat) Ita mutilum vocem optime supplevit Cl. Mai. Desiderantur undecim versus.

Posita esse) Auguror ementum eiusmodi fuisse: — Fabius secum statuit illa arva usurpare; viderat eum in vicinia posita esse, et ad fundum eius convenire.

Emptionis) *Consumptis*, *redempta*, *exemptum*, *emptum* etc. ita veteres scribebant, vide Iuvenatium ad Livii fragment. p. LVIII.

Poenitebat) Codex *poenitebat*.

Proscripsit) Fundum proscribere est venalem proponere. Mai.

Cn. Acerronio) Prae nomen est in Lapide Ferentini apud Muratorium Thea. Inscript. p. 1621, 10, et in fastis consularibus ad a. 750.

Viro op. . .) Mutilum vocem ita supplet Cl. Mai, ut sit *optimo*. Desiderantur undecim versus.

17. *Modum proscripsisse*) Lacuna ante haec verba possit expleri in hanc sententiam: — qui tulit indigne, quum audisset, istam suo arbitratu et sua voluntate totum fundi modum proscripsisse — Nam Fabius videtur fecisse, ut socius quaeri posset tanquam ille apud Plautum in

Trinummio I, 2, 130: *Quiauri duna sum ego unos sex dies, Me absente atque insciente, inconsulta meo, dedis venalis haec inscribit literis*. Proscripsit tabulam, se fundum venditurum, ex nota formula. V. Epist. ad Q. fr. II, 6, et de Offic. III, 13, 7. Cf. Brisson. Select. Antiq. III, 8, et G. Caper. Obs. I, 17. Inscripterat iugerum numerum, quo *modus agri* demonstrabatur. V. Digest. tit. de net. empt. vend. (XIX, 1.) l. 13, §. 14, et tit. de evict. (XXI, 2.) l. 64. HENR.

Iste) Fabius, qui in iudicio adest: sed dictum, ut mox saepius, cum contemptu. Nam aliter, quippe honoris causa, fere dicitur *hæc*. HENR.

Auctor) Scil. Fabius venditor. Mai.

Fines demonstraverat) Sic rursus postea *fines Acerronio demonstravit*. Res nova apud Ciceronem, sed in iure Romano translata. Legitimae sunt locutiones *fines demonstrare*, *ostendere*, vel *nominare*, in agro vendito: quae est extrema auctoris actio. Qui fines demonstrat, tradit fundum. Digest. tit. de evict. XXI, 2, l. 45. Et demonstrantur fines aut per dominum, aut per servum villicum, domini iussu. Digest. tit. de contrah. empt. XVIII, 1, l. 13, §. 1. HENR.

torem literas et ad vilicum Tullius
 18 facturum negavit, illis absentibus; fines Acerronio
 demonstravit, neque tamen hanc centuriam Popu-
 lianam vacuum tradidit. Acerronius quomodo potuit
 se de tota re *excusabat*
 mine eiusmodi semustilatus effugit. Adducit iste in-
 terea in saltum homines electos maximis animis et
 viribus, et his arma, quae cuique habilia atque apta
 19 essent, comparat; prorsus ut quivis intelligeret, non
 eos ad rem rusticam, verum ad caedem ac pugnam
 comparari. Brevi illo tempore, Q. Cati Aemiliani ho-
 minis honesti, quem vos nostis, duo homines occi-

Vilicum) Cum uas I, quod et
 ipse vidi in aliis antiquis codicibus,
 et Gartonias ad *Plancianam* cap.
 XXV magnopere probat. Inferius
 tamen cap. IX legitur *villam*, non
vilam, etsi et *vilam* antiquum dicit
 Gartonias. MAL.

Vacuum tradidit) Venditus ager
 vacuum possessio est, antequam tra-
 ditus eiolori, isque ingressus est
 possessionem. Hoc in Pandectis vul-
 gatum nunc primum legimus apud
 Ciceroem. Sed in ipsa re, hinc qui-
 dem parte narrationis, summa est
 obscuritas. HERR.

18. *Se de tota re*) Ipse quoque
 cum Cl. Mai legi *sedetorare*, sed
 concoquere nequeo quod Vir Cl.
 notat Acerronium sedendo suppli-
 casse, Heinrichus emendabat *posse-
 dit*; Niebuhrus in epistolis ad me
 datis mihi auctor fuit de emenda-
 tione *se de tota re excusabat*, quam
 recepi.

Semustilatus) Ita Palimpsestus;
 ita Varro apud Nonium Marcellum
 (p. 263, ed. Paris. 1586) ad fidem
 codicis Merceri. Cl. Mai debebat *se-
 mustilatus*. Revera recentiores scri-
 bere amant *ustulo*; sed scripturae

antiquioris *ustilo* alia quoque vestigia
 supersunt; sic in Orat. pro Milone
 12, codex Lagomarsinianus 54 le-
 git *semustilatum*; in Svetonio Tib.
 75 sunt codices, qui habent *semu-
 stillandum*; Glossae Cyrilli *Αρδευυζα
 ustilatio*; sic *optumus*, *lobens*, *mo-
 numentum* etc. varia orthographia
 scribuntur *optimus*, *libens*, *moni-
 mentum* etc. Concili quoque posset
ustilo antiquis scriptum fuisse pro
ustillo diminutivo verbo, quemad-
 modum *querela* et *querella*, *belua*
 et *bellua* scribitur.

.., *mine eiusmodi*) Cl. Mai supplet
agmine eiusmodi; Heinrichus vero
 ex discrimine eiusmodi.

Habilia) Ita reposuit Heinrichus
 pro mendosa codicis lectione *obitalia*.
 Ennius dixit *habiles gladios filo gra-
 cilito*; Seneca de Ira II, 35: *gladium
 commodum et habilem*; lege Hein-
 sium animadv. ad Tacit. Ann. XII, 67.
 Contra Livius XXIV, 24 dixit *inha-
 bile telum*.

19. *Q. Cati Aemiliani*) Ignoti ho-
 minis nomen.

Duo homines) Duo pro duos, quod
 grammatici concedunt. MAL. Nimi-

derunt; multa alia fecerunt; passim vagabantur armati, non obscure sed ut plane intelligere viderentur ad quam rem parati essent; agros, vias denique infestas habebant. Venit in Thyrium interea Tullius. Deinde iste paterfamilias, Asiaticus beatus, novus arator, et idem pecuarius, quum ambularet in agro, animadvertit in hac ipsa centuria Populiana aedificium non ita magnum, servumque M. Tulli Philinum.²⁰ *Quid vobis*, inquit, *'stic negoti immeo est?* Servus respondit pudenter, at non stulte, dominum esse ad villam, posse eum cum eo disceptare si quid vellet. Rogat Fabius Acerronium, nam ibi tum erat, ut secum simul veniat ad Tullium. Venitur. Ad villam erat Tullius. Appellat Fabius, ut aut ipse Tullium deduceret, aut ab eo deduceretur. Dicit deducturum se Tullius; vadimonium Fabio Romam promissurum. Manet in ea condicione Fabius. Mature disceditur.

rum hanc formam, ut etiam ambo pro ambo, satis comprobat usus in veteribus codd. et monumentis. Vide Vossiam de Anal. II, 6; Gronov. ad Liv. XXXV, 21; Oudendorp. ad Soet. Claud. 14; et Caiet. Marinium in opere praeclearo de Monumentis fratrum Arval. P. I, p. 47. HEINR.

Non obscure) Heinrichius mavult ut non obscure.

Thyrium) Codex Tyrium.

Philinum) Codex filium; paulo infra Philinus quem antea nominavi.

20. *'Stic ... in meo*) Vulgarum pronunciationem expressit Orator, quum cl. Mai posthabens edidit *istie ... in meo*.

Venit) Cl. Mai legit venit. In Imagine huiusce folii lineam diagonalem representavi a laeva ad dextram descendentem, quae est pars vocalis V; altera vero pars eiusdem vocalis deest, quum membrana perforata sit;

tandem sequitur insignis litera R. Codex itaque habet venit, cui consonat sequens disceditur.

Deduceret) Fabius ergo usurus Interdicto *Vnde F* appellabat, ut moribus deductio fieret. *Deduci* porro dicebatur ille, qui per vim civilem at quotidianam a controverso fando disturbabatur; idemque subinde apud Praetorem postulabat, ut unde deiecius fuerat, eo restitueretur. Cf. a me superius adnotata ad n. 6.

Vadimonium) En fortissimum argumentum pro sententia Fr. Polleti, et Bav. Voordae D. de *Vadimonio* cap. II, §. 3 promissum fuisse vadimonium priusquam in ius veniretur, quod plerique negant. CRAM.

Mature disceditur) Haec verba omisit in prima editione cl. Mai, in altera ita legit *datur conceditur*. Haud dubito de lectione. Pars consonae M insignis superest; inter R et D spa-

- 21 Proxima nocte iam fere quum lux adpropinquaret, ad illud aedificium, de quo antea dixi, quod erat in centuria Populiana, servi P. Fabi frequentes armatique veniunt; introitum ipsi sibi vi manuque patefaciunt; homines magni pretii, servos M. Tulli nec opinantes adoriuntur, quod facile factu fuit; neque tam multos, neque repugnantes multi armati paratique occidunt; tantumque odii crudelitatisque habuerunt, ut eos omnes gurgulionibus insectis relinquerent, ne, si quem semivivum ac spirantem etiam reliquissent, minor is honor haberetur; praeterea
- 22 tectum villamque disturbant. Hanc rem tam atrocem, tam indignam, tam repentinam nuntiat M. Tullio Philinus, quem antea nominavi, qui graviter saucius e caede effugerat. Tullius statim mittit ad amicos, quorum ea vicinitate tum illi bona atque honesta copia praesto fuit. Omnibus acerba res et misera videbatur, cum amici in comm
- 23 Dicam vim factam a P. Fabi familia, adversarii non

tium intercedit nulli, nisi lineari litterae excipiendae par (lineares litteras voco E, F, I, L, P, T, quis vix unica recta lines pinguntur in codice); postrema syllaba DIS meis quidem oculis luculenta apparebat. Sensus ipse postulat vocabulum, quod nolet discessionem.

21. *Vi manaque*) Codex *ipsisibimanque*. Suscendite Heinrichio, addidi *vi*. Sic pro Flacco 6, *si quid ipsi audistis de vi, de manu, de armis, de opibus*; tum de leg. Agr. II, 36, *vi ac manu perfringi*. Affinis syllaba BI librarium fecellit.

Tam multos) Cl. Mai legit *iam multos*; ipse in codice vidi *tam*, quod malebat Cramerus.

Gurgulionibus) Hic locus citatur a Capella lib. V, cap. de elocutione,

omisso nomine huius orationis: sed nunc appareat ex qua citaverit. Iam quod Capellae editiones habent *cicotis*, vel *exotis* pro *insectis*, id primum corrigitur nunc a Tulliano palimpsesto, tum etiam a codice Capellae Ambrosiano (F. 119, parl. sup.) in quo legitur *exotis*. Mai.

Etiā relinquerent) Ita codex, quamvis Cl. Mai omiserit vocem *etiam* in utraque editione.

Is honor) Ita cum Heinrichio emendavi codicem legentem *minoris honor*. Librarius enim aspirationem modo demit scribens *is, em, tyrinus*, modo addit *minhis*.

22. *Caede*) Codex *cede*.

Illi bona) Codex *illa bona*.

23. *Dicam vim factam* — *iudicium est*) Hoc fragmentum a Victorino in

negant; damnum datum esse M. Tullio: concedis: vici unam rem. Vim hominibus armatis factam non negas: vici alteram. Dolo malo factum negas: de hoc iudicium est

turbarunt. Audite, quaeso, in eas res, quas comme- 24
moro, hominum honestorum testimonium. Haec, quae mei testes dicunt, fatetur adversarius eos vere dicere; quae mei testes non dicunt, quia non viderunt nec sciunt, ea dicit ipse adversarius. Nostri testes dicunt occisos homines, cruorem in locis pluribus, deiectum aedificium se vidisse; dicunt nihil amplius. Quid Fabius? horum nihil negat. Quid ergo addit amplius? suam familiam fecisse dicit. Quomodo? vi hominibus armatis. Quo animo? ut id fieret quod 25
factum est. Quid est id? ut homines M. Tulli occiderentur. Quod ergo eo animo factum est, ut homines unum in locum convenirent, ut arma caperent, ut certo consilio certum in locum proficiscerentur, ut idoneum tempus eligerent, ut caedem facerent, id si voluerunt et cogitarunt et perfecerunt, potestis eam voluntatem, id consilium, id factum a dolo malo seiungere? Ad istuc totum DOLO MALO additur in 26
hoc iudicio eius causa, qui agit, non illius, quicum agitur. Id ut intelligatis, Reciperatores, quaeso, ut diligenter attendatis; profecto quin ita sit non dubitabitis.

Si ita iudicium daretur, ut id concluderetur quod 27
a familia factum esset, si quae familia ipsa in caede

1 *Rhetor. Cicer. cap. 57* servatum, collocandum esse duxi in hac Orationis parte; est enim veluti propositio sequentis disputationis, in qua Cicerō demonstrat dolum malum nec ab indole huiusce iudicii, nec a vi homi-

nibus armatis coactivae facta scingi posse.

27. *Si quae familia*) Plerique grammatici scribendum praecipiant *si quae*; contrariae sententiae patroni iamulantur hoc exemplo.

- interesse noluisse, et homines aut servos, aut li-
ros coëgisset, aut conduxisset; totum hoc iudici-
et praetoris severitas dissolveretur. Nemo enim po-
haec iudicare, qua in re familia non interfuisset,
ea re eam ipsam familiam vi armatis hominibus
mnum dedisse. Ergo id quia poterat fieri, et fa-
poterat, idcirco non satis habitum est quaeri, q
familia ipsa fecisset, verum etiam illud, QUID FA-
28 LIAE DOLO MALO FACTVM ESSET. Nam qu-
facit ipsa familia vi armatis coactisve hominibus
damnum cuipiam dat, id dolo malo fieri necesse
quum autem rationem init, ut id fiat, familia ipsa
facit, fit autem dolo malo eius. Ergo addito DC
MALQ, actoris et petitoris fit causa copiosior. Vt
enim ostendere potest, sive eam ipsam familiam
damnum dedisse, sive consilio et opera eius fami-
factum esse, vincat necesse est.
- 29 Videtis Praetores per hos annos intercedere
interdicto inter me, et M. Claudium VNDE DE DC
MALO TVO M. TVLLI M. CLAVDIVS AVT FAMI-
AVT PROCVRATOR EIVS VI DETRVSVS EST c
ra ex formula, sicut ita interdictum est, et spo-
facta. Ego me ad iudicem si defendam, *ut* vi me
icisse confitear, dolo malo negem; et quis me aud
non opinor quidem. Quia si vi deieci M. Claudi-
30 dolo malo deieci; in vi enim dolus malus inest.
Claudio utrumvis satis est planum facere, vel
me ipso vi deiectum esse, vel me consilium inisse

28. *Ut id fiat*) Codex ut ea fiat.
Actoris et petitoris) Nomina con-
iungit etiam Cicero Partit. 110: sed
accusatorem pro omni actore et peti-
tore appello.

29. *Interdicto inter*) Ita suppleri
versum, qui in codice desideratur.

M. Claudius) Nespian alibi
cerone commemoratus.

Ut vi) Deerat particula ut ab
a sequenti vi.

Et quis) Hoc esse etymon
equis tradit Priscianus lib. I.

vi deiiceretur. Plus igitur *prodest* Claudio *quam* interdicatur, unde a dolo malo meo vi deiectus sit, quam si daretur, unde a me vi deiectus esset. Nam in hoc posteriore, nisi ipse egomet deiecissem, vincerem sponsonem; in illo priore, ubi dolus malus auditur, sive consilium inissem ut vi deiiceretur, sive ipse deiecissem, necesse erat te dolo malo meo vi deiectionem iudicari.

Hoc persimile, atque adeo plane idem est in hoc ³⁰ iudicio, Reciperatores. Quaero enim abs te. Si ita iudicium datum esset, quantae pecuniae paret a familia P. Fabi hominibus armatis damnum M. Tullio *illatum*, quid haberes quod diceres? Nihil, opinor. Fateris enim omnia, et familiam P. Fabi fecisse, et vi hominibus armatis fecisse. Quod additum est DOLO MALO, id te adiuvare putas; in quo opprimitur et excluditur omnis tua defensio. Nam si additum id non esset, ac tibi libitum esset ita defendere, tuam familiam non fecisse, vinceret, si id probare potuisses. Nunc, sive illa defensione uti voluisses, sive hac, qua uteris, condemneris necesse est. Nisi putamus *eum in iudicium* venire, qui consilium inierit; illum, qui fecerit, non venire; quum consilium sine facto intelligi possit, factum sine consilio non possit. An quod factum eiusmodi est, ut sine occulto consilio, sine nocte, sine vi, sine damno alterius, sine armis, sine caede, sine maleficio fieri non potuerit, id sine dolo malo factum iudicabitur? An qua in re Praetor tili improbam defensionem tolli voluit, in ea re mihi difficilior actionem factam putabitis? Hic mihi isti singu-

30. *Prodest Claudio cum*) Ita supplevi verum mutilum.

31. *Illatum*) In codice erat... *tum*.

32. *Ita defendere*) Codex *defenderem*.

Sive illa) Codex *sibi illa*, consueta permutatione litterarum B et V.

Eum in iudicium) Ita supplevi mutilum verum.

lari ingenio videntur esse, qui et id, quod mihi contra illos datum est, ipsi adripiunt, et scopulo atque saxi pro portu stationeque utuntur. Nam in dolo malo volunt delitescere; in quo non modo, quum omnia ipsi fecerunt quae fatentur, verum etiam si per alios id fecissent, haerent ac tenerentur.

- 31 Ego non in una re sola, quod mihi satis est, neque in universa re solum, *quod mihi satis est*, sed singulatim in omnibus dolum malum exstare dico. Consilium capiunt, ut ad servos M. Tulli veniant, dolo malo faciunt; arma capiunt, dolo malo faciunt; tempus ad insidiandum adque celandum idoneum eligunt, dolo malo faciunt; vi in tectum inruunt, in ipsa vi dolus est; occidunt homines, tectum diruunt, nec homo occidi, nec consulto alteri damnum dari sine dolo malo potest. Ergo si omnes partes sunt eiusmodi, ut in singulis dolus malus haereat, universam rem et totum facinus sine dolo malo factum iudicabitis?

- 35 Quid ad haec Quintius? Sane nihil certum, neque mirum, in quo non modo possit, verum putet se posse consistere. Primum enim illud iniecit, nihil posse

33. *Delitescere*) Codex *delitescere*.

Quod mihi satis est) Miror, hanc molestam verborum repetitionem cl. Peyronem silentio praeteriisse. Vtrum typothetae verba praecedentia repetivere, an codex ita legit? Tyr.

34. *Sed*) Ita pro *sed*; inferius n. 37 *illud* pro *illud*. — In his aliisque huiusmodi, scripturae varietas dubio literarum sono in pronuntiando tribui debet; atque non ita religiosa in his notandis et imitandis immerendum: nam veteres amanuenses mihi videntur haud satis Latine scire, quin exscribendo frequenter laberent: quod de recentioribus exscri-

ptoribus etiam verius dici potest. Haud ergo mirum si MSS. fere omnes innumeris erroribus scatent, quos doctus vir profecto in exscribendo vitavisset. Tyr.

Omnes partes) Hac spectabat Boëtius de definit. ed. Paris. an. 1544, pag. 23 inquiens: «Hoc etiam pro M. Tullio tenet (Cicero), ubi per enumerationem malorum, per quos fit dolus malus, definitio ita fit, ut singulis speciebus dolus malus possit agnosci».

35. *Iniecit*) Multum disque haesi in hac voce legenda; tandem intercepta spatia, atque ipsa fugientia lineamenta me permoverunt, ut scriberem

dolo malo familiar fieri; hoc loco non solum fecit; ut defenderet Fabium, sed ut omnino huiusmodi iudicia dissolveret. Nam si venit id in iudicium de familia, quod omnino familia nulla potest committere, nullum est iudicium, absolvantur omnes de simili causa necesse est. Hoc solum bona mehercule, si hoc solum esset, tamen vos talis viri nolle, deseretis maximam rem coniunctam cum summa re fortunisque privatorum, severissimum iudicium maximeque ratione compositum per vos videretur esse dissolutum. Sed non id solum agitur
ego intelligo; et tamen dicendum est ad ea quae dixit Quinctius, non quo ad rem pertineant, sed ne quid, quia a me praetermissum est, pro concessio putetur.

Dicis oportere quaeri, homines M. Tulli iniuria occisi essent, nec ne. De quo hoc primum quaero, venerit ea res in hoc iudicio, nec ne. Si non venit, quid attinet aut nos dicere, aut nos quaerere? Si autem venit, quid attinuit te tam multis verbis a

iniescit, nempe obiter mentionem fecit. Sic ad Attic. XVI, 5: *Bruto quum saepe inuicissem de exvolsis*; et pro Quinct. 21, id, quod Hortensium quia nuper iniescit.

De simili) Consona M vix apparet; penultima littera non bene insignis videtur esse L, est tamen ex genere longarum, non linearium. Cicero ad Q. fr. II, 16, de praerogatione ab soluta.

36. *Hoc solum bona*) Haec et sequentia luculenter leguntur in codice, mutila tamen esse quisque videt, neque facile expedit. Sane pro *nolle* reponendum est *nolite*, tum aliquid deest.

37. *Dicendum*) Primam syllabam BI oblitteratam suppleri. Posteaquum

Orator interdictum Luculli declarasset, atque eandem a familia P. Fabii dolo malo factam esse demonstrasset, progreditur ad obiecia adversarii diluenda.

38. *Quaeri*) Contendebat Quinctius aedificium M. Tulli, utpote in fundo P. Fabii exstructum, iure fuisse dirutum. Cuiquebatur ergo praetensis iniquitatem, qui vocabulum *transira* non admisit in interdicto, atque appellaverat tribunos plebis. De eiusmodi appellatione ita Cicero pro Quinctio 20: « Tribuni igitur appellabantur.... non est istud iudicium pati, neque iudicio defendere, quum auxilium a tribunis petas. »

Ea res) Ita legere videtur fugientia litterarum realigia.

Praetore postulare, ut adderet in iudicium INIVR et, quia non impetrasses, Tribunos plebis appellas et hic in iudicio queri Praetoris iniquitatem, quae de INIVRIA non addiderit? Haec quum Praetor postulabas, quum Tribunos appellabas, nempe dicebas, potestatem tibi fieri oportere, ut, si poss Reciperatores persuaderes, non esse iniuria M. Tu damnum datum. Quod ergo ideo in iudicium a voluisti, ut de eo tibi apud Reciperatores dicere ceret; eo non addito, nihilominus tamen ita dic quasi id ipsum, a quo detrusus es, impetraris, quibus verbis in decernendo Metellus usus est, ceteri quos appellasti confirmarunt. Nonne haec c nium fuit oratio, quod vi hominibus armatis coacti familia fecisse diceretur, id tametsi nullo iure f potuerit, tamen se nihil addituros? Et recte, Reciperatores. Nam quum, perfugio nullo constituto tamen haec scelera servi audacissime faciant, dom impudentissime confiteantur, quid censetis fore, Praetor iudicet eiusmodi caedes fieri iure posse? quidquam interest, utrum magistratus peccato fensionem constituent, an peccandi potestatem lic tiamque permittant? Etenim, Reciperatores, i damno commoventur magistratus, ut in haec ve iudicium dent: nam id esset, nec reciperatores pot darent, quam iudicem; nec in universam familie

39. Cum tribunus) Particula cum vix divinando legi potest.

Nempe ita) Lectu difficilis.

Detrusus) En certas litteras *E *** S* S, quare legi etiam potest depulsus.

Metellus) Opinor esse praetoris nomen, qui interdictum dederat. Iam vero Marcus Caecilius Metellus praeturae gesserat A. V. 684; vide Act. I io Verr. 9 et 10; Q. C. Metellus Celer

praeturae munere functus est, (rone coosule, A. V. 690. At q suspicari liceat alios etiam Met fuisse per illos annos praetores, certo statui nequit, quis iste fore

Ea — confirmarunt) In cont hincote duo haec verba addidi.

40. Tametsi) Librarius scrip tamensi, tum emendavit tametsi, i littera T latest in littera N paulo e

sed in eum *quicum* nominatim ageretur; nec in quadruplum, sed in duplum; et damno adderetur INIVRIA. Neque enim is, qui hoc iudicium dedit de ceteris damnis, ab lege Aquilia recedit, in quibus nihil agitur nisi damnum; qua de re praetor animus debet advertere.

In hoc iudicio videtis agi de vi; videtis agi de hominibus armatis; videtis aedificiorum expugnationes, agri vastationes, hominum trucidationes, incendia, rapinas, sanguinem in iudicium venire; et miramini satis habuisse eos, qui hoc iudicium dederunt, id quaeri, utrum haec tam acerba, tam indigna, tam atrocia, facta essent, nec ne, non utrum iure facta, an iniuria? Non ergo Praetores a lege Aquilia reces-

(*Quicum*) Codex cum. Ceterum hic legis Aquiliae actio comparatur cum actione de *Vi bonorum raptorum*, seu cum Interdicto Luculli. Nam ex lege Aquilia Digest. lib. IX, tit. II, leg. 32, si familia damnum dederat, persecutio poenae non in singulos dabatur, ne ex uno delicto tota familia dominus careret, sed sufficiebat id praestari, quod praestandum foret, si unus liber dedisset damnum iniuria; haec poene sunt verba Gaii. Contra in actione de *Vi bon. rapt.* Dig. l. XLVII, tit. VIII, leg. 2, §. 14: « Haec actio etiam familiae nomine competit; non imposita necessitate ostendendi qui sunt ex familia homines, qui rapuerunt, vel etiam damnum dederunt. » Apparet ergo Lucullum iudicium dedisse in universam familiam.

(*In quadruplum*) Interdicti Luculli poena erat in quadruplum, quod supra n.º 6.

(*In duplum*) Ex lege Aquilia ita poena aestimabatur, quanti id in eo anno plurimi fuit, tantum aes dare

domino damnas esto. Tamen adversus inficiantem in duplum actio erat, teste Gaio et Ulpiano Digest. l. IX, tit. II, leg. 2, §. 1, et leg. 23, §. 10. Confessus quidem fuerat Quintus altera actione, illam caedem ad familiam Fabii pertinere; at, praeterquamquod iudicium, negante Quinto, institutum fuerat, novimus progressu temporis poenam legis Aquiliae fuisse quandoque duplicatam. Sic Digest. l. XI, tit. III, de Serv. corr. leg. 5, §. 2: *Haec actio etiam adversus fatentem in duplum est, quamvis Aquilia inficiantem dumtaxat coarceat.*

(*Damno adderetur*) Codex *damnum adderetur*. Vocabulum INIVRIA cardo erat, atque fundamentum actionis Aquiliae. Contra in actione de *Vi bon. rapt.* Digest. lib. XLVII, tit. VIII, leg. 2, §. 22: *Non utique spectamus rem in bonis actoris esse; sive in bonis sit, sive non sit — sive bona fide a me possideatur — dicendum est competere mihi hanc actionem; ita ut ius, aut iniuria nullum habeat locum.*

- serunt, quae de damno est, sed de vi et armatis severum iudicium constituerunt; nec ius et iniuriam quaeri nusquam putarunt oportere, sed eos, qui armis, quam iure, agere maluissent, de iure et iniuria
- 43 disputare noluerunt. Neque ideo de INIVRIA non addiderunt, quod in aliis rebus non adderent, sed ne ipsi iudicarent posse homines servos iure arma capere, et manum cogere. Neque quod putarent, si additum esset, posse hoc talibus viris persuadere, non iniuria factum; sed ne quoddam scutum dare in iudicio viderentur iis, quos propter haec arma in iudicium vocavissent.
- 44 Fuit illud interdictum apud maiores nostros DE VI, quod hodie quoque est. VNDE TV AVT FAMILIA TVA AVT PROCVRATOR TVVS ILLVM AVT FAMILIAM AVT PROCVRATOREM ILLIVS IN HOC ANNO VI DEIECISTI; deinde additur illius iam hoc causa quicum agitur QVVM ILLE POSSIDERET, et hoc amplius, quod NEC VI NEC CLAM NEC PRAECARIO POSSIDERET. Multa dantur ei, qui vi alterum detrusisse dicitur; quorum si unum quodlibet probari iudici potuerit, etiamsi confessus erit, se vi deiecis-
 45 se, vincat necesse est, vel non possedis-
 se eum, qui deiectus sit, vel vi possedis-
 se, vel clam, vel praecario. Ei qui de vi confessus esset, tot defensiones tamen ad causam obtinendam maiores reliquerunt.
- 46 Age illud alterum interdictum consideremus, quod item nunc est constitutum propter eandem iniquitatem temporum, nimianque hominum *licentiam* . . .

Damno est) Erat in codice ESSET, iam syllabam SE deleta fuit.

(43. *Quoddam scutum*) Collex quod-tamententum.

(44. *Multa dantur*) Scilicet multa conceduntur, multa effugia dantur.

(46. *Licentiam*) Hoc verbum addidi recales a. 7. Puto Ciceronem hic dixisse de interdicto *De Vi hominibus armatis*. Hoc autem fragmentum adponendum esse censi proximo sequenti, in quo Orator nonnulla

boni debent dicere. Atque ille legem mihi de XII ta-
bulis recitavit, quae permittit, ut furem noctu liceat
occidere, et luce, si se telo defendat; et legem anti-
quam de legibus sacratis, quae iubeat impune occidi
eum, qui Tribunum plebis pulsaverit. Nihil, ut opi-
nor, praeterea de legibus.

Qua in re hoc primum quaero, quid ad hoc iudi-
cium recitari istas leges pertinuerit? Num quem Tri-
bunum plebis servi M. Tulli pulsaverunt? non opi-
nor. Num furatum domum P. Fabi noctu venerunt?
ne id quidem. Num luce furatum venerunt, et se
telo defenderunt? dici non potest. Ergo istis legi-
bus, quas recitasti, certe non potuit istius familia
servos M. Tulli occidere.

Non, inquit, ad eam rem recitavi, sed ut hoc in-
telligeres, non visum esse maioribus nostris tam indi-
gnum istuc nescio quid, quam tu putas, hominem
occidi. At primum istae ipsae leges, quas recitas, ut
mittam cetera, significant, quam noluerint maiores
nostri, nisi quum pernecesse esset, hominem occidi.
Primum ista lex Sacrata est, quam rogarunt armati,
ut inermes sine periculo possent esse. Quare non
iniuria quo magistratu munitae leges sunt, eius ma-
gistratus corpus legibus vallatum esse voluerunt. Fu-
rem, hoc est praedonem et latronem, luce occidi
vetant XII tabulae, quum intra parietes tuos hostem
certissimum teneas, NISI SE TELO DEFENDERIT,

obiecta a legibus petita dilucet tan-
dem subdit nihil, ut opinor, praete-
rea de legibus.

47. Et luce) Codex et luci. Haec
legem XII tabularum commemorant
Macrobius Saturnal., Cicero pro Mi-
lone, Caius ad leg. Aquil. etc. etc.

Pulsaverit) Religione inviolatos esse
eos (tribunos) tuus lege etiam fecer-
unt. Livius III, 55.

48. Noctu venerunt) Codex vene-
riunt.

50. DEFENDERIT) Codex de-
fendit. Per locus est in Milaniana 3,

inquit, etiamsi cum telo venerit, nisi utetur telo eo ac repugnabit, non occides; QVOD SI REPVGNAVERIT, ENDOPLORATO, hoc est conclamato, ut aliqui audiant et convenient. Quid ad hanc clementiam addi potest? Qui ne hoc quidem permiserint, ut domi suae caput suum sine testibus et arbitris ferro defendere liceret.

- 51 Quis est, cui magis ignosci conveniat, quoniam me ad XII tabulas revocas, quam si quis quem imprudens occiderit? Nemo opinor. Haec enim tacita lex est humanitatis, ut ab homine consilii, non fortunae poena repetatur. Tamen huiusce rei veniam maiores non dederunt. Nam lex est in XII tabulis, SI TELVM MANV FVGIT *Magis quam iecit*

- 52 Si quis furem occiderit, iniuria occiderit. Quamobrem?

ubi codices, varientis lectionibus, exhibent *defenderit, defenderet, defendat*. Discrepant etiam veteres, qui hanc legem commemorant. Gellius XI, 18: *Furem — occidi permiserunt, si — interdum se, quam prouideretur, defenderet*. Iulius Paulus V Sent. 23, 9: *Si quis furem — diurnum, quam se telo defenderet, occiderit*. At Vlpianus VII, 3, Caius IX, Pandect. 2, 4, §. 1, et XLVII, 2, 54, §. 2, legunt *defendat*. Augustinus II Quæst. in Exod. 84, laudans ipsam Milonianæ locum ait: *Hoc et in legibus antiquis — invenitur, impune occidi nocturnum furem quoquo modo, diurnum autem, si se telo defenderit*. Sed cum Garatonio (ad hunc Milonianæ locum) observandum est, ei verbo congruere tempora oportere, a quo pendet infinitivus. Iam in Augustino pendet ab *invenitur*, in Gellio a *permiserunt*, in Miloniana a *voluerunt*. Hoc vero Tullianæ loco

pendet a *vetant*.

QVOD SI) Codex quos si, dubito tamen hic quidpiam latere veteris orthographiæ. De voce *endoplorato* ita Festus: «*Endoplorato, implorato, quod est cum quaestione iudicare. Implorare namque est cum fletu rogare, quod est proprie vapulantis.*»

Arbitris) Codex arbitris.

51. *Magis quam iecit*) Cicero Topic. 17: «*Nam iacere telum, voluntatis est; ferire quem nolueris, fortunæ. Ex quo aries ille subicitur iu vestris actionibus, si telum manu fugit magis, quam iecit.*» Idem in Orator. III, 39: «*Nonnumquam etiam brevis translatione conficitur, ut illud, Si telum manu fugit. Imprudentia teli emissi brevius propriis verbis exponi non potuit, quam est nunc significata translato.*» Ita ergo mutilus contextus supplendus videbatur.

52. *Si quis furem*) Hoc fragmentum

quia ius constitutum nullum est. Quid si se telo defenderit? Non iniuria. Quid ita? quia constitutum est
 tamen verum factum esset non modo servos. Tamen⁵³
 in eo ipso loco, qui tuus esset, non modo servos M. Tulli occidere iure non potuisti; verum etiam si tectum, hoc insciente, aut per vim demolitus esses; quod hic in tuo aedificasset, et suum esse defenderet, id per vim aut clam factum iudicaretur. Tu ipse iam statue, quam verum sit, quum paucas tegulas deiicere impune familia tua non potuerit, maximam eadem sine fraude facere potuisset. Ego ipse, tecto illo disturbato, si hodie postulem, quod vi aut clam factum sit, tu aut per arbitrum restituas, aut sponsione condemneris necesse est. Nunc hoc probabis viris talibus, quum aedificium tuo iure disturbare non po-

tum a Rufiniano in *Aprophasi* servatum inscribi hoc loco, qui natus mihi videbatur.

53. *Tamen verum*) Hanc turbata esse quisque videt; paria verba *tamen*, et non modo servos fecerunt librarium. Posteaquam Cicero diluerat ea, quae ex legibus opponebat Fabius, in hoc fragmento refutat ea, quae ex familia Tullii obieciat.

Hoc insciente) *Hoc*, ablativo casu, nempe Tullio.

Per vim aut clam) Quam recte haec affirmasset Cicero, patet ex *Vi-piano Digest. lib. XLIII, tom. 24, quod vi aut clam leg. 1*: «Hoc interdictum restitutorium est . . . et parvi refert, utrum ins habuerit faciendi, an non; sive enim ins habuit, sive non, tamen tenetur Interdicto, propter quod Vi aut clam fecit . . . *Vi factum* videri Quintus Mucius scripsit, si quis contra, quam prohiberetur, fecerit.» Tum lege 3, §. 7:

«*Clam facere* videri Cassius scribit eum, qui celavit adversarium, neque ei denunciavit: si modo timuit eius controversiam, aut debuit timere. Idem Aristo putat, cum quoque clam facere, qui celandi animo habet eum, quem prohibitorium se intellexerit, et id existimat, aut existimare debet, se prohibitum iri.» Patet ergo *hoc insciente*, ablativo casu intelligendum esse.

Paucas tegulas) «Si quis aedificium demolitus fuerit, quumvis non usque ad solum, qui Interdicto tenetur, dubitari desit. Proinde et si tegulas de aedificio sustulerit, magis est, ut Interdicto teneatur.» *Vi-pianus lib. I, leg. 7, §. 9, 10.*

Restituas) Solemniter hoc Praetoris verbum servat formula Interdicti in *Digest. l. l. In privatis controversiis consuevisse peditorem sponsione certae pecuniae adversarium lacerare norunt omnes.*

Cic. Op. Tom. VIII

Kk

tueris, quod esset, quemadmodum tu vis, in tuo, homines, qui in eo aedificio fuerint, te tuo iure potuisse occidere?

51 At servus meus non comparet, qui visus est cum tuis. At casa mea est incensa a tuis. Quid ad haec respondeam? Ostendi falsa esse: verumtamen confitebor. Quid postea? Hoc sequitur, ut familia M. Tulli concidi oportuerit? Vix mehercule, ut corium peti; vix ut gravius expostulari; verum ut esses durissimus. Agi quidem usitato iure, et cotidiana actione potuit; quid opus fuit vi, quid armatis hominibus, quid caede, quid sanguine?

55 At enim oppugnatum me fortasse venissent. Haec est illorum in causa perdita extrema non oratio, neque defensio, sed coniectura, et quasi divinatio. Illi oppugnatum venturi erant? Quem? Fabium. Quo consilio? ut occiderent. Quam ob causam, quid ut proficerent? Qui comperisti? Et ut rem perspicuam quam paucissimis verbis agam, dubitari hoc potest, Recuperatores, utri oppugnasse videantur, qui ad
56 villam venerunt, an qui in villa manserunt? qui oc-

54. *Ad servus*) Ita pro at. Inde videre licet servum P. Fabii, qui Tullii familiam adierat, ita ex hominum oculis evanuisse, ut Fabius rufus illum fuisse a servis Tulli interemptum, horum caede ulcisceretur servi mortem. Idem atiam contendebat suam casam a familia M. Tullii fuisse incensam.

Pt corium peti) Ita codex luculentissimus. *Corium* pro hominis pelle atque luto corpore quosdamque comici scriptores usurpant; ut *petere corium* nil vitium alicuius, vel aliquem agredi, quemadmodum, metaphora a

gladiatoribus ducta, Cicero pro *Merena* siebat: *Sciebam Cutilinam non latus aut ventrem, sed caput et oclum petere solere*. Verum petebatne Fabius vitam M. Tullii? Nonne contextus exposcit comparativum adverbium ante vocem *peti*, tum etiam *possit*, vel simile verbum? Quare quum unum et alterum vocabulum desit, tum consilio integrum versum fuisse a librario praetermissum in pervertuto codice, qui fortasse dabat erit vix mehercule ut con-tingat ferocius adversarium peti etc.

Meliora ab aliis exspecto.

cisi sunt, an ii, ex quorum numero saucius factus est nemo? qui cur facerent causa non fuit, an ii, qui fecisse se confitentur? Verum, ut hoc tibi credam, metuisse te, ne oppugnarere; quis hoc statuit unquam, aut cui concedi sine summo omnium periculo potest, ut eum iure potuerit occidere, a quo metuisse se dicat, ne ipse posterius occideretur?

CETERA DESIDERANTVR.

56. *Statuit unquam*) Codex *statutumquam*.

Potest ut eum) In his verbis *statuit* facit folium Taurinense. Cetera habui ex Quintiliano Instit. V, 13, qui

locum ita recitat: «Quis hoc statuit unquam, aut cui concedi sine summo omnium periculo potest, ut eum iure potuerit occidere, a quo metuisse se dicat, ne ipse posterius occideretur?»

ORATIONIS
PRO M. TULLIO

ALIA FRAGMENTA

E PLURIBVS AVCTORIBVS COLLECTA

1. PRISCIANVS *lib. 6*] Hoc iudicium sic exspectatur, ut non unae rei statui, sed omnibus constitui putetur.

2. MARCIANVS CAPELLA, *lib. 5*] Damnum passum esse M. Tullium, convenit mihi cum adversario. Homi-
nibus armatis rem esse gestam, non inficiantur. A familia P. Fabii commissam, ¹ negare non audent. Iam dolo malo factum ambigitur.

3. DIOMED. *l. 1*] Plicavi legimus, ut est apud Ciceronem pro Marco Tullio.

4. MACROB.] Cicero pro Tullio explicavit, ait.

(1) Recte Patricius monuit legendum esse a familia P. Fabii rem commissam. SCHWIZ.

AD FRAGMENTVM

ORATIONIS PRO L. FLACCO

MORITVM

ANGELI MAI V. CL.

In oratione pro L. Flacco duae sunt insigniores lacunae, una ante caput III, altera ante IX. Censeo fragmentum hoc collocandum ante caput III, ita ut expleat primam lacunam saltem ex parte. Agitur in capite III olim edito de muneribus a Flacco gestis non sine optima fama pluribus in provinciis, et de testium adversariorum iniquitate atque ignobilitate. Atqui in nostro fragmento de his ipsis agitur; ergo hoc pertinere putandum est. Et quidem quam in fine fragmenti dicatur *Flaccus pater cum patre consule ad bellum esse profectus*, in principio autem capitis III olim editi munera, quibus Flaccus in reliqua vita functus est, enumerentur, videtur omnino fragmentum hoc inserendum esse primae lacunae orationis. (*Etsi hoc fragmentum iam sit insertum in corpore orationis (tom. VI, pag. 302), denuo tamen illud prelo subiiciam, quia in prima editione, Schützium sequutus, minus emendatum et sine notis eum dederam. Typ. T.*)

ORATIONIS PRO L. FLACCO

FRAGMENTVM AMBROSIANVM

- 1 . . . externum cum domestica vita naturaue constaret. Itaque non patiar, D. Laeli, te tibi hoc sumere, atque hanc ceteris in posterum, nobis in praesens tempus, legem conditionemque *constituere*
- 2 Quum adolescentiam notaris, quum reliquum tempus aetatis turpitudinis maculis consperseris, quum privatarum rerum ruinas, quum domesticas labe, quum urbanam infamiam, quum Hispaniae, Galliae, Ciliciae, Cretae, quibus in provinciis non obscure versatus est, vitia et flagitia protuleris, tum denique quid Molitae, et Loreni de L. Flacco existiment audiemus.

1. *D. Laeli*) D. Laelius fuit L. Flacci accusator de repelundis ex Asia. MAT.

Constituere) Cl. Mai perfecturus contextum addebat hoc verbum. Desiderantur undecim versus. PEYR.

2. *Hispaniae — vitia*) Nempe vitia atque flagitia in Hispania commissa. De hac gentili vi multa exempla congerit Heinrichius ad h. l. P.

Molitae) *Leges Tmolitae*. In edita parte huius Orationis occurrit u.^o 3 *Tmolites vicinus*, qui testimonium contra Flaccum dicebat; et u.^o 19 Hermippus legationem ducit, quam non accepit a suis civibus, sed usque

Tmolo petivit. Vtrobique sunt codices, qui *Molites*, et *Mola* legunt, quemadmodum in Virgilii *Ge.* I, 56 pro ut *Tmolus* multi libri habent ut *Molus*; quod eo facilius contingit, si postrema praecedentis vocabuli littera sit T, vel alia affinis, uti D in nostro. P.

Loreni) Videtur nomen derivatum ab ignobili Asiae pago. Studiosae aulem Tullius, ut testium infringat auctoritatem, patriae eorum obscenitatem deridet. MAT. Cramerus malebat *Lorymani*, est enim Lorima urbs Cariae; Heinrichius reponēbat *Lorymeni*. P.

Quem vero tot, tam gravesque provinciae salvum³ esse cupiant, quem plurimi cives tota ex Italia devincti necessitudine ac vetustate defendant, quem haec communis nostrum omnium, patria propter recentem summi beneficii memoriam complexa teneat, hunc etiamsi tota Asia deposcit ad supplicium, defendam, resistam.

Quid, si neque tota, neque optima, neque incorrupta, neque sua sponte, nec iure, nec more, nec vere, nec religiose, nec integre, si impulsu, si sollicitata, si concitata, si coacta, si impia, si temere, si cupide, si inconstanter nomen suum misit in hoc

3. *Gravesque provinciae*) Enumerantur n.º 40 orat. editae. PEY.

Necessitudine) Cl. Mai vulgavit *necessitudinis vetustate*, in altera vero editione monuit codicem habere *necessitudinem vetustatem*. Ipse legi in codice *necessitudine ac vetustatem*, quare suppleo *necessitudine ac nominis vetustate*; vetustatem familiis L. Flacci pluribus exornat Cicero n.º XI. P.

4. *Optima*) Codex OPTIMOS, ita ut puncto expungatur littera S; scripsi *optima*, scilicet *quae optima esset*; rectius scriberetur *optima pars*. Asia enim, quae accensatores miserat, constabat ex *Phrygia, Mysia, Caria, Lydia* n.º 27, quae provinciae pessime apud Graecos audiebant. Contra aliae optimae provinciae pro Flacci periculis laudatores miserant. Cl. Mai subinde legit *incorruptos*, equidem non vidi syllabam *os*, ideoque edidi *incorrupta*. P.

Impulsa) Cl. Mai legit *improvisa*, quod non assequor. In litteras certas incertasque codicis SINIUISA, ita ut 2.a, 5.a, et 7.a sit una ex litteris longis E, F, I, L, P, T, quae vix minimis ductibus distinguuntur in

codice. Sane Tullius n.º 2 orat. ed. sit: *Non estis de Lydorum, aut Mysorum, aut Phrygum, qui huc compulsi concitatiqve venerunt*. P.

Cupide) Quam membrana interceisa sit, vix aliqua vestigia supersunt huius vocis, quae mihi diligentissime rimanti innumerant vocabulum *cupide*. Cupiditate permotos fuisse testes plus semel affirmat Cicero: vide praesertim n.º 12 orat. editae. Cl. Mai legebat *putide*. P.

Nomen suum) Cl. Mai legebat *nominum*, quin mendum snapicaretur; quare Heinrichius reponerat *omnia*. Codex procul dubio habet *nomen suum*. Iudice Heinrichio, *mittere rem in iudicium* est efficere, ut de re iudicetur. Quam itaque Asia egentissimos testes Romam legasset, misit nomen suum in iudicium, affecit nempe, ut de suo nomine, suoque testimonii auctoritate indicandum esset, quod praestitit Cicero in multis orationis partibus, vide praesertim n. 25 et 27. Hic porro sensus non extenditur ex lectione *nomen*. P.

In hoc) Membrana lacera integram non exhibet praepos. *in*; superest tamen extrema pars litterae N. P.

iudicium per egentissimos testes; ipsa autem nihil queri vere de iniuriis potest? Tamenne, iudices, haec ad breve tempus audita longinqui temporis cognitarum rerum fidem derogabunt?

5 Tenebo igitur hunc ordinem defensor, quem fugit inimicus; et accusatorem urgebo atque insequar; et ultro crimen ab adversario flagitabo. Quid est, Laeli? Numquid ead . . d . . ea . . f . . no? Qui equidem non in umbra, neque in illius aetatis disciplinis artibusque versatus est. Etenim puer cum patre consule ad bellum est profectus. Nimirum etiam hoc ipso nomine aliquid . . i asus

Longinqui) Materia haec est triplicis observationis proprietatis Latinae et vere Ciceronianae. Vnam hic sumam; nec frustra. Legitur in Or. pro Quintio esp. 23, consensu MSS. omnium: «Fides huius multis locis cognita, ne perfidia Sex. Naevii derogetur, laborant.» *Multis locis* quod barbarè diceret, multis in casibus, Cicero hinc frequens, ut nullo loco in *Fragm.* Scaur. et sic alia. Sed *derogare fidem alicuius*, hoc est imminuere, constructio nimis insolita et non ferenda visa est Gracivio atque Ernestio. Ergo corrigendum putarunt; quis altero peius, non iudico. Tamen audaciores hinc facti duo nuper editores certatim, unus Graevio, alter Ernestio auctore, locum aliter scripserunt. Quanto rectius, relicto, quod erat notandum, non mutandum, Faciolatus in Indice: «Constructio haec fortasse singularis est. Ecce enim di-

cimus, *derogare fidem alicui.*» Quod Forcellianus repetiit v. *derogo*. Iam ecce alterum exemplum constructionis eius ex hoc loco, ubi dicitur *rerum fidem derogare*. Et nunc rursus, post hoc repertum, emendandae erunt emendationes istae. HANNA.

5. *Ead* —) In duobus evanidis versibus haec legebat Cl. Mai: ea — *vere* — *dicis qui equidem* etc. Paulo diversa vidi diffusis et ipse lectione mea; versus enim sunt pressummati. Sane hic Cicero ad pressioreni clientis defensionem tandem veniens, exordiebatur ab eius adolescentia, quam a Laelio notatam esse scimus (vid. *supr.* n.º 2), atque purgabat apud Iudices illiberalitatem Flacci honorum disciplinarum non expertis. Niebubrinus ex coniectura ita supplebat: *ea crimina in Flaccum vere conferri*. Sed tam longum comma non recipit spatium lacunae in codice. PAV.

ORATIONIS
IN P. CLODIVM ET CVRIONEM
FRAGMENTA (1)

CVM VETERIS ANONYMI

COMMENTARIO

ANG. MAII V. C. MONITVM

*T*ullianae Orationis in Clodium et Curionem pauca verba in Editionibus, sed uberrima memoria extat. Laudant enim ex ea locos aliquot Nonius Marcellus et Quintilianus, quos vide' sis in Fragmentis Orationis olim editis. Meminit eius etiam noster Interpres, quem nunc edimus, ad Orat. in Vatinius. Clodiani autem stupri, quod occasione praebuit huic Orationi scribendae, sexcentis in locis meminit Cicero. Vide, si lubet, de Provinciis Consularibus X, in Pisonem XXXIX, Paradoxum IV, et passim pro Domo sua, de Haruspicum Responsis, et pro Milone, quae tres Orationes magnam lucem affundunt huic ineditae in Clodium et Curionem. Sed nusquam enucleatius quam in libro I. Epistolarum ad Atticum res tota evolvitur. Nam Epist. XII ait Cicero: " P. Clodium Appii F. credo te audisse cum veste muliebri deprehensum domi C. Caesaris, quum sacrificium pro populo fieret, eumque per manus servulae servatum et eductum; rem esse insigni infamia. " Tum Epist. XIII: " Credo te audisse, quum apud Caesarem pro populo sacrificium fieret, venisse eo muliebri vestitu virum, ilque sacrificium quum Virgines instaurassent, mentionem a Q. Cornificio in senatu factam: postea rem ex senatusconsulto ad pontifices relata, idque ab iis nefas esse decretum: deinde ex senatusconsulto consules rogatio-

(1) Rectius, ut puto, Vir Cl. haec inscripsisset *Commentarii in P. Clodium et Curionem Fragmenta*, quum ea tantum verba Interpres commentario suo praefixerit, quae veluti materies illius et argumentum essent: quod de duobus sequentibus aequè dici potest. Trr.

nem promulgasse, uxori Caesarem nuntium remisisse. » *Historiam controversiae in senatu actae pertexit Cicero Epist. XIV, ubi etiam apparet Curionem stetitisse pro Clodio. « Homines ad XV Curioni nullum senatusconsultum facienti assenserunt, ex altera parte facile CCCC. fuerunt; acta res est. Fufius tribunus tum intercessit. Clodius conciones miseras habebat. » Sed descriptionem plenissimam huius causae Clodianae habet Epistola XVI cum particulis ipsius Orationis Tullii in Clodium, et Curionem.*

Haec ad declarandum huius Orationis historiam ac paene cursum sufficiunt. Prodeunt iam ex nostro Codice integrum Orationis Argumentum, et amplius Commentarius Scriptoris antiqui et inediti, non sine multis et nobilibus Partibus ipsius deperditae Orationis. Scripta est autem haec Oratio Consulibus Pisone et Messala, id est Ciceronis anno XLVI.

Accedit nunc ex Palimpsesto Taurinensi aliud egregium fragmentum, quod complectit simulque connectit ea quae Maius V. CL. sub capite IV et V ex Ambrosiano codice vulgavit. Tyr.

ARGUMENTVM

Apud Graecos huiusmodi genera orationum *ἐπιμαχέωνται καὶ ψέγονται* nominantur continentia ferme laudes et vituperationes, Non enim rei postulantur a Tullio vel C. Curio vel P. Clodius; sed quoniam habuerant in senatu quandam iurgiosam decertationem, visum Ciceroni est hanc orationem conscribere plenam sine dubio et asperitatis et facetiarum, quibus mores utriusque proscindit, et de singulorum vitiis quam potest acerbissime loquitur. Sed enim principium huius offensae fertur a P. Clodi incestu descendisse. Nam visus est in domo Pontificis Maximi C. Caesaris eiusdemque practoris incestum fecisse cum eius uxore Pomptia, eo tempore quo per Vestales virgines et matronas honestissimas in aperto Bonae Deae sacrificium viris omnibus inaccessum fiebat. Vnde elapso tamen Clodio magna invidia percrebuit et infamia caerimoniarum, ut senatus decernere cogeretur, omni diligentia consulum peruestigandum, siquod esset publicis religionibus inlatum flagitium. Accedebat huic etiam

praeiudicium quoddam C. Caesaris ipsius Pontificis, qui uxorem suam ilico repudiavit. Post quod reus de incesto factus est P. Clodius, accusante L. Lentulo, defendente C. Curione Patre. Nam tres illis temporibus Curiones illustri nomine exstiterunt, atque ita in libris adhuc feruntur; Curio Avus qui Servium Fulvium incesti reum defendit; et hic C. Curio Pater, qui P. Clodio adfuit, et tertius ille Curio tribunicius qui bello civili Pompeiano in Africa periit. Nam quum esset partium Caesaris, oppressus est ab equitibus Inbae regis. Sed hactenus de Curionibus dictum sit. Multum diuque habitis concertationibus ante iudicium, P. Clodius a turbulenta multitudinis, ut causam diceret, non sine impetu seditionis adiutus est: anctore huius conspirationis Q. Fufio Caleno Tribuno plebis, cuius mentionem creberrimam Tullius in Philippicis orationibus facit, obstante vero paene universo senatu pro sanctimoniam religionum adversus crimen incesti. Iudices tamen ad extremum dati sunt. Et primo quidem ab senatu praesidium petiverant, ut de Clodio potentissimo homine liberius iudicaretur. Verum ita res cecidit ut in eum multi grave testimonium dicerent, quorum in numero Marcus ipse Tullius interrogatus, ait: ad se salutatum venisse ipsa die Clodium, qua se ille contenderat Interamniae fuisse, millibus passuum ferme LXXXX ab Urbe disiectum; quo scilicet videri volebat, incesti Romae committeendi facultatem non habuisse. Et post haec ab Iudicibus XXV damnatus est. Praevaluit tamen ad eius victoriam maior eorum numerus qui absolverunt. Nam XXX et una pro eo sententiae latae sunt. Inde igitur capitalis inimicus in M. Tullium coepit efferari. Et quum illo auno potestate quaestoria fungeretur, apud populum creberrimis eum concionibus lacescebat. Minus quum inimo praetendens, ad familiam se plebeiam transiturum, ut tribunus plebis fieret, denuntiabat. Quibus minacissimis teritis vocibus, vehementer et acerrimo spiritu hac oratione Cicero respondit, duorum tam ipsius quam Curionis.

INCIPIIT ORATIO

1. Statueram P. C. quoad reus esset P. Clodius nihil de illo neque apud vos neque alio ullo in loco dicere.

Facere videtur hoc *in argumentum* gravitatis ac modestiae suae; verum summa cum asperitate, quamvis absolutus sit Clodius, tamen incestum vere commississe adhuc adseverat. Hoc enim testificando, se omni et humanitate et patientia P. Clodio pepercisse, sine dubio confirmat veritatem sui testimonii, ut omnia da illo cum fide dixerit, cui per illud tempus reus parcedum putaverit.

2. Ac furiosis concionibus indixerat.

Opportune et acriter furiosum P. Clodium dicit, ut in eum suspicio conveniat incesti, cuius ingenium furor iactetur.

3. Quod simul ab eo mihi et reipublicae denuntiabatur.

Et suae dignitati plurimum dedit, et P. Clodium vehementius accusavit. Nam gloriae Ciceronis accedit, quod seiungi a rep. non potest: invidiae autem P. Clodii adstruitur, si odisse videatur in Cicerone remp.

4. Nihil me addere ad alterius periculum.

Satis agit, ut in testimonio non existimetur esse mentitos.

5. Sin esset iudicatum non videri virum venisse, quo iste venisset.

Amaritudo stomachi est in hac sententia, qua perstringit mores P. Clodii scilicet impudicos, ita dicendo: « non videri virum venisse quo iste venisset. » Quasi hoc pronuntiaverint qui eum sententiis suis liberaverunt, non ut incertum sibi probari non potuisse dicerent, sed ut ipsum virum negarent.

6. Vt ille iudicio tanquam e naufragio nudus emersit.

In loco et ipsorum Iudicum perstringit infamiam, quantum sententiis fuerat absolutus. Nam partim trecenta millia, partim vero, secundum opiniones aliorum, quodringenta accepisse dicuntur.

Vt ille—emersit) Locus hic paulo liberina laudatur a Quintiliano Inst. VIII, 3, sub finem sic: Quo ex iudicio velut ex incendio nudus effugit.

ANG. MAIUS, et sic deinceps usque ad Fragn. Turinense, quod elucidat Payronius V. Cl.

II. 1. Ac vide an facile fieri tu potueris, quum is factus non sit cui tu concessisti. Syriam sibi non extra ordinem polliceri.

Diximus in Argumento, per illud tempus Clodium fuisse quaestorem. Optimas igitur provincias cupiditati suae *blandiente* dicit in animo habuisse: quasi hoc ab equatu consequi posset, quod ipse rapinarum meditatione gestiret.

2. Creditoribus suis spem ostendere provinciae videretur.

Et defaueverat hac in parte significat.

3. Augent magnum quendam cumulum aeris alieni.

Quod non posset, nisi omnium provinciarum spoliatione dissolvi.

4. Ingemuit gravius timidior quidam creditor.

Ne quaesieris eius personam, de quo videtur hoc dicere. Nam generalim fingit, ut desperatio pecuniae recuperandae consternaverit creditores eius, metuentes scilicet reverteudi insiditatem.

5. Confirmat se comitiis consularibus Romae futurum.

Aculeus est asperitatis. Nam plerisque in locis in perversas ab eodem Clodio criminatus est pecunias candidatorum.

6. Tanto prius ad aerarium venit, ut ibi ne scribam quidem offenderet.

Apud aerarium sortiri provincias et quaestores solebant et scribae, ut pro

Ac vide — cui tu concessisti) Loquitur credo de Clodio praeturae candidato, qui aenon suum reliquit, ut scriptum est in Miloniana. Significat autem futurum fuisse, ut aenon suo, quem praeterierat, praetor non fieret, quis is, cui ille concesserat, factus non sit. Sio.

Ac vide — concessisti) Verba haec laudata a Quintiliano Instit. V, 10, ex oratione in Clodium et Curionem hic addenda videbantur quae s Cod.

Ambrosius abest.

Apud aerarium — solebant) Ob hanc locutionem *solebant* cave potes idcirco nostrum Ioterpretem abesse multum a temporibus Ciceronis, quin videator de verbis eius setatis laudum quo praeteritis aut etiam antiquis loqui. Quippe ita loqui moris est Asconio in iis commentariis, qui sub eius certo nomine circumferuntur. Vide sis ex. gr. ad Divin. in Verr. XV, XVII, Act. I, VI, VIII, XVIII, ad lib. I, I, IV, X, XIX, XXIX etc.

certo appareret in quam provinciam, vel cum quo praeside proficiicerentur. Ardorem quendam nimiae cupiditatis volens exprimere, festinasse ad aerarium dixit, ut etiam scribarum praeveniret adventum.

III. 1. Quibus iste qui omnia sacrificia nosset, facile ab se deos placari posse arbitrabatur.

Vt incestum significaret, mediam suspendit elocutionem, non ut religionem praecederet, sed ut crimen.

2. Quum se ad plebem transire velle diceret, sed misere fretum transire cuperet.

Quoniam patriciis non licebat tribunatum accipere, idcirco se Clodius demonstraverat in plebeius familiam transitarum, ut adeptus hanc potestatem, de suis inimicis vindicaretur. De fretu autem quod sit, illud significat quo Sicilia ab Italia separatur: in qua se provincia sub C. Vergilio gratularetur idem futurum esse questorem.

3. Hanc loquacem Siciliam non despexit.

Loquacem videtur Siciliam dicere quod plerosque de pecuniis repetundis accusaverat, et, ut scimus, ipsum C. Verrem.

4. Accesserunt ita pauci, ut eum non ad concionem, sed sponsum diceret advocasse.

Aere alieno gravatum et supra dixerat Clodium. Solebant autem versorum facientes quasi ad fidem futurae solutionis sponsos dare. Verum hic volens eius perfidiam denotare, ait: non aliter paucos ad rostra venisse, quam si convocasset eos qui pro se sponderent. Multos enim fefellerat, quum periculo sponsionis adstringeret.

5. Cuius satisfactiones semper indicuntur induci.

Satisfactiones dicit rescindi sententia praetoris. Et hoc in loco significat viros, qui stulte timerent pro Clodio mutuante pecuniam spondere, quum saepe numero experti sint, multos sponsores eius hoc nexu liberatos, quum se circumventos illius fraude docuissent.

Quibus iste — arbitrabatur) Hunc locum citat Quintilianus Inst. IX, 2, sub finem. Et quidem cod. Ambros. habet tantum verba, qui omnia sacrificia nosset.

Mediam suspendit elocutionem) Cod.

corrupte significare medietates suspendit elocutionem. Porro ad loci intelligentiam confer similem in hac Orat. inferius VI, 2: «Notemus verborum medietates elegantissima ab oratore suspendi.» Et eundem nostrum interpretem ad Orat. pro Plancio X, 6.

FRAGMENTVM TAVRINENSE

CUM PEYRONI ANIMADVERSIUUBUS.

intelligo quam in absentem esse dicenda.

Primum homo durus ac priscus invecus est in eos, qui mense aprili apud Baias essent, et aquis calidis uterentur. Quid cum hoc homine nobis tam tristi ac severo? non possunt hi mores ferre hunc tam austum, et tam vehementem magistrum, per quem hominibus maioribus natu ne in suis quidem praediis impune tum, quum Romae nihil agitur, liceat esse, valetudinique servire. Verumtamen ceteris. . .
. . . in illo loco nullo modo. Quid homini, inquit,

Primum homo durus — apud Baias essent) Consuetudo erat multis inenute verno ad aquarum quae sunt in Campois velut fomenta salubria convenire. Igitur intulit personam Clodii quasi priscæ severitatis et continentiae viri, cui displiceant, et quae non ad delicatam voluptatem, sed ad valetudinis obtineudae curam fieri soleant, quum sit ipse omnium libidinum cupiditatibus deditus. Et hinc fiet gradus ad ipsius Ciceronis Puteolanae possessiones, in quas devertere ad oblectamentum solebat. Removit ergo impudentiam reprehendentis a moribus suis, ne vel superbus vel nimium delicatus habeatur.

Per quem hominibus — valetudinique servire) Congesta et copiosa defensio est in ipsa propositione: ut eorum moribus nihil oporteat exprobrari, qui certo tempore anni salubres aquas petant; vel quia aetate provecti sint, quae ferme valetudo parum fida est: vel quia in suis praediis demoreantur, quod est legitimae honestatis: vel quia eo tempore, quo sint Romae omnia quietissima, ne quis hoc ad fugiendum laborem civilium rerum facere videatur: vel quod sit unni modo valetudini serviendum, quae non minus ipsis senatoribus, quam reip. necessaria sit; ut fortius possint obire munia, quae gerenda sunt.

In absentem) Vt probabilem seu- sum exsculperet ita scripsi pro eo quod erat in codice *inabgente*. PEYR.

Per quem hominibus — servire) Hoc item fragmentum est in Scholiaste Ambrosiano p. 74, qui legit *tunc cum*.

Quid homini, inquit) Hanc alterationem narrans Cicero in epistola XVI, lib. I, ad Atticum inquit: «Surgit pulchellus puer: obicit mihi,

me ad Baias fuisse. Falsum; sed tamen quid hoc? Simile est, inquam, quasi in operto dicas fuisse. Quid, inquit, homini Arpinati cum aquis calidis? narra, inquam, patrono tuo, qui Arpinates aquas concupivit; nostri enim marias. » Quae quum conceptis verbis non haberentur in nostro fragmento, statim editam Orationem discrepasse ab Oratione recitata; quod certissimum est de aliis orationibus.

Arpinati cum Bais, agresti ac rustico? Quo loco ita fuit caecus, ut facile appareret, vidisse eum quod fas non fuisset: nec enim respexit, illum ipsum patronum libidinis suae non modo apud Baias esse, verum eas ipsas aquas habere, quae gustu tamen Harpinatis fuissent. Sed videte metuendam inimici et hostis bilem, et licentiam. Is me dixit aedificare ubi nihil habeo; ibi fuisse qu . . . enim non . . . atentem adversarium, qui id obiiciat, quod vel honeste confiteri, vel manifesto redarguere possis.

Nam rusticos ei nos videri minus est mirandum, qui manicatam tunicam, et mitram, et purpureas fascias habere non possumus. Tu vero festivus, tu

Ita fuit caecus — quod fas non fuisset) De Appii enim Caeci familia genus trahebat. Et praecipitem volens significare atque temerarium, resculpit infamiam illius iocasti, quod fecisse in Operto Bonae Duae videbatur, quo viris ingredi non licebat: quasi potuam criminis sui luere iam coeperit nihil providendo quod dicat.

Illum patronum libidinis suae) C. Curionem, qui de proscriptione Syllana fundum emerat in Campania, qui Marii nuper fuerat et ipsius Arpinatis. Quo se exemplo Lucillime Cicero purgavit, non esse id in se reprehendendam, quod municipi suo C. Mario consulari nunquam fuerit infame.

Tu vero festivus — qui manicatam tunicam) Mixta responsio et facetiis urbanitatis et asperitatis aculeis non sive lenitie. Defuit enim rusticos et

Ita fuit caecus — non fuisset) Hoc fragmentum servavit Scholiastes Ambrosianus pag. 75.

Illum — suae) Haec verba, deinde ipsum, recitat Scholiastes Ambrosianus, atque ita illustrat: « C. Curionem etc. ut supra. Quare lux iam affunditur verbis Epistolae XVI ad Atticum superiores recitatis, ut apposite animadvertit Cl. Mai. Scilicet ait Cicero: quid mihi Arpinati balneae obiectis? obiectae potius patrono tuo Curioni, qui Arpinatis hominis fundum et aquas concupivit.

Aedificare) Cicero ad Attic. IV,

5: « Hi subiunguntur qui villam me moleste servare habere, quae Catuli fuerat; a Vettio me emissae non cogitant; qui domum negant oportuisse me aedificare, vendere sive oportuisse. »

Nam rusticos — tunicam) Haec recitat Scholiastes Ambrosianus pag. 76, atque ita exponit: « Mixta etc.

Tu vero festivus — corpus potes) Huius fragmenti pars laudatur a Rufiniano de figur. sent., pars alia a Nouio ad v. elegantes, ita tamen, ut Nouius legat psaltrias, qui levare vultum, mollire vocem potes.

pedes fasciis, quum calvatica capiti accommodaretur, quum vix manicatam tunicam in lacertos induceres, quum strophio accurate praecingerere, in tam longo spatio nunquam te Appi Claudii nepotem esse recordatus es? Nonne etiamsi omnem mentem libido averterat, tamen ex

Desinit hic folium Taurinense.

historia temporis huius commemoratio habet. C. Caesaris, pontificis maximi, praetoris domi sacrificium solenne pro populo fiebat. Huc vir ornatu muliebri quod introierat, sacrificium instantum est. Res ad senatum delata est. Patres conscripti decreverunt, ut de ea re non aliter quam de incestu quaereretur. Eo criminis reus factus est P. Cl. Pulcher, delatore L. Lentulo, qui consul fuit post eum C. Marcello: subscribentibus Gu. et L. Lentulis. Aurelia Caesaris mater testis in iudicium accita est. Ea pro testimonio dixit, suo iussu enim esse dimissam. Idem dixit Iulia soror Caesaris. Et tamen post haec absolutus est.

Calvatica) *Calantica* est apud Nonium L. I. et Ausonium Perioch. 5; eadem scribitur *calantica* in Scholiaste Ambr., et Vlpiano scriptura Tan-

rinensis *calvatica* verior videtur, quippe quae propius accedit ad *calvam* superiorem capitis partem, quod est germanum calvaticae etymon. *P.*

Sequuntur reliqua ex Palimpsesto Ambrosiano

V. 4. Sed credo postquam speculum tibi adlatum est, longe te a pulchris abesse sensisti. (1)

Festivissime simul et nobilitatem generis infamatum, et mores femineos in speculi contemplatione detexit, quo ferme ad explorandam curae suae diligentiam mulieres uti solent. Ergo et inliberalem figuram probro dedit (2), et

(1) *Longe te a pulchris abesse sensisti*) In Clodii formam iocetur et in cognomen familiae Polchrorum. Sis. Et recte quidem ille; nam etiam Att. I, ep. 13, Clodium *pulchellum* puerum vocat. Sen. At vide, sis, annotationem sequentem. *T.*

(2) *Ergo et inliberalem figuram pro-*

bro dedit) Inliberali figura praeditum Clodium diserte aiaut hic Cicero et noster auctor commentarii, qui idem repetit ad orat. de aere alieno Milonis II, 6. Itaque Clodius ironice dicitur *pulchellus* puer epist. XVI, lib. I, ad Attic. Fallitur ergo ad eum epistolae locum Paulus Manutius, qui

maiorum amorum dissimillimum contestatus est. Nam fuit hoc Claudiae familiae cognomen illustre. Quippe antiquitus P. Claudius Appi Carci filius primus ex isto genere Pulcher appellatus est. Hic consul apud Drapsiam adversus auspiciis Poenis classe conflixit. Ea pugna Romanorum naves perierunt CXX. Ob id factum dies ei dicta perduellionis a Pullio et Fundanio tr. pl. Quum comitia eius rei fierent et centuriae introducerentur, tempestas turbida coorta est. Vitium intercessit. Postea trib. pl. intercesserunt, ne iidem homines in eodem magistratu perduellionis his eundem accusarent. Itaque actio mutata, iisdem accusantibus multa inrogata, populus enim damnavit aeris gravis CXX millibus.

VI. 1. At quum, inquit, absolutus novo quidem hercle more, cui uni absoluto lites aestimatae sunt.

Victoriam quoque iudicii Orator convertit in dedecus, inopiata inlata huiusmodi responsione. Lites autem damnatis reis aestimabantur, quum taxatio pecuniae fiebat, quae illis adfigeretur. Quoniam e reo non probatione innocentiae sed corruptis iudiciis fuerat Clodius absolutus, idcirco nit absoluto lites aestimatas: hoc est poena quidem liberatum, sed pecunia quodammodo multatum, quam indicibus pro absolutione numerasset.

2. Quasi ego non contentus sim, quod mihi quinque et XX iudices crediderunt. Qui sequestres abs te locupletes acceperint etc.

Notemus verborum medietates elegantissime ab Oratore suspendi. Nam quum prae se ferret Clodius victoriam iudicii, quod liberatus sententiis pluribus videretur, nit Tullius ad confirmandam testimonii sui religionem, XX et quinque sibi iudices credidisse, illis videlicet qui eum damnaverant. Sed etiam illos, qui pro eo sententiam dixerint, ipso Clodio nihil credidisse, quando ab Senatu auxilium petierint, et apud sequestres idoneos illam deponi pecuniam voluerint, ne frustrarentur ex spe, quam, reo paciscente, praesumerant. Et has ergo sententias, quae videbantur Clodio aliquid honestatis acquirere, in vituperationem convertit, ut pars iudicum damnavit incestum, pars vero privatum lucrum praeposuerit religioni. Et hic subest, postulasse iudices ab senatu praesidium, non ut fortiter et libere iudicarent, sed ut illam sibi pecuniam reus absolutus eriperet.

3. Divortium Pontificis maximi.

videtur credere Clodium fuisse pulcrum, ex eo quod Plutarchus in Caesare et Cicerone scribat, ut ipse ait, *facie puellae similem fuisse*. Verum si diligentius loci Plutarchi legantur, patebit in Cicerone dici Clodium tantum *imberbem* ob adolescentium. In

Caesare autem *imberbem et cultu sumpto psaltria ad Pompeiam accessisse Clodium, referentem specie iuvenis*, qui nondum scilicet erat barbatus et veste se exornarat muliebri. MAIVS.

Præferuntur argumenta, quibus incestum P. Clodii potuerit probari, nisi pecunia intercessisset. Nam C. Caesar Pontifex die repudiaret uxorem. Feminae quoque, quæ illi sacrificio interfusæ interventus virili testimonium dixerant. Servi etiam, quum peterent questionem, alienati fuerant, et in diversas provincias ab domino Quinque etenim servi, in quos maxime suspicio congruebat, partiti sunt ad Appium Claudium, qui frater eiusdem P. Clodii fuerat, et in tuos agebat; partim ad vilicem Diogenem nomine, qui trans Alpes me Nee non etiam nocillæ in tormenta sibi postulatae, quæ propiores in fuerant Pompeiæ uxoræ Caesaris, quorum fuit e numero Hiberna nomine, cuius in cellam P. Clodius confugisse arguebatur. De stopi scelerato quod sit, illud videtur incestum significare, cuius infamem sororem Clodium pervulgabatur.

VII. 1. *Integritas tua te purgavit, mihi crede, eripuit, vita ante acta servavit. Quatuor tibi scitias solas ad perniciem defuisse.*

Ne quam habeat Clodius absolutus innocentiae dignitatem, facta citatione numeri, ostendit prope eandem proportionem fuisse, quæ et incestum: ne illi integritas sua, sed cuiusdam perexigui numeri patrocinata sit.

2. Nam L. quidem Cotta.

Hic fuit auctor iudiciariæ legis Aureliæ, qua senatoribus absumma potestas iudicandi, et communicata cum tribunis aerariis, iudiciis esset minor numerus senatorum.

3. Ut posthac lege Aurelia iudex esse non posset.

Pæne quidem verisimile non est, quod præ se tulisse P. Clodium pecuniam se recepturum, qua sententias emendaret eorum, qui se criminosos. Quid enim esset hoc stultius, quum semetipsum hoc prædamandum fuisse confiteretur, nisi iudices corrumperet? Sed non alia fide hoc dixisse Clodium, eo tamen proposito, quo significaret innocentem principem vi et inimicorum potentia laborasse, et ea propter pecuniam diu iudicibus, ut quomodo illorum manibus eriperetur, qui se vellent. Id ergo hic negat Tullius, iudices illos pecuniam quam reddiderunt, ne postea in numero iudicum lege Aurelia esse non possent quod se, pecuniam reddendo, faterentur esse corruptos; sive quocumque vel quadringenis millibus, quæ a reo acceperant, in egestate vererentur, ac propterea in iudicum

Integritas tua — ante acta servavit) mihi in loco hoc collocanda
Verba hæc orationis in Clodium a tur. M.
Quintiliano Inst. VIII, 6, servata

Alia nonnulla.

QVINT. *l.* 8, *c.* 3] Quo ex iudicio, velut ex incendio, nudus effugit ⁽¹⁾.

CIC. *lib.* 1 *ad Att.*] Erras, Clodi: non te iudices urbi, sed carceri reservarunt; neque te retinere in civitate, sed exsilio privare voluerunt. Quamobrem P. C. erigite animos, retinete vestram dignitatem; manet illa in republica bonorum consensio; dolor accessit bonis viris, virtus non est imminuta; nihil est damni factum novi, sed quod erat, inventum est; in unius hominis perditione iudicio plures similes reperti sunt.

CETERA DESIDERANTVR.

(1) Quo ex iudicio — nudus effugit) Desumptum ex Quintiliani *lib.* VIII, *cap.* 5, sub finem. *Sunt*, inquit, *et illae breves similitudines, ut illud Ciceronis in Clodium: quo e iudicio velut ex incendio nudus effugit.* De quo autem iudicio loquitur supradiximos. Evasit profecto ex eo Clodius, contra etiam Ciceronis testimonium,

ut est apud Valerium et apud Ciceronem *ad Att.* *lib.* I, *ep.* 16. *Effugere* autem *ex iudicio* violentius dicitur, quam *discedere*, sicut loquitur Q. Cic. in libro de petitione consulatus: *Tam egeus*, inquit, *ex iudicio discessit, quam quidam iudices eius ante illud iudicium fuerant.* PATA.

ORATIONIS DE AERE ALIENO MILONIS

PARTES ALIQVOT
CVM ANTIQVO COMMENTARIO

QVI VIDETVR ASCONII PEDIANI

MONITVM
ANGELI MAII V. CL.

Orationis Tullianae de aere alieno Milonis uon modo nullae reliquiae ad hunc usque diem cognitae erant, sed ne memoria quidem supererat. Tantum ex Argumento Asconii ad editam Milonianam constat, Milonem ingentes largitiones fecisse ut consulatum consequeretur. « Dum Milo quam primum Comitia confici vellet, conficeretque cum bonorum studiis, qui obsistebant Clodio, tum etiam populi, propter effusas largitiones, impensas quoque ludorum scenicarum, ac gladiatorii muneris maximas, in quas tria patrimonia effudisse cum Cicero significat. » Item Milonis damnati et exulis, scribit Asconius ad Orat. Pro Mil. p. 205 bona venisse semuncia propter alieni aeris magnitudinem. V. quoque Cic. II ad Attic. Epist. V. Milonis magnificentiam munerum liberalitatemque naturae narrat Cicero etiam II ad Famil. Epist. VI, et lib. II de off. XVII. Quare haud dubium, quin, quum consulatum peteret, ingenti aere alieno Milo premeretur. Ceterum occasio et materia Orationis de aere alieno Milonis diserte explicantur in Argumento, quod ei noster Interpres praeposit. Nos igitur huius Orationis Argumentum, et Commentarium in eandem, licet saepe mutilum, cum interspersis Ciceronis particulis, nunc primum edimus. Patet autem ex ipso Argumento quod anno dicta sit haec causa, nempe anno V. C. DCCII, quo item anno et Clodius deinceps occisus est, et scripta etiam ea defensio Milonis intersectoris, quae in Editionibus exstat.

ARGUMENTVM

In eundem annum Consulatum petierunt Annius Milo, et Q. Metellus Scipio, et Hypsaëus. Quo anno etiam P. Clodius Pulcher inimicus eius in praeturae candidam venerat. Idem quum petitioni Milonis adversaretur, et comitia multo et vario ambitu genere turbaret, quo magis Hypsaëus et Scipio consules designarentur, Milo autem repulsam sciret; per hos dies senatus convocatus est: apud quem P. Clodius invectionem sibi non tantum contra Milonem, verum etiam contra ipsum M. Tullium contumeliosam atque asperam depoposcit, ut ambitum moveri ab eo diceret, quoniam multis erga remp. meritis praevaleret: vim moliri etiam per armatos homines crimineretur; ad extremum longe minus quam haberet aeris alieni esse professum. Nam sestertium sexagies in aere alieno se habere professus Milo secundum veterem consuetudinem fuerat. Quum igitur obnix contenderet Clodius, non oportere qui magno aere alieno defoeneratus praedae videretur habiturus esse remp., contradixit eius insectationi M. Cicero, qui familiaritate praecipua Milonem diligebat ob id maxime meritum, quod restitutionem suae dignitatis ab eodem tribuno plebis meminerat adintam. Quanto autem odio habuerit P. Clodium iam compertum est ex orationibus illius plurimis, quibus eius vitam moresque dilacerat. Ex iurgio itaque, quod inter se moverant, oratio ista composita est, cuius inscriptionis titulum, priusquam commentari adgrediar, explauandum puto: non ab re existimans futurum nostris lectoribus, si orationis titulum non indocte perspexerint. Quippe inscribitur INTERROGATIO DE AERE ALIENO MILONIS. Interrogationis autem non una species erat, sed varia: ut alia significaret accusationis denunciationem, qualis illa praescriptio est orationis eius, qua usus fuit in eum P. Clodius, quum legibus interrogasset. Legibus enim sic interrogabatur, inquirente accusatore, an omnia secundum legum praescripta gesserit is, cui crimen intendebatur. Erat alia praeterea interrogatio testium, sicut ipse M. Tullius P. Vatinius testem interrogavit. Proprie namque interrogatio dicebatur, qua testes redarguebantur. Tertia haec est interrogandi species, ut Sinius Capito videtur, pertinens ad officium et consuetudinem senatoriam. Quando enim aliquis sententiam loco suo iam dixerat, et alius postea

interrogatus quaedam videbatur ita loquutus, ut refutari posse iustissime viderentur, postulabat ille qui iam sententiam dixerat, ut sibi liceret interrogare, hoc est illum redarguere, cuius sententia in multis quasi mendax et calumniosa redargui posset. Quoniam ergo dixerat Clodius et minus professum aeris alieni Milonem. . . .

ORATIO

I. 1. . . . Adversarii.

Nunc ad aliud transit, an aliquid Milo per vim facere conetur. Et hoc similiter refutavit, ut omnis ista suspicio et invidia in Clodium retorqueatur. Ita enim *argumenta* excurrunt, quibus et Milonem purget et adversarium praegravet.

2. Eiciendus est ex urbe civis auctor salutis.

Copiosissima et vehemens executio, ut supra dixi, reum de vi constituens P. Clodium, cuius *res gestae* omnes nihil unquam tranquillitatis habuisse videantur, sed stolim corperit *ab adolescentia furere*. Iam exilii sui mentionem quam subtiliter et consulte, non specialiter nec nominatim, sed per hanc generalitatem intulit! Quoniam erat aliquid cum sua laude dicturus, eiciendus est, inquit, ex urbe civis auctor et custos salutis, otii, dignitatis, fidei. Haec quoniam *sibi honorifica* erant, quasi de alio loqueretur induxit, ne pro insolenti et iactantissimo haberetur.

3. Includendus intra parietes.

Videtur et Gu. Pompeio idem Clodius insidias paravisse. Itaque oratorie laudem subiecit hoc inferendo:

4. Qui populi romani imperium non terrarum regionibus, sed caeli partibus terminavit.

Hoc enim ita superiectum est, ut et Pompeio blandiretur et Clodium quasi hostem publicum denotaret, qui virum tam necessarium reip., ipsi eripere eantus ait.

II. 1. Nec vero tum timendum fuit quum cessimus.

Beus eloquutus est de exilio suo, quod maluit discessionem vocare quam poenam. Et in aliis Orationibus similiter coloravit, neque metu neque ulla conscientia erimum se maluisse discedere, sed praecavisse potius, ne ad arma per seditionem veniretur.

2. Eosdem ad caedem civium de Appennino deduxisti.

Quasi haec omnia in Catilinam socinm dicerentur, ita mentionem attulit Appennini, quem nuper ille eum exercitu obtinuerat.

3. Lapidibus duo consules caeciderunt.

Gn. Domitium Calvinum et M. Valerium Messalam. Nec alia fuit causa cur senatus convocaretur, quam illa praecipua, quod P. Clodius immissa seditiosorum manu comitia turbaverat, quae habebantur de consulibus creandis, quum esset etiam Milo candidatus.

4. Qui multis inspectantibus caput fericbas, femina plangebās.

Gestum furiosi hominis.

5. . . . ber animose confidens.

In Clodium convertitur, ut huiusmodi obsequia humilitatis plenissima in eum verius et probabilius conferantur, qui abiecta omni dignitate ordinis sui Pompeium demissis precibus oraverit, ut ab eo in gratiam reciperetur.

6. Non pudet? Sed quid pudeat hominem non modo sine pudore, verum omnino sine ore?

Malta com acerbitate insurrexit, et impudentiam sive infancem torpitudinem sive deformitatem vultus exprobrare, non tantum sine rubore verum etiam sine ore P. Clodium dixit. Non traditor forma iuliberali is fuisse.

7. Sic enim homines egenles et turbarum cupidi loquebantur: O virum usuum!

Rumigerantiorum sermones retulit, qui quum summum vigorem constantine Clodio adscripsissent, quod audacius Pompeio repugnaret; post, eundem humili satisfactione depositum contemptui ducerent.

8. Maledicere autem, immo vero domo principem civem vi et metu continere.

. . . Sub eadem figura verbum retraxit per quandam correctionem. Notissimum autem P. Clodium *insidiatum* esse Pompeio. Id ipsum testificatur et in aliis quidem retro habitis orationibus, et multo plenius ac manifestius pro Milone.

III. 1. Ut quas haberet in vestibulo tabulas refrigeret.

P. Clodium insidiatum) Vocabulum *insidiatum* prorsus videbatur huic loco inserendum. Sed eum paulo ante lib. 3 dixit noster Interpres: *Videntur et Gn. Pompeio idem Clodius insidias paravisse*, quod hic (si nos recte locum explemus), ait esse notissimum. Ut ergo interpres sibi con-

stet, quidam perdoctus amicus meus cecebat rō videtur positum superiore loco pro *constat*, vel *apparet*. Sane etiam ad orationem in Clod. et Cur. tum in argumento, tum in commentario V, 2, in re satis explorata ulitur noster interpres vocabulo *videri*. In

Post electum Ciceronem, velut criminum eius elogia perscripserat Clodius, et easdem tabulas in vestibolo domus suae fixerat, de quibus nunc loqui videtur: easque contendit, quoniam falsae sint et calumniosae, pro nihilo esse dicendas, nec ullam sibi ex iis invidiam re pertinenscendam, *qui et senatus-consultum nullum mentitus sit* (1), et resiliationem meruerit.

2. Etenim tria, ut opinor, haec in Milonis personam questus es, de aere alieno, de vi, de ambitu. Duo praeteristi: nihil de religionibus violatis, nihil de incestus stupris questus es.

Facta supra *divisione* per eas species, quibus insectatus Milonem Clodius fuerat, subdit Orator etiam duo haec posteriora, sive in ipsum procul dubio adversarium con lium nomina.

3. Est enim quocumque venit et rerum crimen et iudicium.

Quod pertinet ad reos, illud est: inutiliter loquens adfert illis periculum damnationis. Quod autem refertur ad iudices, hic intelligere debemus magnam illis invidiam simul et infamiam comparari ab litigatoribus, si corrupti pecunia existimarentur; quoniam hoc falso iudicaverit Clodius pretium sententiarum iudicibus essetribuendum, quum tamen eandem pecuniam ipse intercepturus acciperet.

4. Tuamque praeturam non tuo more differas.

Hoc in narratione Milonianae defensionis plenius ostendit, Clodium petitorum fuisse praeturae. Quumque animadverteret comitia non sic procedere, ut Kal. Ianuariis posset intra praeturam, maluisse desistere a petitione. Hoc ergo Tullius arripuit, omnibus esse miraculo, quod non diffusal etiam praesenti anno petitionem, quod iam semel fecerit. Solebant autem impediri comitia per dissensionem magistratum.

IV. 1. Nec suffragia dabis quibus ostentas.

Comminatur et denunciat se actionibus eius adversarium futurum, nec in legationem cum Pompeio discessurum. Laturus autem de suffragio libertinorum P. Clodius legem videbatur, ut et istorum in censum aequaliter perveniret.

2. Nec vero illam nefariam libertatem.

Suffragii scilicet libertinorum, cuius legis mentio fit in oratione quae habita est pro Milone:

3. Atque per . . . nostrorum omnium non audeo

(1) Ita Maius censuit legendum, prohaute Schiitzio. Cod. *qui et in sen. nihil ment. sit. T.*

totum dicere. Videte quid ea vitii lex habitura fuerit, cuius periculosa etiam reprehensio est ⁽¹⁾.

Opinio erat legem . . . praetura serum te lium.

4. Quis non meminerit pueritiam tuam?

Interrogatio asperitatis invidiaeque plenissima, cum descriptione personae qua mores eius inluminant, quem non magis timeri oportent, quam despiei tot vitiorum sordidatibus inquinatum. Cetera hic explananda non sunt, quae satis in praecedentibus diximus.

5. Iterum a piratis redemptum. Quo enim nomine appellem eos, qui te pretio accepto liberaverunt?

Significat indices eos qui accepta pecuniâ rrum de incesto absolverant Clodium, ut et ipsi piratae turas.

V. 1. Nisi vero lineamenta hominis et nomen figuris positum, non naturis putas.

Definiti hominis proprietatem non lineamentis corporum, sed animorum qualitatibus aestimandam.

2. Tum habuisti quasdam formidines, quae quasi cornua quaedam exciderunt impleta.

(1) Haec non ad huius orationis Fragmenta pertinere, sed ad Miloniam, perspicue, ut mihi videtur, evincit cl. Peyroni integra Disquisitio de Laconis Milonianis, quam orationi praeposui in tomo VII. In haec, etiam nonnulla praetermissi, quae maxime ad hanc quaestionem faciebant, utpote tum a re mea aliena, ad argumentum tamen quod satis est adhuc reperias. Possunt ergo haec accipi ut exemplum ab Interprete ex Miloniana allatum, et reliquo commentario connecti. Tyr.

Iterum a piratis redemptum) Narrat Dio lib. XXXV, 17, ad urbis annum 687, Clodium, quem praefectus esset classi in Cilicia a Marcio eius sororis viro, captum a piratis fuisse. Vide eundem Dionem l. quoque XXXVII, 30. Q. autem Marcius Rex ille est, cuius mentionem fecit

Cicero in orat. adversus Clodium. Eam captivitatem Clodio obiicit Tullius etiam de Harusp. resp. XX, quo in loco prorsus ut hic ab eius pueritiae vitis ad hanc probrosam captivitatem progreditur. Qui post patris mortem primam illam aetatem suam ad scurrarum locupletum libidines detulit: quorum intemperantia expleta in domesticis est gemitibus stupris volutatus: deinde iam robustus provinciae se ac rei militari dedit, atque ibi privatorum contumelias perperam etiam Cilicum libidines barbarorumque satiavit. Iterum ei Tullius captivitatem eandem exprobat ad l. 16: *Narra inquam potrono tuo, qui dr-pinoles quas concupivit: nosti enim marinas.* Quo extremo orationis membro Clodio marinam calamitatem in mentem revocat MAIVS.

Formidines, quae quasi cornua quaedam exciderunt impleto) Recte

... quae P. Clodio ad ferae alicuius belluae similitudinem adse.
Etiam hoc in exitu posuit cornua illi; quae habuisse quondam videl
nunc esse dilapsa, ut nimirum sensus ille sit, magis iam contemni Cl
quam timeri.

3. Non enim viderunt, quos ipsi exturbarent,
in civitatem restitutos.

C. Graeci et Sturnini exempla intulerat, quorum alter in Adventis
terfectus est, alter Capitolio deductus cum Glaucia praetore iugulatus.
quorum necem restitutos civitatem significat P. Popilius qui Graccho
rat, et Q. Metellum Numidicum, qui ut violentiam L. Apulei subterf
exulaverat. Gloriatu ergo suo nomine, quod vivente inimico suo Clod
stitutos sit.

4. Qui armis cessissem vel tuis urbanis, vel
opinio tum erat, alienis.

Acerbitas est querelae invidiam iamdiu ... Milo ... ac
memoria ... iussumior fides reconciliatae gratiae. Sed hic oratorie
nequis existimaret quasi bonum virum iudicatum a Pompeio eum
quo exercere desierit similitates; invigilavit Tullius, ut eum virum ca
mum diceret, qui non magis de fide Clodii et innocentia, quae uul
quam de providentia habet securitatem vitae, quam eius insidiis
possit.

Scholias hic similitudinem a ferae
cuiusdam beluae cornibus doctam
esse monuit. Vocabulum *impleta*, si
modo genuinum est, pertinet ad ma
turitatem cornuum in cervis, de qui
bus Plinius lib. VIII, 50: *Cornua
mares habent solique animalium om
nibus annis stato veris tempore amit
tunt*. Ceterum dubitanter Cl. Maius
ad h. l., *an haec, inquit, similitudo*

*petitur a lana cuius cornua tu
cidunt, quum ea plena sit?* At
multo aptior est illa Clodii co
loa quadam comparatio, cui ut
cornua tempore impleto decida

*Felut opinio tum erat alieni
tasse Caesarem innuit Tullius
ut narrat Plutarchus in Ciceron
dium corroboravit in Cicero
pellendo. MAIUS.*

ORATIONIS DE REGE ALEXANDRINO

PARTES INEDITAE

CVM ANTIQVO COMMENTARIO

QVI VIDETVR ASCONII PEDIANI

MONITVM

ANGELI MAII V. CL.

*P*tolemaeus Auletes Aegypti rex, quum sibi timeret a suis, Romam aufugit, ibique effusis largitionibus agere corpit, ut sub Imperii Romani tutela in regnum reduceretur. De re actum est in Senatu, ibique etiam Cicero sententiam dixit, ut ex Epistolis pluribus (Lib. I ad Famil.) ad Lentulum Ciliciae Proconsulem cognoscere licet. Lentulo enim Cicero in Senatu contende-
bat, ut Ptolemaei regis reductio decerneretur: quod patet etiam ex Epist. II, Lib. II ad Q. Fratrem. Idque prorsus videtur fuisse argumentum huius Orationis Tullianae de Rege Alexandrino: cuius apud Aquilam voc. Antisagoge, et Capellam lib. V. cap. de sententiarum figuris, unica et brevis haec Particula extabat: **DIFFICILIS RATIO BELLII GERENDI; AT PLENA FIDEI, PLENA PIETATIS.** Et quidem Aquila et Capella dicunt hanc Orationem de Rege Ptolemaeo. At Fortunatianus, qui bis eam nominat lib. II in Partitione et in Hippopharis, de Rege Alexandrino nuncupat, ut et noster Codex Ambrosianus. Nos primi plures huius Orationis ineditas Particulas, mutilo Commentario item inedito infusas, in lucem producimur. Constat autem ex Dione Lib. XXXIX, 12, et ex Ciceronis Epist. I Lib. I ad Famil., hanc causam Alexandrinam actam esse anno V. C. DCLXXXV^{III}, Cn. Cornelio Lentulo Marcellino et L. Marcio Philippo Coss., ad quam bene cognoscendam multum intererit, conferre eiusdem Tullii Orationem pro Rabirio Postumo.

ORATIO

DE REGE ALEXANDRINO

... privatis erubescendam.

I. 1. Ut rapiat, ut latrocinetur.

Vehementibus et invidiosis verbis utitur. Non dixit, ut exposcat hereditatem, ut sibi viudicet; sed quo vel maxime pudor consterneretur audientium, ut rapiat, inquit, et latrocinetur. Quae sine dubio non iuris verba sed sceleris ab huiusmodi cupiditate deterreant.

2. Si hercle in nostris rebus tam ad res, tam ad pecunias adtenti, tam avari soleremus esse.

Dicere quidem generaliter videtur: etiamsi in privatis pecuniis avari homines essent, in publicis tamen disceptationibus non oportere tantam cupiditatem pecuniae profiteri. Sed procul dubio nihil aliud agit, quam ut M. Crassi mores deuotet; de quo, praeter historiam praeterque exitum mortis eius, io quam praecipis quodammodo ruit, quam ad diripiendas Parthiae urbes opulentissimas Eufratem transisset, etiam ipse Tullius auctor est libro tertio de Officiis, cuius verba inferam, quo magis quid de moribus eius indicarit, appareat. Sic enim mihi textum recorder: « Itaque si vir bonus habeat hanc vim, ut si digitos conreperit, possit in locupletum testamenta nomen eius inreperere, hae vi non utatur, ne si exploratum quidem habeat, id omnino neminem unquam suspicenturum. » Deinde subiicit: « At dares hanc vim M. Crasso, ut digitorum percussioe heres posset scriptus esse, qui revera non esset heres, in furo, mihi crede, saltaret. »

II. 1. Sed tamen, quae sunt nostra iudicia, tentaverat Crassus adseverare, non semel de hac Aegypti severitate, sed frequentissime praeiudicatum. Ac primo quidem illo tempore, quo pecunia repetita esse ab Tyro, et advecta Romam videbatur, seposita iam nu-

Esse ab Tyro et) Cod. Apti rei sed corruptissime. At hunc locum mirifice declarat ipse Tullius Orat. II adversus Rullum c. XVI, ubi agit de regis Alexandri, qui mortuus est exsul Tyri, testamento, quo populum romanum regi heredem scripserat, quod tamen regem Romani, ne avi-

diores viderentur, Ptolemaeo Auletae permisissent. Video qui testamentum factum esse confirmat: auctoritatem exstare hereditatis aulicae sentio, tum quando Alexandro mortuo legatos Tyrum misimus, qui ab illo pecuniam depositam nostris recuperarent. Haec Lucium Philippum saepe

per ab Alexa rege. Occurrendum est igitur ut haec refutentur et in ipsa propositione.

Insiguitur factum est, quod his verbis ingredi cneperit.

2. Debent esse modestissima; quoniam quidem est hoc summi imperii, nosmetipsos de nostris rebus iudicare.

Nam vult Orator intelligi, paene impudenter senatum de causa sua iudicare voluisse, quum sit naturale, ut unusquisque non possit sequitatem tueri, de lucro suo potissimum cogitans, quod plerumque cogitatur etiam cum improbitate deposcere.

3. Qui ex hereditate tanta unum solum nomen agnoverimus.

in senatu confirmasse memoria teneo. Eum (Ptolemaeum Auletum) qui regnum illud tenent hoc tempore, neque genere, neque regio animo esse, inter omnes fere video convenire. Dicitur contra nullum esse testamentum: non oportere populum romanum omnium regnorum appetentem videri, M.

Seposita iam nuper ab Alexo rege) Petavius de doct. temp. lib. X, cap. XLVIII, loquens de fratre Ptolemaei Laethuri Alexandro, patre utriusque Alexandri, qui post Ptolemaeum Laethurum secundo regnavit, haec ait: Nonus ergo regnavit Alexandriae Ptolemaeus Alexander, quem Alexam Epiphanius, Chronicon Alex. Cedrenus et alii nominant. At Cicero hic appellat Alexam etiam eum regem, qui Tyri exsul extinctus est, quem tamen in Agraria superius citata Alexandrum dicit. Sed de nomine Alexus praecleara est animadversio doctissimi Garatonii ad orationis Tullianae pro Balbo cap. XXII, cuius locum in calce curatum secundum ad Placinnam purgandum censuit. Is postquam ibi pro Heracleensium le-

gionem ex MSS. optimis restituit Heracleensem Alexam sic pergit: Nomen Alexas, sive, ut in libertinorum titulis apud Bentleium epist. ad Millium p. 82, Alexa, diminutum ex Alexandro est atque contractum, ut Alexis quoque opud Virgilium, Donato in eius vita cap. 5 indicante. Id in Aegypto maxime usitatum diminutionis genus, dialecto Alexandrinot a Sturzio tribuitur pag. 135. Itaque Alexander ille Laodicensis, de quo Plutarchus in Antonio cap. LXXII et LXXXIII, quum esset multum in Aegypto versatus Αλεξας quoque nominabatur. Id.

De nostris rebus iudicare) Nempe nunc testamentum Alexandri regis, qui is populum romanum scripserat regni haerediti, ratum habendum sit necne. Id.

Qui ex hereditate tanta unum solum nomen agnoverimus) Nomen hoc loco est caput rationum. Dicit Cicero ex haereditate integri regni eam unam pecuniam accepimus, quae de thesauro Alexandri mortui Romam Tyro adfecta est. Regnum quippe Romani permiserant Auletae. Id.

Cito rapuit pro se argumentum, iudicasse quodammodo
gereodam esse censeret, qui mentionem pecuniae fecerat. (1)

4. Sic est iusta causa belli, sicuti Crassus c moravit cum Iugurtha fuisse.

Notissimum est Micypsa rege Numidiae mortuo trifariam iuter Aë Hiempsalem et Iugurtham regnum esse divisum, quos tamen duos ips partim vi, partim vero insidiis interfecit. Haec illi fuit causa prae lum gerendi adversus populum Rom. Qui tamen post multos in graviter adflictos, ad extremum C. Mario imperatore superatus est.

III. 1. Non patiar hanc exaudiri vocem hui perii: Ego te, nisi das aliquid, hostem; si quid ris, regem et socium et amicum iudicabo.

Ad tuendam rationem pudoris exsequitur non decere populum potestates regis nondinari, ut obiecta quodum senatui facie insipit vel maxime faciendum esse persuadeat, quod sit congruens honesta

2. Quum ille rex sit interfectus, hunc pue Syria fuisse.

Haec sumuntur de locis coniecturalibus, qui sunt primi videlicet status divisione, a voluntate et facultate. Nam quod peritiam facit voluntatis, est, non potuisse Ptolemaeum capitalibus odiis dissidi puerilis infirmitas ab huiusmodi obstinatione revocaret. Facillatis quod oit in Syria fuisse, ut absens moram non haberit illius iutu quem dicebatur interemisse.

3. Atque illud etiam constare video, regem quum reginam sororem suam, caram acceptamculo, manibus suis trucidasset, interfectum e: petu multitudinis.

(1) Qui mentionem pecuniae fecerat) Suspexit hoc etiam illicitum adversus Crassum, cupidissimum hominem. Sane is bellum quoque Particum, non pecuniae aviditate, invitis ipsis Romanis, nullum causam praebentibus barbaris, suscepit, ut luculenter testantur Plutarchus et Dio et Cicero etiam de Finibus III, 22. MATYS.

Socium et amicum iudicabo) Haud scio an ad hunc orationis locum Furtivianus respexerit, quum in hy-

popheia scripsit: In hypop cavenda sunt? ne plene et naturae: quid tamen aliquam diabolus ex causis aut irrederi sari gratia, si hoc augens nulla questio est, ut pro modestatis; aut si discrepa ostentatur, ut de rege Ale Quippe hypoplura est adu tin. His autem orationis veris adversantes sibi in causa Al loquentes inducit. Io.

Congestis valde praeparationibus fidem facit, ut hanc caedem a populo magis Alexandrino factam probaret, non Ptolemaeo iubente commissam. Notemus enim gradatim fieri argumenta, quae praegravent suspitionem ad populares impetus pertinentem. Nam coepit ad hunc modum « atque illud etiam constare video » ut de veritate non sit ambigendum, si constet apud omnes. Dein subdidit « com reginam sororem suam » ut atrocitas parricidii, et multo maior in exitio reginae omnibus fuerit horror. Post haec adiecit eandem « eadem . . . »

CETERA DESIDERANTVR.

ORATIO

PRO L. VARENO (1)

1. SEVERIAN.] Amici deficiunt, cognati deserunt.

(1) L. Varenus videtur Cicero isdem prope temporibus inter sicarios defendisse, quum ei obiceretur, quod C. Varena necem attulisset, quod crimen Cicero negavit, atque in Ancharii familiam avertit. Quintil. VIII, 2: *Interdum, inquit, in certam, in extraneam, aut in eius ipsius, qui perit voluntatem crimen transfertur, in quibus similis atque in ἀντιπαρταγή personarum, causarum ceterorum comparatio est; ut Cicero pro Varena in familiam Ancharianam avertens crimen facit.* Et paulo post: Cicero singula pro Varena comparat in primo orimine. Et lib. VI, c. 2: *Egregie Cicero contra iuvenem, cuius subinde vulnus in iudicio resolvebatur, pro Varena multa dixit urbana.* Et lib. VII, c. 1: *Anteactae vias crimina plerumque prima purganda sunt, ut id, de quo laturus est sententiam iudex, audire propitius incipiat; sed hoc quoque pro Varena in ultimum distulit, non quid frequentissime, sed quid tum expediret intuitus.* Et lib. IV, c. 2: *Ergo hae quoque quaestiones vim prooemii obtinebant, quum omnes iudicem praepararent. Sed aliter pro Varena reo*

postea quoque narravit, quum obiecta diluit. — Huius etiam orationis meminit Plinius epistolar. lib. 1: *Testes sunt multae multorum orationes, et Cicero pro Murena, pro Varena, in quibus brevis et nuda quasi subscriptio quorundam criminum solis titulis indicatur.* Ex his apparet illum per multa dixisse, quum eederet, omisisse. Damnatum autem eum esse tradit Quintilianus lib. XII his verbis: *Quod Cicero vehementissime multis orationibus tractat, praecipue tamen pro Varena, qui omnibus malis premebatur; nam et est damnatus.* SIG.

Amici deficiunt) Haec et sequentia ex prooemio videntur sumpta. Severianus id ostendit, quum ait: « Sunt etiam alii loci communes, qui principiis aptantur, ut misericordiam capient, quum aut adversariorum calumnias, factiones, solitudinem suscepti, vel cetera eius infantonia memoremus. Sic pro Varena: *Amici deficiunt, cognati deserunt;* et rei aut accusatorum calumniam prodimus, ut in eodem loco: *In inimicissima civitate urgent, instant etc.* » SIG.

Cic. Op. Tom. VIII

Mm

2. PRISC. lib. 7.] In inimicissima civitate urgent, instant, insequuntur studio, multitudine, pecunia, periurio pugnant.

3. Ibid.] C. Ancharius Rufus fuit e municipio Fulginate.

4. Ibid.] In praefectura Fulginate.

5. QUINT. lib. 5, cap. 13] Quum iter per agros et loca sola faceret cum Populeno, in familiam Ancharianam incidisse dixerunt. Deinde Populenum occisum esse, illico Varenum vinctum, adservatum, dum hic ostenderet, quid de eo fieri vellet.

6. QUINT. lib. 7, cap. 1] In legem de sicariis commisit L. Varenus. Nam C. Varenus occidendo, et Cnaeum vulnerando, et Salarium item occidendo, cadit.

7. QUINT. lib. 4, cap. 1] Tum C. Varenus, is, qui a familia Anchariana occisus est. (Hoc, quaeso, iudices, diligenter attendite.)

8. QUINT. lib. 8, cap. 3, et PRISC. lib. 3] L. ille

Insequuntur studia) Patricius sic interponendum censet: *insequuntur: studia, multitudine etc.*

Quum iter per agros) Quintilian. V, 13: *Praeterea in contradictionibus interim totum crimen exponitur, ut Cicero pro Scauro contra Hostem facit, velut orationem diversae partis imitatus, aut pluribus propositionibus iunctis, ut pro Varena « Quum iter per agros etc. » Quod est utique faciendum, si erit incredibilis rei ordo, et ipsa expositione fidem perditurus. Sic.*

In legem de sicariis) Quintilian. lib. VII, c. 1: *« Intentio simplex, Occidit Saturninum Rabirius; coniuncta: Lege de sicariis commisit L. Varenus. Nam C. Varenus occidendo et Cn. vulnerando et Salarium item oc-*

cidendo cadit. » Gesnerus comparata diversa MSS. lectione legendum censet: *Nam C. Varenus occidendum, et Cnaeum vulnerandum, et Salarium item occidendum curavit. Vid. Spalding. ad h. l. Sen.*

Tum C. Varenus) Quintilianus lib. IV, c. 1: *Iudices et in narratione nonnunquam et in argumentis, ut attendant, rogamus: quare est Ciceronis pro L. Varena: « Qui a familia Anchariana occisus est, hoc, quaeso, iudices, diligenter attendite » et lib. IX, c. 2: Brevior illa, ut ait Cicero, a re digressa fit multis modis: sed haec exempli causa sufficient » Tum C. Varenus, is qui a familia Anchariana occisus est, hoc, quaeso, iudices diligenter attendite. Sic.*

L. ille Septimius diceret) Vix satis

Septimius diceret. Etenim est ad L. Crassi eloquentiam gravis et vehemens et volubilis. Erucius hic noster, Antoniaſter eſt.

9. PRISC. *lib. 12*] Ea caedes ſi potiffimum crimini datur, detur ei, quia interfuit, non ei, quia nihil interfuit.

10. QVINT. *lib. 5, cap. 10*] Optio vobis datur, utrum velitis, caſu illo itinere Varenum eſſe uſum, an huius perſuaſu et inductu.

11. PRISC. *lib. 7*] Deum fidem.

ORATIO

QVVM QVAESTOR LILYBAEO DECEDERET (1)

12. FRONTO] Quod non detrectare militiam, ſed defendere provinciam iudicata eſt.

decerni poteſt, utrum haec Septimii cum L. Crasso oratore comparatio ſerio an per ironiam inſtituta ſit. Erucium vero, quem Signinus fortasse eundem eſſe dicit, cui Cicero ipſe reſpondit pro Roscio Amerino, appellat *Antonii aſtrum*, i. e., ſimiam *Antonii* oratoris et malum imitatore. SCH.

Erucius) Meminit huius Erucii etiam Auguſtinus de Utilitate credendi c. 68: *Numquid imperitorum perterriti multitudine, quicumque boni oratores evadere volunt, Caecilii ſibi potius aut Erucii orationibus, quam Tullianis navandam operam exiſtintant?* Et ſicut hic Antoniaſter, ſic in epiſt. ad Att. Fulviaſter. GRAEV.

Ea caedes ſi potiffimum) Videtur legendum: *ea caedes ſi crimini datur, detur ei potiffimum, cui interfuit* etc. PATR.

Optio vobis datur) Quintilian. V, 10: *ſit ex duobus (quorum necesse est*

alterum verum) eligendi adversario potestas, efficiturque, ut utrum elegerit, noceat. Facit hoc Cicero pro Varena: *« Optio vobis datur etc. »* deinde utraque facit accusatori contraria. SCH.

(1) Vestigia huius orationis ex Asconio apertissime deprehendi poſſunt, tum in praefatione in divinationem Ciceronis, tum paulo poſt, in explanatione illorum verborum saepe eſſe pollicitum. Quibus utriſque ex locis apparet inſtitutam a Cicerone hanc fuiſſe orationem, ut quaestoriam ſuam rebus et officiis multis hactenus Lilybaetanis commendatam, verbis etiam ad extremum commendatam redderet; atque adeo ſignificaret, ſe etiam abſentem non modo coeptam erga provinciales homines benivolentiam Romae conſervaturum, ſed eam quoque libenter omnibus ſuis et aſſiduis officiis auctiorem facturum eſſe; ſi modo unquam tempus aliquod idoneum

ORATIO

PRO P. OPPIO (1)

13. QVINT. *lib. 5, cap. 10*] Vtrum quum Cottam appetisset, aut quum ipse sese conaretur occidere, telum ei e manibus ereptum est?

inciderit declarandae suae in illos perpetuae voluntatis: editam autem ab illo eo consilio putem, quo postea etiam orationes suas consulares ediderat, vimirum ut quemadmodum illae consulatus, sic haec quaesturne ipsius quasi monumentum exstaret; in quo primo veluti gradu honorum administrandaeque reipublicae tantam sibi continentiae diligentiae humanitatisque laudem sibi comparasse videbatur, ut nullum unquam ullius quaesturae praestantiorum et clariorem fuisse existimaret. Qua de re Plutarchus in eius vita, et ipse Cicero in defensione Planci. Tempus porro, quo ea oratio habita est quum ex iisdem, quorum paulo ante meminimus Pediaui locis colligi, tum ex ipsa quoque orationis inscriptione et libro de *claris oratoribus* plane cognosci potest. SCVTZ.

Quod non detrectare) Hoc fragmentum eruit Patricius ex Frontonis libro, qui continet exempla elocutionum. Id.

(1) P. Oppium M. Cottae fuisse quaestorem eius qui cum L. Lucullo consul Proponitidem et Bithyniam sortitus bellum adversus Mithridatem Ponti regem parum feliciter est motus, namque Cottam ob insidiarum suspicionem a se removisse tradit Dio lib. XLVI. Defendisse autem hunc videtur de maiestate, quum crimini daretur, quod de cibariis militum detrahaeret, idque crimen M. ipsius

Cottae testimonio premeretur. Haec autem ex verbis maxime Quintilianii colliguntur qui lib. V, c. 13 ita scribit: *Obicitur Oppio, quod de militum cibariis detraxit; asperum crimen: sed contrarium ostendit Cicero, quia iidem accusatores obiecerunt Oppio, quod is voluerit largiendo corrumpere exercitum.* Et Fortunatianus: *Proparscae est, qua iudicem nobis praeparamus, quum aut quaedam nobis obsunt, et illis primum occurrendum est; ut fecit Cicero pro Oppio contra M. Cottae auctoritatem.* Item Quintilianus lib. XI, cap. 1: *Cicero quamquam erat in Cottam gravissime dicturus, neque aliter agi P. Oppii causa poterat. longa tamen praefatione exensavit officii sui necessitatem; et lib. V, c. 13: Fortissime invaseris quod est iudicibus ipsis periculosum, et pro Oppio monet pluribus, ne illud actionis genus in equestrem ordinem admittant.* SIO.

Vtrum quum Cottam) Quintil. lib. X, c. 10: *Fit etiam ex duobus (quorum necesse est alterum verum) eligendi adversario potestas, efficiturque, ut utrum elegerit, noceat. Facit hoc Cicero pro Oppio; utrum quum Cottam appetisset etc.* Haec autem ad purgandas insidias, quas Oppius Cottae fecisse insinulabatur pertinent. Quo pertinere arbitror verba illa ex III libro historicarum Sallustii prolata a Nonio: *Oppius postquam orans nihil proficiebat, timide veste tectum pu-*

14. QVINT. *ibid.*] Quos educere invitos in provinciam non potuit, eos invitos retinere qui potuit?

15. QVINT. *lib. 11, cap. 1*] At enim verisimile non est, tantum scelus M. Cottam esse commentum. Quid? hoc verisimile est, tantum scelus Oppium esse conatum?

16. FRONTO] Questusque mecum est.

17. MARCELL. *lib. 30*] Etenim multum posse ad salutem alterius, honori multis: parum potuisse ad exitium, probro nemini fuit.

18. QVINT. *lib. 9, cap. 2*] O amorem mirum! o benivolentiam singularem!

ORATIO

PRO C. MANILIO (1)

19. NONIUS *Confiteor*] Hoc ego non solum confiteor, verum etiam profiteor.

gionem expedire conatus a Cotta Pulscioque impeditur. SIG.

Quos educere invitos) Quintilianus eodem in loco: Non dubito haec quoque vocare consequentio, quamvis ex prioribus dent argumentationem ad ea, quae consequuntur, quorum quidam duas species esse voluerunt actionis, ut pro Oppio: Quos educere invitos etc. Haec vero eo spectant, ut Oppium non a Cotta dimissum, sed invito Cotta profectum esse ostendat. SIG.

At enim verisimile non est) Quint. lib. V, c. 13: Communem, qui prior dicit, contrarium fecit. Est enim contrarius, quo adversarius bene uti potest: «At enim non verisimile est etc.» Lib. VI, c. 6: Infinitum est enumerare ut Cottas detraxerit auctoritatem; et V, 13: Superba, ut in Oppium ex epistola Cottae reum factum. Addit Se-

verianus, misericordiam nos movere, si ab iis nos impugnari dicimus, quorum auxilio tuti esse deberemus, ut Cicero pro Oppio, quod contra Cottam dictum videtur. SIG.

Etenim multum posse) Summam ex Marcellio lib. XXX: Isocratis vox est perpetua, inquit, docentis, ignosci debere interdum armis superato rectori, quam iustum quid sit ignorant. Unde motum, inquit, existimo Tullium praedare pronuntiasse, quum defenderet Oppium: «Etenim multum posse etc. PATR.

(1) Manilium hunc accusatum fuisse constat, vel quod iudicium Cornelianum per operarum duces turbavisset, Comitiisque Cornelli secusatoribus mortem intulisse diceretur, ut Pedianus significat in praefatione Cornelianae primae, vet, ut Plutarchus

ORATIO

PRO M. FVNDANIO (1)

Deest principium.

20. PRISC. *lib. 7*] Non modo hoc a Villio Annale, sed vix mehercule a Q. Mutone factum probari potest.

21. PRISC. *lib. 16*] Essetne id, quod Meno nuntiasset.

22. SERVIUS 2. *Georg.*] Arcades se proselenos esse asserunt.

scribit in vita Ciceronis, repetundarum. Defensum fuisse a Cicerone illud quodammodo fragmentum indicio est, quod in prima Corneliana exstat his verbis: *Petiviss a se sive Cornelium*, ut exponit Asconius, *sive populum ipsum*, ut scribit Plutarchus, *ut causam Manilii defenderet. Idem autem aperte significat, tum Plutarchus ibidem, tum etiam fragmentum orationis huius. Quum iudicio non respondisset, damnatus est*, ut scribit ibidem Asconius. Quo quidem in loco quaeri potest, quando videri possit a Cicerone esse defensus, quum iudicio non responderit. Quae de re ego sane ita statuerem, vel revera non respondisse eum iudicio, atque ita Ciceronis orationem hanc scriptam tantum ad Cornelii petitionem, et deinde in commentarios ipsos cum multis aliis orationibus relatum, non etiam habitam fuisse; vel quoniam habitam fuisse orationem Plutarchus scribit, quum priore actione respondisset, ad quam fortassis maiore spe patrono Cicerone accesserat, altera non respondisse, neque ad iudicium deinceps adfuisse: quoniam iam videlicet non obscure intelligeret ex iis, quae priore actione non diffi-

cile animadverti poterat, se omnino iudicio condemnatum iri. Sicut Verrem quoque fecisse Pedianus extremus in secundam Verrinam commentatione scribit. PATA.

(1) Orationis pro M. Fundanio, quamquam tenuis, tamen certa memoria est. Primum enim Quintilianus lib. I, c. 6 ita ait: *Cicero pro Fundanio testem, qui primam eius litteram dicere non posset, irridet*. Deinde Servius in II *Georg.* ita: *Arcades se proselenos esse asserere, id est, ante lunam natos esse Cicero in Fundaniana commemorat*. Quin etiam Priscianus lib. VII ex oratione pro Fundanio verba, *Non modo hoc — probari potest*, profert, et Boëthius in libro de definitionibus ait, hanc descriptionem Ciceronem pro Fundanio adhibuisse. M. denique Fundanii a Cicerone defensi meminit Q. Frater in libello de petitione consulatus. Sic. Habita est haec oratio biennio illo ante consulatum Ciceronis, quod apparet ex eod. loco Q. Fr. de pet. Cons. PATA.

Arcades) Ausus sum hoc fragmentum recipere, Servii auctoritate commotus in lib. II *Virg. Georg.* De antiquitate Arcadum sic canit Ovid. I *Fastorum*: *Orta prior luna de se si*

23. SERVIVS in 9 *Aeneid.*] Commissura,

24. ACRO in *Poet.*] Puncta.

25. BORT. de *definit.*] Descripsistine eius necessarium, nostrum competitorem? istum ipsum, cuius nunc studio et gratia tota accusatio ista munita est.

ORATIO

PRO C. CORNELIO L.^a (1)

cuius fragmenta servavit Asconius.

creditor ipsi A magno tellus Arcada nomen habet. Et lib. II: Ante Iovem genitum terras habuisse feruntur Arcades et luna gens prior illa fuit. Meminit huius loci etiam Lactantius Placidus ad illud Thebaid. Stat. IV: Arcades huc veteres astris lunaque priores Cicero pro Fundanio opinionis eius meminit, quum de nobilitate tractaret. Vnde videt qua occasione Arcadum proclepturam mentionem fecerit. GRAEV.

Commissum) Aueni sum et hoc item alterum adicere ex eodem Servio in IX *Aeneid.*, ubi Servius commissuram tabularum coniunctionem exponit ex auctoritate Ciceronis in Fundaniana. Vtitur autem praeterea commissurae vocabulo Cic. de N. D. I. I, c. 56, et de Universitate. PATR.

Puncta) Acron in Horatii ep. ad Pionem, *puncta*, inquit, dicuntur populi suffragia. Vnus est hoc verbo Cic. in Fundaniana. ID.

(1) Nobilissima in primis haec causa putatur quam Cicero dixit pro C. Cornelio de maiestate, quod quum ex Asconii elegantissimo commentario intelligi potest, tum vero etiam ex aliorum multorum, quorum verba non pigeat afferre. Ac primum quidem, quod exstat apud Lactantium

lib. VI, cap. 2, Ciceronis ipsius iudicium debet esse gravissimum, apud quem Catulus in Hortensio philosophiam rebus omnibus praeferebat, malle se dicere vel unum parvum de officio libellum, quam longam orationem proseditioso homine Cornelio, quasi vero haec Cornelianna defensio longe inter omnes alias maximis eloquentiae laudibus abundaret, et eiusdem in Oratore qui in exemplum earum defensionum quae-varietatem haberent, haec ipsam attulit. Adde huc testimonium Cornelii Nepotis, qui, ut scripsit Hieronymus adversus errores Iohannis Hierosolymitan., memoriae prodidit, se praesente eadem paene verbis, quibus edita est, eam pro Cornelio seditioso tribuno defensionem perorantem. Quid de Tacito dicam? qui in dialogo de oratoribus scripsit ita: *Satis constat C. Corneliū, et M. Scaurum, et T. Milonem, et L. Bestiam, et P. Vatiniū concursu totius civitatis et accusatos et defensores.* Possum etiam commemorare, ut huius causae saepe meminerit Quintilianus atque exempla artificiosae eloquentiae inde saepe petierit, quod non nisi cogita et testata eius nobilitate fecisset. Hinc enim illa sunt (Lib. V): «Nec fortibus modo, eed

etiam fulgentibus armis proclatus est in causa Cornelii Cicero» qui non assecutus esset docendo iudicem tantum, ac Latine perspicueque dicendo, ut populus admirationem suam non acclamatione tantum, sed etiam plausu confiteretur. » Praeterea lib. VI, c. 6, ita ait: *Infinium est enumerare, ut Cornelium ipsa confessionis fiducia eripuerit.* Et lib. V, cap. 13: *Testes in Cornelium accusator lecti a tribuno codicis pollicetur; facit hoc Cicero supervacuum quia ipse fateatur.* Item: *Quod autem posui, referre, quo quidque accusator modo dixerit, huc pertinet, ut, si est minus efficaciter loquutus, ipsa eius verba ponantur; si acri et vehementi usus fuerit oratione, eandem rem nostris verbis mitioribus proferamus, ut Cicero pro C. Cornelio: « codicem attigit. »* Et l. IV, c. 3: *Pro Cornelio, inquit, popularis illa virtutum Cn. Pompeii commemoratio, in quam ille divinus orator, velut nomine ipso duos cursus dicendi teneretur, abrupto quem inchoaverat sermone, divertit.* Hoc autem credo fecit, quod C. Cornelius Pompeii quaestor fuerat. De quaestione poero huius causae idem lib. VII, cap. 4: *Est enim interim certa finitio, de qua inter utramque partem convenit: ut Cicero dicit: Maiestas est in imperio atque in omni populi romani dignitate; quaeritur tamen an maiestas minuta sit, ut in causa Cornelii quaesitum est.* Hanc autem causam in duas partes fuisse divisam, praeter Asconium, Cicero etiam ipse et Priscianus significant: Cicero enim in Oratore se ipsam in secunda Cornelia citat. Priscianus Ciceronis exempla profert in hunc modum: *Cicero pro Cornelio in primo et in secundo.* Iam vero causam quadriduo peroratam ostendit etiam Plinius libro primo epistolarum quum scribit: *Cicero pro*

Cluentio ait, se totam causam veteri instituto solum perorasse, et pro Cornelio quadriduo egisse; de dabituro possimus, quae per plures dies, ut necesse erat, latius dixerit, postea recisa, ac purgata in annum librum, grandem quidem, unam tamen coarctasse. At aliud est actio, aliud oratio. Ex his autem intelligi potest, quum longam orationem pro Cornelio in Hortensio dixit, priorem intellexisse. Quia etiam huius orationis meminit Boethius libro de differentiis Topicis: *Cicero, inquit, pro Cornelio, quid sit maiestatem minuire tractat, quod malam legem tulit, quod legendo codicem intercessionem sustulit, quod seditionem fecit.* Postremo de accusatore etiam Cornelii P. Cominio sic ipse scriptum reliquit in Bruto: *Itaque ne hos quidem equites romanos, amicos nostros, qui nuper mortui sunt, P. Cominium Spoletinum, quo accusante defendi Cornelium, in quo et compositum dicendi genus, et acre et expeditum fuit.* Quod autem in argumento Asconius Cotta et Torquato eos. hanc habitum scribit, post annum, quam superiores, intelligit eas, quas pro Q. Gallio, M. Fudanio et A. Cluentio dixit, ut supra ex libro de petitione consulatus significavimus. Quod vero in eodem argumento vulgo legitur: *Eam tulit invitis optimatibus, qui vel paucos gratificari solebant, satis certum est legendum qui vel pauci; nam et sensus hoc postulat, et loquendi antiquaratio.* Sensus ex prioribus verbis exprimitur: *Eaque ipsa senatusconsulta per paucos admodum fiebant.* Locutionem comprobat Livius lib. X: *quod populi sit, inbeat potius, quam patres gratificentur.* Quod scriptum est praeterea, *sequente deinde anno L. Torquato Cos. quo haec oratio a Cicerone praetore dicta est, satis ap-*

paret, quum anno ante Cicero praeturae gesserit, praetorio non praetore esse legendum. Quod etiam post scriptum est: *Ex S. C. praesidebant et iudicio*, malim ita legere: *Ex S. C. consules aetario praesidebant et iudicio*; hoc enim post etiam factum est Pompeio consule in iudicio Milonis. Sic.

Haec oratio implere puterat, ut ex Asconio conieci, viginti amplius folia exensa, quae quidem magnitudine nullam fere reperies inter eas orationes, quae Ciceronis numeraretur. Itaque non immerito in Hortensio hanc iatam orationem longam vocat, et Plinius lib. II epist. in hunc grandem librum omnia quae per dies

quatuor latius dixerit conclasae dicit Ciceronem. Nunc si frustra omnia lacerata sparsimque dispersa unum in locum congerantur, vix folium ex ea retinemus. Meminit huius quoque orationis Fortunatianus lib. II Rhetor. Hypophorae, inquit, plenae copiosaeque ponuntur irridendi adversarii gratia, si hoc augeat, de qua nulla quaestio est, ut Cicero pro Cornelio maiestatis. De dispositione autem eius orationis sic scribit Martinus Capella lib. V, ubi agit de dispositione: *In oratione*, inquit, *pro Cornelio primo refutata sunt crimina, quae sequuta sunt tribunitum, post ad ipsum tribunitum recursus est factus; quae dispositio*, inquit, *artificialis, ut diximus, nominatur. PATA.*

ARGVMENTVM ASCONII.

Cornelius homo non improbus vita habitus est. Fuerat quaestor Cn. Pompeii, dein tribunus pl. C. Pisone consule, biennio antequam haec dicta sunt. In eo magistratu ita se gessit, ut iustior¹, sed pertinacior videretur. Alienatus autem a senatu ex hac causa. Retulerat ad senatum, ut, quoniam exterarum nationum legatis pecunia mutua magna daretur usura, turpique et faniosa ex eo lucra fierent, ne quis legatis exterarum nationum pecuniam expensam ferret. Cuius relationem repudiavit senatus: et decrevit satisfactum videri eo S. C. quod ante annos aliquot Cn. Domitio, C. Caelio consulibus factum erat, quum senatus ante pauculos annos illo S. C. decrevisset, ne quis Cretensibus pecuniam mutuam daret. Cornelius ea re offensus senatui, questus est de ea re in concione, exhausti provinciarum usuris, providendum ut haberent legati unde in praesentia pecuniam creditoribus darent: promulgavitque legem, qua auctoritatem senatus minuebat, ne quis, nisi per populum, legibus solveretur: quod antiquo quoque iure erat cautum. Itaque in omnibus S. C. quibus tum aliquem legibus solvi placebat, adieci erat solitum, ut de ea re ad populum ferretur: sed paulatim

(1) *Pl. iustior sed pertinacior*) Manutius coniecit. ut iusto pertinacior.

ferri erat desitum, resque iam in eam consuetudinem venerat, ut postremo ne adliceretur quidem in S. C. de rogatione ad populum ferenda, eaque ipsa S. C. per pauculos admodum fiebant. Indigne eam Cornelii rogationem tulerant potentissimi quique ex senatoribus, quorum gratia magnopere minuebatur. Itaque P. Servilius Globulus tribunus pl. inventus erat, qui C. Cornelio obsisteret. Is, ubi legis ferundae dies venit, et praeco subiiciente scriba verba legis recitare populo coepit, et scribam subicere et praeconem pronuntiare passus non est. Tum Cornelius ipse codicem recitavit, quod quum improbe fieri C. Piso consul vehementer quereretur, tollique ea re tribuniciam intercessionem diceret, gravi convicio a populo exceptus est. Et quum ille eos, qui sibi intentabant manus, prendi a lictore iussisset, fracti eius fasces cuncti, lapidesque etiam ex ultima concione in consulem iacti. Quo tumultu Cornelius perturbatus concilium dimisit. Actum deinde eadem de re in senatu est magnis contentionibus. Tum Cornelius ita ferre rursus coepit, ne quis in senatu legibus solveretur, nisi CC affuissent, neve quis, quum solutus esset, intercederet, quum de ea re ad populum ferretur. Haec sine tumultu res nota est; nemo enim negare poterat, pro auctoritate senatus esse eam legem, sed tamen eam tulit invitis optimatibus, qui vel pauci senatusconsultum facere solebant. Aliam deinde legem Cornelius, etsi nemo repugnare ausus est, multis tamen invitis tulit, ut praetores ex edictis suis perpetuis ius dicerent. Quae res tum gratiam ambitiosis praetoribus, qui varie iura dicere assueverant, sustulit. Alias quoque complures leges Cornelius promulgavit: quibus plerique collegae intercesserunt: per quas contentiones totus prope tribunatus eius peractus est. Sequenti deinde anno M. Lepido, L. Volcatio Coss. quo anno praetor Cicero fuit, reum Cornelium duo fratres Cominii lege Cornelia de maiestate fecerunt. Detulit nomen Publius, subscripsit Caius, et quum P. Cassius praetor decimo die, ut mos est; adesse iussisset, eoque die ipse non affuisset, sen avocatus propter publici frumenti curam, seu gratificans reo: circumventi sunt ante tribunal eius accusatores a notis operarum ducibus, ita ut mors intentaretur, si mox non desisterent. Quam perniciem vix effugerunt interventu consulum, qui advocati rei descenderant. Et quum in scalas quasdam Cominii fugissent, clausi in noctem ibi se occultaverunt, deinde per tecta vicinarum aedium profugerunt ex urbe. Postero die quum P. Cassius assediasset, et citati accusatores non adessent,

exemptum nomen est de reis Cornelii. Cominii autem magna infamia flagravcrunt vendidisse silentium magna pecunia. Sequente deinde anno L. Cotta, L. Turquato Coss. quo haec oratio a Cicerone praetore dicta est, quum prima pars M. Manilius, qui iudicium per operarum duces turbaverat, * *deinde quod ex S. C. anno Coss. praesidebant*, et iudicio non respondisset, atque esset damnatus, * recreavisset, iam accepta pecunia tollere ait Cornelium lege maiestatis. Res acta est magna expectatione. *Paucos ante me ergo* Cornelius, perterritus Manlii exitu, in iudicium adhibuit, ut ne clamor quidem illius ab advocatis eius oriretur. Dixerunt in eum infesti testimonia principes civitatis, qui plurimum in senatu poterant, Q. Hortensius, Q. Catulus, Q. Metellus Pius, L. Lucullus, M. Lepidus. Dixerunt autem hoc, vidisse se, quum Cornelius in tribunatu codicem pro rostris ipse recitaret: quod ante Cornelium nemo fecisse existimaretur; volebant videri, se iudicare eam rem magnopere ad crimen imminutae maiestatis tribuniciae pertinere. Etenim prope tollebat intercessio, si id tribunis permitteretur. Cicero, quia non poterat negare id factum esse, eo confugit, ut diceret, non ideo, quod lectus sit codex a tribuno, imminutam esse tribuniciam potestatem. Qua vero arte et scientia orationis? ita ut et dignitatem clarissimorum civium, contra quos dicebat, non violaret, et tamen auctoritate eorum laedi reum non pateretur. Quantaque moderatione rem tam difficilem aliis tractaverit, lectio ipsa declarabit. Adiumentum autem habuit, quod, sicut diximus, Cornelius, praeter districtum propositum adversus principum voluntatem, cetera vita nihil fecerat, quod magnopere improbaretur; praeterea quod ipse Globulus, qui intercesserat, aderat Cornelio, et quod ipsum quoque diximus, quod Cornelius Pompeii Magni quaestor fuerat apud duas praefecturas equitum Rom. et tribunos, et ex tertia quoque parte apud plerosque exceptis iis familiaris principum civitatis. Res acta est magno conventu, magnaue expectatione, quis eventus iudicii futurus esset. A summis viris dici testimonium, et id quod ii dicerent, confiteri reum animadvertabant. Exstat oratio hominis accusatoris: quam sumere in manus est aliquid operae pretium, non solum propter Ciceronis orationes, quas pro

Deinde quod ex S. C. anno Coss. praesidebant et iudicio) Legendum opinor, *deinde quod ex S. C. eo anno Coss. praesidebant iudicio*. Popma

malebat *ex S. C. ambo Coss. Scn.*

Paucos ante me ergo) Legendum videtur *paucos amicos ergo*, Id.

Cornelio habemus, sed etiam propter semetipsam: Cicero ipse significat, quatrinduo Cornelium defendisse, quas actiones con-
tulisse eum in duas orationes apparet. Iudicium id exercuit Q.
Gallius praetor.

26. PRISC. lib. 6] Vt ab Iove optimo maximo, ce-
terisque diis deabusque omnibus opem et auxilium
petamus. *Hoc fragmentum orationis Cornelianae ad
primam refertur a Graevio.*

ASCONIVS

Versu a primo circiter CLXI

Postulatur apud me praetorem primum de pecuniis
repetundis. Prospectat videlicet Cominius, quid aga-
tur. Videlicet homines foeneos in medium ad tentan-
dum periculum proiectos.

Quid? Metellus summa nobilitate ac virtute, quum

Videlicet homines foeneos) Simulacra effigiesque hominum ex foeno fieri
solebant, quibus obiectis ad spectaculum praebendum tauri incitarentur. ASC.

Quid Metellus? — omnibus rebus ornata] Hoc exemplum offert hoc loco,
quod vult probare, desistere eum debere ab accusatione, quamquam neque
accusaverit, neque fecerit pactionem. Nam Metellus et postulaverat Curio-
nem, ei destiterat. Confugit autem orator ad Metelli nobilitatem et ad C.
Curionis industriam, ut tegeret id, quod illi utilius, quam honestius fe-
cerant. Res autem tota se sic habet, in qua quidem illud primum explican-
dum est, de quo Metello hoc dicit. Fuerunt enim tunc plures Q. Metelli. Ex
quibus duo consulares, Pius et Creticus. De quibus apparet, eum non dicere
duo adolescentes, Nepos et Celer. Ex quibus nunc
Nepotem significat. Eius enim patrem Q. Metellum Bolearici filium, Mace-
donici nepotem, qui consul fuit cum T. Didio, Curio is, de quo loquitur,
accusavit. Isque Metellus moriens petiit ab hoc filio suo Metello, ut Curio-
nem accusatorem suum accusaret, et id facturum iureiurando adlegit. Metellus
fecit reum Curionem; quumque interim quendam civem idem Metellus ser-
vum esse contendens vi arripuisset, ac verberibus affecisset, Curio assertorem
ei comparavit. Dein, quum appareret eum exitum iudicii illius futurum, ut
liber is indicaretur, quem Metellus verberibus affectum esse negare non po-
terat: inter Metellum et Curionem facta pactio est, ut neque arbitrium de
libertate urgeret in Metellum Curio, neque Metellus perstaret in accusatione
Curionis; eaque pactio ab utroque iuramento confirmata est. Hoc ergo illud

bis iurasset: semel^(*) privatim a patre, iterum publice:

pertinet, quoniam iurasse dixit, semel privatim, et iterum legatum (1), scilicet quoniam in Curionem calumniam iuravit. Cum hoc autem Metello Cicero postea similitudines gessit; evasit eodem Metellus malus atque improbus civis. ASCONIVS.

(1) Ascovii hunc locum alii aliter emendant. Ego sic legeodum puto; *semel privatim et iterum lege coactum*. Hoc enim Asconius his verbis vult ostendere: Metellum his iurasse, *semel privatim*, quoniam eius patrem Q. Metellum Curio accusasset, isque Metellus moriens peteret ab hoc filio suo Metello, ut Curionem accusatorem suum accusaret, et id facturum esse, iureiurando adiecit. Iterum lege coactum, scilicet quoniam in Curionem calumniam iuravit, se non calumniandi causa Curioni litem movere, sed quod existimet sese iustam causam fovere. Nam et actores quoque, qui litem aliis inferunt, ad iuris iurandi de calumniis vitanda praestationem lege teneri, manifestum est, quoniam ut probari debent. T. POMPA.

(*) *Semel privatim a patre iterum publ.* Valgo sic legitur: *Quid Metellus summa nobilitate? quoniam his iurasset, semel privatim privatim parte publice legis deiectus est ratione an vi an vero*, mendose siue dubio, sed quae menda ex commentatione Asconii fortasse tolli possit hoc modo: *semel privatim, iterum publice lege deiectus est*. Sic enim ait Asconius. Huc igitur illud pertinet quoniam iurasse dicit, *semel privatim, et iterum lege*, tum scilicet, quoniam in Ciceronem calumniam iuravit. Sic enim hic locus siue dubio legeodum est, non ut vulgo: *Et iterum legatum scilicet quod siue ullo loci sensu fiebat*. Sic. — Locum esse vitiosum asterisci iudicant, qui plurimi sunt in ideo Asconio. Io restituendo primum sensus ipse requirit verbum *iterum*, idque etiam aperte

est in commentario Asconii. Cetera attingere vix audeo. Quid tamen si sic? *Quoniam bis iurasset, semel privatim, iterum aperte et publice, tamen is deiectus est accusatione an vi, an veritate. In quo suspicionem omnem tollit C. Curionis virtus etc.* Expono: Metellus his iuravit Curionem accusare, semel privatim, a patre moriente adactus, ut testatur Asconius, verbum *iterum* aperte et publice, *legatus* ut habent vulgares libri in Asconii commentario, ut ego autem legeodum existimus, *lege actus* (respondet enim illi a patre edactus, significatque iuramentum calumniae, de quo iurata in libris Istorum) et tamen destitit accusatione, siue vi (metuabat enim ipse quoque Curionis accusationem, de qua Asconius in commentario) siue veritate, ut qui Curionem non tam ob ipsius culpam ullam, quam ob patris sui imperium, accusaret (quanquam hoc quidem ab oratore causae interrim serviente dictum existimari debet): *Quin tu igitur quoque, o Comini accusator, desistis*, inquit, *accusatione tua? praesertim quoniam in hoc Metelli facto, ne quid prorsus turpe subesse existimare possis, ipsius faciat et Curionis probitas aeta et perspecta*. Hoc eodem addidit teste Asconio, *ut tegeter* (sic enim lego, non ut est in omnibus quae vidi exemplaribus legeret), id quod illi utilius inter se, quam honestius fecerant. De hac autem eiusdem transactione vide in Cod. de transactione L. Transigere. Haec quoniam ita scripsissem, venit in mentem alia lectio, haud multum etiam ab hac

a lege coactus destitit accusatione. An vi, an veritate? In quo suspicionem omnem tollit C. Curionis virtus ac dignitas, et Q. Metelli adolescentia, ad summam laudem omnibus rebus ornata.

Legem, inquit, de libertinorum suffragiis Corne-

Legem inquit — quae paucis his annis non modo scripta sed etiam lata est] P. Sulpicius in tribunatu hanc eandem legem tulisse significavit. Talit autem Solla, qui postea Felix appellatus, Q. Pompeio cons. ante XVI annos quoniam haec dicta sunt, quum per vim rempublicam possedisset, ab initiis bonarum actionum ad perditos progressus. Quod et initium bellorum civilium fuit, et propter quod ipse Sulpicius consulis armis iure oppressus esse visus est.

differens sic: *Metellus summa nobilitate ac virtute quum bis iurasset, semel privatim a patre, iterum publice lege ad ductus, deiectus est.* Cetera ad eum modum, quem dixi. Erroris occasio fuit, quod librarius verbum *privatim*, modice commutatim bis insaniter repetierat, et pro patre, parte reposuerat, et ante id verbum particulam *a*, post id sinitem verbum particulam *iterum* omiserat et pro *ad ductus* quod erat proximum, *deiectus* quod erat remotius posuerat, et omnem in animi commutaverat. Sigonius ad restituendum eum locum hanc in posteriori editione elationem attulit: *semel privatim, iterum publice lege deiectus est ratione an vero? Suspicionem enim tollit* etc. Nos utramque in medio relinquimus, nec praeter additum verbum *iterum*, quod et sensus requirit, et Asconius suggerit, et recipit Sigonius, in eodem ipso quidquam mutavimus; ut videlicet tanto expeditior ceteris quoque deliberandi facultas relinquatur, si praedictum veluti nullum adferatur. Sed postquam semel in eius loci emendationem ingressus sum, conabor adhuc si potero opem ferre Asconio. Is ita loquitur in eorum ver-

borum expositione. *Hoc exemplum, inquit, affert hoc loco, quod vult probare, desistere eum debere ab accusatione quamquam neque accusaverit naque fecerit factionem.* Pato enim pro accusaverit, accusatus fuerit esse reponendum. Nisi forte activum usurpaverit pro passivo, ut saepe alius usurpasse antiqui reperiuntur. PARS. — Fulvius Ursinus ita legere malebat: *Quum bis iurasset, semel privatim patri, iterum publice legi, deiectus est ratione an vi? an varii suspicionem animi tollit* etc. Sca.

Legem inquit — Cornelius cum Manilio dedit] Legendum ex ipso loci sententia: *Cornelius C. Manilio dedit*; et post quum sit nam tulisse ridiculum est, protulisse legendum dedisse. Id quod Paulus Manutius vir acutissimo ingenio praeditus, vidit. Sicor.

Legem inquit) Haec ad confutationem videntur pertinere. Verba enim adversarii recitari, verbum *inquit* indicio est, qui ultra institutam accusationem maiestatis criminabatur etiam fortassis, legem de libertinorum suffragiis a Manilio tribuno latam a Cornelio suggerente desumptam fuisse. Veror modo, ne pro *tulisse*, aliud quippiam sit reponendum, utpote

lius cum Manilio dedit. Quid est hoc, DEDIT? an tulit, an rogavit, an hortatus est? nam tulisse ridiculum est, quasi legem aliquam aut ad scribendum difficilem, aut ad excogitandum reconditam. Quae lex paucis his annis non modo scripta, sed etiam lata esset.

In quo quum multa reprehensa sint, tum inprimis celeritas actionis.

Petivit tamen a me praetore maxima contestatione, ut causam Manilii defenderem.

Versu a primo DCCCCI.

Dicit de eodem Manilii tribunatu.

Nam quum is tribunus plebis duas leges tulisset in

Tum inprimis celeritas actionis] Celeritatem actionis significat, quia Manilios, sicut iam ostendimus, post pauculos statim dies, quum inierat tribunatum, legem eandem Compitalibus pertulit.

Petivit tamen a me praetore] C. Cornelium significat, sicut iam ante dictum est.

Nam quum is tribunus plebis] Dictum est enim supra de his legibus, quarum una de libertinorum suffragiis, quae quum S. C. damnata esset, ab ipso

docuisse, vel suasse, vel quid eiusmodi. Sic enim distinguo: Quid hoc est, dedit? an tulit? an rogavit? an hortatus est? nam docuisse quidem ridiculum est. videlicet verbum *dedit* quum nunc erat adversarius, quadrifariam interpretatur: ut sit *dedit*, vel *tulit*, vel *rogavit*, vel *hortatus est*; vel denique ut nos legendum exempli causa suspicamus, *docuit*, vel *suasit*. Et quoniam postremum maxime ex adversarii sententia esse videbatur, idcirco veteres interpretationes omittere, hanc autem postremam ridiculi appellatione explodere atque reiicere videtur. Quod autem *legem* nominat de libertinorum suffragiis; illam significat, de qua scribit Pedianus in

Milonianam, ut libertinis in omnibus tribus suffragium esset. PATRICIUS.

Petivit tamen] Haec etiam ex adversarii obiecta criminatione repeti videtur de Cornelio. Quum enim defendisset orator, legem ipsum Manilio non dedisse respondendum fuit, cui causam tamen Manilii sic curae haberet, ut eam a Cicerone praetore defendi caperet. Cui ego rei statim responsum fuisse credo. PATRICIUS.

Nam quum is tribunus plebis] Non immo, quod vir doctissimus Sigonius reposuit. Admoneo tantum apud me in Asconio sic legi: IN VESTRI ORATIONE FUIT. Dictum est etiam supra dictis legibus. Ut verbum FUIT videri possit non ad Ciceronis sed ad Asco-

co magistratu, unam perniciosam, alteram egregiam: quod summam rempublicam laesit, id ab ipso tribuno abiectum est. Bonum autem in summa republica manet.

Dicit de disturbato iudicio Maniliano.

Aliis ille in illum furorem magnis hominibus auctoribus impulsus est, qui aliquod institui exemplum disturbandorum iudiciorum perniciosissimum, temporibus suis accommodatissimum, meis alienissimum rationibus cupierunt.

Versu circiter CXI.

Possunt dicere, hominem summa prudentia clarum, C. Cottam, de suis legibus abrogandis ipsum ad senatum retulisse.

quoque Manilio abiecta est; altera autem defensa est de bello Mithridatico Ca. Pompio extra ordinem mandando, ex qua lege tum Magnus Pompeius bellum gerebat.

Aliis ille — meis alienissimum rationibus cupierunt] L. Catilinam et Cn. Pisonem videtur significare. Fuit autem Catilina patricius, et eodem illo tempore erat reus repetundarum, quum provinciam Africam obtinisset, et consulatus candidatum se ostendisset. Accusator erat eius P. Clodius adolescens, ipse quoque perditus, qui postea eum Cicerone inimicitias gessit. Cnaeus quoque Piso adolescens potens et turbulentus, familiaris erat Catilinae, omniumque eius consiliorum particeps, et turbarum auctor.

C. Cottam] Hic est Cotta, de quo iam saepe diximus, magnus orator habitus, et compar in ea gloria P. Sulpicio et C. Caesari. Videntur autem in rebus parvis fuisse leges illae, quas quum tulisset, retulit de iis abrogandas ad senatum. Nam neque apud Sallustium, neque apud Livium, neque apud

nisi commentarium pertinere. Illud autem IN VESTRI ORDINI * aliquo fortassis alio modo corrigi possit. Nam quod Arconius EXTRA ORDINEM habet, non cogit nos illud in Ciceronem recipere. Sed tamen, ut dixi, nihil muto, quia et sententiam habet. * SCH.

Possunt dicere — ad senatum tulisse) Haec ad illud pertinere videntur. Quum enim Cornelius maiestatis

esset accusatus, idque ex eo primum, quod significat Boethius in libro de differentiis topicis, quod malam legem tulisset, necesse fuit oratori ad eam obiectionem respondere, etsi legem malam tulisset, tamen maiestatem populi non minuisse Cornelium, quod quidem hoc loco exemplis legum Anneliarum duarum et Licinae Mucia demonstrare conatur. PATRICIA.

Sequitur.

Possum et eiusdem Cottae legem de iudiciis privatis anno post, quam lata sit, a fratre eius abrogatam.

Statim.

Legem Liciniam et Muciam de civibus regundis, quam duo consules omnium, quos vidimus, sapientissimi tulissent, video constare inter omnes, non modo inutilem, sed perniciosam reipublicae fuisse.

Quatuor omnino genera sunt, iudices, in quibus per senatum, more maiorum, statatur aliquid de legibus. Vnum est eiusmodi, placere legem abrogari: ut Q. Caecilio, M. Iunio consulibus, quae leges rem militarem impedirent, ut abrogarentur.

Alterum, quae lex lata esse dicatur, ea non videri

Fenestellam nullius alterius latae ab eo legis mentio, praeter eam, quam in concione tulit, repugnante nobilitate, magno populi studio, ut iis, qui tribuni pl. fuissent, alius quique magistratus espere liceret; quod lex a dictatore Sulla paucis ante annis lata prohibebat. Neque eam Cottae legem abrogatam esse significat.

Possum et eiusdem Cottae] M. Cottam significat. Fuerunt enim tres. Duo hi, C. et M., tertius L. Cotta, qui lege sua iudicia inter tres ordines communicavit, senatum, equites, tribunos aetarios; adeptique sunt omnes consulatum.

Legem Liciniam et Muciam] L. Licinium Crassum oratorem, et Q. Mucium Scaevolam Pont. max. eundemque et oratorem et iurisconsultum significat. Hi enim legem eam, de qua loquitur, de regendis in sua civitate sociis, in suo consulatu tulerunt. Quum enim summa cupiditate civitatis romanae Italici populi tenerentur, et ob id magna pars eorum pro civibus romanis se gererent, necessaria lex visa est, ut in suae quaque civitatis ius redigeretur. Verum ex lege ita alienati animi sunt principum Italicoꝝ populorum, ut ea vel maxima causa belli Italici, quod post triennium exortum est, fuerit.

Quatuor omnino genera sunt] Q. Caecilius Metellus Numidicus, M. Iunius Silanus, de quibus facit mentionem, consules fuerunt bello Cimbrico, quod diu prave simul et infeliciter gestum est. Atque ipse quoque hic Iunius male rem adversus Cimbricos gessit, ac plures leges, quam per eos annos, quibus haec sic gerebatur, populo latae erant, quibus militiae stipendia auaucebantur, abrogavit.

Alterum quae lex] Puto vos reminisci, has esse leges Livias quas illi

populum teneri: ut L. Marcio, Sex. Iulio consulibus, de legibus Livii.

Tertium est de legum abrogationibus, quo de genere persaepe Senatusconsulta fiunt, ut nuper de ipsa lege Calpurnia, quae derogaretur.

P. Africanus ille superior, ut dicitur, non solum a sapientissimis hominibus, qui tum erant, verum etiam a se ipso saepe accusatus est, quod, quum consul esset cum Ti. Longo, passus esset tum primum a populari consessu senatoria subsellia separari.

consulibus M. Livius Drusus tribunus pl. tulerit; qui quum senatus partes tuendas suscepisset, et leges pro optimatibus tulisset, postea eo licentiae est progressus, ut nullum in iis morem servaret. Itaque Philippus consul, qui ei inimicus erat, obtinuit a seculo, ut leges eius omnes a seculo tollerentur. Decretum est enim contra auspicia esse latas, neque iis teneri populum.

De ipsa lege Calpurnia) Lex haec Calpurnia de ambitu erat. Tolerat eam note bionum C. Calpurnius Piso eos., in qua, praeter alias pecunas, pecuniaria quoque poena erat adiecta.

P. Africanus ille superior) Hoc factum est secundo consulatu Scipionis, post septimum annum quam Carthaginiensibus bello secundo data est pax. Factum id esse autem Antius tradidit ludis Romanis, quos fecerunt aediles curules Attilius Serranus, T. Scribonius Libo; id eos fecisse iussu censorum Sex. Aelii Paeti, C. Cornelii Cethegi. Et videtur in hac oratione bene quidem auctorem sequutus Cicero dixisse, passum esse Scipionem, secerni a cetero consessu spectacula senatorum. In ea autem, quem post aliquot annos habuit de haruspicum responso non possum esse Scipionem, sed ipsum auctorem fuisse dandi eum locum senatoribus, videtur significare. Verba eius haec sunt: *Nam quid ego de illis ludis loquar, quos in palatio nostri maiores ante templum Matris Magnae fieri celebrarique voluerunt? quibus primum ludis ante populi consessum senatus locum P. Africanus II. Cos. et collega eius Sempronius Longus hoc tributum esse senatui scribit, sed sine mentione Megalensium.* Aediles enim eos ludos facere soliti erant. Votivis ludis factum tradit, quos Scipio et Longus Cos. fecerunt. Non praeterire autem vos volo, esse oratoriae calliditatis, ut quum opus sit, eisdem rebus ab utraque parte vel a contrariis utatur. Nam quum secunduam Ciceronis opinionem auctore Scipione consule aediles secretum ante omnes locum spectandi senatoribus dederint, eodem illo facto Scipionis in hac quidem oratione, quia causa popularis erat, premebaturque senatus auctoritate, atque ob id dignitate eius ordinis quam possit maxime elevari causae expediebat, poenituisse ait Scipionem, quod passus esset id fieri, in ea oratione de haruspicum responso, quia in senatu habebatur, cuius auribus erat blaudiendum, et magnopere illum laudat, et non auctorem fuisse claudi, nam id erat levius, sed ipsum etiam dedisse dicit.

Circa medium

Quo loco numerat, quum lex feratur, quot loca
intercessionis sunt, iubeat dicere.

Est utique ius vetandi, quum ea feratur, quamdiu non perfertur: quamdiu qui suffragii ferendi causa conveniunt, huc et illuc transferuntur; dum privati dicunt; dum tabellae diribentur; dum sitella defertur; dum aequantur sortes; dum sortitio sit: et si qua sunt huius generis alia.

Est utique ius vetandi — et si qua sunt huius generis alia) His peractis, quum id solum superest, ut populus sententiam ferat, iubet unumquemque is, qui fert legem, discedere. Quod verbum non hoc significat, quod in communi consuetudine est, de eo loco, ubi lex fertur, sed in suam quisque tribum discedat, in qua est suffragium loturus. Populus enim confusus, ut semper alias, ita et in concione.

Est utique ius vetandi — transferuntur id est lex) Sustuli vices id est lex, quae videntur in albo libri posita fuisse eis vocibus declarandis, quum ea feratur, et locum hunc per se satis mendosum, mendosiorum reddunt. Illa autem quamdiu ferendi transferuntur hoc significant, quamdiu ferendi suffragii causa in suas tribus transferuntur. Quod ita esse declarat Asconius hoc loco, quum ait: *His peractis, quum id solum superest, ut populus sententiam ferat, iubet unumquemque is, qui fert legem, discedere, id est in suam quemque tribum discedere, in qua est suffragium loturus*: Verba autem Asconii, quae ita leguntur: *Circa medium, quo loco numerat, quum lex feratur, quot loca intercessionis sunt, iubeat dicere* manca esse et corrupta puto; legenda autem ita esse: Quo loco numerat, quum lex feratur, quot loca intercessionis sunt antequam, quilegem fert, populum iubeat discedere. Quod ex verbis quae sequuntur, declaratur. SIGOR.

Est utique ius vetandi) Ante huius fragmenti initium sic lego in Asconio: *Circa medium quo loco numerat, quum lex feratur, quot loca intercessionis sunt*. Reliqua esse corrupta indicat asteriscus in meo libro appositus. Ipsa autem verba Ciceronis in meo Asconio sunt perscripta: *Est utique ius vetandi, quum ea feratur quamdiu * ferendi transferuntur. Id est * lex dum privati dicunt dum * dum sitella defertur*. Quibus non verbis tot esse appositos asteriscos, indicium est loci corrupti et vitii. Quid nos? possumusne aliquam facere medicinam? vix puto. Sed tamen constatu nulla est poena proposita. Itaque sensum fragmenti hunc ex Asconio ostenderim: numerari hoc quidem loco ab oratore quot loca intercessionis sint, quum lex possit: *Est utique ius vetandi, quum ea feratur, quamdiu videlicet non perfertur, et quamdiu variis adhuc opinionibus ii, qui suffragii conveniunt gratia ferendi, transferuntur, id est, prorsus antequam fiat lex, dum pri-*

Paulo post.

Vnum tamen, quod hoc ipso tribuno plebis factum est, praetermittendum non videtur. Neque enim

Vnum tamen quod hoc ipso — nec criniosius tribus ac legem accipiendam) Manifestum est de ea lege Ciceronem nunc dicere, qua Cn. Pompeio bellum adversus piratas datum est. L. autem Trebellius tribunus pl. quem non nominat: quo perseverante intercedere, (nam senatui promiserat, moriturum se ante quam illa lex perferretur) intro vocare tribus Gabinio coepit, ut Tre-

vati dicunt, dum tabellae diribentur, dum sitella defertur etc. Totum autem hunc morem, de privatorum concionibus, tabellis deferendis, sitella deferenda, aequatione sortium, sortitione ipsa, copiose autem me explicaverunt Nicolaus Gruchius, qui de comitiis, et Paulus Manutius qui de legibus romonis eruditissime scripsit. Ego sensum tantum Ciceronis paucis illustrabo. *Ius*, inquit, *legi intercedendi vel proprie magis vetandi* (hoc enim verbo soleamus, qui intercedebant ulchautur) *est eo die, quo ipsa fertur, non ante, quam triumviro promulgatur.* Alioqui enim ante tempus, ut Livius lib. XLV ait, intercessio fieri videbatur. Neque post, quum iam perlata est, id quod Plato etiam in libris suis nominatim prohibuit, sed in ipsis comitiis legum ferendarum causa, ubi lex iam a pracone recitata, a populo autem nundum iussa et accepta est; dum privati dicunt, producti in concionem a magistratu, legem suscendi aut dissuadendi gratia; dum tabellae duabus notis V. B. et A. insignitae, populo diribentur i. e. distribuuntur; dum sitella, in quum tabellas diribitis conciliant, defertur per rogatores; dum sequuntur sortes, hoc est, dum sitella ita agitur, ut qua sors subsultans existat, sed ut pariter omnes aequatae doceant; dum sortitio sit,

id est, dum sortes ipsae et tabellae, ex urna extrahuntur; dum alia denique sunt eiusdem generis. Haec ita ad verbum ex prior editione nostra. Nunc enim, quum Sigonium intueor hunc istum locum, quem prior editione intactum reliquerat, castigantem, sic corrigendam esse existimatem: *Est atque ius vetandi, quam ea feratur, quamdiu videlicet non perferatur, et quamdiu in tribus suis n, qui suffragii conveniunt gratia ferendi, transferuntur; id est prorsus antequam fiat lex, dum privati dicunt, dum tabellae diribentur, dum sitella defertur.* Placet nimirum Sigoniano illud: *quamdiu suffragii ferendi causa in tribus suis transferuntur.* PATRIC.

Vnum tamen, quod ipso tribuno plebis) Cornelium ipsam intelligit, pro quo habetur oratio. Quum autem deinceps de re alia, aliam trib. pl. A. Gabinium nominans dicit, *plus unius collegae sui*, oratoris loquitur. Nec enim minus L. Roscius Gabinio tunc intercessit ut significant historici, quum L. Trebellius, ut exponit hoc loco Asconius, qui quidem locus Asconii post aliorum emendationem etiam mea sententia sic legendus est: *L. autem Trebellius tribunus plebis est, quem non nominat.* Absent enim verbum est ab exemplaribus; sicut et paulo infra: *Neque apud Sullistum,*

maius est legere codicem, quum intercedatur, quam sitellam ipsam cum ipso intercessore deferre; nec gravius, incipere ferre, quam perferre; nec vehementius ostendere se laturum invito collega, quam ipsi collegae magistratum derogare; nec criminiosius, tribus ad legem accipiendam, quam ad collegam reddendum privatim intro vocare: quae vir fortis huius collega Aulus Gabinus in re optima fecit omnia; neque, quum salutem populo romano atque omnibus gentibus finem diuturnae captivitatis, turpitudinis, et servitutis afferret, passus est, plus unius collegae sui, quam universae civitatis, vocem valere et voluntatem.

At enim de corrigenda lege retulerunt.

Idem, nisi haec ipsa lex, quam C. Cornelius tulit,

bellio magistratum abrogaret, sicut quondam Ti. Gracchus tribunus M. Octavio collegae suo magistratum abrogavit: et aliquandiu Trebellius ea re non perterritus aderat, perstabatque in intercessione, quod omnis magis, quam perseveraturum esse Gobinium, arbitrabatur. Sed postquam X et VII tribus rogationem acceperunt, et una mensa esset populi, qui supererat, ut iussum conficeret, remisit intercessionem Trebellius; atque ita legem Gabinus de Piratis persequendis pertulit.

At enim — retulerunt) Diximus iam in principio, Cornelium primo legem promulgasse, ne quis per senatum lege solveretur: deinde tulisse, ut tum denique de ea re S. C. fieret, quum adessent in senatu non minus CC.; haec est illa, quam appellat, correctio.

Idem nisi — oportere) Quia defuerat superioribus temporibus in aerario pecunia publica, multa et aenepe eius rei remedia erant quae sita. In quibus hoc quoque, ut pecuniae publicae, quae residuae apud quemque essent, exigerentur. Id autem maxime pertinebat ad M. Cornelium Faustum, dictatoris

inquit, neque apud Livium, neque apud Fenestellam ullius alterius latae ab eo legis mentio praeter eam etc. pro mentio est, Gabinii historiam eam, cuius hic meminit, praeter Aesonium, qui eam hoc loco explicat, vide in Dionis XXXVI, et Plutarchi Pompeio, et Appiani bello civili, et Ciceronis ipsius ea, quae est pro lege Manilia. Ferebat enim tum Ga-

binus trib. pl. rogationem de bello piratico Pompeio mandando, quam ut hoc quidem in loco rem optimam appellat orator, ita in ea quae est p. red. in sen. haec verba habet: *A. Gabinus nisi in tribunatu rogationem de piratico bello tulisset, profecto et egestate et improbitate coactus piraticam ipse fecisset.* PATRIC.

obstitisset; decrevissem id, quod palam iam isti defensores iudiciorum pugnaverunt, senatui non placere id iudicium de Sullae bonis fieri. Quam ego causam longe aliter praetor in concione defendi, quum id dicerem, quod iidem iudices postea statuerunt, iudicium aequiore tempore fieri oportere.

Statim.

Antea vero quam multarum rerum iudicia sublata sint, et quia scitis, praetereo, et ne quem in iudicium oratio mea revocare videatur.

Paulo post.

Non Cn. Dolabella C. Volcatium, honestissimum virum, communi et quotidiano iure privasset.

Non denique homo illorum et vita et prudentia longe dissimilis, sed tamen nimis in gratificando iure liber, L. Sisenna, bonorum C. Cornelii possessionem

filium, quia Sulla per multos annos, quibus exercitiis prae fuerat, et rempublicam tenuerat, sumpserat pecunias ex vectigalibus et ex aerario populi romani, eaque res saepe erat agitata, saepe omissa partim propter Sullanarum partium potentiam, partim quod iniquum videbatur post tot annos, quum quis pecuniam acceperat, eius reddere rationem.

Antea vero — revocare videntur) Bello Italico, quod fuit adolescentibus illis, qui tum in republica vigeant, quum multi Varia lege inique damnarentur, quasi id bellum illis auctoribus consultum esset, crebraeque defectiones Italicorum nuntiarentur, nunc ob eius tristitiae occasionem senatus decrevit, ne iudicia, dum tumultus Italicus esset, exercerentur. Quod decretum eorum in concionibus populi saepe agitata erat. Supererant autem ex his, qui illa iudicia metuerunt, vigentes multi, maxime C. Curio Curionis adolescentis pater, eius, qui bello civili Caesaris fuit partium.

Non Cn. Dolabella) Duo fuerunt eo tempore Dolabellae, quorum alterum C. Caesar accusavit, alterum M. Scaurus.

Non denique sermo — L. Sisenna) Hoc solum hic annotandum est, hunc esse L. Sennam, qui res Romanas scripsit.

L. Sisenna) L. Cornelius Sisenna praetor inter cives et peregrinos M. Lepido Q. Catulo Cons. descriptus est in vetustissimo senatusconsulto, quod

Graece scriptum exstat apud me in aenea tabella. Ενι ὑμῶν Κοῖντου Αντατίου Κοῖντου υἱοῦ Κάρτου, καὶ Μάρκου Διμυλίου, Κοῖντου υἱοῦ, Μαρ-

ex edicto suo P. Scipioni, adolescenti summa nobilitate, eximia virtute praedito, dedisset.

Quare quum ambitum populus romanus videret, et quum a tribunis plebis doceretur, nisi poena accessisset in divisores, extingui nullo modo posse, legem hanc Cornelii flagitabat; illam, quae ex senatusconsulto ferebatur, repudiabat; idque vir is doctissimus duorum consulum designatorum calamitate

Et eadem de re paulo post.

Vt spectaculum illud duorum designatorum consulum calamitate, re et tempore salubre ac necessarium, genere et exemplo miserum ac funestum videremus.

Quid ego nunc tibi argumentis respondeam, posse fieri, ut alius aliquis Cornelius sit, qui habeat Philerotem? res nota est, vulgare nomen esse Philerotis, Cornelios vero ita multos, ut iam etiam collegium constitutum sit.

At enim extremi ac difficillimi temporis vocem illam

(Et spectaculum illud duorum designatorum consulum) P. Sullam et Autronium significat: quorum alterum L. Cotta, alterum L. Torquatus, qui, quum haec Cicero dicebat, consules erant, ambitus damnarant, et in eorum locum erenti erant.

(Et iam etiam collegium constitutum sit) Frequenter tum etiam coetus factionum hominum sine publica auctoritate male publico fiebant, propter quod postea collegia S. C. et pluribus legibus sunt sublata, praeter pauca atque certa, quae utilitas civitatis desiderasset, ut fabrorum lietorumque.

At enim — adessent) C. Piso qui consul eodem anno fuit, quo Cornelius trib. pl. erat, quom legem de ambitu ex S. C. graviolem, quam fuerat antea, ferret, et propter multitudinem divisorum, qui per vim adversabantur, e foro eiactus esset: edixerat id, quod Cicero significat, et maiore mano stipatus ad legem perferendam descenderat.

του υἱοῦ τοῦ Ἀπίου, στρατηγοῦ δὲ κατὰ πόλιν, καὶ ἐν τῷ ξένῳ, Ἀντωνίου Καρνηλίου Σαίνου etc. Vns.

Illae quae ex S. C. ferebatur, repudiabat) Fortassis Calpurniam intelligit, quam legem repudiatam eum auctore ipso fuisse significat infra Pedianus in fragmento: *At enim ex-*

tremit. Quam autem, aut cuiusmodi legem tunc promulgaret de ambitu Cornelios, quom hic a populo R. flagitatum esse dicit, alinnde perquirendum. Para.

At enim extremi) Non est mirum quod asperius dixerit S. C. de lege Calpurnia factum fuisse, ut derogat-

C. Corneli, consulem mittere coëgisti, qui rempublicam salvam esse vellent, ut ad legem accipiendam adessent.

Plebem ex Maniliana offensione victam et domitam esse dicit; ante vestros annos propter illius tribuni plebis temeritatem posse adduci, ut omnino ne illius potestate abalienemur * qui restituerunt eam potestatem, alterum nihil unum posse contra multos, alterum longe abesse.

Tanta igitur in illis virtus fuit, ut anno XVI post

Plebem ex Maniliana — alterum longe abesse) Manifestum pato esse vobis, M. Crassum et Cn. Pompeium significari, e quibus Crassus index tum sedebat in Corneliis, Pompeius in Asia bellum Mithridaticum gerebat.

Tanta igitur — leges sacratas ipsi sibi restituerent — —] Inducor magis

retur, quum hic de lege eadem, ut aperto significat Asconius, verba faciens, per tantam cautionem latam eam fuisse ostendit, ut ad vocem *extremi ac difficillimi temporis* decurrere Coss. necesse fuerit. Ac de contentione quidem vide Asconium, de ipsa autem voce, quam *extremi et difficillimi temporis* appellat, vide ipsum Cicero in quarta Tusculana, ubi de nece Ti. Gracchi, et eundem in orat. pro Rabirio perduellionis reo, et Livium lib. XXII, post Canensem pugnam et alibi alios. In orat. post reditum: *Quid magnificentius, quid praeclarius mihi accidere potuit, quam quod illo potente* (videtur autem loqui de Lentulo cos.) *vos decrevistis, ut cuncti ex omni Italia, qui rempublicam salvam vel-*
lent, ad me unum hominem fractum et prope dissipatum restituendam et defendendum venirent? ut qua voce a-
te, Romulo, post Romam conditam consul unus esset pro universa repu-
blica apud eos solum, qui eius vo-
cem exaudire possent, eadem voce so-

natus omnibus agris, vicis, atque oppidis cives totamque Italiam ad unius salutem defendendam excitaret. PATR.

*Potestate abalienemur * qui restituerunt*) Hic aliquid deesse et res ipsa indicat, et notat asteriscus. Atque omnino totum huius fragmenti initium suspectum mihi videtur. Interdum pro *annos*, *animos* legere in mentem venit, et *ante* pro *ante*. Sed ne id quidem satis est, immo fortassis ne satis tutum quidem. Omnino in hac voce, *ante*, saepe ab Asconii librario error est commissus, ut illud in orat. in Pisonem: *Ante bien-*
nium autem antequam restituerentur
collegia Q. Metellus Celer cos. des.
ubi *ante* bis sinistra repetitum est. Et paulo infra *Ante coeptum bellum Punicum* tertium. Vbi Sigonius Maurentio teste legendum putat: *Post coeptum*. Et in huius ipsius orationis argumento: *Paucos ante me ergo Cornelius,*
perterritus Manilii exitu, in iudicium
adhibuit. Quia in loco idem Sigonius legit *Paucos ergo.* PATR.

reges exactos, propter nimiam dominationem potentium, secederent, leges sacratas ipsi sibi restituerent, duos tribunos crearent, montem illum trans Anienem, qui hodiè mons sacer nominatur, in quo armati consederant, aeternae memoriae causa consecrarent. Itaque auspicato postero anno x tribuni plebis comitiis curiatis creati sunt.

Tum interposita fide per tres legatos, amplissimos viros, Romam armati reverterunt; in Aventino consederunt; inde armati in Capitolium venerunt; decem tribunos plebis per pontificem, quod magistratus nullus erat, creaverunt.

Etiā haec recentiora praetereo: ponam principium

librariorum hoc loco esse mendam, quam ut Ciceronem parum proprio verbo usum esse credam. Illo enim tempore, de quo loquitur, quod fuit post XVI annos quam reges exacti sunt, plebs sibi leges sacratas non restituit (nuncquam enim tribunos plebis habuerat) sed tum primum eas constituit. Numerum quidem anuorum post reges exactos, quam id factum est, diligenter posuit, qui fuit A. Verginio Tricosto L. Veturio Ceturino Coss. Ceterum quidam non duos tribunos plebis, ut Cicero dicit, sed quinque tradunt creatos tum esse, singulos ex singulis classibus. Sunt tamen, qui eandem illam duorum numerum, quem Cicero, ponunt; inter quos Tuditanus et Pomponius Atticus, Liviusque noster. Idem hic et Tuditanus adiciunt, tres praeterea ab illis duobus collegas creatos esse. Nominum duorum, qui primi creati sunt, haec traduntur, L. Sicinius L. F. Velutus, L. Junius C. F. Paterculus. Reliqua pars huius loci quae pertinet ad secundam constitutionem tribunorum et decemvirorum finitum imperium, et breviter et aperte ab ipso dicitur. Nomina sola non adiicit, quis ille ex decemviris fuerit, qui contra libertatem vindicias dedit, et quis ille pater, contra cuius filium id decrevit: scilicet, quod notissimum est, decemvirum illum Appium Claudium fuisse, patrem autem virginis L. Virginium. Vnum hoc tantummodo explicandum, quo loco primum de secunda secessione plebis, deinde de concordia sic dicit.

Tum interposita fide per tres legatos] Legati tres, quorum nomina non ponit, hi fuerunt: Sp. Tarpeius, C. Iulius, P. Sulpicius, omnes consulares. Pontifex maximus fuit M. Papirius.

Decem tribunos plebis) Hos non in Capitolio, sed in Aventino creatos scribit Livius lib. III: creatos autem non a M. Papirio, ut Asconius tradit, sed a Q. Furio. MAN.

Ponam principium instissimae libertatis Cassiam) Lex haec Cassia fuit tabellaria, de populi iudicio, ut alibi Cicero docuit. Quocirca veteres adhuc exstant argentei nummi,

iustissimae libertatis, Cassiam; qua lege suffragiorum vis potestasque convaluit: alteram Cassiam, quae populi iudicia firmavit.

Dicit de nobilibus.

Qui non modo quum Sulla, verum etiam illo mortuo, semper hoc per se summis opibus retinendum

Cassiam, qua lege suffragiorum ius potestasque convaluit] Quae sit ista lex Cassia, qua suffragiorum potestas convaluit, manifestum est. Nam ipse quoque paulo ante dixit, legem Cassiam tulisse, ut populus per tabellam suffragium ferret. Altera Cassia lex, quae populi iudicia firmavit, quae sit, potest quaeri. Est autem haec: L. Cassius L. F. Longinus tribunus pl. C. Mario C. Flavio Coss. (1) plures leges ad minoendam nobilitatis potentiam tulit, in quibus hanc etiam, ut quem populus damnasset, cuive imperium abrogasset, in senatu nec esset. Tulerat autem eam maxime propter similitudines cum Q. Servilio (2) qui ante biennium consul fuerat; et eoi populus, quia male adversus Cimbrum pugnauerat, imperium abrogavit.

Qui non modo — inimicissimi C. Cottae fuerunt] Hic Cotta, ut patet, legem tulit, ut tribunus pl. liceret postea alios magistratus capere; quod lege Sullae iis erat ademptum.

quorum in aliis est in adversa parte templum Vestae cum cista et cum tabellis A. C. absolutionis nimirum et condemnationis; in aversa haec literae Q. CASSIVS VEST. cum ima-

ginae Vestae: (3) in alia eadem omnia, praeterquamquod a tergo sunt haec literae LONGINVS III. VIR, cum unius viri imaginis qui tabellam in cistam couicit. (4) Sicut.

(1) Sic legendum esse vidit Pighius. Vulgo C. Flacco. Significat autem C. Flavius Finbrius cos. cum Mario.

(2) Vulgo Q. Caecilio. Pighius autem recte monuit legendum esse Q. Servilio, cui cognomen erat Caepioni, qui cos. fuit.

(3) Cl. Eckhel doctrina numorum vet. Vol. V, pag. 166, hunc denarium sic describit. In adversa parte: Q. CASSIVS; caput muliebri velatum, iuxta VEST. In aversa: templum rotundum, intra quod sella curulis, in area hinc urna, illinc tabella cui inscriptum.

(4) Hunc denarium Eckhelius l. l. pag. 167, sic describit. In altera parte Caput Vestae velatum; in altera LONGINVS III. VIR togatus stans extra tabellam, cui inscriptum V., super basi tenet. Litera V. tabellae inscripta Vaillantio videbatur indicari complures leges a L. Cassio latae, quae quum omnes vocabulo VTY inciperent, primam opinabatur eius verbi literam in tabella exprimi. Havercampus verbum VETO, quod tribuni plebis utebantur, quum legi intercedebant, designari putabat.

putaverunt: inimicissimi C. Cottae fuerunt, quod is consul paulum tribunis plebis non potestatis, sed dignitatis addidit.

Quamdiu quidem hoc animo erga nos illa plebs erit, quo se ostendit, quum legem Aureliam, quum Rosciam, non modo accepit, sed etiam efflagitavit.

Memoria teneo, quum primum senatores cum equitibus romanis lege Plotia iudicarent, hominem diis ac nobilitati perinvisum, Cn. Pompeium, causam lege Varia de maiestate dixisse.

Quamdiu — efflagitavit] Aurelia lege communicata iudicia inter senatores et equestrem ordinem et tribunos aerarios. Roscia est, quam L. Roscius Otho biennio ante consulatum firmavit, ut in theatro equitibus romanis XIV ordines spectandi gratia darentur.

Memoria teneo — de maiestate dixisse] M. Plautius Silanus tribunus plebis, Cn. Pompeio Strabone, L. Porcio Catone cons. secundo anno belli Italici, quum equester ordo in iudiciis dominaretur, legem tulit adiuvantibus nobilibus, quae lex eam vim habuit, quam Cicero significat: nam ex ea lege tribus singulae ex eo numero quinos suffragio creabant, qui eo anno indicarent. Ex eo factum est, ut senatores quoque in eo numero essent, ut quidam etiam ex ipsa plebe.

Inimicissimi Cottae fuerunt) Ad ea quae scribit in hunc locum Asconius addo, hoc sensisse etiam Maecium trib. pl. apud Sallustium in III historiis quum ait: nisi forte C. Cotta ex factione media consul aliter quam metu iura quaedam tribunis restituit. SIGON.

Quum primum — iudicarent) Non dicit lege Plotia primum senatores cum equitibus romanis indicasse, id enim multo ante Plotium trib. consulatum fuisse pluribus verbis alias exposuimus. Sed dicit: quum primum lege Plotia senatores cum equitibus iudicarent, Pompeium lege Varia causam dixisse de maiestate. Quum primum autem intelligit statim ut, id est primis ipsius legis Plotiae temporibus. Deinde sciendum, id quod

hic praecise de senatorum et equitum iudicio dicitur, plene intelligendum esse de iudicio utriusque ordinis ex aequis partibus, quum antea videlicet indicassent ex iniquis. Lege enim Plotia, ut notat h. l. Asconius, tribus singulae ex eo numero quinos decos suffragio creabant, qui eo anno indicarent. Quamquam hic quoque libris Asconii menda insidere videatur, quae mea quidem sententia, unius verbuli mutatione tolli potest, si pro ex eo numero legatur ex suo numero, PATRIC.

Hominem diis ac nobilitati perinvisum) Diis, quia fulmine ietus interit. Cuiusmodi hominibus ne iusta quidem fieri oportebat legibus Numae, quarum particulam hae pertinentem exponit Festus v. *Occisus*,

FRONTO] Nihil senatui detraxisse Cornelium

PRISCIAN. *lib. 11*] Ex promulgatione trinundinum dies ad ferendum potestasque venisset.

QVINT. *Inst. or. V, 3*] Codicem attigit.

MARCIAN. CAPELL.] Repugnat enim, ut divisores, quos honoris sui ministros esse voluerat, lege ambitus vellet affligere.

PRISC. *l. 8*] Quae intermissa complures annos.

*lib. XIV. Nobilitati autem perinvisum, quia nec mortuos odio ipsius eximi poteit, quin et lectus eius diripere-
tur, et corpus nunc traheretur. Plu-
tarchus, alii. Est autem hic Pompe-
us Strabo, Pompeii Magni pater.*
PATRIC.

Codicem attigit) Sumpsit ex Quintil. V, 13: *Si accusator est minus effi-
caciter loquutus, ipsa eius verba pon-
antur; sin acri et vehementi usus
fuerit oratione, eandem rem nostris
verbis mitioribus proferamus: ut
Cicero pro Cornelio Codicem attigit.*
Videlicet quum dicturus erat: *Codi-
cem praesoni aut scribae eripuit, ipse-
que recitavit.* Est enim sermo de Cor-
nelio ipso, pro quo haec dicuntur.
Quod ut intelligi possit, sciendum,
ipso die fereudae legis solitum fuisse
ipsam legem a praesone recitari, sub-
iiciente scriba, ut constat ex Asconio,
in argumento huius orationis. Nam
ex Plutarcho, in vita Catonis Uticen-
sis, illud modo constat, per alium
quemdam ministrum, non per eum,
qui ipse legem ferret, legem recitari
solitum. De quo etiam vide Appianum
lib. 1. bell. civilium. Nouc autem
contra perpetuam istam consuetudi-
nem, Cornelius ipse legislator, im-
pediente Globulo collega praecoem
recitare, et scribam subiicere, ipse
recitavit. De quo vide etiam oratio-
nem in Vatinius sub initium. Quem

locum, quoniam magnopere huc per-
tinet, totum non piget adscribere. *Sed
quaero a te, inquit Cicero, cur C.
Cornelium non defenderem? Num
legem aliquam Cornelius contra au-
spicia tulerit? num Aeliam, num
Fusiam legem neglexerit? num con-
suli vim attulerit? num armatis ho-
minibus templum tenerit? num in-
tercessorem vi delecerit? num religio-
nes polluerit, aerarium exhanserit,
republicam expilarit? Tua sunt,
tua sunt haec omnia. Cornelio nihil
eiusmodi obiectum est. Codicem legisse
dicebatur; defendebatur testibus colle-
gis suis, non recitandi causa legisse,
sed recognoscendi. Constabat tamen
Cornelium concilium illo die dimisis-
se, intercessionem paruisse. Tu vero etc.*
Quom igitur ex Asconio constet, ut
dixi, ipso fereudae legis die fieri haec
solita; coniunxi duo fragmenta antea
diuisa, quae mihi id maxime expri-
mere videbantur, coniunxi, inquam,
in vicinitatem, si modo non iisdem
cancellis iisdemque asteriscis includi
ac circumscribi debent. Loquor au-
tem de hoc, et quod proxime ante-
cessit: Ex promulgatione etc. PATR.

*Repugnat enim, ut divisores quos
honoris sui ministros esse voluerat,
lege ambitus vellet affligere*) Hoc ex
prima Corneliae esse testatur Mar-
cianus Capella, ubi agit de repu-
gnantibus. ID.

Id. l. 10] Num alicui gratificabatur aut homini aut ordini?

Id. l. 8] Coeptum igitur per eos qui agi volebant, desitum per hunc qui decessit.

Aqv.] Circuitis rostris eiicerentur lapidibus homines.

PRISC. l. 10] Refertum tribuniciis legibus, exhaustum a quibus sit, ipsi sciunt.

FRONTO.] Qui eloquentia ceteris antecellit.

Idem] Demi medius fidius de his tormentis aliquantum malim.

Idem] Ad miserrimum crudelissimumque dominatum dedi patiamini.

Idem] Cur nunc redeant, si tum gratiae concesserint?

Idem] Quidquid ne cum iis quidem expertus es, quos duces operarum fuisse dixisti?

Idem] Eiusmodi mihi duos laqueos in causa esse propositos, ut si me altero expedissem, tenerer altero.

ACRO. 1. Serm.] Aperuit fores scalarum.

BOETH. definit.] Legite ut legebatis, hinc intelligetis nulla tenuissima suspicione describi aut significari Cornelium.

Refertum) de aerario loquitur, in quo leges servabantur. *SICOMVS.*

Qui eloquentia ceteris antecellit) Ex Prisciano lib. X, quamquam alibi excellit pro antecellit legitur. *PATRIC.*

Quid quod ne cum iis quidem) In Cominiam accusatorem, qui duces operarium, per quos Manilius iudicium turbaverat, in ius non vocaverit. *PATRIC.*

Aperuit fores scalarum) De eodem fuit assis Cominio, qui iudicio

turbato in scalas quasdam profugerat, ibique se occultaverat. *Pedanius* in argumento. *PATRIC.*

Legite ut legebatis) Haec Boëtius in lib. de definitione Ciceroni tribuit. Ego autem ad orationem pro C. Cornelio alterutram pulavi pertinere. Nam et Cornelii aperta est mentio, et locutio ipsa illi est persimilis quae exstat item in oratione secunda pro eodem ex Frontone: *Fecite, ut facitis, qui ad causam adestis.* *PATRIC.*

ORATIO

PRO C. CORNELIO II.*

Deest initium

AQVIL. et FORTVNATIANVS *lib. 3 Rhet.*] Pugnem aperte contra nobilissimorum hominum voluntates? studia, consilia, cogitationesque eorum aperiam?

CIC. *Orat.*] O callidos homines! o rem excogitatam, o ingenia metuenda! testes dare volumus. Quem quaeso nostrum fefellit, ita vos esse facturos?

ASCONIVS] Num in eo, qui sint hi testes, haesitatis? ego vobis edam duos. Reliqui sunt de Consularibus, inimici tribuniciae potestatis. Pauci praeterea assentatores eorum atque asseclae subsequuntur.

Idem] Sed si familiariter ex Q. Catulo, sapientissimo viro atque humanissimo, velim quaerere, utrius tandem tibi tribunatus minus probari potest, C. Cornelii, an, non dicam F. Sulpicii, non L. Saturnini, non C. Gracchi, non Tiberii: neminem, quem isti

Num in eo — ego vobis edam duos] M. Lucillum et M. Lepidum significat. Quique enim consulares ut iam diximus, in Cornelium testimonium dixerunt: Q. Catulus, Q. Hortensius, Q. Metellus Pius pontifex max. quos hac secunda oratione tractat; et duo qui non dixerunt, quos nunc significat, Lucillus et Lepidus.

Pugnem aperte) In orationem secundam pro Cornelio, quam brevissimam puto fuisse, ut primam longissimam, omnem illam argumentationem reiecissem Ciceronem arbitror, qua nobilissimorum virorum testimonia refutavit. Stg.

Pugnem aperte — aperiam) Hoc fragmentum exstat etiam in Fortunatiani Rhetorica, praeter Aquilam; sed ibi multo magis truncatum. Vide lib. III. extremum. Omittit enim primam pugnam aperte, deinde omit-

tit etiam verbum voluntates; pro cogitationes autem habet rationes. PATRIC.

O callidos homines) Haec verba profert in Oratore Cicero ex secunda Cornelia, quae et ipsa ad questionem de testibus pertinent. Stg.

Testes dare volumus) Testes nimirum, qui vidisse se dicturi sunt, quam Cornelius ipse trib. pl. codicem, quod nefas erat, recitaret. PATRIC.

seditiosum existimant, nominabo: sed avunculi tui, Q. Catule, clarissimi patriaeque amantissimi viri, quid mihi tandem responsurum putatis?

Post XX versus a praecedenti.

ASCONIUS] Quid? Avunculus tuus, clarissimus vir, clarissimo patre, avo, maioribus, credo, silentio, favente nobilitate, nullo intercessore comparato, populo romano dedit, et potentissimorum hominum collegiis eripuit, cooptandorum sacerdotum potestatem?

Sequitur.

Idem] Quid? idem Domitius M. Silanum, consulari hominem, quemadmodum tribunus pl. vexavit?

Idem] Haec est controversia eiusmodi, ut mihi

Eripuit cooptandorum sacerdotum potestatem] Hoc egere enarratione, quia hoc loco nomen non ponit quis fecerit, ei demum videri potest, qui oblitus sit minus ante XX versus haec de eo ipso Ciceronem dixisse: *Sed si familiariter ex Q. Catulo — quid mihi tandem responsurum putatis?*

Quid idem Domitius — tribunus plebis vexavit] M. Silanus quinquennio ante consul fuerat, quam Domitius tribunus plebis, atque ipse quoque adversus Cimbros rem male gesserat. Quam ob causam Domitius eum apud populum accusabat; criminabatur bellum cum Cimbriis iniussu populi gessisse, idque principium fuisse calamitatum, quos eo bello populus acceperat; ac de eo tabellam quoque dedit, sed plenissime Silanus absolutus est; nam dum solum tribus Sergia et Quirina damnaverunt.

Haec est controversia — qui tribuni pl. fuerunt] Post infractam tribuniciam potestatem a Sulla, ante restitutam a Cn. Pompeio, apparet. Fuit autem is tribunus pl. ante XII annos, D. Bruto et M. Lepido Coss. Cn. Domitius tribunus fuerat ante II. de XL annos, C. Mario II. et C. Fimbria Coss. Magna numero sententiarum Cornelius absolutus est.

Avunculi tui, Q. Catule) Verissime sic emendavit Patricius, quem vulgo legeretur Q. Catuli. Nam avunculus Q. Catuli est Domitius.

Haec est controversia) Ex his Ciceronis et Asconii verbis difficile intelligi potest, quid aut Cicero velit aut Asconius. Ego autem su-

spicor Q. Catulum cos. cum M. Terpolio vel potius Trebellio trib. pl. acerrime contendisse, eumque vexasse, quod tum potestas tribunicia fracta a Sulla esset. Scriptum est enim in concione Maeri apud Sallustium ita: *Sulla mortuo, qui seclerum impostuerat servitum, suam multi credede-*

tribunus pl. Cn. Domitius, Catulo ⁴ M. Terpolius contemptissimum nomen eiectionis esse ex iis, qui tribuni pl. fuerunt.

Cic. *Orat.* et QUINT. l. 9, c. 4. PRISC. l. 10] Nam neque me divitiae movent, quibus omnes Africanos et Laelios multi venalicii mercatoresque superarunt, neque vestis, aut caelatum aurum et argentum, quo

butis; ortus est longe saevior Catulus. Tumultus intercessit Bruto et Aemilio Mamercio cos. Neque enim impedit, quo minus Catulus consul vaxare Trebellium poterit, qui Bruto et Mamercu Lepido cos. tribunatum gessit. Nam tribuni mense decembri iuibant, consules kal. ianuariis. Quare Catulus consul extremi consulatus suo Trebellium, postquam iuivit, potuit insectari. Significat autem Cicero, ut Catulus Trebellium tribunum non probavit, sic se Domitium Catuli avunculum non probare, aut aliquid tale. Apud Asconium autem videtur legendum *Mam. Lepido* non *M. Lepido*, ex fragmentis Capitolinis. Reliqua sententia vix sine scriptorum librorum auctoritate sanari potest. Sro. Inter tribunos pl. qui fuerunt Q. Lutatius Catulo et C. Mario IV cos. (A. V. 651) nominatur *M. Turpilios*, et sic potius in fragmento hoc Ciceronis, ubi vulgo legitur *M. Terpolius*, legendum esse videtur. Sca.

Nam neque me divitiae movent) Haec in Oratore Cicero se ait in secunda Cornelia usus fuisse. Ostendit autem se testium divitiarum contemnere. Nam ut nobilissimi, sic ditissimi homines in Cornelium testimonia dixerant, Q. Catulus, Q. Hortensius, Q. Metellus Pius, M. Lucullus et M. Lepidus. Sro.

Nam neque me divitiae movent) PATR.

Cicero in Oratore habet: *nam neque me divitiae.* Ego ex Quintil. IX, 4 reposui *nam neque divitiae.* Illud autem quod statim sequitur: *qui rebus his urbem etc.* sic legit Priscianus lib. X: *qui eis rebus urbem Italianque referferunt.* Ego autem praeteres in illo loco *multi venalicii mercatoresque* legendum existimavi *venaliciarii mercatoresque.* *Venalicius* enim ipse servus venalis dicitur; *venaliciarius* autem venditor servorum, quem alii alio nomine mangonem vocant. Locus est apud Africanum lib. IV quaest. Exstat autem repetitus in D. de verb. et rer. significationibus. Is ita habet: *Mercis appellatione homines non contineri, Mala aut; et ob eam rem mangones non mercatores, sed venaliciarii appellari ait; et recte.* Coniunxit igitur Cicero *venaliciarius* cum mercatoribus, ut omne genus negotiorum complecteretur. Utitur hoc vocabulo Vlpianus lege 1 D. tribut. act. et leg. 87 D. aedilicium edicto. L. Papinianus 57 D. Mandati. Utitur et Varro et Plinius. Error autem idem qui huic fragmento inhaeserat, libros quoque Suetonii de claris Rhetoribus videtur occupasse, ubi *venalicios*, quum gregem venalicium Brundisii producerent, puero aut bullam et praetextam imposuisse. De venaliciis autem et hoc quo loco legendus Turnebus lib. XIX adversus, c. 7, et lib. XXVI, c. 16.

nostros veteres Marcellos Maximosque multi eunuchi e Syria Aegyptoque vicerunt. Neque vero movent me ornamenta ista villarum, quibus L. Paullum, et L. Mummius, qui rebus his urbem Italiamque omnem refecerunt, ab aliquo video perfacile Deliaci, aut Syro potuisse superari.

PRISC. l. 8.] Quis tam abundans copiis.

FRONTO] Da mihi potestatem, eos, qui tum affuerunt Cornelio, nominandi.

Idem] Facite, ut facitis, qui ad causam adestis.

Idem] Quid enim mihi certamen est cum accusatore, aut contentio?

Idem] Qui commodis populi R. lingua dumtaxat ac voluntate consuluit.

Idem] Expelleret a dispensantibus.

Idem] Sed ad urbem dierum tres fuerunt complurium.

Idem] Quam diligentes libertatis vos oporteat esse.

Idem] Si vos huius fortunas paucorum odio adiudicaveritis.

(Quis tam abundans copiis) Huius fragmenti praeter Priscianum, meminit etiam Fronto, initio libri sui de exemplis elocutionum. PATR.

(Qui tum affuerunt) Tum, non dicit in iudicio (quoniam per quatuor dies causa haec acta sit) praeter enim Globulum ipsum, qui prius intercesserat, deinde autem in iudicio aderat, paucos Cornelius, perterritus Manili exitu, in iudicio adhibuerat, ut scribit Asconius in argumento: sed tum, quoniam videlicet legem perferret de CC senatoribus. Ea enim quamquam iuvis optimatibus, tamen sine tumultu est perlata, teste eodem Asconio. PATR.

(Quid enim) Legendum furtasse quod enim. ID.

(Sed ad urbem dierum) Hoc citatur

a Frontone in exemplum locutionis eius, quoniam dicimus *abesse aliquem tot millia*. Cuius quidem rei eo libentius admoneo, quod inde palam fit, id quod etiam alioquin non valde erat obscurum, fragmentum ipsius non omnino recte se habere. Nusquam enim video fieri mentionem verbi *abesse*, ad quod verbum universum hoc locutionis Ciceronianae exemplum accommodatum est a Frontone. PATR.

(Si vos — adiudicaveritis) Extrema orationis calamitatem Cornelii exposuisse Ciceronem puto, cuius particula haec sit. Quod confirmat etiam Severianus, quoniam sit: *Misericordiam movemus, quoniam alicuius calamitatem commemoramus, quoniam magnitudinem periculi ostendimus, sicut pro Cornelia Cicero. Sae.*

Schol. vet. in Iuvenal. *correpsit in scalas*; vid. Igers. V. L. p. 457.

ORATIO

IN TOGA CANDIDA (1)

ARGVMENTVM ASCONII

Haec oratio dicta est L. Caesare, C. Figulo Coss. postquam pro Cornelio dixerat. Sex competitores in consulatitione Cicero habuit, duos patricios, P. Sulpicium Gal. L. Sergium Catilinam: quatuor plebeios, ex quibus duos, C. Antonium, M. Antonii oratoris filium, L. Cassium, duos qui tantum non primi ex familiis suis magistradepti erant, Q. Cornificium, et C. Licinium Sacerdotem. Ius Cicero ex competitoribus equestri erat loco natus, atque petitione patrem amisit. Ceteri eius competitores modes gessere, visique sunt Q. Cornificius et P. Galba sobrii ac et viri: Sacerdos nulla improbitate notus. Cassium, qui ac stolidus tum magis quam imprubus videretur, sed postea mensis in coniuratione Catilinae esse apparuit, ac certissimarum sententiarum fuisse auctorem: itaque hi quatuor re iacebant. Catilina autem et Antonius, quamquam omnibus xime iuvenis eorum vita esset, tamen multum poterant. Ierant enim ambo, ut Ciceronem consulatu deiecerent, adribus usi firmissimis, M. Crasso, et C. Caesare. Itaque oratio contra solum Catilinam et Antonium est. Causa orat huiusmodi in senatu habendae Ciceroni fuit, quod, quidies licentiae ambitus angeretur propter praecipuam Catilinae Antonii audaciam, ceusuerat senatus, ut lex ambitus aucte cum poena ferretur: ei quoque rei Q. Mutius Orestius unus pl. intercesserat. Tum Cicero, graviter senata intensionem ferente, surrexit, utque in ectionem Catilinae et Antonii iniectus est ante dies comitiorum paucos.

(1) De indice huius orationis scriptum est ap. Isidorum lib. IX, *Toga candida eademque cretata*, in qua caudidisti, id est, magistratum petentis ambiebant, addita creta, quo

caudidior insigniorque esset. runi Quintilianus lib. III, c. 7 bit editum in competitoribus li vileperationem continere, et ius habitum loco sententiae. Sic.

Deest principium orat.

* * * * *

Dico, P. C., superiore nocte cuiusdam hominis nobilis, et valde in hoc largitionis quaestu noti et cogniti, domum Catilinam et *Antonium* cum sequestribus suis convenisse.

Quem enim aut amicum habere potest is, qui tot cives trucidavit, aut clientem, qui in sua civitate cum peregrino negavit se iudicio aequo certare posse?

Ne se iam tum respexit, quum gravissimis vestris decretis absens notatus est.

Dico P. C. — convenisse] Ant C. Coesaris, aut M. Crassi domum significat. Etenim acerrimi ac potentissimi fuerunt Ciceronis refragatores, quum petiit consulatum, quod eius in dies civilem crescere dignitatem animadvertabant. Et hoc ipse Cicero in expositione suorum consiliorum significat. Eius quinquae coniurationis, quae Cotta et Torquato cons. ante annum quam haec dicerentur, facta est a Catilina et Pisone, arguit M. Crassum auctorem fuisse.

Quem enim — certare posse] Catilinam, quum in Sullanis partibus fuisset, crudeliter fecisse, nominatim etiam postea Cicero dicit, quos occiderit, Q. Caecilium, M. Voluumum, L. Tausium (Tausium Q. Cic. de pet. cons.); M. etiam Marii Gratidiani, summe popularis hominis, qui ob id his praetor fuit, caput abscissum per urbem sua manu Catilina tulerat, quod erimeu saepius ei tota oratione ubiicit. Fuerat vero hic Gratidianus arcta necessitudine Cicero coniunctus. Clientem autem negat habere posse C. Antonium. Nam is multus in Achaia spoliaverat, nactus de exercitu Sullano equitum inermes. Deinde Graeci, quos spoliaverat, eduxerunt Antonium in ius ad M. Lucullum praetorem, qui ius inter peregrinos dicebat. Egrot pro Graecis etiam tum adolescentulus, de quo paulo ante mentionem fecimus. Et quum Lucullus id, quod Graeci postulabant, decrevisset, appellavit tribunos Antonius, iuravitque se idco recusare, quod aequum iure uti non posset. Hunc Antonium Gellius et Lentulus censors sexennio quo haec dicerentur, senatu moverunt, causasque subscripserunt, quod socios diriperit, quod iudicium recusarit, quod propter veris alieni magnitudinem praedicti manciparet, bonaque sua in potestate non haberet.

Nec se iam tum respexit] Catilina ex praetura Africanam provinciam obti-

Cum sequestribus suis] Hos Q. frater in lib. de petitione cons. et Marcus ipse in Orat. pro Caelio sodales cuiuspiam appellat; in Verrem interpretes corrumpendi, pro Plautio

corruptores. Erant videlicet amici candidatorum, qui pro ipsis candidatis tributa largiebantur. PATA.

Nec se iam tum] Nec pro ne reposui. Agere autem de Catilina incipit,

In iudiciis quanta vis esset, didicit quum est absolutus : si aut illud iudicium , aut illa absolutio nominanda est.

nuit. Quum quum graviter vexasset, legati Afri in senatu iam tum absente illo questi sunt, multaque grava sententiae in senatu de eo dictae sunt.

In iudiciis quanta vis esset] Ante auum quam haec dicerentur, Catilina quum redisset ex Africa, Torquato et Cotta cons. accusatus est repetundarum a P. Clodio adolescente, qui postea inimicus Cicero fuit. Defensus est Catilina, ut Fenestella tradit, a M. Cicerone. Quod ego ut addubitem, haec ipsa Ciceronis oratio facit, maxima quod in nullam mentionem rei habet, quum potuerit invidiam facere competitori, tam turpiter adversus se coeuntis praesertim quum alterum competitorem suum Antonium in eadem hac oratione sua admoneat, suo beneficio eum ex ultimo loco praeturae candidatum ad tertium pervenisse. *Nescis me praetorem primum esse factum, te concessione competitorum, et collatione centuriorum, et meo maxime beneficio a postremo in tertium locum esse subiectum?* Qui igitur Antonio suffragationem suam imputandum putat, is, si defendisset Catilinam, caput eius protectum a se non ei imputaret? Quod ita esse manifestum est ex eo, quod statim dicit. *Quem Mucius tribunus pl. intercedebat, ne lex ambitus ferretur; quod facere pro Catilina videbatur. Hunc Mucium in hac oratione appellavit Cicero sic ait: Te tomen, Q. Muci, tum male de republica existimare moleste fero, qui hesterno die me esse dignum consulatu negabas. Quid? populus romanus minus diligenter scit sibi constitutum defensorem, quam tu tibi? qui, quum te furti L. Calenus ageret, me potissimum fortunarum tuarum patronum esse voluisti. Et cuius tu consilium in tua turpissima causa delegisti, hanc honestissimarum rerum defensorem populus romanus ductore te repudiare potest? Nisi forte hoc dicturus es, quo tempore a L. Caleno furti delatus sis, eo tempore in me tibi purum auxilium esse vidisse. Verum, ut egerit Mucii causam Cicero, sicut Catilinae egisse cum videri vult Fenestella, cur, quum, quamvis male existimet de causa Mucii, tamen ei exprobrat patrocinium suum, non idem in Catilina faciat, si modo pro eo dixit? Et cur ipsum illud iudicium saepius in infamiam vocat? quod parcius videretur fuisse facturum, si in eo iudicio fuisset patronus. Atque ut alia omittam, hoc certe vix videtur dicturus fuisse, si illo patrono Catilina repetundarum absolutus esset: *Stupris se omnibus ac flagitiis contaminavit; enede nefariae cruentavit; diripuit socios; leges, quaestiones, iudicia violavit.* Et postea: *Quid ego, ut violaveris provinciam, praedicem? Nam ut te illic gesseris, non audeo dicere, quoniam absolutus es: mentitos esse equites romanos, falsas fuisse tabulas honestissimae civitatis existimo; mentitam Q. Metellum Pium, mentitam Africannum: vidisse puto nescio quid illud iudices, qui te innocentem iudicaverunt. O miser, qui non sentias illo iudicio te non absolutum, verum ad aliquod severius iudicium ac maius supplicium reservatum!* Verine ergo simile est, haec cum Catilinae obicere, si illo defendente absolutus est? Praeterea movet me, quod, quum sint com-*

quum hactenus de utriusque egisse videatur. Id. In mea MS. est non se

iam tum respexit; sed assentior Patricio. GRÆY.

Populum vero, quum inspectante populo collum secuit hominis maxime popularis, quanti faceret, ostendit.

Me, qua amentia inductus est, ut contemneret, constituere non possum: utrum aequo animo latum putavit? an in suo familiarissimo non viderat, me ne aliorum quidem iniurias mediocriter posse ferre?

Alter, pecore omni vendito, et salibus prope ad-

mentarii (1) Ciceronis solum etiam defensuum, commentarium tamen huius defensionis aut principium nullum inveniam. Itaque puto non defendisse, sed tantum de defendendo cogitasse; quod per haec ipsa negari non potest. Hoc autem iudicio absolutus est Catilina, infamis iudicium. Vt et Clodius infamis fuerit, quippe qui praevicatus est. Nam et reiectio iudicium ad arbitrium rei videbatur esse facta.

Populum vero — collum secuit hominis maxime popularis] Diximus et paulo ante, Maril caput Catilinam per urbem tulisse.

An in suo familiarissimo] Manifestum est C. Verrem significari.

Alter pecore omni vendito] C. Antonium significat.

(1) Ne esset obscurum quid hoc loco velit Asconius, qui fere totus in aliis libris desideratur, ascribam Fabii Quintilianus locum ex libro X extr.: *Plerumque multa agentibus accidit, ut maxime necessaria et utique initia scribant, cetera quae domo afferunt, cogitatione complectantur: quod fecisse M. Tullium ex commentariis ipsis apparet — quos ad praesens modo tempus aptatos libertus Tiro contraxit. HOR.*

Hominis maxime popularis) *M. Marii Gratidiani*. Vide Asconium in illam periodum: *quem enim aut amicum etc.* Vide et infra ipsum Ciceronem in fragmentum quod caput etiam tum etc. De eodem enim Gratidiano loquitur, ut aperte ait ibi Pedianus, nec minus ipse frater in libro de petitione consulatus, eius verba adscribam; faciunt enim ad superioris periodi explicationem. *Catilina*, inquit, *inter ceteros, hominum optimum Q. Caecilium sororis suae virum, equitem Rom. nullum paritum, quam semper natura, tum etiam aetate tam quietum, suis manibus occidit. Et mox: Quid ego, inquit, nunc*

dicam petere cum tecum consulatum, qui hominem carissimum populo Romano M. Marium, inspectante populo Romano, virgis per totam urbem ceciderit, ad bustum egerit, ibi anni cruciatu laceraret, vivo stanti collum gladio sua dextera secuerit, quum sinistra capillum eius a vertice teneret, caput sua manu teneret, quum inter digitos eius rivi sanguinis fluarent. De hac nece Gratidiani vide etiam Dionem lib. XXXVII. PATR.

Aliorum iniurias) Recte Patricius existimat h. l. Sicularum iniurias, quas passi erant Verre propraetore, intelligi. SCR.

Alter pecore omni vendito) Transit

dictis, pastores retinet, ex quibus, ait, se, quum velit, subito fugitivorum bellum excitaturum.

Alter induxit eum, quem potuit, ut repente gladiatores, populo non debitos, polliceretur, quos ipse consularis candidatus perspexit, et legit, et emit: praesente populo romano factum est.

Quamobrem augere etiam mercedes si vultis, Q. Mucium conantem legem impedire, ut coepit senatus,

Alter induxit eum quem potuit) Q. Gallium, quem postea remm defendit, significare videtur. Hic enim, quum esset praeturae candidatus, quod in aedilitate, quam ante annum gesserat, bestias non haberat, dedit gladiatorum sub titulo, patri se id dare.

Q. Mucium conantem legem impedire) Legem Calpurniam significat, quam C. Calpurnius Piso ante triennium de ambitu tulerat. Quod autem dicit damnatos esse designatos consules, P. Sullam et P. Antonium, de quibus iam diximus, vult intelligi. Cognomen autem Q. Mucio tribuum, quem nominat, fuit Orestinus.

ad Antonium a Catilina. Antonium autem praedicti ob magnitudinem aeris alieni mancipasse, bonaque sua in potestate non habuisse, etiam ex nota censoria cognoscere est, quam recitat Pedianus in altera partícula eius orationis explicanda; et Q. Cicero bona ipsius proscripta se vidisse asseverat in libro de petitione consulatus. PATRIC.

Alter induxit eum) Quem induxit is alter notum est ex Asconio: quis autem sit is ipse alter, qui induxit, non ita. Est enim lacuna in Asconio, ubi id fortassis exponchatur. Nisi quod, si contextus non est interruptus, de Catilina accipiendam est. Quod non satis placet, propter illud, quod inferius dicitur de Antonio ipso teste Asconio: *Atque ut istum*, inquit, *omitam*. PATRIC.

Q. Mucium conantem legem impedire) Satis constat Q. Mucium Orestinum legi quae ferebatur de ambitu interessisse, idque graviter senatum

inlisse. Videtur ergo senatores hortari, ut S. C. praevertant Mucium legem impediendum. Quare hic locus ita videtur legendus: *Q. Mucium praevertite legem impedire, ut coepit, senatusconsulto*. STACON.

Q. Mucium — impedire) In Asconio est asteriscus. In mea autem ibi: *ut coepit sententia * eorum*. Vix sine ope Manuscriptorum proficua in emendando, nisi quod pro *perverti*, vereor ne legi debeat *perferri* hoc sensu: *Si vultis P. C. praemia vestra augere, debetis Mucium, legem perferri impedire, ut coepit, cupientem, novo S. C. prohibere: quamquam ego quidem facile lege Calpurnia contentus sum*. Cui autem legi Mucius trib. pl. intercesserit, exponit Asconius in argumento. Quod autem idem de duobus damnatis Coss. quorum hic facit Cicero mentionem, dixisse se iam sit, vido in orat. pro Corn. L. ubi sunt illa: *ut spectaculum illud etc.* PATRIC.

consules prohibere, sed ego ea lege contentus sum, qua duos consules designatos uno tempore damnari vidimus.

Atque ut istum omittam, in exercitu Sullano praedonem, in introitu gladiatorem, in victoria quadrigarium.

Te vero, Catilina, consulatum sperare aut cogitare non prodigium atque portentum est? a quibus enim petis? principibus civitatis? qui tibi, quum L. Volcatius consul in consilio fuisset, ne petendi quidem potestatem esse voluerunt.

A senatoribus? qui de auctoritate sua, spoliatum ornamentis omnibus, vinctum paene Africanis oratoribus tradiderunt.

Ab equestri ordine? quem trucidasti.

Atque ut istum omittam] De Antonio dici manifestum est; sed dicit eum in exercitu Sullae praedonem, propter equitum turmas, quibus Achmiam ab eo vexatam esse significavimus. *In introitu gladiatorem*, pertinet ad invidiam proscriptionis, quae tunc facta est. *In victoria quadrigarum*, quod, quum Sulla post victoriam circenses faceret, ita et honesti homines quadrigas agerent, fuit inter eos C. Antonius.

Te vero, Catilina, consulatum sperare] Paulo ante diximus, Catilinam, quum de provincia Africa decederet, petitorum consulatum, et legati Afri questi de eo in senatu fuissent, graves multas scetotius de eo dictas esse. Itaque quum profusus deinde esset Catilina, petens se consulatum, L. Volcatius Tullus consul consilium publicum habuit, an rationem Catilinae habere deberet, si peteret consulatum: nam quaerebatur repetundarum. Catilina ob eam causam destitit a petitione.

A senatoribus, qui te — vinctum paene Africanis oratoribus tradiderunt] Diximus modo de hoc. Nam iudicium quoque sequutum repetundarum, a quo ipse per insuniam liberatus est Catilina, sed ita ut eum scetorum turba damnet, equitum et tribunorum absolveret.

Ab equestri ordine? quem trucidasti] Equester ordo pro Cinnanis partibus contra Sallum steterat, multasque pecunias abstulerant: ex quo sacerarii

Sed ego ea lege contentus sum) Abest a libro MS. adverbium *sed*, et recte, ut videtur. F. Vas.

Africanis oratoribus) Legatis ex Africa qui de te tuisque deprædationibus et expilationibus graviter sunt

questi, quorum oratio ita senatui permanserat, ut quum te equitum et tribunorum decernae absolverent, illi prorsus condemnarent. PATRIC.

A plebe? cui spectaculum eiusmodi tua crudelitas praeiuit, ut nemo sine luctu aspicere, sine gemitu recordari posset.

Quid tu potes in defensione tua dicere, quod illi ne dixerunt? quae tibi dicere non licebit. *Et paulo post*: Denique illi negare potuerunt, et negaverunt: tu tibi ne inficiandi quidem impudentiae locum reliquisti. Quare praeclara dicentur iudicia tulisse, si, qui inficiantem Luscium condemnarunt, Catilinam absolverint confitentem.

erant appellati; multique ob eius rei invidiam post Sullanam victoriam erant interfecti.

A plebe? cui spectaculum eiusmodi tua crudelitas praeiuit) Eiusdem illius Marii Gratidiani, quod caput gestavit, obiecit. Quo loco dicit Catilinam caput M. Marii gestasse, quod caput etiam iam plenum animae et spiritus ad Sullam, usque ab laniculo ad aedem Apollinis manibus ipse suis detulit. Omnia sunt manifesta. Na tamen erretis, quod his temporibus aedes Apollinis in Palatio sit nobilissima, admonendi estis, non hanc a Cicerone significari, ut puto, quam post mortem etiam Ciceronis multis annis Imp. Caesar, quem nunc divum Augustum dicimus, post Actiacam victoriam fecerit; sed illam demonstrari, quae est extra portam Carmentalem, inter forum olitorium et circum Flaminium. Ea enim sola tum demum Romae Apollinis aedes.

Si qui inficiantem Luscium condemnarunt) Hic quem nominat L. Luscus, notus centurio Sullanus, divesque e victoria factus (nam amplius HS centies possederat) damnatus erat non multo ante, quam Cicero dixit. Obiectae sunt

Quid tu potes in defensione) Asteriscus admonuit, ut de meliore lectione cogitaretur; insequens autem periodus effecit, ut ea propemodum inveniretur. Quam enim passim antea legeretur sic: *Quid tu potes* etc. primos, ut arbitror Sigonius, legit et distinguit sic: *Quid? tu potes* etc. Sed hoc recte est. Ego enim praeterea videndum puto, an reliqua ad eum, quem dicam, modum distingui, eamque sententiam, quam exponam, prae se ferri possint: *Quid? tu potes in defensione tua dicere quod illi?* (loquitur autem ut notum est, de iis, qui caedes plerumque civium in

Sollae dictatura perpetrarant, ut deinde aliquid addatur eiusmodi) *quid si illi ea in tua defensione dixerunt, quae tibi dicere non licebit?* Infra enim certe in Asconio ostenditur, quid ad suam illi defensionem attulerint, imperitos videlicet homines se esse, et si quem interfecissent, imperatori ac dictatori paruisse, denique negare posse etc. Nam ego sane ea verba, quae infra quoque in contextam fragmentorum relata sunt: Arconii magis, quam Ciceronis, esse puto; quamquam adhuc quidem delenda esse de fragmentis non existimavi. PATRIC.

Is ergo negat, se ignarum esse, quum etiam illi, imperitos se homines esse; et, si quem etiam interfecissent, imperatori ac dictatori paruisse dicerent: ac negare quoque posse: Catilinam vero inficiari non posse.

Hanc tu habes dignitatem, qua fretus me contemnis et despicias? an eam, quam reliqua vita es consequutus? quum ita vixisti, ut non esset locus tam sanctus, quo non adventus tuus, etiam quum culpa nulla subesset, crimen afferret.

Quum deprehendere in adulteriis, quum deprehendas adulteros ipse, quum ex eodem stupro tibi et uxorem et filiam invenisti.

ei tres caedes proscriptorum circa eodem dies. L. quoque Bellienus damnatus est; quem Cicero ait avunculum esse Catilinae. Hic autem Lucretium Asellum, consulatum contra voluntatem Sullae ad turbandum statum civitatis petentem occiderat, iussu Sullae tunc dictatoris.

Catilinam vero inficiari non posse) Huius autem criminis periculum, quod obiicit Cicero, paucos post menses Catilina subiit. Post effecta suum comitum consularia, et Catilinae repulsam, fecit eum reum inter sicarios L. Lucullus paratus eruditusque, qui postea coconsulatum quoque petiit.

Et non esset locus tam sanctus, quo non adventus tuus — crimen offerret) Fabia virgo Vestalis causam incesti dixerat, quum ei Catilina obiceretur: eratque absoluta haec Fabia, quia soror erat Terentiae Ciceronis. Ideo sic dixit: *Etiam si culpa nulla subesset*. Ita et suis pepercit, et nihilo levius inimico summi opprobrii turpitudinem obiecit.

Quum ex eodem stupro tibi uxorem et filiam invenisti) Dicitur Catilinam adulterium commisisse cum ea, quae ei postea socrus fuit, et ex eo stupro duxisse uxorem, quum filia eius esset. Haec Luccius quoque Catilinae obiicit in orationibus, quae in eum scripsit. Nomina harum mulierum nondum ioveni.

Is ergo negat) Dixi non me arbitri Cicerois esse, sed Asconii. Quod quidem si ita est, pro *Is ergo* lego *Hic ergo*, ut intelligatur verbum. Sic legendum item illud quoque Asconii in orationem pro Scano: *In huius, inquit, domus Atrio fuerunt quatuor columnae marmoreae et usus erat is aedilis in ornatu theatri*.

Lego enim ibi quoque: *usus erat his aedilis*, ut intelligatur colonnaris. PAR.

Quam reliqua vita es consequutus) Meus Asconius: *qua reliquae vitae consequutus*. Quod autem statim de turpitudine vitae Catilinae loquitur, id de Q. ipso fratre hausisse videtur. Sic enim ille in lib. de petit. cons. *Nullum in locum tam sanctum, tam-*

Quid ego, ut violaveris provinciam, praedicuncto populo romano clamante ac resistente? n ut te illic gesseris, non audeo dicere, quoniam a lutus es.

Praetereo illum nefarium conatum tuum, et p acerbum et luctuosum populo romano diem, q Cn. Pisone socio, neque alio nemine, caedem o matum facere voluisti.

Quid ego, ut violaveris provinciam) Dictum est iam saepius, Catilini praetura Africam obtinuisse, et accusante eum repetendam P. Clodio lutum esse.

Quam Cn. Pisone socio) Quos nominat intelligitis. Fuit enim opinio linam et Cn. Pisorem adolescentem perditum conirasse ad caedem se faciendam ante annum, quam haec dicta sunt, Cotta et Torquato coss. que caedem ideo non esse factam, quod prius quam parati essent, e ratia sigorum dedisset Catilina. Piso autem quum haec dicerentur, pe in Hispania, missus a senatu per honorem legionis, ut avus suus al retor. Ibiqum dum iniurias provincialibus facit, occisus erat, ut quidam debant, a Cu. Pompeii clientibus, Pompeio non invito.

que religiosum accessit, in quo non etsi alius culpa non esset, tamen ex sua nequitia dedecoris suspicionem relinqueret. PATRIC.

Quid ego — praedicem) Et hoc de Q. fratre assumptum videtur, de petit. consulatus. Tum studiosus eius libri Marcus noster fuit, ut phrasae paene illius universas imbiberit. Sic igitur Q. frater: *Quid ego nunc tibi de Africa, quid de testium dictis scribam?* Et paulo inferius: *Quid ego nunc dicam petere eum tecum consulatum etc.* Quum autem alias praecise legeretur: *Quid ego ut violaveris provinciam praedicem?* nam ut te illic etc. replevi: *praedicem, cunepo populo romano clamante ac resistente:* nam ut etc. illic ex ipso Asconio, qui duobus in locis recitat fragmentum, primum extrema parte auctius, deinde prima locupletius. Quoniam autem

de menda magnopere vereor, ir moditatem eius orationis considero, quem violasse provinciam rit, ia ut se in provincia ges non audent se dicit dicere, ie pro violaveris legerem vi occupa vel vi invaseris provinciam, ve nique vi involaveris in provin vet saue praecise, involaveris i vinciam, vel aliquid tandem humile. Cui demum lectioi accoumissime respondet, quod statim s tur: *Populo romano clamante aistente.* Error sane a libris committi potuit propinquitate violavit, quod est apud Asconii fragmento hoc proxime praeced *Stupris se omnibus ac flagitiis taminavit, caede nefaria cruen diripuit socios, leges, quoniam iudicia violavit.* PATRIC.

An oblitus es, te ex me, quum praeturam petere-
mus, petisse, ut tibi primum locum concederem?
quod quum saepius ageres, et impudentius a me con-
tenderes: meministi, me tibi respondere, impuden-
ter te facere, qui id a me peteres, quod avunculus
nunquam impetrasset? Nescis, me praetorem primum
esse factum, te concessione competitorum, et colla-
tione centuriarum, et meo maxime beneficio, e po-
stremo in tertium locum esse sublectum?

Dicit de malis civibus.

Qui posteaquam illo, ut conati erant, Hispaniensi
pugniunculo nervos incidere civium romanorum non
potuerunt, duas uno tempore conantur in republica
sicas distringere.

An oblitus es — in tertium locum esse sublectum) Diximus iam supra, Sul-
lae ludis, quos hic propter victoriam fecerit, quadrigas C. Antonium et alios
quosdam nobiles homines agitasse. Praeterea Antonius redemptas habebat ab
aerario vectigales quadrigas, quam redemptionem senatori habere licet per
legem. Fuit autem notissimus in circo quadrigarum agitator Boculus.

Qui postquam illo Hispaniensi pugniunculo) Hispaniensem pugniunculum Cn.

Quod avunculus non impetrasset)
Antonius Augustinus, Episcopus Al-
lifanus, vir singulari scientia, et di-
vino prope ingenio praeditus, pro
avunculus, reponit a te Boculus; qua
lectione nihil cogitari potest melius.
Est autem Boculus nomen agitatoris,
cuius meminit in commentario Asco-
nius. Sicut. Nimirum Cicero ait
Antonium impudenter fecisse, quod
in re gravissima, in praetura peten-
da, postulasset a Cicerone ut sibi
primum locum concederet, quod ab
ipso, quam quadrigas agitare, ne
Boculus quidem impetrasset. Iam etsi
hic de Boculo agi nullus dubito, for-
tasse tamen ad Ciceronis sententiam
accommodatus fuerit, in Ciceronis

fragmento ita legere: quod a Boculo
nunquam impetrasses, scil. ut tibi ille
inter quadrigarum agitatores primum
locum concederet. SCH.

In tertium locum esse subiectum)
Patricius lectionem subiectum sic de-
fendit, ut sit i. q. deteriolem pro
melioribus substitutum; quamquam
etiam subiectum legi posse arbitrat. IDEM.

*Duas — in republica sicas distrin-
gere*) Legendum esse vidit Patricius
duas in rempublicam sicas distrin-
gere idque confirmavit loco Q. Cic.
de petitione consulatus c. 3: quis re-
periri tam improbus civis potest, qui
velit uno suffragio duas in rempu-
blicam sicas distringere. ID.

Hunc vos scitote Licinium gladiatorem iam immis-
sisse cupidum Catilinae iudices, Q. Curium, hominem
quaestorium.

ORATIO

PRO Q. GALLIO (1)

Deest principium.

AQVIL. et QVINTIL. l. 8, c. 3] *Vt* a clamor, ut con-

Pisonem appellat, quem in Hispania occisum esse dixi. *Duas sions* Catilinam et Antonium appellari manifestum est.

Quintumque Curium) Curius hic notissimus fuit aleator, damnatusque postea est. In hunc est hendecasyllabus Calvi elegans: *Et talis Curius per-eruditus*. Huic orationi Ciceronis et Catilina et Antonius contumeliose responderunt: quod solum poterant, inveci in novitatem eius. Feruntur quoque orationes nomine illorum editae, non ab ipsa scriptae, sed ab Ciceronis obtrectatoribus, quas nescio an satius sit ignorare. Ceterum Cicero consul omnium consensu factus est. Antonius paucis centuriis Catilinam superavit, quam ei propter patris nomen paulo speciosior manus suffragata esset, quam Catilinae.

(1) Q. Gallium de ambitu postulatum scribit Asc. In comment. orationis in Toga, a Cicerone vero fuisse defensum in Verrinarum. Ambitus autem obiectus est, quod quum praetura peteret, quia in aedilitate, quum ante annum gesserat, bestias non habuerat, dedit gladiatorum sub titulo, patri se id dare. Huius autem defensionis praeclara sit mentio in libro de petitione consulatus a Q. fratre his verbis: *Nam hoc biennio quatuor sollicitates civium ad ombitionem gratiosissimorum tibi obligasti, M. Fundanii, Q. Gallii, C. Corneli, C. Orcinii, et horum in causis ad te deferendis, quidnam eorum sodales receperint et confirmaverint, scio. Defendit autem M. Calidio accusante; orationis quidem Hieronymus invenit in libro de vita*

Clericorum: Nihil tam facile, inquit, quam vilem plebeculam, et indoctam concionem linguae volubilitate decipere, quae quidquid non intelligit, plus miratur. M. Tullius, in quem illud pulcherrimum elogium est: Demosthenes tibi praecepit, ne esses primus orator, tu illi ne solus; in oratione pro Q. Gallio, quid de furore vulgi, et de imperitiis concionatoribus loquatur, attende, ne his fraudibus lauderis. Loquor enim, quae sum ipse expertus unus. Quidam poeta nominatus, homo perliteratus, cuius sunt illa colloquia poetarum ac philosophorum, quum facit Euripidem et Menandrum inter se, et in otio loco Socratem atque Epicurum disserentes, quorum aetates non annis, sed saeculis seimus esse disiunctas, quantos is plausus et clamores movet;

(2) Ruhnkenius ad Aquilam pag. 144, corrigit *fit* — *fit*.

viciū mulierum, *ut* symphoniae cantus. Videbar mihi videre alios intrantes, alios autem exeuntes partim ex vino vacillantes, partim hesternā potatione oscitantes. Versabatur inter hos Gallius unguentis oblitus, redimitus coronis: humus erat immunda, lutulenta vino, coronis languidulis, et spinis cooperta piscium.

B. HIER. *Vit. Cleric.*] Loquor enim, quae sum ipse nuper expertus unus. Quidam poeta nominatus, homo perliteratus, cuius sunt illa colloquia poetarum, ac philosophorum, quum facit Euripidem et Menandrum inter se, et in alio loco Socratem atque Epicurum disserentes, quorum aetates non annis, sed saeculis scimus esse disiunctas, quantos is plausus et clamores movet? multos enim condiscipulos habet in theatro, qui simul literas non didicerunt,

QVINT. *lib. 11, c. ult.*] An ista, si vera essent, sic a te dicerentur?

EVGRAPH. in Terent. Eunuch. 2, 4,] ut Tullius in Gallia: aqua spurce dictum commemorarent in libera civitate (*Ruhnck. ad Aquil. p. 144 corr.* in Galliana: qui spurce.)

CIC. *Bruto*] Tu istuc, M. Calidi, nisi fingeres, sic

multos enim condiscipulos habet in theatro, qui simul literas non didicerunt. SIGON. Posterius hanc orationem fuisse habitam oratione in Toga candida Asconius idem testatur, quem citat Sigonius, eodemque illo in loco, in commentario videlicet orationis in toga cand., fere in medio. Fuit autem is *Gallius*, qui antea quoque Calidius M. Calidii oratoris patrem repetundarum, ut opinor, accusarat. Asconius in II Verr. Idem videtur Cornelii iudiciū praetor exercuisse. Asconius idem. PATR.

Loquor enim) Haec verba quae vulgo ex Hieronymo pro fragmento Ciceronis ex oratione pro Gallio afferuntur, mihi videntur potius ipsius Hieronymi esse, qui illa quae Cicero dixerat, exemplo quodam, quod ipse erat expertus, afferendo confirmare voluerit. SEN.

Sum expertus unus. Quidam) Sic potius distinguendum est: *sum expertus. Unus quidam poeta nominatus.* IPAM.

Tu istuc M. Calidi) M. Calidius Gallium, ut dixi, accusavit, quod

ageres? præsertim quum ista eloquentia alienorum hominum pericula defendere acerrime soleas, tuum negligeres? ubi dolor? ubi ardor animi? qui etiam ex infantium ingeniis elicere voces et quicrelas solet. Nulla perturbatio animi, nulla corporis, frons non percussa, non femur, pedis (quod minimum est) nulla supplisio. Itaque (tantum abfuit, ut inflammares nostros animos) somnum isto loco vix tenebamus.

NON. *logi.*] Ego te certo scio, omnes logos, qui ludis dicti sunt, animadvertisse.

CARIS.] Poëmatorum.

patrem suum Q. Calidum de repetendis postulasset. De hoc autem loco sic Cicero in Bruto cap. 80, ubi de M. Calidio loquitur: *Aberat, inquit, tertia illa laus, qua permoveret atque incitaret animos; quam plurimum polere diximus; nec erat ulla vis atque contentio, sive consilio, quod eos, quorum altior oratio atque erat urdientior, furere et bacchari arbitraratur, sive quod iustura non esset ita factus, sive quod non connesset, sive quod non posset. Hoc unum illi, si nihil utilitatis habebat, abfuit, si opus erat, defuit. Quin etiam memini quum in accusatione sua Q. Gullin criminari dedisset, sibi cum venenum paruisse, idque a se esse deprehensum, seseque chirographa, testificationes, indicia, quaestiones, manifestam rem, deferre diceret, deque eo crimine accurate et exquinte disputavisset, ne in respondendo, quum essem argumentatus quantum res ferebat, hoc ipsum etiam posuisse pro argumento, quod ille, quum pestem capitis sui, quum indicia mortis se comperisse manifesto et manu tenere diceret, tam leniter, tam oscitanter: Tu istuc M. Calidi, nisi fingeres, sic ageres etc. Horum autem etiam verborum, vel*

potius huius artificii meminit Quintilianus lib. XI, cap. 13, et Valerius Maximus lib. VIII, c. 10: *M. Cicero, inquit, quantum in pronuntiatione et apto motu corporis momenti sit, oratione quam pro Gallio habuit, significavit, M. Calidio occumatori exprobrando, quod praeparatum sibi ab reo venenum testibus, chirographis, quaestionibus probaturum affirmans, remisso vultu, et languida voce, et soluto genae orationis ansa esset, pariterque et oratoris vitium detexit, et causae periclitanti argumentum adiecit, totum hunc locum ita claudendo: Tu istuc M. Calidi, nisi fingeres, sic ageres? Huius etiam orationis exstat apud Severianum testimonium, quum ait: Similiter pro Gallio ubi occumator pecunias obiecit; ibi enim dum singula inter se comparat, alterum altero Tullius diluit. Sic. Praeter Ciceronem, ex Quintiliano etiam lib. XI, et eodem illo loco, quem proxime recitavi, et paulo ante, extremum eius fragmenti peti potest. Hunc autem Calidum Gallii fuisse accusatorem, etiam Sigonios admonnit, cui sautilitatem tribuit Quintil. XII, 10, et in Bruto a Cicerone duleis potius orator quam vehemens appellatur. Dixisse*

ORATIO

DE L. OTHONE (1)

FRONTO] Hic si se istius viae dedisset.

autem illam pro domo Ciceronis scribit Quintil. X, 1: fuisse autem Miloni notum Asconius in argumento; Festus, in dictione *Sufes*, profert fragmentum ex ipsius oratione. PATR.

(1) Hic est L. Roscius Otho, qui in tribunatu quadriennio ante Ciceronis consulatum legem, qua equitibus XIV primus theatri gradus constituit, reliquos superiores plebi. Quae de causa in theatrum veniens consula Cicerone, a plebe convicio et clamore exceptus est. Hunc autem ut plebi reconciliaret, Cicero hanc orationem habuit, unde dicit Plinius lib. VII de Cicerone: *Roscio theatralis auctori legis tribus ignoverunt, notatasque se discrimine sedis aequo animo tulerunt.* Cicero in epistola ad Atticum II, 1, hanc orationem de Othone appellavit. SIO.

De Othone ipso hanc esse inter scriptores differentiam video. Quum enim is L. Roscius Otho trib. pl. et esset et diceretur, a Plutarcho tamen, in vita Ciceronis, pro *Lucio, Marcus*, a Velleio autem lib. II, ut quidam libri habent, pro *L. Roscio, Horatius*, ab Asconio vero, in extremo Cornelianae primae, pro tribuno *consul* dicitur. Est autem quoque ex recentioribus scriptor non inraditas, et certe diligentissimus, qui tam in nomine quam in magistrato huius Othonis allucinat esse videtur. Quum enim ab aliis hunc istum Roscium, ut a Livio et Dione, ab aliis Othonem, ut a Plutarcho, et Horatio et Iuvenali videt nominari, non videtur se explicare satis, ut intelligat unius hanc hominis duo nomina ex-

stitisse, quorum alterum nomen propriè appellant grammatici, cognomen alterum. Idem autem Plutarchum sentire existimat, praetorem hunc, non consulem neque tribunum fuisse. Qui mihi lapsus hominis ex mendoso Plutarchi libro natus esse videtur. Quum enim in correctis Plutarchi libris legatur, *πρώτος Μάρκος Ὄθων*, ille legisse videtur *πραιτωρ Μάρκος Ὄθων*. Ac de nomine quidem eius docere nos possunt quum ceteri passim historici, tum unus interea Asconius, qui eodem illo loco quo in magistrato ipsius allociatur, tribus illum omnibus nominibus appellat; *L. Roscium Othonem*. De magistratu autem praeter ceteros Livii epit. XCIX, quae tribunum pl. manifeste vocat. De oratione vero ipsa, locus est minime omnium abstrusus epit. I, lib. XI ad Atticum, ubi hanc tertio inter consulares orationes loco nominat. Vnde etiam constat de ipsius tempore. De argumento autem eius primum historia omnis loquitur, L. hunc *Roscium Othonem* tribunum plebis lege sua XIV gradus cavere proximos equitibus in theatrum assignasse. Cuius etiam rei in oratione pro Murena c. 19 ita Cicero meminit: *L. Otho vir fortis, meus necessarius, equestri ordini restituit non solum dignitatem, sed etiam voluptatem. Itaque haec lex, inquit, quae ad ludos pertinet, est omnium gratissima, quod honestissimo ordini cum splendore fructus quoque incanditatis est restitutus.* Ad quam et Iuvenalis Satira III respiciens dicit ea persona equitum: *Sic libitum vano, qui nos distingit, Otho-*

ORATIO

DE PROSCRIPTORVM LIBERIS (1)

QVINT. L. 11, c. 1] Quid enim crudelius, quam homines honestis parentibus ac maioribus natos a re publica submoveri? sed ita legibus Sullae continetur status civitatis, ut his solutis, stare ipsa non possit.

ORATIO

CONTRA CONCIONEM Q. METELLI (2)

FORTVN. L. 5] Sic enim, ut opinor, insequar fu-

ni. Et item Sat. XIV: — *effice summam Bis septem ordinibus, quam lex dignatur Othonis*. Deinde quum ea lege offensa plebs venientem Roscium in theatrum sibilis et convicio exciperet, Cicero consul cum summa modestia plebem in aede Bellonae increpuit, hac quidem oratione, quam dico de Othone. Cuius quidem successum dum idem iste, ex cuius sententia superiora tradita sunt, explicat Plutarchus, dicit reversam in Theatrum plebem, cum ipsis quoque equitibus, quibus Roscius erat quam carissimus, de ipsius honoribus contendere non dubitasse. Ceterum dignus est, qui hic referatur Plinii locus Hist. nat. VII, 30: Quo te, inquit ille, M. Tulli pisculo taceam? quove maxime excellentem insigni pruedicam? Quo potius, quam universi populi illius gentis amplissimo testimonio, e tota vita tua consulatus tantum operibus electis. Te dicente, legem agrariam, hoc est alimenta sua, abdicaverunt tribus. Te suadente, Roscio theatrialis auctori legis ignoverunt, notatasque ac discrimine sedis aequo animo tulerunt. PATER.

(1) L. Sulla dictator, non solum inimicos suos proscripsit, sed eorum etiam filios in perpetuum petendum honorum potestate lege sua privavit. Vnde illa sunt M. Lepidi consulis in L. Sullam apud Sallustium: *Quin solus omnium post memoriam hominum supplicia in post futuros composuit; quos prius iniuria, quam vita certa esset*. Contra hos igitur Cicero consul, quum, ut ad honores admitterentur, contenderent, egit in oratione, quam inscripsit *de proscriptorum filiis*. Cuius meminit Quintilianus lib. XI, c. 1 ita: *Mollenda est in plerisque alio colore asperitas orationis, ut Cicero de proscriptorum liberis fecit: « Quid enim crudelius quam homines honestis parentibus ac maioribus natis a republica submoveri? »* etc. cuius orationis vim indicavit Plinius Hist. nat. lib. VII, c. 30, quum dicit: *Te orante proscriptorum liberos honores petere puduit*. His tamen postea Caesar dictator omnia concessit. Sic.

(2) Q. Metellus Nepos trib. plebis quum in M. Cicero. apud populum

gientem, quoniam congregari non licet cum resistente.

PRISC. l. 9] Permulsa atque recreata est.

Silano et Marcum com. esset invecus eum, ut sibi oratione responderet, compulit. Quam orationem quum post scripsisset, contra concionem Metelli vocavit. De hac contentione tum credo loquutus est, quum ad Metellum Celerem Nepotis fratrem ita scripsit: *A. d. III. Non lun. quum agere coepisset, tertio quoque verbo me appellabat, mihi minabatur. Huius egro temeritati, si virtute atque animo non restitisses, quis esset, qui me in consulatu, non casu potius existimaret, quam consilio factum fuisse?* De oratione autem ipsa sic scribit lib. I ad Att. ep. 13: *In illam orationem Metellianam addidi quaedam. Liber tibi mitteretur. Et lib. III, ep. 12: Quae est spes ista eodem tribuno pl. et inimico Cos. designato? Percussisti autem me etiam de oratione prolata. Cui vulnere, ut scribis, molere, si potes. Scripsi equidem olim ei iratus, quod ille prior scripserat, sed ita compresseram, ut nunquam emanaturum putarem. Quomodo exiit, nescio. Sed quia nunquam accidit, ut eam eo verbo uno concertarem, et quia mihi scripta videtur negligentius, quam ceterae, puto posse probari, non esse meam. Hinc factum est ut Gellius lib. XVIII, cap. 7, ita scripserit: Concio significat orationem, quae ad populum habetur, sicut M. Tullius in oratione, quae inscripta est, contra concionem Q. Metelli: «Ascendi, inquit, in concionem; concorsus populi factus est.» Post: Concionem esse dictam pro verbis et oratione docuit titulus Tulliani libri, qui a M. Cicerone inscriptus est: Contra concionem Q. Metelli. Memorant autem huius orationis Augustinus et Fortunatianus in*

Rhetoricis suis ita: *Plenius principis in bonae opinionis controversiis, sed brevioribus et erectioribus paulo et confidentibus, et plenis dignitatis, sine instantia dumtaxat, ne res parvat invidiam, ut est illud apud Tullium contra concionem Metelli: «Sic enim, ut opinor, insequar fugientem, quoniam congregari non licet cum resistente.»* Quod nunquam profecto tam magnifice dicere in exordio statim oras fuisset, nisi et ipsius auctoris esset honesta persona et res de qua loquutus esset, non improba. Meminit etiam huius Priscianus. Sic. — Mihi quidem videtur locus ille *Percussisti autem me de oratione prolata* Epp. ad Att. III, ad hanc orationem viz pertinere, sed ad illam potius in Clodium et Curionem spectare, quod autem me etiam adnotavit Paullus Manutius in eruditissimis suis in eas epistulas commentariis. Fortasse autem haec oratio eadem est cum illa, quum de suo consulatu Ciceronem habuisse significat Photarchus in vita Crassi, in illa, inquit, oratione, quum de suo consulatu habuit Cicero, Crassum ad se nocti venisse refert, epistolam a Catilina missam teneantem, qua illum quasi concorsum ad firmandam coniurationem hortabatur. Atque hoc de causa semper in posterum Ciceronis inimicus Crassus habuit. De qua re tota sic existimo. Nos erat in deponendis magistratibus, concionem haberi ab eo, qui deponeret; eius rei potestate privatus fuit Cicero a Metello trib. pl. quod utrumque ipse lib. V epp. ad frat. ep. 1 significat, sed iurare tamen permixtus quum esset, unum hoc simulans se facturum esse, quod permittetur,

PRISC. l. 10] Nisi eorum exitio, non requieturam.

GELL. l. 18, c. 7] Ascendi in concionem: concursus est populi factus.

QVINT. l. 9, c. 3] Qui indicabantur, eos vocari, custodiri, ad senatum adduci iussi; in senatu sunt positi.

O R A T I O DE CONSVLATV SVO

NONIVS *Census*] Quorum luxuries fortunata censa peperit.

iuravit verissimum pulcherrimumque iusiurandum: rempublicam atque urbem Romanam sua unius opera esse salvam; sicut loquitur in oratione in Pisonem sub initium; de quo etiam in orat. pro Sulla cap. 10 ita habet: *Adestote omnes animis—Ego consul, quoniam exercitus perditorum civitum clandestino scelere confectus crudelissimum et luctuosissimum exitium patriae conflavisset — meis consiliis, meis laboribus, mei cupitis periculis, sine tumultu, sine delectu — inensatione urbem, internecione cives, vastitate Italiam, interitu republ. liberavi. Ego vitam omnium civium, statum orbis terrarum, urbem hanc denique sedem omnium nostrum, arcem regum et nationum exterarum, lumen gentium, domicilium imperii, quaque hominum amentium ac perditorum poena redemi. Et tunc: Da me existimasti haec iniuratum in iudicio non esse dicturum, quae iuratus in maxima concione dixissem? Et apertius, sicut dixi, in or. in Pisonem: Ego quoniam in concione abiens magistratu dicere a trib. pl. prohiberer, quare constitueram, quumque is mihi tantummodo ut iurarem permitteret, sine ulla dubitatione iuravi, rempu-*

blicam atque hanc urbem mea unius opera esse salvam. Mihi populus rom. universus illa in concione non unius diei gratulationem, sed aeternitatem immortalitatemque donavit, quoniam meum iusiurandum tale atque tantum iuratus ipse una voce et consensu approbavit. Intelligendum est igitur orationem de suo consulatu, aut iusiurandum fortassis fuisse, quod simul etiam Metelli concioni respondere debet, aut certe, si ita libet Metellinam ab hac de consulatu suo arparare, de Metellina dicendum, ut alii ante me voluerunt, de hac de consulatu suo existimandum eam fortassis esse, quum quum meditatam iam habuisset, etiam pro concione, nisi a Metello prohibitus esset, fuerat habiturus. PATR.

Qui indicabantur) De coniuratione loquitur. Id.

Quorum luxuries—peperit) Nonius v. *census* adducit haec verba ex Cicerois consulatu, exemplo sc. demonstraturus hoc vocabulum etiam neutro genere usurpari. Patricius recte innotuit dubium esse utrum hoc fragmentum ex poemate de consulatu suo, aut ex oratione de consulatu depraesumptum sit. Si ex poemate, corruptum sit

ORATIO

DE REGE PTOLEMAEO (1)

AQVIL. et FORTVN. et MARCIAN.] Difficilis ratio belli gerendi; at plena fidei, plena pietatis.

ORATIO

PRO P. VATINIO (2)

CIC. *Epist. lib. 1*] Facio quiddam, quod iu Eunucho parasitus suadet militi:

*Vbi nominabit Phaedriam, tu Pamphilam
Continuo. Si quando illu dicet, Phaedriam
Commessatum intronittamus: tu, Pamphilum*

fragmentum necesse est, quoniam heroici carminis metrum ei non constat. SCIL.

(1) Orationis de rege Ptolemaeo mentionem apud Aquilum et Fortunatianum Latinos rhetores solum invenio. Fortunatianus autem eandem etiam de rege Alexandrino vocavit quam dixit: *Communis partitio*, ut Cicero de rege Alexandrino. Item: *Hypophorae copiosae ponuntur, si discrepans aliquid ostendatur*, ut Cicero de rege Alexandrino. Eam vero de restituendo Ptolemaeo Aulete fuisse crediderim, quam eam reductionem P. Lentulo Cilician proconsuli sua sententia decerneret, ut scribit ipse Epp. ad Fam. I, 4. Sic. Haec Oratio habita fuit Cn. Cornelio Lentulo L. Marcio Philippo cos. ut patet ex epist. ad Fam. I, 1. Mentio autem orationis et fragmenti est etiam apud Marcianum Capellam, ubi agit de figura sententiarum. PATA.

(2) Vatinius et accusatum fuisse et defensum a magnis viris reperio. Accusatum quidem, siue adeo insecta-

tum a Licinio primum Calvo, oratore excellenti, ut alibi explicabimus, nobili illa actione, de qua multi praecleari auctores meminerunt, Tacitus, Catullus, Quintilianus, Aquila ceteri. Deinde vero insectatum quoque a Cicerone ipso, oratione quidem, quae hodieque exstat. Defensum autem ab eodem, duobus, ut scribit Valerius lib. VI, cap. 11, iudiciis publicis, non modo sine ulla crimine levitatis, quod eadem antea inimicissimus existit, sed etiam cum aliqua laude, quam speciosius multo iniuriae beneficiis vivuntur, quam mutui odii pertiucia peusentur. Etsi autem eius defensionis causam in Caesarem conferre videatur ipse Cicero, quem sibi defendendo Vatini auctorem fuisse scribit lib. I, epist. ad Fam. ad Lentulum, tamen Quintilianus rei ipsi et veritati tribuitur id ab eo fuisse significat lib. II, cap. 1, quum ait: *Decet rem ipsam probare in quacunque persona. Dixit Cicero pro Galinio et pro Vatino inimicissimus antea tibi hominibus, et in*

*Cantatum provocemus. Si laudabit hæc
Illius formam, tu huius contra: denique
Par pro pari referto, quod eam mordeat.*

TERTIUM. ACT. III, SC. I.

quos orationes etiam scripserat; verum causa iusta fit fatendo non se de ingenii fama, sed de fide esse sollicitum. Et quidem orationis pro Vatinius Ciceronis meminit Asconius iussu expositionis suae in orationem pro M. Scauro. Quo ex loco intelligitur habitum esse eam L. Domitio Ahenobarbo et App. Claudio pulchro Coss. Id quod ipse significat etiam epist. ult. lib. II, ad Q. fratrem: *Ego, inquit, eodem die, quo hæc scripsi, absoluto a tribunis aerarii de praevaricatione Druso, aderam post meridiem Vatinius defensurus.* Erat id autem, ut apparet infra, intra Quintilem et Sextilem menses, ante Scauri iudicium. Sic enim ibidem Cicero, *Scauri, inquit, iudicium statim exercabitur, cui nos non deerimus.* Cuius iudicii summum diem a. d. IV Non Sept. fuisse Asconius prodidit. Ex his autem praeterea Ciceronis locis colligitur, de ambitu illum tunc accusatum fuisse. Sic enim paulo ante Cicero: *De ambitu, quum atrocissime ageretur in senatu multos dies, quod ita erant progressi candidos ut ferendum non esset, in senatu non fui.* Quod item significatur Lib. I epist. ad Fam. ep. 9, ad Lentulum scripta. Quod si est, tum sane, et Calvo accusatore, et Cicerone defensore usus est Vatinius. Id quod ita esse ex horum duorum locorum collatione constat, quos adducim. Ciceronis primum illa epistola, in qua sic ait: *De Vatinius autem primum reditus intercesserat in gratiam per Pompeium, statim ut ille praetor est fa-*

ctus, quum quidem eius pot gravissimis in senatu sententi pugnasset, neque tam illius dendi causa, quam defendendi orationi Catonis. Deinde Quir qui aliquot Calvinianus illius orationis fragmenta addocit: *Vt I cap. 1: Factum, inquit, a salis omnes, et hoc vos salve sciunt.* Item lib. VI, cap. 3 *frica frontem, et dic te dignior praetor fieres, quam Catonem* igitur rei ipsius veritate, si veris auctoritate ad defendendum adductus fuerit Cicero inimicitias postea cum illo habuisse, easque ad extremam exercuisse videri potest ex his a Macrobio lib. II inter loco tacetur. Nam quom Vatinius h Calvo, ut Dio testator, exil 707 ut habent marmora Cai consul factus esset, paucisque consulatum gessisset, notabilis Macrobius, Ciceronis urbanit amferobatur, magnum ostentum quientis, anno Vatinius factum quod illo consule nec ver, nec nec autumnus fuerit. Querenti deinde Vatinius, quod gravatam domum ad se infermatum respondit Cicero, *id se qui consulatu ipsius facere voluit a nocte oppressum fuisse.* Idem apertius quodammodo exi potest, ex iis quoque, quae a titiano lib. VI, cap. 4, iute quidem relata sunt. Primum nuntiata ipsius morte, cuius certus dicebatur auctor, interi

Sic peto a vobis, indices, ut quoniam quidam nobiles homines, et de me optime meriti, nimis amant inimicum meum, neque inspectante, saepe eum in senatu modo severe seducunt, modo familiariter atque hilare amplexantur: quoniamque illi habent suum Publium, detis mihi ipsi alium Publium, in quo possim eorum animos mediocriter lacesitus, leviter repungere.

quit Cicero, *usura fruar*. Deinde, quum Orinium libertum ipsius interregasset, *recte ne omnia*, et is *recte* respondisset, *Nimirum mortuus est?* inquit. Quamquam ea quidem ex adverso non paulo firmioribus argumentis subruere videntur, desumptis tum ex tribus epistolis quae exstant inter epistolas Ciceronis lib. IV ad familiares ultro citroque ab iis scriptae, tum una praeterea ad Atticum II, 9. Neque vero locus ex Philipp. X, etsi Dioni et Velleio historicis repugnare videatur, ad confirmandam tamen Ciceronis bonam de Vatinius opinionem praetermitti non debet. Viderint igitur alii, quid et quantum de illorum amicitia existimaturi sint. Nam in epistolis quidem ad Familiares et Vatinium Ciceroni, supplicationis obtinendae causa, et Cicero vicissim Vatinio recuperandi Dionysii anagnostae fugitivi gratia, videri potest fuisse adulatus. Epistola autem ad Atticum non magis Marco, quam Quinto Ciceronibus invicem subratu amicum fuisse Vatinium ostendit. Immo utriusque etiam fortassis inimicum, si forte Q. Ciceronis, proborum plenissima epistola M. Ciceroni lecta, iras magis et odio illorum accendere, quam mitigare voluit. Et in Philippica X, quae dicuntur, quum

rei gestae veritatem vix habeant, aut simulate, aut eo certe consilio ut Bruto, cui tunc obsistere dicebatur, amicitior redderetur, dicta esse videri possunt. Locis autem rursus quoque in ipsum aut minus amicitiae fiducia aut certe iratus adhuc, nec dum reconciliatis temporibus usus fuisse Cicero existimari potest. Attamen quum nobiscum perpendimus ea quae scribit in oratione pro Gabinio, et item in epistola ad Appium Fam. II, de religione et officio gratiae reconciliatae, magis in ea opinione sumus, ita illum cum ipso etiam Vatinio in gratiam rediisse, ut se esse non modo virum bonum, sed etiam amicitiae eius constanter studiosum ad extremum deelararit, praesertim quum illi ad eam rem a Q. Fratre, et ceteris stimuli assidue adderentur. Orationem quidem pro Vatinio, quod attinet, eius sic meminit Hieronymus in apologia adversus Rufinum sub finem, quum prius mentionem fecisset Ciceronis. *Legi*, inquit, *pro Vatinio orationunculam, et alias, ubi sodalitorum mentio fit*. Quum autem *orationunculam* appellat, nimirum inquit exigentem fuisse. Quum autem inquit *legi*, significat et a Cicerone editam fuisse et tunc tempore exaltitae. PATR.

ORATIO

PRO A GABINIO (1)

HIERON. *Apol. adversus Rufinum*] Ego quum omnes

(1) Cicero omnium defensionum, sive causarum, quas acturus esset, memoriae commentarios scribere solitus fuit. Quas autem se maxime expolire videbat posse, eas posteaquam egisset, diligentius scriptas edere, quas non probaret, in commentariis relinquere consuevit. Quod idem de se ait Cato apud eum in libro de Senectute c. 11: *Causarum illustrium quascumque defendi, nunc quam maxime conficio orationes*. De quibus commentariis sic video scripsisse Asconium in commentario orationis in toga candida: *Propterea movet me, quod quum sint commentarii Ciceronis suarum etiam defensionum, commentarium tamen huius defensionis aut principium nullum inveniam*. Apud Quintilianum autem lib. X, cap. extremo its: *Plerumque autem multa agentibus occidit, ut maxime necessario, et utique initia scribant, cetero quae domo afferant, cogitatione complectantur, subitis ex tempore occurrant. Quod fecisse M. Tullium ex commentariis ipsius apparet. Sed feruntur aliorum quoque, et inventi forte, ut eos dicturus quisque composuerint, et in libros digesti, ut causarum, quae sunt actae a Servio Sulpicio, eius tres orationes exstant. Sed hi, de quibus loquor, commentarii ita sunt exacti, ut ab ipso mihi in memoriam posteritatis videantur compositi. Nam Ciceronis ad praesens modo tempus aptatos libertus Tiro contraxit, quos non ideo excuso, quia non probem, sed ut sint magis admirabiles*. Et lib. IV, c. 1 hoc modo: *Cicero pro*

Scauro ambatus reo, quae causa est in commentariis (nam his eum defendit) prosopopeia loquentis pro reo utitur, pro eodem reo repetundarum etiam exemplis. Ut autem Scauri causa de ambitu exstitit in commentariis, sic etiam A. Gabinii. Proditum hoc est literis a D. Hieronymo in apologia adversus Rufinum his verbis: *unde et Tullius in commentariis pro A. Gabinio. Ego, inquit, quum omnes amicitias tuendas semper putavi cetero*. Fecerat autem Gabinio inimicissimus, quippe quo consule civitate erat pulsus. Post autem eum eo reversum in gratiam eundem in iudicio defendisse ipse testatur in oratione pro Rabirio Postumo c. 8 his verbis: *Tu Gabinium, ut regem reduceret, impulisti. Non patitur mea etiam fides de Gabinio gravius agere. Quem enim ex tantis inimiciis in gratiam receptum summo studio defenderim, hunc afflictum violare non debeo. Quo cum stante si me Cn. Pompeii auctoritas in gratiam non reduxisset, nunc iam ipsius fortuna reduceret*. Et Valerius lib. IV, c. 2: *Cicero A. Gabinium repetundarum reum summo studio defendit, qui cum in suo consulatu urbe expulerat*. Eisdem vero etiam commentarios a Diomede intelligi arbitror, quum ait: *Cicero causarum XIII. Re vendito, iterum empti*. Sic.

(1) Ex Quintiliani verbis lib. XI, cap. 1: *Dixit Cicero pro Gabinio et P. Vatinius, inimicissimis autem sibi hominibus, et in quos orationes etiam scripserat, Ciceronem prius in Gabinium dixisse quam pro Gabinio*

amicitias tuendas semper putavi summa religione et fide, tum eas maxime, quae essent ex inimicitis revocatae in gratiam: propterea quod integris amicitis officium praetermissum, imprudentiae, vel (ut gravius interpretemur) negligentiae excusatione defenditur; post reditum in gratiam, si quid est commissum, id non neglectum, sed violatum putatur, nec imprudentiae, sed perfidiae assignari solet.

AD ORATIONEM

PRO P. QUINTIO

VLPIAN.] Turpis occultatio sui.

ORATIO

PRO ROSCIO COMOEDO

e Codice manuscripto Vaticano.

1. Hoc sibi quisque proponat, quo minus fucatis capiatur officiis.

constat; id quod ipsum hoc etiam fragmentum indicat, quod nuicum ex Hieronymo allatum est. Dio lib. XXXIX extremo existimat Gabinium L. Domitio Ap. Claudio cosa. defensum esse, sed de qua defensione loquatur, quum multarum rerum et a multis factionibus postulatus fuerit, is demum expedire poterit, qui diligenter quid M. Cicero libro epistolarum tertio ad Q. fratrem scripserit, attenderit. Scribit et Valer. lib. VIII, c. 1, de quodam iudicio Gabiniano: eum vide. Eum autem nec accusatum nec defensum fuisse a se in quodam iudicio ipse Cicero indicat, scribens ad Q. fratrem lib. III epist. hoc pacto:

De Gabinio, illum ego neque urxi, neque levavi. Mirum autem ni de hoc eodem iudicio loquatur, cuius meminit Valerius. PATR.

Perfidiae assignari solet.) Vnde Cicero ipse scribens ad Appium Fam. lib. III ep.: *Post gratiam videlicet reconciliatam ait se diligentem esse factum ad benivolentiam declarandam. Vetere enim similitudine stimulari, ut caveret ne cui suspicionem fictae reconciliae gratiae daret. Et in orat. pro Milone c. 8: timuit, inquit, ne videretur infirmior fides reconciliae gratiae. Tum in orat. pro Rab. Postumo de eodem Gabinio loquens: Non patitur, inquit, mea fides*

2. Rara res est amicitia.

3. Quid enim tam simplex apertumque est? Atqui non tam in alto latet aurum argentumque.

4. Hasce ore adverso inuri cicatrices ac notas virtutis accipitis, ne quod accipiat fama vultus perhorrescit, quem nunquam incursione hostium commovere.

5. Erat mecum autem ubique inveniri sine ullo labore, sine ulla investigatione.

ORATIO

PRO M. FONTEIO

MARCELL. l. 15] Galli posthac dilutius potabunt, quod illi venenum esse arbitrabuntur.

QVINT. l. 6, c. 4] Mater tua, dum vixit, ludum, postquam mortua est, magistros habuit.

AQVILA] Frumenti maximus numerus e Gallia, pedatus amplissimae copiae e Gallia, equites numero plurimi e Gallia.

Cetera, in ea, quae inter reliquas orationes exstat

ORATIO

DE LEGE AGRARIA Kal. Ian.

Deest principium

GELL. l. 12, c. 14] Praedam, manubias, sectionem,

gravius de Gabinio agere. Quem enim ex tantis inimicitiiis receptum in gratiam summo studio defenderam, hunc afflictum violare non debeo. Et ibid. non ita multo post: Mibi causa de-

fendendi Gabini fuit reconciliatio gratiae. Neque vero me poenitet, mortales inimicitias, immortales amicitias habere. PATR.

castra denique Cn. Pompeii, sedente imperatore, X viri vendent.

GELL. *ibid.*] ex praeda, ex manubiis, ex auro coronario.

AQV.] Veniet igitur sub praecone tota Propontis atque Hellespontus: addicetur communis ora Lyciorum atque Cilicum; Mysia et Phrygia item conditioni legique parebunt.

CARIS.] Imberba iuventute.

Cetera, in ea, quae exstat, in senatu habita.

ORATIO

IN L. PISONEM (1)

QVINT. *l.* 9, *c.* 4] Proh dii immortales! qui hic illuxit dies.

DIOMED. 2. *Serv.*] Quae te beluam ex utero, non hominem fudit.

ASCON.] Insuber quidam fuit, id est, mercator, et praeco: is quum Romam cum filia venisset, adolescentem nobilem Caesonium, hominis fortissimi filium, ausus est appellare; filiam collocavit.

QVINT. *lib.* 8, *cap.* 3] Quum tibi tota cognatio in sarraco advehatur.

(1) Orationem in Pisonem habuit Cicero ab eo lacessitus in senatu. Vnde Quintilianus *lib.* III, *c.* 9 dixit editum in *L. Pisonem* librum vituperationem continere, et tamen in senatu habitum esse loco sententiae. Sic. Huius orationis non habemus principium, desunt autem iode, ut ego ex Asconio colligere videor, versus plus minus ceotum. Haec lacys aliqua ex parte repleti poterit its quidem fragmentis, quae omnia ad initium pertinent. PATR.

Proh dii immortales) Quintilianus itemque Diomedes cum his verbis esse exorsum referuol. Quintilian. *lib.* IX, ita: *Versus fere exordunt, ut in principio statum orationis in L. Pisonem: Proh dii immortales, quis illuxit dies.* Diomedes *lib.* II a trimetro cum coepisse ait.

Quum tibi tota cognatio in Sarraco advehatur) Quintilian. *lib.* VIII, *c.* 3: *An quum dicit in Pisonem Cicero: quum tibi tota cognatio in Sarraco advehatur, incidisse videtur in sordi-*

DIOMED. I. 1] Proxime Pompeium sedebam.

LAMB. addit ex QVINT.] Caput opponis, cum eo coniscans.

EX COMMENTARIIS LIB. XIII.

DIOM.] Re vendita, iterum empta.

dum nomen, non eo contemptum hominis, quem destructum volebat, an-
xisse? Atque hoc ipsum est, quod et-
iam significavit Fortunatianus, quom
dixit: *Vulgaria verba, quibus utitur*
vulgus, ut M. Tullius et satracum et
ferem dicere non dubitavit. Hoc au-
tem verbo usus est etiam Sisenna li-
bro IV historiarum, teste Nannio: *Im-*
pedimenta, inquit, *collocant omnia,*
construunt curvos, et sarcina crebra
disponunt. Sic.

Proxime Pompeium sedebam) Dio-
medes lib. I ubi de praepositione agit,
haec citat ex Ciceronis orat. in Piso-
nem, quem ostendit, quon pacto praepo-
sitiones cum accusativo iungantur.

Cicero, inquit, in *Pisonem*, proxime
Pompeium sedebam. Idem autem citat
ibidem eundem Ciceronem in episto-
lia ad Atticum eandem praepositionem
prope cum dativum casu coniun-
gentem. Quo in loco, etsi verba non
referat, nihil tamen dubium est, quia
sint illa ex epistola lib. I: *Proximus*
Pompeio sedebam. Infra autem quae
verba adducit pro exemplis propius
grammatico accessi, sunt Corneli N-
patis de viris illustribus. PATR.

Caput — coniscans) Hoc fragmen-
tum offertur a Quintiliano Inst. orat.
VIII, 3, 21. De verbo coniscans vid.
Ind. Latinitatis h. v. SCH.

DE ORATIONIBVS CICERONIS DEPERDITIS

PATRICH adnotatio.

Orationes Ciceronis, praeter eas
quidem quae vulgatis libris continen-
tor, has fuisse reperiri:

PRO TULLIO
PRO VARENIO
QVIR LILYBAEO DECEDERET
PRO OPPIDIO
PRO MANILIO
PRO FURNANIO
PRO C. CORNELIO, quae duae sunt
IN COMPETITORES
PRO GALLIO
DE L. ORNONE

DE PROSCRIPTORVM LIBRIS

METELLINA
DE SVB CONSVLATV
IN CLAVDIVM ET CERVIVM
DE REGE PROLEMARO
PRO VATINIO
PRO SCAVRIO
PRO GABINIO

quae quidem singulae non solum
titulis et inscriptionibus, sed etiam
fragmentis ipsis notae sunt. Praeter
eas autem sunt illae quoque

PRO CORVINIO

IN DEPENDENDA PROVINCIA

DE BESTIA

IN GABINIVM

PRO CISPO

PRO Q. MYCIO

de lege agraria brevis, et si quae sunt eiusmodi aliae. Et orationis quidem pro L. Corvino mentionem apertam facere videtur Q. Cicero frater Marci, in libro de petitione consulatus: *Hoc biennio*, inquit, *quatuor sollicitos civium ad ambitionem gratiosissimorum tibi obliganti. M. Fundanii, Q. Gallii, Cn. Corneli, L. Corvini; et horum in causis ad te deferendis quidnam eorum adulescentes receperint et confirmarent sibi; nam interfui.* Quo quidem ex loco tempus etiam constat habitae eius pro Corvino orationis. Habita est enim illo biennio ante consulatum M. Ciceronis. *De oratione in deponenda provincia* locus ille notissimus testatur Epist. ad Att. II, 1, qui consulares orationes recitat, ubi haec quoque inter ceteras numeratur. Res ita habet. Cicero et Antonius Cons. quam provincias sortiti esset, Ciceroni Macedonia, Gallia Antonio evenit; postea in gratiam Antonii Macedoniam illi concessit Cicero, Galliam recepta; in quam tamen et ipsi profectus non fuit, sed Metellum Celerem misit eum imperio. Testatur Dio lib. XXXVII, de qua re exstat etiam quiddam sub initium epist. 2, lib. V, ad Famil. Sallustius in coniuratione Catilinae de eadem re ita habet: *Cicero*, inquit, *colleganti suum Antonium pacione provinciae perpulit ne contra rempubl. sentiret.* Vnde ipse quoque Cicero in orat. in L. Pisonem cap. 2, *Ego*, inquit, *provinciam Galliam, senatus auctoritate, exeroitu et pecunia instructam et ornatum quem cum Antonio commutavi, quod ito existimabam tempora rempubl. ferre, in con-*

cione deponi, reclamante populo romano. De L. Bestio orationeque de ea habita sic scribit Tacitus lib. de oratoribus. *Natis constat C. Cornelium et M. Sumanum et T. Milonem, et L. Bestium et P. Vatinius concursu totius civitatis et accusatis esse et defensos.* Cicero etiam ipse Epist. ad Q. fratrem II, sic: *Ad d. III. Lili dixi pro Bestio de oribus apud praetorem Cn. Domitium in foro media, maximo conventu.* Intelligendum est autem fortassis Bestia is qui Cos. Cicerone tribunatum pl. gessit; et qui, ut scribit Sallustius in Catil. queri in concione de actionibus Ciceronis bellicae gravissimi invidiam optinuit Cos. imponere ausus est. De quo etiam Brutus in epistula ad Atticum loquitur, quae est in libro epistolarum ad Brutum. Illa quidem oratio fuit habita Marcellino et Philippo eos. Effectum utrum non fuisse consecutum, ostendit Cicero Philipp. XI, 5. Quo ex loco intelligi etiam potest de ambitu illum fuisse accusatum. *Quid Bestiam? qui se consulatum in Bruti locum petere profectus. Atque hoc quidem detestabile omen avertat Iupiter. Quam absurdum autem, qui praetor fieri non potuerit, eum praeter consulatum? nisi forte damnationem pro praetura putat.* — In Gabiniū autem quoque scriptum fuisse a Cicerone orationem Quintilianus aperte testatur lib. XI, cap. 1, sic scribens: *Dixit Cicero pro Gabinio et P. Vatino inimicissimis contra ubi hominibus, et in quos, inquit, orationem etiam scripserot.* Nam Divinis locus lib. XXXIX ad eam rem demonstrandum passim fieri videtur, qui accusatum tantum a Cicerone fuisse Gabiniū scribit, orationem conscriptam fuisse non scribit. Multo notem minus locus Lactantii cap. 18, lib. IV, qui in nonnullis exemplaribus mendosissi-

me *crucem Gabinianam* pro *Gavianam* habet. Respicere enim locus debet ad *Verris* factum crudele, qui *P. Gavius* non *Gabinium* eruci afflixerat. De quo vide orat. V in *Verr.* cap. 61. Orationis pro *Cispio* meminit ipse *Cicero* in or. pro *Plancio*: sic *laterensem* alloquens: *Atque etiam clamitas Laterensis. Quomodo ista dicis? nihil in Cispio profecisti, absolutae iam sunt preces tuae. De Cispio mihi ne tu obicies, quem ego de me bene meritum, quia te teste cognoveram, te eodem auctore defendi? et ei dicis Quousque; quem negas, quod pro Cispio contenderit, impetrare potuisse? Nam istius verbi Quousque haec poterat esse invidia: datus est tibi ille; condonatus ille, non facis finem; ferre non possumus. Et quidem qui pro uno laboravit, et ipsum id non obtinuerit dici Quousque, iridentis magis est, quam reprehendentis. Nisi forte ego unus ita me gessi in iudiciis, ita et cum his et inter hos vixi, is in causis patronus, is in republica civis et sum et semper fui, solus ut a te constituer, qui nihil a iudicibus debeam unquam impetrare. Et mihi lacrymulam *Cispiani* iudicii obiectas. Sic enim dixisti: Vidi ego tuam lacrymulam. Vide quam me verbi tui poeniteat. Non modo lacrymulam, sed multas lacrymas, et fletum cum singulis videre potuisti. An ego, qui meorum lacrymas, me absente commotus, similitates quas mecum habebat deposuisset, meaeque salutis non modo non oppugnetor (ut inimici mei putarant), sed etiam defensor fuisset, huius in periculo non dolorem meum significarem? Ex hoc loco intelligitur, *Cispium* a *Cicerone* cum contentione defensum, cuius tamen absolutum non fuisse. Pro *Q. Mucio* etiam illum dixisse constat ex fragmentis orationis in toga candida. Accusatus nimi-*

rum is erat furti a *L. Calpurnio*. De brevi una quae de lege, quoque fuit agraria sic ipse eodem illo iam nominato loco, l. II ad Att. *Sunt praeterea dunt breves quasi ἀποσπασματικῆς legis agrariae*. Exstat autem una, alteram desideramus. Defensos autem et accusatos esse complures alios a *M. Cicerone* sunt, quae testentur, tum ipsius, tum scriptorum aliorum monumenta, in primis quod ipse in Oratore ad *Bentoni* de se proficitur: *Nemo orator tam multa ne in Graeco quidem otio scripsit, quam multa sunt nostra*. Defendit enim praeter ceteros *Antonium*, collegam suum, quod ipse fatetur in orat. pro domo. Defendit etiam *C. Pisonem* consularem, ut ait in orat. pro *Flacco* cap. 39, ubi et *A. Thermum* bis a se eodem anno defensum esse narrat. Defendit et *C. Mutium* uti meminit *Verr. c. 53*, et *Caesarem Vopiscum*, uti scriptum exstat *Philipp. XI, 9*. Egit et *Reatinorum* causam contra *Interamnes* apud consulem *Appianum* et decem legatos. Defendit idem *Messium* et eodem tempore *Drusum* lib. IV ad Att. ep. 15. Et item *Titiniam Cottae Brut. 60*, et *Scamandrum Cluent. 17*, et *Atratinum Cael. 1*, et *Ascitium Cael. 10*. Defendit item *Saupeium* bis primum lege *Pompeia*, mox *Plautia* de vi, ut *Asconius* in *Milonianum*; et *Popillium Laenatem*, a quo post occisus est, ut *Seneca* in declamationibus et alii scribunt. Et mulierem *Arctisiam* apud decemviros, ut ex oratione pro *Caecina* patet. Pugnauit etiam pro *Cnecio* in senatu, ut constat ex lib. I ad *Fam. epist.* et ex lib. V ep. Defendit praeterea *Dolabellam* et *Acilium* ambobus bis capitis accusatos, lib. III, ad *Fam. ep. 10*, et lib. VII, ep. et *Canninum Gallum* lib. III, ep. 8.

M. TVLLII CICERONIS

QVAE


VVLGO FERVNTVR

A D M. B R V T V M

ET

M. BRVTI AD CICERONEM

EPISTOLAE



DE CICERONIS

QVAE VVLGO FERVNTVR

A D M. B R V T V M

ET M. BRVTI AD CICERONEM

EPISTOLIS

PROLEGOMENA

Ciceronis ad M. Brutum olim exstiterant epistolae octo libris comprehensae; iude ab anno fere V. C. 702 quo Cicero proconsule in Ciliciam profectus est usque ad M. Bruti discessum in Graeciam A. V. 709 scriptae. Ex his quinque, incertum quo casu, interiectae sunt epistolarum, quae vulgo ad Familiares vocantur, libris XVI ubi nunc leguntur libri XIII 10-14, scriptae A. V. C. 707 ad Brutum Cisalpinæ Galliae praefectum. Ex illa autem συλλογή fragmenta quaedam supersunt apud Quintilianum et Nonium Marcellum grammaticum. Ex illis unum occurrit institut. Orat. III 8, ubi Quintilianus: « Poterat, inquit, me liberare M. Cicero, qui ita scribit ad M. Brutum: *Propositis plurimis quae honeste suaderi Caesari possent, sinne bonus vir, si haec suadeam? Minime. Suasoris enim finis est utilitas eius, cui quisque suadet. At recta sunt. Quis uergat? Sed non est semper rectis in suadendo locus.* Hoc fragmentum Spaldingius putabat de Caesare Octaviano intelligendum esse. In quo ei non assentior. Cicero enim vivo C. Iulio Caesare ab amicis quibusdam (postquam Catonem suum i. e. librum de laudibus Catonis Uticensis ediderat) excitatus erat, ut aliquid ad Caesarem de ordinanda republica scriberet. De eo libro s. epistola suasoria ad C. Iulium Caesarem haec occurrunt in epistolis ad Atticum XII 40: Συμβουλευτικὸν σαρπε conor; nihil reperiō; et quidem necum habeo et Ἀριστοτέλους et Θεοπόμπου πρό; Ἀλέξανδρον; sed quid simile? illi et quae ipsis honesta essent scribebant, et grata Alexandro. Ecquid tu eiusmodi reperis? Mihi

quidem nihil in mentem venit. XIII 27: De epistola ad Caesarem nobis vero semper rectissime placuit, ut isti (Caesariani qui Romae erant) ante legerent. Aliter enim fuissenus et in hos inofficiosi et in nosmet ipsos, si illum offensuri fuimus, paene periculosi. Isti autem ingenue, mihiue gratum, quod quid sentiunt non reticuerunt; illud vero vel optime, quod ita multa mutari volunt, ut mihi de integro scribendi causa non sit. Quamquam de Parthico bello, quid spectare debui, nisi quod illum velle arbitrabar? Quod enim aliud argumentum epistolae nostrae nisi *τολμήειν* fuit? An si ea quae optima putaram, suadere voluissem, oratio mihi defuisset? Totis igitur literis nihil opus est. Vbi enim *ἐπιτιμῆμα* magnum nullum fieri possit, *ἀντίτιμῆμα* vel non magnum, molestum futurum sit: quid opus est *παράκλησις*, praesertim quum illud occurrat, illum, quum antea nihil scriperim, existimaturum, me, nisi toto bello confecto, nihil scripturum fuisse. Atque etiam vercor, ne putet me hoc quasi Catonis *μυδῆμα* esse voluisse. Quid quaeris? valde me poenitebat. Nec mihi in hac quidem re quidquam magis, ut vellem, accidere potuit, quam quod *σπουδὴ* nostra non est probata. Incidissenus etiam in illos (Caesarianos), in eis in cognatum tuum (Q. Ciceronem filium; ibid III 28). De epistola ad Caesarem iurato mihi crede: non possum; nec uic turpitudine deterret, etsi maxime debebat. Quam enim turpis est assentitio, quum vivere ipsum turpe sit nobis? Sed, ut coepi, non me hoc turpe deterret; ac vellem quidem (essem enim, qui esse debebam), sed in mentem nihil venit. Nam quae sunt ad Alexandrum hominum eloquentium et doctorum suasionem, vides, quibus in rebus verentur. Adolescentem, incensum cupiditate verissime gloriae, cupientem sibi aliquod consilii dari, quod ad laudem sempiternam valeret, cohortantur. Ad decus non deest oratio. Ego quid possum? Tamen nescio quid e quercu exculperam, quod videretur simile simulacri. In eo, quia nonnulla erant paulo meliora, quam ea, quae fiunt, et facta sunt, reprehenduntur; quod me nunquam poenitet. Si enim pervenissent istae literae, mihi crede, nos poeniteret. Quid? tu non vides ipsum illum Aristoteli discipulum, summo ingenio, summa modestia, postea quam rex appellatus sit, superbum, crudelem, immoderatum fuisse? Quid? tu hunc de pompa, Quirini contubernalem, his nostris moderatis epistolis lactaturum putas? Ille vero potius non scripta desideret, quam scripta non probet! Postremo, ut vult. Abiit illud, quod tum me stimulabat, (quum

Catonis laudem aggrediebar verentem ne mortis periculum subirem) πρόσθεν Ἀρχιμάδων. Multo mehercule magis nunc opto casum illum, quem tum timebam, vel quem libebit. Denique XIII 31: De epistola ad Caesarem ἀντίκτα. Atque id ipsum, quod isti aiunt illum scribere, se, nisi constitutis rebus, non iturum in Parthos, idem ego suadebam in illa epistola; sin, utrum liberet, facere posse, auctore me. Hoc enim ille expectat videlicet, neque est facturus quidquam, nisi de meo consilio. Obsecro, abiciamus ista, et semiliberi saltem simus, quod assequemur et docendo et latendo. Ex his locis, ut obiter hoc monem, magnum robur accedit sententiae eorum, qui Wolfium de oratione pro Marcello sequuntur. Tantum enim Cicero abhoruit a scribendo eiusmodi libro, in quo nimium esset Caesari adulandum, ut scribere istam orationem haud potuerit, multum ab ea dignitate quam in oratione pro Ligario servavit, discrepantem. Aliud fragmentum ex istis octo ad Brutum epistolarum libris est apud Quintilianum V 10: *Veritus fortasse, ne nos in Catonem nostrum transferamus illinc mali aliquid: etsi argumentum simile non erat*; quod ostendit illam epistolam scriptam fuisse A. V. 707, quo Cicero librum in laudem Catonis aggressus erat scribere.

Iam ipsas Ciceronis ad Brutum et Bruti ad Ciceronem, quae vulgo feruntur, epistolas breviter recensere, quarum αὐθεντίας Tunstallus et post eum Marklandus in dubium vocarunt.

LIBRI I EPISTOLA I

In hac epistola Bruto commendatur L. Clodius quidam, vel (ut alii volunt) C. Clodius tribunus plebis designatus (nempe, ut videtur, a Caesare, qui paulo ante interitum in aliquot annos magistratus designaverat). Iam Tunstallus quidem Middletoni argumentis, quibus illam epistolam non potuisse ab alio confingi conatus erat evincere, satis bene respondet (*Observations* p. 359 sqq.); non autem ὁδὸς certa insignia attulit; ideoque Marklandus (*Remarks* p. 15 sqq.) primam hanc epistolam nihil habere ostendit, quod non potnerit a Cicerone scribi; putatque eam ex libro octavo genuinarum ad Brutum epistolarum fortasse decerptam, ceterisque spuris fraudis tegendae causa praepositam esse. Neque vero ipse iuvenio aliquid eiusmodi, quod hanc epistolam Ciceroni abinducandam esse certo persuadeat; nec impedio, quo minus ille L. Clodius idem esse existimetur qui fuerat Ciceroni praefectus fabrum (ad Fam. III 4).

Cic. Op. Tom. VIII

Qq

EPISTOLA II.

Hæc epistola statim in principio se appendicem alterius iam scriptæ et obsignatæ profitetur. Nec quidquam impedit, quo minus arbitremur eam proxime cum prima coniunctam esse. Tunstallus (*observations* p. 236) indicium *ᾠδῆς* sibi videtur invenisse, in hoc epistolæ loco: *Quod scribis de seditione, quæ facta est in legione quarta*. Intelligitur scil. seditio inter milites Bruti clandestinis C. Antonii (cui captivo Brutus perpererat) consiliis exorta, cuius Plutarchus in Bruto c. 26 et Dio Cassius lib. XLVII mentionem faciunt. In quo Tunstallum offendit legionem *quartam* nominari, quam certum est non in Bruti exercitu, sed in Italia militasse. Or. Philipp. V 19. Deinde hæc epistola data est XIV Kal. Maias; et tamen scribit auctor ad Brutum: *tuum consilium vehementer laudo, quod non prius exercitum Apollonia Dyrrhachioque movisti, quam de Antonii fuga audisti, (Decimi) Bruti eruptione* (ex Mutina, quam M. Antonius obsessam tenebat), *populi Romani victoria*. Atqui Antonius ad Mutinam superatus est a. d. XVII. Kal. Maias: et aliquot diebus post nuntii de hac victoria Romam venerunt. Quo modo igitur Cicero XIV Kal. Mai. ita scribere potuisset ad Brutum, quasi is e Macedonia iam de hac victoria se audisse ad Ciceronem scripsisset? Itaque hanc epistolam supposititiam esse facile patet, et si ponamus, eam primæ huius libri appendicem, sive statim ea scripta et obsignata exaratam esse, illam quoque primam, etiamsi alia *ᾠδῆς* indicia nulla sint, ab auctore secundæ scriptam esse, statuimus necesse est.

EPISTOLA III.

In hæc epistola, primum hoc offendit, quod ea data esse dicitur X Kal. Maias i. e. pridie Vinalia, quo die Cicero habuit in senatu orationem Philippicam decimanquartam, ut vix eodem die ad Brutum scripsisse videatur. Deinde initium: *nostræ res meliore loco videbantur* frigidius est, quam pro illis rebus fortiter et feliciter apud Mutinam gestis. Deinde quod scribit auctor epistolæ: *Consules duos, bonos quidem, sed dumtaxat bonos amisimus*, hoc profecto prorsus repugnat laudibus, quas Cicero ipse in Philippica XIV his consulibus tribuit. Quid enim ista verba *sed dumtaxat bonos* aliud significare possunt, nisi horum consulum bonam quidem voluntatem, bonum animum, sed fortitudinem, prudentiam, fortunam isti voluntati

haud parem fuisse? Leviora sunt quae Tunstallus et Marklandus reprehenderunt, quod Pansa fugisse dicatur, qui vulneribus acceptis e proelio elatus est; quod in Scto ubi dicitur: « Hostes autem omnes iudicati qui Antonii sectam sequuti sunt » vocabulum *sectae* usurpatum dicatur.

EPISTOLA IV.

Hanc epistolam Brutus dicitur dedisse Idibus Maiis ex castris. Eo tempore autem Romae de Octaviano nondum ulla erat suspicio, eam ad consulatum petendum animum adiacere. Tamen in illa epistola personatus Brutus sic scribit: *Itaque timeo de consulatu, ne Caesar tuus altius se adseendisse putet decretis tuis, quam inde si consul factus sit descensurum.* Neque vero nuntius de victoria apud Mutinam et de liberato Decimo Bruto tam celeriter potuit ad M. Brutum pervenire, ut iam Idibus Maiis de his rebus posset ad Ciceronem rescribere. Vtrumque a Tunstallo contra Middletonum recte monitum est. (*observations* p. 231 sqq. p. 257 sqq.). Accedit illud, quod extrema epistola Brutus scribit: *His literis scriptis te consulem factum audivimus;* quem tamen rumorem non nisi post duorum consulum Iulii et Pansae mortem dissipatum esse constat, ut vix iam de eo Brutus Idibus Maiis aliquid inaudire posset. Marklandus in hac epistola nonnulla sibi deprehendere visus est, quae ab usu loquendi illius aetatis discrepent; e. c. in verbis: *quasi non liceat ad mala consilia corruptum largitionibus animum;* reprehendit (p. 55 sqq.) *largitionibus* pro *bonorum largitionibus*, et liceat pro *possit* usurpari. Quibus tamen argumentis equidem haud multum tribuerim; praesertim quoniam de Bruti scribendi genere e veris eius libris nihil nobis constat.

EPISTOLA V.

Haec epistola a Cicerone ad Brutum data esse fertur III Nonas Maias, in eaque scribit a. d. V Kal. Maias, quoniam de iis, qui hostes iudicati essent, bello persequendis sententiae dicerentur, dixisse Servilium etiam de Ventidio, et ut Cassius persequeretur Dolabellam; Ciceronem ei assensum esse, et hoc amplius decrevisse, ut si Brutus arbitraretur utile eque republica esse, persequeretur bello Dolabellam: si minus id commodu republicae facere posset, sive non existimaret e republica esse, ut in iisdem locis exercitum contineret. Et paulo post scri-

bit idem sibi iam ante Mutinam obsidione liberatam placuisse. Et hoc quidem Tunstallus demonstrat veritati rei gestae repugnare. Sane ex philippica XI, c. 11 sqq. constat Ciceronem censuisse, ut Cassio bellum adversus Dolabellam terra marique gerendum decerneretur. Praeterea, ubi Cicero de filio suo in collegium pontificum minorum cooptando scribit, his verbis utitur: *Est etiam in lege Julia, quae lex est de sacerdotiis proxima, his verbis, Qui petit, cuiusve ratio habebitur; aperte indicat posse rationem haberi etiam non praesentis.* Tunstallus, quia nusquam alio loco mentio fiat huius legis Iuliae de sacerdotiis, suspicatur auctorem huius epistolae lapsum esse errore quodam, quod ex narratione de litibus de Caesaris absentis in consulatu petendo ratione habenda in senatu agitatae hanc legem Iuliam de Sacerdotiis confixerit. Marklandus (p. 69) etiam hoc addit, totum hoc, *qui petit, cuiusve ratio habebitur* perplexe et inepte enuntiatum esse; scribendum enim potius hoc modo fuisse: *Istud etiam in lege Julia, quae est de sacerdotiis proxima, his verbis CUIUSVE ABSENTIS RATIO HABEBITUR, aperte indicat posse rationem haberi filii mei.*

EPISTOLA VI.

In hac epistola, quae a Bruto XVII Kal. Iun. ex castris prope Candaviam data esse fertur, nihil offendimus, quod eius auctoritati repugnet. Quod scribit, Glauconam medicum Pansae in suspiciouem venisse Torquato de morte Pansae, custodiri que ut parricidam, id cum Suetonii narratione convenit, qui in Aug. c. 11: *Pansae quidem, inquit, adeo suspecta mors fuit, ut Glyco medicus custoditus sit, quasi venenum vulneri indidisset.* Verum nomen tamen medici esse arbitramur quod apud Suetonium legitur, quod in illa epistola facile potuit in Glauconam a librariis corrumpi.

EPISTOLA VII.

Haec epistola brevior est, quam ut certi aliquid de eius auctoritate statui possit. Marklandum quidem offendit locutio: *In Pansae locum petere constituit*, quod non additur, quem honorem petere voluerit. Sane id h. l. addendum fuisset, propterea quod Pansa et consul et pontifex minor fuerat, h. l. autem de loco pontificis minoris agitur. Sub finem epistolae Brutes scri-

bit: *Sed Apuleius in sua epistola celebrabitur*; quod insolenter dictum esse idem Marklandus monuit.

EPISTOLA VIII.

In hac epistola Ciceronis ad Brutum, qua Nasennium Bruto commendat, Marklandus fatetur, se nihil quod Ciceronis stilo indignum sit, invenisse, nisi forte id quod dicitur *vellet per te aliquid auctoritatis assumere*.

EPISTOLA IX.

Epistola haec a Cicerone scripta esse fertur, Bruti consolandi causa. Incertum vero est, quae causa fuerit Bruto luctus vel doloris. Verba ista: *quamobrem accepisti tu quidem dolorem (id enim amisisti cui simile in terris nihil fuit)* Middletonus de Porcia Bruti uxore accepit. Illam vero Bruto supervixisse, eoque mortuo sibi mortem conscivisse traditur. Nec de alio quodam luctu, ut de obitu Serviliae matris quae tum nondum decesserat, intelligi potest. Sed tota epistola videtur a declamatore quodam ficta. Nam quod hic Cicero scripsisse fingitur ad Brutum: *Quam enim mollius tibi ferre viderer, quam deceret virum, praesertim cum, qui alios consolari solet, accusasti me per literas gravioribus verbis, quam tua consuetudo ferebat*; id prorsus repugnat, quod vidit Tunstallus, epistolae 13 ad Att. lib. XII ubi Cicero scribit: *Bruti literae scriptae et prudenter et amice, multas mihi tamen lacrymas attulerunt*.

EPISTOLA X.

In hac epistola hoc offendit, quod Caesar Octavianus dicitur quorundam improbissimis literis fallacibusque interpretibus ac nuntiis impulsus esse in certissimam spem consulatus, quod simul atque senserit, neque se illum absente literis monere destitisse, neque accusare praesentes eius necessarios, qui eius cupiditati suffragari viderentur; nec in senatu sceleratissimorum consiliorum fontes aperire dubitasse. Verum hoc nec cum Plutarchi narratione, nec cum Appiani III 82 conciliari potest: Cicero enim videtur potius ab Octaviano, cui ipse iam alios honores extra ordinem sat multos sententia sua decreverat, falsa spe illectus fuisse consulatus una cum Octaviano gerendi, ut eius ambitioni faveret potius, quam fortiter resisteret. Ceterum Marklandus in hac epistola reprehendit locutionem *quatefecit*

Antonium ; itemque haec : sed ita multi labefactant, ut, ne moveatur, interdum extimescam. Imitatorum Ciceronis prodere videtur haec sententia : huius belli fortuna ut in secundis fluxa, ut in adversis bona. Cicero enim olim, statim post reditum ab exsilio, ad Atticum scripserat lib. IV, ep. 1: Ita sunt res nostrae; ut in secundis fluxae, ut in adversis bonae.

EPISTOLA XI.

In hac epistola Brutus Veterem Antistium Ciceroni commendat, et ut eum in petitione praeturae potissimum adiuvet, rogat. Vbi Tunstallum offendit hoc quod ita scribitur : *Huic persuadere coepimus, ut imperator in castris remaneret, remque publicam defenderet. Statuit eundem sibi, quoniam exercitum dimisisset, statim vero rediturum ad nos confirmavit, legatione suscepta, nisi praetorum comitia habituri essent consules.* Brutus enim, qui tum iam de Pansae et Hirtii morte nuntium acceperat, scribere non poterat, consules praetoria comitia habiturum. In eodem loco Marklando iure displicebat illud : *huic persuadere coepimus ;* debebat esse *persuasinus*, vel *persuadere studuimus*. Et *suadere coepimus* latine dicitur : *persuadere coepimus* et ineptum est, et inauditum.

EPISTOLA XII.

Haece epistola, si modo constaret undecimam, quae Bruto tribuitur, genuinam esse nihil magnopere haberet quod offenderet. Sed quum auctor hic respondeat Bruti epistolae, quae est huius libri undecima, illius *ad Brutum* una cum undecimae auctoritate concidat necesse est. Attamen in eo Marklandus vitium reperit, quod scribitur de Lepido : *repente non solum recepit reliquias hostium, sed bellum acerrimum TERRA MARIQUE gerit ;* quod praefecto Cicero scribere haud potuit, qui Lepidum nec naves nec milites classarios habere haud ignorabat. Ceterum huius epistolae argumentum satis et superioribus, et vero etiam epistolae ad Decimum Brutum XIV Kal. Quintil. scriptae (ad Fam. XI 25) convenit. In hac enim sic scribit Cicero : *De Bruto autem nihil adhuc certi ; quem ego, quemadmodum praecipis, privatis literis ad bellum commune vocare non desino : qui utinam iam adesset, intentinum urbis malum, quod est non medioere, minus timeremus.*

EPISTOLA XIII.

Si haec Bruti epistola scripta esset post acceptam a Cicerone eam, quae est huius libri duodecima, argumentum satis ei conveniret. Ibi enim Cicero scripserat, se non potuisse de liberis Lepidi precibus matris Bruti, et sororis concedere, ut iis misericordia impertiretur. Itaque mirandum non esset Brutum stomachosius ita scripsisse: *Aliter alii cum suis vivunt; nihil ego possum in sororis meae liberis facere, quo possit expleri voluntas mea aut officium. Quid vero aut mihi tribuere boni possunt, si modo digni sumus, quibus aliquid tribuatur, aut ego matri ac sorori puerisque illis praestaturus sum, si nihil valuerit apud te reliquumque senatum contra patrem Lepidum Brutus avunculus. Scribere multa ad te neque possum prae sollicitudine ac STOMACHO neque debeo. At quum haec scripta dicatur Kalend. Quintil. e castris, et pridie Kal. Quintiles hostis iudicatus sit Lepidus, quid de eo decretum esset, nondum rescire poterat Brutus ipsis Kalendis Quintilibus; ideoque intempestivum fuisset tam acerbe et stomachose misericordiam erga Lepidi liberos flagitare.*

EPISTOLA XIV.

In hac Ciceronis epistola ad Brutum, quae data esse dicitur II Idus i. e. prid. Idus Quintiles, statim hoc offendit, quod Cicero graviter, ne dicam rusticius increpat Brutum ob brevitatem epistolae ab eo scriptae. Deinde Tunstallus hoc argumento utitur ad *vanité* huius epistolae demonstrandam, quod Cicero perhibetur aliquoties ad filium scripsisse *sacerdotum comitia sua summa contentione in alterum annum esse reiecta*, qua contentione nihil opus fuisset, si verum esset id, quod epistula V de mora his comitiis propter auspicia iniecta scripserat.

EPISTOLA XV.

Tota haec epistola Ciceroni tributa continetur rerum a se inde a Caesaris interitu gestarum narratione; quarum maxima pars dudum erat Bruto notissima, ut profecto Cicero, nisi ineptus et molestus esse vellet, ista scribere non posset. Pluscula etiam in ea occurrunt, quae Cicero vel omisisset, vel aliter scripsisset. Ut hoc ntar, Messalla dicitur multa arte se exercuisse in verissimo genere dicendi. Sic Ciceronem ad Brutum scripsisse Marklando visum est incredibile, quod Brutum Cicero

ipse scripsit non probasse ea, quae in Oratore de optimo dicendi genere disseruerat. Idem animadvertit, hunc locum : *ut Solonis dictum usurpem, qui et sapientissimus fuit ex septem, et legum scriptor solus ex septem*, repugnare Ciceronis sententiae alibi consignatae; diserte enim Lib. II de legibus c. 11 ita scripsisse: *Thales qui sapientissimus inter septem fuit*; et Acad. II 37: *Thales, unus e septem, cui sex reliquos primas concessisse ferunt*. Solonem quidem sapientissimum civitatis Atheniensium a Cicerone dictum, nunquam vero sapientissimum ex illis septem sapientibus Graeciae.

EPISTOLA XVI.

Hanc epistolam, qua Brutus Ciceronem obiurgat, quod nimium Octavio tribuat, et *non dominum* (Antoniam) *fugisse, sed amiciorum dominum* (Octavium) *quaesisse* videatur, Tunstallus a rhetore quodam confictam putat secundum hanc Plutarchi narrationem Brut. c. 22: *Ἐπὶ δὲ Καίῳ τῷ πρὸς Ἀντώνιον μίση τὰ Καίσαρος (Octaviani) ἔπραττε, τοῦτε μὲν ὁ Βροῦτος ἐπέπληττεν ἰσχυρῶς, γράφων, ὡς οὐ διασπότην βεβούλευτο Καίῳ, ἀλλὰ μισοῦντα διασπότην φοβοῖτο, καὶ πολιτεύοντα δουλείας αἰροῦντι φιλονθρώπου, γράρων καὶ λόγων, ὡς χρηστός ἐστὶ Καίσαρ. Οἱ δὲ πρόγονοι, φασὶν, ἡμῶν οὐδὲ πρῶτος διασπότης ὑπέμεινον. Αὐτῷ δ' εἰς τοῦτο καιροῦ μᾶτε πολεμεῖν βιβλῆως δεδῶχθαι, μᾶτε ἡσυχάζειν· ἀλλ' ἐν μόνον εἶναι βεβούλευμένον, τὸ μὲ δουλεύειν. Θαυμάζειν δὲ Καίῳ, τί πολεμον μὲν ἱμῶν καὶ κινδυνώδη δέδοικεν, αἰσχρὰν δὲ καὶ ἄδοξον εἰρήνην μὲ φοβεῖται· τοῦ δ' Ἀντωνίου ἐκβαλεῖν τῆς τυραννίδος μισθὸν αἰτᾷ τὸ Καίσαρα καταστῆσαι τύραννον*. Ex his igitur Plutarchi verbis Tunstallus opinatur, rhetorem illam epistolam Bruti exsculpuisse; in qua hoc potissimum νοθεῖς indicium sibi reperisse visus est, quod Plutarchus diserte dicat ista Brutum ad Ciceronem scripsisse antequam Italia excederet; ficta autem haec epistola satis prodatur ex Macedonia scriptam esse. Iam Brutus autumnō A. V. C. 709 Italiam reliquit. Eo tempore vero Cicero nondum Octaviano tantum tribuerat, ut Brutus eum tam graviter obiurgare posset. Quum enim Octavianus Neapolim venisset XIV Kal. Maii A. 709, Cicero eum Puteolis vidit. Quo de congressu ad Atticum (XIV 12) ita scribit: *Nobiscum hic perhonorifice et amice Octavius, quem quidem sui Caesarem salutabant; Philippus non; itaque ne nos quidem: quem nego posse bonum civem; ita multi circumstant, qui quidem nostris mortem minitantur. Negant haec ferri posse. Quid censes, quum Romam puer venerit, ubi nostri liberatores tuti esse non possunt? qui quidem*

semper erunt elari; conseientia vero faeti sui etiam beati. Sed nos, nisi me fallit, iacebinus. Immo etiam circa Non. Nov. (ad Att. XVI 9) scribit se non confidere Octavii aetati; etsi ille professus erat se Ciceronis consilio usurum. Eodem modo se de Octavio sentire significat in epistola ad Atticum (XVI 15) exeunte Novembr. A. 709 scripta. Quare Plutarchus erravit, quum isto modo Ciceronem a Bruto obiurgatum esse putavit, antequam ex Italia discederet, ac fortasse hac ipsa epistola, licet adulterina, in errorem inductus est, quam genuinam esse credidit.

Ceterum quod Marklandus in hac epistola reprehendit locutiones *ob eiusdem mortem deterritus* (quum scribendum fuisset *morte deterritus*) — *sed nihil tanti fuit quo venderemus fidem nostram et libertatem* pro: *nihil tanti fuit ut venderemus* — *nihil quo expleri possit eorum meritum*, in quo verbum *explere* inepta remunerandi significatione positum sit — *Octavius is est, qui, quid de nobis iudicaturus sit, expectet populus Romanus*, quum scribendum fuisset *a quo, quid de nobis iudicaturus sit, expectet P. R.* — porro in praesentibus malis *prohibendis* ubi inepte et insolenter de praesentibus ponatur verbum *prohibere*; haec igitur reprehensiones, etsi singulae leviores possunt videri, tamen in summam coactae, praesertim quum facile aliis similibus augeri possint, eo valent, ut istam epistolam Bruti nomini falso subiectam esse nobis persuadeamus. Idem vero de

EPISTOLA XVII

quae a Bruto ad Atticum scripta esse fertur, existimandum est. Quis enim credat Ciceronem unquam Cascae male dixisse, quod inter Caesaris interfectores fuerit? Atqui hoc Brutus in ista epistola his verbis obiicit Ciceroni: *Neseio quid scribam tibi, nisi unum: pueri et cupiditatem et licentiam potius esse irritatam, quam repressam a Cicerone, tantumque cum tribuere huic indulgentiae, ut se maledictis non abstineat, iis quidem, quae in ipsum dupliciter recidunt; quod et plures occidit uno, seque prius oportet fateatur sicarium, quam obiciat Cascae, quod obiicit; in quo simul hoc ineptissimum est, quod Caesaris caedes cum supplicio coniuratorum Catilinae comparatur. Ceterum definire non ausim an Plutarchus, quum in vita Ciceronis ita scribit: ἐν ᾗ σφόδρα Βρούτος ἀγανακτῶν ἐν ταῖς πρὸς Ἀττικὸν ἐπιστολαῖς καθόκητο τοῦ Κικέρωνος, ὅτι δὲ πῶς Ἀντωνίου διαπρατίνων τὸν Καίσαρα δηλῶς*

ἔστιν οὖν δευτέρῳ τῇ πατρίδι πράττων, ἀλλὰ δευτέρῳ γὰρ ἀνθρώπου αὐτῇ μνησθέντος, ad hanc epistolam respexerit. Ultima saltem verba magis conveniunt istis, ex epist. 16, ubi Cicronem sic affatur personatus ille Brutus: *Nam si Octavius tibi placet, a quo de nostra salute petendum sit, non dominum fugisse, sed miriorem dominum quæsisse videberis.*

EPISTOLA XVIII.

Haec epistola, quam Cicero fertur ad Brutum scripsisse a. d. VI Kal. Sext. A. V. C. 710, inanem et putidam habet excusationem nimiae fiduciae in Octaviano positae. Nimirum in orat. Philipp. V, c. 18 temere magis et oratorie, quam verè et circumspecte dixerat: *Audebo etiam obliquè fidem meam, patres conscripti, vobis populoque romano; quod profecto, quum me nulla vis cogeret, facere non auderem, pertimesceremque in re maxima periculosam opinionem temeritatis: promitto, recipio, spondeo, patres conscripti, C. Caesarem talem semper fore eivem, qualis hodie sit, qualemque cum maxime esse velle et optare debemus.* Iam audiamus personatum Cicronem, Bruto se excusantem. *Maximo autem, quum haec scribebam, afficiebar dolore, quod quum me pro nilolasecululo ac pacis puero republicæ accepisset vadem (quidni potius scriberet: quum me reipublicae obtulissem vadem?), vix videbar, quod promiseram, praestare posse.* (At hoc VI Kal. Sextil. vix dubium esse poterat, Cicronem ab Octaviano illum ac deceptum esse). Est autem gravior et difficilior nūmi et sententiae, maximis praesertim in rebus pro altero, quam pecuniae obligatio. Haec enim solvi potest, et est rei familiaris iactura tolerabilis: reipublicae quod sponderis, quemadmodum solvas, nisi is dependi facile patitur, pro quo sponderis? Illic locus communis garrulo quodam declamatore, quam Cicrone dignior. Ineptam etiam formulam nisi is dependi facile patitur, pro eo quod dicere debebat: *nisi is promissis steterit, vel nisi is expectationi satisfecerit, iam Marklandus exagitavit* (p. 192). *Quamquam et hunc (ut spero) teneo multis repugnantibus. Videtur enim in eo esse indoles, sed flexibilis aetas, multique ad depravandum parati, qui splendore falsi honoris obiecto ncium boni ingenii praestringi posse confidunt.* (Talia de Octavio praedicari poterant anno superiore, aut certe ante aliquot menses. Mense Quintili autem A. V. C. 710 serum erat). Itaque ad reliquos hic quoque labor mihi accessit, ut omnes adhi-

beam machinas ad tenendum adolescentem, ne famam subeam temeritatis. Quamquam quae temeritas est? Magis enim illum pro quo sponendi, quam me obligavi. Quid vero hoc ineptius aut stultius excogitari potest? Cicero promiserat et sponderat Octavianum semper bonum civem fore. Octavianus nihil promiserat, sed fraude et simulatione hominibus illudebat. Et tamen Cicero diceret se illum magis, quam se ipsum obligasse?

LIBER SECVNDVS

QVI VVLGO INSCRIPTVS :

M. TVLLII CICERONIS AD M. BRVTVM EPISTOLAE
A GERMANIS REPERTAE ET EDITAE.

EPISTOLA I.

Haec epistola scripta esse fingitur A. V. 710, paulo ante Mutinam ab obsidione Antonii liberatam. Cicero (ad Fam. XII 6) mense Aprili ad Cassium scripserat: *Hec, quum haec scribebam, erat in extremum adducta discrimen. Brutus enim Mutinae vi iam sustinebat. Qui si conservatus erit, vicinus: sin (quod dii omen avertant), omnis omnium cursus erit ad vos. Cum prioribus verbis concinit initium huius epistolae primae lib. II ad M. Brutum: Quum haec scribebam, res existimabatur in extremum adducta discrimen: tristes enim de Bruto nostro litterae nuntiique afferebantur. Sed quae sequuntur putidam et odiosam habent Ciceronis de se ipso praedicationem. Marklandus (p. 116) animadvertit Ciceronem scripturum non fuisse infideliter aliquid suadere, sed potius mala fide. Et quam absurde hoc dictum est: Ex me autem illud est, quod te velim habere cognitum, meum quidem animum in acie esse; neque respectum ullum quaerere, nisi me utilitas civitatis forte converterit. Maiores autem partes animi te Cassiumque respiciunt. Itaque hanc quoque epistolam stilo potius alicuius declamatoris, quam Ciceronis exarata esse arbitrandum.*

EPIST. II.

In hac epistola, cuius extrema pars intercidit, personatus Cicero scribit sibi a. d. V Id. April. literas in senatu redditas esse de Cassio, de legionibus, de Syria; et tamen in epistola quinta lib. I ad Brutum scriptum erat: *De Cassii nostri copiis nihil sciebamus. Neque enim ab ipso ullae literae, neque nuntiabatur quidquam, quod pro certo haberemus.* Ex quo recte colligit Tunstallus auctorem huius epistolae suo se indicio prodidisse.

EPIST. III.

De fragmento huius epistolae, cuius principium interiit, nihil attinet dicere.

EPIST. IV.

Haec quoque epistola brevior est, quam ut certi aliquid de ea pronuntiari possit. Equidem nihil in ea reperio, quod manifestam habeat *notam*.

EPIST. V.

In hac Bruti epistola merito Tunstallum hoc offendit, quod scribit: *Duabus rebus egemus, Cicero, pecunia et supplemento; quum tamen in secunda epistola libri primi Cicero ad Brutum scripsisse dicatur: quinque autem cohortibus quid se nam facturum arbitratus est, quum tu eo quinque legiones, optimum equitatum, maxima auxilia haberes; et, quod maius est, verus auctor Cicero Philipp. X 11 ita in senatu dixerit: Quod idem in M. Bruto facere debetis, a quo insperatum et repentinum reipublicae praesidium legionum, equitatus, auxiliorumque magnae et firmae copiae comparatae sunt.*

EPIST. VI.

est responsio Ciceronis scilicet ad illam Bruti proxime antecedentem: quare si illa suspecta, aut supposititia est, idem de hac quoque ad illam relata est existimandum.

EPIST. VII.

In hac epistola locus est, quem Tunstallus negat conciliari posse cum certis aliorum testimoniis. Sic enim videmus perso-

natum Ciceronem ad Brutum scribere: *Dii inmortales! qui ille nuntius, quae illae literae, quae laetitia senatus, quae alacritas civitatis erat! Nihil unquam vidi, tam omnium consensione laudatum. Erat expectatio reliquiarum Antonii (scil. Caii, M. Antonii fratris) quem equitatu legionibusque magna ex parte spoliaras. Ea quoque habuit exitum optabilem. Nam tuae literae, quae recitatae in senatu sunt, et imperatoris consilium, et nullum virtutem, et industriam tuorum, in quibus Ciceronis mei, declarant. Quod si tuis placuisset de his literis referri, et nisi in tempus turbulentissimum post discessum Pansa consulis incidissent, honos quoque iustus et debitus diis immortalibus decretus esset. Tunstallus hanc narrationem repugnare dicit Dionis Cassii, Velleii Patereuli ipsiusque Ciceronis testimoniis. Sed in Ciceronis orat. Philippica X agitur de iis M. Bruti literis, quas Pansa consul in senatu recitavit, quibus ille de rebus suis gestis usque ad illud tempus, quo C. Antonius cum VII cohortibus Apolloniam se receperat, ad senatum retulerat. Earum rerum summa his verbis exponitur Philipp. X 6: *Cam VII cohortibus isse Apolloniam scribit Antonium, qui iam aut captus est (quod dii dent!) aut certe homo verecundus in Macedoniam non accedit, ne contra senatusconsultum fecisse videatur. Delectus habitus in Macedonia est summo Q. Hortensii studio et industria, cuius animum egregium, dignumque et ipso et maioribus eius ex Bruti literis perspicere potuistis. Legio, quam L. Piso ducebat legatus Antonii, Ciceroni se filio meo tradidit. Equitatus, qui in Syriam ducebatur bipertito, alter cum, a quo ducebatur, reliquit in Thessalia seseque ad Brutum contulit; alterum in Macedonia Cn. Donitius adolescens summa virtute et constantia ab legato Syriaco abduxit. P. autem Vatinius, qui et antea iure laudatus a nobis, et hoc tempore merito laudandus est, aperuit Dyrrhachii portas Bruto et exercitum tradidit. Ad has igitur priores literas M. Bruti (s. Q. Caepionis Bruti, nam hoc etiam nomine appellabatur inde a quo tempore erat a Caepione adoptatus) referenda sunt verba ista epistolae ad Brutum II 7: *Dii immortales! qui ille nuntius, quae illae literae, quae laetitia senatus, quae alacritas civitatis erat! Nihil unquam vidi tam omnium consensione laudatum. Iam in extrema oratione Philipp. X Cicero sententiam dicit, secundum quam Scitum factum est, quo Bruto et gratias agendas et imperium proconsulare ei publice confirmandum censuit. Ea sententia haec verbis explicata est: *Quae****

quam ita sint: quod C. Pansa consul verba fecit de literis, quae a Q. Caepione Bruto proconsole allatae et huic ordini recitatae sunt, *de ea re ita censeo*: Quum Q. Caepionis Bruti proconsulis opera, consilio, industria, virtute difficillimo reipublicae tempore provincia Macedonia, Illyricum, cuncta Graecia, legiones, exercitus, equitatus in consulum senatus populi-que romani potestate sint: *ut Q. Caepionem Brutum, proconsulem bene et e republica et sua maiorumque suorum dignitate, consuetudineque reipublicae bene gerendae fecisse, eamque rem senatui populoque romano gratam esse et fore: utique Q. Caepio Brutus, proconsul, provinciam Macedoniam, Illyricum, totamque Graeciam tueatur, defendat, custodiat, incolumemque conservet, ei-que exercitui, quem ipse constituit, comparavit, praesit, pecuniaque ad rem militarem, si qua opus sit, quae publica sit, et exigi possit, utatur, exigat, pecuniasque, a quibus videatur, ad rem militarem mutuasumat, frumentum imperet, operamque det, ut cum suis copiis quam proxime Italiam sit etc.* Atque etiam paulo post, autequam consul Pansa ad bellum profectus esset, Cicero Philippicam XI habuit, in qua diserte significat noudum de C. Antonio capto famam fuisse Romam perlata. Sic enim c. 11: *Practerea, inquit, M. Brutum retinet etiam nunc C. Antonius, qui tenet Apolloniam magnam urbem et gravem; tenet, opinor, Bylidem; tenet Amantiam; instat Epiro; urget Illyricum; habet aliquot cohortes, habet equitatum.* Iam quae in epistola illa secunda libri II ad M. Brutum sequuntur: *Erat expectatio reliquiarum Antonii, quem equitatu legionibusque magna ex parte spoliavit. Ea quoque habuit exitum optabilem; ea referenda sunt ad secundas Bruti literas Romani missas, quae post Pansae discessum allatae sunt.* Nam ut Plutarchus narrat in Bruto c. 26, C. Antonius, quum aliquantulum se Apolloniae tenuisset, animadvertissetque cives Bruti partibus favere, hac urbe relicta Butthrotum perrexit. Hic primum in itinere tres cohortes amisit; deinde ad Bylidem proelio commisso a Ciceroe filio victus et fugatus est. (Γίγντο δ' Ἀντώνιος Ἀπολλωνίᾳ προσβαλὼν, ἐκ τῶν ἐγγύς ὄντας ἐκείναι στρατιώτας. Ἐπεὶ δ' οὗτοι τε πρὸς Βρούτου ἔχοντο, καὶ τοὺς Ἀπολλωνιώτας ἤσθητο τὰ Βρούτου φρονούντας, ἐκλίπῃν τὴν πόλιν αὐτῷ Βουθροτίῳ ἐβάθισεν; καὶ πρῶτον μὲν Ἀπόλλων, τρεῖς σπείρας καὶ οὐδὲν ὑπὸ Βρούτου κατακοπίσας· ἔπειτα τοὺς περὶ τὴν Βυλίδαν τόπους προκαταλαμβάνοντας ἐπιχειρῶν ἐκδιώκεσθαι καὶ μάλιστα Κισιέρους κατέταξεν). De his igitur rebus intelligenda sunt ea, quae in lib. II, ep. 7 ad Brutum sequuntur.

tur: Nam tuæ literæ, quæ recitatae in senatu sunt, et imperatoris consilium, et militum virtutem, et industriam inorum, in quibus Ciceronis mei, declarant. Quod si tuis placuisset, de his literis referri, et nisi in tempus turbulentissimum post discessum Pansae consulis incidissent, honos quoque iustus et debitus diis immortalibus decretus esset. Quod autem deinceps narratur de epistolis duabus a Pilo allatis, altera Bruti nomine, altera Antonii; in eo Tunstallus frustra sibi visus est indicium reperisse, e quo epistolam hanc suppositam esse, perspicuum sit. Nampe quum altera Antonii epistola recitaretur, quæ sic erat inscripta, ANTONIVS PROCOS. magna dicitur admiratio orta. In quo mirum est Tunstallum hæc verba ANTONIVS PROCONSUL. sic accepisse, quasi Brutus eum Proconsulem nominaverit. Ipsa eius verba ponamus. (*observations* p. 296.) *But why must the Letter be denied to be genuine? why? truly for a reason which effectually proves Cicero's answer to be spurious. Brutus in a public Letter, had given to Antony his prisoner the style and title of Proconsul! Could there possibly be a greater stretch of sophistic imagination? That Brutus should call his professed rival for the province of Macedonia by the title of Proconsul i. e. of Macedonia; and call him so in a Letter to the Senate, which had formally interdicted him the Province and deprived him of his Proconsulship. Sane quid virum tantæ sagacitatis in huic errorem inducere potuerit laud assequor. Nam primum statim initio epistolæ scribit auctor duas esse Id. Apr. in senatu epistolas recitatas, alteram Bruti nomine, alteram Antonii. Deinde post illius locum supra exscriptum sic pergit auctor: «Ecce tibi Idib. April. advolat mane celer Pilius, qui vir! dii boni! quam gravis! quam constans! quam bonarum in republica partium! Ille epistolas offert duas, unam tuo nomine, alteram Antonii; dat Servilio Tribuno plebis, ille Cornuto, recitantur in senatu; (scil. ita ut prior recitaretur Antonii epistola). ANTONIVS PROCOS. magna admiratio; ut si esset recitatum DOLABELLA IMPERATOR, a quo quidem venerant tabellarii, sed nemo Pili similis, qui proferre anderet, aut magistratibus redlere. Iam venit ad Bruti epistolam eiusque recitationem, ut nihil esse possit evidentius, quam illud, non a Bruto Antonium proconsulis nomine honoratum esse, sed potius Antonium in suæ epistolæ præscriptione sibi huius honoris titulum arrogasse; quod etiam confirmatur sequentibus verbis, quibus narratur a Sextio illud proconsulis nomen ab Antonio*

usurpatum irrisum esse. *Postridie autem quum sermo increbruisset* Pilusque oculos vehementius hominum offendisset, natum omnino est principium a me. *De procos. Antonio multa; Sextius consul non defuit. Post mecum: quanto suum filium, quanto meum in periculo futurum duceret, si contra proconsulem arma tulissent.* Quae quum ita sint, etsi haec septima secundi epp. ad Brutum libri epistola non istis argumentis quibus Tunstallus usus est ~~valde~~ convinci potest, tota tamen eius compositio prorsus a Ciceronis elegantia abhorret, ut eam ceteris falso sub Ciceronis nomine venditis annumerare nulli dubitemus.

M. TVLLII CICERONIS

QVAE VVLGO FERVNTVR

EPISTOLARVM

AD M. BRVTVM

ET

M. BRVTI AD CICERONEM

LIBER PRIMVS.

L

*De L. Clodii trib. pl. singulari et cognito in se
Brutumque amore et fide accurate scribit.*

CICERO BRVTO

S. D.

L. Clodius, tribunus plebis designatus, valde me diligit, vel, ut *ἐμπατιστέρος* dicam, valde me amat. Quod quum mihi ita persuasum sit, non dubito (bene enim me nosti) quin illum quoque iudices a me amari. Nihil enim mihi minus hominis videtur, quam non respondere in amore iis, a quibus provocere. Is mihi visus est suspicari, nec sine magno quidem dolore, aliquid a suis, vel per suos potius iniquos ad te esse delatum, quo tuus animus a se esset alienior. Non soleo, mi Brute (quod tibi notum esse arbitror) temere affirmare de altero. Est enim periculosum, propter occultas hominum voluntates, multiplicesque

Iniquos) Sic Ern. e MSS. et edd. pr. Vulgo inimicos.

Cic. Op. Tom. VIII

R r

naturas. Clodii animum perspectum habeo, cognitum, iudicatum. Multa eius indicia, sed ad scribendum non necessaria. Volo enim hoc testimonium tibi videri potius, quam epistolam. Auctus Antonii beneficio est. Eius ipsius beneficii magna pars a te est. Itaque eum salvis nobis vellet saluum. In eum autem locum rem adductam intelligit (est enim, ut scis, minime stultus) ut utrique salvi esse non possint. ¹ Itaque nos mavult. De te vero amicissime et loquitur et sentit. Quare si quis secus ad te de eo scripsit, aut si coram loquutus est, peto a te etiam atque etiam, mihi ut potius credas, qui et facilius iudicare possum, quam ille nescio quis, et te plus diligo. Clodium tibi amicissimum existima, civemque talem, qualis et prudentissimus, et fortuna optima esse debet.

II.

Respondet epistolae de cohortibus quinque a Dolabella in Cherronesum missis, eiusque dementiam miratur, et Bruti consilium de eo persequendo laudat. In seditionis auctoribus dimittendis clementiam Bruti reprehendit, et suas in Antonium inuestivas defendit.

CICERO BRUTO S.

Scripta et obsignata iam epistola, literae mihi reditae sunt a te, plenae rerum novarum, maximeque mirabilium. ² Dolabellam quinque cohortes misisse in Cherronesum? Adeone copiis abundat, ut is, qui ex Asia fugere dicebatur, Europam appetere conetur? Quinque autem cohortibus quid se nam facturum arbitratus est, quum tu eo quinque legiones, optimum equitatum, maxima auxilia haberes? quas quidem

(1) *Non possint*) Eru. malchat possimus.

(2) *Mirabilium*) Sic Era. ex ed. Rom. Vulgo *mirabile* Alii *mirabilis*.

cohortes spero iam tuas esse, quoniam latro ille tam fuit demens. Tuum consilium vehementer laudo, quod non prius exercitum Apollonia Dyrrhachioque movisti, quam de Antonii fuga audisti, Bruti eruptione, populi romani victoria. Itaque, quod scribis, postea statuiste te ducere exercitum in Cherronesum, nec pati, sceleratissimo hosti ludibrio esse imperium populi romani, facis ex tua dignitate, et e republica. Quod scribis de seditione, quae facta est in legione quarta, de Antoniis (in bonam partem accipies) magis mihi probatur militum severitas, quam tua. Te benivolentiam exercitus equitumque expertum, vehementer gaudeo. De Dolabella, ut scribis, si quid habes novi, facies me certiore; in quo valde delector, me ante providisse, ut tuum iudicium liberum esset cum Dolabella belli gerendi; et id valde pertinuit, ut ego tum intelligebam, ad rempublicam; ut nunc iudico, ad dignitatem tuam. Quod scribis, me maximo otio egisse, ut inscctarer Antonios, idque laudas; credo ita videri tibi: sed illam distinctionem tuam nullo pacto probo. Scribis enim, *acrius prohibenda bella civilia esse, quam in superatos iracundiam exercendam*. Vehementer a te, Brute, dissentio; nec clementiae tuae concedo: sed salutaris severitas vincit inanem speciem clementiae. Quod si clementes esse volumus, nunquam deerunt bella civilia. Sed de hoc tu videris. De me possum idem, quod Plautinus pater in Trinummo: *mihi quidem aetas acta ferme est*:

De Antoniis) Sic edd. pr. Deinde editum *Catonis*, quod est in MSS. Paris. Manutius placebat *C. Antonio* qui seditionis auctor fuisset, cui assensus est Ernestius.

Militum severitas, quam tua) *Militum severitas*, qui Antonium voluere

occidi, quam tu qui dimisisti. Vid. Dio Cassius lib. XLVII: sed videtur excidisse atque addendum esse *lenitas*. ERN.

Me maximo otio) Otio sensum non habet. Manutius corripbat *animo*; alii odio. Illud Ernestio melius visum.

tua istuc refert maxime. Opprimemini (mihi crede) Brute, nisi provideritis. Neque enim populum semper eundem habebitis, neque senatum, neque senati ducem. Haec ex oraculo Apollinis Pithii edita tibi puta. Nihil potest esse verius. xiv Kalend. Maias.

III.

Octavianum laudat, et laetitiam Romae e victoria consulum et D. Bruti ortam commemorat. Liberalitatem eius in seditionis auctoribus reprehendi Romae, et omnes Antonianos hostes iudicatos esse scribit.

M. T. CICERO

M. B R V T O S.

Nostrae res meliore loco videbantur. Scripta enim ad te certo scio, quae gesta sunt; quales tibi saepe scripsi consules, tales exstiterunt. Caesaris vero pueri mirifica indoles virtutis. Vtinam tam facile eum florentem et honoribus et gratia regere ac tenere possimus, quam facile adhuc tenuimus! Est omnino illud difficilius: sed tamen non diffidimus. Persuasum est enim adolescenti, et maxime per me, eius opera nos esse salvos. Et certe, nisi is Antonium ab urbe avertisset, periissent omnia. Triduo vero, aut quadriduo ante hanc rem pulcherrimam, timore quodam percussa civitas tota ad te se cum coniugibus et liberis effundebat. Eadem, recreata a. d. xii Kalend. Maias, te huc venire, quam se ad te ire malebat. Quo quidem die magnorum meorum laborum, multarumque vigiliarum fructum cepi maximum, si modo est aliquis fructus ex solida veraque gloria. Num tantae multitudinis, quantam capit urbs nostra, concursus est ad me factus, ea quum usque in Capitolium deductus,

Ea quum — deductus) Era. coni. : Ab ea quum — deductus essem.

maximo clamore atque plausu in rostris collocatus sum. Nihil est in me inane: neque enim debet: sed tamen omnium ordinum consensus, gratiarum actio, gratulatioque, me commouet; propterea quod popularem esse in populi salute, praeclarum est. Sed haec te malo ab aliis. Me velim te tuis rebus consiliisque facias diligentissime certiolem; illudque consideres, ne tua liberalitas dissolutior videatur. Sic sentit senatus, sic populus romanus, nullos unquam hostes digniores omni supplicio fuisse, quam eos cives, qui hoc bello contra patriam arma ceperunt: quos quidem ego omnibus sententiis ulciscor et persequor, omnibus bonis approbantibus. Tu quid de hac re sentias, tui iudicii est. Ego sic sentio, trium fratrum unam et eandem esse causam. Consules duos, bonos quidem, sed dumtaxat bonos, amisimus. Hirtius quidem in ipsa victoria occidit, quum paucis diebus magno proelio ante vicisset. Nam Pansa fugerat, vulneribus acceptis, quae ferre non potuit. Reliquias hostium Brutus persequitur, et Caesar. Hostes autem omnes iudicati, qui M. Antonii sectam sequuti sunt. Itaque id senatusconsultum plerique interpretantur etiam ad tuos, sive captivos, sive dediticios, pertinere. Equidem nihil disserui durius, quum nominatim de C. Antonio decernerem, quod ita statueram, a te cognoscere causam eius senatum oportere. x Kalend. Maias.

IV.

Respondet superiori epistolae, et reprehensionem nimiae in C. Antonium elementiae diluit. Monet, ne nimis honoribus Octaviano tribuendis malum exemplum inducatur, quo regnandi cupidi abutantur, atque illis ita regnandi occasio detur, quod se vehementer timere ostendit.

BRVTVS CICERONI S.

Quanta sim laetitia affectus, cognitis rebus Bruti nostri, et consulum, facilius est tibi existimare, quam mihi scribere. Quum alia laudo, et gaudeo accidisse, tum quod Bruti cruptio non solum ipsi salutaris fuit, sed etiam maximo ad victoriam adiumento. Quod scribis, trium Antoniorum unam atque eandem causam esse, quid ego sentiam, mei iudicii esse; statuo nihil, nisi hoc: senatus aut populi romani iudicium esse de iis civibus, qui pugnantes non interierint. At hoc ipsum, inquires, inique facis, qui hostilis animi in rempublicam homines, cives appelles. Immo iustissime. Quod enim nondum senatus censuit, nec populus romanus iussit, id arroganter non praeiudico, neque revoco ad arbitrium meum. Illud quidem non muto, quod ei, quem me occidere res non coëgit, neque crudeliter quidquam eripui, neque dissolute quidquam remisi, habuique in mea potestate, quoad bellum fuit. Multo quidem honestius iudico, magisque quod concedere possit respublica, miseriorum fortunam non insectari, quam infinite tribuere potentibus, quae cupiditatem et arrogantiam incendere possint. Qua in re, Cicero, vir optime ac fortissime, mihiq; merito et meo nomine et reipublicae carissime, nimis credere videris spei tuae; statimque, ut quisque aliquid recte fecerit, omnia dare ac permittere; quasi non liceat traduci ad mala consilia

corruptum largitionibus animum. Quae tua est humanitas, aequo animo te moneri patieris, praesertim de communi salute; facies tamen, quod tibi visum fuerit; etiam ego, quum me docueris. Nunc, Cicero, nunc agendum est, ne frustra oppressum esse Antonium gavisus simus, neu semper primi cuiusque mali excidendi causa sit, ut aliud renascatur illo peius. Nihil iam neque opinantibus aut patientibus nobis aduersi evenire potest, in quo non quum omnium culpa, tum praecipue tua futura sit: cuius tantam auctoritatem senatus ac populus romanus non solum esse patitur, sed etiam cupit, quanta maxima in libera civitate unius esse potest: quam tu non solum bene sentiendo, sed etiam prudenter ¹ tueri debes. Prudentia porro, quae tibi superest, nulla abs te desideratur, nisi modus in tribuendis honoribus. Alia omnia sic abunde adsunt, ut cum quolibet antiquorum comparari possint tuae virtutes. Vnum hoc, grato animo liberalique profectum, cautiorem ac moderatiorem liberalitatem desiderat. Nihil enim senatus cuiquam dare debet, quod male cogitantibus exemplo aut praesidio sit. Itaque timeo de consulatu, ne Caesar tuus altius se adscendisse putet decretis tuis, quam inde, si consul factus sit, descensurum. Quod si Antonius, ab alio relictum regni instrumentum, occasionem regnandi habuit: quonam animo fore putas, si quis, auctore, non tyranno interfecto, sed ipso senatu, putet se imperia quaelibet concupiscere posse? Quare tum et felicitatem et providentiam laudabo tuam, quum exploratum habere coepero, Caesarem honoribus, quos acceperit, extraordinariis fore contentum. Alienae igitur, inquires, culpa me reum

(1) Excidit fortasse *agendo*. Etiam infra post *liberalitatem* Schützius excidisse censet *populus vel respublica*. *Tyr.*

subiicies? Prorsus alienae, si providere potuit, ne existeret. Quod utinam inspectare possis timorem de illo meum! His literis scriptis, te consulem factum audivimus. Tum vero incipiam proponere mihi rempublicam iustam, et iam suis nitentem viribus, si istuc videro. Filius valet, et in Macedoniam cum equitatu praemissus est. Idibus Maiis, ex castris.

V.

Scribit a Senatu permissam esse arbitrio Bruti rem de Dolabella persequendo, de eaque suum consilium ostendit: Filium suum se velle in collegium Pontificum minorum absentem cooptari, idque per leges Domitiam et Iuliam fieri posse demonstrat; de quo sententiam Bruti scire cupit.

CICERO BRUTO S.

A. d. V kalendas Maias, quum de iis, qui hostes iudicati sunt, bello persequendis, sententiae dicerentur, dixit Servilius etiam de Ventidio, et ut Cassius persequeretur Dolabellam. Cui quum essem assensus, decrevi hoc amplius, ut tu, si arbitrare utile, eque republica esse, persequere bello Dolabellam: si minus id commodo reipublicae facere posses, sive non existimares e republica esse, ut in iisdem locis exercitum contineres. Nihil honorificentius potuit facere senatus, quam ut tuum esset iudicium, quid maxime conducere reipublicae tibi videretur. Equidem sic sentio: si manum habet, si castra, si ubi consistat uspiam Dolabella; ad fidem, et ad dignitatem tuam pertinere, eum persequi. De Cassii nostri copiis nihil sciebamus; neque enim ab ipso ullae literae, neque nuntiabatur quidquam, quod pro certo haberemus. Quantopere autem intersit, opprimi Dolabellam, pro-

Subiicies?) Sic Ern. e MSS. Paris. Vulgo facies.

fecto intelligis; quum ut sceleris poenas persolvat, tum ne sit, quo se latronum duces ex Mutinensi fuga conferant. Atque hoc mihi iam ante placuisse, potes ex superioribus meis literis recordari: quamquam tum et fugae portus erat in tuis castris, et subsidium salutis in tuo exercitu; quo magis uunc liberati (ut spero) periculis, in Dolabella opprimendo occupati esse debemus. Sed haec cogitabis diligentius, statues sapienter: facies nos, quid constitueris, et quid agas (si tibi videbitur) certiores. Ciceronem nostrum in vestrum collegium cooptari volo. Existimo omnino, absentium rationem sacerdotum comitiis posse haberi; nam etiam factum est antea. C. enim Marius, quum in Cappadocia esset, lege Domitia factus est augur: nec, quo minus id postea liceret, ulla lex sanxit. Est etiam in lege Iulia, quae lex est de sacerdotiis proxima, his verbis, *QVI PETIT, CVIVSVE RATIO HABEBITVR*; ¹ aperte indicat, posse rationem haberi etiam non praesentis. Hac de re scripsi ad eum, ut tuo iudicio uteretur, sicut in rebus omnibus. Tibi autem statuendum est de Domitio et de Catone nostro. Sed quamvis liceat absentis rationem haberi, tamen omnia sunt praesentibus faciliora. Quod si statueris in Asiam tibi eundum, nulla erit ad comitia nostros arcessendi facultas. Omnino, Pansa vivo, celeriora omnia putabamus. Statim enim collegam sibi subrogasset: deinde ante praetoria, sacerdotum comitia fuissent. Nunc per auspicia longam moram video. Dum enim unus erit patricius magistratus, auspicia ad patres redire non possunt. ² Magna sane perturbatio. Tu tota de re quid sentias, velim me facias certiore. III Nonas Maias. Vale.

(1) Marklandus sic censebat legendum: *Etiam etiam in lege Iulia, quae est de Sac. prox. his verbis QVI—HABEBITVR, ap. indicat etc.* T.

(2) VI scilicet interrex creari et per eum comitia consularia et pontificum haberi possint. ERM.

VI.

Respondet epistolae superiori: Glaucona medicum Pansae, ut e custodia eripiat, rogat; Flavius, qui cum Dyrrhachinis litem habebat, commendat, et de Dolabella Jugato caesoque certio-rem facit.

BRVTVS CICERONI S.

Noli exspectare, dum tibi gratias agam. Iampridem hoc ex nostra necessitudine, quae ad summam benivolentiam pervenit, sublatum esse debet. Filius tuus a me abest. In Macedonia congregiemur. Iussus est enim Ambracia ducere equites per Thessaliam, et scripsi ad eum, ut mihi Heracleam occurreret. Quum eum videro, quoniam nobis permittis, communiter constituemus de reditu eius ad petitionem, aut ad commendationem honoris. Tibi Glaucona, medicum Pansae, qui sororem Achilleos nostri in matrimonio habet, diligentissime commendo. Audimus, eum venisse in suspicionem Torquato de morte Pansae, custodiri-que, ut parricidam. Nihil minus credendum est. Quis enim maiorem calamitatem morte Pansae accepit? Praeterea est modestus homo, et frugi: quem ne utilitas quidem videatur impulsura fuisse ad facinus. Rogo te, et quidem valde rogo (nam Achilles noster non minus, quam aequum est, laborat), eripias eum ex custodia, conservesque. Hoc ego ad meum officium privatarum rerum aequae, atque ullam aliam rem, pertinere arbitror. Quum has ad te scriberem literas, ab Satrio, legato C. Trebonii, reddita est mihi epistola, a Tillio et Deiotaro, Dolabellam caesum fugatumque esse. Graecam epistolam tibi misi Cycherei cuiusdam, ad Satrium missam. Flavius noster de controversia, quam habet cum Dyrrhachinis hereditariam, sumpsit te iudicem. Rogo te, Cicero,

et Flavius rogat, rem conficias. Quin ei, qui Flavium fecit heredem, pecuniam debuerit civitas, non est dubium: neque Dyrrhachini infutiantur; sed sibi donatum aes alienum a Caesare dicunt. Noli pati, a necessariis tuis necessario meo iniuriam fieri. xvii kalend. Iun. ex castris, ad imam Candaviam.

VII.

L. Bibulum ut in Pansae locum nominet, rogat.

BRVTVS CICERONI S.

L. Bibulus quam carus mihi esse debeat, nemo melius iudicare potest, quam tu: cuius tantae pro republica contentiones sollicitudinesque fuerunt. Itaque vel ipsius virtus, vel nostra necessitudo debet conciliare te illi: quo minus multa mihi scribenda esse arbitror. Voluntas enim te movere debet nostra, si modo iusta est, aut pro officio necessario suscipitur. In Pansae locum petere constituit. Eam nominationem a te petimus. Neque coniunctiori dare beneficium, quam nos tibi sumus, neque digniorem nominare potes, quam Bibulum. De Domitio et Apulcio quid attinet me scribere, quum ipsi per se tibi commendatissimi sint? Apuleium vero tu tua auctoritate sustinere debes. Sed Apuleius in sua epistola celebrabitur. Bibulum noli dimittere ex sinu tuo, tantum iam virum, ex quanto, crede mihi, potest evadere, qui vestris paucorum respondeat laudibus.

Sed Apuleius) Pal. 2, 3, Sed Domitius.

VIII.

C. Nasennium municipem Suessanum commendat.

CICERO BRVTO S.

Multos tibi commendavi, et commendem necesse est. Optimus enim quisque vir et civis maxime sequitur iudicium tuum; tibi que omnes fortes viri navare operam et studium volunt: nec quisquam est, quin ita existimet, meam apud te et gratiam et auctoritatem valere plurimum. Sed C. Nasennium, municipem Suessanum, tibi ita commendo, ut neminem diligentius. Cretensi bello, Metello imperatore, octavum principem duxit: postea in re familiari occupatus fuit. Hoc tempore quum reipublicae partibus, tum tua excellenti dignitate commotus, vellet per te aliquid auctoritatis assumere. Fortem virum, Brute, tibi commendo, frugi hominem, et, si quid ad rem pertinet, etiam locupletem. Pergratum mihi erit, si eum ita tractaris, ut merito tuo mihi gratias agere possit.

IX.

Brutum, in luctu consolatur et ad fortitudinem cohortatur.

CICERO BRVTO S.

Fungerer officio, quo tu functus es in meo luctu, teque per literas consolarer, nisi scirem, his remediis, quibus meum dolorem tu levasses, te in tuo non egere: ac velim facilius, quam tunc mihi, nunc tibi tute medeare. Est enim alienum tanto viro, ut es tu, quod alteri praeceperit, id ipsum facere non, posse. Me quidem quum rationes, quas collegeras, tum auctoritas tua, a nimio moerore deterruit. Quum enim mollius tibi ferre viderer, quam dececret virum, prae-

sertim eum, qui alios consolari soleret; accusasti me per literas gravioribus verbis, quam tua consuetudo ferebat. Itaque iudicium tuum magni aestimans, idque veritus, me ipse collegi; et ea, quae didiceram, legeram, acceperam, graviora duxi, tua auctoritate addita. Ac mihi tum, Brute, officio solum erat et naturae; tibi nunc populo et scenae, ut dicitur, serviendum est. Nam quum in te non solum exercitus tui, sed omnium civium, ac paene gentium coniecti oculi sint, minime decet, propter quem fortiores ceteri sumus, eum ipsum animo debilitatum videri. Quam ob rem accepisti tu quidem dolorem (id enim amisisti, cui simile in terris nihil fuit), et est dolendum in tam gravi vulnere (ne id ipsum, carere omni sensu doloris, sit miserius, quam dolere); sed, ut modice, ceteris utile est, tibi necesse est. Scriberem plura, nisi ad te haec ipsa nimis multa essent. Nos te tuumque exercitum exspectamus: sine quo, ut reliqua ex sententia succedant, vix satis liberi videamur fore. De tota re publica plura scribam, et fortasse iam certiora his literis, quas Veteri nostro cogitabam dare.

X.

Quomodo bellum ad Mutinam geratur, et quid de Octaviano vereatur, totumque reip. statum perscribit; hortaturque, ut ex senatus auctoritate celeriter cum exercitu in Italiam veniat, Cassiumque, ut idem faciat, hortetur.

CICERO BRVTO S.

Nullas adhuc a te literas habebamus: ne famam quidem, quae declararet, te, cognita senatus auctoritate, in Italiam adducere exercitum: quod ut faceres, idque maturares, magnopere desiderabat respublica. Ingra-

vescit enim in dies intestinum malum, nec externis hostibus magis quam domesticis laboramus: qui erant omnino ab initio belli, sed facilius frangebantur. Erectionior senatus erat, non sententiis solum nostris, sed etiam cohortationibus excitatus. Erat in senatu satis vehemens et acer Pansa, quum in ceteros huius generis, tum maxime in socerum: cui consuli non animus ab initio, non fides ad extremum defuit. Bellum ad Mutinam gerchatur, nihil ut in Caesare reprehenderes; nonnulla in Iulio. Huius belli fortuna, ut in secundis, fluxa; ut in adversis, bona. Erat victrix respublica, caesis Antonii copiis, ipso expulso a Bruto. Deinde ita multa peccata, ut quodammodo victoria excideret e manibus; perterritos, inermes, saucios non sunt nostri duces persecuti; datumque Lepido tempus est, in quo levitatem eius, saepe perspectam, maioribus in malis experiremur. Sunt exercitus boni, sed rudes, Bruti et Planci. Sunt fidelissima et maxima auxilia Gallorum. Sed Caesarem meis consiliis adhuc gubernatum, praeclara ipsum indole, admirabilique constantia, improbissimis literis quidam, fallacibusque interpretibus ac nuntiis impulerunt in spem certissimam consulatus. Quod simul atque sensi, neque ego illum absentem litcris monere destiti, nec accusare praesentes eius necessarios, qui eius cupiditati suffragari videbantur; nec in senatu sceleratissimorum consiliorum fontes aperire dubitavi; nec vero ulla in re memini, aut senatum meliorem, aut magistratus. Nunquam enim in honore extraordinario potentis hominis, vel potentissimi potius (quandoquidem potentia iam in vi posita est, et armis) accidit, ut nemo tribunus plebis, nemo alio magistratu, nemo

Excitatus. Erat) MSS. nonnulli addunt praeterea.

privatus, auctor existeret. Sed in hac constantia atque virtute erat tamen sollicita civitas. Illudimur enim, Brute, quum militum deliciis, tum imperatoris insolentia. Tantum quisque se in republica posse postulat, quantum habet virium; non ratio, non modus, non lex, non mos, non officium valet; non iudicium, non existimatio civium, non posteritatis verecundia. Haec ego multo ante prospiciens, fugiebam ex Italia, tum, quum me vestrorum edictorum fama revocavit. Incitavisti vero tu me, Brute, Veliae. Quamquam enim dolebam, in eam me urbem ire, quam tu fugeres, qui eam liberavisses, quod mihi quoque quondam acciderat, periculo simili, casu tristiore: perrexisti tamen, Romamque perveni, nulloque praesidio *quatefecit* Antonium; contraque eius arma nefanda, praesidia, quae oblata sunt, Caesaris consilio et auctoritate firmavi. Qui si steterit idem, mihi-que paruerit, satis videmur habituri praesidii. Sin autem impiorum consilia plus valuerint, quam nostra, aut imbecillitas aetatis non potuerit gravitatem rerum sustinere, spes omnis est in te. Quam ob rem advola, obsecro, atque eam rempublicam, quam virtute atque animi magnitudine magis, quam eventis rerum liberasti, exitu libera. Omnis omnium concursus ad te futurus est. Hortare idem per literas Cassium. Spes libertatis nusquam, nisi in vestrorum castrorum principiis est. Firmos omnino et duces habemus ab occidente, et exercitus. Hoc adolescentis praesidium equidem adhuc firmum esse confido. Sed ita multi labefactant, ut, ne moveatur, interdum extimescam. Habes totum reipublicae statum, qui quidem tum erat, quum has literas dabam. Velim dein-

Castrorum principiis) *Praesidiis* placbat Manutius idque est in ed. Rom.

ceps meliora sint: sin aliter fuerit (quod dii omen avertant!) reipublicae vicem dolebo, quae immortalis esse debebat. Mihi quidem quantulum reliqui est?'

XI.

Veteris Antistii animum in remp. laudat; et ipsius petitionem praeturae ut adiuvet, ceterisque in rebus cum complectatur, rogat.

BRVTVS CICERONI S.

Veteris Antistii talis animus est in rempublicam, ut non dubitem, quin et in Caesare et Antonio se praestaturus fuerit acerrimum propugnatorem communis libertatis, si occasione potuisset occurrere. Nam, qui in Achaia congressus, P. Dolabella milites atque equites habente, quodvis adire periculum, ex insidiis paratissimi ad omnia latronis, maluerit, quam videri aut coactus esse pecuniam dare, aut libenter dedisse homini nequissimo atque improbissimo: is nobis ultro et pollicitus est, et dedit HS xx ex sua pecunia: et, quod multo carius est, se ipsum obtulit et coniunxit. Huic persuadere coepimus, ut imperator in castris remaneret, remque publicam defenderet. Statuit eundem sibi, quoniam exercitum dimisisset. Statim vero rediturum ad nos confirmavit, legatione suscepta, nisi praetorum comitia habituri essent consules. Nam illi ita sentienti de republica magnopere auctor fui, ne differret tempus petitionis suae. Cuius factum omnibus gratum esse debet, qui modo iudicant, hunc

(1) Lambinus molebat auti quidem
vtae quantulum reliquae.

In rempublicam) In republica molebat I. Gronov.

Statuit eundem sibi) Sic legi voluerunt Maunt. Lamb. idque Era. ex ed. Rom. restituit. Vulgo statuit et sibi.

exercitum esse reipublicae. Tibi tanto gratius, quanto et maiore animo gloriaque libertatem nostram defendis, et dignitatem; si contigerit nostris consiliis exitus, quem optamus, perfuncturus es. Ego etiam, mi Cicero, propriè familiariterque te rogo, ut Veterem ames, velisque esse quam amplissimum: qui etsi nulla re deterri a proposito potest, tamen excitari tuis laudibus, indulgentiaque poterit, quo magis amplexetur ac tueatur iudicium suum. Id mihi gratissimum erit.

XII.

Excusat se Bruto, quod matris eius et sororis precibus, de liberis M. Lepidi, quem hostem Senatus iudicarat, excipiendis satisfacere non posset. De Antistio liberaliter promittit, et ipsum ut in Italiam veniat, hortatur.

CICERO BRUTO S.

Etsi daturus eram Messallae Corvino continuo literas, tamen Veterem nostrum ad te sine literis meis venire nolui. Maximo in discrimine respublica, Brute, versatur, victoresque rursus decertare cogimur. Id accidit M. Lepidi scelere et amentia. Quo tempore quum multa propter eam curam; quam pro republica suscepi, graviter ferrem, tum nihil tuli gravius, quam me non posse matris tuae precibus cedere, non sororis. Nam tibi, quod mihi plurimi est, facile me satisfacturum arbitrabar. Nullo enim modo poterat causa Lepidi distingui ab Antonio: omniumque iudicio etiam durior erat, quod, quum honoribus amplissimis a senatu esset Lepidus ornatus, tum etiam

Perfuncturus es) Perfunctus es quod Gruterus in cod. Pal. reperit, placuit Equestrio hoc sensu: habes quod vis et optasti.

Ab Antonio) Ab Antonio Lambini.

Cic. Op. Tom. VIII

S s

paucis ante diebus praeclaras literas ad senatum mississet: repente non solum recepit reliquias hostium, sed bellum acerrimum terra marique gerit: cuius exitus qui futurus sit, incertum est. Itaque quum rogamur, ut misericordiam liberis eius impertiamus. nihil affertur, quo minus summa supplicia, si (quod Iupiter omen avertat!) pater puerorum vicerit, subeunda nobis sint. Nec vero me fugit, quam sit acerbum, parentium scelera filiorum poenis lvi. Sed hoc praeclare legibus comparatum est, ut caritas liberorum amiciores parentes reipublicae redderet. Itaque Lepidus crudelis in liberos, non is, qui Lepidum hostem iudicat. Atque ille si, armis positus, de vi damnatus esset; quo in iudicio certe defensionem non haberet; eandem calamitatem subirent liberi, bonis publicatis. Quamquam, quod tua mater et soror deprecatur pro pueris, id ipsum et multa alia crudeliora nobis omnibus Lepidus, Antonius, et reliqui hostes denuntiant. Itaque maximam spem hoc tempore habemus in te, atque exercitu tuo. Quum ad reipublicae summam, tum ad gloriam et dignitatem tuam vehementer pertinet, te in Italiam, ut ante scripsi, venire quamprimum. Eget enim vehementer quum viribus tuis, tum etiam consilio respublica. Veterem, pro eius erga te benivolentia singularique officio, libenter ex tuis literis complexus sum: eumque quum tui, tum reipublicae studiosissimum amantissimumque cognovi. Ciceronem meum propediem, ut spero, videbo. Tecum enim illum, et te in Italiam celeriter esse venturum confido.

Te in Italiam) Nonnulli ediderunt: *te, ut ante scripsi, in Italiam.*

XIII.

*Liberos Lepidi commendat, sibiue ut hoc detur rogat,
ne ex lege cum iis agatur.*

BRVTVS CICERONI S.

De M. Lepido vereri me cogit reliquorum timor: qui si eripuerit se nobis (quod velim temere atque iniuriose de illo suspicati sint homines), oro atque obsecro te, Cicero, necessitudinem nostram, tuamque in me benivolentiam obtestans, sororis meae liberos obliviscaris esse Lepidi filios, meque his in patris locum successisse existimes. Hoc si a te impetro, nihil profecto dubitabis pro his suscipere. Aliter alii cum suis vivunt: nihil ego possum in sororis meae liberis facere, quo possit expleri voluntas mea aut officium. Quid vero aut mihi tribuere boni possunt, si modo digni sumus, quibus aliquid tribuatur, aut ego matri ac sorori puerisque illis praestaturus sum, si nihil valuerit apud te reliquumque senatum contra patrem Lepidum Brutus avunculus? Scribere multa ad te neque possum prae sollicitudine ac stomacho, neque debeo. Nam si in tanta re, tamque necessaria, verbis mihi opus est ad te excitandum et confirmandum, nulla spes est, facturum te quod volo, et quod oportet. Quare noli expectare longas preces. Intuere me ipsum, qui hoc vel a Cicerone, coniunctissimo homine, privatim, vel a consulâri, tali viro, remota necessitudine privata, impetrare debeo. Quid sis factururus, velim mihi quamprimum rescribas. Kalend. Quint. ex castris.

Nihil ego possum) Lambiu. *Nihil ego non possum.*

Intuere me ipsum, qui hoc) Vulgo

addebat a te. Id in codd. Ball. et Pariss. omissum, Ernestius deleuit.

XIV.

Paucitatem et brevitatem epistolarum Bruti accusat: rogat, ut Ciceronem secum retineat; et in Italiam quam primum ut veniat, hortatur.

CICERO BRUTO S.

Breves tuae litterae: breves dico? immo nullae. Tribusne versiculis his temporibus Brutus ad me? Nihil scripsissem potius. Et requiris meas. Quis unquam ad te tuorum sine meis venit? Quae autem epistola non pondus habuit? Quae si ad te perlatae non sunt, ne domesticas quidem tuas perlatae arbitror. Ciceroni scribis te longiorem daturum epistolam. Recte id quidem: sed haec quoque debuit esse plenior. Ego autem, quum ad me de Ciceronis abs te discessu scripsisses, statim extrusi tabellarios, literasque ad Ciceronem; ut, etiamsi in Italiam venisset, ad te rediret. Nihil enim mihi iucundius, nihil illi honestius. Quamquam aliquoties ei scripseram, sacerdotum comitia mea summa contentione in alterum annum esse reiecta: quod ego quum Ciceronis causa elaboravi, tum Domitii, Catonis, Lentuli, Bibulorum: quod ad te etiam scripseram. Sed videlicet quum illam pusillam epistolam tuam ad me dabas, nondum erat tibi id notum. Quare omni studio a te, mi Brute, contendo, ut Ciceronem meum ne dimittas, tecumque deducas: quod ipsum, si rempublicam, cui susceptus es, respicis, tibi iam iamque faciendum est. Renatum enim bellum est; idque non parvo scelere Lepidi. Exercitus autem Caesaris, qui erat optimus, non modo nihil prodest, sed etiam cogit exercitum

Nihil scripsissem) Faern. conl. nihil scripsisse.

Deducas) Sic Imst. Ern. Alii adducas. MSS. Ealliol. ducas.

tuum flagitari: qui si Italiam attigerit, erit civis nemo (quem quidem civem appellari fas sit), qui se non in tua castra conferat: etsi Brutum praeclare cum Planco coniunctum habemus. Sed non ignoras, quam sint incerti animi hominum, et infecti partibus, et exitus proeliorum. Quin etiam, si, ut spero, vicerimus, tamen magnam gubernationem tui consilii, tuaeque auctoritatis res desiderabit. Subveni igitur, per deos, idque quamprimum, tibi que persuade, non te Idibus Martiis, quibus servitutem a tuis civibus depulisti, plus profuisse patriae, quam, si mature veneris, profuturum. II Idus Quint.

XV.

Messallam mirifice laudat, et reprehensionem nimiae in tribuendis honoribus facilitatis, in poenis autem decernendis severitatis accurate diluit. Urget praeterea reditum in Italiam, et de Lepidi liberis studium suum pollicetur.

CICERO BRUTO S.

Messallam habes. Quibus igitur literis tam accurate scriptis assequi possum, subtilius ut explicem, quae gerantur, quaeque sint in republica, quam tibi is exponet, qui et optime omnia novit, et elegantissime expedire et deferre ad te potest? Cave enim existimes, Brute (quamquam non est necesse, ea me ad te, quae tibi nota sunt, scribere: sed tamen tantam omnium laudum excellentiam non queo silentio praeterire) cave putes, probitate, constantia, cura, studio reipublicae quidquam illi esse simile: ut eloquentia, qua mirabiliter excellit, vix in eo locum ad

Magnam gubernationem) Cetero videbatur glossema esse, quod verum vocabulum extruxit.

Depulisti) Sic Ern. e conjectura Vulg. repulisti.

laudandum habere videatur: quamquam in hac ipsa, sapientia plus apparet. Ita gravi iudicio, multaque arte se exercuit in verissimo genere dicendi. Tantâ autem industria est, tantumque evigilat in studio, ut non maxima ingenio (quod in eo summum est) gratia habenda videatur. Sed provehor amore. Non enim id propositum est huic epistolae, Messallam ut laudem, praesertim ad Brutum, cui et virtus illius non minus, quam mihi, nota est, et haec ipsa studia, quae laudo, notiora. Quem quum a me dimittens graviter ferrem, hoc levabar uno, quod a te, tanquam ad alterum me, proficiscens, et officio fungebatur, et laudem maximam sequebatur. Sed haec hactenus. Venio nunc longo sane intervallo ad quandam epistolam, qua mihi multa tribuens, unum reprehendebas, quod in honoribus decernendis essem nimius, et tanquam prodigus. Tu hoc: alius fortasse, quod in animadversione poenaeque durior; nisi fortasse utrumque tu. Quod si ita est, utriusque rei meum iudicium tibi cupio esse notissimum: neque solum, ut Solonis dictum usurpem, qui et sapientissimus fuit ex septem, et legum scriptor solus ex septem. Is rempublicam duabus rebus contineri dixit, praemio et poena. Est scilicet utriusque rei modus, sicut reliquarum, et quaedam in utroque genere mediocritas: sed non tanta de re propositum est hoc loco disputare. Quid ego autem sequutus hoc bello sim in sentiis dicendis, aperire non alienum puto. Post interitum Caesaris, et vestras memorabiles Idus Martias, Brute, quid ego praetermissum a vobis, quantamque impendere reipublicae tempestatem dixerim, non es oblitus. Magna pestis erat depulsa per vos,

Evigilat) Gulielm. con. *vigilat*.
Et sapientissimus) Ita Victor. e cod.

MS. (Var. lect. XXII, 7) Vulgo olim
et sapiens unus.

inagua populi romani macula deleta; vobis vero parta divina gloria; sed instrumentum regni delatum ad Lepidum et Antonium: quorum alter inconstantior, alter impurior, uterque pacem metuens, inimicus otio. His ardentibus perturbandae reipublicae cupiditate, quod opponi posset praesidium, non habebamus. Erexerat enim se civitas, in retinenda libertate consentiens. Nos tum nimis acres; vos fortasse sapientius excessistis urbem ea, quam liberaratis; Italiae sua vobis studia profitenti remisistis. Itaque quum teneri urbem a parricidis viderem, nec te in ea, nec Cassium tuto esse posse, eamque armis oppressam ab Antonio: mihi quoque ipsi esse excedendum putavi. Tetrum enim spectaculum, oppressa ab impiis civitas, opitulandi potestate praecisa. Sed animus idem, qui semper infixus est in patriae caritate, discessum ab eius periculis ferre non potuit. Itaque in medio Achaico cursu, quum Etesiarum diebus Auster me in Italiam, quasi dissuasor mei consilii, retulisset, te vidi Veliae, doluique vehementer. Cedebas enim, Brute, cedebas, quoniam Stoici nostri negant, fugere sapientis. Romam ut veni, statim me obtuli Antonii sceleri atque dementiae: quem quum in me incitavissem, consilia inire coepi Brutina plane (vestri enim haec sunt propria sanguinis) reipublicae liberandae. Longa sunt, quae restant, praetereunda; sunt enim de me; tantum dico, Caesarem hunc adolescentem, per quem adhuc sumus, si verum fateri volumus, fluxisse ex fonte consiliorum meorum. Huic habiti a me honores nulli quidem, Brute, nisi debiti; nulli, nisi necessarii. Ut enim primum libertatem revocare coepimus, quum se nondum ne Decimi quidem Bruti divina virtus ita commovisset, ut iam id scire possemus, atque omne praesidium esset in puero, qui a cervi-

cibus nostris avertisset Antonium: quis honos ei non fuit decernendus? Quamquam ego illi tum verborum laudem tribui, eamque modicam. Decrevi etiam imperium: quod quamquam videbatur illi aetati honorificum, tamen erat exercitum habenti necessarium. Quid enim est sine imperio exercitus? Statuam Philippus decrevit, celeritatem petitionis primo Servius, post maiorem etiam Servilius. Nihil tum nimium videbatur. Sed nescio quomodo facilius in timore benigni, quam in victoria grati reperiuntur. Ego enim, D. Bruto liberato, quum laetissimus ille civitati dies illuxisset, idemque casu Bruti natalis esset, decrevi, ut in fastis ad eum diem Bruti nomen adscriberetur. In eoque sum maiorum exemplum sequutus, qui hunc honorem mulieri Larentiae tribuerunt, cui vos pontifices ad aram in Velabro facere soletis: quod ego quum dabam Bruto, notam esse in fastis gratissimae victoriae sempiternam volebam. Atque illo die cognovi, paulo plures in senatu malivolos esse, quam gratos. Eos per ipsos dies effudi (si ita vis) honores in mortuos, Hirtium et Pansam, Aquilam etiam. Quod quis reprehendit, nisi qui, deposito metu, praeteriti periculi fuerit oblitus? Accedebat ad beneficii memoriam gratam ratio illa, quae etiam posteris est salutaris. Exstare enim volebam in crudelissimos hostes monumenta odii publici sempiterna. Suspicio illud mihi tibi probari, quod ab tuis familiaribus, optimis illis quidem viris, sed in republica rudibus, non probabatur, quod, ut ovanti introire Caesari

Reperiuntur) Sic edd. pr. et MSS. plerique. Vulgo *reperimur*.

Facere soletis) Recte Ern. improbat voc. *sacrificium* in edd. pr. addi-

tam. Eidem quoque suspectum erat *ad aram*.

Probatur) Hoc in MSS. regius reperit Lallem. quicum illud Ern. recepit. Vulgo *probatur*.

liceret, decreverim. Ego autem (sed erro fortasse: nec tamen is sum, ut mea me maxime delectent) nihil mihi videor hoc bello sensisse prudentius. Cur autem ita sit, aperiendum non est, ne magis videar providus fuisse, quam gratus: hoc ipsum, nimium: quare alia videamus. D. Bruto decrevi honores, decrevi L. Planco. Praeclara illa quidem ingenia, quae gloria invitantur: sed senatus etiam sapiens, qui, qua quemque re putat, modo honesta, ad rempublicam iuvandam posse adduci, hac utitur. At in Lepido reprehendimur: cui quum statuam in rostris statuissimus, iidem illam evertimus. Nos illum honore studuimus a furore revocare. Vicit amentia levissimi hominis nostram prudentiam. Nec tamen tantum in statuenda Lepidi statua factum est mali, quantum in evertenda boni. Satis multa de honoribus. Nunc de poena pauca sunt dicenda. Intellexi enim ex tuis saepe literis, te in iis, quos bello devicisti, clementiam tuam velle laudari. Existimo equidem nihil a te, nisi sapienter. Sed sceleris poenam praetermittere (id enim est, quod vocatur ignoscere) etiam si in ceteris rebus tolerabile est, in hoc bello perniciosum puto. Nullum enim bellum civile fuit in nostra republica omnium, quae memoria mea fuerunt, in quo bello non, utracumque pars vicisset, tamen aliqua forma esset futura reipublicae. Hoc bello victores quam rempublicam simus habituri, non facile affirmaverim; victis certe nulla unquam erit. Dixi igitur sententias in Antonium, dixi in Lepidum severas: neque tam ulciscendi causa, quam ut et in praesens sceleratos cives timore ab impugnanda patria deterrerem; et in posterum, documentum statuerem, ne quis talem

Nec tamen is sum) Male Lambinus *nec enim is sum*. — *Documentum*) Suspectum erat Grutero. Id tamen defendit I. F. Gronov. obs. IV, 11.

amentiam vellet imitari. Quamquam haec quidem sententia non magis mea fuit, quam omnium. In qua videtur illud esse crudele, quod ad liberos, qui nihil meruerunt, poena pervenit. Sed id et antiquum est, et omnium civitatum: siquidem etiam Themistocli liberi eguerunt. Et si iudicio damnatos eadem poena sequitur cives, qui potuimus leniores esse in hostes? Quid autem queri potest quisquam de me, qui, si vicisset, acerbiorum se in me futurum fuisse confiteatur necesse est? Habes rationem mearum sententiarum, de hoc genere dumtaxat honoris et poenae. Nam de ceteris rebus quid senserim, quidque censuerim, audisse te arbitror. Sed haec quidem non ita necessaria. Illud valde necessarium, Brute, te in Italiam cum exercitu venire quam primum: summa est expectatio tui. Quod si Italiam attigeris, ad te concursus fiet omnium. Sive enim vicerimus (qui quidem pulcherrime viceramus, nisi Lepidus perdere omnia, et perire ipse cum suis concupivisset) tua nobis auctoritate opus est ad collocandum aliquem civitatis statum: siue etiam nunc certamen reliquum est, maxima spes est quum in auctoritate tua, tum in exercitu tui viribus. Sed propera, per deos; scis enim, quantum sit in temporibus, quantum in celeritate. Sororis tuae filiis quam diligenter consulam, spero te ex matris et ex sororis literis cogniturum. Qua in causa maiorem habeo rationem tuae voluntatis, quae mihi carissima est, quam, ut quibusdam videor, constantiae meae. Sed ego nulla in re malo, quam te amando constans et esse et videri.

Quod si) Sic I. Gronov. e cod. Balliol. et edd. aliquot vet. Vulgo *qui si*.

XVI.

Graviter reprehendit Ciceronis ad Octavium epistolam, qua eum rogarat, ut liberatores patriae salvos vellet.

BRVTVS CICERONI S.

Particulam literarum tuarum, quas misisti Octavio, legi, missam ab Attico mihi. Studium tuum, curaue de salute mea, nulla me nova voluptate affecit. Non solum enim usitatum, sed etiam quotidianum est, aliquid audire de te, quod pro nostra dignitate fideliter atque honorifice dixeris, aut feceris. At dolore, quantum animo maximum capere possum, eadem illa pars epistolae, scriptae ad Octavium de nobis, affecit. Sic enim illi gratias agis de republica, tam suppliciter, ac demisse (quid scribam? pudet conditionis ac fortunae: sed tamen scribendum est) commendas nostram salutem illi; quae morte qua non perniciosior? ut prorsus praete feras, non sublatam dominationem, sed dominum commutatum esse. Verba tua recognosce, et aude negare, servientis adversus regem istas esse preces. Vnum ais esse, quod ab eo postuletur et exspectetur: ut eos cives, de quibus viri boni populusque romanus bene existimet, salvos velit. Quid, si nolit? non erimus? Atqui non esse, quam esse per illum, praestat. Ego, medius fidiis, non existimo, tam omnes deos aversos esse a salute populi romani, ut Octavius orandus sit pro salute cuiusquam civis, non dicam pro liberatoribus orbis terrarum. Iuvat enim magnifice loqui: et certe decet, adversus ignorantes, quid pro quoque timendum, aut a quoque petendum sit. Hoc tu, Cicero, posse fateris Octavium, et illi amicus es? aut, si me carum habes, vis Romae videri; quum, ut

ibi esse possem, commendandus pucro illi fuerim? Cui quid agis gratias, si, ut nos salvos esse velit et patiat, rogandum putas? An hoc pro beneficio est habendum, quod se, quam Antonium, esse maluerit, a quo ista petenda essent? Vindici quidem alienae dominationis, non vicario, ecquis supplicat, ut optime meritis de republica liceat esse salvus? Ista vero imbecillitas et desperatio, cuius culpa non magis in te residet, quam in omnibus aliis, et Caesarem in cupiditatem regni impulit, et Antonio post interitum illius persuasit, ut interfecti locum occupare conaretur; et nunc pucrum istum extulit, ut tu iudicares, precibus esse impetrandam salutem talibus viris, misericordiaque unius, vix etiam nunc viri, tutos fore nos, hand ulla alia re. Quod si Romanos nos esse meminissemus, non audacius dominari cuperent postremi homines, quam id nos prohiberemus; neque magis irritatus esset Antonius regno Caesaris, quam ob eiusdem mortem deterritus. Tu quidem consularis, et tantorum scelerum vindex (quibus oppressis, vereor, ne in breve tempus dilata sit abs te perniciēs), qui potes intueri quae gesseris, simul et ista vel probare, vel ita demisse ac facile pati, ut probantis speciem habeas? Quod autem tibi cum Antonio privatum odium? Nempe quia postulabat haec, salutem ab se peti; precariam nos incolumitatem habere, a quibus ipse libertatem accepisset; esse arbitrium suum de republica. Quaerenda esse arma putasti, quibus dominari prohiberetur: scilicet, ut illo prohibito, roga-remus alteram, qui se in eius locum reponi pateretur, an ut esset sui iuris ac mancipii respublica? nisi forte non de servitute, sed de conditione serviendi recusatum est a nobis. Atqui non solum bono domino potuimus Antonio tolerare nostram fortunam, sed

etiam beneficiis atque honoribus, ut participes, frui, quantis vellemus. Quid enim negaret iis, quorum patientiam videret maximum suae dominationis praesidium esse? Sed nihil tanti fuit, quo venderemus fidem nostram et libertatem. Hic ipse puer, quem Caesaris nomen incitare videtur in Caesaris interfectores, quanti aestimet (si sit commercio locus) posse, nobis auctoribus, tantum, quantum profecto poterit, quoniam vivere, et pecunias habere, et dici consulares volumus? Ceterum nequicquam perierit ille: cuius interitu quid gavisi sumus, si mortuo nihilo minus servituri eramus? Nulla cura ab aliis adhibeatur: sed mihi prius omnia dii deaeque eripuerint, quam illud iudicium, quo non modo heredi eius, quem occidi, non concesserim, quod in illo non tuli, sed ne patri quidem meo, si reviviscat, ut, patiente me, plus legibus ac senatu possit. An hoc tibi persuasum est, fore ceteros ab eo liberos, quo invito nobis in ista civitate locus non sit? Qui porro id, quod petis, fieri potest, ut impetres? Rogas enim, velit nos salvos esse. Videmur ergo tibi salutem accepturi, quum vitam acceperimus? quam, si prius dimittimus dignitatem et libertatem, qui possumus accipere? An tu Romae habitare, id putas incolumem esse? Res, non locus oportet praestet istuc mihi. Neque incolumis fui Caesare vivo, nisi postquam illud conspici facinus: neque usquam exsul esse possum, dum servire, et pati contumelias, peius odero malis omnibus aliis. Nonne hoc est in easdem tenebras recidisce, quum ab eo, qui tyranni nomen ascivit sibi (quum in graecis civitatibus liberi tyrannorum, oppressis illis, eodem supplicio afficiantur), petitur, ut vindi-

Negaret iis) Recte *Ern. negaret*
legendum esse censuit, pro vulg. *ne-*

get, quia sequitur *videret*.

Adhibeatur) Codd. Pall. *adhibetur*.

ces atque oppressores dominationis salvi sint? Hanc ego civitatem videre velim, aut putem ullam, quae ne traditam quidem atque inculcatam libertatem recipere possit, plusque timeat in puero nomen sublatis regis, quam confidat sibi, quum illum ipsum, qui maximas opes habuerit, paucorum virtute, sublatum videat? Me vero posthac ne commendaveris Caesari tuo: ne te quidem ipsum, si me audies. Valde care aestimas tot annos, quot ista aetas recipit, si propter eam causam puero isti supplicaturus es. Deinde quod pulcherrime fecisti, ac facis in Antonio, vide ne convertatur a laude maximi animi ad opinionem formidinis. Nam si Octavius tibi placet, a quo de nostra salute petendum sit: non dominum fugisse, sed amicio-rem dominum quaesisse videberis. Quem quod laudas ob ea, quae adhuc fecit, plane probō: sunt enim laudanda, si modo contra alienam potentiam, non pro sua suscepit eas actiones. Quum vero iudicas, tantum illi non modo licere, sed etiam a te ipso tribuendum esse, ut rogandus sit, ne nolit esse nos salvos; nimium magnam mercedem statuis. Id enim ipsum illi largiris, quod per illum habere videbatur respublica. Neque hoc tibi in mentem venit, si Octavius ullis dignus sit honoribus, quia cum Antonio bellum gerat: iis, qui illud malum exciderint, cuius istae reliquiae sunt, nihil, quo expleri possit eorum meritum, si omnia simul congesserit. At vide, quanto diligentius homines metuant, quam meminerint, quia Antonius vivat, atque in armis sit. De Caesare vero, quod fieri potuit ac debuit, transactum est: neque iam revocari in integrum potest. Octavius is est, qui quid de nobis iudicaturus sit, expectet populus ro-

Valde care aestimas — recipit) Ernestius malebat *valde care aestimas annos quos ista aetas recipit.*

manus? nos hi sumus, de quorum salute unus homo rogandus videatur? Ego vero, ut istuc revertar, is sum, qui non modo non supplicem, sed etiam coërciam postulantes, ut sibi supplicetur. Aut longe a servientibus abero, mihiq̃ue esse iudicabo Romam, ubicumq̃ue liberum esse licebit; ac vestri miserebor, quibus nec aetas, neque honores, neque virtus aliena dulcedinem vivendi minuere potuerit. Mihi quidem ita beatus esse videbor, si modo constanter ac perpetuo placebit hoc consilium, ut relata[m] pute[m] gratiam pietati meae. Quid enim est melius, quam memoria recte factorum, et libertate contentum negligere humana? Sed certe non succumbam succumbentibus; nec vincar ab iis, qui se vinci volunt; experiarq̃ue, et tentabo omnia; neque desistam abstrahere a servitio civitatem nostram. Si sequuta fuerit, quae debet, fortuna, gaudebimus omnes; sin minus, ego tamen gaudebo. Quibus enim potius haec vita factis aut cogitationibus traducatur, quam iis, quae pertinuerint ad liberandos cives meos? Te, Cicero, rogo atq̃ue hortor, ne defatigare, neu diffidas: semper in praesentibus malis prohibendis, futura quoque, nisi ante sit occursum, explores, ne se insinuent: fortem et liberum minimum, quo et consul, et nunc consularis rempublicam vindicasti, sine constantia et aequalitate nullum esse putaris. Fateor enim, durio[re]m esse conditionem spectatae virtutis, quam incognitae. Benefacta pro debitis exigimus: quae aliter eveniunt, ut decepti ab his, infesto animo reprehendimus. Itaque resistere Antonio Ciceronem, etsi magna laude dignum est, tamen, quia ille consul, hunc consulari merito praestare videtur, nemo admiratur. Idem

Quae aliter eveniant) Sic Ern. cum MSS. compluribus et ed. Rom. Vulgo *quae si aliter eveniunt*.

Cicero si flexerit adversus alios iudicium suum, quod tanta firmitate ac magnitudine direxit in exturbando Antonio, non modo reliqui temporis gloriam eripuerit sibi, sed etiam praeterita evanescere coget. Nihil enim per se amplum est, nisi in quo iudicii ratio exstat. Quia neminem magis decet, quam te, rempublicam amare, libertatisque defensorem esse, vel ingenio, vel rebus gestis, vel studio, atque efflagitatione omnium. Quare non Octavius est rogandus, ut velit nos salvos esse: magis tu te exsuscita, ut eam civitatem, in qua maxima gessisti, liberam atque honestam fore putes, si modo sint populo duces ad resistendum improborum consiliis.

XVII.

De Ciceronis nimio in Octavio ornando studio vehementer conqueritur, eundemque graviter reprehendit, qui, quum Antonii dominationem oppresserit, novam in Octavio stabilit et confirmet.

BRVTVS ATTICO S.

Scribis mihi, mirari Ciceronem, quod nihil significem unquam de suis actis. Quoniam efflagitas, coactu tuo scribam, quae sentio. Omnia fecisse Ciceronem optimo animo, scio. Quid enim mihi exploratius esse potest, quam illius animus in rempublicam? Sed quaedam mihi videtur, quid dicam? imperite, vir omnium prudentissimus; an ambitione fecisse; qui valentissimum Antonium suscipere pro republica non dubitarit inimicum? Nescio, quid scribam tibi, nisi unum: pueri et cupiditatem et licentiam potius esse irritatam, quam repressam a Cicerone; tantumque cum tribuere huic indulgentiae, ut se maledictis non abstineat: iis quidem, quae in ipsum dupliciter reci-

dunt, quod et plures occidit uno, seque prius oportet fateatur sicarium, quam obiciat Cascae, quod obicit: et imitatur in Casca Bestiam. An quia non omnibus horis iactamus Idus Martias, similiter atque ille Nonas Decemb. suas in ore habet, eo meliore conditione Cicero pulcherrimum factum vituperabit, quam Bestia et Clodius reprehendere illius consulatū soliti sunt? Sustinuisse mihi gloriatur bellum Antonii togatus Cicero noster. Quid hoc mihi prodest, si merces Antonii oppressi poscitur, in Antonii locum successio; et si vindex illius mali, auctor existit alterius, fundamentum et radices habituri altiores, si patiamur? ut iam ista, quae facit, non dominationem, sed dominum Antonium timentis sint. Ego autem gratiam non habeo, si quis, dum ne irato serviat, rem ipsam non deprecatur: immo triumphus et stipendium decernitur, et omnibus decretis oruatur. Pudeat concupiscere fortunam, cuius nomen suscepit consularis, ut Ciceronis est. Quoniam mihi tacere non licuit, leges quae tibi necesse est molesta esse. Etenim ipse sentio, quanto cum dolore haec ad te perscripserim: nec ignoro, quid sentias in republica, et quam desperatam quoque sanari putes posse. Nec mehercule te, Atticē, reprehendo. Aetas enim, mores, liberi, segnem efficiunt: quod quidem etiam ex Flavio nostro perspexi. Sed redeo ad Ciceronem. Quid inter Salvidenum et eum interest? Quid autem amplius ille decerneret? Timet, inquires, etiam nunc reliquias belli civilis. Quisquam ergo ita timet profligatum, ut neque potentiam eius, qui exercitum victorem habeat, neque temeritatem pueri putet ex-

Non dominationem, sed dominum Antonium) Sic Eten. Vulgo non dominationem, non, sed dominum An-

tonium. Olivetus conticiebat non dominationem, non dominum, sed Antonium.

Cic. Op. Tom. VIII

T 1

timescendam esse? An hoc ipsum ea re facit, quod illi propter amplitudinem omnia iam, ultroque deferenda putat? O magnam stultitiam timoris, id ipsum, quod verearis, ita cavere, ut, quum vitare fortasse potueris, ultro arcessas et attrahas! Nimum timemus mortem et exsilium et paupertatem. Haec videntur Ciceroni ultima esse in malis: et, dum habeat a quibus impetret quae velit, et a quibus colatur ac laudetur, servitutem, honorificam modo, non aspernatur: si quidquam in extrema ac miserrima contumelia potest honorificum esse. Licet ergo patrem appellet Octavius Ciceronem, referat omnia, laudet, gratias agat: tamen illud apparebit, verba rebus esse contraria. Quid enim tam alienum ab humanis sensibus est, quam eum patris habere loco, qui ne liberi quidem hominis numero sit? Atqui eo tendit, id agit, ad eum exitum properat vir optimus, ut sit illi Octavius propitius. Ego vero iam iis artibus nihil tribuo, quibus scio Ciceronem instructissimum esse. Quid enim illi prosunt, quae pro libertate patriae, de dignitate, quae de morte, exsilio, paupertate scripsit copiosissime? Quanto autem magis illa callere videtur Philippus, qui privigno minus tribuerit, quam Cicero alieno tribuat? Desinat igitur gloriando etiam insectari dolores nostros. Quid enim nostra, victum esse Antonium, si victus est, ut alii vacaret, quod ille obtinuit? tametsi tuae literae dubia etiam nunc significant. Vivat hercule Cicero, qui potest, supplex et obnoxius, si neque aetatis, neque honorum, neque rerum gestarum pudet. Ego certe, quin cum ipsa re bellum geram, hoc est, cum regno, et imperiis extraordinariis, et dominatione, et potentia, quae supra leges se esse velit: nulla erit tam bona conditio serviendi, qua deterrear, quamvis sit vir bonus, ut

scribis, Antonius: quod ego nunquam existimaui. Sed dominum, ne parentem quidem, maiores nostri voluerunt esse. Te nisi tantum amarem, quantum Ciceroni persuasum est diligi se ab Octavio, haec ad te non scripsissem. Dolet mihi, quod tu nunc stomacharis, amantissimus tum tuorum omnium, tum Ciceronis. Sed persuade tibi, de voluntate propria mea nihil esse remissum, de iudicio largiter. Neque enim impetrari potest, quin, quale quidque videatur ei, talem quisque de illo opinionem habeat. Vellem mihi scripsisses, quae conditiones essent Atticae nostrae. Potuissem aliquid tibi de meo sensu perscribere. Valitudinem Porciae meae tibi curae esse non miror. Denique quod petis, faciam libenter. Nam etiam sorores me rogant. Et hominem noro, et quid sibi voluerit.

XVIII.

De exercitus in Italiam adducendi necessitate: de sollicitudine sua in retinendo Octavio, pro quo spoponderat pop. rom. de rei pecuniariae difficultate et de Lepidi filiis.

CICERO BRVTO S.

Quum saepe te literis hortatus essem, ut quamprimum reipublicae subvenires, in Italiamque exercitum adduceres, neque id arbitrarer dubitare tuos necessarios: rogatus sum a prudentissima et diligentissima femina, matre tua, cuius omnes curae ad te referuntur, et in te consumuntur, ut venirem ad se a. d. iix Kal. Sext. quod ego, ut debui, sine mora feci. Quum autem venissem, Casca aderat, et Labeo, et Scaptius. At illa retulit, quaesivitque, quidnam mihi videretur: arcesseremus te, atque id tibi conducere putaremus, an tardare et commorari te melius esset.

Respondi id, quod sentiebam et dignitati et existimationi tuae maxime conducere, te primo quoque tempore ferre praesidium labenti et inclinatae reipublicae. Quid enim abesse censes mali in eo bello, in quo victores exercitus fugientem hostem persequi noluerunt? et in quo incolumis imperator, honoribus amplissimis, fortunisque maximis, coniuge, liberis, vobis affinibus ornatus, bellum reipublicae indixerit? Quid dicam, in tanto senatus populiue consensu, quum tantum resideat intra muros mali? Maximo autem, quum haec scribebam, afficiebar dolore, quod, quum me pro adolescentulo ac paenc puero respublica accepisset vadem, vix videbar, quod promiseram, praestare posse. Est autem gravior et difficilior animi et sententiae, maximis praesertim in rebus, pro altero, quam pecuniae obligatio. Haec enim solvi potest, et est rei familiaris iactura tolerabilis: reipublicae quod spoponderis, quemadmodum solvas, nisi id dependi facile patitur, pro quo spoponderis? quamquam et hunc, ut spero, tenebo multis repugnantibus. Videtur enim in eo esse indoles, sed flexibilis aetas, multique ad depravandum parati, qui, splendore falsi honoris obiecto, aciem bonii ingenii praestringi posse confidunt. Itaque ad reliquos hic quoque labor mihi accessit, ut omnes adhibeam machinas ad tenendum adolescentem, ne famam subeam temeritatis. Quamquam quae temeritas est? Magis enim illum, pro quo spopondi, quam me obligavi. Nec vero poenitere potest rempublicam, me pro eo spopondisse, qui fuit in rebus gerendis tum suo ingenio, tum mea promissione constantior. Maximus autem (nisi me forte fallit) in republica nodus est inopia rei pecuniariae.

Praestringi posse confidunt) Ernestius legendum putabat *praestringi posse confidunt*,

Obdurescunt enim magis quotidie boni viri ad vocem tributi: quod ex centesima collatum impudenti censu locupletum in duarum legionum praemiis omne consumitur. Impendent autem infiniti sumtus tum in hos exercitus, quibus nunc defendimur, tum vero in tuum. Nam Cassius noster videtur posse satis ornatus venire. Sed et haec et multa alia coram cupio, idque quam primum. De sororis tuae filiis non exspectavi, Brute, dum scriberes. Omnino iam tempora (bellum enim ducetur) integram tibi causam reservant. Sed ego a principio, quum divinare de belli diuturnitate non possem, ita causam egi puerorum in senatu, ut te arbitror e matris literis potuisse cognoscere. Nec vero ulla res erit unquam, in qua ego non vel vitae periculo ea dicam, eaque faciam, quae te velle, quaeque ad te pertinere arbitrer. Vale. vi Kalend. Sext.

Obdurescunt) Manut. malebat *ob-*
surdescunt.

Arbitrer) Sic Ern. ex ed. Rom.
Vulg. *arbitror.* Ed. Crataudri *arbi-*
trabor.

M. TVLLII CICERONIS
EPISTOLARVM
AD M. BRVTVM

ET

M. BRVTI AD CICERONEM

LIBER SECVNDVS. 1

I.

In summo discrimine rem esse scribit, neque se tamen desperare: celeritatem in consulibus desiderat et prudentiam: maximam spem esse in Bruto et Cassio.

CICERO BRVTO S.

Quum haec scribebam, res existimabatur in extremum adducta discrimen: tristes enim de Bruto nostro literae nuntiique adferebantur. Me quidem non maxime conturbabant. Illis enim exercitibus ducibusque, quos habemus, nullo modo poteram diffidere. Neque assentiebar maiori parti hominum. Fidem enim consulum non condemnabam, quae suspecta vehementer erat. Desiderabam nonnullis in rebus prudentiam et celeritatem; qua si essent usi, iampridem rempublicam recuperassemus. Non enim iguoras, quanta momenta sint in republica temporum; et quid intersit, idem illud utrum ante, an post decernatur, suscipiatur, agatur. Omnia, quae severe decreta sunt hoc

(1) In edd. hic liber vulgo sic inscribitur: *Epistolae ad Brutum a Germanis repertae et editae.*

Condemnabam) Ernestius malebat *contemnebam.*

tumultu, si aut, quo die dixi sententiam, perfecta essent, et non in diem ex die dilata, aut quo ex tempore suscepta sunt, ut agerentur, non tardata et procrastinata, bellum iam nullum haberemus. Omnia, Brute, praestiti reipublicae, quae praestare debuit is, qui esset in eo, in quo ego sum, gradu senatus populi-que indicio collocatus: nec illa modo, quae nimirum sola ab homine sunt postulanda, fidem, vigilantiam, patriae caritatem; ea sunt enim, quae nemo est, qui non praestare debeat; ego autem ei, qui sententiam dicat in principibus de republica, puto etiam prudentiam esse praestandam: nec me, quum mihi tantum sumpserim, ut gubernacula reipublicae prenderem, minus putarim reprehendendum, si inutiliter aliquid senatui suasuerim, quam si infideliter. Acta quae sint, quaeque agantur, scio perscribi ad te diligenter. Ex me autem illud est, quod te velim habere cognitum, meum quidem animum in aciem esse; neque respectum ullum quaerere, nisi me utilitas civitatis forte converterit. Maiores autem partes animi te Cassiumque respiciunt. Quamobrem ita te para, Brute, ut intelligas, aut, si hoc tempore bene res gesta sit, tibi meliorem rempublicam esse faciendam; aut, si quid offensum sit, per te esse eandem recuperandam.

II.

De Planci egregio in rempublicam animo, et suis cum Servilio in senatu de Planco contentionibus, quibus eum tandem fregit.

CICERO BRUTO S.

Planci animum in rempublicam egregium, legiones, auxilia, copias ex literis eius, quarum exemplum tibi missum arbitror, perspicere potuisti. Lepidi, tui necessarii, qui secundum fratrem affines habet quos oderit proximos, levitatem et inconstantiam animumque semper inimicum reipublicae iam credo tibi ex tuorum literis esse perspectum. Nos exspectatio sollicitat, quae est omnis iam in extremum adducta discrimen. Est enim spes omnis in Bruto expediendo, de quo vehementer timebamus. Ego hic cum homine furioso satis habeo negotii, Servilio, quem tuli diutius, quam dignitas mea patiebatur: sed tuli reipublicae causa, ne darem perditis civibus hominem, parum sanum illum quidem, sed tamen nobilem, quo concurrerent; quod faciunt nihilo minus; sed eum alienandum a republica non putabam. Finem feci eius ferendi. Coeperat enim esse tanta insolentia, ut neminem liberum duceret. In Planci vero causa exarsit incredibili dolore, mecumque biduum ita contendit, et a me ita fractus est, ut eum in perpetuum modestiorem sperem fore. Atque in hac contentione ipsa, quum maxime res ageretur a. d. V Id. Aprilis, literae mihi in senatu redditae sunt a Lentulo nostro, de Cassio, de legionibus, de Syria: quas statim quum recitavissem, cecidit Servilius, complures praeterea. Sunt enim insignes aliquot, qui improbissime sentiunt: sed acerbissime tulit Servilius, assensum esse mihi de

Planco. Magnum illud monstrum in republica est.

.

Deest huius epistolae pars extrema.

III.

*De Dolabellae crudelitate, Antistii liberalitate,
et Ciceronis filii laudibus.*

BRVTVS CICERONI S.

Deest principium epistolae.

. sed quo nos amisisse: quem sic vexari a Dolabella audio, ut iam non videatur crudelissimum eius facinus interfectio Trebonii. Vetus Antistius me tamen pecunia sublevavit. Cicero, filius tuus, sic mihi se probat industria, patientia, labore, animi magnitudine, omni denique officio, ut prorsus nunquam dimittere videatur cogitationem, cuius sit filius. Quare quoniam efficere non possum, ut pluris facias eum, qui tibi est carissimus: illud tribue iudicio meo, ut tibi persuadeas, non fore illi abutendum gloria tua, ut adipiscatur honores paternos. Kalend. Apr. Dyrrhachio.

Dyrrhachio) Vulgo *Carachio*, quod nomen alibi nusquam occurrit. Edd. Victor. et Hervag. *Charachio*.

IV.

*Respondet Bruti literis de Cassii et Dolabellae rebus in Asia,
et de Antonio sententiam consultus scribit.*

CICERO BRUTO S.

Datis mane a. d. vi Id. April. Scaptio literis, eodem die tuas accepi Kal. April. Dyrrhachio datas vesperi. Itaque mane prid. Id. Apr. quum a Scaptio certior factus essem, non esse eos profectos, quibus pridie dederam, et statim ire, hoc paululum exaravi ipsa in turba matutinae salutationis. De Cassio laetor, et reipublicae gratulor: mihi etiam, qui, repugnante et irascente Pansa, sententiam dixerim, ut Dolabellam bello Cassius persequeretur. Et quidem audacter dicebam, sine nostro senaticonsulto iam illud eum bellum gerere. De te etiam dixi tum, quae dicenda putavi. Haec ad te oratio perferetur, quoniam te video delectari Philippicis nostris. Quod me de Antonio consulis; quoad Bruti exitum cognorimus, custodiendum puto. Ex his literis, quas mihi misisti, Dolabella Asiam vexare videtur, et in ea se gerere teterrime. Compluribus autem scripsisti, Dolabellam a Rhodiis esse exclusum: qui si ad Rhodum accessit, videtur mihi Asiam reliquisse. Id si ita est, istic tibi censeo commorandum: sin eam semel cepit, mihi crede, . . non erit. Id. April.

*Sine nostro) Nostro non placet; Ed. Centaundri est etiam senati consulto.
nec enim solet tale pronomen addi. Eam.
Verbo decreti solet addi non illi. In*

V.

*De Trebonii morte et provincia scribit. De Antonio consulit.
De rebus a Cassio gestis quid fieri velit, ostendit. Orationes
Ciceronis laudat, et pecuniam supplementumque postulat*

BRVTVS CICERONI S.

Literas tuas valde exspecto, quas scripsisti post nuntios nostrarum rerum, et de morte Trebonii: non enim dubito, quin mihi consilium tuum explices. Indigno scelere et civem optimum amisimus, et provinciae possessione depulsi sumus, quam recuperari facile est. Neque minus turpe aut flagitiosum erit, si potest, non recuperari. Antonius adhuc est nobiscum: sed mediusfidius et moveor hominis precibus, et timeo, ne illum aliquorum furor excipiat: plane aestuo. Quod si scirem, quid tibi placeret, sine sollicitudine essem. Id enim optimum esse, persuasum esset mihi. Quare quam primum fac me certiore, quid tibi placeat. Cassius noster Syriam, legiones Syriacas habet, ultro quidem a Murco et a Marcio, et ab exercitu ipso arcessitus. Ego scripsi ad Tertiam sororem, et matrem, ne prius ederent hoc, quod optime ac felicissime gessit Cassius, quam tuum consilium cognovissent, tibi que visum esset. Legi orationes duas tuas, quarum altera Kal. Ian. usus es: altera de literis meis, quae habita est abs te contra Calpurnum. Nunc scilicet hoc exspectas, dum eas laudem. Nescio animi, an ingenii tui maior in his libellis laus contineatur. Iam concedo, ut vel Philippici vocentur, quod tu quadam epistola iocans scripsisti. Duabus rebus egemus, Cicero, pecunia et supplemento: quarum altera potest abs te expediri, ut aliqua pars militum istinc mittatur nobis, vel secreto consilio adversus Pansam, vel actione in senatu: altera, quae

magis est necessaria, neque meo exercitui magis, quam reliquorum. Hoc magis doleo, Asiam * * at in Asiam censeo persequendum. Nihil mihi videris hoc tempore melius acturus.

VI.

Respondet epistolae superiori.

CICERO BRVTO S.

Quod egere te duabus necessariis rebus scribis, supplemento et pecunia, difficile consilium est. Non enim mihi occurrunt facultates, quibus nti te posse videam, praeter illas, quas senatus decrevit, ut pecunias a civitatibus mutuas sumeres. De supplemento autem non video quid fieri possit. Tantum enim abest, ut Pansa de exercitu suo, ut delectu tibi aliquid tribuat, ut etiam moleste ferat, tam multos ad te ire voluntarios: quomodo quidem credo, quod his rebus, quae in Italia decernuntur, nullas copias nimis magnas esse arbitretur: quomodo autem multi suspicantur, quod ne te quidem nimis firmum esse velit; quod ego non suspicor. Quod scribis te ad Tertiam sororem scripsisse, ut ne prius ederent ea, quae gesta a Cassio essent, quam mihi visum esset, video te veritum esse id, quod verendum fuit, ne animi partium Caesaris, quomodo etiam nunc partes appellantur, vehementer commoverentur. Sed antequam tuas literas accepimus, audita res erat, et pervulgata: tui etiam tabellarii ad multos familiares tuos literas attulerant. Quare neque suppressenda res erat, praesertim quum id fieri non posset, neque si posset, non divulgandam potius, quam occultandam putarem. De Cicerone meo, et si tantum est in eo, quantum

scribis, tantum scilicet, quantum debeo, gaudeo: et si, quod amas eum, eo maiora facis: id ipsum incredibiliter gaudeo, a te eum diligi.

VII.

De tota constitutione belli quid sentiat perscribit, et Brutum ad maiorem severitatem, proposito reipubl. summo periculo, excitat.

CICERO BRVTO S.

Quae literae tuo nomine recitatae sint Id. April. in senatu, eodemque tempore Antonii, credo ad te scripsisse tuos: quorum ego nemini concedo. Sed nihil necesse erat eadem omnes: illud necesse me ad te scribere, quid sentirem de tota constitutione huius belli, et quo iudicio essem, quaque sententia. Voluntas mea, Brute, de summa republica semper eadem fuit, quae tua: ratio quibusdam in rebus (non enim omnibus) paulo fortasse vehementior. Scis mihi semper placuisse, non rege solum, sed regno liberari rempublicam. Tu lenius, immortalis omnino cum tua laude: sed quid melius fuerit, magno dolore sentimus, magno periculo sentimus. Recentis illo tempore, tu omnia ad pacem, quae oratione confici non poterat; ego omnia ad libertatem, quae sine pace nulla est; pacem ipsam bello atque armis effici posse arbitrabar. Studia non deerunt arma poscentium, quorum repressimus impetum, ardoremque restinximus. Itaque res in eum locum venerat, ut nisi Caesari Octaviano deus quidam illam mentem dedisset, in potestatem perditissimi hominis et turpissimi M. Antonii veniendum fuerit: quocum vides hoc tempore ipso, quod sit, quantumque certamen. Id profecto nullum esset, nisi tum conservatus esset Antonius. Sed haec

omitto. Res enim a te gesta memorabilis et paene caelestis repellit omnes reprehensiones: quippe quae ne laude quidem satis idonea affici possit. Exstitisti nuper vultu severo: exercitum, copias, legiones idoneas per te brevi tempore comparasti. Dii immortales! qui ille nuntius, quae illae literae, quae laetitia senatus, quae alacritas civitatis erat! nihil unquam vidi tam omnium consensione laudatum. Erat expectatio reliquiarum Antonii; quem equitatu, legionibusque magna ex parte spoliaras. Ea quoque habuit exitum optabilem. Nam tuae literae, quae recitatae in senatu sunt, et imperatoris consilium, et militum virtutem, et industriam tuorum, in quibus Ciceronis mei, declarant. Quod si tuis placuisset, de his literis referri, et nisi in tempus turbulentissimum, post discessum Pansae consulis, incidissent, honos quoque iustus et debitus diis immortalibus decretus esset. Ecce tibi idibus April. advolat mane celer Pilus, qui vir! dii boni, quam gravis! quam constans! quam bonarum in republica partium! Hic epistolas affert duas, unam tuo nomine, alteram Antonii; dat Servilio tribuno plebis; ille Cornuto: recitantur in senatu. ANTONIVS PROCOS. magna admiratio, ut si esset recitatum, DO-LABELLA IMPERATOR, a quo quidem venerant tabellarii: sed nemo Pili similis, qui proferre literas auderet, aut magistratibus reddere. Tuae recitantur, breves illae quidem, sed in Antonium admodum lenes; vehementer admiratus senatus; mihi autem non erat explicatum, quid agerem; falsas dicerem? quid si tu eas approbasses? confirmarem? non erat dignitatis tuae; itaque ille dies silentio. Postridie autem quum sermo increbuisse, Pilusque oculos vehementius hominum offendisset, natum omnino est principium a me. De procos. Antonio multa; Sextius causae non

defuit. Post mecum: quanto suum filium, quanto meum in periculo futurum duceret, si contra procos. arma tulissent. Nosti hominem: causae non defuit. Dixerunt etiam alii. Labeo vero noster nec signum tuum in epistola, nec diem appositum, nec te scripsisse ad tuos, ut soleres. Hoc cogere volebat, falsas literas esse, et, si quaeris, probabat. Nunc tuum est consilium, Brute, de toto genere belli. Video te lenitate delectari, et eum putare fructum esse maximum: praeclare quidem, sed aliis rebus, aliis temporibus, locus esse solet debetque clementiae. Nunc quid agitur, Brute? templis deorum immortalium imminet hominum egentium et perditorum spes, nec quidquam aliud decernitur hoc bello, nisi utrum simus, necne. Cui parcimus, aut quid agimus? His ergo consulimus, quibus victoribus vestigium nostrum nullum relinquetur? Nam quid interest inter Dolabellam, et quemvis Antoniorum trium? quorum si cui parcimus, duri fuimus in Dolabella. Haec ut ita sentiret senatus populusque romanus, etsi res ipsa cogebat, tamen maxima ex parte nostro consilio atque auctoritate perfectum est. Tu si hanc rationem non probas, tuam sententiam defendam, non relinquam meam. Neque dissolutum a te quidquam homines exspectant, neque crudele. Huius rei moderatio facilis est, ut in duces vehemens sis, in milites liberalis. Ciceronem meum, mi Brute, velim quam plurimum tecum habeas. Virtutis disciplinam meliorem reperiet nullam, quam contemplationem atque imitationem tui. XIII kalend. Maii.

VIII.

Gravis et vehemens invectiva in Octavium, qui subito commutata voluntate optimatum et senatus partes reliquerat, et se ad Antonium contulerat.

CICERO OCTAVIO S.

Si per tuas legiones mihi licitum fuisset, quae nomini meo, populoque romano sunt inimicissimae, venire in senatum, coramque de republica disputare, fecissem: neque tam libenter, quam necessario. Nulla enim remedia, quae vulneribus adhibentur, tam faciunt dolorem, quam quae sunt salutaria. Sed quoniam cohortibus armatis circumseptus senatus, nihil aliud vere potest decernere, nisi timere (in Capitolio signa sunt, in urbe milites vagantur, in Campo castra ponuntur, et Italia tota, legionibus ad libertatem nostram conscriptis, ad servitutem adductis, equitatuque exterarum nationum, distinetur) cedam tibi in praesentia foro, curia, et sanctissimis deorum immortalium templis: in quibus reviviscente iam libertate, deinde rursus oppressa, senatus nihil consulitur, timet multa, assentitur omnia. Post etiam paulo, temporibus ita postulantibus, cedam urbe: quam per me conservatam, ut esset libera, in servitute videre non potero. Cedam vita, quae quamquam sollicita est, tamen, si profutura est reipublicae, bona spe posteritatis me consolatur: qua sublata, non dubitanter occidam, atque ita cedam, ut fortuna iudicio meo, non animus mihi defuisse videatur. Illud vero, quod et praesentis doloris est indicium, et praeteritae iniuriae testimonium, et absentium sensus significatio, non praetermittam, quin, quoniam coram id facere prohibeor, absens prosim: siquidem mea salus aut utilis reipublicae est, aut coniuncta certe

publicae salutis. Nam, per deum immortalium fidem (nisi forte frustra eos appello, quorum aures atque animus a nobis abhorrent) perque fortunam populi romani (quae, quamquam nobis infesta est, fuit aliquando propitia, et ut spero, futura est) quis tam expers humanitatis, quis huius urbis nomini ac sedibus usque adeo est inimicus, ut ista aut dissimulare possit, aut non dolere? aut, si nulla ratione publicis incommodis inderi queat, non morte proprium periculum vitet? Nam, ut ordiar ab initio, et perducam ad extremum, et novissima conferam primis, quae non posterior dies acerbior priore? et quae non insequens hora antecedente calamitosior populo romano illuxit? M. Antonius, vir animi maximi (utinam etiam sapientis consilii fuisset!) C. Caesare fortissime, sed parum feliciter, a reipublicae dominatione summo, concupierat magis regium, quam libera civitas pati poterat, principatum. Publicam dilapidabat pecuniam, aerarium exhauriebat, minuebat vectigalia, donabat civitates: ex commentario dictaturam gerebat; leges imponebat; prohibebat dictatorem creari plebiscito; ipse regnabat in consulatu; provincias unus omnes concupiebat. Cui sordebat Macedonia provincia, quam victor sibi sumpserat Caesar, quid de hoc sperare aut exspectare nos oportebat? Exstitisti tu vindex nostrae libertatis, ut tunc quidem, optimus (quod utinam neque nostra nos opinio, neque tua fides fefelleret!) et veteranis in unum conductis, et duabus legionibus a pernicie patriae ad salutem advocatis, subito prope iam allectam ac prostratam rempublicam tuis opibus extulisti. Quae tibi non ante, quam postulares, maiora quam velles, plura quam sperares, detulit senatus? Dedit fasces, ut cum auctoritate defensorem haberet, non ut imperio se adversum arma-

ret. Appellavit imperatorem, hostium exercitu pulso, tribuens honorem, non ut sua caede caesus ille fugiens exercitus te nominaret imperatorem. Decrevit in foro statuam, locum in senatu, summum honorem ante tempus. Si quid aliud est, quod dari possit, addat. Quid aliud est maius, quod velis sumere? Sin autem supra aetatem, supra consuetudinem, supra etiam mortalitatem tuam tibi sunt omnia tributa: cur aut ingratus crudeliter, aut immemor beneficii sceelerate circumscribis senatum? Quo te misimus? a quibus reverteris? contra quos armavimus? quibus arma cogitas inferre? a quibus exercitum abducis? et quos adversus aciem struis? Cur hostis relinquitur? civis hostis loco ponitur? cur castra medio itinere longius adversariorum castris, et propius urbem moventur? O me nunquam sapientem, et aliquando id, quod non eram, frustra existimatum! quantum te, popule romane, de me fefellit opinio! O meam calamitosam ac praecipitem senectutem! O turpem exacta dementique aetate caniciem! Ego patres conscriptos ad parricidium induxi; ego rempublicam fefelli; ego ipse senatum sibi manus alferre coëgi, quum te, Iunonium puerum, et matris tuae partum aureum esse dixi. At te fata patriae Paridem futurum praedicabant, qui vastares urbem incendio, Italiam bello, qui castra in templis deorum immortalium, senatus in castris habiturus esses. O miseram, et in brevi tam celerem et tam variam reipublicae commutationem! Quisnam tali futurus ingenio est, qui possit haec ita mandare literis, ut facta, non ficta videantur esse? Quis erit tanta animi facilitate, qui, quae verissime memoria propagata fue-

(1) Gronovio placebat lectio cod. Balliol. et add. velt, cur aut ut ingru-

tum crudeliter, aut ut immemorem beneficii tui circumscribis senatum.

rint, non fabulae similia sit existimaturus? Cogita enim Antonium hostem iudicatum, ab eo circum-
sessum consulem designatum, eundemque reipublicae
parentem: te profectum ad consulem liberandum et
hostem opprimendum, hostemque a te fugatum, et
consulem obsidione liberatum: deinde paulo post
fugatum illum hostem arcessitum, tamquam cohere-
dem mortua republica ad bona populi romani rapien-
da: consulem designatum rursum inclusum eo, ubi
se non moenibus, sed fluminibus et montibus tuere-
tur. Haec quis conabitur exponere? quis credere
audebit? liceat semel impune peccasse: sit erranti
medicina confessio. Verum enim dicam. Utinam te
potius, Antoni, dominum non expulsemus, quam
hunc reciperemus! non quod ulla sit optanda servi-
tus, sed quia dignitate domini minus turpis est fortu-
na servi. In duobus autem malis, quum fugiendum
maius sit, levius est eligendum. Ille tamen ea exo-
rabat, quae volebat auferre: tu extorques. Ille con-
sul provinciam petebat: tu privatus concupisti. Ille
ad malorum salutem iudicia constituebat, et leges
ferebat: tu ad perniciem optimorum. Ille a sanguine
et incendio servorum Capitolium tuebatur: tu cruore
et flamma cuncta delere vis. Si, qui dabat provincias
Cassio, et Brutis, et illis custodibus nominis nostri,
regnabat, quid faciet, qui vitam adimit? si qui urbe
eiiciebat, tyrannus erat, quem hunc vocemus, qui ne
locum quidem reliquit exsilio? Itaque si quid illae
maiorum nostrorum sepultae reliquiae sapiunt, si
non una cum corpore sensus omnis uno atque eo-
dem consumptus est igni; quid illis interrogantibus,
quid agat nunc populus romanus, respondebit aliquis

nostrum, qui proximus, in illam aeternam domum decesserit? aut quem accipient de suis posteris nuntium illi veteres Africani, Maximi, Pauli, Scipiones? quid de sua patria audient, quam spoliis triumphisque decorarunt? an esse quendam annos xvii natum, cuius avus fuerit argentarius, adstipulator pater, uterque vero precarium quaestum fecerit, sed alter usque ad senectutem, ut non negaret, alter a pueritia, ut non posset non confiteri: eum agere, rapere rempublicam, cui nulla virtus, nullae bello subactae et ad imperium adiunctae provinciae, nulla dignitas maiorum conciliasset eam potentiam, sed forma per dedecus, pecuniam et nomen nobile consceleratum impudicitia dedisset: veteres vulneribus et aetate confectos Iulianos gladiatores, egentes reliquias Caesaris ludi, ad rudem compulisset? quibus ille septus omnia misceret, nulli parceret, sibi viveret. Qui tanquam in dotali matrimonio rempublicam testamento legatam sibi obtineret. Audient duo Decii servire eos cives, qui ut hostibus imperarent, victoriae se devoverunt. Audiet C. Marius impudico domino parere nos, qui ne militem quidem habere voluit nisi pudicum. Audiet Brutus eum populum, quem ipse primo, post progenies eius a regibus liberavit, pro turpi stupro datum in servitutem. Quae quidem si nullo alio, me tamen internuntio ad illos celeriter deferentur. Nam si vivus ista subterfugere non potero, una cum istis vitam simul fugere decrevi.



INDEX RERVM

QVAE

IN HOC OCTAVO CICERONIS VOLVMINE

CONTINENTVR

Philippica octava	pag. 7
nona	23
decima	31
undecima	45
duodecima	68
tertiadecima	84
quartadecima	112

ORATIONES EX SENTENTIA QVORVMDAM VIRORVM
DOCTORVM CICERONI SVPPOSITAE

Typographi praefatiuncula	133
Frid. Aug. WOLFII praefatio	135
De oratione post reditum in Senatu	156
Oratio post reditum in Senatu	160
De oratione post reditum ad Quirites	201
Oratio ad Quirites post reditum	204
De oratione pro Domo sua	229
Oratio pro Domo sua ad Pontifices	235
De oratione de Haruspicum responsis	347
Oratio de Haruspicum responsis	352

De oratione pro Marcello	411
Oratio pro M. Marcello	418

ORATIONVM FRAGMENTA MAIORA ET MINORA

Oratio pro M. Scauro	435
— pro M. Tullio	486
Orationis in P. Clodium et Curionem fragmenta cum commentario	521
Reliqua fragmenta minora	534 <i>sqq.</i>
Ciceronis Epistolae ad Brutum	605
SCHVITZII prolegomena	607
Epistolarum ad Brutum liber primus	625
liber secundus	662

MENDAE QVAE ADHVC INNOTVERVNT,
SIC CORRIGANTVR:

- Vol. V, pag. 626, lin. 10 in variantibus pro *has* leg. *hae*
 Vol. VII, pag. 260, lin. 16, postremo verbo addatur *Ascon.*
 Vol. VIII, pag. 134, lin. 4, *Sed ante omnia praecibus* leg. *Sed omnibus*
praecibus.
 pag. 506, sinistra latere, lin. ult. leg. *laberentur.*

Si quas alias deprehenderis, benigne Lector, occasionem nactus, mecum
 communicare ne pigeat. TYP.

OCTAVI VOLVMINIS FINIS.







